



BIBL. NAZ.
Vitt. Emanuele III

6
C
29





DE
FUTURO IMPIORUM
STATU
LIBRI TRES

UBI
ADVERSUS DEISTAS, NUPEROS ORIGENISTAS,
ALIOSQUE NOVATORES

ECCLESIAE CATHOLICAE DOCTRINA
DE POENARUM INFERNI VERITATE, QUALITATE, ET AETERNITATE
ASSERITUR ET ILLUSTRATUR;

AUTHORE B. F.

JO. VINCENTIO PATUZZI
ORD. PRÆDICAT. SACRÆ THEOL. LECTORE.

EDITIO SECUNDA.

Ab Autore recognita, et pluribus additamentis locupletata.



VENETIIS,
MDCCLXIV.

EX TYPOGRAPHIA REMONDINIANA,
SUPERIORUM PERMISSU, ac PRIVILEGIO.

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100



PRÆFATIO.



ASU potius, quam præmeditato consilio factum est, ut huic operi construendo manus admoverem. Alio plane cogitationes meas, curasque direxeram, refellendo scilicet cuidam ex Anglia Scriptori, qui paucis ab hinc annis libellum in lucem edidit, in quo de sede Inferni disserens, posthabita omnium sæculorum, ac gentium fide, eam *in Sole* collocandam decernit: jamque omnia ferme paraveram, quæ novæ, ac hactenus inauditæ opinationi confutandæ, & Catholico dogmati illustrando, firmandoque necessaria, aut opportuna visa fuerant; cum auspicato, ut quidem arbitror, ea injecta menti est cogitatio utiliore futurum laborem meum, si quædam obiter præmitterem, ut Inferni ipsius veritatem adstruerem, ejusque pœnas, ac interminabilem durationem, de quibus haud eram nescius hac præsertim tempestate nostra pertinaces a quibusdam moveri lites, & controversias. Verum cum, arrepto consilio, parvo me statim fluvio lubens commisisssem, ostia sensim prætervectus in altum mare delatus sum. Explicuit sese inter scribendum, crevitque in immensum nobilissimi argumenti materies. In, lures incidi de rebus hisce quæstiones aut plane necessarias,

farias, aut admodum utiles, quas piacularæ visum est omnino præterire. Plures etiam, quam ab initio putaveram, nactus sum hostes insensibilissimos, qui aut omnia, aut præcipua ex iis, quæ de futuræ vitæ poenis rata hucusque, & explorata semper habuit Christiana Religio, vel ausu temerario rejicerent, vel tanquam sublesta, & incerta traducerent. Quare, mutata demum sententia, quod levi tantum manu versare in animo fuerat, accurate pro merito, diligenterque discutere, ac pertractare decrevi: atque adeo, quæstione de Sede Inferni in tempus aliud rejecta, novum hoc opus aggressus sum, in quo Catholicæ Ecclesiæ Fidem de alterius vitæ suppliciis, impiis omnibus paratis, quantum pro viribus licuit; defendo, & illustro: unde & illud de futuro Impiorum statu inscribendum celsui.

II. Captum a me consilium nemo, nisi me fallit animus, non probaverit, qui serio perpenderit, quam necesse sit hoc maxime tempore de istiusmodi argumentis differere. Eo nimirum temeritatis delira hac ætate eventum est, ut nihil propemodum sit in Religione Christiana, quod a nefariis quibusdam vel privatim in dubium; vel in controversiam publice non vocetur, scriptisque etiam in lucem editis non oppugnetur. Quid non factum, quid non quotidie fieri cernimus a non paucis sive inter Anglos, sive inter Batavos, Germanosque scriptoribus, ut illustriores Fidei veritates in Christiana gente pacifice regnantes de sede deicerent, quin & ipsa cujusque Religionis fundamenta suffoderent, ac labefacerent? Nemo jam vivit inter eruditos, cui comperta non sint infamia nomina *Benedicti de Spinoza*, & *Joannis Tolandi*, qui peregrinum de divina natura, & operatione systema moliti sunt, ut Atheismum, quem animo præconceperant, securius obtruderent: *Petri Bellii*, qui universalem Pyrrhonismum in litterarium orbem invehere conatus est, nitidioresque veritates offundere: *Antonii Collinii*, qui, iugo quovis excusso, ad effrænem cogitandi, opinandique libertatem humanam mentem excitare impense studuit: *Hobbessii*, *Tindalii*, *Vvollaftonii*, aliorumque perditissimorum, qui non uni, vel alteri ex Ecclesiæ dogmatibus, sed prorsus omnibus, immo toti Religioni bellum inferre, extremasque insidias struere pertentant, pluribus in lucem evulgatis lucubrationibus nocte plusquam cimeria dignissimis. Hi porro, cum cætera quæque arrodant Christianæ Fidei fundamenta, tum illud maxime, vel acie directæ,

vel

vel obliqua, & per cuniculos adoriuntur; quod futuram impiorum punitionem statuit: imo ad hujus perniciem in primis collineant sacrilegæ omnes ipsorum artes, conatusque, ut, vindictæ metu sublato, quæcumque placuerint, & liberius sentiant, & confidentius exequantur.

III. Sed & alii plures diebus hisce nostris eruperunt, qui tamen non eo usque temeritatis, & impudentiæ processerint, ut adversus Religionem aperto Marte depræliantur, vitamque aliam rejiciant, in qua, sicut boni præmia, ita mali digna pro meritis supplicia percipiant; multa tamen ex iis, quæ ab ipsis Ecclesiæ primordiis docuit, docetque Christiana Fides, in quæstionem trahunt, deque impiorum futura sorte aliter sentiendum putant, ac per omnia retro sæcula continenti successione sensit universus Christianifidelium cœtus. Nonnulli siquidem pœnarum rigorem summo opere emolliunt, ac extenuant, quæque de his a sacris oraculis prodita sunt, ad tropos, & allegorias temere detorqueant, ipsamque adeo Inferorum ignem tam frequenter in divinis libris commemoratum, vel in fabulis habent, vel realem esse propriumque negant, & in praviæ conscientiæ stimulis, ac terroribus positum docent. Aliqui etiam damnatos quosque, quibusdam demptis impietatis, & nequitiae monstris, nonnisi privativa pœna puniendos effutunt. Plurimi vero adversus præcipuam, cæterisque omnibus longe terribiliorem pœnarum Inferni conditionem, earundem videlicet æternitatem, insurrexerunt, eamque omnibus artibus, & machinis aggressi sunt. Nam præter Deistas, & incredulos, qui nulla Sacrarum litterarum habita ratione, Catholicum dogma tanquam divinæ Bonitati, ac Justitiæ repugnans intoleranda præfidentia calumniantur, inter ipsos, qui se cultores Christianæ Fidei profitentur, duplex nuper rime emerfit Novatorum genus, qui contempta totius Ecclesiæ doctrina, alia de futura Impiorum sorte systemata procuderunt, ut interminabilem pœnarum durationem everterent. Hinc *Sociniani*, quibus novissime accessit celebris inter Anglos Philosophos *Joannes Lokius*, æternam impiorum pœnam nullam aliam esse pertendunt; quam totalem eorundem, quoad corpus, & animam interitum, sive destructionem, cui propter flagitia vel statim a morte, vel post supremum Judicii diem addicendi sunt. Illinc vero *Nuperi*,
ut

ut audiunt, *Origenista*, quibus cum absurda nimium visa fuerit Socinianorum opinio, Damnatorum omnium *apocatastasim*, sive in statum meliorem restitutionem aliquando futuram commenti sunt, vel potius ex veterum Origenistarum ruderibus instaurarunt: quæ sententia in Anglia primum excitata, ad exitum vertente elapso proxime sæculo, ab obscuro quodam Scriptore *Jana. Leadia* nomen nuncupato, mirum est quam brevi tempore succreverit, quotque in sui amorem, ac patrocinium pertraxerit ex omni ferme recentium Heterodoxorum grege. Quid enim non ausint superba hominum ingenia, quæ salutare Ecclesiæ autoritatis frangum excussere, suoque privato iudicio & arbitrio Fidei doctrinas subiciunt? Novam Hypothesim ex Anglorum natione avidè complexus est *Thomas Burnetus*, palamque propugnat in libro *de statu Mortuorum*, necnon *Jo. Tillotsonus* Archiepiscopus Cantuariensis, qui licet in sermone, quem de hoc argumento publici juris fecit, subobscurè loquatur, eam tamen arridere sibi satis manifestat: Ex Lutheranis *Quillelmus Petersenius*, *Christophorus Gotlierus*, & ex parte, *Samuel Christianus Tauberus*; Ex Arminianis vero, præter alios plures, *Joan. Clericus*, & *Quillel. Kingius*: alii-que permulti ex Calvinistis, quos opportunius alibi referemus, qui scriptis de hac re editis totum fere litterarium Orbem implevere.

IV. Quamobrem nullus dubito, quin satis quisque intelligat referre plurimum, planeque necessarium esse adversum tot Christianæ Religionis hostes audacissimos in Fidei defensionem ac tutelam ad arma prosilire, & eorum temerarios, nimiumque exitiales impetus omni studio, animique contentione retundere. Quod enim in discrimen adducitur, non est privata quædam Theologorum opinio, de qua sentire quodvis liceat citra vel piaculum, vel periculum: neque aliquid ex iis Ecclesiæ dogmatibus, quod levis forte momenti judicari queat; sed unum ex præcipuis Religionis capitibus, & fundamentis, ex quo totius humanæ vitæ recte instituendæ ratio vel maxime pendet, quove, si fieri quidem posset, vel dejecto, vel concusso, omnis pietas, honestas omnis, atque Religio vel penitus concidant, vel admodum vacillent, necesse est. Nam quid amplius sperandum putes a mortalibus in vitia pronis, ac turbidis cupiditatibus in malum vehementer abreptis, si saluberrimum illud, san-

sanctissimumque futuræ vindictæ frænum, quo in officio erga Deum & homines contineri in primis solent, semel excutiant, aut laxent? Nonne consequens est, ut Religionem, ac honestatem abjiciant, effusoque cursu in omnene-fas, ac flagitium proruant? Quod si etiam duntaxat hoc si-bi persuaferint, non alia improbos in futura vita manere supplicia, quam mitiora, vel temporaria, num satis illos a vitio, & scelere deterrendos putabimus, qui plerosque vel horrendis, ac nunquam finem habituris cruciatibus, quos firme se credere profitentur, parum adeo commoveri frequentissime cernimus, ac dolemus?

V. At forte dicat aliquis, rem quidem permagni esse mo-menti, sed haud sane oportere, ut de illa inter Catholicos quæstio moveatur: inter Catholicos, inquam, ubi sacræ do-ctrinæ depositum intemerate custoditur, ubi veritates, quæ in extraneis regionibus in concertationem veniunt, alta pa-ce fruuntur, nec ullus est tam impudens, & impius, qui ad eas appetendas insurgere audeat: quin offendi posse plu-rimorum animos, dum ea ad examen revocari audiunt, quæ ipsi tanquam certissima, ac firmissima semper habue-runt, nullique obnoxia disputationi: adeoque consultius es-se ab hujusce generis controversiis abstinere, quarum tra-ctatio nihil utilitatis, multum vero incommodi, atque pe-riculi afferre potest.

VI. Perperam tamen hæc, & dici, & colligi posse, fa-cile mecum sapiens & prudens quisque consenserit. Pri-mum enim, etiamsi haud necesse foret ad Catholicorum bo-num, & utilitatem de iis veritatibus differere, quas ipsi firmiter retinent, & adversa commenta dissipare, nunquid iccirco ab horum confutatione, Christianæque Fidei defen-sione abstinendum foret? Quot alia sunt, sive inter infide-les, sive inter heterodoxos errorum portenta a Catholicæ Ecclesiæ finibus longeremota, de quibus latissime disceptatur a nostris? Quot absurdissimæ opinationes cum suis jampridem Authoribus conscriptæ, quarum vix tenuis superest in libris memoria, iterum a Theologis exponuntur in lucem, & ac-curato studio refutantur, non sine magno eruditorum plau-su? Num quispiam, horumce laborem improbandum pu-tavit, quod nihil inde commodi, aut emolumenti referat Catholicorum respublica, quæ hujusmodi commenta satis jam damnat, & execratur? Immo potius, sapientum o-mnium

mnium iudicio, singulari laude dignum censetur errores persequi etiam in exterorum castris, & a Religione nostra sejunctis nationibus, ac posse quemquam, prout se occasio tulerit, de fide, quam profitetur, rationem reddere, & adversariorum sophismata dissolvere. Umbras porro, & inania spectra sibi confingit, qui ex rerum aliquin certissimarum examine offensionem fidelium pertimescit. Quis enim offendi merito potest, dum earundem veritas clariore lumine collocatur, & quam firme consistat palam omnibus ostenditur? Nonne citra ullius periculi metum de ipsa a pluribus inter Theologos disputatur existentia supremi Numinis, de ejusdem Sanctitate, & Providentia, deque aliis sacratissimis dotibus, & perfectionibus, quas omnes ad unum Catholici exploratissimas habent, semperque habuerunt! Cur ergo jure metuendum dixerimus ne plures offendantur, dum ea quæ Fides Christiana de futura impiorum animadversione docet, a Novatorum insidiis, atque conatibus vindicantur?

VII. Verum enim vero qui inutile prorsus, ac supervacaneum existimat de certissimis hisce veritatibus dissertationem apud Catholicos instituere, earumque patrocinium suscipere, næ ille nimium peregrinum & hospitem se prodit in rebus humanis, planeque ignarum corruptelæ bonorum omnium lacrimis deplorandæ, quæ etiam inter nos irrepsit, ac serpit. Ea scilicet errorum monstra, quæ expugnanda, & jugulanda aggredimur in hoc opere, quamquam sub alio cælo ortum, & incrementum acceperint, ibidem tamen minime sublitere, sed in Catholicorum quoque fines irruerunt, & lethali afflatu non paucorum animos infecerunt, ac inficere pergunt. Nefarii libri, qui ea continent, in nostras etiam regiones delati, sollicitè quærentur a pluribus; summaque aviditate leguntur, omniumque pestilentissima *Bellii* opera, in quibus novo fūco illita, & Gallicæ linguæ leporebus respersa prostant, quæcumque occurrunt divisim in cæteris, impia dogmata, alicubi etiam scæminarum terminibus non sine ingenti animi commotione pluries audivimus. Quæ porro inde mala plerumque sobolescant, vix exprimi verbis potest. Cum enim corrupta hominum natura nihil enixius expetat, quam ut sibi liceat impune, quocumque lubet, facillime se commoveri finit iis argumentis, aut potius

tius sophismatis, & fallacis, quibus futurarum pœnarum metus vel penitus exinguitur, vel saltem debilitatur. Nulla quippe tam certa est, atque perspicua veritas, quæ non aliquibus tenebris, aut suapte natura & indole offundatur, aut sophistarum argutiis offundi non possit, ut sapienter animadvertit S. Augustinus (a). Nimium proinde urgente vesano libertatis stimulo, plures vitæ præsertim solucioris perniciosas doctrinas, quas in pessimis libris legunt, libenter excipiunt, & animo complectuntur, omnemque futuræ ultionis formidinem sensim exuunt, atque projiciunt. Quodque adhuc deterius est, cum sociorum multitudine adversus obstreperem scelorum conscientiam tueri se quodammodo posse blandiantur, minusque imprudentes videri, exitiale venenum, quod imbibere ipsi, aliis quoque epotandum studiose porrigunt, & sub novitatis lenocinio latius effundunt. Nonne (quod satis numquam ingemiscas) etiam inter Catholicos aliquando inveniuntur perditissimi homines, qui in circulis, & congressibus inter dapes & crateres apud amicos, & criminum socios, sermones de futura hominum sorte callide ferunt, ejusque fidem in quæstionem adducunt: qui difficultates aggerunt de Providentia, ac Justitia Dei, deque Animæ immortalitate: qui dubia plura innectunt de Inferni igne, de verme, de Damnatorum carcere, aliisque tormentorum generibus, & commentitias quandoque studio promunt in medium quorundam narrationes, & omnia tanquam aniles fabulas, & puerorum terculamenta securius contemnant, & petulantius irrideant; qui denique Ecclesiæ doctrinam de pœnarum æternitate sophisticis, quas e contagiosis fontibus hauserunt, argumentationibus obducunt, quibus animos jam ad abjiciendum futurorum metum proclives sæpe polluant, atque corrumpunt.

VIII. Cum hæc ita sint, ut experientia nimium frequentiter fateri cogimur, nullus plane inficias iverit; nedum ad Fidei, & Religionis adversum extraneos tutelam, sed etiam ad Catholicorum bonum interesse plurimi, ut summi momenti veritates ab exitiosis, vanisque impiorum hominum commentis asserantur, ac in tuto collocentur, ut abnormes comprimantur Novatorum ausus, impetus retundantur, machinæ disjiciantur, detegantur fraudes, & malæ artes, & quam firmis principiis, & inconcussis fundamentis ni-

b

ta-

(a) Lib. 3. contra Academ. Cap. 14.

tatur Christiana doctrina, depulsis errorum nebulis, omnibus manifestetur. Atque utinam plures inter nostrates Theologos, & Doctores, qui & ingenio, & eruditione præcellunt, hanc sibi provinciam fumerent, ut Ecclesiæ Fidem de rebus tam necessariis omni armorum genere tuerentur, hominumque audacissimorum conatus improbos propulsarent! Amplius isthic apertusque campus oppido pateret ipsis, unde latius excurrerent, summaque cum laude ingenii sui vires exercerent. (a) Sed (quod sæpe dolui, nec dolere desinam) hæc est temporum nostrorum infelix conditio, ut qui majori præstant ingenii vi, & omnigenæ eruditionis subsidiis abundant, hi sæpius ludant operam in rebus vel nullius, vel exigui momenti, ac dummodo novi quidpiam expromant in lucem, quod litteratorum Republicam antea latuerit, disceptare malunt de fabulis, & genealogiis interminatis, quæ quæstiones magis præstant, quam ædificationem, ut dicitur *Prima ad Timoth. cap. 1.*, quam de sacratissimis Religionis nostræ dogmatibus, quæ tanquam argumenta nimium vulgaria, ac viris in orbe litterario clarissimis minus consentanea pene dedignantur. Ad me quod attinet, quamquam vires meas admodum exiguas, & infirmas esse cognoscam, nec tanto argumento pares, eas tamen, qualescumque dedum sint, in præsidium Religionis, & veritatis, in corruptelæ nimium grassantis remedium experiri decrevi, curaque omni, ac studio, quæ de futura impiorum sorte credenda proponit Catholica Ecclesia, illustrare, propugnare, & ab iniquis cavillatoribus asserere. Sic enim futurum facile confido, ut nedum veritas de suis hostibus triumphet, verum etiam, qui hætenus a pestilentibus irreligiosorum hominum vel scriptis, vel sermonibus sibi caverunt, eo diligentius sibi imposterum caveant: qui autem perverfas animo opiniones imbuerunt, eas confestim respuant, ac detestentur, sibi que prudenter consulant in negotio omnium maximo, in quo non de levi aliquo, aut temporario malo, sed de summa agitur ac sempiterna calamitate.

IX.

(a) Hæc vera Theologia est Religionis Christianæ veritatem scire, & a lapsus Atheos, & impios, quorum hæc ætate ingens numerus, posse propugnare, eorumque argumenta dissolvere, non in scholasticis contentionibus plerumque inutilibus, toto vitæ tempore immersa. Natalis Alex. sec. 5. cap. 4. art. 14.

IX. En igitur hujusce a me susceptæ disputationis paucis ob oculos posita methodus & œconomia. Totum opus in tres libros distribuo: in quorum primo extantiam, seu veritatem divinæ vindictæ, quæ improbos post mortem manet, firmissimis argumentis adversum Deistas propugnandam, & vindicandam suscipio: adversus inquam *Deistas*, quo nomine omnes illos *Incredulos*, & *Spiritus fortes* complector, qui Deum quidem fulgentissimæ veritatis luce perculsi negare non audent, negant tamen, aut in dubium vertunt vel peculiariter ipsius de actionibus hominum Providentiam, vel animorum nostrorum immortalitatem, vel futurum alium vitæ statum, in quo impii a Divina justitia puniantur: adeoque Religionem revelatam non agnoscunt, & naturalem etiam vel omnino, vel ex parte subvertunt. Hos ego potissimum refello in hoc priore libro. Veri siquidem Athei, & mea, & aliorum plurium sententia, vel nulli sunt, vel admodum pauci: quos proinde potius negligendos, contemnendosque, quam speciali cura confutandos existimo. Ex iis nihilominus, quæ contra *Deistas* proferemus, quamplura etiam Atheis, si qui sint, debellandis accommodata esse facile constabit. Tria porro sunt argumenta, aut argumentorum genera, quæ in rem hanc opportuniora visa sunt, quantumque viribus meis consequi licet, promoveo urgeoque: primum scilicet ex Dei Sanctitate, Justitia, & Providentiadesumptum: quas præclarissimas dotes constare ipsi minime posse, futura impiorum punitione sublata, luculenter evinco: alterum ex omnium a primis usque temporibus nationum, atque gentium in ea fide, sive persuasione consensu, quem validissimum esse veritatis argumentum, invicta ac plane necessaria consecutione compertum facio: tertium tandem ex revelatæ Religionis doctrina, sive ex divinarum litterarum apertis, ac perspicuis testimoniis; quod probationis genus, tametsi adversum *Deistas* prima facie ineptum videri queat, eo tamen efficaciter urgeri, penitusque prosterni luce clarius ostendo.

X. Erit fortasse nonnemo, qui miretur, & quærat, cur argumentum illud omnino præterierim, quod adversum *Incredulos* alterius vitæ ultionem abnuentes, illustres plurimi Scriptores (a) vel unice, vel maxime promovent, ex

b 2

ani-

(a) D. Dittonus 3. part. suppl. Relig. Demons. Dorellius 3. par. Equit. inst. Authoz. Epist. Crit. Tom. 2. & alii.

animi nempe natura, sicut immateriali, ita & sua sponte immortali. Verum, qui rem sapienti animo reputaverit, facile perspiciet, me non injuria ab hoc abstinuisse argumento. Quamquam enim nullatenus ambigam animos nostros quacumque immunes esse concretionem materiæ, adeoque suapte natura immortales, idque evidenter demonstrari posse consentiam; hoc tamen causæ, qua de agimus, aut nihil, aut parum, meo facile judicio, subservit: tum quia certissimum mihi est æternum manere posse animos, vel miseriæ capaces, vel felicitatis, licet materia aliqua concreti ponantur, ut quidam ex antiquis Philosophis, & etiam Ecclesiæ Patribus reipsa posuerunt. Quis enim fieri nequaquam posse dixerit servare Deum a corruptione, & interitu materialem substantiam, ut quod bonis, vel pravis operibus sibi debitum fecerit, aut præmium referat, aut supplicium? Tum quia ex nativa duntaxat animi nostri immortalitate, nisi aliud quidpiam adjeceris, necessario colligi nequit permanere ipsum ad retributionem aliquam percipiendam. Unde & plures ex Socinianis impiorum animos ex se immortales a Deo destruendos, & in nihilum redigendos opinantur, & nonnulli ex Deistis superstites quidem semper futuros non diffidentur, sed in statu quodam doloris, & afflictionis experite. Fateor tamen non invitus, quod necessaria, me quidem Judice, consecutione non sequitur, sequi saltem conjectura probabili. Sed nos ad congruentem tantummodo rationem proferendam, e re nostra esse non duximus diu detinere lectorem in subtili quæstione pluribusque implicita difficultatibus a vulgari intelligentia semotis, cum præsertim rationes assatim suppetant omnibus perviæ, æque efficacissimæ, quæ rem omnino consciunt, quacumque demum de animorum natura hypothese constituta.

XI. Primo huic libro succedit alter, in quo de qualitate differo, sive conditione pœnarum, quibus impii in futura vita puniendi sunt, easque ex sacrarum litterarum autoritate, & Ecclesiæ documentis percenseo. Nam de impiorum quidem punitione certiores nos faciunt vel sola naturalis rationis evidentissima principia. Quænam vero ea definite futura sit, quove modo exercenda, cum ex supremi Judicis Dei sapientia, justitia, & voluntate pendeat, cognoscere certo non licet, nisi ex ejusdem revelatione, quæ nobis in divinis libris, & Ecclesiæ doctrina innotescit. Repudiatis igitur ab-

furdis, & male confutis narrationibus, quas gentilium Poetarum more, scriptores quidam levioris ferme notæ commementi sunt, a pœna illa explicanda initium fumo, quam *damni* appellant, sive etiam *privativam*, quod inclaræ Dei visionis, omniumque bonorum privatione consistat. Hinc vero ad pœnas *sensus*, seu *positivas* progredior, quibus impios omnes pro meritorum ratione plectendos esse extra cuiusque dubitationis aleam in primis constituo. Tum eorum pluribus per nonnulla capita luculentissime expositis, in pœna ignis vere propriæque dicti, quæ nunc in controversiam revocatur, adstruenda potissimum immoror, fuseque demonstro Scripturarum testimonio, quæ illam frequenter enunciant, non in tropico, aut metaphorico sensu, sed obvio, atque nativo esse intelligenda, omnibus in subsidium vocatis sanioris Criticæ, & hermeneuticæ regulis, firmisque aliis adductis probationibus. Eo autem libentius hoc argumentum uberius discutendum existimavi, quod nemo adhuc, nisi me opinio fallit, illud pro dignitate tractaverit. Nam Theologi non modo Scholastici, sed & Dogmatici, atque hi etiam, qui concertationibus adversus Heterodoxos magis inclaruerunt, vel illud non attingunt omnino, vel cursim, & alio propere expediunt.

XII. In tertio demum libro causam omnium procul dubio gravissimam defendendam aggredior, de pœnarum nempe alterius vitæ æternitate, quam præ cæteris maxime perire impugnant plurimi ex recentioribus hæreticis, nemine, quem viderim, Catholicorum contra hiscente, aut eorum ausibus reluctante. Cum *Sociniani*, ac *nuperi Origenistæ*, præcipui huiusce dogmatis hostes, Scripturæ auctoritatem recipere se, ac revereri gloriantur, litemque nobis intentent de legitimo ejusdem sensu, ac intelligentia; iccirco in huius argumenti tractatione ab examine incipio sacrorum textuum, iisque ad trutinam severiorem exactis, ac fuse, accurateque perpenfis, effugiis etiam, cavillationibus, ac technis omnibus adversariorum profligatis, exploratissimum facio, ut mihi quidem videtur, pœnarum Inferni durationem nunquam desituram veritatem esse a Deo in sacris codicibus perspicue revelatam, adeoque a quocumque Christiano submisse amplectendam, firmæque credendam. Diu anceps hæsi, an præter Scripturæ auctoritatem, Ecclesiæ quoque perpetua traditio promenda mihi foret in Catholici dogmatis confir-

mationem . Superfluum quippe videri facile posse rebar, hoc argumento urgere homines , qui parvipendunt Ecclesiæ doctrinam , & celeberrimos quosque Patres erecto supercilio aspernantur, ac veluti de ponte deijciunt . Verum re maturius expensa , ad eam facile opinionem adductus sum, non esse in quaestione adeo momentosa argumentum hocce silentio prætereundum . Quandoquidem constans stabilisque a primævis usque temporibus Ecclesiæ Patrumque omnium in eo dogmate consensus, plurimum valere potest, ac debet ad fidem cordatis quibuscumque faciendam non aliam fuisse Apostolorum, & Christi Servatoris nostri doctrinam; nec alium Scripturarum verbis nativum inesse sensum, quam qui modo a Catholicis asseritur ac propugnatur . Quibus lato calamo peractis , postremo loco sub incudem veniunt argumenta illa ex promptuariis humanæ rationis educta, quæ summo-pere jactant adversarii , & tamquam invicta, ac decretoria protrudunt : quibusque etiam uti solent *Deistæ* ad omnem futuræ vitæ punitionem per latus oppugnandam . Hæc ego majori , qua possum , claritate dissolvo : quin etiam æternam impiorum miseriam, nedum cum naturali ratione minime pugnare , sed eidem potius valde congruere , principiis, quæ nemo jure rejiciat , efficaciter evinco . Et ecce lucubrationis meæ levem quamdam adumbratam imaginem . Faxit gratia sua misericors Deus , ut dum de futura animadversione pertracto , salutaris ejusdem timor & meo, & Lectorum omnium cordi altius insigatur .

I N D E X

LIBRORUM ET CAPITUM

D E

FUTURO IMPIORUM STATU.

L I B E R P R I M U S

In quo firmissimis argumentis evincitur alium necessario admittendum esse vitæ statum, quo impii homines pro meritorum suorum ratione puniantur.

C A P U T P R I M U M.

Metus futurae poenae ad continendos homines in officio quam necessarius. Recensentur, qui eam negarunt, aut negant. Triplex distinguitur Deistarum genus, qui hanc veritatem impugnant. Quo ex fonte præcipuo profluat vesanus error, declaratur. pag. 1.

C A P U T II.

Primum argumentum ad adstruenda alterius vitæ supplicia impiis parata ex Dei Providentia desumptum, prout frequentius proponitur. Quedam ad ejus vim demonstrandam propositiones præmissæ. Admittende sunt humane actiones natura sua, non sola hominum opinione, aut utilitate, bonæ vel malæ. Pluribus propositio inviolabilis comprobatur. Confectaria quædam derivata. Libero arbitrio præditus homo est, adeoque capax meriti, ac demeriti, præmii, & supplicii. Argumenta hujusce veritatis plane decretoria proposita. Hobbesii fundamentum destruitur. Qui Deo Providentiam, aliasque perfectiones morales subtrahunt, Deum ipsum negare convincuntur. p. 6.

C A P U T III.

Ad argumenta, quæ ex Dei perfectionibus proferuntur pro adstruenda futura impiorum poenâ, quædam prænotantur. Primum argumentum ex sanctitate promittitur divine nature. Alterum ex prerogativa supremi Legislatoris Deo maxime conveniente. Tum vero proponuntur ea, quæ suppeditant sanctitas, sapientia, ac justitia divina. Quæ demum deducuntur ex Dei Providentia, validissime confirmantur, ac pluribus illustrantur. Præcipua Deistarum evasio quaquaversum præclusa. p. 23.

C A P U T IV.

Præcedens argumentum quam firmum & efficax habitum sit ab Ecclesiæ Patribus ad probandam alterius vitæ retributionem. Plurium eorum proferuntur hæc de resurrectione, præcipue Justinii Martyris, Athenagore, Cyrilli Hierosolymitani, Augustini, maximeque Joannis Chrysostomi, qui illud frequentius adhibuit, ac luculentius illustravit. p. 42.

CAPUT V.

Eodem argumento de animæ immortalitate, futuraque vitæ retributione persuasi sunt præstantiores inter Gentiles Philosophi, Socrates, Xenophon, atque etiam Aristoteles. Placuit illud quam maxime Platoni, cujus nonnulla insignia loca producuntur: quemadmodum & Plutarcho, Marco Tullio, aliisque. p. 47.

CAPUT VI.

Asterum argumentum ex omnium gentium consensione depromptum. Quædam prænotantur: Illud non enervant varia, & commentitia de alterius vitæ statu opinaciones: nec aliquorum baud coherentes cum eo dogmatè sententiæ. Admisso bonorum præmio, consequens est, ut & malorum admittatur punitio. Autoritate tum Gentilium scriptorum, tum sanctorum Patrum compertum sit communem fuisse semper persuasionem hominum aliam extare vitam vel beatam, vel miseram. Eadem quoque evincitur ex hominum Apotheosi, quæ apud Gentes invaluit. p. 52.

CAPUT VII.

Judeorum ab excidio Hierosolymitano ad hæc tempora firma de alterius vitæ statu persuasio, nemini refragante. Quid censeant aliqui de vetustioribus Judæis. Concordes in eadem veritate eos semper extitisse pluribus ostenditur. Frustra obicitur legis Mosaicæ de præmiis, pœnisque secuturis silentium. Legis illius indoles, & ingenium. Egregia de hac re S. Augustini distinctio. Ecclesiastice locus late expositus. Quam futile sit argumentum, quod a Sadduceis Adversarii præmunt. p. 56.

CAPUT VIII.

Peterum nationum, quæ olim barbara audiebant, communis de futura vitæ statu consensio. Earum plures, & ferme omnes, de quibus aliquid litteris proditum, in confirmationem adducuntur, ac præsertim Chaldei, Assyrii, Persæ, Indi, Phœnices, Thracæ, Arcades, Ægyptii, de quibus nonnulla animadvertuntur: tum deinde Æthiopes, Libyarum populi, necnon Scithæ aliæque Arcticæ gentes. p. 63.

CAPUT IX.

Græci, Græcorumque sapientes in eadem sententiâ concordēs. Poetarum testimonia in primis afferuntur, in quorum fabulis semina interlucent vulgata in populo veritatis. Tum ad Philosophos acceditur. Pythagoræ Pythagoreorumque quam constans de vitâ futura persuasio. Differitur de metempsychoseos commento, quod Pythagoræ injuria afflictum fuisse verisimilius est. Quenam fuerit ejusdem origo. Nihil illud obesse argumento nostro demonstratur. p. 69.

CAPUT X.

De sensu ceterorum sapientum, qui in Græciâ floruerunt, quoad futuram vitam inquirunt. Ostenditur in ea pœnenda conspirasse celebriores quoque Philosophos, Platonicos præsertim, Peripateticos, Stoicos, aliosque, quorum plura præferuntur testimonia. Epicurei, qui eam inficiati sunt, nullo possunt esse Adversarii præsidio. Illorum judicium flocci semper estimatum est a sapientibus, & a vulgo: ipsique tamquam pestes humani generis odio habiti, ac pœnis etiam affecti. p. 75.

CAPUT XI.

Dogma idem apud Romanos semper obtinuit. Id palam fit pluribus tum Poetarum, tum Historicorum, tum Philosophorum in medium adductis testimoniis. Dithuntur, quæ contra ex Marco Tullio præferri solent. Quid Cicero idem de nostro argumento senserit, nitide exponitur. Seneca, & Juvenalis a calumniâ ipsis impatiata, quod mortalem animam fecerint, vindicantur. p. 80.

CAPUT XII.

Nationes omnes, quæ hodieque sunt in Universo, cum antiquis conspiciant in dogmate de misera Impiorum post mortem conditione. Quo pacto illam describant tum norvicii Judæi, tum Mabummedani. De Sinesium, & Japoniorum placitis; earumque omnium gentium, quæ Meridionales, ac Septentrionales incolunt Asia partes. Hinc ad Affricæ plagas perlustrandas excurretur, ac demum ad urbem recens detectum: omnesque harum regionum gentes etiam magis barbaræ, & effrata, aliqua saltem hujusce veritatis luce perfusa deprehenduntur. p. 86.

CAPUT XIII.

Decretorium pro futura Impiorum miseria veritate ex omnium gentium consensione depromptum argumentum concluditur. Hujusmodi consensus nonnisi ab interiore quadam natura vi, aut impulsu profluere potest. Quam falso a quibusdam humanæ inventioni, aut Politicæ Principum tribuatur. Argumenti robur nullatenus infringit aliquorum dissensus. Natura vox nunquam fallax, aut errori obnoxia: adeoque sententiam de miserrima Impiorum sorte tali nixam testimonio veram esse necesse est. p. 96.

CAPUT XIV.

Tertium argumentum ex sacrarum Litterarum Auctoritate arcessitum. Tria præmittuntur, quæ a nemine possunt in controversiam trahi: ex quibus colligitur Deistæ prudenter rejicere non posse divinam, quæ de futuro Impiorum statu asseritur, revelationem, nisi accurato sinceroque examine præbuito, ea penitus fundamenta subvertant, quæ ad ipsam comprobendam asseruntur: quod hactenus non præstitisse manifestum sit. Singularis opinio Antonii Collinii contendentis, admissa etiam Christianæ Religionis veritate, non esse omnino certam futurarum pœnarum existentiam. Quam ludicra & vana sit, pluribus ostenditur. p. 104.

CAPUT XV.

Epilogus hujus prioris libri. Productis argumentis quaquaversum urgentur Deistæ, & Increduli, ut nihil solidi reponere contra valeant. Quare mortalium imprudentissimè convincuntur, si nullum ex iis divinæ Justitiæ vindicis timorem concipiant. p. 114.

LIBER SECUNDUS

In quo de qualitate, & conditione pœnarum agitur, quibus Impii in altera vita puniendi sunt.

CAPUT PRIMUM.

Futura Impiorum pœna ex Dei verbo maxime definienda. Improbatur illorum consilium, qui plura de iisdem absque solido fundamento comminiscuntur. His non favent neque Patres, neque prouta quadam revelationes. Aliorum extrema sententia fugienda, qui pœnas easdem mollire, ac extenuare satagunt. p. 119.

C A P U T II.

De pœna damni primam agitur. Ea indubie juxta sacras litteras reprobi puniendi sunt. Æquitas & gravitas hujusce pœnæ. Eam ceteris quibuscumque merito præferunt Ecclesiæ Patres. Eandem adauget plurimum immense Beatorum gloriæ conspectus, qui Damnatæ asseritur: sicut & carentia omnium bonorum, ac voluptatum, quas in hac vita perceperunt.

p. 122.

C A P U T III.

Præter pœnam damni etiam admittende sunt pœnæ sensus, quibus reprobi affligantur. Eas quibuslibet hujusce vitæ miseriis, & cruciatibus longe acerbiores esse, & sacre litteræ, & Ecclesiæ Patres testantur. His tamen non æque omnes plectendi sunt, sed pro meritorum ratione. Peculiaris Opinio Anonymi Theologi Berolinensis, & Francisci de Roches Genevensis, qui putant quosdam duntaxat insigne impios hujusmodi pœnis subiciendos. Ea pluribus refellitur, quæque illi profuerunt in ejus præsidium, nullatenus ipsi suffragari demonstratur.

p. 125.

C A P U T IV.

De verme disseitur, quem inter Damnatorum supplicia Scripturæ memorant. Nonnulli verum quoddam animal futurum existimant. Communior, probabiliorque Patrum, ac Theologorum sententia eo nomine conscientie prave remorsum designatum censet. Animadversiones atiquæ in ejus confirmationem. Causæ promuntur, unde in Damnatæ oritur hujusmodi conscientie cruciatus.

p. 130.

C A P U T V.

Locum aliquem admittere necessum est puniendis impiis deputatum, eumque certum, ac definitum. Vanum & insulsam Ubiquitarum commentum. Illud exploditur sacrarum maxime litterarum oraculis. Damnatorum loci plura nomina. De Gehennæ vocis origine, & significatione disceptatur. Duriore quædam eliquantur Gregorii Nysseni, & Augustini sententiæ. Aliæ obæctiuncule solutæ.

p. 135.

C A P U T VI.

Damnatorum loci conditiones. Tenebræ ibi sunt, sed maligno quodam lumine intermixtæ. Damnatorum societas quam grave supplicium. Adauget illud quam maxime tenebrosi carceris angustia. An frigus in eo, præter alia tormenta, concedendum sit, hæud unanimes est Theologorum opinio. Sententiæ utriusque fundamenta. Nihil solidi occurrit, quod ægenti subscribere cogat.

p. 141.

C A P U T VII.

De Inferorum igne. Recensentur, qui illum tropice accipiendum opinantur: ac in primis Origenes, qui tamen multorum patrocinio defenditur. Calvini deinde, alique ex ejus præsertim discipulis. Nimia reprimatur Anonymi Berolinensis confidentia ferme unanimes de metaphorico sensu persuasionem vendicantis. Quin potius hujusmodi sensus sere ab omnibus improbat.

p. 145.

C A P U T VIII.

Sacræ Scripturæ loca, ubi de Inferorum igne mentio fit, collectim proponuntur: etque in primis, quæ extant in Veteri Testamento, deque futuro Impiorum supplicio intelligenda omnino sunt: quorum aliqua vindicantur ab ineptis quorundam interpretationibus. Tum deinde, quæ præstant in Evangeliiis, aliisque novi Fœderis canonicis libris, longe plura, atque clariora.

p. 149.
CA.

CAPUT IX.

Divine Scripturæ locutiones tanquam tropica ad arbitrium accipiendæ non sunt, sed servatis sanæ Criticæ, & Hermeneuticæ regulis. Quæ proferuntur a pluribus ad proprium, nativumque sensum a tropico distinguendum, minus videtur idonea. Certiores aliæ fanciuntur: iisque sacrarum Litterarum de Inferni igne voces proprio sumendas esse fuse comprobatur.

P. 155.

CAPUT X.

*Plures ex laudatis Scripturæ textibus peculiariter expenduntur. Nonnisi verum in-
gnem insinuant, quæ ex Veteri Testamento deprompta sunt, testimonia. Clarius i-
dem evincunt, quæ extant in Novo. Sensum metaphoricum penitus excludunt Chri-
sti Domini verba de igne æterno, ad quem damnandi sunt impii in finali iudicio,
quemadmodum & Gehennæ vocabulum, quo ad significandum futurum supplicium
frequenter utitur. Parabola de Divite inter flammis conflagrante non obest, sed
favet potius igni corporeo. Hunc etiam evidententer produunt verba Apocalypses. Quæ
Scripturæ de Inferni igne locutiones tropice interpretantur, eas ab erroris, aut men-
dacii nota congrue vindicare non possunt.*

P. 160.

CAPUT XI.

*Constanti Ecclesiæ Catholice traditione doctrina de igne Inferni corporeo constabi-
latur. Asseruntur præcipuorum Patrum testimonia ab Apostolorum ævo ad usque Ny-
cæni Concilii tempora. Traditionis ejusdem testes etiam accedunt trium priorum Seculo-
rum Ecclesiæ Martyres: quorum plures de hoc argumento auctoritates allegan-
tur.*

P. 166.

CAPUT XII.

*Argumenti ejusdem persecutio. Tum Græci, tum Latini Patres, qui quarto,
quinto, & sexto Ecclesiæ Seculis incluserunt, verum in Inferno ignem unanimiter
profitentur. Hieronymi, Augustini, & Gregorii Magni menslatius exposita. Tum
sequentium seculorum Patres, & Scriptores plurimi proferuntur. Aliqua in lauda-
ta Patrum testimonia animadversiones.*

P. 171.

CAPUT XIII.

*Patres, qui adversus constitutam Ecclesiæ traditionem opponi solent, eidem con-
trarii non sunt, quin potius suffragantur. Difficilis Ambrosii locus explanatus.
Nullum ex eo præsidium arcessere sibi possunt, qui contra sentiunt, si alia præse-
tim sancti Doctoris loca consulantur. Gregorii Nysseni sententia perpetam a Da-
niele Huetio, aliisque explicata. Tum ipse, tum Joannes Damascenus in proprio
Gehennæ igne admittendo cum cæteris Ecclesiæ Patribus concordēs ostendun-
tur.*

P. 178.

CAPUT XIV.

*Argumenta adversus communem Ecclesiæ doctrinam proposita, ac soluta. Voca-
bulum Ignis nonnunquam tropice in sacris libris adhibitum, haud probat tropice
quoque adhiberi, ubi de igne Inferni sermo est: sicut neque metaphora Vermis ad
conscientiæ cruciatum designandum usurpata. Gehennalis ignis ejusdem est cum i-
gne nostre naturæ: sed differt proprietatibus. Nedum corpora, sed & incorporeas
substantias torquere potest, ac torquet. Quomodo in corpora Damnatorum agat citra
eorundem dissolutionem, & reprobos inæqualiter cruciet, explicatur.*

P. 186.

In quo de pœnarum Inferni, quibus Impit puniendi sunt, æternitate differitur.

CAPUT PRIMUM.

DE iis, qui pœnarum Inferni æternitatem inficiantur. Horum Princeps jura habetur Origenes, quem frustra ab hoc errore nonnulli purgare conati sunt. Ejus doctrinam novissime excitarunt plures inter Protestantes, qui idcirco nuperi Origenistæ appellari solent. Quid de reproborum æterna pœna sentiant Sociniani.

P. 193.

CAPUT II.

De vocibus, quibus in libris tum V. tum N. Testamenti æternitas, aut status sine fine duraturus exprimitur. Triplex vox in hebraica lingua, ad hanc significandam *עולם* Holâm, *נצח* netzac, & *על* ngad, quarum due posteriores semper, prior vero eam frequentius designat. Vox Græca αἰών non omnino retinuit significationis vim, quam ab initio sortita est, nec in Sacris litteris ad interminatam durationem denotandam semper assumitur. Illam tamen indubie denotat, cum geminatur: sicut & dictio inde derivata αἰώνιος. Refellitur Huetius, qui constanti huic significationi repugnat.

P. 197.

CAPUT III.

Tria Scripturarum genera ad pœnarum Inferni æternitatem adstruendam. Primum proponitur eas locutiones complectens, quæ positiva voce eandem designant. Ex illis extant nonnullæ in libris V. Testamenti, quarum aliquæ illustrantur. Plures vero, certioresque libri Novi Testamenti suppeditant.

P. 202.

CAPUT IV.

Classis altera locutionum Scripturæ, quibus per negationem finis æternitas reproborum exitiis significatur. Satis clara sunt hujusce generis testimonia, quæ habentur in libro Jobi: sed illud clarissimum, quo vaticinium suum conclusit Propheta Isaias: quod & ipse Christus Dominus in Evangelio pluries autoritate sua confirmavit. p. 206.

CAPUT V.

Socinianorum responsio ad proposita Scripturarum loca quam absurda, ac naturali lumini, sacrisque oraculis manifesto repugnans. Hujus occasione funditus evertitur eorumdem systema. Frustra illud erigere adnituntur recentiores inter Socinianos, novo adjecto temperamento. Voces interitus, mortis, ac perditionis quo sensu de reproborum pœna in sacris litteris usurpatæ. Inane prorsus est argumentum, quod pro viribus urget Joannes Lokius.

P. 209.

CAPUT VI.

Eliditur altera, quam Origenistæ tribuunt productis Scripturarum textibus, responsio. Quam fluxum, & caducum sit fundamentum, cui superstruitur. Hebraica voces ad durationem supplicii Impiorum exprimendam adhibita non tempus diuturnum, sed æternitatem definite significant, si præsertim tum voces aliæ clariores, tum contextus, tum circumstantiæ attendantur. Illam luculentius adhuc designant græca nomina adhibita in novo Testamento. Argumentum in hanc rem ex Beatorum æternæ gloriæ comparatione deductum Patrum sententiis validissime urgetur.

P. 215.

CA-

CAPUT VII.

Proponitur adversus Origenistas tertia classis autoritatum Sacre Scripture quarum veritas constare neutiquam potest, non admissa reproborum miserie eternitate. Nullus post hanc vitam superest agende poenitentiae, veniaque consequenda, locus. Presens tempus misericordiae est, atque salutis: futurum, sicut iustis sempiterni praemii, ita impiis sempiterni supplicii indignationis, & vindictae. Plura in confirmationem promoventur tum Christi Domini, tum Apostoli Pauli testimonia. p. 219.

CAPUT VIII.

Novo argumento recentium Origenistarum systema convellitur, deducto ex verbis, quae Christus Dominus protulit de Juda proditore. Responsa, quae huic addibet Anonymus quidam Origenista, frivola, ac nugatoria demonstrantur. Perperam hic Autor divino Salvatori affingit, quod soli Jude convenire potest. Confessio, quam ab illo demum extorsit verborum Christi perspicua veritas quoad Juda tormenta, totam ejus hypotesin labefacit, ac subruit. p. 224.

CAPUT IX.

Peculiare quorundam Origenistarum effugium ad proposita omnia Scripturarum loca pracluditur. Nullam illud probabilem spem impiis impenitentibus conferre valet. Quamquam Deus absoluta potestate Damnatos e poenis sempiternis eripere queat; id prestare nequit potestate ordinaria, sive ordinata. Decretum Dei de improbis aeternum puniendis absolutum esse, non mere comminatorium ex Scriptura verbis convincitur. Si justum non esset poenam aeternam pro peccatis infligere, nec comminari illam Deus debuisset. Objectio solvitur, quam ex facto Nimiritarum Adversarii conficiunt. p. 228.

CAPUT X.

Alia ad eandem evasionem amplius intercludendam argumenta. Pugnat illa cum immutabilitate divini decreti: quod & ipso juramento suo confirmavit Deus. Futiles responsiones Tilotsoni & Clerici. Pugnat etiam cum divina veracitate, quae; admissa Adversariorum hypotesi, conciliari nequit cum iis, quae de aeterna impiorum miseria revelata sunt. Ac demum pugnat cum ipsa quoque Dei Sapientia, ac Justitia: adeoque impossibilis undequeque est conficta illa sempiternae poenae remissio. p. 233.

CAPUT XI.

Num saltem impiorum aliqui ex aeternis suppliciis tandem eruendi sint? Variæ de hoc veterum quorundam ac recentiorum opinioniones: quas Dei Verbo adversari inculenter evincitur. Nullius momenti sunt, quae in earundem defensionem ex sacris litteris proferuntur. Sanctus Hieronymus purgatus a suspitione, quod Christianos omnes a sempiterno exitio demum liberandos docuerit. p. 237.

CAPUT XII.

Nedum terminum habiturum nunquam sunt Impiorum poenae, sed neque aliquam mitigationem, sive hæc per decrementum, sive per cruciatum intermissionem explicatur. Contraria aliquorum sententiae validissimis Scripturæ textibus exploduntur. His non favent, ut falso putat Petavius, SS. Augustinus, & Chrysostomus, aliique Patres: quorum genuinus sensus nitide exponitur. p. 243.

CAPUT XIII.

Scripturarum loca explicantur, quæ adversus dogma Catholicum opponunt Origenistæ:

nistæ: ac præsertim textus Apostoli 1. ad Corint. Cap. 15., in quo potissimum causæ suæ presidium collocant. Germanus hujusce sensus alius longe est ab eo, quem ipsi appingunt: quemadmodum & verborum Divi Petri Actuum Cap. 3. quibus eundem confirmare nituntur.

p. 249.

CAPUT XIV.

Somnia discutiuntur Anonymi Authoris Batavi, qui præcipuum Origenianæ causæ statumen deprehendere sibi visus est in libro Apocalypses. In eisdem locis, quæ opoponit ille, locupletissima extant æternæ pœnæ testimonia. Duplex resurrectio, de qua loquitur S. Joannes, ad Justos & Electos referenda est, non ad scelestos & damnatos, ad quos solum spectat duplex mors, prima & secunda. De cætu quoque Beatorum, sive Ecclesiæ triumphante dicta sunt, quæ ad omnes prorsus etiam impios homines & Angelos nuperus Author detorquere conatur.

p. 256.

CAPUT XV.

Sententia Origenis ab Ecclesiâ tanquam Catholice Fidei contraria, semper rejecta est. Concilia, quibus proscripta fuit, Alexandrinum maxime, & Oecumenicum Constantinopolitanum II. His consonant decreta Patrum, qui eam veluti Christianæ dogmati inimicam damnant, ac fugillant. Nedum Ecclesiæ Romana, sed etiam ceteræ aliæ quæcumque ab ipsa schismate sejunctæ, pœnarum æternitatem ut fide certam, continenti successione retinuerunt, retinentque.

p. 261.

CAPUT XVI.

Patres omnium seculorum in dogmate de pœnarum Inferni æternitate concordēs. Plurimum eorum, qui vel ante, vel circa ævum Origenis floruerunt, series contextitur: sicut & fidelium, qui Christi doctrinam, profuso sanguine, consignarunt. Tum subsequentiæ secula perlustrantur, eandemque veritatem ubique ab Ecclesiæ Patribus constantissime traditam ostenditur.

p. 267.

CAPUT XVII.

Nonnulli Ecclesiæ Patres vindicantur, quos cum Origene consentientes inducunt Grotius, Petavius, & Huetius. Justino, & Ireneo, aliisque secundi sæculi Patribus injuria affingitur opinio de temporario impiorum cruciatus, quem potius æternum credidisse prolatis ipsorum textibus perspectum fit. Gregorii Nysseni opera ab Origenistis alicubi violata fuisse S. Germanus, & Photius testantur, quibus fides adjungenda est. Nec Gregorium Nazianzenum, nec Ambrosium, & Ambrosiastrium Origenianæ lue afflatos fuisse jure ullo affirmari potest.

p. 274.

CAPUT XVIII.

Præter Christianos, aliæ quamplures nationes dogma de æterno impiorum supplicio tenuerunt, ac tenent: Judei in primis, ac Mabummedani. Ejus notitia, ac fide perfusi fuerunt tum Græci, & Romani, tum Chaldei, aliique Septentrionales populi. Eadem perseverat inter plures Asia, & America gentes. Unde hæc traditio primum profecta sit, inquiritur.

p. 283.

CAPUT XIX.

Generales quedam animadversiones in argumenta, quæ contra pœnarum æternitatem ab humana ratione depromunt Sociniani, & Origenistæ. Consensus plurimum in eo dogmate nationum, satis evincit spectrum esse ab illis confectum apertam, quam jactant, ejus repugnantiam cum Dei natura, & perfectionibus. Adversariorum methodus omnia pessundat Christianæ Religionis fundamenta. Multa sunt in rebus ipsis naturalibus certissima, quæ tamen repugnantiam involvere videntur. Humana mens

fide

fide destituta facile decipi potest in iis maxime, quæ divinam naturam, & operationem spectant. Deo æternam impiorum miseriam perspicue revelanti fides adhibenda, tametsi ideis nostris adversari videatur.
p. 288.

CAPUT XX.

Primum expenditur Adversariorum argumentum ex Dei Bonitate, & Providentia arcessitum. Illud sibi jam proposuerat, dilueratque Angelicus Doctor S. Thomas. Illustratur solutio ab ipso tradita. Inane esset naturale hominis desiderium erga beatitudinem, si eam consequi non posset, non autem si actu non consequatur: neque optimi Provisoris munus hoc a Deo exigit, ut neminem in æternum perire sinat. Futile argumentum Anonymi cujusdam scriptoris depellitur. Alia ejusdem hallucinatio notatur. Quod primo & principaliter Deus extra se respicit in rebus creatis, est bonum totius Universi, in quod etiam plurimum perpetua damnatio conspirat.
p. 293.

CAPUT XXI.

Solvitur alterum argumentum, quod ex Dei pietate, & clementia promittitur. Falsa imaginatio Petri Bellii de Deo puniente dissipatur. Præcipuus visus objectionis, quam urgent Adversarii, jam a D. Thoma dissecta. Ejus responsio amplius explicatur, roboraturque aliis S. Doctoris documentis. Deus non delectatur in punitione Impiorum, nec illam per se querit, sed debitum verum ordinem, qui inde consequitur, & conservationem Justitiae, quæ accepta sibi est propter se ipsam. Damnati immobiliter hærent in prævo erga culpam affectu. De causis obstinationis eorumdem in malo.
p. 299.

CAPUT XXII.

Tertium omniumque præcipuum contra æternam supplicia argumentum, quod scilicet cum divina Justitia pugnare videantur. Rejicitur quorundam sententia, qui putant necessum baud esse, ut pœnam inter & culpam æqualitas inveniat, atque adeo Deum punire posse supra peccantis meritum. Aliam prorsus ideam nobis ingerunt de supremo Judice sacre litteræ, ac recta ratio. Afferuntur responsa, quæ Origenistarum argumento adhibent S. Augustinus, alique Patres, ac Theologi.
p. 305.

CAPUT XXIII.

Æquitas æternæ pœnæ clarius manifestatur. Duplex peccati genus, alterum, quod veniale appellant, alterum quod mortale. Huic solum pœnam nunquam desitutam per se respondere docet Catholica fides. Juste peccatum hæc puniri æterna pœna Damni, siue privativa, luculenter evincitur. Juste etiam puniri æterna pœna Sensus, siue positiva, duplici S. Thomæ ratione propugnatur.
p. 309.

CAPUT XXIV.

Tertia ratio S. Thomæ ad æquitatem æternæ pœnæ adstruendam sumpta ex inordinatione irreparabili per culpam inducta. Principia illustrantur, quibus firma consistit: atque illud in primis: peccatum ex hoc inducit reatum pœnæ, quod pervertit aliquem ordinem. Aliud deinde: inordinatio a culpa causata ex se irreparabilis est: Scrupulus excutitur D. Joannis Fectius Rostochiensis, & ad concordiam cum cæteris Theologis revocatur. Dissipantur ea, quæ ad rationis robur infringendum obstrudunt Bellius, alique Scriptores.
p. 313.

CAPUT XXV.

Quarta & postrema ratio, quæ æquitas æternæ pœnæ comprobatur ex infinita gravitate offensæ Deo per peccatum illatæ. Injurie Dei presse dictæ labem peccatum continere ostenditur. Hujuscæ injurie siue offensæ rationes plures deteguntur. Exsufflantur, quæ contra objicit recentior Autor. Ex infinita excellentia personæ, gravitatem offensæ quadantenus infinitam habuit, adeoque sempiterna pœna digna est. Eligantur difficultates a Tilotsono propositæ, ac totum opus concluditur.
p. 319.

N O I RIFORMATORI

Dello Studio di Padova,

A Vendo veduto per la Fede di Revisione, ed Approvazione del P. F. *Filippo Rosa Lanzi* Inquisitor General del Santo Ufficio di *Venezia* nel Libro intitolato *Stamp. e MS. De futuro Impiorum statu libri tres &c. Editio secunda ab Authore recognita & pluribus addisamentis locupletata*, non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a *Gio. Battista Remondini* Stampator di *Venezia* che possa essere stampato, osservando gli ordini in materia di Stampe, e presentando le solite Copie alle Pubbliche Librerie di *Venezia*, e di *Padova*.

Dato li 1. Giugno 1763.


(Sebastian Zustinian Rif.

(Polo Renier Rif.

(Alvise Vallareffo Rif.

Registrato in Libro a Carte 168. al Num. 892.

Davidde Marchesini Seg.



D E


FUTURO IMPIORUM STATU

L I B E R P R I M U S,

In quo firmissimis argumentis evincitur, alium necessario admittendum esse vitæ statum, quo Impii homines pro meritorum suorum ratione puniantur.

C A P U T P R I M U M.

Metus futura pœne ad continendos homines in officio quam necessarius. Recensentur, qui eam negarunt, aut negant. Triplex distinguitur Deistarum genus, qui hanc veritatem impugnant. Quo ex fonte præcipuo profluat vesanus error, declaratur.

I.  IHI est in hac vita mortali, quod improborum animos vehementius exagitet, eosque a vitiis ad virtutem, a sceleribus ad pietatem avocare validius possit, ac frequentius soleat, quam poenarum metus, quas Supremus omnium Iudex Deus in futura vita comminatur. Virtus quidem nativa sua venustate & gratia amabilem se prodit, præmiumque ingens virtuti in cælo propositum, eam multo efficit amabiliorem atque gratiorem. Verum cum plerique hominum, tanquam pecudes, timore potius, quam amore ducantur, quemadmodum in humana Poli-

tia ad cives in officio continendos parum præmia prodesse, quæ rectis ac honestis quandoque proponuntur, nisi carceres etiam existerent, triremes, ac patibula, quibus fontes & facinorosi plecterentur; ita sublato futuri supplicii metu, ad coercendas æstuantis malorum cupiditates, vitamque ad amussim divinarum legum instituendam, exiguum plane vim haberent tum dignitas & pulchritudo ipsa virtutis, tum merces, maxima licet ac sempiterna, a summo bonorum omnium largitore Deo virtutum operibus repromissa; paucique admodum ob earum amorem a pravis rerum carnalium oblectationibus ad bonam frugem traducerentur. Testatur de semetipso in libris Confessionum S. Au-

gustinus (a), nullo se fortiore freno fuisse retentum, ne profundo carnalium voluptatum gurgite absorberetur, nisi memoria mortis, ac terribilis iudicii Dei recordatione: quod nisi credidisset, comprehensumque habuisset animo, Epicuri doctrina palmam in se facile præripuisset. In hanc quoque rem differit eloquenter de more S. Johannes Chrysostomus (b), fuseque commonstrat nullam esse obscenæ voluptatis turpitudinem, nullum adeo monstruosum scelus ac vitium, in quod præceptum non rueret mortalium genus, nullum in humana vita ordinem, nullam tranquillitatem & pacem permanfuram: sed omnia futura plena libidinibus, rapinis, fraudibus, tumultibus, flagitiis, nisi omnium ratio aliquando a Supremo Iudice exigenda foret, dignisque suppliciiis punienda delicta, idque persuasum haberemus. Atque inde colligit, summo opere commendandam Dei Bonitatem, quæ tam validum humanæ licentiæ frenum apposuit, ne in vitia ac scelera impotentius excurreret.

II. Jugum hoc tam salutare penitusque necessarium excutere plures moliti sunt, tum antiquis tum nostris hisce temporibus. Inter antiquos celebres sunt Epicurus, ejusque Discipuli, qui cum animum intirere cum corpore putarent, consequenter nihil post hanc vitam superesse præmii vel pœnæ dixerunt. De his ita scribit laudatus Sanctus Augustinus (c): *Hi fortissimos se jactant, & nihil omnino timere se dicunt: quia nec quidquam Deum res humanas curare arbitrantur, & consumpta ista vita, nullam postea credunt futuram.*

III. In eandem impiam sententiam concessere ex Hebræa gente Sadducæi, qui & errorem & nomen acceperunt a *Sadoc*, non illo quidem, qui in libris Regum memoratur, & Davidis ac Salomonis ætate vixit; sed ab alio longe posteriore, qui discipulus fuit Antagoni Sochæi, & Machabæorum tempore claruit. De his constat ex cap. 23. Actuum Apostolorum negasse mortuorum resurrectionem, Angelos & spirituales omnem substantiam: quod fun-

damentum erat alterius erroneæ opinionis, quam exponit Iosephus lib. 2. de bello Jud. cap. 7. his verbis: *Sadducæi Deum extra omnem mali patrationem inspectionemque constituunt. Ajunt autem electioni hominum vel bonum vel malum esse propositum: & secundum voluntatem propriam alterutrum unicuique contingere. Animarum autem generaliter vel supplicia denegant vel honores.* Et lib. 18. antiq. cap. 2. *Sadducæorum opinio cum corpore extinguit simul & Animas.*

IV. Sed quoniam adversum Deistas, aut, ut vocari solent, *Spiritus Fortes, Incredulos*, aliòve simili vocabulo, & quidem nostræ ætatis, præsens instituta in hoc priore libro disputatio est, quid horum nomine veniat, quæve eorum sint classes, atque sententiæ, in antecessum explicemus, oportet. Sunt in primis nonnulli, qui Deistas se vocant, atque ab Atheis propterea secerni se putant, quod existentiam profiteantur agnoscere Supremi cujusdam Numinis, sive entis, aut intelligentiæ infinitæ, æternæ, a nemine dependentis, quæ universam hujus mundi ab æternitate materiam produxit, motumque ipsi sempiternum indidit, ex quo effectum est, ut perpetuis hujusce materiæ revolutionibus hæc tandem emergeret pulcherrima machina, quæ nostrismet oculis obversatur, quam propterea Deus non administrat; aut regit, sed illam sibi ipsi relinquit nihil providens, nihil curans de his omnibus, quæ perpetim evenire cernuntur, tum in ordine physico; tum morali, suæque excellentiæ singulari, atque felicitate contentus pace fruitur sempiterna: id, quod a Lucretio vivide expressum est lib. 1. *carm. 57. &c.*

*Omnis enim per se Divum naturam
neceste est,
Immortali ævo summa cum pace
fruat,
Semota a nostris longe, sejunctaque
curis;
Nam privata dolore omni, privata
periculis,
Ipsa suis pollens opibus, nihil
indiga nostri,*

Nec

Nec bene pro meritis capitur, nec tangitur ira.

Hanc hausit ille, hauriuntque nuperi quidam ex nostris, impiam sententiam a jam memorato Epicuro, qui colendos quidem Deos aiebat ob præstantiam naturæ, non ob beneficia, quæ ab ipsis acceperimus, vel ob aliquid, quod sperare ab iisdem, aut timere possemus. Unde Velleius Epicureus apud Ciceronem lib. 1. de nat. Deorum C. 10. dicere solebat: *Nec metuiamus eos, quos intelligimus, nec sibi fingere ullam molestiam, nec alteri querere. Es pie, sanctæque colimus naturam excellentem, atque præstantem.* Quare Deistæ hujus primi generis vix, aut ne vix quidem ab Epicureis differunt, nisi forte quod materiam a Deo creatam ponant, quam increatam illi asserbant.

V. At nunquid hos Deistas, vel *Atheos* potius vocabimus? Hoc certe postremum jure omni tribuendum nomen esse mihi videtur. Dum enim providentiam Deo eripiunt, & administrationem mundi, Deum ipsum negare profecto convincuntur. Nam qui consistere potest summa illa excellentia naturæ, præclaræque perfectiones, quas Deo adjudicant, sublatâ providentiâ, rerumque administratione? Idcirco optime Tullius idem lib. 2. de nat. Deorum ita Epicurum, Epicureosque refellit: *Aut negandum est Deos esse, quod & Democritus simulacra, & Epicurus imagines inducens quodam pacto negat, aut qui Deos esse concedunt, iis satendum est eos aliquid agere, idque præclarum: Nihil est autem præclarius mundi administratione.* Deorum igitur consilio administratur mundus. Quare circa finem laudati lib. 1. ex ore Cottæ recte pronunciat, nonnisi popularis invidiæ vitandæ gratia Deos fateri Epicurum, iniquens: *Verius est igitur illud, nimirum quod familiaris omnium nostrum Possidonius disseruit, nullos esse Deos Epicuro videri, quæque is de Diis immortalibus dixerit, invidiæ detestanda gratia dixisse: neque enim tam insipiens fuisset, ut bomunculis similem Deum fingeret, nihil cuiquam tribuentem, nihil gratificantem, omnino nihil curantem, nihil agentem.* Idemque ferendum judicium est de re-

centioribus hisce Deistis, qui monstruosa Epicuri placita consecantur.

VI. Altera *Deistarum* classis est, qui nedum existentiam Dei profitentur, sed etiam, præter perfectiones alias, ejus providentiam, quatenus scilicet omnipotentia sua produxerit omnia, ac sapientia quoscumque naturæ effectus regat, atque gubernet. Verum, dum ad ea, quæ spectant mores hominum, cogitationes suas convertunt, nullum agnoscunt inter morale bonum malumque discrimen, quæve sunt, aut dicuntur bona, vel mala, ab hominum consilio, ac voluntate unice pendere sentiunt, adeo ut, quæ ab humanæ Reipublicæ Rectoribus, ac Principibus præcipiuntur, bona; quæ autem vetantur, mala dicenda sint. Hinc nullam sive de bonis, sive de pravis actionibus hominum curam habere Deum pertendunt, atque adeo nec vel illis præmium, nec vel istis in alia vita parasse supplicium. Hi quoque in purum putumque Atheismum, quem effugere se arbitrantur, demum relabuntur. Si quidem vi necessariæ consequentiæ coguntur duas illas præcipuas divinæ naturæ prærogativas negare supremæ Naturæ, quæ *morales* solent appellari, *Bonitatem scilicet, atque Justitiam*, quibus negatis, & illæ negentur, oportet, quæ dicuntur *naturales*, Omnipotentia, Sapientia, aliæque hujusmodi, quas nonnisi ex mero arbitrio, ac lubitu suo in Deo constituent: unde & hi potius *Athei* vocandi forent. Equidem fateor lubentissime de sensu hominum judicandum haud esse ex quibuscvis consequentiis, quæ ex opinionibus ipsorum inferuntur. Verum hac in re hujusmodi veritates adeo intime ac necessario connexæ sunt inter se, atque implicite, ut altera sine altera consistere nequaquam possit, idque perspicuitate sua in omnium vel obiter intuentium oculos statim incurrat. Haud propterea necesse est aliquam earum negantibus fidem adhibere: sed animadvertendum potius, an verba praxi eorundem consentiant, atque moribus, qui nihil omnino a moribus Atheorum plerumque differre solent. Æque etenim, ac isti, Religionem omnem, nedum reve-

latam, sed & naturalem irrident, officia quælibet moralia contemnunt, jura omnia tum humana, nisi obstat aliquando magistratum timor, jocis, atque dissertiis incessant, nihilque ratum habent ex iis, quibus homo supra animantia bruta altius affurgit.

VII. Sed & tertium *Deistarum* genus est, qui in Supremo Deo perfectiones quidem omnes tum *naturales*, tum *morales* suspicere se, ac revereri gloriantur. At præmia tamen, & supplicia vitæ futuræ admittere renuunt, atque omnia morte deleri sentiunt. Quamquam enim scelera, & recte facta, virtutes, & vitia relate ad homines, plurimum inter se fateantur habere discriminis, atque repugnantiae, unde & retributiones temporarias plane diversas promereantur, si tamen referantur ad Deum, nihil a morte superesse putant sive præmii, sive poenæ, quod Deus unicuique rependat; sed in præsentī vitā concludi omnia, nec aliud quidpiam deinceps expectandum esse, vel metuendum. Quid de his plane dixerim, me fugit. *Deistarum* loco, vel *Atheorum* potius habendi sunt? Ex his, quæ subinde differemus, evidens fiet, hoc etiam in postrema esse classe collocandos. Nam dum ita sentiant, eos pariter attributa, sive dotes summi Dei, tum morales, tum physicas, ipsumque adeo Deum, quem se revereri frustra jactant, de medio tollere vi perspicui, ac certissimi ratiocinii convincemus.

VIII. Cæterum quicumque ii sint, quos indicavimus, aut quacumque in classe ponantur, sive *Deistarum*, sive *Atheorum*, eos plane miserrima hac ætate nostra nimium succrescere cernimus, ac dolemus. Eorum permultos tum inter Germanos, & Batavos, tum præsertim inter Anglos reperis: ex quibus plures tum superiore, tum hoc sæculo erupisse vidimus, qui nedum voce, sed libris etiam editis Religioni, ejusque præcipuis veritatibus bellum intulerunt, & fundamenta ipsa, quibus immota consistit, suffodere conati sunt, illudque inprimis, quod eos magis angit, atque excruciat, quod vitam fu-

turam spectat, Hobbesium, Baileum, Collinium, Tolandum, Tindalium, Wooltonum, Anonymes Autores Operum inscriptorum, *Epistole de Anima humana; de Origine mundi: De immutabilitate animæ: Homo machina*, & alios. Atque utinam intra eorum fines se se continuisset pestilentis doctrinæ lues: sed quod magis dolendum est, Galliam quoque, & Italiam penetravit, & plurimum animos aut infecti, aut saltem afflavit, ex eorum præsertim numero, ut consideranti facile videre est, quos severam supremi Judicis Dei ultionem pertimescere scelus conscientia admonet, atque compellit. Et in his quidem regionibus, in quibus vera Christi Religio dominatur, nemo ex ipsis est, qui vesana placita, quæ animo imbiberunt, publice evulgare audeat: sed neque possent, si id maxime vellent; clanculum tamen vel in privatis colloquiis, vel inter amicos, & socios criminum ea quandoque disseminare minime verentur, non sine magno auditorum scandalo, ac detrimento.

IX. Si ab iis omnibus scisciteris, unde moveantur ad negandam, vel indubium revocandam veritatem, quæ non a Christiana solum Religione, sed etiam a quibuscumque exoticis, barbarisque nationibus tanquam certissima semper est habita; obtundunt illi quidem sæpenumero ratiunculas quasdam, sive futiles ac levissimas conjecturas, quas specioso verborum apparatu contexere solent: *nihil* enim, ut optime advertit S. Augustinus (a), *quamlibet copiosissimis argumentis suaderi potest, cui ex parte contraria, si adsit ingenium, non resistitur*. Quæstiones etiam frequenter accumulunt de obscuris quibusdam, & a visu nostro longe semotis rei circumstantiis, quibus expedire se nequaquam posse gariunt, remque ipsam implicare pertinent. Verum si in eorum dicta vel facta diligentius inquisieris, animique recessus penitus introspexeris, facile perspicies non alia eos ratione permoveri præter illam, quam quidam ex ipso eorum Coryphæis, ceteris candidior, luculentius expressit: nimirum, quod inferni timor

mor nimium divexet animum suo genio fervientem, dulcesque sensuum illecebras ac voluptates amariore felle conspergat. Sic enim scribit ille (a)

*Es metus ille foras praeceps
Acherontis agendus.*

*Funditus, humanam qui vitam
turbat ab imo;*

*Omnia suffundens mortis rigo-
re, neque ullam*

*Esse voluptatem liquidam pu-
ramque relinquit.*

X. Non aliam plerumque esse hujusce pessimae persuasionis originem, quam effrenem vivendi licentiam, nullo negotio deprehendit qui attentius consideret aliquam solutioris vitae hominem, cujus vel unica vel potissima cura sit delicias mundi captare, cupiditati genioque continenter obsequi, omniaque ad suum commodum & oblectationem referre. Ut finem hunc, quem sibi praestituit, assequatur, opus est, ut a se prorsus abiciat quicquid molestiam creare potest, animumque curis angere atque terroribus, qui affectui dominanti in primis adversantur. Nihil porro mentem adeo commovere ac perturbare valet, quam memoria justii judicii Dei, qui unicuique juxta opera sua redditurus est, ac nocentes ad terribilem cruciatum damnaturus. Quid igitur? Ne cura ac sollicitudine agitur animus, placideque in voluptaria vita conquietat, excusso Religionis jugo, in eam facile sententiam descendit, quae nullam credit post mortem meritorum retributionem, & supplicia, quae improbis Christiana Fides deaunciat, veluti puerorum terroculamenta projicit atque irridet. Rem hanc sapienter exponit Salomon, dum perditos quosdam ac dissolutos ita secum cogitantes & colloquentes inducit: *Exiguam, & cum radio est tempus vitae nostrae, & non est refrigerium in fine hominis, & non est qui agnitus sit reclusus ab inferis: quia ex nihilo nati sumus, & post haec erimus tanquam non fuerimus..... Cinis erit corpus nostrum, & spiritus diffundetur tanquam molli aer, & transibit vita nostra tanquam vestigium nubes, &*

sicut nebula dissolvetur, quae fugata est a radiis solis.... Umbra enim transiens est tempus nostrum, & non est reversio finis nostri. Venite ergo, & fruamur bonis, quae sunt, & utamur creatura tanquam in juventute celeriter: vino pretioso, & unguento nos impleamus, & non praeceat nos flos temporis. Coronemus nos rosis, antequam marcescant: nullum pratum sit, quod non pertranseat luxuria nostra. Nemo nostrum exors sit luxuriae nostrae, ubique relinquamus signa letitiae: quoniam haec est pars nostra, & haec est fors: Opprimamus pauperem justum, & non parcamus viduae, &c. Quibus verbis designat primum Salomon pravæ de animorum mortalitate persuasionis originem, homines representans voluptati & vitae commodis inhiantes, & molestiam omnem atque fastidium a se amoliri fatigantes. Quo principio cordi altius infixio, erroneum e vestigio judicium de animæ natura, ac futura sorte in ipsorum mente consequitur, animam scilicet esse mortalem, & cum corpore simul extingui. Atque ex hac deinde existimatione, semota jam poenæ ob delicta subeundæ formidine, in voluptatis amore ac studio amplius confirmantur, luxuriæ, ac impudicitiae se totos addicunt, & in omnium vitiorum ceno se profundius immergunt: omnia quippe impune fieri posse sibi blandiuntur.

XI. Hunc esse præcipuum, ac fere unicuique impiæ & malefanz opinionis fontem, atque huc tendere qui eam complectuntur, observarunt olim pariter Ecclesiæ Patres in suorum temporum Atheis, aut Epicureis. Invidissimus Martyr S. Justinus in Dialogo, quem habuit cum Tryphone Judæo, sic ipsum alloquitur: *Eorum sententia, qui Deum me atque te curare negant, quo spectet, non est difficile cognoscere. Impunitas enim & licentia faciendi & dicendi, quæ velint omnia, eos consequitur, qui nec supplicia metuunt, nec beneficium ullum a Deo sperant.*

XII. Sanctus Johannes Chrysostomus homil. 31. in Epist. ad Rom. sic invehit in quosdam, qui Gehennam esse abnuebant, eamque ad terrorem confi-

atam

clam putabant: Odementiam! o stultam & asinariam sententiam! O animum peccati & voluptatis amantem, atque ad nequitiam respicientem! Etenim a voluptatis amore hæc dogmata omnia nascuntur; ita ut si ii, qui talia dicunt, virtutem amplecti vellent, cito de Gebenna persuasi essent, omnique dubitatione exuerentur.

XIII. Disertissime quoque hoc argumentum pertractat Lactantius Firmianus lib. 3. cap. 17., & Epicureorum exemplo palam facit, tum absurdam persuasionem ex amore voluptatis progigni, tum voluptatem ipsam amplius fovere, omniaque scelera necessaria quadam consecutione secum adducere. Verum ille (de Epicuro loquitur) impunitatem vitii suis spondendis: fuit enim turpissimæ voluptatis assertor, cujus capiende causa nasci hominem putavit. Quis, cum hoc affirmari audiat, vitium & sceleribus abstineat? Nam si peritura

sunt anime, appetamus divitias, ut omnes suavitates capere possimus. Quæ si nobis desunt, ab iis, qui habent, auferamus clam, dolo, vi. Voluptatibus igitur, quomodo possumus, serviamus. Brevis enim tempore nulli erimus omnino. Ergo nullum diem, nullum denique temporis punctum fluere nobis sine voluptate patiamur: ne, quia ipsi quandoque perituri sumus, id ipsum, quod viximus, pereat. Unde colligas, eos, qui vel animæ immortalitatem, vel futuræ vitæ supplicia negant, homines esse plerumque perditissimos, corruptos moribus, profligatæ conscientie vitiosis cupiditatibus inquinatos, humanæ societatis pestes; quidquid exterius aliquando, ut scenæ, quemadmodum ajunt ipsi, inferviant, probitatis & honestatis præferant: id quod advertit etiam Hierocles Pythagoreus, cujus verba alibi dabimus.

C A P U T II.

Primum argumentum ad adstruenda alterius vitæ supplicia impiis parata ex Dei Providentia desumptum, prout frequentius proponitur. Quædam ad ejus vim demonstrandam propositiones præmissæ. Admittendæ sunt humane actiones naturæ suæ, non solæ hominum opinione, aut utilitate, bonæ vel malæ. Pluribus propositionibus invictè comprobatur. Consecutaria quædam derivata. Libero arbitrio præditus homo est, adeoque capax meriti, ac demeriti, præmii, & supplicii. Argumenta hujusce veritatis plane decretoria proposita. Hobbessii fundamentum dirigitur. Qui Deo Providentiam, aliasque perfectiones morales subtrahunt, Deum ipsum negare convincuntur.

I. **A**Dversum itaque Deistas, quorum a nobis distinctæ sunt classes tres, (quocumque eos postea nomine rectius appellandos arbitrare) qui veritatem ceterarum omnium, quæ Religionem spectant, fundamentum, supplicii videlicet post vitam hanc impiis parati, vel inficiantur, vel in dubium revocant, hanc priorem disputationem instituo. Et eos quidem enixius in primis rogo, ut sepositis paulisper præjudiciis, compressoque carnalium rerum, ac voluptatum affectu, ad ea, quæ a me proferuntur, momenta accuratius expendenda animum adjungant, & ad sincerum cognoscendæ veritatis studium moveri se patiantur ab ipsa saltem proprii boni consideratione, & amore. Ne-

que enim hic agitur de *Ala Muscæ*, ut aiebat ille, aut quot *Acestes* vixerit annos: sed de re omnium summa, ac de æternæ felicitatis jactura: agitur non de alieno, sed de proprio ipsorum periculo, de incurrenda omnium maxima, eaque irreparabili miseria, quam, etsi vel solum dubia foret, non nisi stolidissime contemnerent. Tribus autem duntaxat ad veritatem demonstrandam, & impij *Deistarum* errorem refellendum argumentis utimur, sed iis, nisi me fallunt omnia, invictissimis, planeque decretoriis: quorum alterum ex Dei Providentia, justitia, aliisque perfectionibus depromitur: alterum ex consensu omnium ab orbe condito ad hæc usque tempora, nationum, atque gentium;

tertium denique ex revelatione divina, quæ ad rem eandem, sin recta contra *Deistas*, obliqua saltem ratione mire subservit.

II. Et primum quidem argumentum ita ferme proponi consuevit a nostris: Nullo pacto fas est admittere Deum esse (quem alias ii se fatentur agnosce-
re, adversum quos disputamus) quin ipsum quoque Deum admiserimus Provisorem rerum omnium maximeque humanarum, adeoque sapientem iustumque Rectorem, ac iudicem. Neque enim aliter concipi Deus potest, sive ens summe, & undequaque perfectum, si hisce dotibus careat tam præcellentibus, quibus haud caret optimi quique Principes, rerumque publicarum administratores. Quod si iudex hominum, ac Rector Deus, summæque pollet sapientia, potestate, atque iustitia, necesse est, ut & præmia virtutibus parata habeat, & vitis supplicia: cum nulla omnino Republica, nisi duabus hisce rebus contineri, recteque administrari valeat, præmio videlicet ac pœna. Porro, si ea, quæ in hac vitâ mortali plerumque contingunt, attenta mente iustitiam, respectum cuiuscumque est, comprehensumque, bonos hic nullam dignam virtutum, iustarumque actionum mercedem percipere, quin potius sæpenumero vexari, affligi, multisque miseriis opprimi, atque calamitatibus: contra vero impios & facinorosos homines pœnæ, quam promerentur, nequitiam subiectos esse, immo florere sæpius in omnibus, ac prospere agere, suisque pro libitu indulgere cupiditatibus, & appetitionibus. Oportet igitur, ut in altero seculo iustorum destinata præmia fateamur, & iniustorum supplicia, quibus æquissimus, ac sapiens Provisor omnium hominum Deus, & illos remuneretur, & istos pro meritis puniat.

Si res nobis, & concertatio foret cum hominibus, qui iustas mentibus nostris rerum notiones sincere agnoscunt, & fideliter sectantur, nihil sane addendum esset ad plenum huiusce argumenti robur, & firmitatem. Verum cum iis

disputamus, qui eo pervenire audaciæ, & impudentiæ, ut vel ipsas rejiciant primas, ac limpidissimas veritates, quæ principiorum loco habendæ forent, vixque olim a quibusdam perditissimis viris in quæstionem adductæ fuerant. Quare ut sua vis integra argumento, & efficacia constet, præcludaturque impiis omnis ad elabendum viâ, propositiones quasdam præmittere, operæ pretium, censeo, easque comprobare, & illustrare pluribus.

Ut omnem futuræ pœnæ metum, si fieri quidem posset, *Deistæ* nostri submoveant, quantum quidem seria cogitatione complector, & ex scriptis eorumdem elicio, duplici tantum viâ possunt insistere, quarum prima est, negare audacissime Deum, sive ens summe perfectum, mundique Opificem ac Curatorem. Sed cum hoc sustineri nequaquam possit, & existentia divinæ naturæ fulgidissima luce sua omnium oculos percellat, paucissimum admodum sunt, si quidem sunt, qui ad tam immanem impietatem non vehementer exhorreant. Aliam propterea frequentius arripiunt, qua producti argumenti vim effugiant, & ab omni pœnarum futuræ vitæ formidine animum solvant, unum scilicet ex hisce tribus evadendi aditum se invenisse putant, sive, ut supra indicavimus classes *Deistarum* distinguentes, aut nihil esse in humanis actibus suapte natura bonum & malum, bonum, & turpe, sed cuncta fieri sola opinione hominum, & consuetudine: aut nullam inesse hominibus arbitrii libertatem, sed omnia fatali quadam necessitate contingere, quæ meritum excludit, atque demeritum, adeoque supplicium, & præmium: aut demum non illam de supremo optimo: Deo ideam dehere nos fingere, ut pro temporariis actionibus hominum pœnas, nedum in presenti, sed etiam in futura vita infligere velit. Ex quibus facile constat rueri penitus, atque subverti dogma de futura impiorum sorte. Tres itaque adversus huiusmodi nefaria commenta propositiones statuo, pluribusque confirmo.

PRIMA PROPOSITIO.

Admittere necesse est naturales quasdam morum regulas, quas homines sequi teneantur, adeoque & actiones humanas non sola opinione hominum, sed suapte natura bonas esse, vel malas.

Pudet sane, pigetque propositionem certissimam, atque perspicuam in quaestionem adducere, & rationibus confirmare. Quis enim de ejusdem veritate dubitare potest, qui vel solam consulat conscientiam suam, aut sublatis perturbationibus animi, rationis, qua praeditus est, splendidissimum lumen inspiciat? Probanda tamen est, ne impius Hobbes, ejusque discipuli locum inveniant, unde nobis de futura impiorum poena differentibus, elabuntur. Neque alio plane utimur in primis argumento, quam quod ex notionibus ipsis menti nostrae naturaliter insitit, depromitur. Quicumque enim se recolligit, suasque naturales cogitationes perpendit, e vestigio intelligit, multa esse in actionibus hominum, quae naturae rationali conveniunt: multa itidem, quae eidem dissentiant, & adversantur: idque non sua duntaxat, aliorumve opinione, sed stabili, & uniformi impressione naturae, sive institutione (a). Neque enim, quamquam aliquis vim menti suae inferat, suadere sibi unquam poterit, crudelitatem, injustitiam, perfidiam, perjurium, ingratitudinem, & cetera hujusmodi, non esse vitia quaedam, sive odio, & vituperatione digna: contra vero Religionem, pietatem, fidelitatem, mansuetudinem, justitiam, temperantiam, animum beneficii memorem, & id genus alia, quae virtutes dicimus, non esse affectus homini consentaneos, qui laudem, atque aestimationem jure mereantur. Haec nos perfectio non minori perspicuitate cognoscimus, quam alia naturalia principia, quae se ipsis evidenter sunt, quo-

rumve claram atque distinctam ideam habemus, ut, *quodlibet vel est, vel non est, totum majus esse partibus suis, effectum sine causa non existere, hanc illo priorem esse, aliaque.* Atque hinc efficitur, quod nulla tam barbara gens sit, & efferata, cui haec anticipata judicia non affulgeant, passionum quidem nebulis, pravarumque consuetudinum, aliquando obducta, sed nunquam penitus oblitterata, seque produnt manifestissime in quodam inrimo angoris sensu, dum ab eorum ductu deflectimus, & in secreta quadam, quam percipimus, voluptate, dum eorumdem faciem praerentem fideliter sequimur.

Quid, quod & ipse Hobbesius veritatem hanc lucidissimam vel nolens tandem professus est? Ipse quidem *De Cive* C. 12. impiam hanc doctrinam statuere admittit docens: *quod actio justa, vel injusta sit, a jure imperantis (hominis) provenit. Reges legitimi, quae imperant, justa faciunt imperando: quae vetant, vetando faciunt injusta.... Regulae boni, & mali, justae, & injustae, honestae, & inhonestae sunt leges civiles.* Ideoque, quod Legislator praeceperit, id pro bono; quod vetaverit, id pro malo habendum. Hinc Cap. 17. hanc insert non minus impiam, & absconam consequentiam, legibus illis, non occides, non moechaberis, non furaberis, Parentes honorabis &c., nihil aliud praecipisse Christum, quam ut cives, & subditi suis Principibus, & summis Imperatoribus in quaestionibus omnibus circa meum, tuum, suum, alienum absolute obediunt. Verum in lib. de Hom. C. 14. horum oblitus, sibi ipsi contrariis, secutus naturae vocem, officia quaedam confessus est, quae humanam omnem legem antecunt, & non nisi natura ad ea exequenda adstringimur: neque enim, inquit, an honorifice de Deo sentiendum sit, an sit amandus, timendus, colendus dubitari potest. Et de Cive t. 6: Si is, qui summum habet imperium, se ipsum, imperantem dico, interficere alicui impe-

ret,

(a) Cum hic, sicut & alibi, hujusmodi locutionibus uter, de verbis non litigo. Sive enim notionem, & ideam harum rerum innatam nobis aut impressam dicantur, sive hoc nomine dispositionem quandam mentis intelligas, vi cujus vel levissima attentione adhibita, acqui-

ret, non tenetur, neque parentem &c. Et c.; jam dixerat: *Lex naturalis est, pactis standum, sive fidem observandam esse*. Quibus omnibus videtur ad aliqua saltem naturalia jura profutenda Hobbesium vel nolentem adactum fuisse.

Quod si hæc, quæ ex Hobbesio meminimus, sponte sua, non hominum sola opinione, bona sunt aut mala, nonne & alia plura officia, quæ ad humanam vitam pertinent, eodem jure natura sua bona, & quæ adversantur, mala dicenda erunt? Nam de medio tollantur quæcumque leges aut præcepta Principum, hominumque consuetudines, quibus aliqua vel præceperint, vel prohibuerint, nonne æque odio, & execratione dignum nobis videbitur, innocentem damnare, calumnias struere, cum foemina, quam suam alter fecerit, commiserit, conviciis, & injuriis lacessere, qui te beneficiis affecit &c.? Nonne idem discrimen persentis inter virtutem, & vitium, inter recte facta, & flagitia, quod naturaliter percipis inter amorem & odium, timorem & spem, approbationem, & negationem, amplius dicam, inter ignem & aquam, calorem, & frigus, quin etiam evidentius fortasse, quam inter hæc omnia? Hæc enim postrema sensuum, qui aliquando falluntur, beneficio cognoscis; illud vero intima animi perceptione, quæ errori subiecta non est, cum a suprema omnium veritate proveniat. An forte cum eodem Hobbesio, aliisque dixeris, ideo nobis alia videri bona, alia autem mala, non quia talia sint suapte natura, sed quia utilia quædam nobis sunt, alia vero incommoda, & noxia? Deliras plane. Quis enim sanæ mentis est, qui non perspiciat hujuscæ paradoxæ falsitatem, atque absurditatem? Quis adeo obsecratus, qui non videat de rectis, & honestis actionibus, ac turpibus, & inhonestis absoluta omnino nos proferre judicia, sive ad nos referantur, sive minime pertineant? Profecto, cum a longe cernimus inter omnino ignotos homines, nec ulla nobis prorsus amicitia, aut necessitudine devinctos, crudelem, & injustissimam cadem, occulto quodam, nec sane deliberato horrore corripimur. Sic vehementer indignamur iis, quos in histo-

riis legitimus vel Patriam, aut cives optimos prodidisse, vel innocentes persecutos esse, vel pro acceptis beneficiis male facta rependisse. Quis Neronem, Domitianos, aliosve similes, qui monstræ dicuntur humani generis, naturæ quodam impetu non averfatur, non odit? Quis contra non admiratur, non diligit tot Principes pios, qui in heroum saltis occurrunt, misericordes, modestos, clementes, qui non aliam de injuriis sibi illatis vindictam sumpsere, quam novis erga inimicos adjectis beneficiis, & signis amoris præcipui? Quenam, amabo te, nobis ex iis utilitas obvenit, aut quodnam malum impendet? Nonne ergo delirium est, bona vel mala, virtutes aut vitia, sola velle opinione, aut utilitate & nocumento dimetiri?

Verum hac de re ad impios homines, qui se *cultiorum ingeniorum* titulo jactant, omnino revincendos, nihil magis, meo facile judicio, proderit, quam testimonium, paullo licet silius, Philosophi gentilis, atque Oratoris præclarissimi, cui nullum sane præjudicium objicere possunt, Marci Tullii Ciceronis, qui veritatem hanc nedum lucidissime perspexit, sed & pluribus, iisque invidiis rationibus confirmavit. Argit ille de hoc argumento non uno in loco Operum suorum, sed præcipue in libro de Legibus, ex quibus nonnulla decerpam. Ut juris naturalis principia constituat, hanc præmittit lib. 1. legis definitionem: *Lex est ratio summa insita in natura, quæ jubet ea, quæ facienda sunt, prohibetque contraria*. Eadem ratio, cum est in hominis mente confirmata, & confecta lex est. Tum vero: *hæc seculis omnibus ante nata est, quam scripta lex ulla, aut quam omnino civitas constituta*: scilicet æterna hæc est in mente divina, & insculpta subinde mentibus hominum, antequam de legibus ferendis quidpiam Principes cogitarent. Hoc autem præclarius exponit, & communi sapientum judicio roborat lib. 2. his verbis: „Hanc igitur video „sapientissimorum fuisse sententiam, le- „gem neque hominum ingenii exco- „gitatam, neque scitum aliquod esse „populorum, sed æternum quiddam „quod universum mundum regeret,

„imperandi, prohibendique sapientia.
 „Ita principem illam, & ultimam esse
 „mentem dicebant omnia ratione aut
 „cogentis, aut vetantis Dei: ex quo
 „illa lex, quam Dii humano generi
 „dederunt, recte est laudata: est enim
 „ratio, mentisque sapientis ad iuben-
 „dum, & ad deterrendum idonea.
 „Quæ vis non modo senior
 „est, quam ætas populorum, & civi-
 „tatum, sed æqualis illius cælum, atque
 „terras tuentis, & regentis Dei. Ne-
 „que enim esse mens divina sine rati-
 „one potest: neque ratio divina non
 „hanc vim in rectis, pravisque fan-
 „ciendis..... Nec si, regnante Tar-
 „quinio, nulla erat Romæ scripta lex
 „de stupris, iccirco non contra illam
 „legem sempiternam Sex. Tarquinius
 „vim Lucretiæ attulit. Erat enim rati-
 „o profecta a rerum natura, & ad
 „recte faciendum impellens, & a delicto
 „avocans: quæ non tum denique
 „incipit lex esse, cum scripta est, sed
 „tum cum orta est. Orta est autem
 „simul cum mente divina &c. „

Asserta naturali lege, tum prout est
 in mente Dei, tum prout innoscitur
 hominibus in iudiciis quibusdam abso-
 lutis, & necessariis de bono & malo,
 de iusto, & iniusto ab ipso Deo men-
 ti nostræ impressis, accedit Tullius eod-
 em lib. 1. ad refellendos illos om-
 nes, qui, quemadmodum ævo nostro,
 ita & suo, nihil esse aiebant *natura bonum,
 & malum*; sed hæc ita iudicari
 sola opinione hominum, aut legum hu-
 manarum statutis, vel, ut summum,
 utilitate nostra, qua omnia metienda
 esse dicebant, eosque extremæ demen-
 tiæ arguit, atque convincit luculentissi-
 mis argumentis: quorum primum desumit
 ex communi consensione hominum,
 quam alibi *vocem loquentis nature* meriti-
 ssime appellat. *Quæ natio*, inquit,
non comitatem, non benignitatem, non
gratum animum, & beneficii memorem
diligit? Quæ superbos, quæ maledicos,
quæ crudeles, quæ ingratos non aspernat?
Consentit quidem tantam esse cor-
ruptelam malæ consuetudinis, ut ab ea
tamquam igniculi extinguantur a natura
dati, exorianturque & confirmantur vitia
contraria. Quid vero? Non ideo tamen

haud semper in homine permanet ratio,
 qua a brutis secernitur, atque adeo
 & ipsa in eadem impressa manet lex natu-
 ræ, quæ nunquam omnino aboletur:
 cuius certissimum indicium est (id,
 quod alterius firmissimi argumenti loco
 haberi debet), quod qui agunt adver-
 sus illam, commissorum scelerum con-
 scientiam experiuntur scelerem, ac vindi-
 cæ, pœnas, ait ille, luunt non tam iu-
 diciis (hominum), quæ quondam nus-
 quam erant, hodie multisifariam nulla sunt;
 ut sint tamen, persepe falsa sunt, ut eos
 agitent, insectenturque furie, non arden-
 tibus sædis, sicut in fabulis, sed angore
 conscientie, fraudisque cruciatur. Quod si
 homines pœna, non natura ab injuria
 arcere deberet, quamvis sollicitudo vexa-
 ret impios, sublato suppliciorum metu?
 Quorum tamen nemo tam audax iniquam
 fuit, quin aut abnuentis a se commissum
 esse facinus, aut iusti sui doloris causam
 aliquam fingeret, desensioemque facino-
 ris a natura jure aliquo quæreret.

Aliud in eandem rem argumentum
 conficit sapiens Philosophus ab absur-
 dis ductum, quæ ex illorum sententia
 necessario consequantur, qui *bonum & malum*
 non iudiciis nature, sed vel hu-
 manis legibus, vel utilitate diducant.

„Si iustitia, inquit, est obtemperatio
 „scriptis legibus, institutisque populo-
 „rum, & si, ut iidem dicunt, utili-
 „tate omnia metienda sunt; negliget
 „leges, easque perumpet, si potuerit,
 „is, qui sibi eam rem fructuosam puta-
 „bit fore. Ita fit, ut nulla sit omni-
 „no iustitia, si neque natura est, & ea,
 „quæ propter utilitatem constituitur,
 „utilitate illa convellitur. Atqui si
 „natura confirmatum jus non erit, vir-
 „tutes omnes tolluntur. Ubi enim li-
 „beralitas? Ubi Patriæ charitas? Ubi
 „pietas? Ubi autem benemerendi de
 „altero, aut referendæ gratiæ volun-
 „tas poterit existere? Nam hæc nascun-
 „tur ex eo, quod natura propensum
 „nos ad diligendos homines, quod
 „fundamentum juris est. Neque solum
 „in homines obsequia, sed etiam in
 „Deum cæremonie, religionesque tol-
 „luntur, quas non metu, sed ea con-
 „iunctione, quæ est homini cum Deo,
 „conservandas puto. Quod si populo-
 „rum

rum iussis, si Principum decretis, si sententiis iudicum jura constituerentur, jus esset latrocinari, jus adulterare, jus testamenta falsa supponere, si hæc suffragiis, aut scitis multitudinis probarentur. Quæ si tanta vis est stultorum sententiis, atque iussis, ut eorum suffragiis rerum natura vertatur, cur non lanciunt, ut quæ mala, pernicioseque sunt, habeantur pro bonis, & salutaribus? Aut cur cum jus ex injuria lex facere possit, bonum eadem facere non possit ex malo? Pergit deinde Tullius, novumque rei ejusdem argumentum promit ex comparatione inita cum rebus aliis naturalibus hoc pacto: „ Nos legem bonam a mala nulla alia, nisi naturali norma dividere possumus. Nec solum jus a natura dijudicatur, sed omnino omnia honesta & turpia. Nam & communis intelligentia nobis notas res efficit, easque in animis nostris inchoavit, ut honesta in virtute ponantur, in vitiis turpia. Hæc autem in opinione existimare, non in natura ponere, *Dementis est*. Nam nec arboris, nec equi virtus, quæ dicitur, in quo abutimur nomine, in opinione sita est, sed in natura. Quod si ita est, honesta quoque, & turpia natura dijudicanda sunt. Nam si opinione universa virtus, eadem etiam partes probarentur. Quis igitur prudentem, & ut ita dicam, cautum, non ex ipsius habitu, sed ex aliqua re externa judicet? Est enim virtus perfecta ratio, quod certe in natura est. Igitur omnis honestas eodem modo. Nam ut vera, & falsa, ut consequentia & contraria, sua sponte, non aliena judicantur; sic comitas, & perpetua ratio vitæ, quæ est virtus: itemque inconstantia, quæ est vitium, sua natura probatur. Nos ingenia juvenum, non ratione ab ingenua natura virtute, sed vitia, quæ existunt, ab ingeniis judicamus. An ea non aliter, quam honesta, & turpia, non ad naturam referri necesse erit? „

Ex his autem duo alia deinde argumenta Tullius elicit, quibus eadem veritas mirifice comprobatur. Primum hoc

est: Quod laudabile bonum est, in se habeat, quod laudetur, necesse est: ipsum enim bonum non est in opinionibus, sed in natura. Nam, ni ita esset, beati quoque opinione essent: quo quid dici potest stultius? Quare, cum & bonum & malum natura judicetur, & ea sint principia naturæ, certe honesta quoque, & turpia simili ratione dijudicanda, & ad naturam referenda sunt. Alterum vero his verbis declarat: Sequitur, ut conclusa mihi jam hæc sit omnis ratio, id, quod ante oculos ex iis est, quæ dicta sunt, & jus, & omne honestum sua sponte esse expetendum. Etenim omnes viri boni ipsam aequitatem, & jus ipsum amant: necesse viri boni errare, & diligere, quod per se non sit diligendum. Quod si jus, & justitia, sic reliquæ omnes virtutes per se colende sunt.

Quod postquam summus Orator explicavit multis, quæ ibidem legi possunt, idem etiam confirmat ex opposito, expendens quorundam Philosophorum placita verbis hæc gravissimis: *Ac me pudet*, horum nempe Philosophorum, qui nullum vitare crimen, nisi iudicio ipso multatum, putant. Quid enim? Possumus eos, qui stupro arceantur infamiae metu, pudicos dicere, cum ipsa infamia propter rei turpitudinem consequatur? Nam quid aut laudari rite, aut vituperari potest, si ab ejus natura recesseris, quod aut laudandum, aut vituperandum putes? An corporis pravitates, si erunt per insignes, habebunt aliquid offensionis, animi deformitas non habebit? Cujus turpitudine ex ipsis vitiis facillime percipi potest. Quid enim scdins avaritia? Quid inamantius libidine? Quid contemptius timiditate? Quid abjectius tarditate, & stultitia dici potest? Quid ergo? Eos, qui singulis vitiis excellunt, aut etiam pluribus, propter damna, aut detrimenta, aut cruciatus aliquos miferos dicimus, an propter vim, turpitudinemque vitiorum? Quod item ad contrariam laudem in virtute dici potest. Nam si propter alias res virtus expetitur, melius esse aliquid, quam virtutem necesse est. Pecuniame igitur, an honores? An formam? An valetudinem? Quæ & cum adsunt, perperas sunt, & quandoque asutura sunt, certum sciri nullo modo potest.

est. An id, quod turpissimum dictum est, voluptatem? At in ea quidem spernenda, & repudianda virtus vel maxime cernitur.

Hæc & alia, quæ ibidem Tullius elegantissime æque, ac solidissime persequitur, pudore maximo suffundere debentur. *Dei*stas nostros, qui adversus lucidissimam, eandemque certissimam veritatem nuperrime disputare, atque scribere ausi sunt, quam ille in Gentilium nocte densissima adeo luculenter perpexit, eo præsertim, quod non validis ad eam oppugnandam argumentis utantur, sed ratiunculis quibusdam, atque officiis, quibus rem, non tam definire, quam implicare student. Quid enim validius in speciem objicere hætenus, aut objicere quidem valent, quam illud idem argumentum, quod sibi jam ipse Tullius opposuit, ac plenissime solvit eodem libro, inquit: *Sed perturbat nos opinionum varietas, hominumque dissensio in iis, quæ honesta, vel turpia sunt, constituendis: & quia non idem contingit in sensibus, hos natura certos putamus, illa, quæ aliis sic, aliis secus, nec iidem semper uno modo videntur, ficta, sive sola hominum opinione pendere dicimus. Nonne hæc est præcipua, & fortassis unica objectio, quam adversarii perpetuo jactant, & tamquam Gorgonis caput ad terrendum semper opponunt? Verum accipe, quæ ille reponit ad eam penitus conterendam perquam idonea. Sed est, ait, longe aliter, latissimumque versatur inter sensus, resque alias naturales, animosque discrimen. Nam sensus nostros non parens, non nutrix, non magister, non poeta, non scena depravat, non multitudinis consensus abducit a vero. Animis autem undique tenduntur insidie, vel ab iis, quos modo enumeravi, qui teneros & rudes cum acceperint, inficiunt, & fleant, ut volunt, vel ab ea, quæ penitus in omni sensu implicata insidet imitatrix boni voluptas, malorum autem mater omnium, cujus blanditiis corrupti, quæ natura bona sunt, quia dulcedine hæc, & scabie carent, non cernimus satis. Quamquam igitur actiones fiat natura sua honestæ, vel turpes, justæ vel injustæ, ut productis argumentis mani-*

festissimum est, fieri tamen sæpe potest, ut corruptæ mentes pravis affectibus, eas satis non cernant; quemadmodum nec ægri oculi satis cernunt objecta ex se fulgentissima, quæ iidem observantur. Sed tamen, dummodo attendas, ante oculos mentis lux aliqua semper intermicat, quæ bonum a malo, justum ab injusto fecernat, aut discernere facile queat.

Ex his porro confectaria duo colligere pronum est, quæ omnino præterire non lubet, quamvis ab præcipuo instituto nostro aliena fortasse videri possint. Primum scilicet, naturales notionēs boni, & mali, virtutis, & vitii, quæ in mentibus nostris impressæ sunt, non aliunde posse originem ducere, quam ab ipsomet Deo, sive ab æterna Dei lege actiones hominum dirigente, & morum regulas præscribente mediis quibusdam judiciis absolutis, ac necessariis de bono & malo, quæis volentes, nolentes ad illud amandum, istud autem fugiendum inducimur: quod S. Augustinus pulcre exponit lib. 14. de Trin. c. 15. exemplo annuli, cujus imago in ceram transiit, inquit: *ubi ergo scriptæ sunt regulæ de bono, justo, & honesto, nisi in libro lucis illius, quæ veritas est, unde omnis lex justa describitur, & in cor hominis, non migrando, sed tamquam imprimendo transferitur: sicut imago & in ceram transiit, & annulum non relinquit. Neque sane origo alia, quam Deus rerum conditor consingit ulla ratione potest notionum hujusmodi naturalium, sive veritatum adeo sublimium, communium, & immutabilium. Nam neque illas habet homo ab æternitate, ut liquet; neque acquirit eas a materia, quæ cum cognitionis, & rationis experts sit, tribuere certe nequit, quod ipsa non habet: neque ab aliis hominibus accipit, ut Adversarii frequentius communifici solent: quoniam, ut probatum abunde est, omnem avertunt institutionem humanam: neque fructus demum sunt meditationum suarum: conscius siquidem sibi quilibet est eas illucere menti suæ, antequam ad meditandum se parat, neque illas sibi conferre, sed in seipso invenire collatas; ac præterea quis serio*

unquam dixerit veritates hæc necessarias, immutabiles, communes omnibus hominibus, quæ in intimo cordis percipiuntur, nequicquam obstrepentibus undique humanis appetitionibus, carnisque desideriis, quibus omnino adversantur, ex cogitationibus arbitrariis humani spiritus numquam sibi constantis in actibus suis, & obnoxii vicissitudinibus perpetuis, originem ducere? Quid itaque reliquum est, nisi ut fateamur fontem hunc, atque principium solam esse rationem, sive veritatem æternam, quæ rationalem naturam condens, recti ordinis ideam mentibus imprimit, ut se in fines convenientes dirigat, eosque assequatur?

Alterum, illudque maximi momenti consecrarium expositæ veritatis est, animos nostros dicendos omnino esse spirituales, atque adeo suapte natura immortales. Spiritualitas animi pluribus, atque invictissimis, planeque evidentibus rationibus a melioribus quibusvis Philosophis ostensa est. Nos in isto tractatu de hoc argumento, ut jam in *proloquio* notavimus, saltem data opera disserere, haud necesse putavimus, ea de causa quod nihil emolumenti *Impio* obveniat, tametsi nedum corpus, sed etiam animam materialem esse sibi persuaserit: neque enim illud abnuere potest, omnipotentem Deum duas hæc partes hominis corpus & animam, sive utriusque materiam ita copulare invicem posse, ut eo in statu futurus homo sit, quo præmium, aut supplicium pro meritorio qualitate recipiat: quemadmodum id aliquando futurum in extremo iudicii die fides Christiana nos edocet. Certe id fieri a Deo minime posse quæ unquam probaverit? Et rationes quidem ipsæ naturales, quas proponimus, denum facturum esse firmissime evincunt. At nihilominus, quoniam ex hæcenus constituta veritate, immaterialitas, sive spiritualitas animi, evidentissime sequitur, ideo consecutionem hæc luculentius exponere, mihi visum est, cæteris, quæ adduci facile possent, argumentis prætermisissis: atque hoc quidem pacto: Regulæ morum, sive naturales ideæ, aut notionēs, quæ nobis insunt, de *bono*, & *malō*, de *iusto*, & *injusto*, de *veri-*

tate, ac *vitio*, atque horum specierum, misericordiæ, liberalitatis, patientiæ, temperantiæ, comitatis, religionis, fortitudinis, sicut & avaritiæ, crudelitatis, ingrati animi, intemperantiæ, timiditatis, & hujusmodi, quas existere in nobis ostensum est; non sunt, nisi veritates universales, abstractæ, simplices, quæ supra res corporeas altius eminent, ut nemo non intelligit, qui vel obiter eas considerat. Equidem actiones exteriores virtutum, vitiorumque sensus nostros afficiunt, quoniam circa res externas, atque corporeas exercentur. Verum has non diducamus *bonas*, aut *malas*, nisi ex insitis menti nostræ iudiciis, sive notionibus abstractis, & universalibus de bono & malo. Sic e. g. cognoscimus crudelitatem esse vitium, mansuetudinem esse virtutem ex idea, & notione generali, quam huic, aut illi actioni applicamus, sine qua nihil plane malum esse, vel bonum cognosceremus. Porro impossibile est hæc ideas, sive notionēs, esse *vel materiam*, vel *propriæ materię*. Etenim nihil aliud in materia concipimus, aut concipere fas est, nisi extensionem, soliditatem, figuram, & etiam motum, quæ plane nihil habent commune, aut affine cum notionibus universalibus, & simplicibus bonitatis, & malitiæ, nec eas ulla ratione præcontinent, aut præcontinere valent. Siquidem materia quocumque modo compingatur, quascumque dividatur in partes tenuiores, ac tenuissimas, cum semper aliquid sit *singulare*, *limitatum*, & *compositum*, præcontinere nequit, quod est *universale*, *illimitatum*, & *simplex*, uti sunt notionēs omnes, quas habemus, virtutum, atque vitiorum. Cum igitur axioma certissimum sit apud omnes, non posse haberi effectum sine causa, quæ ipsum præcontinet, alioquin effectus non esset, & prodiret ex nihilo, quod repugnare penitus, neque ipsi adversarii nostri dissententur, consequitur evidenter notionēs boni, ac mali, virtutis, ac vitii, esse proprietates solius substantiæ intelligentis, spirituales, & simplices, quæ cum partibus careat, neque potest dissolvi, aut corrumpi, adeoque natura sua incorruptibilis est, atque immortalis.

Ut vis hujus argumendi, quod, ut nemo non videt, urgeri aequè potest relate ad principia, aut regulas naturalis rationis, amplius eluceat; videamus quo pacto Thomas Hobbesius, ceterique cum illo Materialistæ explicare conentur cognitionem nostrarum originem. *Causa sensationis*, (neque aliam admittit, aut admittere potest in Systemate suo cognitionem) scribit ille cap. 1. *Leviathan*, est externum corpus, sive objectum, quod premittit organum proprium, & premendo mediantibus nervis, & membranis continuum efficit motum inorsum ad cerebrum, & inde ad cor: unde nascitur cordis resistenzia, & contrapressio, sive conatus cordis liberantis se a pressione per motum tendentem extrorsum, qui motus propterea apparet tamquam aliquid externum: atque apparitio hæc, sive phantasma, est id quod vocamus sensationem. Nec aliud quidpiam assignat ille præter diversos hujusmodi motus pro cognitionibus diversis. Demus quidem Hobbesio oportere omnino juxta principia sua, ut sensio, sive cognitio nihil aliud sit, quam motus & figura, quod plane cum idea pugnat, quam de cognitione habemus, & absurdissimum est. Omittamus, quod si eo modo, quo statuit, perficeretur in nobis cognitio, haud magis cognosceremus objecta, quam cognoscantur a speculo, in quo objectæ imagines imprimuntur. Uno verbo, largiamur Hobbesio eo modo sensationem, aut cognitionem fieri, quo ipse contendit; quid aliud inde demum extundet, nisi ea tantum a nobis cognosci, quæ nervæ organorum fibrillas movere possunt, moventque reipsa, hoc est objecta materialia, & sensilia, nihilque supra: neque enim vim aliam superiorem ponit puriores ex his, atque simplices ideas constituentem. Porro plerumque evidens est, præter sensilia, bonitatem, veritatem, iustitiam, aliasque virtutes, sicut & contraria vitia, definiri a nobis, adeoque cognosci, & intelligi, non utique intuendo aut percipiendo lineamenta earum (ut S. Augustini verbis utar (a)) vel colores,

aut quomodo sonent, aut quid deant, aut quid in ore sapiant, aut quid concretantibus de calore, frigore, molliitudine, sensu duritie, lenitate, seu asperitate renunciant; sed alia quadam visione, alia luce, alia rerum evidentia, & longe ceteris præstantiore, atque certiore. Harum proinde notiones, aut ideæ nonnisi in mente, aut substantia totius materiæ experte recipi, nec nisi a vi aliqua intelligente, quæ supra corpus omne sit, cognosci valent.

Hoc argumentum vim suam omnem exerit adversum Materialistas pro spiritualitate animorum nostrorum adstruenda, quidquid tandem sentias de brutorum cognitione, a qua illi objectionem contra nos desumere solent. Nam, ut concedamus brutis veram cognitionem, certissimum illud est, ea non habere ideas illas, aut notiones universales bonitatis, & malitiae, virtutis, & vitii, quæ se in nobis clarissime produnt, intimoque sensu percipimus: nec ullum hæcenus in ipsis vel levissimum deprehensum vestigium est, unde eas vel suspicari quidem valeamus. Quandoquidem eorum quancunque cognitionem ad ea sola limitari, ac restringi compertissimum est, quæ sensus afficiunt, atque immutant: quod & ipse Tullius sapienter advertit, atque exposuit lib. 1. de Officiis. his verbis: *Inter hominem, & belluam hoc maxime interesse puto, quod hæc tantum, quantum sensu movetur, ad id solum, quod adest, quodque præsens est, se accommodat, nihil omnino percipiens de bonitate, aut vitiositate: Homo autem, qui rationis est particeps, per quam consequentia cernit, principia, & causas.... facile totius vite cursum videt.... Eademque natura vi rationis hominem conciliat homini, & ad orationem, & ad vite societatem.... Ex quo propterea cognitionem rerum ad bene, beatæque vivendum necessariam ducimus, atque intelligimus, quod verum, simplex, sincerumque sit, id esse nature hominis aptissimum. Unum hoc animal (scilicet homo) sentit, Quid sit Ordo, quid sit, quod debeat in factis, dictisque, qui modus. Itaque eorum ipsorum, quæ aspectu sentiuntur, nullum aliud animal pul-*

cri-

cruditatem, venustatem, convenientiam partium sentit. Quam similitudinem natura, ratioque ab oculis ad animum transferens, multo etiam magis pulcritudinem, constantiam, ordinem in consiliis, factisque conservandum putat, caretque nequid indecorum, effeminatumque faciat, tum in omnibus opinionibus, & factis nequid libidinosae aut faciat, aut cogitet. Quibus ex rebus constat, & efficitur id, quod quaerimus, honestum, quodque vere dicimus, etiam si a nullo laudetur, laudabile esse natura. Quae procul dubio nonnisi ex regulis, five ideis generalibus recti & honesti proficiuntur: ac propterea necesse est animum nostrum sejunctum esse ab omni concretionem materiae, prout summus idem Philosophus alibi colligit, inquit: *Singularis est igitur quaedam natura, atque vis animi, sejuncta ab his ustratis, notisque naturis: adeoque caeleste quiddam & divinum est, ob eamque res aeternum sit necesse est. Nec vero Deus ipse, qui intelligitur a nobis, alio modo intelligi potest, nisi mens soluta quaedam, & libera, segregata ab omni concretionem mortali, omnia sentiens, & movens, ipsaque praedita motu sempiterno. Hoc ex genere, atque eadem ex natura est humana mens.*

PROPOSITIO SECUNDA.

Necesse est concedere hominem esse libero arbitrio praeditum, adeoque capacem meriti, ac demeriti, praemii, & supplicii.

PArum prodesset ad scopum nobis propositum compellere impios homines, quos refellimus, ut agnoscant naturale discrimen bonorum & malorum, virtutis, & vitii, si res omnes fatali quadam necessitate agerentur, nec homini ea tribueretur prerogativa libertatis, qua deliberet de actibus suis, eligatque prout velit, five bonum, five malum, adeoque capax sit merendi, & demerendi, praemii & supplicii. Ut praecaram hanc dotem nobis eripiant, nullum non lapidem movent tum *Spinozistae*, tum *Hobbesiani*, alique *Materialistae*, qui semetipsos, ac ceteros homines ad abjectissimam brutorum con-

ditionem deprimere non verentur. Quicumque mirum religionis jugum, Deique nostrarum actionum supremi iudicis, impatienter ferunt, illud excutere pertentant, sublata de medio arbitrii libertate: hac etenim concessa, concedi quoque oportere intelligunt, tum naturam hominis plane diversam esse ab extensione, five materia, quae seipsam agere nequit, nec nisi a causis externis determinatur; tum inanes leges esse, poenas iniquas, praemia nulla. Quapropter illam negant, pernegantque, nec aliam admittunt in homine libertatem, quam quae ceteris rebus corporeis convenire potest, quae nonnisi simulacrum, & spectrum libertatis est. Unde impius Spinoza adducto exemplo de lapide ad centrum tendente, qui certe liber non est, subdit: *Sicque haec humana illa libertas est, quam omnes habere jactant, & quae in hoc solo consistit, quod homines sui appetitus sint conscii, & causarum, a quibus determinantur, ignari. Quare nemo non perspicit, quanti momenti sit constitutam propositionem defendere.*

Nullum autem pro ea asserenda validius, ac certius argumentum credimus, quam quod petitur ab intimo sensu, quo de hac veritate penitus convicti sumus; neque enim pro quacumque alia ex iis, quae *prima veritates*, aut *principia* dicuntur, adstruenda, validiora ex omnium sapientum consensione suppetunt, quam quae ab hoc intimo sensu fumuntur. Cur namque E. C. certi sumus nos cogitare, atque vivere? Cui actionem precedere debere existentiam rei; quidquid *extensum* est, *habere partes*; *sive causa non esse effectum*; cognitionem quidquam esse amplius quam simplicem existentiam; *falsum argumentum non carere vitio*, & alia id genus, quemadmodum & *Deum colendum esse*; *vitandum mendacium, fraudem, periurium*; *Deo non placere, nec probari flagitia*; *bonum amandum, fugiendum malum &c.*, quae non alio meliore, ac certiore principio comperta, & explorata nobis sunt, quam sensu intimo. Itaque nos ipsi in nobis, dummodo attendamus animo, experimur eximiam hanc libertatis dotem: nos ipsi clare percipimus domi-

non esse actionum nostrarum, nosque non necessitate aliqua ductos, sed pro arbitrio nostro ad agendum dirigere, atque determinare. Quis namque vivide non sentit ita se agere, ut possit etiam non agere? Quis non animo comprehensum habet ita C. E. se nunc manu movere, vel pedem, ut possit etiam non movere, aut a motu cessare? Quis non discernit actiones, quas ipse proprio arbitratu elicit, ab iis, ad quas vi aliqua interdum adigitur, nolensque exercere compellitur? Sed de hoc argumento audire præstat virum in primis eximium, atque doctissimum: cuius gallica verba latine reddita hæc sunt.

(a) „Ego sentio, inquit, me esse liberum, neque de hoc dubitare possum. Hæc mea libertas plane quidpiam non est imaginatione confictum. Necesse mihi foret dubitare de omnibus, quæ intimiora mihi sunt, atque certiora, si de libero arbitrio meo dubitare fas esset. Ego sentio me liberum esse ad permanendum, dum ad ambulandum assurgo. Id ego in memetipso experior: tanta certitudine, & perspicuitate, ut de hoc serio dubitare in me potestas non sit, & adversus conscientiam aperte loquerer, si me dubitare auderem asserere. Hæc veritas & meo, & omnium insitacordi, ne quidem in dubium prælicite vertitur vel ab iis Philosophis, qui illam vanis quibusdam speculationibus excutere abs se vellent. Evidentia intima huiusce veritatis æque effulget in nobis, ac prima illa principia, quæ nulla indigent probatione, & quibus ceteræ, quæ non ita lucent, probantur veritates. Affirmare libertatem hominis speculrum esse inane, perinde est, ac insonantem naturæ vocem violenter comprimere, at-

que citra sensum pudoris omnem semetipsum ementiri. Ita plane, pergit ille, dum impius homo liberum arbitrium negat, mentitur adversum cor suum, timens Deum agnoscere provisorum, ac vindicem. Quare nihil illustrius pro Religione putandum est, quam adversantes habere nefarios hosce homines, qui in hæc opinionum monstra necessario prorunt, ut quæ ab illa decentur, impugnent.

„(b)

Ex his ergo colligere omnino nefesse est certitudinem omnimodam atque firmissimam veritatis, quam defendimus, libero scilicet nos esse arbitrio præditos, nisi velimus in iis etiam falli nos posse, fallique reipsa, quæ per intimum sensum, qui ab Authore naturæ est, cognita nobis sunt, atque comprehensa, adeoque neminem certum esse ne quidem de *existentia sua*, de *cogitatione*, de *vita*, quod est absurdissimum, nec ii ipsi, quos refellimus, plane concesserint. Quandoquidem, quæ per idem medium innotescunt nobis, pari gaudere opus est certitudine, ac firmitate. Egregie propterea humanæ libertatis hostes revincit, & ad incitas redigit Recentior Author (c) his verbis: „Unde est, quod istud *Ego Cogito*, prima, & omnium maxime inconcussa veritas agnoscatur? Nisi quia nullius perceptionis conscientia istam perspicuitatem superat? Huic proximam annumerant, *Ego Sum*, quod existentie meæ tam sim conscius, quam cogitationis, nec stare possit illarum prima, si secunda tollatur. Qua autem evidentia, modo attendam, sentio, & sentire, & fateri cogor, *me cogitare*, eadem evidentia, modo attendam, sentio me vellem, & me eum esse, qui me ad volendum pro lubitu flecto, sumque actum il-

lo-

(a) D. de Fenelon Archiep. Cameracensis in lib. edito, cui titulus: *Demonstration de l'existence de Dieu*.

(b) Præclare etiam Eusebius adversus fatalistas ætatis suæ intimum sensum in eandem rem urget lib. 6, de *Præp. Evang.* Cap. 6, inquit: *Quomodo cum sentiamus nostra nos appetitione moveri, non omnino amenissimum erit ab exteriori quadam vi, quasi animi expertes moveri nos credere? Sic enim libera voluntate alia fugimus, alia sequimur, ut quemadmodum dolere, gaudere, videre, audire, non ratiocinando, sed reipsa comprehendimus, ita a nostro ipsorum consilio aut ad fugiendum, aut ad sequendum moveri nos profecto sentiamus.*

(c) Petrus de Croza lib. 1. *Logic.* Sect. 10.

„lorum, qui nomine tò *velle* veniunt,
 „dominus, causa, arbiter. „

At vero quamquam hoc argumentum
 vel illum satis esse deberet pro verita-
 te liberi arbitrii nostri adstruenda, alia
 tamen præto sunt, quæ eandem undi-
 que muniunt, atque confirmant. Quæ-
 dam affert Doctor Angelicus S. Tho-
 mas *lib. 2. c. Gentis Cap. 4.*, quorum
 primum *a priori*, ut inquirunt, repetit,
 atque ita proponit: „ A conceptione
 „ universali non sequitur motus, &
 „ actio, nisi mediante particulari ap-
 „ prehensione, eo quod motus & actio
 „ erga particularia est. Intellectus autem
 „ est naturaliter universalium ap-
 „ prehensivus (ejus quippe objectum
 „ verum est in communi). Ad hoc igitur,
 „ quod ex apprehensione intelle-
 „ ctus sequatur motus, aut quæcum-
 „ que actio, oportet, quod universalis
 „ intellectus conceptio applicetur ad
 „ particularia: sed universale continet
 „ in potentia multa particularia; po-
 „ test igitur applicatio conceptionis in-
 „ tellectus fieri ad plura diversa. Ju-
 „ dicium igitur intellectus de agibili-
 „ bus non est determinatus ad unum
 „ tantum. Habent igitur intellectualia
 „ liberum arbitrium. „ Hoc argumen-
 „ tum alio modo confirmat consideratio-
 „ ne illorum, quæ libertate carere omnes
 „ consentiunt, inquirunt: „ Judicii liber-
 „ tate carent aliqua, vel propter hoc,
 „ quod nullum habent judicium, sicut
 „ quæ cognitione carent, ut lapides &
 „ plantæ: vel quia habent judicium a
 „ natura determinatum ad unum, sicut
 „ irrationalis anima. Naturali enim
 „ æstimatione judicat ovis lupum sibi
 „ nocivum: & ex hoc judicio fugit
 „ ipsum. Quæcumque ergo habent ju-
 „ dicium de agendis non determinatum
 „ ad unum a natura, necesse est liberi
 „ arbitrii esse: intellectus enim appre-
 „ hendit non solum hoc, vel illud bo-
 „ num, sed ipsum bonum commune.
 „ Unde, cum intellectus per formam
 „ apprehensam moveat voluntatem: in
 „ omnibus autem movens, & motum
 „ oportet esse proportionatam; voluntas
 „ substantiæ intellectualis non erit de-

terminata a natura, nisi ad bonum
 commune. Quidquid igitur affertur
 sibi sub ratione boni, poterit volun-
 tas inclinari in illud, nulla determi-
 natione naturali in contrarium pro-
 hibente. Omnia igitur intellectualia
 liberam voluntatem habent ex judicio
 intellectus venientem, quod est libe-
 rum arbitrium habere. „

Huic affinis est alia ratio, quam con-
 ficit Sanctus Doctor, spectata præsertim
 voluntatis humanæ natura, & objecto,
 quam ita exponere placet: sicut intel-
 lectus objectum est ens universale, nul-
 lumque peculiare ens, nisi fuerit ipse
 Deus in semetipso cognitus, intelli-
 gendi amplitudinem definit, & complet;
 ita objectum voluntatis est bonum uni-
 versale, nullumque peculiare bonum est,
 nisi sit ipsa possessio Dei clare visi, quod
 capacitatem ejusdem plene satiet, ac
 expleat, ut cuilibet se ipsum conside-
 ranti facile constat. Porro quandiu ob-
 jectum voluntatem omnino non satiat,
 nec totam ipsius capacitatem replet, at-
 que amplitudinem, impossibile est, ut
 ad amandum illud humana voluntas ne-
 cessario feratur; sed summa semper in-
 differentia arbitrii pollet, & illud res-
 piciendi, & aliud quærendi: atque adeo
 mutationi semper suorum actuum. ob-
 noxia est, nec unquam ad unum ali-
 quod determinata. Hoc autem quid
 aliud est nisi facultatem habere eligen-
 di, prout sibi libuerit, & ex consequen-
 ti libero arbitrio potiri?

Sed & absurda gravissima, ac prorsus
 intoleranda, quæ ex adversariorum com-
 mento affatim profluunt, summæ de-
 mentię illos redarguunt, atque convin-
 cunt. Quandoquidem, ut supra demon-
 stratum est, agnoscere, ac sateri omni-
 no oportet legem quamdam æternam
 Dei rectum ordinem præscribentem,
 quæ resulget in mente nostra mediis
 quibusdam dictatis, sive judiciis absolu-
 tis, ac necessariis, quibus jubemur exe-
 qui, quæ honesta sunt, atque iusta,
 fugere vero, quæ turpia, & iniusta:
 sublata autem arbitrii libertate, nihil
 horum plane consisteret. Quis enim bo-
 nam actionem, vel malam proprie di-

xerit, iustam, vel iniustam, quam necessario elicimus? Num Deus has notiones, morumque regulas, quas in agendo sequeremur, impressisset in animis nostris, si æque ac bellæ inevitabili fato, aut instinctu cuncta ageremus? Profecto, quemadmodum in brutis notiones huiusmodi non deprehenduntur, nec deprehensæ unquam fuere, quoniam cum naturali vi, & impressione moveantur, nedum haud congruæ, sed & frustraneæ, & inutiles penitus essent; ita frustra illas Deus indidisset homini, si vi, & impressione eadem determinaretur: fieri namque minime posset, ut ad earum amussim vitam, moreque componeret, & honeste viveret, qui vitam inhoneste, turpiterque traducit; quemadmodum neque fieri potest, ut videat, qui caret lumine, aut recte incedat, qui claudus est.

Nec divinæ solum, in adversariorum hypothesi, sed omnes etiam de medio tolluntur humanæ leges, quas nec ipsi in quovis regimine recte constitui, inficiari audent. Quis enim nisi plane fatuus legem statuatur iis, qui libertate carent ita, aut aliter agendi? Nam necessitate ducti eodem modo etiam absque legibus agerent, nec possent exequi, quod Legumlatores præcipiunt, aut vitare quod prohibent. Unde neque adversum transgressores legum pœnæ fanciendæ forent, & inique oppido ab ipsis exigerentur. Siquidem (inquit S. Augustinus (a)) *peccati reum tenere quemquam, quia non facit, quod facere non potest, summæ iniquitatis est, & insanæ*. Nullus itidem locus esset laudibus, aut vituperio: nullus objurgationibus, atque minis: nullus suasionibus, & consiliis. Si enim cuncta fatali necessitate fiunt a nobis, nonne facinorosus homo suadenti vitam ad regulas virtutis compositam, reponere jure optimo posset, id non esse potestatis suæ, adeoque nec oportere aliquem esse sollicitum de suis actibus, sive boni sint, sive mali? Quare cum hæc absurdissima

sint, nec audiri sine fremitu quodam, & horrore queant: & cum nullam gentem in universo invenire liceat, quæ publicos Magistratus, publica judicia, certasque leges non habeat, quæ improbos supplicio afficiat, defendat, ac tueatur bonos: nullum sit genus hominum, qui suasionibus, consiliis, minis, objurgationibus non utatur, aut utendum dubitet: nullum, qui laude dignos non judicet honestos viros, impios vero, & injustos vituperio, ac supplicio; colligere omnino necesse est homines dominos esse suorum actuum, sequæ ad agendum, vel non agendum libero arbitrio flectere. Atque hoc erat argumentum præcipuum ex omnium hominum in rebus hinc firmo consensu, quo libertatis otores ætatis suæ prosternebat laudatus S. Augustinus (b): *Etiāne, inquiebat, libri obscuri mihi scrutandi erunt, unde discerem neminem vituperatione, supplicioque dignum, qui, aut id vult, quod iustitia velle non prohibet, aut id non faciat, quod facere non potest? Nonne ista cantant & in montibus Pastores, & in theatris Poetae, & indocti in circulis, & docti in bibliothecis, & Magistri in scholis, & in orbe terrarum genus humanum?*

Quid, quod ne ipsi quidem nuperi libertatis hostes negare illam haud possunt, quin facti sibi metipsis apertissime contradicant? Ipsi namque & hortantur sive liberos, sive famulos suos, ut honeste vivant, & regulas bene se gerendi præscribunt, & in eos animadvertunt, qui præceptionibus suis non obsequuntur, aut tranquillitatem & pacem societatis perturbant. Præterea nonne sibi cordi plurimum est, nequid agant, unde eorum fama lædatur, aut nocuumentum aliquod imminens abs se avertant? Nonne solliciti sunt in periculis præcavendis, dubiisque in rebus apprimè cauti? Nonne deliberant, nonne capiunt consilia, eliguntque media fini, quem intendunt, obtinendo aptiora? Nonne, ut plura alia præteream, laudant,

„dant, nonne vituperant, nonne pro
 „meritis puniunt? Uro verbo, ira se in
 „cunctis gerunt, ut factis manifeste pro-
 „dant, haud se reipsa sentire, quod cæ-
 „teroqui scribunt, aut loquuntur, seque
 „risu plane dignos ostendunt, dum ne-
 „cessitati non impedibili subijci omnia
 „infruntite garrunt.

„Diserte admodum & ornate argu-
 „mentum istud pertractant, urgentque
 „duo summi viri Eusebius, & Augustinus:
 „quorum alter *lib. 7. Prep. Evang. cap. 7.*, hæc habet: „Quod opinio,
 „quæ de fato habetur, penitus falsa
 „sit, inde patet: quia etiam ejus opi-
 „nionis Authores & docent, & hor-
 „tantur, & discunt, & consulunt. In-
 „crepant etiam, castigantque suos, quasi
 „propria voluntate peccantes. Pluri-
 „ma quoque conscribunt, quibus ad
 „rectos mores juvenes adhortantur,
 „veniaque dignum putant, si quis in-
 „vitus peccat: sponte autem delin-
 „quentes puniendos non negant. „Alter
 „vero *Epist. 246.*, postquam di-
 „xisset, leges omnes atque instituta di-
 „sciplina *Fatalistarum* commento peni-
 „tus labefactari, atque subverti, nihil-
 „que omnino remanere justitiæ, nisi vo-
 „luntas sit domina sui, & causa peccati;
 „ita eosdem male fidei in necessitate as-
 „serenda egregie revincit. „Nam cum
 „aliquis eorum, inquit, hominibus num-
 „matis fatua fata vendiderit, mox ut
 „oculum a tabellis eburneis addomus
 „sue moderamen, ac sollicitudinem
 „revocaverit, non solum vocibus, sed
 „etiam plagis emendat uxorem, non
 „dico, si petulantius jocantem, sed si
 „immoderatus per fenestram adspicien-
 „tem animadvertit. Quæ tamen, si ei
 „dicat: *quid me cælis? Venerem cede,*
 „*si potes, a quâ cogor hoc facere?* Tum
 „vero ille non curat, quam vana ver-
 „ba componat fallendis extraneis; sed
 „quam iusta verbera imponat corri-
 „gendis suis. Quando ergo quisque....
 „ideo se culpâri non vult, quia fato
 „se dicit coactum fecisse id, quod ar-
 „guitur, redeat ad se ipsum: servet
 „hoc in suis: non castiget servum su-
 „um: non de contumelioso filio con-

„queratur: vicino improbo non mine-
 „tur. Quid enim horum faciens iuste
 „facit, si omnes, a quibus injurias pa-
 „titur, non culpa sua, sed *fato* im-
 „pellantur, ut faciant? Si autem iure
 „proprio, & Patris familias diligen-
 „tia, quoscumque homines pro tem-
 „pore in potestate habet, hortatur ad
 „bonum, deterret a malo, imperat
 „sux voluntati, ut obtemperet, ho-
 „norat eos, qui sibi ad nutum obei-
 „diunt, vindicat in eos, qui se con-
 „temnunt, rependit gratiam beneficis,
 „odit ingratos; Egone expectabo, ut
 „contra fata disputem, cum tanta eura
 „non verbis, sed factis eloqui depre-
 „hendam, ut prope manibus suis om-
 „nes mathematicorum capillos super
 „capita eorum frangere videatur? „Ha-
 „tenus ille.

„Adversum tam præclara, tam apo-
 „dictica plane, & decretoria argumenta,
 „quid habent adversarii, quod objiciant
 „pro absurdissimo errore suo defendendo?
 „Omissis quibusdam cavillationibus, qui-
 „bus non tam expedire quæstionem,
 „quam involvere satagunt, nullum aliud
 „revera fundamentum adstruunt pro sta-
 „tutivæ causæ suæ, quam quod ex sto-
 „lidissimo suo systemate repetunt, nihil
 „scilicet in homine esse, quemadmodum
 „& in ceteris rebus, nisi *materiam*, aut
 „*corpoream substantiam*, quæ ab alio ne-
 „cessario movetur, atque adeo nec motus
 „sui principium & dominium conti-
 „net, sicut ad liberum arbitrium omni-
 „no requiritur: quod perinde est, ac pro-
 „fundamento commenti sui aliud absur-
 „dum commentum ponere penitus diru-
 „tum, atque convulsam a clarioribus qui-
 „busvis Philosophis, qui non mere pro-
 „babilibus, sed certissimis, evidentibus-
 „que rationibus demonstrantur substan-
 „tiam cogitantem ab extensa secretam
 „esse oportere, nec ullo pacto convenire
 „materiæ posse, quæ clarissime in animo
 „nostroprehendimus, ac intimo sensu
 „percipimus. Verum ut fundamentum,
 „cui Adversarii maxime nituntur unde-
 „quaque stramineum esse, manifestus
 „fiat, fac animi nostri substantiam non
 „esse a corpore, sive materia distinctam:

num propterea in eorum hypothesi colligere inde fas erit, possibilem non esse eam, quam eidem adscribimus arbitrii libertatem? Minime gentium. Cum enim non adeo plumbei sint Adversarii, ut sibi persuadeant cogitationem, & voluntatem produci posse a *figura* vel *motu*, quæ proprietates nobis notæ materiæ sunt; dum ponunt actus huiusmodi esse qualitates, sive affectiones materiæ, illud etiam ponunt, necesse est, materiam capacem esse aliarum proprietatum, quæ prorsus a *motu* & *figura* differunt, nobisque incognitæ sunt. Porro si materia capax est proprietatum, quæ differunt a *figura*, & *motu*, quo pacto probare poterunt non esse pariter capacem activæ virtutis, ac dominii propriorum actuum, sive actionum? Nam hæc dotes, sin minus ex *figura* & *motu*, quæ necessaria sunt, prodire queunt, prodire saltem poterunt ex aliis materiæ occultis proprietatibus, quas in ipsa comminiscuntur. Nonne hinc perspicuum est Hobbesii; Hobbesianorumque argumentum purum esse, putumque sophisma, eosque ludere planæ, ac illudere hominibus systemate suo, & consequentiis, quas ex ipso deducunt? Quoties namque ostendimus animum nostrum a materia fecerni, reponunt materiam nedum figuræ, & motus esse capacem, sed etiam aliarum proprietatum, quæ sunt incognitæ nobis, minimeque comprehensæ: contra vero, ut probent voluntatem non esse *dominam suarum actionum*, materiam his omnibus exuunt occultis proprietatibus, nec aliud in ea relinquunt, præter meram extensionem, soliditatem, motum, atque figuram. Si proprietates alias occultas in materia ponunt, unde prodeant cogitationes, cur non etiam unde prodeant liberæ volitiones? Nullam sane, nisi me fallunt omnia, Hobbesiani, quantumvis mentem suam torqueant, atque contorqueant, rationem idoneam invenient, unde altero admissio, alterum negare merito possint.

PROPOSITIO TERTIA.

Admittendæ omnino in Deo sunt Providentia, aliæque perfectiones, quæ morales dicuntur.

HÆc postrema propositio ex iis, quas præmittere visum nobis est, ut argumento, quod allaturi sumus, pateat undique via, præsumenda potius esset, quam probanda. Cum enim adversus illos præsertim instituta disputatio sit, qui Deum, sive summum Ens existere, atque etiam rerum omnium Conditorum fatentur, quas cumque, quæ in idea summi Entis resplendent, perfectiones suscipere, & venerari compelluntur. At quoniam, ut notatum est ab initio, non pauci ex iis haud rectam sibi informant animo de natura divina notionem atque ideam; iccirco consultum erit saltem paucis ostendere præcipua Dei quædam attributa, quæ argumentum nostrum proximius attingunt, ea scilicet, quæ *moralia* dicuntur, & creaturas a Deo productas aliquatenus spectant. Nam de ceteris quibus divina natura prædita est, excellentissimis perfectionibus parum solliciti sunt impii homines, dummodo ab ea illas auferant, si fieri quidem posset, quæ relationem ad se ipsos habent, maximeque Providentiam, aut rerum humanarum administrationem, atque curam, quæ eos vehementer exagitat, atque excruciat. Unde eorum Coryphæus Epicurus de iis, qui Deum Providorem posuerant, ita apud Tullium conqueri solebat: *imposuistis in cervicibus nostris sempiternum Dominum, quem dies, & noctes timeremus. Quis enim non timeat omnia providentem, & cogitantem, & animadvertentem, & omnia ad se pertinere putantem, curiosum, & plenum negotii Deum?*

Et perfectiones quidem illas generatim assertas Deo denegare a nemine posse, duabus firmissimis probationibus, usque cuilibet sanæ mentis facile per viis, evincimus: quarum prima hæc est: nulla ex perfectionibus, quæ simplices
fiat,

sint, deesse potest enti summo, & infinito; igitur nec ulla ex iis quæ *morales* dicuntur, *bonitas* nimirum, *sapientia*, *iustitia*, &c. Has quippe perfectiones & quidem excellentissimas esse, nemo nisi amens negaverit, nullusque mortalium est, qui illas in creaturis ut perfectiones non agnoscat, & admiretur, & eo maiore admiratione, ac reverentia dignum non censeat, quo magis iis aliquem excellere cernit. Porro nullam ex iis, & quidem in gradu omnium summo, Deo posse deesse ex idea supremi & infiniti entis nitidissime constat, & communi tum Doctorum, tum Indoctorum sensu comprobatur. *Omnes certatim*, inquit S. Augustinus, *pro excellentia Dei dimicant: nec ququam inveniri potest, qui hoc Deum credat esse, quo melius aliquid est. Itaque hoc Deum consentiunt esse, quod ceteris rebus omnibus anteponunt. Quæ ratio confirmari hoc modo potest. Fieri omnino nequit, ut perfectio ulla; aut prærogativa sit in effectu, quæ non contineatur, & excellentius quidem, in causa. Etenim ab aliqua causa illam receperit, necessum est, alioquin perfecta esset ex nihilo, quod repugnat. Sapientiam autem, bonitatem, atque iustitiam existere in creaturis rationalibus, ne Atheus quidem negat, sensu omnium intimo alte clamante, & testimonium certissimum perhibente.*

Ratio altera sumitur ex necessitate existentia divini naturæ, sive entis perfectissimi. Si enim aliqua Deo perfectio deficeret, utique fas esset concipere existentiam entis perfectioris, quod alterius existentiam impedire potuisset. Quod si huius existentia impediri ab alio potuit, jam necessaria non esset, ut liquet: siquidem impossibile non fuisset, ut ipsa non esset. Quod si supremum ens necessario existit, contineat, oportet perfectiones omnes possibiles, adeoque etiam sapientiam, iustitiam, atque bonitatem, & absque ulla quidem penitus limitatione. Quod enim necessario existit, neque a se, neque ab alio

limitari potest in aliquo perfectionis genere. Non ab alio, cum nullum ens sit, cui supremum ens subjiciatur: non a se, quoniam fieri nequit, ut quod sibi ratio sufficiens existendi est, sibi quoque ratio non sit continendi perfectiones omnes in supremo gradu. Hoc adeo certissimum est, ut inter ipsas crassiores Gentium tenebras nemo fuerit, qui non censeret, omnino oportere Deum esse *summe bonum, summe sapientem, summe iustum*; quandoquidem inter virtutes, sive prærogativas humani generis percipimus hæc dotes præclarissimas esse, ac majori æstimatione dignas. Quin immo vel ex antiquis Philosophis, qui Atheismo favebant; æque ac nos, ceterique hominum de re hac persuasi fuisse videntur. Quodnam enim speciosius argumentum erat, ut divinitatem abnuerent? Nonne illud, quod ex defectibus quibusdam ducebant, quos animadvertere sibi videbantur in hoc universo, quem propterea indignum sapiente, iusto, bonoque Opifice perperam asserabant? Nullius porro momenti hoc argumentum fuisset, si vel Athei ipsi non agnovissent, ab idea quam de divina Natura concipimus, secludi non posse perfectiones *bonitatis, sapientia, atque iustitia.*

Peculiares autem rationes, quæ Dei evincunt Providentiam rerum omnium, in qua ceteræ comprehenduntur laudatæ perfectiones, hæc ferme sunt, eaque in primis, quam ex productis principiis Tullius intulit, eademque refellit, atque coarguit sui temporis Atheos, sive Epicureos, qui divinæ gubernationi mundum subtrahebant: *Si aliter est, lib. 2. de Nat. Deor.*, nempe, si a Deo non administratur mundus, *aliquid profecto sit, necesse est, melius, & majore vi præditum, quam Deus, qualecumque illud sit, sive inanimis natura, sive necessitas vi magna incitata hæc pulcherrima opera efficiens, quæ videmus. Non est igitur natura Deorum præpotens, neque excellens: Siquidem ea subiecta est ei vel necessitati vel naturæ, quæ cælum,*

ma-

maria, terraeque reguntur. Nihil autem est praestantius Deo: ab eo igitur necesse est mundum regi. Nulli igitur est naturae obediens, aut subdus Deus. Omnem ergo regit ipse naturam. Etenim si concedimus intelligentes esse Deos, concedimus etiam providentes. Quod si Deorum Providentia mundus administratur, necesse est, ut ibidem Tullius subinfert, ut iidem consulant rebus humanis, neque solum universis, sed etiam singulis.

Ad alias accedo probationes, quarum illa firmissima mihi videtur, quod nemo sit, nedum sapiens, & honestus, sed etiam indoctus, & impius, qui si ad interiores animi sui motus attenderit, negare queat, unum esse Deum, qui sicut condidit omnia, ita eadem omnia, quae condidit, virtute moderetur, atque administret. *Res singulas*, scribit Christianus Philosophus in primis illustris Nemesius (a) regi Providentia, magno argumento est, quod naturaliter ejus notitia hominibus sit insita. Nam necessitate aliqua compulsus, statim ad Numen divinum, & preces confugimus, velut natura nos sine doctrina ad Dei opera perducit. Non autem sine doctore natura nos ad id duceret, quod eadem natura non fert, ut fiat. Nam in repentinis perturbationibus, & timoribus sine electione, neque deliberato, & tamquam aliquid consideremus, Dei nomen invocamus. Quidquid autem naturaliter, quaque rem insequitur, in eo tanta vis est ad demonstrandum, ut contra dici nihil possit.

Præterea sicut ipsa rerum pulchritudo ab Artifice sapientissimo mundum hunc conditum fuisse demonstrat; ita rerum earundem constans ordo, stabilisque in suis motibus harmonia, evidenter ostendunt divina Sapientia, ac Providentia regi mundum, atque administrari: quemadmodum Nemesius id declarat Cap. 42. dicens: „ Omnium „ permanentia, & maxime eorum, quae „ oriuntur, & occidunt, situs item, & „ ordo rerum, qui semper conservatur, „ & astrorum cursus, qui nihil unquam „ variatur, & annui circuitus, & anni

„ temporum restitutio, noctium & die- „ rum semel in anno æqualitas, utrif- „ que vicissim neque majore, neque „ minore parte auferentibus, & de- „ crescentibus, quomodo, si nemo pro- „ videat, similiter administrari, & per- „ manere potest? „

At quoniam neque Deistæ ætatis nostræ Providentiam quamdam in Deo de rebus sublimioribus, ac præstantissimis concedere renunt, eamque solum extendi negant ad naturas viliores, & infimas, maximeque ad actiones humanas, Deumque sibi confingant, veluti terrenum Regem, aut Principem, qui minima non curat, de gravioribus tantummodo sollicitus; ideo quam absurda, quam stulta sit imaginatio isthæc paucis explicemus. Nam si Deo cura non esset de rebus omnibus, & ignobilioribus, maximeque de humanis actibus, hoc ex altero ex hisce tribus proficisci capite oporteret; idest, vel defectu scientiæ, vel defectu potentiæ, vel tandem defectu voluntatis. Nullam autem ex his in Deo admittere licet, quia ipsum de medio tollamus: cum enim & sapientiæ & potentiæ Dei infinitæ sint, & optima ipsius voluntas, complectuntur omnia, quæ in mundo sunt, nihilque ab earum effugit amplitudine, atque cura. In quo Deus maxime differt a quibusvis terræ Regibus, & Magistratibus, qui etiam si vellent, nec orania noscerent, nec prospicere possent omnibus, quæ sub eorum ditione, ac regimine continentur. Quibus adde Deum omnia condidisse etiam vilissima, ipsis fatentibus adversariis. Igitur omnia etiam sub ejus cura, & gubernatione comprehendi necesse est. Siquidem, ut arguit S. Ambrosius (a), *Quis operator negligat operis sui curam? Quis defecit, & destituit, quod ipse condendum putavit? Si injuria est regere, nonne est major injuria fecisse? Cum aliquid non fecisse nulla injuria sit: non curare, quod feceris, summa inclementia.*

Quod si de omnibus curam Deus habet, apteque cuncta etiam viliora disponit,

ponit, atque gubernat; quis nisi fatuus rationales creaturas ab ejus gubernatione subtraheret? Quin immo potior in his ratio conspirat, ut ipsas currat, & gubernationi divinæ subiciamus: quod Angelicus Doctor S. Thomas (a) egregie ostendit hoc argumento, postquam Dei de ceteris Providentiam multis comprobasset. „ Ex his quidem, inquit, manifestum est, quod divina Providentia ad omnia se extendat: oportet tamen aliquam rationem Providentiæ specialem observari circa intellectuales, & rationales naturas præ aliis creaturis. Præcellunt enim alias creaturas, & in perfectione naturæ, & in dignitate finis. In perfectione quidem naturæ, quia sola Creatura rationalis habet dominium sui actus, libere se agens ad operandum (quod supra probatum est); ceteræ vero creaturæ ad opera propria magis aguntur, quam agant. In dignitate autem finis: quia sola creatura intellectualis ad ipsum ultimum finem universi sua operatione pertingit, scilicet cognoscendo, & amando Deum; alia vero creaturæ ad finem ultimum pertinere non possunt, nisi per aliqualem similitudinis ipsius participationem. Omnis autem ratio operis (dispositionis nempe divinæ Providentiæ, ac gubernationis modus) variatur secundum diversitatem finis, & eorum, quæ operationi subijciuntur sicut oportet in regimine civitatis diversam rationem ordinis observari secundum diversas conditiones eorum,

„ qui subijciuntur regimini, & secundum diversa, ad quæ ordinantur. Oportet enim aliter disponi milites, ut sint præparati ad pugnam, & artifices, ut bene se habeant circa sua opera. Sic igitur & alia est ordinis ratio, secundum quam creaturæ rationales Providentiæ divinæ subijciuntur, & alia secundum quam ordinantur ceteræ creaturæ. Hæc ille sapientissime, qui alia quoque adhibet ad veritatem eandem confirmandam, quæ brevitatibus gratia prætereo.

Non me hercle fugiunt difficultates, quas contra Dei Providentiam congerere Adversarii solent: sed omnes facillime dissilant in auras, si illud colligamus animo, quam plures quoque difficultates esse, quæ de rebus ceteris naturalibus, iisque certissimis; occurrunt in scientiis omnibus, quæ videntur nobis plane insolubiles, neque tamen ab earum firma assensione vel tantillum dimovemur, ob evidentiam, quam aliunde de iisdem habemus. Sed præterea cogitandum diligenter illud nobis est, perspecta neutiquam nobis esse, quæ necessaria forent, ut possemus illas dissolvere, plenam scilicet de natura infinita Dei cognitionem, magnitudinem, & extensionem consiliorum suorum, numerum, naturamque Operum ipsius; res præteritas atque futuras &c. Horum quippe ignorantia, aut obscuritas, in qua profunde versamur, difficultatum omnium, quæ se obijciunt menti nostræ, fons est & origo; quas iccirco diluere minime possumus.

C A P U T III.

Ad argumenta, quæ ex Dei perfectionibus proferuntur pro adstruenda futura impiorum pœna, quædam prenotantur. Primum argumentum ex sanctitate promittitur vine naturæ. Alterum ex prerogativa supremi Legislatoris Deo maxime conveniente. Tum vero ponuntur ea, quæ suppediunt sanctitatis, sapientia, ac iustitia divina. Quæ demum deducuntur ex Dei Providentiâ, validissime confirmantur, ac pluribus illustrantur. Præcipua Deistarum evasio quaquaversum præclusa.

Iam vero ex omni parte principii firmissime constitutis, quæ diruere frustra moliuntur recentiores Deistæ, liquidissime fuit vis & efficacia argu-

menti pro adstruenda futuræ vitæ retributione, ex attributis, sive perfectionibus divinis derivati: quod quidem morale esse non diffitemur, quemadmodum

(a) lib. 3. cont. Gen. c. 112.

dum, & cetera, quæ deinde proferimus. Sed quis adeo delipiat, ut mathematicam hac in re, sive geometricam evidentiam requirat, cum non aliam, quam moralem certitudinem ipsa rei natura patiatur? Profecto si mortalitatis, atque adeo retributionis experta mens nostra est, nisi evidentia, qua potest esse, maxima id evincantur, cur eandem ipsam *Dei* in rebus omnibus nequaquam postulant? Num animus noster adeo ignobilis est, deteriorisquæ naturæ, ut, cum de eo agitur, illud verum duntaxat judicari debeat, quod evidentissime verum esse constiterit? Aut futuræ vitæ dogma adeo parvi momenti, sive periculi, ut nisi evidentia urgeat, & cogat necessitas, admittendum minime sit? Itaque si prudentissime olim dixerat Aristoteles, quemadmodum vere dixisse nemo dubitat, *stultum esse æqualem in omnibus evidentiam, certitudinemque requirere*; summæ profecto dementiæ est, maximam, cum de animorum nostrorum futura forte agitur, evidentiam postulare.

Ut autem paulatim, ac veluti per gradus quosdam progrediamur in hoc argumento, vimque ipsius plane ineluctabilem omnium veluti subjiciamus oculis; illud in primis mihi *Dei* concedant necesse est, tamquam *possibile*, quod nos re ipsa factum esse contendimus, supremum scilicet rerum omnium arbitrum, & dominatorem Deum creaturas rationales ita condidisse morum regulis instructas, ac libertate præditas, ut spatium vitæ præsentis eisdem concessum, tempus esset duntaxat probationis, atque laboris in exercenda virtute relictisquæ operibus peragendis: alia vero vita deinceps sequeretur, in qua pro meritorum suorum ratione, vel præmium, ac felicitatem reciperent, vel poenam incurrerent, atque miseriam. Quis namque in hoc divino consilio repugnantiam ullam, aut absurditatem excogitarit? Non profecto ex parte Dei, qui sicut creaturas omnes ex nihilo eduxit, earumque supremus Dominus est, ita de iisdem

disponere valet, prout sibi visum fuerit juxta infinitæ sapientiæ suæ regulas. Unde quemadmodum nemo dixerit Principem, sive ductorem exercitus haud sapienter se gerere, qui milites strenuos, aut ignavos, non tempore pugnae vel belli, sed eo finito, remuneratur, aut punit, ita de nobis militantibus in hac vita statuere sapientissime potuit Princeps omnium Deus. Sed neque repugnantia ulla, aut absurditas conungi potest ex parte hominis. Quodcumque enim de natura ejusdem amplecteris systema, ipsum capacem futuri præmii, vel poenæ admittere cogeris. Nam si animos nostros, prout docet major, meliorque Philosophorum pars, & totius humani generis sensus, & apodicticæ plane rationes probant, simplices, spirituales, adeoque suapte natura immortales admiseris, jam evidens est eos non dissolvi, sed permanere etiam post separationem a corpore. Quod si stultissimam Epicurei, & Materialistarum opinionem sequi malueris, animumque ponas subtili materia concretum; neque in hac hypothesi, ut semel, ac iterum notavimus, eum ita interire in hominis morte dixeris, ut etiam neget, omnipotentem Deum, a quo conditus est, in statum illum posse restituere, in quo præmium promeritis subeat vel supplicium. Nullo igitur pacto *impossibilem esse* futurum vitæ statum fas est defendere.

Sed & illud deinde nobis *Dei* concedant, oportet, nihil deesse nobis ex iis, quæ necessaria creduntur, aut saltem credi facile possunt ut pro operibus nostris subeamus judicium Dei. Nos etenim præ ceteris cunctis animantibus cognoscimus Deum: insitas in mente atque consignatas habemus ideas honestatis, & pravitatis; virtutis & vitii, quæ bonum a malo, nativa mentis vi discernimus: percipimus etiam naturales hujusmodi ideas, aut notiones obligationem inducere, sive debitum alia sequendi, alia autem fugiendi. Liberos insuper nos esse præditos arbitrio sentimus, quo nosmetipsos dirigere, ac determinare valemus, bonumque pro lubitu,

bitu, vel malum amplecti, virtutem sequi, vel vitium, atque adeo etiam novimus actus nostros laude dignos esse, aut vituperatione, præmiumque mereri, vel supplicium. Hæc abunde ostensa jam sunt, & ex iis, quæ in rebus humanis contingunt, & politico regimine clarissime patent. Nec demum aliquis in dubium verterit nos doloris capaces esse vel gaudii, quæ præmium, & pœnam consequuntur: quemadmodum nec esse creaturas a Deo dependentes, eique subiectas, qui legibus quibusdam nos regat, omnique potestate remunerandi, aut puniendi præpollat.

Etiam illud præterea certissimum est apud omnes, Principes, aut Legumlatores humanos nec probis præmia, nec improbis supplicia conferre, sed neque conferre posse, quæ meritis cujuscumque respondeant. Nam, si de præmiis loquimur, vel nulla profus ab ipsis tribui solent, vel aliquando adeo exigui momenti, ut plane pro nihilo æstimanda sint, præsertim cum arcana cordium intraspicere nequeant, unde bonarum actionum pretium potissimum æstimatur. Si autem sermo sit de suppliciis, quænam sodes sunt actiones pravæ, quas Magistratus humani punire solent? Plane nonnisi exteriores aliquæ, quæ societatem politicam lædunt, ac Reipublicæ tranquillitatem perturbant: & has quidem non omnes, sed perpaucas: quoniam paucissimæ sunt, quæ in eorum cognitionem veniant; cetera vero, eademque propemodum infinita, ac sæpe gravissima delicta, quæ corde potius, quam externo opere consummantur, aut minime norunt, aut ipsi non curant, aut de illis nullum iudicium pronunciant, aut ea punire non possunt. Hoc perviderunt antiqui illi Legumlatores Solon, Charondas, Lycurgus, & alii, qui, ut homines in officio pro virili continerent, veluti basim quamdam, ac fundamentum legum suarum dogma præstituerunt divinæ Providentiæ, quæ contemplatur omnia, nihilque latet ex iis, quæ ab hominibus fiunt, sive manifesta sint, sive occulta.

Quæ si omnia adeo certissima sunt,

ut neque ab Adversariis nostris in disputationem adduci queant: si admittere quemquam necesse est actiones bonas, ac malas, quæ a Creaturis rationalibus libere fiant, atque adeo laudem, aut vituperationem, præmium aut pœnam sibi debita faciant: si hæc a terrenis Principibus pro ratione meritorum nec tribuuntur, nec tribui valent; jam nihil est aliud residuum, nisi ut ad supremum Dominatorem Deum oculos cogitationesque nostras attollamus, qui de actionibus hominum æquissimum iudicium ferat, easque, prout merita cujuscumque exigunt, remuneretur, aut puniat: idque vel in hac vita, vel in futura. Porro Deum non hujus quidem vitæ spatium, sed futuræ pro retribuendis omnium meritis constituisse, tot argumenta convincunt, ut qui id inficias eunt, non tam Religionis, quam rationis ipsius hostes, quam se unice sequi gloriantur, se apertissime prodant, ipsumque tandem Deum, quem se profitentur agnoscere, consequentia plane necessaria abnegare cogantur. Hæc autem argumenta sumuntur ex iis, quæ Deo convenire necesse est, Dei scilicet perfectionibus; aut prærogativis *moralibus*, sanctitate, Legislatoris dignitate, sapientia, justitia, providentia, ex quibus totidem media peridonea nobis suppeditantur, unde necessitatem status futuræ vitæ sive beatæ sive miseræ validissime comprobemus: quas tamen nemo non perspicit, ita invicem esse connexas, atque implicitas, ut altera ab altera vel nullo modo, vel difficillime de hac re differentibus sejungi possint.

Primum itaque argumentum sumitur ex sanctitate Dei, sive puritate, ac rectitudine perfectæ naturæ suæ, qua sicut semper approbat, amatque seipsum, suasque perfectiones infinitas; ita pretio dignum, & amore reputat duntaxat in creatis rebus, quod divinis suis perfectionibus assimilatur, aut aliquam habet cum iisdem relationem conformitatis, reprobatur vero, odioque infinito prosequitur quicquid ab iisdem dissentit, aut adversatur. Hinc autem duo statim consecutaria profluunt, & quidem

evidenter, ac necessario: quorum primum hoc est. Quo magis homo sollicitus est, ut reparet in seipso, perficiatque imaginem Dei vitæ sanctimoniam, morum relicitudine, virtutum cultu; eo magis accedit ad Deum, ac exprimit in se divinas ipsius perfectiones, atque adeo magis etiam approbatur a Deo, atque diligitur: de quo certe dubitare nemo potest. Nam & ipsi Gentiles nativo lumine de hac veritate convicti sunt, unumque istud erat, teste Laertio (a), ac Stobæo, ex præcipuis Stoicorum dogmatis: *virtutem, ejusque opera Dii amant*: quod & Cicero, alique dixerunt. Porro quo magis Deus aliquem probat ac diligit, eo majore dignum existimat felicitate, vel præmio. Neque enim Dei approbationem, & amorem erga creaturam rationis competentem, bonisque fruendi capacem, concipere fas est, veluti steriles quasdam & inutiles affectiones, sed tamquam firmam voluntatis suæ dispositionem, cui effectus respondeant, tum Dei bonitati, tum naturæ hominis consentanei. At vero nemo est ex iis ipsis, qui sanctitate vitæ, morumque candore, ac pietate præfulgent, qui beatitudinem, aut affluentiam bonorum, quam sibi promeritus est, in hac vita percipiat; quin contra pluribus sæpe miseris, & ærumnis ad mortem usque premi, atque exagitari videmus. Igitur alium concedere oportet statum vitæ, futurumque judicium, in quo Deus piorum opera remuneratur, eosque efficiat perpetuæ suæ felicitatis consortes.

Alterum confectarium est: quo magis homo perverse, & obfirmate peccando a Deo recedit, imaginem Dei in semetipso impressam inficit, vitiis turpissimis se tradit, adeoque divinæ sanctitati, ac perfectioni directius opponitur, eo magis odio habetur a Deo, reprobaturque, magisque divina sanctitas, quam contemnit, exigit ut pleatur poena, quæ culpæ suæ gravitatem exæquet, congruatque dignitati

suæ, malis scilicet omnibus obruatur. Nullus autem impius est, etiam inter nequissimos, qui hisce malis, & infortunis obnoxius sit in hac vita mortali. Immo permultos eorum nonnumquam cernere est, qui vitam agunt omni felicitatum genere cumulatam, cunctisque seculi hujus bonis affluentem. Igitur vita alia succedat, necesse est, aliudque seculum, in quo sempiterna sit constituta eorumdem miseria. Nam si hæc non ponatur, nullo plane signo testaretur Deus summam suam displicentiam, & odium peccati, quod tantopere contrarium est naturæ suæ, suæque sanctitati.

Idem amplius explicare, & confirmare præstat hoc modo. Dubitare minime licet, quin divina voluntas a nobis efflagitet, maximeque desideret, ut ipsi, quantum in nobis est, assimilemur in illis perfectionibus, quæ convenire nobis possunt, *moralibus* nempe, sive sanctitate, bonitate, & justitia. Si enim nullus in creatis Pater est, qui non vehementer exoptet, ac velit, liberos imitari præclaras actiones suas, sibi que in iis præsertim dotibus similiores effici, in quibus videntur excellere; nonne idem potiore sane titulo sentire debemus de omnium conditore, atque Patre Deo, ut nimirum ipsi similes efficiamur in iis divinis dotibus, quæ fundamenta sunt immutabilis felicitatis suæ? Quod si id ab hominibus requiratur ac velit, profecto nequit non diligere eos, qui voluntati suæ fideliter obsequentes impense colunt pietatem, sanctitatem, justitiam, beneficentiam, aliasque virtutes, quibus Deum imitamur, summeque averfari omnes, qui eas contemptui habentes ad vitia defleunt, iisque se totos mancipant, adeoque a Dei similitudine longissime distant. Quod si Deus in illis sibi admodum complacet, hos autem summe averfatur, & odit, quid aliud consequens est, nisi ut erga utrosque amoris, vel odii signa declaret, & alios quidem ad se per-

se perducatur, beatosque faciat, alios autem abs se repellat, & miserimos reddat? quæ sane ad hanc vitam neque pertinent, neque pertinere possunt. Atque hoc est, quod agebat Regius Propheta alloquens Deum: *quoniam non Deus volens iniquitatem tuas, neque habitabit juxta te malignus, neque permanebunt iniusti ante oculos tuos; odisti omnes, qui operantur iniquitatem: perdes omnes, qui loquuntur mendacium.... Judica illos Deus: decidunt a cogitationibus suis: secundum multitudinem impietatum eorum expelle eos: quoniam irritaverunt te Domine. Et levitentur omnes, qui sperant in te, tibi que morum, vitæque sanctimonia continenter adherent: in æternum exultabunt, & habitabis in eis.... Quoniam tu benedices iusto: scuto bonæ voluntatis tuæ coronasti eum.* (a)

Sed hæc divina voluntas amplius nobis manifesta sit ex regulis honestatis, atque virtutis, quas menti nostræ Deum indidisse probavimus: unde alterum argumentum sumitur pro futura retributione adstruenda, ex prærogativa nempe supremi Legislatoris Deo convenienter depromptum. Has namque regulas, nedum ex se ipsis obligationem inducere in creatura rationali, sed etiam ex ipsa voluntate divina ita sapientissime disponente, compertissimum est, atque hac ratione firmissima evincitur. Etenim regule nobis insitæ nihil aliud sunt, nisi Lex æterna Dei nobis communicata, mediis quibusdam judiciis absolutis, & necessariis de bono, & malo, iisque præceptivis. Ita siquidem eam universim definit S. Thomas: *ratio divine sapientiæ secundum quod est directiva omnium actionum, & motionum creaturarum in ordine ad bonum commune totius universi.* Quapropter, quemadmodum Deus præscribens agentibus necessariis leges naturæ eorum consentaneas, quas constanter sequerentur relate ad finem sibi præstitutum, bonum scilicet naturale universi, vult, ut iidem subjecta sint, in iisque servandis

quidquid virium habent, ac facultatis infumant; ita perspicuum est Deum ipsum necessario velle, ut Creaturæ omnes, quibus intellectum tribuit, voluntatem, ac liberum arbitrium, nobilissimas hæc facultates impendant, ut quantum in ipsis est, morale bonum factum testumque conservetur. Quod etiam communitur hoc explorato laudati S. Thomæ principio: *id totum, quod directe, ac certo tendit in commune bonum, ac felicitatem totius universi, conforme maxime est divine voluntati.* Cum enim Deus sibi ipsi sufficiens sit, nec creaturis egeat ad plenam sui beatitudinem, non ob aliud homines extraxit ex nihilo, nisi ut participes efficeret felicitatis suæ, adeoque nec ab iisdem exigit, aut exigere debet, nisi ut vim suam omnem conferant in eundem finem. Nullum autem consequendi huiusce finis certius medium, ac directius est, quam diligens & accurata observatio legis divinæ, sive eorum omnium officiorum, quæ ex lege ab ipso constituta proficiuntur: idque ne ipsi quidem Religionis hostes, & præ aliis Hobbesius inficiari omnino ausi sunt; unde ad leges politicas confugerunt, ut ad finem hunc assequendum pervenirent. Liqueat ergo apertissime legis transgressionibus, sive peccatis, homines, hoc est creaturas finitas, imbecillas, errori subjectas, præferre voluntatem propriam rationi æternæ Dei infiniti, omnipotentis, infallibilis, refragari ejus supremæ voluntati, eamque pro nihilo habere, penitusque contemnere, quod sine magna offensa, & injuria Dei gravi animadversione puniendæ ne concipi quidem valet.

Quæ si vera sunt, ut nemo dubitaverit, num adeo amentes erimus, ut putemus Deum leges quidem nobis constituisse, easque magnopere velle, ut accurate observentur a nobis, quin tamen nullum proposuerit fidelibus observatoribus præmium, nullum violatoribus, atque contemptoribus suppli-

D 2 cium?

cium? Immo vero hæc statuiffe e vestigio perpicimus, dum attente perpendimus retributiones hujusmodi necessarias esse ad dignitatem summi legislatoris declarandam, ad majestatem & decorem legum suarum conservandum. Quid enim lex esset, aut quonam loco haberetur, si ad ejus observantiam nec præmium urgeret, nec supplicium impelleret? Plane imperfecta dicenda foret, inutilis, sapiente Legislatore prorsus indigna, immo ne lex quidem, sed simulacrum potius, aut spectrum legis: quoniam vi careret inducendi subditos ad executionem eorum quæ præcipit, aut vetat: cumque nec præclarius, nec religiosius colamus Deum, quam fidei obedientia legibus suis præstita, nec abjectius, aut vilius de Deo sentiamus, magisque contemnamus, quam audaci earundem transgressione, contemptus namque legis in ipsum resilit Legislatorem; non potest Deus sui honoris zelator *non honorare eas*, ut cum sacra Scriptura loquar, *qui se honorant*, suaque gratia, favore, atque munificentia dignos efficere: contra vero in eos, qui se contemnant, iram suam, atque indignationem ostendere, debitique punire supplicii: unde & in humano regimine cernimus, quemvis Legislatorem, qui jure gaudeat ferendi leges & observantiam earundem exigendi, minime pati, ut eas impune violentur, & contemnantur, quin potius illarum sibi injuriæ sensum testari vindicta sumpta de earum transgressoribus. Quis autem asserendum arbitretur, dum ad mores hominum oculos convertit, dum inspicit fraudes, insidias, assentationes, violationes aliorum thalami, hypocrises, astutias, concussiones, monstrosas libidines, oppressiones pauperum ac viduarum, crudeles vindictas, blasphemias, aliaque innumera scelera, quibus divinarum leges despectæ jacent, ac ludibrio habentur: Quis, inquam, dum hæc cogitat, sibi persuadeat pro tot criminibus, & iniquitatibus, pro tot injuriis, & offensis in se commissis dignas a Deo de contumacibus legum suarum violatoribus repeti poenas in hac vita morta-

li? Quamquam enim Deus etiam in hoc sæculo ob hominum flagitia publicas quandoque calamitates immittat, sapissime tamen animadvertimus culpas etiam gravissimas inultas, impunitasque: immo Dei rebelles, ac refractarios pervicacissimos, innocentum oppressores, humanæ societatis, ac totius Religionis hostes, & contemptores, florere maxime, omnique bonorum temporalium abundantia, opibus, honoribus, deliciis, voluptatibus circumfluere, nullaque digna tot scelerum poena perfoluta ex hoc mundo demigrare. Contra vero fideles, studiososque cultores Dei, suarumque legum, eximie integritatis, & innocentie, justitia insignes, beneficos, misericordes, mansuetos, patientia, pietate, ceterisque virtutibus ornatissimos, variis hujusce vitæ calamitatibus continenter affligi, diæque suos in egestate, in ægritudine, in ærumnis, in inopia bonorum omnium miserrime transigere, nulla unquam perfectæ obedientiæ mandatorum Dei temporali retributione percepta. Nonne igitur vitam aliam cogitemus omnino necesse est, in qua Legislator supremus & horum obedientiam cumulatissime compenset, & illorum contumaciam meritissimis suppliciis plectat, atque ita divinum honorem suum incolumem servet, legum suarum majestatem tueatur, reparetque gravissimas injurias, & contumelias sibi ab impiis, & peccatoribus irrogatas?

Novum robur accedit huic argumento relate ad punitionem malorum, dum attentius intuemur humanæ naturæ conditionem. Etenim si dubitandum non est voluisse Deum, ut suæ leges ab hominibus observarentur, prospectu, sive comminatione futurorum suppliciorum illos in officio continere præferat debuit. Nam cum sensibus maxime subiecti sint, ab iis, quæ sensus magis afficiunt, commoveri validius solent, magisque ad parendum urgentur timore poenæ, quam amore virtutis. Pulcritudo honestatis, quamquam ex se maxima, vim habet admodum exiguam ad eos alliciendos, tormenta

vero

vero & cruciatus fortius illorum animos concutiunt, & a scelere avocant, quam dulcedo præmiorum, ut ipsa experientia compertum est: magisque videmus deterri homines a vitiis, atque peccatis, dum contemplantur inferni flammæ & acerbiteriam pœnarum, quam ad studium pietatis accendi, dum prospiciunt paradisi gaudia, ac bonorum, quæ promittuntur, amplitudinem. Unde & Legislatores humani suarum legum observantiam promovere solent, nonnisi severissimis pœnis adversum transgressores denunciatis, veluti mediis ad obtineadum finem aptioribus. Supremus itaque Legislator eadem voluntate, qua leges præscripsit hominibus ad bonum universi, velit etiam oportet pœnas, & supplicia eorum, qui eas violare audent, tamquam medium ad præstitutum sibi finem assequendum efficacius: atque adeo colligere debemus, peccatores & impios destinatos esse ad subeunda in alia vita supplicia, quibus certe in præsentia addicti non sunt.

Tertium argumentum, aut argumentorum genus suggerit consideratio divinæ sapientiæ, quæ de rebus cunctis ordinat, atque disponit, prout exigunt cujuscumque relationes, ac merita: *ordinare* quippe, ut ex Aristotele observat S. Thomas, *sapientis est: ordinatio enim aliquorum fieri non potest, nisi per cognitionem habitudinis, & proportionis ad invicem, & ad aliquid aliud, quod est finis eorum.* Ex quo profundam hanc rationem in rem nostram eruit idem S. Doctor lib. 3. c. Gen. c. 140. Sicut res naturales ordini divinæ sapientiæ subduntur, ita & actus humani: utrobique enim convenit debitum ordinem servari, vel etiam prætermitti. Hoc tamen interest, quod observatio, vel transgressio debiti ordinis est in potestate humanæ voluntatis constituta; non autem in potestate naturalium rerum est, quod a debito ordine deficiant, vel ipsum sequantur. Oportet autem effectus causis per convenientiam respondere. Sicut igitur res naturales, cum in

eis debitus ordo naturalium principiorum, & actionum servatur, sequitur ex necessitate naturæ conservatio, & bonum in ipsis corruptio autem, & malum, cum a debito & naturali ordine receditur; ita etiam in rebus humanis oportet, quod cum homo voluntarie servat ordinem legis divinitus impositæ, consequatur bonum, non veluti ex necessitate, sed ex dispensatione gubernantis: quod est præmiari: & e converso malum, quum ordo legis fuerit prætermissus: & hoc est puniri. Duplex scilicet ordo distinguitur in rebus creatis, *naturalis* alter, alter vero *moralis*: & quemadmodum ex conservatione utriusque bonum resultat, ita ex perversione malum: hoc tamen discrimine, quod cum conservatio *ordinis moralis* pendeat a libera potestate hominis subditi morum regulis a Deo præscriptis, non autem *naturalis*, qui pendet ab agentibus necessariis, hæc imputetur homini ad laudem, & meritum; perversio vero ad culpam, & demeritum: atque adeo *bonum*, aut *malum*, quod ex hoc ordine vel conservato, vel perturbato consequitur, præter actum vel laudabilem, vel culpabilem, inducit etiam jus vel ad præmium, vel ad pœnam ab Authore totius recti *Ordinis* inferendam. Cum autem experientia nimium lugenda manifestet perversiones hujus *ordinis* frequentissime fieri ab hominibus, quia *malum pœna*, quæ illas consequi deberet in hoc mundo cernamus, quid aliud superest, nisi ut prospiciamus animo vitam aliam, in qua retributio eorum fiat, quam quisque promeritus est?

Duabus aliis rationibus ex ordine a divina sapientia constituto de promptis eandem veritatem comprobatur Angelicus idem Doctor. Priore habet cap. laudato his verbis: „Ubicumque est aliquis ordo ad finem, oportet, quod ordo ille ad finem ducat: recessus autem ab ordine finem excludat.... Deus autem imposuit actibus hominum ordinem aliquem & respectum ad finem boni. Oportet igitur,

„tur, quod si ordo ille recte positus
 „est, quod incedentes per illum ordi-
 „nem, finem boni (idest bonorum o-
 „mnium fontem) consequantur: quod
 „est præmiari: recedentes autem ab
 „illo ordine per peccatum, a fine boni
 „excludi: quod est puniri „: quam
 „quidem exclusionem, cui certe locus
 „non est in hac vita, pœnam esse o-
 „mnium terribillimam, ex iis, quæ di-
 „cemus in sequenti libro apertum erit.
 „Alteram profert 1. 2. qu. 87. art. 1.
 „inquirens: „ Manifestum est, quod quæ-
 „cunque continentur sub aliquo ordi-
 „ne, sunt quodammodo unum in ordi-
 „ne ad principium ordinis. Unde
 „quidquid contra ordinem aliquem in-
 „surgit, consequens est, ut ab eo or-
 „dine, & a Principe ordinis deprima-
 „tur. Cum autem peccatum sit actus
 „inordinatus, manifestum est, quod
 „quicumque peccat, contra aliquem
 „ordinem agit, & ideo ab ipso ordine
 „consequens est, quod deprimatur:
 „quæ quidem depressio pœna est, &c.
 „Subditur autem homo universali or-
 „dini divini regiminis: ordo autem
 „per peccatum pervertitur, dum ille,
 „qui peccat, agit contra legem divi-
 „nam &c. unde pœnam incurrit a Deo „
 „irrogandam: & quidem in futura vi-
 „ta, si in hac non expietur: nam ut
 „præclare ostendit art. 3. ejusdem qua-
 „stionis: *ut ordo servetur, quo voluntas*
hominis subditur Deo, necesse est, ut
 „tandem peccator deprimatur a Deo per
 „pœnam, quandiu adversus ordinem ab
 „ipso constitutum peccator insurgit per
 „culpam. Nam si manente ordinis per-
 „versione inducta per culpam pœnæ rea-
 „tus finiretur, jam aliquid in rebus inor-
 „dinatum subsisteret, ipse nimirum ordo
 „perturbatus absque ulla reparatione nec
 „per poenitentiam facta, neque per pœ-
 „nam, minusque pulcritudinis, atque de-
 „coris restitueret sapientia Dei, quam
 „hominis culpa destrueret: neque enim,
 „poenitentia sublata, hujusmodi restituo
 „haud aliter fieri potest, quam per
 „pœnam inflictam, qua peccator deprimi-
 „tur, ac veluti ad statum sibi debi-
 „tum revocatur.

Alio sub aspectu hoc argumentum
 ex divina sapientia ductum fortasse sen-
 sibilis, nisi fallor, effici potest hoc pa-
 do. Nemo profecto mortalium est,
 aut unquam fuit, qui Deum agnosceret
 aliam sibi de illo informavit animo i-
 deam, quam entis *sapientissimi*, qui &
 nobilissimos sibi fines semper præstituit,
 & aptiora media adhibeat ad eos obti-
 nendos. Porro quis unquam hanc ideam
 serio & attente contemplatus est, aut
 contemplari potest, quin statim colligat
 vitam futuram? Ens infinite *Sapiens*
 perversionem quidem, & inordinationem
 ferre potest in opere suo, sed ad
 tempus aliquod determinatum, ac ne-
 cesse est, ut serius, aut citius ordinem
 tandem restituat, ac vigere faciat. Hoc
 plane vel primo intuitu facile concipi-
 mus omnes, deducimusque ex idea *sapi-
 entie infinita*, quæ una pollet infinita
 omnipotentia. Nullus autem est, qui
 oculos in hoc mundo circumferat, ea-
 quæ sedula mente perpendat, quæ te
 nobis incessanter obijciunt, simulque
 non amare debeat ex una parte horri-
 bilem morum corruptelam, quæ in ho-
 minibus est, in hominibus, inquam,
 Creaturis videlicet, quæ quibuscumque
 aliis operibus Dei nobilitate naturæ lon-
 ge præstant: ex alia vero animo per-
 quam molesto non videat fumam,
 quæ ubique obelnet confusionem bono-
 rum, atque malorum. Nam & virtus
 frequentius in nullo pretio est, contem-
 pta, ludibrio, & ignominia habita,
 atque infortunis continuis nonnumquam
 exagitata: vitium vero sapissime flo-
 ret, in dignitate est atque honore, ne-
 que solum citra punishmentem liberrime
 vagatur, laudes etiam sibi sepenumero
 conciliat, & plausus. Quis hæc tan-
 tummodo volvens animo non alte ad-
 miratur, & obstupescit? Cui nostrum
 si alius vitæ status non succederet, fas
 non effet de Deo conqueri, quod cum
ordinem naturalem tanta sapientia regat,
 atque disponat, ut cuilibet manifestum
 est, *ordinem moralem*, qui tanto præ-
 tiosior est, atque excellentior, omnino
 prætereat ac despiciat? Quandoquidem
 virtutibus deberi præmium, ac felicitatem;

tem; vitiis vero supplicium, & miseriam, indito ab ipso Deo nativo lumine cognoscimus; quæ tamen utrique non rependi in hac vita non minore perspicuitate videmus. Verum plane omnis admiratio evanescit, dum cogitamus vitam hanc *non esse retributionis tempus, sed probationis*, illamque ad futuram reservari, in qua hæc confusio, & inordinatio de medio tollenda sit. Tunc enim extemplo lux quædam clarissima emicat, quæ nobis ostendit, virtuti hic expectandum non esse præmium suæ dignitati, ac merito conveniens, quod hujus vitæ tempus homini concessum fuerit, ut eam exerceat, & exercendo animum suum perficiat, piisque operibus thesaurum sibi meritum acquirat. Statim etiam perspicuum fit ex opposito neque impio, & facinoroso homini par delictis suis infligendum esse, sed neque infligi posse, tormentum, atque supplicium: quoniam istud est quodammodo libertatis suæ tempus, quo præclaro munere dum abutitur, sibi debitam efficit pœnam, quam demum subiturus fit, in altera scilicet vita.

Eandem rationem juvat amplius proponere ex recenti Scriptore, & illo quidem in primis illustri (a): „Idea, inquit gallico idiomate, quod in latinum verto, entis infiniti se jungi minime potest ab idea vitæ futuræ beatæ, vel miseræ. In principia tria, quæ hoc solidissime evincunt, extra omnem dubitationis aleam posita. Nos procul dubio *relationes* aliquas habemus *cum Deo*, & *cum aliis creaturis* ab ipso Deo *sapientissime constitutas* in hoc universo, quas a nobis *servandas omnino esse decernit, ac præcipit*. Quis aliquid horum trium negaverit, aut in disputationem adduxerit? Negabimus ne *relationem*, aut respectum nos habere *cum Deo*, & *cum aliis creaturis*? Sed hoc perinde esset, ac negare, quod simus, sive existamus. Negabimusne respec-

„tus hosce fuisse *a Deo* in universo *constitutos*? At hoc idem esset, ac negare ipsum Deum. An saltem negabimus *decrevisse* Deum, ac præcepisse, ut exacte servarentur a nobis? At quis hoc neget, quin negare cogatur velle Deum, quod jam ab ipso factum esse evidenter constat? Porro semel ac vitam alteram ponimus, in qua qui fideliter in hac Deo obtemperavit, remunerationem accipiat; qui autem Dei legibus obedire noluerit, pœna muldetur, satis admirari non possumus consilium, & dispositionem sapientissimam Dei erga creaturam suam: quam cum libero arbitrio donaverit, æquum erat ut spatio temporis illi concesso, quo beneficiis suis recte utens, majora promereri, & adipisci valeret, leges suas, atque præcepta eidem duntaxat imponeret, minisque ac promissis excitaret, suo illam arbitrio relinquens absque ulla vi, & coactione, sive necessitate. Quod si ponamus nullam, post hanc, vitam esse futuram, jam nullum amplius videre licet in Dei circa nos dispositione divinæ sapientiæ ordinem, ac rationem. Quid enim emolumentum percipimus ex cognitione *relationum* omnium, quas Deus in universo constituit? Quem fructum ex minis, ac promissis haurimus? An forte dixeris, ut urgeant nos, atque impellant ad parendum Deo? Verum quid minæ profunt, & promissiones, quæ nullum unquam effectum sunt habituræ? Nam si vitam hanc tantummodo spectant, evidens nimirum est persæpe vitium non punitionem consequi, sed felicitatem potius illam, quæ deberetur virtuti. Quod si aliquando vitium punitur, pœna haud plane æquat gravitatem criminum, ac tandem finem habet cum morte, bonis æque malisque communi. Atque hinc nemo non colligat, necesse esse, ut quicunque contendit, vitam hanc

hanc ultimam esse totius hominis terminum, adeo ut nec probi, nec improbi aliud post se relinquant nisi vanam, & inutilem recordationem recte vel male factorum, cogatur omnino repudiare, & negare sapientiam infinitam Dei cum summa omnipotentia conjunctam: hæc enim cum ea perversione quam cernimus ordinis moralis consistere nequaquam potest.

Sed neque potest consistere cum idea *justitiæ divinæ*, unde aliud in rem nostram sumimus argumentum. Idea justitiæ, prout peculiaris quædam virtus est, hoc necessario exprimit, atque exposcit, ut unicuique reddatur, prout sibi debitum est. Equidem Deus nihil debet creaturis suis: sed tamen hoc debet sibi ipsi, quod de creaturis disponat, prout unaquæque exigit, eoque modo, qui Deum maxime deceat. Porro exigentia creaturarum rationalium hæc est, ut unaquæque meritis suis digna recipiat, præmium nempe, quæ bene se gessit virtutemque coluit, & exercuit; supplicium autem, quæ inique egit, vitiumque secuta est. Nam ut scite animadvertit Vir Clar. Grotius, *etiamsi lex nullam pœnam expressisset, naturaliter tamen ipse actus humanus, sive intrinsicam habens prævitatem ex rei natura immutabili, sive extrinsecam ob contrarium Dei præceptum, eo ipso pœnam aliquam, & quidem gravem meretur, nimirum par est hominem peccatorem puniri (a).* Deus igitur æquissimus distributor omnium, quemadmodum nec virtutem sine præmio, ita multo magis nec vitium sine punitione relinquere debet: quam certe in hac vita pro tot, tantisque sceleribus rependi nemo ne suspicabitur quidem, dum ea, quæ hic contingunt, attenta mente revolvat. Quod ut manifestius intelligas, pone tibi, quæso, ante oculos duo hominum genera, quæ terræ hujus faciem inhabitant. Hinc considera hominem justum ex iis plurimis, quos Religio Christiana sinu suo fovet,

justum hominem dico, qui Deo in omnibus placere studet, ejus leges exactissime observat, ab eisque vel tantillum desciscere reformidat, imaginem Dei in proximo suo effulgenter honore debito prosequitur, neminem lædit, benefacit omnibus, justitiam, mansuetudinem, temperantiam, cæteraque virtutes, & corde impense diligit, & operibus continenter manifestat: a sancto proposito, quod semel concepit, nunquam revocatur, non blanditiis fleatur, non minarum asperitate terretur, non suppliciorum quorumlibet crudelitate dimovetur, adeo ut post vitam in miseriis ductam, in angustiiis, in perpetua adversum seipsam, pravaque appetitiones pugna, postremo pro justitia, pro pietate, pro religione inter dirissimos cruciatus vitam ipsam cum sanguine profundit. Atque hinc considera hominem nequissimum, qui nullam prorsus Dei, ac religionis curam gerit, divinas leges liberrime, ac impudenter contemnit, superbum, avarum, crudellem, furore tumentem, impotentis libidinis, vitiis omnibus deditum, qui nihil non refert in suam utilitatem, & commodum, qui omnia jura subvertit, ut cupiditatibus suis licentius indulgeat, uno verbo qui flagitia flagitiis accumulat, delicta delictis, in iisque totum vitæ suæ spatium insurnat, quorum plurimos in historiis legimus, non pauci etiam in oculos nostros quotidie incurunt: quin tamen de sceleribus suis pœnas luant in hoc mundo, immo potius prospere agunt in omnibus, bonisque, quæ appetunt, assatim perfruuntur ad extremum usque diem vitæ suæ. Dum hæc serio contemplaris, nec ad futuram vitam meditationem convertis, in qua utrique homini tam diversam vitæ rationem transigenti, pro meritis præmium tribuatur, aut pœna, nonne plane necesse est injustum tibi videri Deum, qui hæc in universo permittat, nec majorem curam habeat de tam probatissimo viro, quam de tam infigniter

gniter impio? Si quis terrenus Princeps & Rector nullas pœnas de delictis subditorum exigeret, eaque impunita dimitteret, quin potius scelestos muneribus cumularet, probis civibus abque ulla remuneratione neglectis, quis illum apertæ injustitiæ reum non traduceret, non vituperaret? Num igitur hoc de summo Deo cogitabimus, qui natura sua justus est, inimo justitia ipsa perfectissima?

Robur huic argumento majus accedit ratione S. Thomæ, quam ex conditione meriti, ac demeriti sive reatus, quem peccatum inducit arcessit, (a) atque ita proponi potest: Equidem actibus hominum, sive boni sint, sive mali, nihil additur Deo, nihil ab eo tollitur: sed tamen homo, quantum est de se, aliquid vel Deo subtrahit, vel exhibet, cum servat, vel pervertit ordinem ab ipso statutum in rebus. Hinc autem oritur actum omnem deliberatum hominis bonum, & malum habere rationem meriti vel demeriti apud Deum, quantum est ex ipsa ratione actus, inquit S. Doctor: quia totum, quod homo est, & potest & habet, ordinandum est ad Deum, tum ratione sui, in quantum est ultimus hominis finis, tum ratione totius communitatis universi, cujus ipse est Rector, & Princeps. Quapropter, cum meritum, & demeritum dicantur in ordine ad retributionem, quæ fit secundum justitiam, ex utroque capite ad Deum pertinet retribuere pro his, quæ bene vel male fiunt in communitate: quod confirmat, & magis explicat q. 87. art. 6. his verbis: actus peccati facit hominem reum pœne, in quantum transgreditur ordinem divine justitiæ, ad quem non reddit, nisi per quandam recompensationem pœne, quæ ad æqualitatem justitiæ reducit, ut scilicet, qui plus voluntati suæ indulget, quam debuit, contra mandatum Dei agens secundum ordinem divine justitiæ aliquid contra illud, quod vellet, spontaneus, vel inuitus patiat. Quod etiam

in injuriis hominibus factis observatur, ut per compensationem pœne redintegretur æqualitas justitiæ. Ita igitur postulat ordo & ratio justitiæ, ut peccator per pœnam reducatur ad illam æqualitatem, a qua deflexit per culpam, sive puniatur juxta meritum suum, & dum voluntati suæ liberius indulgens, quam debuit, egit contra mandatum Dei, contra suam voluntatem patitur pœnam, quam per poenitentiam non subivit. Nullus ergo non videt, injustum (quod absit omnino suspicari) futurum Deum, si tot præsertim scelestissimos homines, qui ex hac vita decedunt abque poenitentia, & culparum suarum expiatione, pœna pro meritis minime plecteretur in vita futura. Hac unica ratione factam testam consistere justitiam summi Dei perspexit Propheta Jeremias, dum ea, quæ contingunt in præsentia vita, contemplaretur. Cum enim prius dixisset alloquens Deum: (b) justus quidem es tu Domine, si disputem tecum: verumtamen justa loquar de te: quare via impiorum prosperatur: bene est omnibus, qui prævaricantur, & inique agunt? Ab iis præsentibus mentem abstrahens, & quæ tandem eventura erant, animo prospiciens, congrega eos, subjecit, quasi gregem ad victimas, & sanctifica eos in die occisionis, sive ut ex hebræo, dirige eos tamquam gregem destinatum latrocinio, seponere ad diem occisionis, quasi ad diem sacrificii justitiæ Dei, quæ brevem eorum prosperitatem in perpetuam miseriæ convertet, atque ita locus erit omni creaturæ: laudandi Deum in omnibus viis suis, ac perpetim dicendi: justus es Domine, & rectum judicium tuum.

Atque hæc quidem perfectiones bonitatis, sapientiæ atque justitiæ confluent omnes ad firmandum quaquaversum supremum, illudque in rem nostram robustissimum, ac splendidissimum argumentum, quod ex summa ducitur rerum omnium, maximeque

E hu-

humanarum Dei Providentia: quam præcellentem prærogativam nemo in Deo non agnoscere potest, quin ipsum neget existere: aut enim, ut perpulcre Tullius jam supra laudatus, negandum est Deos esse.... aut qui Deos esse concedunt, iis fatendum est eos aliquid agere, idque præclarum. Nihil autem præclarior mundi administratione. Deorum igitur providentia administratur mundus. Quod si aliter est, aliquid profecto sit, necesse est melius, & majore vi præditum, quam Deus: nihil autem est præstantius Deo: ab eo igitur necesse est mundum regi.

Providentia, prout eam egregie definit Boetius, est illa ipsa divina ratio in summo omnium Principe constituta, quæ cuncta disponit, & apte gubernat. Hanc jam superius probavimus limitari non posse ad res naturales hujus universi, sed ad creaturas rationales, actusque humanos extendi debere, quin immo specialem de his curam habere Deum ob rationem a S. Thoma productam, quæ hic recolenda est, & ob oculos semper tenenda: nimirum quia Creature rationales præcellunt alias creaturas, & in perfectione naturæ, & in dignitate finis. In perfectione quidem naturæ, quia sola creatura rationalis habet dominium sui actus, libere se agens ad operandum.... In dignitate autem finis: quia sola creatura intellectualis ad ipsum ultimum finem universi sua operatione pertingit, scilicet cognoscendo, & amando Deum.... Omnis autem ratio operis variatur secundum diversitatem finis, & eorum, quæ operationi subijciuntur. Quod illustrat exemplo medici diversimode se gerentis in morbis pellendis, in sanitate conservanda, & corporum diversa complexione: & similiter Rectoris alicujus civitatis vel regni, diversam rationem ordinis observantis in militibus, in artificibus, aliisque civibus, prout eorum exigit diversa conditio. Sic igitur, concludit ille, & alia est ordinis ratio, secundum quam creature rationales Providentiæ divinæ subduntur, & alia secundum quam ordinantur ceteræ creatu-

re: specialior illa scilicet, nobilior, atque excellentior.

Hoc posito assero in primis tria argumenta ab eodem S. Doctore ex Providentiæ divinæ deducta lib. 3. cont. Gen. c. 140., ut generatim probeat oportere, quod actus hominis puniantur, & præmientur a Deo. Primum est: „ad perfectam Dei bonitatem pertinet, quod nihil inordinatum in rebus relinquatur: unde in rebus naturalibus videmus contingere, quod omne malum sub ordine alicujus boni concluditur.... Cum igitur actus humani divinæ Providentiæ subdantur, sicut & res naturales; oportet malum, quod accidit in humanis actibus, sub ordine alicujus boni concludi. Hoc autem convenientissime fit per hoc, quod peccata puniuntur: sic enim sub ordine justitiæ, quæ ad æqualitatem reducit, comprehenduntur ea, quæ debitam quantitatem excedunt. Excedit autem homo debitum suæ quantitatis gradum, dum voluntatem suam divinæ voluntati præfert, satisfaciendo ei contra ordinem Dei: quæ quidem inæqualitas tollitur, dum contra voluntatem suam homo aliquid pati cogitur secundum ordinationem (divinæ providentiæ). Oportet igitur, quod peccata humana puniantur divinitus: & eadem ratione bona facta remunerationem accipiant. „ Alterum: „ divina providentia non solum disponit rerum ordinem, sed etiam movet omnia ad ordinis ab eo dispositi executionem. Voluntas autem a suo objecto movetur, quod est bonum vel malum. Ad divinam igitur providentiam pertinet, quod hominibus bona proponantur in præmium, ut voluntas ad recte volendum moveatur: & mala proponat in pœnam, ad hoc, quod inordinationem vitet. „ Poscebat nempe suavis Dei providentia, ut cum homo sensilibus objectis præcipue inducatur ad amorem virtutis, & fugam vitii, præter pulcritudinem ipsius virtutis, & vitii deformitatem, sicut & ratio-

nes

nes alias sublimiores, bona promitteret in præmium bonorum operum, & mala comminaretur in poenam malorum, ut ita ad illa avidius amplectenda alliceretur, & ad hæc fugienda fortius moveretur.

Tertium: „ Divina providentia hoc modo res ordinavit quod una alteri profuit. Convenientissime autem homo proficit ad finem boni tam ex bono, alterius hominis, quam ex malo, dum excitatur ad bene agendum per hoc, quod videt bene operantes præmiari: & dum revocatur a male agendo per hoc, quod videt male agentes puniri: ad divinam igitur Providentiam pertinet, quod mali puniantur, & boni præmientur. ” Hoc autem confirmat tum illo Psal. 61: *reddes unicuique juxta opera sua*: tum alio Rom. 2. *reddet unicuique (Deus) secundum opera sua: his quidem, qui secundum patientiam boni operis, gloriam, & honorem; his autem, qui non acquiescunt veritati, credunt autem iniquitati, ira & indignatio*: hoc siquidem pacto suam Deus Providentiam ostendit erga bonos, & malos.

Hæc argumenta sancti Doctoris, ad statum futuræ vitæ adstruendum trahi facillime possunt. Verum ut ex hoc capite validius, & evidentius convincantur impii, qui illum pertinaciter abnuunt, ita ratiocinari consultius duco: aut negandum est Deum esse, ut ex Tullio præmissimus, aut fatendum ipsum esse provisorum, ac gubernatorem optimum rerum omnium, maximeque creaturarum rationalium: neque enim aliter Deum concipere licet. Porro in idea optimi provisoris, & gubernatoris tria hæc maxime resplendent, summa nempe sapientia, summa potentia, summaque justitia: *Sapientia* quidem, ut nihil eorum lateat, quæ geruntur in universo: *potentia*, ut de omnibus disponere valeat, prout sibi libuerit: *Justitia* demum, ut recte de omnibus re ipsa disponat, ac unicuique tribuat, prout ejus natura, aut conditio exigat, sive juxta omnium dignitatem & merita.

Atque adeo, dum peculiariter de creaturarum rationalium providentia, & gubernatione fermo est, oportet, ut quemadmodum Deus actiones hominum tum bonas tum malas perfectas habet, deque ipsis arbitrio suo disponere potest; ita secundum æquitatis leges reapse disponat, bonisque præmium, malis autem supplicium rependat. Hoc enim pacto optima, & perfecta administratio, & Providentia consistit, ut exemplo humani cujusque regiminis perspicuum est. Nam nulla omnino Respublica, nisi duabus hisce rebus, præmio & poena, contineri posse, experientia docet, & sapientes omnes tradidere. Hinc Solon sapientissimus Græcorum percontactus, *quid magis Respublicæ salutis prodesset*; respondit: *si boni præmiis invitantur: mali autem penis coercentur*. Cicero ad Brutum Epist. 157., & Stobæus Serm. 41. referunt, *Lycurgum dicere solitum duabus potissimum rebus contineri Rempublicam, præmio scilicet, & poena*. Tullius idem ad eundem: *Socrates civitates optime gubernari dicebat, cum injusti dent penas*. Plutarchus lib. 2. de legib. *Pythagoras civitatem optimam esse dixit, quæ postquam malos penis coercet, viros tantum bonos admittet*. Stobæus loco cit. *Anacharsis dicere solebat, eam optimam esse Rempublicam, in qua virtutis potior, vitii deterior sit conditio*. Atque eodem modo ceteri locuti sunt, ipsa rei veritate aperte nimium alteque conclamante. Talem sane mihi Rempublicam finge, ubi civibus optimis nullum sit propositum præmium, nullum honoris insigne, nullum monumentum laudis: improbi vero nulla vindicatione, nullo timore pænæ coercantur, eam tu profecto dices pessime constitutam, ipsumque adeo, qui eam posuit, improvidum, stultissimumque judicabis. Qui ergo talem Deo rerum humanarum procuratorem, administrationemque tribuas, quam nemo vir prudens sibi tribui pateretur?

Quæ si vera sunt, ut esse verissima nullus dubitaverit, jam quilibet convincatur oportet de alio futuræ vitæ statu,

quem divina Providentia complectitur, ut juxta rectæ administrationis, & procuratoris leges virtutum, vitiiorumque præmium, vel poenam constituerit, quem admodum revera constituisse ex intimo quodam naturæ sensu semper omnes homines crediderunt. Quandoquidem, dum mores hominum perulstramus, ea que colligimus animo, quæ contingunt in hoc universo, e vestigio intelligimus suum Providentiæ divinx quoad curam bonorum atque malorum, locum, & exercitium in hac vita non esse, quod idæz sapientis, justique Gubernatoris rerum omnium, maximeque humanarum, exacte, immo ne ullo quidem pacto consentiat. Nam dignum virtutibus præmium hic haud conferri conspiciamus, & publicis calamitatibus ob scelera mortalium quandoque immisissis, æque affictum justos, tum impios, immo illos sæpe gravius, atque frequentius: hos vero aut minus affligi, aut nihilominus: quin & inter eosdem plurimos nequiores, projectæ conscientix, vitiiorum labe inquinatos, humani generis pestes deterrimas, uno verbo (piget enim eadem toties resumere) scelerum omnium reos: conspiciamus, inquam, omni temporalium bonorum copia abundare, nulla que delictorum suorum peroluta poena ex hac vita decedere.

Hæc adeo comperta sunt omnibus, ut Gentilium nonnulli, qui ab his præsentibus ad futura animum non avocabant, ex impiorum felicitate, bonorumque miseria turbarentur magnopere, atque etiam adnegandam, aut in dubium revocandam Providentiam Dei, Deumque ipsum nonnunquam adducerentur. Democritus Abderites, Laberio teste, clypeo contra exortum hyperionis constituto, se oculorum luce privavit, malis bene esse ne videret civibus. Euripides in Bellerof. aiebat (a): emoriar: indignum est enim aspicere lucem, videndo malos immerito, & injuste bonoratos. Eademque dicebant apud eundem, Menander, Teognides, & Sophocles. At-

que hinc poeta Sulmonensis cecinit, aut potius insanivit: (b)

Cum rapiant mala fata bonos, ignoscite falso,

Solicitor nullo esse putare Deos.

Quibus paria effusit alius spectata infelici Catonis, magnique Pompeii morte, ac funere. Quin & ipse Vir Sanctissimus Joh plurimum se commotum fuisse significat, dum Impios felices videns, bonisque omnibus affluentes ait: *quare impii vivunt, sublevati sunt, confortatique divitiis? Semen eorum permanet coram eis: propinquorum turba, & nepotum in conspectu eorum? Domus eorum securæ sunt, & pacatæ, & non est virga super illos.* Quod & David, alique dicebant stupentes ob prosperam improborum sortem. Cum itaque certissimum sit, supremum omnium, justissimumque Providorem Deum in hac vita nec justis præmia, nec impiis supplicia, pro ratione meritum suorum tribuere, ne hæc ataxia, sive improvida perturbatio ordinis, & dignitatis utriusque generis hominum in æternum maneat, ut scelera nimirum inulta, impunitaque sint, virtutisque irremunerata: necesse est vitam aliam fieri, in qua perficiatur retributio hujusmodi, ac utrique vel ad præmium bonorum operum, vel ad malorum poenam percipiendam adjudicentur.

Illustrissimus vir, idemque ætatis nostræ eloquentissimus D. Massilonus ita pondus, & vim hujus argumenti sub oculos ponit in *selectis suis cogitationibus*, cujus gallica verba ita latine reddo: „Futuræ vitæ dogma nititur idea „Providentiæ Dei, quam ab infinita „ejus sapientia, simulque justitia divi- „dere nec possumus, nec debemus. „Ecquis unquam aciem mentis suæ „desigere potuit in Providentiam di- „vinam infinite sapientem, unaque sua- „dere sibi, hominem, creaturam illam „scilicet præ cæteris, quæ se nobis in „hoc mundo conspicuas præbent, no- „bilissimam, quæ in semetipsa subli-

„mes

(a) Apud Stobæum Serm. 104. (b) lib. 3. Amor. El. 8.

7, mes adeo cogitationes invenit, adeo
 8, ampla desideria, sensus adeo præcel-
 9, lentes, capacem amoris, veritatis,
 10, iustitiæ, cætarumque insigniorum
 11, virtutum, ac dotum: hominem, di-
 12, co, qui solus inter omnes adspecta-
 13, biles creaturas, cognoscere Deum va-
 14, let, colere, atque diligere, & ad i-
 15, psum se se referre, tamquam ad suum
 16, principium, finemque ultimum; sua-
 17, dere, inquam, sibi potuit talem ho-
 18, minem conditum a Deo non fuisse,
 19, nisi ut instar cætarum belluarum
 20, brevi temporis intervallo in hac mi-
 21, sera tellure vitam ageret, levibus hisce
 22, frivolisque negotiis intentus, aut vi-
 23, lissimis sensuum captandis oblectatio-
 24, bus occupatus? Ecquis animum serio
 25, intendit in ideam Providentiæ divi-
 26, nę *infinite justam*, simulque induci
 27, potuit, ut crederet, fas esse homini
 28, in scelera omnia proruaere sine ulla cul-
 29, pæ culpæque reatu, aut virtutes omnes
 30, amore impenso complecti sine ullo
 31, merito, & meriti fructu? At vero
 32, nonne hæc persuadere sibi quisque de-
 33, beret, si nec alia bona præter huius
 34, vitæ, speranda suppeterent, nec alia
 35, mala metuenda superessent? dum in-
 36, tuetur adulteria, sacrilegia, & crimina
 37, horribilia tutela, ac potrocinio
 38, perfrui, innocentem turpiter de thro-
 39, no dejectum ab iniquo tyranno, pa-
 40, rentem crudelis filii victimam effe-
 41, ctum illacrymabilem, sponsum sub in-
 42, fidelis atque immitis uxoris vulneri-
 43, bus efflantem animam, & id genus
 44, permulta.

Quam abhorreant hæc a provida re-
 ctæ gubernatione divinx Providen-
 tiæ, quæ hic in mundo morali contin-
 gent, nisi cogitationes convertamus ad
 statum vitæ futuræ, clarius effulget inita
 comparatione cum mundo materiali,
 qui aspectui nostro subiectus est. Hunc
 etenim mirifice a Deo regi, summaque
 sapientia gubernari, vel ipsi quos reful-
 limus, diffiteri non audent, experientia

rerum nimium manifesta convicti. Pro-
 pecto quifnam sanæ mentis de tam per-
 spicua veritate addubitaverit, dum con-
 siderat *æqualitatem motus*, ut verbi
 Ciceronis utar, (a) *conversionem calis*,
solis, lune, siderumque omnium distinctio-
nem, varietatem, pulcritudinem, ordi-
nem: quarum rerum aspectus ipse satis in-
dicat non esse fortuita? Ut siquis in domum
aliquam, aut in gymnasium, aut in forum
venerit, cum videat omnium rerum ratio-
nem, modum, disciplinam, non possit ea si-
ne causa fieri iudicare, sed esse aliquem
intelligat, qui præsit, & cui pareatur;
multo magis in tantis motibus, tantisque
vicissitudinibus, tam multarum rerum,
atque tantarum ordinibus, in quibus nihil
unquam immensa, & infinita vetusta
mentita sit, statuatur, necesse est ab aliqua
mente tantos naturæ motus gubernari.....
Hæc ita fieri omnibus inter se concienti-
bus mundi partibus, profecto non possent,
nisi ea uno divino, & continuato spiritu,
sive divina mente, continerentur, & re-
gerentur. Si igitur Providentiam Dei
sapientissime regentem & gubernantem
materialem hunc, & aspectabilem mun-
dum concedere omnino necesse est; quis
nisi penitus delirus, & amens dixerit,
rejectionem a summo Deo fuisse sine cura,
& administratione nobiliorem mundum,
moralet scilicet, & rationalem, qui,
ut nuper adnotatum est, & ratio ipsa
evidenter ostendit, longe materialem
præcellit, ob intimiorem, quam habet
cum Deo, conjunctionem, atque res-
pæctum? Quod si hoc asserere stultissi-
imum esset, & alias in hac vita huiusce
divinx procurationis signa, aut testimo-
nia non enitescent, vitam aliam expe-
ctemus, oportet, in qua locum sibi ma-
gis congruentem habitura est. Cum en-
im moralis mundus necessarium nexum
habeat cum toto, atque integro syste-
mate Providentiæ, sapientiæ, iustitiæ,
bonitatisque Dei; tunc illud veluti e-
volvetur, & explicabitur ante oculos
nostros, cernemusque apertissime admi-
 ra-

rabilem Dei dispositionem erga pios, & impios, curamque, quam gerit, de humanis actionibus.

Ex absurdis quoque, quæ sponte, & necessario consequuntur ex adversariorum hypothesi, idem argumentum efficacissime comprobatur. Nam si nulla post mortem sit humanorum ælium retributio, si cuncta prorsus intereunt, atque finiuntur; non solum erunt homine beatiora pleraque animalia, quæ sine dolore, ac molestia fere ulla vitam agunt; sed etiam inter homines beator erit, qui cupiditatibus suis explendis diutius indulget, carnisque voluptatibus captandis totum se tradit, quam qui nunquam intermissa virtutum exercitatione, corporis maceratione, sui que ipsius abnegatione, ut Deo impensius inserviat, ac placeat, ærumnosam vitam in terris traducit. Quare, quo sanctior quis fuerit, eo erit infelicior, quo nequior, eo beator. Hoc autem citra quemdam horrorem animi audiri, nec sine injuria Dei, suæque providentiæ pronunciari valet. Atque huc recidit illud, quod agebat Apollolus Paulus 1. Corinth. c. 15. *Si in hac vita tantum in Christo sperantes sumus*, hoc est: si nulla merces alia superest expectanda nobis Deo fideliter obsequentibus, ultra mortalem hanc vitam; *miserabiliores sumus omnibus hominibus*. Cum enim nunc temporis nonnisi inter angustias, miseras, persecutionesque vivamus improborum hominum, quo toto mentis studio, atque diligentia serviamus Deo; nullum tamen pietatis, ac laborum fructum percipimus. E contra vero, si nulla impiis pœna reliqua est, præter hoc seculum, beatiore ipsi sunt, felicioresque, qui aliquo saltem tempore, tota videlicet præsentī vita, deliciis, ac voluptatibus absque ullo angore animi, absque perturbatione ac molestia potiuntur.

Hoc ferme argumentum, licet alio modo, persecutus est Lactantius Firmianus lib. 7. de *Vind. just.* c. 9., eo-que refellit sui temporis incredulos ostendens mentem nostram in morte dissipari non posse, quin contra naturam, i-

deoque malum sit ipsa virtus, (quod nec illi asserere audebant, nec Nuperi Deistæ concedere audent) his verbis: „Præsentī vitæ, ait eloquens Orator, „nocet virtus. Nam vita ista terrena, „quam communem cum mutis animalibus ducimus, & voluptatem expetit, „cujus fructibus variis, & suavis delectatur, & dolorem fugit, cuius asperitas naturam viventium acerbis sensibus lædit, & ad mortem perducere nititur, quæ dissolvit animantem. Si ergo virtus & prohibet his bonis hominem, quæ naturaliter appetuntur, & ad sustinenda mala impellit, quæ naturaliter fugiuntur: ergo malum est virtus, & inimica natura, stultumque judicare necesse est, qui eam sequitur: quoniam seipsum lædit & fugiendo bona præsentia, & appetendo æque mala sine spe fructus amplioris. Nam cum licet nobis jucundissimis frui voluptatibus, nonne sensu carere videmur, si malimus in humilitate, in egestate, in contemptu, in ignominia vivere, aut ne vivere quidem, sed dolere, cruciari, & mori (ut in innumeris martyribus quam maxime constat) ex quibus malis nihil amplius assequamur, quo possit voluptas amissa pensari. Si autem virtus malum non est, facitque honeste, qui voluptates vitiosas, turpesque contemnit, & fortiter, qui nec dolorem, nec mortem timet, ut officium fervet: ergo majus aliquid bonum assequatur, necesse est, quam sunt illa, quæ spernit. At vero morte suscepta, quod aliud bonum sperari oportet, nisi æternitas? Hactenus ille disertissime: quod plane argumentum ut quisquis facile percipit, æque contra fieri potest de vitio: quandoquidem, si nulla post mortem timenda pœna est homini vitis dedito, jam vitium, quod ceteroqui naturæ hominis contrarium esse consentiunt omnes, vitioso magnopere prodest: nam & bonis, quæ naturaliter appetuntur, & avidissime querit, voluptatibus, suavisque sensum omnium oblectamentis, fruitur, quam ubertim potest, & a malis sustinendis, quæ naturaliter fugiuntur,

tur, quovis etiam officio posthabito, diligentissime cavet. Ergo bonum est vitium, & naturæ hominis consentaneum, & sapientem judicare necesse est, qui illud amplectitur, eoque sapienterem, quo magis ejus illicitis, turpibusque delectationibus se abripi sinit: quoniam multum sibi ipsi prodest & appetendo bona præsentia, & fugiendo æque mala absque metu amplioris miseriæ. Quod si vitium malum est, facitque inhoneste, qui vitiosis, turpibusque voluptatibus aucupandis studet, & insipienter, qui officium deserit, metu doloris, & mortis: ergo majus aliquid malum demum consequatur, oportet, quam sint illa, quæ timet. At vero morte suscepta, quod aliud malum timeri potest, nisi futuræ vitæ a Deo justo judice, ac supremo retributore infligendum? Cum itaque hæc omnia sint absurdissima, Dei que bonitati ac providentiæ repugnent, alia admittenda vita est, qua iustorum & bona, quæ fugiunt, & mala quæ perferunt pro sectanda virtute, plena felicitate; & impiorum, quæ hic inquirunt, bona, & mala, quæ vitant; ne officium servent, vitiumque sequantur, summa miseria compenitentur.

Hoc solum pacto sanctissimam, atque rectissimam Providentiæ divinæ de rebus humanis dispositionem consistere consuit memoratus Regius Prophetæ, nec quæstionem, quam proposuerat de felici iniquorum hominum statu aliter expediri posse, nisi ad fines bonorum, & malorum referretur: ex præsentibus autem non modo non solvi, sed etiam implicari. *Mei, inquit, (a) moti sunt pedes: pene effusi sunt gressus mei: quia zelavi super iniquas, pacem peccatorum videntis..... in labore hominum non sunt, & curæ hominibus non flagellabuntur. Ideo tenuis eos superbia: operis sunt iniquitate, & impietate sua. Prodiit quasi ex adipè iniquitas eorum: transierunt in affectum cordis &c. Posuerunt in celum os suum &c. & dixerunt, quomodo scit Deus, & si est scientia in excelsis? Ecce ipsi peccatores, &*

abundantes in seculo obtinuerunt divitias. Et dixi: ergo sine causa justificavi cor meum, & laui inter innocentes manus meas &c. Existimabam, ut cognoscerem hoc: labor est ante me. Sed nullane ex hac animi perturbatione evadendi via? Utique, dum in ea, quæ postremo futura sunt, transacta hac vita mortali, oculos intendo: labor est, inquam, ante me, donec intrem in sanctuarium Dei, & intelligam in novissimis eorum &c. Quia ecce, qui elongant se a te, peribunt: perdidisti omnes, qui fornicantur abs te, in exitio scilicet sempiterno eis pro meritis deputato. Mibi autem adherere Deo bonum est, fideli mandatorum suorum observantia: & ponere in Domino Deo spem meam, spem, inquam, percipiendi aliquando uberem mercedem iustis omnibus præparatam.

Paucis itaque, quæ latius dicta sunt, colligendo, ita argumentum ex omnibus conficio. Si Deus est, (ut ii, adversum quos disputamus esse fateatur, nec nisi plane *insipiens in corde suo negat*); sanctus sit, oportet, sapiens, iustus, rerumque humanarum provisor optimus. Hæc quippe perfectiones in idea Dei nitide, distincteque relucent. Si sanctus est, non potest non amare virtutem, non odisse, ac detestari vitium, & iniquitatem. Si sapiens, necesse est, ut ordinem in omnibus servet, exaltetque qui illum recte vivendo custodit, deprimatque, qui subvertit, atque pessundat. Si iustus, oportet, ut juxta meritum rationem, & exigentiam, unicuique tribuat, quod sibi debitum est. Si denique humanarum rerum provisor optimus, præmium recte factis rependere debet, supplicia peccatis, sine quibus nulla respublica recte constituta, & administrata consistit. Porro spectato vitæ hujuscæ curriculo, evidentissime patet, nec iustos dignum bonorum operum fructum in hac vita percipere, nec impios malorum pœnam. Concludendum igitur nobis est, vitam aliam post brevem hanc superesse, in qua Deus æquam pro me-

ritis

ritis retributionem omnibus conferat.

Ut argumentum hocce decretorium, & in re morali plane apodicticum, infringant, aut potius eludant Adversarii, non aliud proferunt, nec aliud opido proferre possunt præter illud veterum Stoicorum placitum, *virtutem ipsam sibi ipsi pulcherrimam esse mercedem, præmiumque sufficiens*: improborum autem vindictam ipsam esse turpitudinem criminum, quæ perpetrant, cruciatufque animi, & conscientiae remorsus, quos patiuntur.

Cum hæc evasio frequentissima sit pænes Deistas, atque unica, quæ speciem aliquam, aut veri colorem præferat; nam aliæ quædam, quas videre licuit, adeo ineptæ sunt, atque futiles, ut neque referri mereantur; ideo in ea refutanda, & in nihilum penitus redigenda paululum immorari præstat, pluribusque uti, iisque gravissimis, animadversionibus. Primumque ab Adversariis nostris mihi sciscitari lubet, *de impiorum statu præcipue agenti*, num ipsi putent, peccatum sibi esse pœnam *adequatam*, vel solum *inadequatam*? *Adequatam* porro esse quis afferat, nisi communibus prænotionibus hominum, quin & intimo aperte relictetur sui ipsius sensui vivide renuncianti pœnam aliam peccato debitam. *Inadequatam* ergo, ut summum credant & judicent, necesse est. Quod si hoc fateantur, ut fateri coguntur: ergo aliam post mortem corporis vitam concedant, oportet, ne scilicet aut insignis improbitas sine debita pœna maneat, quoniam eam improbi minime subeunt in hac vita: nec eximia virtus sine solatio præmioque sibi conveniente relinquatur. Si enim peccatum ipsum adæquata sibi pœna non est, neque profecto virtus sibi erit sufficiens præmium: ex quo ita ratiocinatur Lactantius Firmianus lib. 3. *Divin. Instit. c. 12.*: *Si virtus per se ipsam beata non est: quoniam in perseverandis malis tota vis ejus est: Si omnia, quæ pro bonis concupiscuntur, negligit: si summus ejus gradus ad mortem patet: quandoquidem vitam, quæ optatur a ceteris, saepe re-*

spuit, mortemque, quam ceteri timent, fortiter suscipit: Si necesse est aliquid magni boni pariat: quia suscepti, & superati usque ad mortem labores sine præmio esse non possunt: Si nullum præmium, quod ea dignum sit, in terra reperitur: quandoquidem cuncta, quæ fragilia sunt, & caduca spernit; quid aliud restat, nisi ut celeste aliquid efficiat, quia terrena universa contemnit; & ad altiora nitatur, quia humilia despicit. Id vero nihil aliud potest esse, quam immortalitas.

Uterius quis adeo cæcus est, ut non videat præmium virtutis, supplicium vitii, esse non posse id, quod est naturale, & intimum ipsi virtuti, vel vitio, sed fructus aliquos ab extraneo fonte prodeuntes, sive ab extranea manu conferendos? Pax siquidem cordis, ac tranquillitas animi a virtute dimanant, veluti naturales quædam proprietates ordinis custoditi: quemadmodum e contra turpitudine, pudor, & infamia a vitio profuunt, veluti proprietates ordinis perturbati cum ipso necessario implicite, atque connexæ. Quæ autem sunt proprietates actionum sive bonarum, sive malarum, præmium, aut pœnam earundem velle constituere, absonum omnino est, omnium hominum conceptioni aperte dissensaneum. Omnes quippe ab ipsa natura inditum habemus, ac veluti consignatum, conditionem præmii mercedem esse honesto viro tribuendam, sicut & pœnam scelestis, ab aliquo superiore principio, cui recte facta placeant, male gesta displiceant, quodque & illam sequendam præcepit, & istud vitandum. Adversariorum evasio rerum ideas plane perturbat, atque confundit, efficitque, quod virtus sit ultimus sui ipsius finis, sicuti Stoici falso asserabant. Quicumque enim Deum agnoscit, principium omnium finemque supremum, fateatur, oportet, adeoque & virtutem ipsam ad Deum referri tamquam ad ultimum finem, a qua relatione totum virtus accipit, quidquid habet ætimationis, & pretii.

Hoc liquidius erit humanæ Republicæ

cæ exemplo. Nulla liquidem Respublica est: nullus Reipublicæ Princeps, aut Rector, qui honestis civibus honestatem ipsam pro præmio constituat, aut pessimis, ac nefariis scelerum turpitudinem, aut pravæ conscientiæ stimulos inde suborientes pro digno eorum supplicio: planeque improvidus, immo & insipiens haberetur ille, qui non alia probis calcaria, non alios improbis frænos adhiberet. Fingamus animo servum aliquem fidelem, militem strenuum, ac impigrum, supremum exercitus ducem præstantissimum, invictæque fortitudinis. Hi omnes sibi gloriæ vertunt famulatum, quem Regi, vel Principi suo studiosissime præstant; inter angustias atque labores, quos idcirco alacriter subeunt, ut illi toto virium conatu, ac diligentia inserviant, jucundam quamdam persentiant oblectationem animi, pulcrumque sibi videtur, vel ipsam vitam, si res ferat, cum sanguine profunderè, ut officia omnia, quæ Domino suo debent, accuratius adimpleant. Interim vero Princeps, aut Dominus pro congrua horum omnium mercede, ita statuat, ac loquatur: *bene habet, vobisque admodum gratulor, quod præmium meritis vestris, ac laboribus dignum receperitis. Oblectatio illa jucunda, quam ex servitute mibi fideliter præstita assatim hausistis, congrua merces laborum vestrorum est. Ea igitur leti perfrui mini, quoniam quidquid debitum vobis est, abunde consecuti estis. Ad infideles autem servos, milites ignavos, Ducesque rebelles conversus ita illos affectur: Quoniam vos mandata mea non servastis, sed ut appetitionibus vestris obsecundaretis, ea perpetim fregistis: sædus cum hostibus meis iniistis, ut bellum gereretis adversum me legitimum, & amantissimum Dominum vestrum, meque de solio conatu penitus iniquo deturbare conati estis; patimini modo pœnam vestris reatibus congruam: & hæc sit ultio, quæ a vobis meritisime exigitur, turpitudo ipsa vestrorum scelerum, atque ignominia, pudor, cruciatusque animi, quæ culpas vestras consequuntur. Si hæc esset sen-*

tentia, aut locutio, quam in subditos sive fideles, sive perduelles proferret terrenus Gubernator, & Princeps, nonne contemptione, risu, atque sannis exciperetur ab omnibus? Nonne ut itupidissimus homo, nulliusque plane mentis traduceretur? Quid vero? Hæc omnino sententia est, si nuperos *Deistas* audimus, quam pronunciat supremus, sapientissimus, iustissimus Rector omnium ac Princeps Deus in omnes homines tum fideles, & pios, tum rebelles, & impios, si verum est, quod ipsi audenter affirmant, virtutem sibi ipsi mercedem esse, nec aliam promereri, vitium quoque sibi pœnam congruentem, nec aliud, præter ipsam, deberi vitioso homini supplicium. Cum ergo absurdissimum sit de Deo cogitare, quod de humano Principe sine risu cogitari non posset, asserere cogimur omnes præmium aliud summum Deum posuisse virtuti, ac vitiis supplicium, præter virtutis ipsius pulcritudinem, ac delectationem, aut vitiorum deformitatem, animique, quos relinquunt, angores.

Sed & aliud, illudque observandum summopere, ex *Deistarum* hypothese absurdum enascitur, quod sanè concoquere numquam poterunt. Nam si sola ipsa peccati scditas, ac stimulus, cruciatusque conscientiæ, sufficiens pœna peccati est, illud necessario, ac sponte consequitur homines, quo nequiores, & scelestiores sunt, magisque obfirmati in flagitiis, & iniquitatibus, eo minus puniri pro delictis suis. Quamquam enim ab initio, ubi quis in vitia ac scelera ruit, aut quidpiam impie, injusteve commiserit, acres persentiat conscientiæ stimulos, cruciatusque, qui illum dies, noctesque haud quiescere sinunt; decrescunt ii tamen ex ipsa peccandi assuetudine, eoque leviores fiunt, quo scelera amplius augentur, adeo ut demum ferme concidant omnino, ac extinguantur. Hinc sæpenumero videmus homines insigniter impios, vitiisque omnibus deditos, qui non modo nullo plerumque sensu afficiuntur delictorum suorum, sed potius, ut utar scri-

pturatum verbis, *letantur, cum male fecerint, & exultant in rebus pessimis*. Hi ergo nullam tot scelerate gestorum punitionem reciperent, iudexque omnium supremus Deus acerbius, & iniquius se gereret erga eos, qui minore, quam qui maiore supplicio digni essent: quod nec sine fatuitate summa cogitari, nec sine horrore quodam audiri potest.

Alia plura in eandem evasionem animadverti facile possent: sed necesse non est, cum ad eam præcludendam, quæ dicta sunt, abunde sufficiant. Unum illud præterire piaculum foret, ex iis conscientiae stimulis, curis, atque angoribus, quibus animus, perpetrata culpa, excruciiari solet, inferri potius alium supereffe hominibus vitæ statum, in quo, sicut bonis præmia, ita improbis sint parata supplicia. Si enim cruciatus ille, aut remorsus conscientiae, qui ex peccato, veluti proprietas quædam, subnascitur, intimius, & attentius perpendatur, nihil aliud esse deprehendemus, quam naturalem quendam sensum, aut quendam anticipatam perceptionem iusti iudicii Dei, siue vindictæ de peccato ipso aliquando exigendæ a superiore aliqua Potestate, cui subijcitur, omniumque, quæ gesta a nobis sunt, rationem referre debemus. Na-

turalis namque huiusmodi sensus, atque perceptio penitus inspecta, non nisi in quadam ejusdem iustitiæ vindictis naturali notitia radicem, & fundamentum habere cognoscitur, aut potius eadem intima, & ab ipso naturæ Authore menti insculpta notitia est, eademque tam certa, atque indelebilis, unaque tam vivida, & efficax, ut vix aliam vividioram, efficaciorumque in se ipso deprehendat homo, dum a turbidis passionum motibus paulisper recolligit animum; atque a rebus exterius insonantibus attentionem avocatur. Nititur enim ipso rationis lumine, quo naturaliter agnoscimus aliquid esse in universo *principium ordinis, & honestatis*, cui creatæ quæcumque mentes subiectæ sunt, omnium ejusdem ordinis perversionum testem, ac vindicem. Quapropter nedum ex animi angore, quem improbi post commissum scelus experiuntur, minime inferre debemus, nullam aliam esse poenam, quæ impios maneat in vita futura, quin potius longe severiorem ultionem sempiterni ordinis perturbati ab iisdem aliquando repetendam a supremo numine, & Moderatore Deo: cum naturales cognitiones fallaces nunquam sint, sed objectum aliquod reale semper inspiciant: prout in loco fusius declarabitur.

C A P U T IV.

Præcedens argumentum quam firmum & efficax creditum sit ab Ecclesiæ Patribus, ad adstruendam alterius Vitæ retributionem. Plurium eorum proferuntur hæc de re sententia, præcipue Justinii Martyris, Athenagoræ, Cyrilli Hierosolym., Augustini, maximeque Jobannis Chrysostomi, qui illud frequentius addubuit, ac luculentius illustravit.

I. **Q**uamquam argumentum late superius expositum, quemadmodum firmum & efficax, ita satis perspicuum sit; placet nihilominus illud ulterius proponere ac illustrare tum Sanctorum Ecclesiæ Patrum, tum gentium Philosophorum verbis: Ut & robur ipsius magis appareat, dum multiplici sub aspectu exhibetur; & quanti ponderis ac momenti a sapientissimis viris judicatum semper fuerit, innotescat.

Horum testimonia tum hoc, tum infrequenti capite proferam: nec erit sane cuiquam, ut arbitror quidem, molestum, summos viros audire de tam nobili tamque utili argumento differentes. Atque in primis quod Sanctiss. Ecclesiæ Patres plurimum illud valere crediderint ad alterius vitæ præmiorum, poenarumque veritatem demonstrandam, ex eo liquet, quod eodem frequentissime usi sunt, dum præsertim Christianæ Religio-

ligionis dogmata adversus gentiles & incredulos tuebantur, eorumque quamplures afferre possem, sed paucis contentus ero.

II. Prodeat primo loco antiquissimus Christianæ Doctrinæ defensor & Martyr inclytus S. Iustinus. Is in Apol. 2. pro Christianis ad Senatum Romanum (a). ita præfatum argumentum proponit :

„ Sed ne quis forte idem dicat, quod
 „ ii, qui existimantur Philosophi, stre-
 „ pitus inanes esse, ac terricula, quæ de
 „ improborum in igne æterno cruciatibus
 „ dicimus, ac nostram eo spectare sen-
 „ tentiam, ut virtutem homines metu
 „ conducti colant, non propter ipsius
 „ pulcritudinem, nec quia illis pla-
 „ cet; paucis respondebo, nisi ita se res
 „ habeat, vel Deum non esse, vel si
 „ sit, nullam hominum curam gerere,
 „ nec quidquam esse virtutem, & vi-
 „ tium, ac inique a Legum latoribus
 „ puniri, qui præclara instituta trans-
 „ grediuntur. Sed quia iniqui non sunt,
 „ eorumque parens eadem, quæ ipse facit,
 „ facere per verbum præcipit, iniqui
 „ sunt, qui eis non obsequuntur. Quod
 „ siquis diversitatem legum humanarum
 „ variantium inter se obijciat allegans,
 „ quæ a quibusdam hominibus vel pul-
 „ cra; vel turpia existimantur, ab aliis,
 „ quæ illis sint pulcra, turpia, & quæ
 „ turpia pulcra cenferi: audiat quæ de
 „ hac quoque redicamus. Leges etiam
 „ malitiæ suæ congruentes Angelos præ-
 „ vos constituisse scimus, quibus illo-
 „ rum similes gaudent homines. Ve-
 „ rum recta accedens ratio non omnes
 „ sententias, neque præcepta omnia ho-
 „ nestæ esse demonstrat: sed hæc qui-
 „ dem prava, illa autem bona.”

III. Fortius urget hoc eodem argu-
 mento Gentiles, simulque corporis re-
 surrectionem aliquando futuram probat
 defensor alter eximius Christianæ Reli-
 gionis Athenagoras Atheniensis, cujus
 hæc sunt verba: (b). Igitur adversum
 „ eos, qui Providentiam confitentur, &
 „ eadem ac nos admittunt principia,

„ deinde propriis sententiis nescio quo
 „ pacto excidunt, his utatur quis ser-
 „ monibus.... Sed adversum eos, qui
 „ de principiis dissident, optimum for-
 „ te fuerit aliud istis principium præ-
 „ mittere, simul cum ipsis dubitantes,
 „ de quibus ipsi rebus opinantur, & ad
 „ hunc modum una disceptantes, num
 „ tota proflus hominum vita desipia-
 „ tur, ac densa quædam caligo terris dif-
 „ fusa tum ipsos homines, tum eorum
 „ actiones ignoratione & oblivione in-
 „ volvat? An multo tutius sit existimare
 „ suis Creatorem præesse operibus, om-
 „ nium, quæcumque sunt, aut fuit,
 „ inspectorem, & cogitationum judi-
 „ cem? Nam si nullum omnino homini-
 „ bus rerum gestarum iudicium datur,
 „ nihil homines amplius habent, quam
 „ belluæ: imo istis infelicius agunt, et
 „ qui perturbatos animi motus in servi-
 „ tutem redigant, ac pietatis & iustitiæ
 „ virtutumque ceterarum curam gerant.
 „ Belluarum autem & ferarum vita opti-
 „ ma, virtus verò insipiens, iudicii mi-
 „ res perridicula, voluprati autem indul-
 „ gere maximum bonum, commune au-
 „ tem horum omnium decretum, atque
 „ una lex amica illa intemperantibus &
 „ lascivis sententia: *manducemus, & bi-
 „ bamus: cras enim moriemur*. Talis e-
 „ nim vitæ finis ne voluptas quidem, ut
 „ nonnulli opinantur, sed status omnis
 „ sensus experts. Quod si hominum Crea-
 „ tori aliqua est operum suorum cura,
 „ ac bene aut male actæ vitæ servatura-
 „ licubi discrimen, vel in præsentī ad-
 „ huc viventibus, qui virtutem aut vi-
 „ tium sectantur, vel post mortem iisdem
 „ in separatione & dissolutione versanti-
 „ bus. At in neutro servata iudicii æ-
 „ quitas reperiri potest. Nam nec boni
 „ in præsentī vitæ virtutis præmia refe-
 „ runt, nec mali nequitie. Illud enim
 „ prætermitto, natura, in qua nunc su-
 „ mus, servata, non posse naturam mor-
 „ talem pares pluribus aut gravioribus
 „ peccatis pœnas sustinere. Nam qui
 „ innumeros ex innumeris occidit in-
 „ julte,

„ iuste, vel latro, vel Princeps, vel
 „ Tyrannus, is sane una morte horum
 „ scelerum poenam non solverit. Sic
 „ etiam qui de Deo nihil veri opina-
 „ tus est, sed in omni convicio & blas-
 „ phemia vixit, divina contemnit, le-
 „ ges infregit, supra pueris æque ac
 „ mulieribus intulit, urbes evertit in-
 „ iuste, domos una cum hominibus in-
 „ cendit, regionem vastavit, simulque
 „ populos & incolas, aut etiam uni-
 „ versam gentem extinxit, quoniam is
 „ pactio in corpore corruptioni obnoxio,
 „ pari his sceleribus poenæ suffecerit,
 „ cum mors debitam meritis mercedem
 „ præcipiat, ac ne uni quidem alicui
 „ facinorum mortalis natura sufficiat?
 „ Neque igitur in præsentī vita judi-
 „ cium pro meritis demonstratur: Ne-
 „ que etiam post mortem.

„ Vel enim mors totius est omnino
 „ vitæ interitus, anima simul cum cor-
 „ pore dissoluta, & corrupta: vel per
 „ se, ipsa manente anima, dissolutio-
 „ nis, & dissipationis, & corruptionis ex-
 „ pte, corrumpitur & dissolvitur cor-
 „ pus, nullam jam retinens rerum gesta-
 „ rum memoriam, nec eorum, quæ ob
 „ animam toleravit, sensum. Extincta
 „ omnino hominum vita; nulla jam
 „ videtur hominum non exstantium pro-
 „ curatio, nec eorum, qui secundum
 „ virtutem aut vitium vixerint, judi-
 „ cium: Iterum autem revolvitur exlê-
 „ gis vitæ incommoda, & absurdorum
 „ ex ea consequentium examen, & quod
 „ hujus perversitatis caput est, *impietas*
 „ *Dei negatrix*. Quod si corrumpatur
 „ quidem corpus, & partes quæque disso-
 „ lute ad congrua elementa migrent, a-
 „ nima autem per se ipsa, utpote incorru-
 „ pta, maneat: nec sic quidem locum ha-
 „ bebant animæ iudicium, quippe cum ju-
 „ stitia desideretur. Siquidem nefas est
 „ suspicari ullum ex Deo, aut a Deo judi-
 „ cium fieri, cui non adsit justitia. Judi-
 „ cio autem abest justitia, non exstan-
 „ te eo, qui justitiam, aut injustitiam
 „ exercuit. Nam qui unumquodque eor-
 „ um, de quibus iudicium instituitur,
 „ in vita egit, homo erat, non anima
 „ per se ipsa, &c. Hæc ille & alia plura.

IV. Eadem pressius tradit S. Cyrillus
 Hierosol., remque satis idoneo exemplo
 declarat. „ Respice, inquit, ad ipsam
 „ justitiæ rationem, atque in teipsum
 „ reflecte. Diversos habes famulos, quo-
 „ rum alii boni sunt, alii pravi. Bonos
 „ sane in pretio habes, & lædis malos.
 „ Quod si etiam iudex fueris, bonos
 „ laudas, & improbos punis. An vero
 „ apud te mortalem hominem æqui rati-
 „ o custoditur, apud Deum vero Re-
 „ gem omnium, cui a nullo succeditur,
 „ non erit rependens unicuique justitiæ
 „ modus? Atqui impium sit hoc infi-
 „ ciari. Respice enim quid dicam.
 „ Multi homicidæ in lecto impuniti de-
 „ cessere. Ubiam ergo Dei justitia?
 „ Plerumque homicidiorum reus semel
 „ abscisso capite poenas luit. Ubiam
 „ ergo quadragintanovem cædium poe-
 „ nas daturus est? Nisi post hanc vitam
 „ fuerit iudicium ac retributio, injusti-
 „ tiæ Deum arguis. Nil clarius, nil
 „ urgentius dici potuit. Si enim tum in
 „ privata familia Dominus servos malos
 „ cædit, tum in Rep. Iudex pro meritis fa-
 „ cinorosos punit, ita exigente justitiæ le-
 „ ge; id negare non possumus de omnium
 „ Supremo Domino, ac Iudice, quin eum
 „ injustitiæ labe aspergamus. Porro hanc
 „ justitiam scelera vindicantem non exer-
 „ cere Deum in hoc mundo, compertum
 „ est, inquit S. Pater: Cum plures exem-
 „ pli causa homicidæ vel ex vita impu-
 „ niti decedant, vel si quandoque violenta
 „ morte puniantur, una mors non suffi-
 „ ciat pro digna multorum homicidio-
 „ rum poena: adeoque concludit, non ad-
 „ missa in alia vita scelerum retributione,
 „ necessario consequi Deum injustitiæ ar-
 „ guendum fore: quod vel suspicari ne-
 „ fas.

V. Pluribus in locis versat id argu-
 „ mentum S. Augustinus. Unum tantum
 „ assero ex Serm. 1. in Ps. 36. n. 3. „ Hoc
 „ te perturbat (Christianum hominem
 „ alloquitur) quia vides male viventes
 „ felices, rerum istarum copia circum-
 „ fluere, sanos esse, superbis dignitatibus
 „ eminere, incolumem habere domum,
 „ gaudia suorum, obsequia clientum,
 „ excellentissimas potentias, nihil triste
 „ intr-

„interpellare vitam ipsorum: Mores
 „nequissimos vides, facultates copiosissi-
 „mas: & dicit cor tuum, nullum esse
 „divinum iudicium, omnia casibus feri-
 „ri, & fortuitis motibus ventilari.
 „Nam si Deus, inquis, res humanas
 „respiceret, floreret illius iniquitas, &
 „mea innocentia laboraret? *Noli*
 „*emulari in malignantibus, neque zela-*
 „*veris facientes iniquitatem: quoniam*
 „*tamquam fœnum cito arefcunt, & sicut*
 „*olera prati cito cadunt:* „Ad finem
 nempe, ut fufe persequitur, respicien-
 dum esse ait bonorum & malorum, &
 ad Dei iudicium cito futurum de omni-
 bus, ut huiusmodi molesta sollicitudo
 amputetur, & hoc pacto factam testam
 servari divinam Providentiam. Quod
 & enarratione in Psalm. 91., & 93.,
 & in lib. 33. quæst. 82., & lib. 20.
 de Civ. Dei cap. 2. uberius exponit.

VI. Eodem argumento usi sunt vel
 ad animæ immortalitatem, vel ad futu-
 ram retributionem comprobendam S.
 Clemens Romanus, sive quicumque sit
 Auctor Recogn. lib. 3., S. Theophilus
 Antioch. lib. 3, ad Autolyicum, Orige-
 nes super Cantica, Tertullianus lib. 3.
 de fals. Sap., Lactantius lib. 3. Divinar.
 institut., & alii. At nemo ex Patribus
 illud vel frequentius adhibuit, vel lucu-
 lentius exposuit, quam Ecclesiæ Græcæ,
 imo Catholicæ lumen fulgentissimum
 Sanctus Johannes Chrysostomus. Sele-
 ctiora quædam huiusce Sancti Patris lo-
 ca in medium produco, ut aurea ipsius
 eloquentia proposita ratio vividius illu-
 stretur. Primus habetur homil. 4. de
 Lazaro, ubi cum prius accurate perpen-
 didisset latissimum vitæ discrimen tum a
 divite Epulone, tum a paupere Laza-
 ro peractæ, ex eo subinfert, seculæ et-
 iam divina Revelatione alium vitæ
 statum admittendum esse, in quo paria
 pro meritis uterque reciperet, idque na-
 turali lumine omnes pervidisse Philoso-
 phos testatur. „Quamquam, inquit,
 „non quemadmodum decet, de resur-
 „rectione philosophantur omnes; attamen
 „de iudicio, deque poenis, deque
 „tribunalibus, quæ illic sunt, omnes
 „consentiunt, illic esse aliquam eorum,

quæ hic geruntur, remunerationem.
 „Quod ni esset, quæ de causâ Deus
 „cælum tam amplum extendisset, ter-
 „ram subtravisset, mare dilatasset, æ-
 „rem diffudisset, tantam Providen-
 „tiam declarasset, nisi ad finem usque
 „nostri curam habiturus esset? Nonne
 „vides multos, qui cum virtute vixe-
 „runt, innumeraque mala passi sunt,
 „decessisse, nulla re bona percepta?
 „Alios contra cum multam pravitatem
 „commiserint, alienas facultates rapue-
 „runt, viduas & orphanos spoliaverint,
 „oppresserintque, opibus, deliciis, &
 „innumeris bonis frui fuerint, deces-
 „sisse ne tantulum quidem mali passos?
 „Quænam igitur vel illi priores virtu-
 „tis præmia recipient, vel isti pravi-
 „tatis ferent supplicia, si nostræ res ul-
 „tra vitam hanc non protendantur?
 „Nam si Deus est, sicut revera est, eum
 „iustum esse nemo non fatebitur. At-
 „qui si iustus est, & his & illis reddet
 „pro meritis: Et hoc in confesso est.
 „Quod si & his & illis rependet pro
 „meritis, hic vero nullus eorum rece-
 „pit, neque ille improbitatis, neque hic
 „virtutis præmia, perspicuum est res-
 „tare tempus aliquod, in quo congruens
 „præmium horum uterque feret.”

VII. Ueberius idem argumentum pro-
 ponit Homil. 4. de Fato, & Provid.
 inquit: „Quidam sunt, qui postquam
 „hos de Philosophia sermones moveri-
 „mus, suum, hircorumque instar ab-
 „domini addicti, rebusque præsentibus
 „servientes, nihil post decessum superesse
 „arbitrantur. Alii vero superesse qui-
 „dem aliqua putant, sed præsentia fu-
 „turis anteponunt. Contra eos autem,
 „qui nihil superesse putant, sed extin-
 „ctam animam nullam reddituram esse
 „rationem, nec poenam subituram esse
 „arbitrantur, utpote contra insanos, &
 „furiosos, rediculum forte esset dicere.
 „Neque enim siquis in die dabitur, num
 „dies sit, & de omnibus, quæ in con-
 „fesso sunt, questionem moveat, e re
 „fuerit illi verbis persuadere, & ad eam
 „sententiam adducere. Attamen carita-
 „tis vestræ causâ cum illo quoque dis-
 „putabimus. Quid dicis o homo? Nihil
 „post

„ post hanc vitam esse putas? Id enim
 „ necesse est dicere. Quomodo ceu ma-
 „ lorum quorundam gradibus eum, qui
 „ semel a veritatis tramite dejectus fue-
 „ rit, in deteriorem semper sententiam
 „ projecit Diabolus!..... Nihil ne
 „ post hanc vitam erit o homo? & tu
 „ hanc sententiam oppugnas? Græci,
 „ qui tot in rebus delirarunt, hujus-
 „ men dogmatis veritati non resiste-
 „ runt. At tu nulli horum obtempera-
 „ re vis, sed semel errori deditus impu-
 „ denter agis. Itaque propter eos, qui
 „ etiamnum sapiunt, sermo instituendus
 „ est. Eum enim, qui nihil post hanc
 „ vitam esse profiteatur, neque Deum
 „ etiam esse fateri necesse est. Viden,
 „ quemadmodum dixi, consequenter o-
 „ piniones prioribus semper deteriores
 „ gradatim ab illis admitti? Si enim
 „ post hanc vitam nihil illic residuum
 „ est, nec Deus etiam est. Nam si
 „ Deus sit, justus est: si justus, uni-
 „ cuique pro merito retribuit. Si
 „ porro nihil post hanc vitam est, ubi-
 „ nam pro merito quisque recipiet?
 „ Animadvertas velim: multi præter
 „ meritum, ut ipsi jam confessi sunt,
 „ bonis honoribusque fruuntur in hac
 „ vita: alii vero, qui in justitia vi-
 „ vunt, cruciantur. Si ergo nullum sit
 „ postea tempus, inique accepti justis
 „ præter meritum bene habiti injusti
 „ discedent. Si autem res ita se habeat,
 „ quomodo esse justitia possit? Necesse
 „ enim est aliquod tempus post hanc
 „ vitam, in quo singulis pro merito tri-
 „ buatur: in hac vita enim hoc non
 „ invenitur. Sin tale tempus non sit,
 „ quomodo quisque pro merito recipiet?
 „ Si vero nullus pro merito recipit,
 „ ergo Deus secundum te justus non est.

„ Si Deus justus non sit, neque Deus
 „ est. Sed blasphemia in caput eorum,
 „ qui nos ad hæc dicenda compulerunt,
 „ retorqueatur. Videte, in quantam
 „ blasphemiam oratio provecta sit. Ve-
 „ rum quod Deus sit, res ipsæ clamant:
 „ & consequenter ille justus est. Si justus
 „ sit, unicuique pro meritis retribuit. Si
 „ unicuique pro meritis retribuit, necesse
 „ est post hæc aliud quoddam esse tem-
 „ pus, quo unusquisque pro merito ac-
 „ cipiet, & pro gestis suis vel poenas
 „ dabit, vel præmium accipiet.

VIII. Immenfus forem, si alia quæ-
 cumque de hoc argumento disserit S.
 Pater huc corrivare vellem. Illud siqui-
 dem declarat præterea & urget tum
 homil. de perf. carit., tum in Pl. III.
 explicans illa Prophætæ verba, *miseri-*
cors, & miserator, & justus Dominus,
 tum homil. 49. ad popul. Antioch.,
 tum aliis in locis. Unum tantum peni-
 tus præterire nolo, quod ex homil. 6. in
 epist. ad Philipp. ducitur, ubi & argu-
 mentum idem paucis exponit, unaque
 hortatur fideles, quos alloquitur, ut eo
 semper utantur, & ad infideles revincen-
 dos, & seipsos de futura resurrectione
 persuadendos his verbis: „ Justus est
 „ Deus. Omnes fatemur & Græci, &
 „ Judæi, & Hæretici, & Christiani. At
 „ hinc multi, qui peccaverunt, abie-
 „ runt impune: multi, qui cum virtu-
 „ te vixerunt, tum demum abierunt,
 „ cum sexcentas subiissent calamitates.
 „ Ergo si justus Deus, ubinam his qui-
 „ dem præmia, illis vero supplicia tri-
 „ buat, si non est gehenna, si non est
 „ resurrectio? Hanc igitur rationem &
 „ illis, & vobis ipsis semper canite: nec
 „ finet vos de resurrectione non crede-
 „ re.

CAPUT V.

Eodem argumento de Animæ immortalitate futuraque vitæ retributione persuasum fuit præstantiores, inter Gentiles Philosophi, Socrates, Xenophon, atque etiam Aristoteles. Placuit illud quammaxime Platoni, cujus nonnulla insignia loca producantur: quemadmodum & Plutarcho, Marco Tullio, aliisque.

I. Splendidissimam ejusdem argumenti lucem vel ipsi perviderunt in errorum tenebris obvoluti gentiles Philosophi. Testatur Nemefius (a) doctissimos quosque Græcorum de Animæ immortalitate fuisse convictos, eandemque in scriptis suis comprobasse per divina erga justos & impios Providentia, quam & omnino admittendam esse, & in hac vita non unicuique pro meritis tribuere perspectum habebant. Horum testimonia adversum Deistas & incredulos disputant, eo a me afferuntur libentius, quod nullam eisdem exceptionem adhibere jure valeant: cum non jam Religionis, & infantie præjudicii, ut de Christianis Authoribus effutire sæpe solent, sed nativo tantum mentis lumine ad rem perlustrandam accesserint.

II. Ex his itaque Philosophis, quorum tum apud antiquos, tum apud ceteros alios celebrior fama & auctoritas semper obtinuit, in primis est Socrates, omnium sapientissimus ab ipso Oraculo judicatus. Plura refert de ipso in ejus vindiciis, eaque perillustria, Xenophon ejusdem discipulus (b), quæ eum immortalitatem animorum tanquam certissimam habuisse evidentem ostendunt. Porro veritatem hanc ex iis præsertim principiis inferebat ille: Deum, non casum, hujus universi, rerumque omnium conditarum causam esse: ipsum omnia cognoscere, quæ hic aguntur, non quemadmodum vulgus opinatur: Hi enim opinantur quædam Deos scire, quædam autem ignorare: ac ubique adesse, deque omnibus consulere. Omnia præterea gubernare, & inprimis hominum curam gerere, sive corpus species, sive animum,

qui omnium aliorum facultates excellit. Atque exinde colligebat, præmia manere illos, qui Deo placuerint: iis autem qui Deo displicent, pœnas decerni: idque probare ejus idiplum faciendi potentiam, humanique animi conscientiam. Quæ præmia pœnaeque a Socrate constitutas clarius enarrat Plato in Phædone referens doctrinam ejus fuisse, post mortem bonorum animos beatitudine perfrui cum Deo in loco jucundo, ad quem accessus mortalium nemini pateat, conjunctos: malos in locis convenientibus pœnis promeritis affici. Quibus in testimoniis videas Socratem iis principiis innixum, quæ superius a nobis sunt exposita, animæ immortalitatem, ejusque post mortem præmia, vel pœnas pro certo habuisse. Egregium aliud ejusdem Socratis de hac re testimonium infra dabimus ex Tullio.

III. Viam eandem pressisse Xenophontem ipsum Socratis discipulum ac vindicem, nec historicum modo, sed Philosophum celebratissimum constat tum ex vindiciis ab eo factis Præceptoris sui, tum ex Epistola 5. a Leone Alatio inter Socraticas relata, & a Stanslejo producta, in qua hæc habet: *Opera pretium est viros probos fieri, & admirari eum, (Socratem nempe) quod caste pie ac iuste vitam transegerit: fortunam vero incusare, & vituperare eos, qui in eum mala macchinati sunt: brevi enim pœnas dabunt, post breve scilicet hujusce vitæ spatium a supremo omnium justo Judice exigendas.*

IV. Principium idem atque sententiam amplexum fuisse Aristotelem probat Augustinus Eugubinus (c) ex iis, quæ tradit ille lib. 10. Moral. his verbis: *Qui secundum mentem operatur, &*
banc

(a) lib. de Natur. hominis c. p. 41.

(b) lib. de factis & dictis Socrat. ex interpret. Beilart.

(c) lib. 4. de peren. Philof. cap. 6. & cap. 9.

hanc excolit, optimeque affectus est, is videtur Deo acceptissimus. Si qua enim cura rerum humanarum est a Diis, sicut apparet, utique rationabile est delectari eos re optima, sibi que proxima. Hæc autem mens est, quam qui diligunt, maxime & colunt, redamari eos a Diis tanquam rerum sibi acceptarum curatores, & recte & probe agentes fas est. At num forte hujusmodi Dei erga bonos amor, adeoque & erga malos odium, sterilis quædam & inefficax affectio erit? absit: idque ostendit Aristoteles ipse eodem loco ex Dei Providentia inquiring: numquid in moralibus fortuna quasi Providentia quædam est Deorum? an potius id non est probabile? quippe Deum, cum Dominus sit hujusmodi rerum, arbitrari tribuere merentibus bona & mala: fortuna vero, & quæ a fortuna sunt, vere fortuito eveniunt. Quam rem si Deo tribuamus, Judicem improbum eum facimus, aut injustum: quod Deo non convenit. Itaque neque bonam fortunam, Providentiam, aut benevolentiam Dei esse probabile est: quia improbis etiam datur. Deum autem curare improbos non est probabile. Hoc est, probabile non est Deum improbis bona hujus vitæ elargiri ob amorem, & curam specialem, quam de ipsis gerat. Si igitur Aristoteles Deum utpote justum Judicem bona & mala rependere debere sanxit, & alias, ut animadvertit, bona ista fortunæque probis & improbis in hoc mundo obveniunt, imo sæpius probi miseriis & calamitatibus sunt obnoxii, improbi vero, qui a Deo non amantur, sed odio potius habentur, his abundant fortunæ bonis; quid aliud superest, ut tribuatur utrique juxta meritum rationem, nisi alterius vitæ bona vel mala: bona quidem longe præsentibus excellentiora, mala vero longe graviora?

V. At enimvero quemadmodum inter Christianos Patres Chrysostomus; ita inter Gentiles Philoſophos hoc argumentum indeliſis habuit Divinus, ut vocabatur, Plato. Pluribus in locis illud diſerte pertractat, ſed præcipue in lib. 10. de Rep. Summa eorum, quæ ibi fuſiſſime diſſerit, ac totius pulcherrimæ diſputationis de præmiis juſtitia, ac in-

juſtitia pœnis, hæc eſt. Præſatur primum rem, quam præ manibus habet, maximi eſſe momenti, in qua videlicet univerſæ vitæ noſtræ recte inſtituendæ cardo vertitur. Juſtitia autem præmia imprimis ita proponit, ut magna quidem eſſe doceat in hac vita, ſed longe majora in altera. Quam egregiam doctrinam ab ipſo diligenter expoſitam juvat accuratius notare. Quid, inquit, eſt hujus vitæ ſpatium, ſi cum univerſo comparetur? Plane nihil. Igitur, ſubjicit, non valde attendendum eſt iis præmiis, quæ virtutem in hac vita comitantur: ſed ea ſpectanda ſunt, quæ vitam immortalē manent. E contra ea ſupplia præ præſentibus metuenda, quæ improbos poſt mortem expectant. At numquid revera futura ſunt hujusmodi præmia vel ſupplicia? Ita omnino credendum commonſtrat. Quoniam ſi de juſtis ſermo ſit, juſtitia, ſeu probitas hoc exigit, ut & apud Deum, & apud homines præmia conſequantur: injuſtitia vero aut improbitas ſupplicia. Quamvis enim proſtigatæ conſcientiæ homines ad tempus triumphant, infeſtiſſimus tamen eſt illorum exitus, in hac quidem vita frequenter, ſemper autem in futura. Quod ita probat: Primum hoc mihi reddetis (ſive ut exploratum concedetis) Deos haudquam latere, qualis ſit uterque (juſtus nempe, & injuſtus). . . . Si Deos id non latet, ille quidem a Deo amabitur, hic odio habebitur. Concedemus quoque quæcumque a Deo proſicij poſſint bona religioſo illi, & juſto viro optime ſucceſſura. . . . Sic itaque de juſto viro exiſtimandum eſt, ſive paupertate, ſive morbo, ſive quibuſvis aliis quæ vulgo habentur, malis prematur, huic & viro, & mortuo ad certam utilitatem omnia ſucceſſura. Cujus rei non aliam promit rationem, niſi quæ a Dei Providentia, & bonitate arceſſitur: neque enim, inquit, a Diis immortalibus ejus res unquam negligentur, qui cupit juſtus eſſe, & quantum in hominem cadere poteſt, dat omnem operam, ut virtutis officiis ſimilis Diis reddatur. . . . at de injuſto homine nonne contraria ſtatueredebemus? Omnino. Oſtendit ſubinde exter-

ternam omnem felicitatis speciem in improbis esse tantum larvam, & umbram felicitatis cito desitura etiam in hac vita, quod non paucis contingere experientia compertum est. Sed num in hac tantum vita, Providentia divina præmia bonis, & malis supplicia distribuet? minime gentium: nam etiam non semper hanc bonorum, malorumque pro meritis distributionem conspiciamus. Sed ut ut etiam hic aliqua quandoque pro merito conferantur; hæc omnia, subdit Plato, *nihil plane sunt & numero & magnitudine, si cum iis comparentur, quæ utrumque hominum genus post hanc vitam manent.* In vita siquidem immortalis certa, cumulataque felicitas futura est justorum merces, ut contra certa, cumulataque infelicitas ita impios obvolvet, ut perpetuæ ejusdem miseritæ cruciatus sentiant. Quod ut magis declaret, atque corroboret, assert in confirmationem historiam, aut Apologum, si appellare mavis, Heri cujusdam Armenii genere Pamphili, quæ & justorum, & injustorum in altera vita status graphice representatur. Summa est, Dei iusti Judicis, coram cujus majestare omnes homines sistentur *διαδικαστην* futurum ut bonis sit optime, malis pessime: demumque concludit justitiam omni studio, & ratione colendam, ut felices aliquando cum Deo vivamus, malaque vitemus, quæ impiis reservantur.

VI. Pressius eandem doctrinam tradit in *Theeteto*, in *Phædro*, & in *Gorgia*. Primo loco sic ait: quicumque dementiæ stultitiæque assueverint, dabunt meritas pœnas vitam stultam degentes. Quod si dixerimus fore, ut nunquam eos pœniteat flagitiorum, vita quidem sanctus locus ille sceleris, malorumque purus non recipiet, sed similitudinem vitæ consequentur semper mali cum malis habitantes. In *Phædro* autem postquam idem asseruit quoad homines iustos, rationem hanc appingit, quia nempe nefas est, nec ulla lex (divina certe) permittere, ut ad tenebras subterraneas, loca impii destinata, hi proficiantur, qui semel iter caeleste carpere cœpissent. Ecce divinæ Providentiæ dispositio, quæ juxta merita retribuit omnibus. Quod

præclarius exponit in *Gorgia*, ubi proposita sententia de felicitate caelesti, deque pœnis futuris, subjicit, *legem fuisse sub Saturno* (Saturnum maximum deum appellat) eamque adhuc semper vigere apud Deos, ut qui iuste & sancte vitam transegerint post ad insulas beatas profecti, beate vivant, nullis malis obstreptibus. Qui vero scelerate, & impie vixerint, ire ad pœnarum, & vindictæ carcerem, quem vocant Tartarum. Hic palam est discrimen præmiorum, varietas locorum, Tartarus carcer ultionis, & pœnarum sedes, in quo injuncti omni ævo habitaturi dicuntur, non ob aliam rationem, nisi ob legem illam, quæ viget apud Deum, sine qua rerum, quam habet, humanarum cura, & Providentia nequaquam consisteret.

VII. Mirifice cum Platone consentit, ejusque rationem declarat & urget Plutarchus, insignis & Philosophus, & Historicus in libro præsertim de *tarda Dei vindicta*. Plura ibi docet, quæ rem hanc summopere illustant. Tradit primo mirum non esse, quod ignoremus consilia Dei, alium quidem peccatorem impune dimittentis, alium vero statim punientis, cum sæpe ignoremus consilia ipsorum hominum, cur ab uno delinquente pœnas exigant, ab altero non exigant, sed in aliud tempus protrahant. Secundo: non esse item cur miremur, si Deus, cum cæteroquin possit, vindictam tamen celerem in impios non exerceat: quippe, inquit, non veretur, ne sibi evolvant, seu ne manus suas effugiant. Tum postea subdit, eandem esse de divina Providentia, atque de animorum immortalitate sententiam, nec alterum posse dogma relinqui, altero sublato. Una est ratio (verba ejus sunt) *Dei quæ Providentiam, & anime humane astruit immortalitatem, neque consistere, sublato uno, potest alterum.* Porro, ait, immortalitatem animorum necesse est consequi præmia, & supplicia, tribus hisce invicem una ratione conjunctis. Existit Providentia, idque veris apparet exemplis: Hæc insert animos immortales: atque hos post mortem manere vel coronas, vel supplicia. *Jani si post lethum ani-*

anima superest, propius fidem est & bonores ei, & poenas reddi. Ea etenim est ratio, cur Providentia inducat immortalitatem animarum, ne vel probitas contempta jaceat, vel improbitas triumphet impunis. Quemadmodum autem Plato in hujus veritatis comprobationem, sive declarationem Ardiænum quemdam induxit, qui e mortuorum locis reversus aliqua de misera impiorum sorte referret; ita Plutarchus tradit fuisse quemdam, Thespesium nomine, qui cum omnem vitæ suæ cursum in libidine, & intemperantia transgisset, ex edito tandem loco delapsus miserrime interiit: At cum post dies aliquot revixisset, longe priore diversam vitæ rationem iniit, ita ut Cilices neque justiores alium noverint, neque sanctiorem. Cum itaque interrogatus esset undenam tanta vitæ mutatio? Retulit ea, quæ post obitum ipse viderat, tormenta quæ, quibus impii acerrime plectuntur; quorum fusa descriptio legi potest apud eundem Plutarchum.

VIII. Hoc quoque immortalitatis animarum validissimum argumentum non prætermisit summus Orator, & Philosophorum illustre sydus Marcus Tullius Cicero, ut ex iis, quæ sparsim tradit, colligere pronum est. Lib. 3. de Natura Deorum primum in medium ponit id, unde de divina erga res humanas Providentia dubitari posse videtur. „Telamon, inquit, uno versu „locum totum conficit, utrum Dii „homines negligant. Nam si curent, „bene bonis sit, male malis: quod nunc „abest. Debebant illi quidem omnes „bonos efficere, siquidem hominum „generi consulebant. Sin id minus, „bonis quidem consulere debebant. „Cur igitur duos Scipiones, fortissimos, & optimos viros, in Hispania „Pœnus oppressit? Cur Maximus extulit filium consularem? Cur Marcellum Annibal interemit? „Atque ita pluribus aliis commemoratis exemplis, dies, subdit, deficiat, si velim numerare, quibus bonis male „evenierit; nec minus, si commemorarem, quibus improbis optime. Cur

„enim Marius tam feliciter septimum „Consul domi suæ senex est mortuus? „Cur omnium crudelissimus tandiu „Cinna regnavit? Anaxarchum „Democritum a Cyprio Tyranno excarnificatum accepimus, Zenonem „Eleatem in tormentis necatum. Quid „dicam de Socrate? cujus mortis illacrymari soleo Platonem legens. Vi „desne igitur Deorum judicio, si vident res humanas, discrimen esse sublatum? Diogenes quidem Cynicus „dicere solebat, Harpalum, qui temporibus illis prædo felix habebatur, „contra Deos testimonium dicere, „quod in illa fortuna tandiu viveret „&c., Quid igitur dicendum? Non plane sine ullo discrimine bona æque ac mala fieri ab hominibus. „ Ut enim, „pergit ille, nec domus, nec Respublica „ratione quadam & disciplina designata videatur, si in ea nec recte factis „præmia extent ulla, nec supplicia „peccatis; sic mundi divina in homines moderatio profecto nulla est, si „in ea discrimen nullum est bonorum, „vel malorum. „ Opponit sibi deinde, quod aliqui dicebant, *Deos non omnia animadvertere, sicut neque Reges.* Verum respondet, *non esse simile. Reges enim, si scientes prætermittunt, magna culpa est. At Deo ne excusatio quidem est inscientiæ: Deus enim omnia novit: ac præterea divina Providentia sistrix, & moderatrix est universarum rerum, & efficere potest, quidquid vult.* Itaque sequeretur Deum aut nescire quid possit, aut negligere res humanas: aut quid sit optimum non posse judicare: quæ omnia utique falsa sunt.

IX. Hæc postquam Tullius eloquenter de more disseruit, promittit se alio in congressu dicturum contra hoc argumentum, proque vindicanda divina Providentia ab impiorum calumniis, *quasi pro aris & focis, ut ipse ait, & pro Deorum templis, atque delubris, proque urbis muris certaturum.* Equidem liber iste, quem pollicetur, non extat. Verum neque alia via poterat hanc expeditæ quæstionem, quam præmia, & futura supplicia constituendo: neque alia recipia

re ipsa expediri posse putavit, si ex iis, quæ alibi tradit, quid ipse senserit, colligamus. Id maxime apparet ex verbis, quæ habet lib. 1. quæst. Tusc. ubi ex sententia Socratis, quam laudat, & approbat, docet, vias duas esse, duplicesque cursus animorum a corpore excedendum. Nam qui se humanis vitiis contaminassent, & se totos libidinibus dedissent, quibus cecati vel in domesticis vitiis ac flagitiis se inquinassent, vel in Republica violanda fraudes inexpliabiles concepissent, iis devium quoddam iter esse seclusum a Concilio Deorum. Qui autem se integros, castosque servavissent, quibusque fuisset minima cum corporibus contagio, se seque ab his semper sevocassent, essentque in corporibus humanis vitam imitati Deorum; his ad illos, a quibus essent profecti, reditum facilem patere, utique cum ipsis felicem, & beatam vitam ducturis. Quorum omnium non aliam potest rationem reddi, nisi quod iusti hominis, adeoque etiam iniusti, res a Diis immortalibus non negliguntur. Non enim (ut habet in fine libri) temere, nec fortuito facti, & creati sumus; sed profectio fuit quadam vis, quæ generi consuleret humano: nec id gigneret, aut aleret, quod cum exanslavisset omnes labores, tum incideret in malum sempiternum absque ullo bonorum operum fructu percepto: Quod etiam tradit in somnio Scipionis, aliisque locis. En igitur, Auctore Tullio, ratio conciliandæ divinæ Providentiæ cum iis, quæ videntur adversa contingere in rebus humanis huic vite: si alium nempe vite statum admiserimus, in quo Deus unumquemque compenset pro meritis, & bonis præmia, malis autem digna supplicia, quæ in hoc mundo non perceperunt, rite distribuat.

X. Præter hos Philosophos Græcæ vel

Romanae Sapientiæ clarissima lumina, alios ex antiquis habemus, qui eodem divinæ Providentiæ ac iustitiæ principio ad alium post hanc vitam retributionis statum ponendum permoti sunt. Horum plures allegat S. Theophilus Antiochenus lib. 2. ad Autol. Aliquos etiam proferunt S. Clemens Alexandrinus in libris Strom., & S. Justinus, & alii, ex quibus duorum testimonia tantum recenseo.

XI. S. Justinus, vel quicumque est Auctor libri de Monarchia hæc Euripidis carmina recitat:

*Carvete, qui non esse creditis Deum
Errore non recte implicati duplici.
Est ille: sed si quis malum patraverit,
Male natus ut temporis lucrum ferat,
Pœnas tamen graves dabit in tempore.*

XII. Luculentius est testimonium Diphili Comici, quod producit S. Clemens lib. 5. Strom., sive Philemonis, ut apud Justinum loco laudato:

*Tu ne arbitraris mortuos, Nicerate,
Qui se omnibus dedere vite gaudiis,
Fugisse Numen, & lasere postea?
Est iustus oculus, cuncta qui solus videt.
Hinc inferorum ponimus duplicem locum:
Hunc destinatum impiis, illum piis,
Uterque quamvis conditus terra latet.
Tu, si lubet, furare, quodlibet va-
pe.
Errare noli, Iudicem inferi dabunt,
Deum supremum Regem, & Auctorem omnium.
Cujus nec horridum ipse nomen dixerim.*

Plura alibi referemus.

CAPUT VI.

Alterum argumentum ex omnium gentium consensione depromptum. Quædam prænotantur. Illud non enervant variæ & commentitiæ de alterius vitæ statu opinionationes: nec aliquorum baud coherentes cum eo dogmate sententiæ de animi natura. Admisso bonorum præmio, consequens plane est, ut & malorum admittatur punitio. Auctoritate tum Gentilium Scriptorum, tum Sanctorum Patrum ostenditur communem semper fuisse hominum persuasionem aliam extare vitam vel beatam, vel miseram. Eadem quoque vincitur ex hominum Apoteosis, quæ apud Gentes invaluit.

I. **A**lterum argumentum ad futuræ retributionis existentiam demonstrandam sumitur ex omnium nationum, atque gentium in ea veritate unanimi, & perenni consensione. Validissimum esse hoc argumenti genus, planeque peremptorium, cum de moralibus maxime veritatibus quæstio est, sapientes quique assentiuntur, ipsique adeo Deistæ, & increduli vel repugnantes fætentur, dum nullum aliud magis reformidant. Quare nullum non moverelapidem, ut illud, sin penitus deicerent, aliquo saltem pacto debilitarent, casto tamen hæc lenis, irritoque labore. Tribus porro constat argumentum propositionibus, quas fuscæ, & luculenter evincam, ut ipsius robur quam maxime pateat. Prima est, quod omnes ab orbe condito, sive quarum ad nos notitia aliqua pervenit, nationes, atque homines ex ipsis sapientiores, in hac persuasionem ac dogmate consenserint, præmium aliquod iustis paratum esse post mortem, & aliquid impiis supplicium: quam per plura capita manifestam faciam. Altera: quod huiusmodi in hoc dogmate communis consensio nonnisi ab ipsa natura, seu naturali quadam vi ac veluti impressione originem ducat (a). Tertia tandem: quod hæc vox, sive impressio

natura ab ipso Deo sit, atque adeo veracissima, nec errori obnoxia.

II. A priore igitur incipiamus, quæ cæterarum fundamentum est, & qua semel constituta, reliquæ duæ sua veluti sponte consequuntur. Quædam vero prænotare consultum erit, eaque diligenter animadverti velim, ut omnis vitiligandi aditus in antecessum ocludatur. Primo nempe fabulas, & commenta, quibus vel Poetæ, vel Philosophi futuræ vitæ supplicia, aut præmia deformarunt, variasque etiam populorum in iis exponendis absurdas opinionationes, nullum inferre posse aut debere præjudicium præcipuæ, quam modo propugnamus, veritati, sive, ut ita loquar, rei ipsius substantiæ, homines videlicet post mortem pro meritis vel premio affici, vel pœna. Liquet hoc aperte alterius certissimæ veritatis exemplo, supremi scilicet cuiusdam Numinis existentia. Nemo quippe nescit, quam varia, quam fabulosa, quam absurda de Deo senserint miseri mortales: quibus figmentis obvolutam divinitatem repræsentarint, quibus erroribus Dei naturam, & attributa fœdaverint vel ipsi cultiores populi, & sapientiores Philosophi. Qui Deos, inquit Tullius libro primo de Natura Deor. esse dixerunt, tanta sunt in

varie-

(a) Cum dico *naturalem vim aut impressionem*, non excludo traditionem a primis parentibus in filios, & ex his a Noeris familia in alias nationes propagaram. Quinimo eam complector. Verum arida & jejuna sola traditio fuisse sine voce aut testimonio nature. Consensus enim generis humani circa creditam animi immortalitatem, & futuræ vitæ præmia vel supplicia, ex solius traditionis virtute pendere nequit: cum plane non appareat quomodo ubique locorum hæc persuasio conservari potuerit tot sæculis, atque inter tantas orbis gentiumque vicissitudines, nisi eadem contineretur intus ipsius nature recessibus. Et hæc de vitæ animæ post mortem sententiæ ipsis animi humani perturbationibus admodum inimica jam pridem periisset.

varietate ac diffensione constitui, ut eorum molestum sit annumerare sententias. Nam & de figuris Deorum, & de locis, atque sedibus, & actione vitæ multa dicuntur, de quæ his Summa Philosophorum diffensione certatur: Quæ fufius persequitur lib. 2. Neque tamen propter has de Deo opiniones, & commenta quispiam sapiens non agnoscit efficacissimum esse ad probandam Dei existentiam, quod ab omnium gentium consensione ducitur; argumentum: ut fatetur Tullius idem tum lib. 2. laud., tum lib. quæst. Tuscul. his verbis: *ut firmissimum hoc afferri videtur, cur Deos esse credamus, quod nulla gens tam fera, nemo omnium tam sit immanis, cujus mentem non imbuerit Deorum opinio. Multi de Diis prava sentiunt: id enim vitioso more effici solet: omnes tamen esse vim, & naturam divinam arbitrantur.* Si igitur fabulæ & absurdæ opiniones hominum, quibus summi Dei notionem sæpe corruperunt, atque corrumpunt, nihil omnino officiunt argumento, quod ex omnium consensione in aliquo supremo Numine ac moderatore agnoscendo defumitur; neque officere quidpiam poterit eidem argumento, quo alterius vitæ status veritatem adstruimus, opinionum in eo explicando varietas, fabulæque quamplures, quibus illam adaspererunt vel Poetæ, vel nationes. Quamquam enim in diversa commenta veluti membratim discerpta sit veritas, recolligi tamen, unique formæ restitui facile potest, seculis fabulis, ita ut in re ipsa omnes convenerint, solumque in ea proponenda dissenferint. Hinc Plato in libris de Republ. Poetarum ficiones contemplans, vult quidem contemni, & tamquam aniles fabulas haberi, quæ de Cocyto, Styge, vel Tartaro confinxerunt, retinendam nihilominus esse sententiam de scelestorum suppliciis commentis hisce purgatam, quam & ipse Plato proficitur ac celebrat, & ipsi profitentur ac celebrant Poetæ, dum fabulosas narrationibus obvelatam, atque obductam proponunt.

III. Animadverto præterea lubenque concedo ea, quæ plures, maxime Philosophi, de animæ natura tradiderunt,

haud satisquandoque coherere cum iis, quæ spectant futurum vitæ statum, animæque ipsius immortalitatem, sine qua ille ne concipi quidem valet. Permulti sane veteres Philosophi, ac integræ etiam nationes falsa, & absurda non pauca de animæ natura credere. Alii etiam dixerunt vel puriorem quemdam aerem, vel ignem, vel quintum corpus ab elementis diversum, vel aliud aliquid simile: quæ placita cum animæ ipsius immortalitate pugnare videntur (ut plures saltem existimant, quorum sententiam ego non probo) quæ ex ejus spiritali natura maxime pendet. Neque tamen ex hoc statim colligere fas est illos animæ immortalitatem, aliumque vitæ vel beatæ, vel miseræ statum non agnovisse: quemadmodum perperam idem quispiam inferret ex doctrina aliquorum Patrum, puta, Tertulliani, quod animam subtili quadam materia consistere opinatus sit. Illud itaque ut summum ex hoc colligi potest eos germanam non habuisse de intraneo immortalitatis principio notionem, & in eo fuisse decipitos, si alias de eorum mente satis liceat quoad futuram animæ conditionem.

IV. Demum animadverto: si id solum aliquando constiterit aliquos posuisse post mortem bonorum operum præmia, jure optimo concludi posse, posuisse etiam malorum poenas: vitium namque & virtus sibi contraria sunt: adeoque si hanc præmium manet, illud masere poenam necessaria consecutione omnibus manifesta deducitur. Quin immo potior ratio, magisque evidens militare videtur pro poena, quam pro præmio admittendo. Ad exercenda enim virtutis opera, legesque a Deo præstitutas observandas, pluribus aliis titulis tenentur homines, quacumque etiam spe remunerationis seclusa. Tenentur utique Deo obtemperare, fideliterque deservire, ut rerum omnium Principio & Conditori, ut Conservatori, ut temporalium bonorum largitori, ut supremo Domino, ut Ultimo fini, aliisque qui satis esse deberent ad nostrum erga ipsum obsequium, & cultum extorquendum, etiam

etiāsi nullum postea præmium expectandum a nobis foret. Non ita se res habet de operibus malis, legumque divinarum transgressionibus, pro quarum iusta compensatione nihil aliud occurrit quam poena pro eisdem subeunda, per quam ea ponatur in rebus æqualitas, quam pulcre declarat S. Thomas libro 3. Con. Gen. cap. 140. Hinc maiore quadam nos indignatione commoveri solemus, dum in humana ipsa Republica nefarii homines nullam recipiunt scelerum suorum vindictam, quam cum viros honestos ac probos sine honorum, ac dignitatum præmio conspiciamus. Quin immo addo vel ex animæ immortalitate a quibusdam tantum expressa satis verisimili ratione colligi, recte quoque de futura poena ac præmio sensisse: neque enim intelligi potest quin superstes anima vel ad felicitatem permaneat, vel ad miseriam.

V. His itaque pro rei dignitate merito animadversis, constanter affirmo communem esse, semperque fuisse apud mortales fidem, aut persuasionem post hanc vitam aliud extare vitæ genus, sicut piis iustisque felicissimum, ita inferrimum impiis, ac scelestis hominibus. Cum id assero, non eo in sensu propositionem accipi volo, ac si neminem admitterem, qui contra opinatus fuerit. Fateor fuisse semper, & etiamnum esse Atheos, & incredulos. Novi Epicurum, ejusque gregales Lucretium, Galenum, Plinium, Alexandrum, aliosque animos posuisse mortales, atque adeo omnem futuræ vitæ spem, metumque fustulisse. Id unum itaque contendo, eam persuasionem prævaluisse semper in omni populo ac gente, & apud meliores cordatioreque Philosophos, ita ut si cum iis qui in adversam iere sententiam conferrantur, nec eam habituri sint proportionem, quam mille ad unum: quod ad generalem consensum adstruendum sufficere, atque inde naturæ vocem eruendam nullus jure diffitebitur. Propositionis itaque nostræ sic expositæ veritatem quamplurimum testimonio, & auctoritate prius ostendo, tum deinde ini-

ta per omnes gentes, de quibus quidpiam litteris proditum est, excursionem, manifestiorem reddo.

VI. Igitur communem fuisse hominum persuasionem impios post mortem suppliciiis plecti, sicut & pios præmio donari, constare videtur ex veterum plurium, eorumque gravissimorum Scriptorum auctoritate, qui eam tamquam indubitatum vel asserunt, vel supponunt. Id in primis disertissimis verbis testatur Seneca, qui Epist. 117. ait: *cum de animorum immortalitate loquimur, non leve momentum apud nos habet consensus hominum aut timentium inferos, aut colentium. Utor hac persuasionem publica: paremque facit hujusmodi consensus cum eo, qui Dei existentiam spectat.* Testatur id etiam Sextus Empiricus libro 7. contra Mathematicos, affirmans de inferis, sicut de Diis, omnes homines habere notionem. Idem quoque habet Plato in Apolog. opinionem de vita functorum itatu apud omnes communem proponens: & lib. de Repub., ubi impiorum supplicia refert, tamquam non sibi credita, ac persuasa modo, sed a superioribus sæculis, & antiquis nationibus manantia. Disertum item est de hac consensione testimonium, quod suppeditat liber de secretiori parte divina sapientia secundum Ægyptios inscriptus, qui Aristoteli a quibusdam adjudicatus fuit, at certe antiquissimi est Authoris (a). Nam lib. 1. cap. 4. sic disserit: *Veterum, recentiorumque Theologorum, philosophorum, ac populorum summa suis consensus animi corporis illecebris capsum, inde odium statim incurrere: atque iccirco peccata esse fugienda, & illas corporis illecebras tollendas. Sic enim Deum nobis futurum propitiū. Neque vero si majores de animi immortalitate dubitassent, ad eam confirmandam, distante natura, legem posuissent, cui nemo adversatur, nisi qui vitis detinetur.*

VII. His suffragatur Cicero lib. 1. quæst. Tusc. ubi sic loquitur: *Authoribus quidem ad istam sententiam (de animæ immortalitate) quam vis obtinere, uti optimis possumus: quod in omnibus causis & debet, & solet valere plurimum. Et pri-*

(a) vide Jacobo Carpent. præf. ad hunc librum.

primum quidem omni antiquitate, quæ quo propius aberat ab ortu, & divina progenie, hoc melius ea fortasse, quæ erant vera, cernebat. Itaque illud unum erat infitum priscis illis, quos Castos appellat Ennius, esse in morte sensum, neque excessu vitæ sic deleri hominem, ut funditus intereat: idque tum multis aliis rebus, tum e Pontificio jure, & caeremoniis sepulcrorum intelligi licet, quas maximis ingenii præditi nec tanta cura coluissent, nec violatas tam inexcipiabili Religione sanxissent, nisi hæsisset in eorum mentibus mortem non interitum esse omnia tollentem, atque delentem, sed quamdam quasi migrationem, commutationemque vitæ, quæ in claris viris, ac fœminis dux in celum soletur esse, in cæteris humi & retineretur, & permanceret tamen.

VIII. Testes etiam communis hujus notioris locupletissimos habemus Sanctos Ecclesiæ Patres. S. Joan. Chrysostomus Homil. 6. de perf. charit. postquam supplicia memoravit, quæ iustissimus Iudex improbis luenda reservat, hæc subdit: num contradicentibus persuademus, quæ de illa (Gehenna) narrantur non esse fabulam? Ita enim vera sunt, ut non nos tantum, sed etiam Poetæ, Philosophi, & fabularum Scriptores de futura pro merito sorte philosophati sint, & improbos in inferno cruciari dixerint. Nam etiam si hæc vere ut sunt, enarrare non potuerunt, utpote qui ex ratiocinio tantum, & ex nostra doctrina male accepta ad id permoti fuerint: attamen illi imaginem quamdam iudicii adepti fuerant. Cocytos enim memorant, pyriphlegethontas fluvios, & stygis aquam, & Tartarum tantum a terra distantem, quantum ipsa a cælo, multos quoque alios ultionis modos. Et homil. 4. de Fat. & Provid. de Græcis, ac cæteris. idem sensisse generatim affirmat, ita incredulum hominem alloquens: nihilne post hanc vitam eris, o homo? & tu hanc sententiam oppugnas? Græci, qui tot in rebus deliraverunt, hujus tamen dogmatis veritati non resistunt. Quod si illos sequaris, aliquam certe illi vitam post hanc esse concesserunt, & rationes reddendas, & iudicia apud inferos, & supplicia, & honores, calculos, atque iudicia. Si Judæos interroges, atque hæreticos, si quemvis hominem, reverebitur

ille hujus dogmatis veritatem. Et si in aliis differant homines, in hoc tamen omnes conveniunt, & dicunt eorum, quæ hic gesta sunt, rationem ibi reddendam esse.

IX. Idem testatur S. Clemens Alexandrin. lib. 5. Stromat. dicens: Supplicia post mortem, & pœnas, quæ igne luuntur a barbara philosophia, & universa Musa poetica, & Græca etiam surripuit philosophia. Eadem etiam tradunt S. Theophilus Antioc. lib. 1. ad Autol. n. 14., Minucius Felix in Octavio n. 35., Lactantius Firmianus lib. 3. n. 3., S. Gregorius Nazianzenus orat. in Julian., & alii.

X. Præter hæc summorum virorum testimonia efficax argumentum fumitur ad eandem de futuro immortalis vitæ statu communem hominum persuasionem comprobendam, ex plurium Deorum cultu, qui totum olim ferme orbem pervagabatur. Nam utcumque idololatriæ origo explicetur, illud exploratum esse debet homines præsertim fuisse, quos a morte tanquam Deos gentes colebant. Id fuscè commonstrat S. Augustinus in libris de Civitate Dei, confirmatque autoritate Gentilium Scriptorum. Lib. 6. cap. 7. tradit Euhemerum Messenium omnes tales Deos non fabulosa garrulitate, sed historica diligentia homines fuisse, mortalesque conscripsisse. Et lib. 8. cap. 26. idem veluti extra dubium omne constitutum proponit inquires: tanta homines impii cecitate in montes quodammodo offendant, ut non adtendant in omnibus litteris Paganorum aut non inveniri, aut vix inveniri Deos, qui non homines fuerint, mortuisque divini honores delati sint. Omitto, quod Varro dixit, omnes ab eis mortuos existimari manes Deos, & probat per ea sacra, quæ omnibus fere mortuis exhibentur. Idemque probare pergit autoritate Hermetis sive Mercurii Trismegisti.

XI. His omnino assentitur Cicero lib. 1. de Nat. Deor. dicens: quid, qui aut fortes, aut claros, aut potentes viros tradunt post mortem ad Deos pervenisse, eosque ipsos, quos nos colere, precari, veneratque soleamus. Ac deinde: quæ ratio maxime tractata ab Euhemero est, quem noster & interpretatus, & secutus est præter ceteros Ennius. Ab Euhemero au-

tem & mortes & sepulturae demonstrantur Deorum. Libro item 2.: *Suscipit autem vita hominum, consuetudoque communis, ut beneficiis excellentes viros in celum fama, ac voluntate tollerent. Hinc Hercules, hinc Castor, & Pollux, hinc Æsculapius, hinc Liber.... hinc etiam Romulus, quem quidem eundem esse Quirinum putant. Quorum cum remanerent animi, atque aternitate fruerentur, Dii vite sunt habitus, cum & optimi essent, & aeterni.* Hinc Tullius ipse lib. 2. *de legib.* commendat hanc legem: *culo et illos, quas in celum merita vocantur, Herculem, Liberum, Æsculapium, Castorem, Pollucem, Quirinum.* Hinc etiam Apotheosis Cæsaris & Augustorum, de qua frequens in Romana historia mentio.

XII. Equidem non inficias eo, alios præter homines fuisse apud gentes Deos, ac præsertim *Solem, lunam, astra.* Sed illud tamen ratum firmumque est morem hunc consecrandi homines in Deos apud omnes ferme nationes invaluisse, nempe veteres Etruscos, Romanos, Pelasgos, Egyptios, Assyrios, Phryges, Cilices &c. de quibus legi potest Jo. Gerardus Vossius lib. 1. *de Orig. Idolatriæ*, ubi rem hanc erudite admodum pertractat.

XIII. Ex his itaque hoc conficitur argumentum: Non poterant tot tamque

variae nationes homines in Deos consecrare, atque una tamquam Deos colere & precari, nisi persuasum ipsis fuisset eorum animas a morte superesse, easdemque in statu plane beato ac felicissimo reperiri, unde etiam cultores suos juvare possent, ac ornare beneficiis. Talem porro vitæ statum non alia ratione affectos esse putabant, quam ob singularia merita, quæ sibi in hac mortali vita præclaris virtutum operibus comparaverant. Igitur ex opposito inferre licet alium quoque miseriam vitæ statum credidisse, qui iis pro merito deberetur, qui pravis actionibus se in hoc mundo dedidissent, Reipublicæ pacem sceleribus, ac flagitiis perturbassent, humanoque generi damna, ac ruinas intulissent. Alterum quippe sine altero, ut jam prænotavimus, non videtur posse consistere. Verum a generalibus hisce argumentis ad peculiaria descendamus, omniumque præcipuarum nationum, sive quæ olim extiterent, sive quæ hodieque extant, sensum hac de re persequemur. Ab ea exordium sumo natione, quæ omnium jure meritoque habetur antiquissima, Judæorum videlicet, cujus libris cum Deistis disputans non aliam fidem tribui postulo, quam quæ probatis cæterarum gentium monumentis tribuitur.

C A P U T VII.

Judæorum ab Excidio Hierosolymitano ad hæc tempora firma de alterius vitæ statu persuasio, nemine refragante. Quid censeant aliqui de vetustioribus Judæis. Concordes in eadem veritate eos semper fuisse pluribus manifestum fit. Frustra opponitur Mosaicæ legis de præmiis, pœnisque sequuturis silentium. Legis illius in-doles, & ingenium declaratur. Egregia de hac re S. Augustini distinctio. Ecclesiastice locus late expositus. Quam futile sit argumentum, quod a Sadduceis adversarii promunt.

I. **J**udæorum itaque de futura impiorum sorte sententiam primo loco vestigaturus, triplicem eorum statum distinguo: alterum a prima eorum Origine ad usque Christi servatoris nostri & excidii Hierosolymitani ævum: alterum a Christo, & eversa Hierosolymorum urbe ad hæc usque tempora: ac denum statum, quem nunc obtinent

in universo mundo. Judæos ævi nostri animarum post mortem vel præmia vel supplicia proferi, nullus dubitat: nosque infra de horum placitis aliqua differemus. In eadem quoque fuisse sententia eos, qui præcesserunt ad Hierosolymæ usque eversionem, & Christianæ Religionis initia, res adeo comperta est, ut plane & otio meo, & Lecto-
rum

rum patientia abuteretur, si id latius ostendere vellem. Constat id apertissime de Judæis, qui Christi, & Apostolorum ætate vixerunt, tum ex Evangeliiis, & canonicis Epistolis, tum ex Josepho historico in libris *Antiq. Judaic.*, & *de bello Judaico*, ubi enarrat quid de pœnis post obitum, vel præmiis sentirent sectæ inter Hebræos celebratissimæ Essenorum, & Phariseorum piis nempe animabus amœna loca assignasse, vitamque felicissimam, malis vero procellosa, ac tristia, gemitibus æternisque cruciatibus damnata: cujus Authoris verba opportunius alibi proferam. Constat id etiam de cæteris, qui succedere, Judæis tum ex libris Talmudicis, qui plurimis in locis & *terram viventium*, & *Gebennam* prædicant, tamquam sedes piis, impiisque paratas; & impiorum supplicia varia describunt: tum ex aliis libris Rabbiorum sequioris ætatis, qui ipsa inferni loca distinguunt, pluraque tormentorum genera proponunt ad scelestos plectendos. Quæ de re consentiunt omnes, nec ulum inveni, qui eam in dubium vocare ausus fuerit.

II. Ex horum Judæorum post legem abolitam, post templum eversum, eorumque in varias gentes dispersionem in alterius vitæ statu proficundo firma consensione, legitimam conjecturam informare statim licet, non tum primum ipsorum animis hanc insedisse sententiam, sed eam a suis majoribus continenti serie accepisse, semperque ab illis fuisse probatam. Quis enim sibi persuadeat melius de animæ sorte, divinaque Providentia sensisse Judæos ex eo tempore, quo suis pulsa sedibus miseræ gentis, extorris ac profuga aliarum nationum imperio ubique paret, sine templo, sine sacerdotio, sine ulla Reipublicæ facie; quam dum eorumdem florebat imperium, ac Sacerdotibus, Dei Prophetis, virisque sanctissimis, in iis, quæ Religionem spectant, instruebantur?

III. Nihilominus id sibi, aliisque per-

suadere non verentur aliqui, si fides Bafnagio (a) & Calmetto (b). Putant hi nimirum Judæis olim solas innotuisse pœnas vel præmia temporalia pro iustorum, pravorumque operum merito: quorum præcipuum fundamentum illud idem est, quo veteres quidam Hæretici ad legem Mosaicam reprobandam adducti sunt, quod nempe non alia præter ista lex illa polliceatur, aut comminetur, ut in Mosis Pentateucho, maximeque in libro Deuteronomii videre est.

IV. Alii vero opinantur sola Machabæorum ætate ex commercio cum Græcis didicisse Judæos diligenter inquirere in ea, quæ ab Homero, & Hesiodo scripta fuerant de inferis, Tartaro, campis elysiis &c. ac tunc primo Judæorum Doctores in sectas varias distractos esse. Plures enim Græcorum dogmata approbarunt, adeoque & vitam aliam, in qua tum probi, tum improbi promeritis reciperent, posuere: cæteris vetera gentis præjudicia retinere visum est. Atque inde subortas credunt eas sectas, quæ postremis Reipublicæ Judæorum sæculis Judæos ipsos inter se diviserunt: Phariseis, & Essenis Græcorum doctrinæ maxime consentientibus: Sadduceis autem in vetusta Hebræorum traditione perseverantibus.

V. At quam longe a vero abludat utraque sententia, innumera sunt, quæ evidenter ostendunt. Plurima dabimus in secunda ac tertia hujus operis dissertatione, ubi de qualitate, ac duratione pœnarum differetur. Pauca interim, sed prorsus decretoria, argumenta sufficiant. Primum sumitur ex tribus hisce principiis, quæ rata semper apud Hebræos fuisse, dubitare nefas. Primo scilicet quod mortui ad vitam revocari possunt, ac omnes demum revocandi forent, ut patet ex mortuis ab Elia, & Eliseo suscitatis, sicut lib. 3., & 4. Regum legitur, & ex eo, quod non infrequenter sacri Prophetæ, ac præsertim Ezechiel, & Oseas de reditu agat e captivitate Babylonica, & He-

H

He-

(a) Tom. 4. lib. 6. cap. 31. Hist. Juæ.

(b) in D. A. G. .

Hebræorum liberatione sub nomine & emblemate universalis resurrectionis, quam omnibus perfectam supponebant. Secundo, quod iidem mortui per visum mortalibus interdum apparerent: de quo sacræ litteræ nonnulla exempla subministrant. Tertio, quod de futuris eventibus consulerentur, de quo plura occurrunt in iidem sacris codicibus, qui procul dubio longo ante Homerum, ceterosque Græcos Poetas, intervallo conscripti sunt, egregia documenta. Nam & in Levitico cap. 19., & 20. damnantur, qui mortuos consulentes interrogant, & lib. 1. Regum, ut alia prætermittam, celeberris refertur histria Saulis Pythonissam consulentis, sciscitantisque ut colloquio cum Samuele jam demortuo, frui sibi liceret: quod nequiquam fecisset, nisi defuncti Prophetæ animam tum fuisset superstitem existimasset. Quorum autem manerent animæ post discessum a corpore, nisi vita sive felici, sive misera pro ratione eorum, quæ in corpore gesserint,ungerentur?

VI. Ulterius dum de Patriarcha Abraham dicitur: *mortuus est in senectute bona &c. congregatusque est ad populum suum*, haud certe Moses intellexit de sui corporis sepultura, sed de congregatione cum animabus ceterorum Patrum, quorum nemo in valle Mambre sepultus fuerat. Paria verba dicuntur de Ismaele, nempe *appositus est ad populum suum*: eademque leguntur de Jacob. Præterea dum idem Patriarcha Jacob jam letho proximus fernetipsum spe salutis ac redemptionis solabat inquiring: *salutare tuum expectabo Domine*, non temporariam quidem, sed æternam salutem animo prospiciebat. Eandem etiam contemplabatur vir sanctissimus Job cum diceret: *Scio quod Redemptor meus vivit, & in novissimo die de terra surrecturus sum, & rursum circumdabor pelle mea, & in carne mea videbo Deum meum, quem visurus sum ego ipse, & oculi mei conspiciuntur sunt, & non alius: reposita est haec spes mea in sinu meo*. Balaamus quoque cur tam ardentem optasset se mori morte

justorum, scierique novissima sua bonorum familia, si nihil post obitum sibi sperabant metuebantque Judæi? Quid significabat Regius Propheta cum diceret: educ de carcere animam meam, ut confiteatur nomini tuo: ne expectant iusti donec retribuatur mihi: & rursus: credo videre bona Domini in terra viventium: aut placebo in regione vivorum, nisi præmia illa in patria Cælesti iustis omnibus a Dei munificentia parata? Ut e contra quid ipse, alique nomine terræ oblivioni, terræ miserie, Regionis umbrae mortis, Putri abyssi, Perditionis similibusque intelligebant, nisi locum illam calamitosissimum, sive Gehennam aut infernum, ad quem impii a Dei iustitia damnantur? Abigail etiam dum sic Davidem affata est (a): Erit anima Domini mei custodita quasi in fasciculo viventium apud Dominum Deum tuum. Porro inimicorum tuorum anima rotabitur, quasi in impetu, & fasciculo fundetur, nonne tropica hæc locutione designavit, quod in populi opinione jam erat, diversam nempe in altera vita justorum, iniustorumque sortem? Quid enim fasciculus viventium, nisi futura piorum felicitas, quid animæ rotatio, nisi impiorum in inferno cruciatus?

VII. At sine tropis, ac metaphoris loquuti sunt alii plures. Tobias cap. 2. v. 18. sic reponebat parentibus, & cognatis, qui eum irridebant, quod nullum ex bonis operibus, quæ faciebat, fructum perciperet: *Filiis Sanctorum sumus, & vitam illam expectamus, quam Deus daturus est his, qui fidem suam nunquam mutant ab eo*. Judith cap. 16. 20. ita de scelestis pronuntiabat: *Domini omnipotens vindicabit in eis: in die iudicii visitabit illos: dabis enim ignem, & vermes in carnes eorum, ut urantur, & sentiant usque in sempiternum*. Daniel etiam cap. 12. 2. de futuro iudicio loquens scribit: *multi de his qui dormiunt in terra pulvere, evigilabunt, alii in vitam æternam, alii in opprobrium, ut videant semper. Qui autem docti fuerint, fulgebunt quasi splendor firmamen-*

ti, & qui ad justitiam erudiunt multos, quasi stelle in perpetuas æternitates. Quid clarius?

VIII. Permulta alia occurrunt ejusdem rei disertissima testimonia, in Judæorum historia, in libris Jobi, Psalmorum, Proverbiorum, Ecclesiasticis, Sapientiz, Ecclesiastici, & in Prophetiis Isaïæ, Ezechielis, aliorumque sacrorum Vatum, quorum non pauca in locis a me laudatis expendam. Hi omnes citra ullam dubitationem Machabaica tempora præcesserunt; immo plures præcessere ipsum Homerum, Hesiodum (a), cæterosque Poetas Græcos: alii vero vel synchroni, vel cœvi suppare fve fuerunt hisce Authoribus, adeo ut eorum nemo quidpiam ex horum scriptis delibare potuerit, vel saltem delibaverit, & in lucum suum transtulerit, merumque commentum, atque illud quidem putidissimum sit hanc primo Judæos imbibisse de futuræ vitæ poenis opinionem, quando soluta jam captivitate, & everso Persarum imperio cum Græcis rerum potentibus conversari cœperunt.

IX. Qui adversus splendidam hanc veritatem ariolantur, deploratæ sententiæ suæ patrociniū quærunt in ipsis sacris libris, eaque præcipue opponunt, ut jam advertimus, quæ olim a quibusdam hæreticis, alio licet fine, objecta, jam a Sanctis Patribus, Ecclesiæque Doctoribus penitus contrita fuere. Ajunt itaque primo loco, haud melius dignosci posse, quæ olim tenerentur opinione Judæi quoad præsentem quæstionem, quam ex lege ipsis a Mose data, & quidem divina institutione, ac mandato, ut præsumitur. Porro si legem inspicimus, non alia pro justorum pravorumque operum retributione, nisi temporalia præmia pollicetur, aut supplicia minatur. Deterret siquidem lex illa a præceptorum transgressione Israeliticum populum comminationibus præmaturæ, vel ignominiosæ mortis, intentat excidium capi-

talē, familiæ destructionem, soli sterilitatem; in alienas terras transmigratorem, eadem in bello, atque hostium persecutionem, cælum æneum, ac terram ferream, hisque similia. Allicite contra ad legis observantiam spe vitæ diuturnioris, mellis uberrimæ, victoriæ de inimicis, divitiarum, aliorumque sensilium bonorum copia. Nuppiam vero aut mors æterna, aut cruciatus post vitam hanc perferendi denunciantur: Nuppiam de Paradisi, aut alterius vitæ gaudiis sermo. Qui igitur, colligunt illi, fieri potest, ut rudis populus ita a Legislatore suo institutus, sola spe temporalium bonorum enutritus, minisque præsentium malorum duntaxat absteritus, de bonis aliis, malisque majoribus, atque futuris cogitaret?

X. Hanc objectionem, quam magno illi verborum apparatu exaggerant, & cui maxime fidunt, vel unica hac animadversione funditus diruere, & labefactare possem, quod nempe tum nuperi Judæi, tum qui extitere per viginti ferme retro sæcula, non aliam habent, habueruntque legem præter Mosaicam, in qua de poenis tantum præmissæque temporariis, expressa saltem, mentio sit: neque tamen ambigere possumus quin iidem & cogitarint, & cogitent de futuræ vitæ remuneratione, & exitio, horumque extantiam persuasissimam semper habuerint. Quidni igitur idem quoque credidisse putemus antiquiores Judæos, nihil omnino obstantibus promissionibus, ac minis bonorum malorumque temporalium; de quibus lex loquebatur? Id sane eos indubitanter credidisse affirmant recentiores Judæi, ac Rabbinī, & tamquam exploratum habent Thalmudistæ, alique ex veteribus: quorum de hac re testimonium repudiari jure nequit.

XI. At enim vero qui ita in hoc argumento Mosaicæ legis verbis insistent, vel non attingunt, vel se attigisse dissimulant scopum, quem sibi præcipue

H 2 in

(a) Juxta probabiliorem sententiam Homerus & Hesiodus non floruerunt nisi circa annum mundi 3000, ante æram Christianam 900, adeoque circa tempora Josaphati, aut Joram Regum Judæ, & Accabi, aut Jeu Regum Israhel.

in ea ferenda præfixit divinus Legislator. Ea nempe erat illius legis indoles, ac ingenium, ut sub figuris rerum sensilium, ac temporalium, præsignaret mysteria gratiæ in novo fœdere revelanda, resque spirituales, cælestes ac sempiternas: ut tum ex iis, quæ passim tradit S. Paulus, tum ex aliis plurimis, manifestum est. Quare etiam doctrina de statu futuræ vitæ vel felici, vel misero sub figuris actypis terræ promissæ, felicitatis terrenæ, aut excidii, mortis, perditionis, aliisque communioribus vocabulis, ac loquendi formulis, implicite occulteque enunciabatur: quorum intimum sensum Prophetæ, Sacerdotes, cæterique viri sancti cælitus edocli introspiciebant, rudique populo aperiebant. Atque hinc prognatum putat V. Cl. Grotius (a) discrimen illud inter Judæos antiquitus celebratum, *legis scriptæ, & legis oralis*, quam *traditionem* appellant, & ab ipso Mose profectam credunt: non quod res aliæ in traditione fuerint, aliæ in lege scripta: sed quod ea, quæ in lege scripta occultis continebantur, enucleatius, & apertius per legem oralem proponerentur.

XII. Sed ut veritas magis effulgeat, abigaturque occasio omnis calumniandi veteris testamentum, quod promissiones, minasque temporarias duntaxat efferret, aliis tantum præfiguratis, & adumbratis, sub oculis ponenda est egregia distinctio veteris testamenti, sive legis scriptæ quam tradit S. Augustinus *lib. de gestis Palest. cap. 5.* Hoc enim nomine, ut docet ille, vel intelligitur pactum illud, quod in Monte Sinai factum est, vel omnia, quæ cum in Mose, tum Hagiographis, & Prophetis continentur. Si lex primo in sensu accipiat, prout proprie designat pactum in Sina factum, quo modo accipitur ab Apostolo in suis cum Judæis disputationibus, non habuit nisi terrena promissa, terrenasque

comminationes, ut ex Levitico, & Deuteronomio satis constat: quæ bona ampliora vel deteriora mala, ex ipsa Dei intentione adumbrabant, ac figurabant. Si autem sumatur in sensu posteriore, dicendum omnino est, non typicam tantum, & umbratilem continere futurorum bonorum malorumque notitiam, sed satis explicatam & apertam, adeo ut a quocumque etiam rudiore intelligi facillime posset, ut liquet legenti libros Jobi, Psalmorum, Salomonis, Prophetarum aliosque. Responso certe (ut ab aliis pluribus afferendis supersedeam) cap. tertio hujus differt. relata, quam adhibuere tum David, tum Hieremias, & Habacuc institutæ quæstioni, *quare viâ impiorum prospèratur?* non obscure declarat, aliam esse vitam, in qua homines dignâ factis recipiant. Daniel quoque adeo aperte de omnium temporum tum improborum resurrectione, & iudicio disseruit, ut clariora vix desideres: nec plane populus ea, aliæque similia legens, vel audiens, quidpiam diversum poterat intelligere. Hinc vidimus quid Tobias & Judith ex communi gentis Judaicæ sensu dicebant. Hinc pueri, quos Antiochus crudeliter necari iussit, & sibi inter immania tormenta gloriosam in cælo mercedem, & iniquo Regi damnationem in inferno paratam indubie asseverabant. Hinc Laïro ipse, vir, si quis alius, omnino rudis, a Christo, quem morientem cernebat, petiit ut Regnum ingressus, sui memor esse vellet, vocemque, quam a Salvatore inaudivit, *hodie mecum eris in Paradiso*, probe ab eo fuisse intellectam nemo negare auit.

XIII. His tamen non acquiescunt, quos in hac disputatione adversarios habemus; contenduntque persuasionem hanc saltem non ita constantem in Hebræa gente fuisse, ut plures de ejus veritate non addubitent: immo expressè eamdem abnuerent; proferuntque in me-

(a) in capite 15. Matth.

medium celeberrimum illud Ecclesiasticis locum, ut vel in ea opinione Salomonem verfatum esse probent: unus est interitus hominum, & iumentorum, & aqua utriusque conditio: sicut moritur homo, ita & illa moriuntur, & nihil habet homo iumento amplius. Proferunt etiam Sadducæos, qui cæteris minime contradicentibus, & resurrectionem mortuorum, & animæ immortalitatem denegabant.

XIV. Sed levia hæc sunt, nec veritatem tot momentorum præsidio circumseptam concutere ullatenus valent. Quod Ecclesiasticæ testimonium spectat, mirum profecto est adhuc esse, qui illud opponant, postquam tot sacri Expositorum Salomonis mentem ita in propatulo posuerunt, ut nullum dubitationi locum reliquerint. Satis sit huc afferre, quæ habet de eo Daniel Huetius in sua demonstratione Evangelica. Observat in primis priscos aliquos Judæorum Rabbinos ob objectam sententiam de eo libro repudiando, & abijciendo deliberavisse, quemadmodum est in Talmudico tractatu Sabbati cap. 2. Apud Maimonidem in More Nevachim; & Aben Ezram: nec alia re abtërritos fuisse, quam quod initium libri, & finis optime legi consentiant. Ex quo illud colligere proclive est, quam firmiter inhaereret Hebræorum animo sententia de alterius vitæ statu, ut ob aliqua verba cum illa in speciem pugnantia, librum tam antiquum, & in canone factorum librorum positum repudiare cogitarent.

XV. Quæ postquam, & alia observavit Vir eruditissimus, germanum sensum illorum verborum, & Salomonis mentem aperit inquisiens: „Enim vero parum attente sunt in libri hujus lectione versati (qui ea verba opponunt): in quem si altius penetrassent, non ex sua sententia proferre ea Salomonem reperissent. Is enim est Ecclesiasticæ scopus propositus, ut de finibus bonorum, & malorum disserat. Varias itaque ab initio statim profert opiniones, easque ad examen se suum revocasse, ac tandem repudiavisse ait: & in

„ eadem acquiescit, quæ Deum timendum, ac mandata ejus observanda esse tradit. Nam postquam prioribus quatuor capitibus argumentum id in varias excussit partes, tandem ita concludit: custodi pedem tuum ingrediens domum Dei, & appropinqua ut audias: multo enim melior est obedientia, quam stultorum vilitas, qui nesciunt quid faciunt mali.... Ne dederis os tuum, ut peccare facias carnem tuam: neque dicas coram Angelo: non est Providentia: ne forte iratus Dominus contra sermones tuos, dissipet cuncta opera manuum tuarum. Ubi multa sunt somnia, plurima sunt vanitates, & sermones innumeri. Tu vero Deum time.. Quibus impiorum hominum susurros, & vanas adversus Deum, Deique Providentiam disputationes, aperte præcidit: Dei vero timorem, & reverentiam, tum & devoti Deo, ac simplicis animi obsequium commendat. Septimo deinde capite sic discribit: Iustitiam universa animo meo, ut scirem & considerarem, & quærerem sapientiam, & ut cognoscerem impietatem stulti, & errorem imprudentium... Ecce hoc invenit, dixit Ecclesiastes, unum & alterum, ut invenirem rationem &c. Tum cap. seq. & apposui cor meum, ut scirem sapientiam, & intelligerem disputationem, quæ versatur in terra &c.. Ex his agnoscitur de rerum causis, & finibus diu multumque animo suo disputasse Salomonem, quæcumque autem mente agitaverat, exposuisse in hoc libro; quorum omnium ea tandem est conclusio, inanes esse, ac frivolas, damnosas etiam, ac exitiales hujusmodi disquisitiones: non aliter vero sedatum iri motus illos animi, ac fluctuationes, quam si nos supremo Dei arbitrio permittamus.. Et post aliquot alia animadversa, ita pergit: „ De exitu vero animæ ejusque immortalitate, ac futura vita quid opinatus sit, diserte ipse declarat his verbis: Scito, quod de omnibus his adducet te Deus in judicium: & istis quoque: antequam revertatur pulvis in terram suam, unde erat: & spiritus redeat ad Deum, qui dedit illum:.. Et his denique, in quibus totius disputationis finem

„ fa-

„facit, & unde ipsius certa debet spectari opinio: *Deum time, & mandata ejus observa: hoc est enim omnis homo: & cuncta, quæ fiunt, adducet Deus in judicium pro omni errato, siue bonum, siue malum illud sit.* Quæ quo majoris essent momenti in animis legentium, doctissimos viros a se consultos esse, & ex eorum sententia librum a se conscriptum ait. *Verba sapientum, sicut stimuli, & quasi clavi in altum defixi, quæ per magistrorum consilium data sunt a Pastore uno.* Consuli jubeo super hoc argumento Gregorium Magnum Dial. 4. cap. 4. cujus hæc tantum asseram, cætera studio Lectoris relinquam. *Hic liber idcirco Concionator dicitur, quia Salomon in eo quasi tumultuantis turbæ suscepit sensum, ut ea per inquisitionem dicat, quæ fortasse per tentationem imperita mens sentiat. Nam quot sententias, quasi per inquisitionem movet, quasi tot personas in se diversorum suscepit. Sed Concionator verax velut extensa manu omnium tumultus sedat, eosque ad unam sententiam revocat, cum in ejusdem libri termino ait: finem loquendi omnes pariter audiamus: Deum time, & mandata &c.* Hæc fusius fortasse quam necesse fuerat ad futilem objectionem diluendam: sed non plane inutilia ad veritatem illustrandam.

XVI. Quoad Sadducæos attinet, eundem verum est illos animarum post mortem generatim vel supplicia denegasse, vel honores. At quid Adversarii in favorem sententiæ suæ ex his extundere possunt? In primis ii nonnisi post tempora Alexandri Magni sub Machabæorum imperio subortii sunt: superiore namque ævo altum de ipsis silentium. Vossius (a) hanc ipsi originem tribuit, quod cum Antigonus Sochæus dixisset non esse servendum Deo spe præmii, aut

mercedis, hinc Discipulus ejus Sadox occasionem sumpsit docendi non esse post hanc vitam præmium, & poenam. Deinde pauci admodum erant cum cæteris Judæis comparati, iique ferme dignitatum gradibus insigniores, adeoque opibus, ac deliciis affluentes, ex quibus fastidium, contemptumque futuræ vitæ facile ingenerari, experientia nimium frequentius compertum est. Rudes etiam, crassique adeo erant, ut nihil præter corpus, & materiam cogitarent, nullamque spirituales substantias agnoscerent, ut constat ex *Actibus Apostol. cap. 23.* Hinc ut sibi melius cohererent sacros omnes libros, præter Pentateuchum, repudiabant, quemadmodum affirmant veteres omnes, ac præsertim Origenes, Tertullianus, S. Hieronymus, Beda, alique. Denique homines erant, nedum nullius Religionis, sed etiam naturalis honestatis, ac probitatis prorsus expertes, scelesti, crudeles, hypocritæ, qui Proteos agebant, seque temporarij, aliorumque genio, prout sibi utile videbatur, itatim accommodabant, ita ut Judæorum Atheos, aut saltem Epicuræos non injuria eos appellare possis. Audi præ cæteris quibus illos coloribus pingat Josephus Hebræus lib. 8. Antiquit. Jud. cap. 2. Sadducæorum opinio, inquit, cum corpore extinguit simul & animas... *Hujus sectæ pauci sunt, sed fere dignitate præcipui. Ex eorum tamen sententia vix quidpiam agitur. Nam quoties magistratus, licet inviti suscipiunt, Phariseorum decretis assentiunt, nisi facerent, non ferendi a plebejorum multitudine.* Et lib. 2. de Bello Jud. cap. 7. *Sadducæi inter se feris moribus disceptantes, & conversatio eorum circa externos inhumana.* Qui ab his malefertiis hominibus sibi præsidium quærent, ne illi desperatam causam propugnant.

CAPUT VIII.

Veterum nationum, quæ olim barbaræ audiebant, communis de alterius vitæ statu consensus. Earum plures, omnesque ferme, de quibus aliquid literis proditum, in confirmationem adducuntur, præsertim Chaldei, Persæ, Indi, Phœnices, Thracæ, Arcades, Ægyptii, de quibus quadam animadvertuntur: Tum deinde Æthiopes, Lybiarum populi, nec non Scythæ, aliæque Artæoe Gentes.

I. **A** Judæis omnium antiquissima natione ad veteres alias gentes progredior, tum quæ Asiam, tum quæ Africam, & Europam incoluerunt. Pauca quidem de earum pluribus monumenta superfunt, unde earumdem sententiam de alterius vitæ statu colligere possimus: cum fere omnia injuria temporum interciderint; in iis tamen, quæ adhuc extant, splendida elucet veritatis vestigia, eaque ferme in decretis illorum continentur, qui sapientes inter ipsas, aut Philosophi, aut Magistri habiti sunt.

II. Philosophia, sive sapientia, quæ extra Græciam, & Italiam obtinuit, *Barbarica*, aut *Barbara* ab Antiquis, & a Modernis etiam appellari consuevit. Hanc longe vetustiore esse philosophia Græcicam, dubitare nefas est, quidquid scribat haud equus Græcorum Assentator Diogenes Laërtius, idque jam multis ostenderunt S. Justinus Martyr, Tatianus, Clemens Alexandrinus, Theophilus Antiochenus, Eusebius, Theodoretus, & alii ex Ecclesiæ Patribus: Immo id etiam ingenue professi sunt Sotion lib. 1. succel. & Hermodorus Platonicus apud eundem Laërtium. Per omnes igitur nationes, quæ barbara, ut vocant, sapientia excultæ sunt, primum excurrendo palam facio fidem, sive persuasionem apud eas semper olim celebrem fuisse, aliud post hanc extare vitæ genus, probis quidem felicius, improbis vero miserrimum: quamquam simplicem hanc veritatem fabulis pluribus, ac deliramentis insperserint, quæ nihil eidem obeffe supra præmonuimus.

III. A Chaldeis primum incipio, quos antiquissimum esse Doctorum genus Cicero libro 1. de Divin. aliique consentiunt. De his Pausanias lib. 4. circa finem refert, primos omnium memoria prodidisse esse hominum animos immortales. Nec solum immortales, sed præmiis etiam, aut suppliciis pro meritis affici, ex dogmatibus Zoroastri celeberrimi Chaldeorum Magistri discimus. De hujus ætate non eadem quidem est eruditorum opinio. Alii, cum S. Augustino (a), Nino veterum Assyriorum Regi coævum faciunt. Alii Zoroastrium alterum distinguunt, qui floruit ætate Darii Persarum Regis, & antiquorum Chaldeorum doctrinam digessit, expressit, ac illustravit: Quicumque ille sit, aut quovis tempore floruerit, instituto meo parum refert, cum etiam posterior Zoroaster satis vetustus sit, nec præterea aliud quidpiam docuerit, quam quod a majoribus acceperat. Summa igitur ejus doctrinæ capita quoad præsens argumentum, hæc erant: (b) perpetuum esse bonum inter & malum constitutum duraturum usque ad finem mundi. Tunc autem futuram omnium hominum resurrectionem, atque judicium, quo quilibet juxta opera sua vel præmium consequetur, vel pœnam: nimirum Angelus tenebrarum, ejusque affectu in obscurum locum ablegabuntur æternum cruciandi. Angelus vero lucis, ejusque fideles Discipuli in lucidissimam sedem abibunt, ut digna retributione perpetuo perfruantur. Habemus etiam ex Psello in compendiarie descriptione Chaldaicæ doctrinæ, & Pletho in Orat. pag. 81. hæc docuisse Chaldeos: animus a sede prorsus lucida in hoc

(a) lib. 2. de Civit. Dei cap. 10. (b) vide Stanlejum, Bruckium &c.

in hoc corpus delapsus, si bene operam suam corpori accommodaverit, in eandem rursus redit: sin male, in sedes has deteriores hinc se recipit, pro ratione eorum, quæ in vita fecerit. Preter alia monumenta, quæ fidem plenissimam faciunt de his dogmatibus a Chaldeis constanter receptis, habemus testes illustres Plotinum, Porphyrium, Jamblicum & Proclum, qui ea ab ipsis tamquam divinas voces susceperunt, & in doctrinam suam transulerunt, ut postmodum constabit.

IV. A Chaldeis Doctoribus non modo Babylonii, & Assyrii, ut perhibent Aristoteles, & Sotion apud Laertium, instituti sunt, sed etiam Magi, qui in Perside, Media, & Parthia inclaueverunt, quorumque tanta erat in iis Regnis autoritas, ut Tullio teste (a), nemo Persarum Rex esse posset, qui non ante Magorum disciplinam, scientiamque percepisset. Illorum sane institutione eruditus Cyrus apud Xenophontem his verbis filios suos alloquebatur (b): Nolite putare, filii, me, cum ab hac vita migravero, nusquam aut nullum fore.... Nec vero clarorum virorum post mortem honores permanerent, si nihil eorum ipsorum animi efficerent, quo diutius memoriam sui teneremus. Mibi quidem nunquam persuaderi potuit animos, dum in mortalibus essent corporibus, vivere: cum exissent ex his, emori: nec vero tunc animum esse insipientem, cum ex insipienti corpore evasisset: sed cum omni admixtione corporis liberatus purus & integer esse cœpisset, tunc esse sapientem. Huic Chaldaeorum, Magorumque doctrinæ adeo firmiter amplæ illæ nationes inhaesere, ut nonnullos hodieque ex Zoroastri secta in Perside reperire sit, qui post tot sæcula ea dogmata interrate retineant citra ullam penitus variationem.

V. Veterum Indorum Magistri fuerunt Gymnosophistæ, ut præter Aristotelem, & Sotionem apud Laertium. tradunt

Strabo, Apulejus, Solinus, Clemens Alexandrinus, Augustinus, & alii. Inter eos, qui quadam generis successione in studio Religionis, & Sapientie præcelebant, Bracmanes, ut & modo, nominati sunt: qui vero illud electione animi profitebantur, Samanei, sive Sarmanæ, vel Germanes apud Strabonem: quorum vitam Bardesanes, Babylonius describit, eosque repræsentat, veluti invito animo præsentis vitæ cursum transigentes ob desiderium melioris vitæ ad quam aspirabant, seque post obitum consecuturos credebant: adeo ut hac ducti opinione mortem sæpenumero alacres subirent, tamquam certum ad immortalitatem iter. Generatim autem de Indis, eorumque magistris Bracmanibus scribit Strabo (c) de immortalitate animæ & de judiciis apud inferos sensisse eadem, quæ Plato. Et Diodorus Siculus de Indis refert (d), quod magnificiant tribum Philosophorum, eo quod sacra Diis faciant, & curam habeant defunctorum, & quæ sunt apud inferos præcipue nosse credant. Luculentius de iisdem narrat Palladius (e) eos nimirum docuisse originem animæ mentis esse celestem, magnamque cum Deo habere cognationem.... expectare redeuntes animas Deum, ut quæ vitam pie instituerunt, honoret ut Deus, illas vero, quæ non obdixerunt ejus legibus, condemnet: omne enim justum judicium apud eum esse, & vitam æternam apud eum paratam esse. Ab iisdem Bracmanibus præmia, & poenæ, quæ quemlibet manent in inferis, didicisse Pythagoram refert Apulejus lib. 2. Alia plura de his, ut & de Sinenfibus, ac Japoniis infra producam, cum de nationum, quæ modo obtinent, in eadem veritate consensu differetur.

VI. Eiusdem sententiæ fuisse Phœnices, populum antiquissimum, qui colonias suas in plures Europæ Africæque partes iniecit, multa sunt, quæ convincant. In primis Thales Milefius, qui,

(a) lib. 1. de Divinat. (b) Tullius in Catone, sive d. S. ne. 1.

(c) lib. 14. Geograph. (d) lib. 2. cap. 10.

(e) apud Jacobum Bæckium Tom. 1. litt. C i. Philosoph. lib. 2. cap. de Philosoph.

qui, ut postea videbimus, animi immortalitatem defendit, felicemque aut miserum ipsius statum satis prodidit, a Phœnicibus originem traxit, & Miletum inde commigravit, ut apud Laertium. Phœrecidem itidem, qui Pythagoram docuit, quæ de immortalitate animorum scripsit, Phœnicum commentaria natum esse, & ex his sua dogmata hausisse memorant Suidas, & Heliichius Milesius de Philos. Immo non desunt, qui putent *Syrum* vocari (quomodo & Strabo vocat) non a Syria Cycladum una, sed Syria regione Asiæ inclitya, cujus etiam pars Phœnicia. Zeno pariter Cittienfis, juxta Laertium in *Zenone*, ex Cypria quidem fuit Civitate Græcanica, sed quæ Phœnices haberet incolas. Itaque & dictus est *Phœnix*, ut ait Suidas, idemque tradit Cicero (a). Phœnices etiam fuisse ex eadem Zenonis scēla Antipater Sidonius Diogenis Babylonii auditor, & successor, & Antipater Tyrius Catonis Uticensis Præceptor. Quos omnes statum vitæ futurum tenuisse certum est.

VII. Quenam Thracum fuerit de argumento nostro sententia, satis cognosci potest tum ex eorum Magistro Zamolzi, qui Pythagoram præcessit, & cum quo de animæ doctrina consentit, tum ex Orpheo, de quo infra, qui Thrax fuit: tum demum ex his, quæ narrat Herodotus (b) de Traulis, Thraciæ populo, quod nempe puerum recens natum uberrimis lacrymis propinquum ejus prosequerentur, utpote in calamitosam hanc vitam profectum: *hominem autem fato functum per luxum, atque lætitiâ terræ demandarent referentes quot malis liberatus in omni sit felicitate*.

VIII. Arcades etiam eandem secutos opinionem, poenæque futuras agnovisse exploratissimum est ex his Papii Statii carminibus, (c) ubi infernum ex Arcadam relatione ita describit;

Hoc, ut fama, loco pallentes devius umbras

Trames agit, nigrique Jovis vacua atria ditas

Manibus, Arcadii perhibent si vera Coloni.

Stridor ibi, & gemitus pœnarum, atroque tumultu

Fervet ager: sæpe Eumenidum vocesque, manusque

In medium sonuere diem &c.

Refert quoque Elianus (d) Cercidam Megalopolitanum letho proximum; cum a familiaribus suis interrogaretur, num libenter migraret e vita, respondisse, se non ægre mortem obire: sperare enim se conventurum ex Philosophis Pythagoram, ex historicis Accatæum, ex Musicis Olympum, ex Poetis Homerum, & alios viros in omni scientia præstantissimos.

IX. His adnectere placet præclarum testimonium Zaleuci Legislatoris Locrensis, qui Græcos sapientes ætate præcessit, & habetur apud S. Maximum his verbis expressum (e): Sic nobis præceptum esto, omnibus hujusmodi civibus pariter, & iniquis: ut meminimus Deum esse, & iniquis pœnas infligere, nobisque ponamus ob oculos tempus illud, quo uniuscujusque futurus vitæ exitus est. Quisquis enim jam moriturus est, pœnitudo ejus animum incescit, eorum memoria, quæ inique gessit: cunctaque iusta, ac sancte sibi gesta esse enixe velit.

X. Ab Asia finitimisque regionibus in Africam trajicio. Primi, quise nobis hic offerunt, iique præ cæteris notissimi, sunt Egyptii, qui inter antiquiores Orbis sapientes habentur, immo, ut inquit Herodotus, alique, hanc sibi laudem adscribebant, quod apud ipsos nata esset sapientia. Certe Græcorum permultos inignes viros, quos inter Thales, Pythagoras, Plato, Democritus, in Egyptum perrexisse, ut a Sacerdotibus illius gentis sapientiam haurirent, nullum dubium est.

I

Pri-

(a) lib. 4. de finibus. (b) in Terpicore cap. 4. (c) lib. 2. Theb.

(d) lib. 3. de Variis hist. (e) in serm. per excerpta Tom. 2. edit. Combesii. c. 642.

Primus eorum Præceptor, isque fere Mosi fuppar, ut ferunt, fuit Mercurius Trismegistus: cuius licet opera, quæ ipsius nomine circumferuntur, genuinus fœtus minime censeantur; ex his tamen duntaxat, quæ de ipso referunt veteres Scriptores, colligere possumus quid de re, quam verſamus, ipse senserit. Nam apud Stobæum (a) legimus docuisse, divinam iustitiam suam cuique tribuere nosse: quo ex principio pluram inferebat, quæ & proborum præmium, improborumque poenam spectant. Et apud Tertullianum (b) de eodem hæc habentur: *Mercurius Ægyptius dicit animam digressam a corpore non refundi in animam universi, sed manere determinatam, ut rationem, inquit, Patri reddat eorum, quæ in corpore gesserit.*

XI. Mercurii Trismegisti doctrinam complexos fuisse Ægyptios extra controversiam est. Diodorus Siculus ita de Ægyptiis scribit (c): *Ægyptii sane parvisciendum præsentis vite tempus esse putant: futura vero gloriam, quæ virtute comparatur, maxime æstimandam. Domos nostras diversoria appellant, tamquam brevitemore a nobis inhabitandas. Refert deinde (d) impiorum poenas & campos elysios Orpheum ab Ægyptiis deprompsisse, prout Ægyptii testabantur, atque eadem fuisse de his Græcorum, & Ægyptiorum placita, amboque novisse, qui alterutra noverit, præterquam quæ Orpheus ingenio suo interpolavit. Herodotus in Euterpe de Ægyptiis hæc habet: Inferorum Principatum tenere Cererem & Liberum ajunt: primique extiterunt (in hoc certe falsus est) qui dicerent animam hominis esse immortalem. Tacitus affirmat (e) eandem de inferis esse persuasionem apud Ægyptios, quæ erat apud Judæos. Plutarchus notat (f) locum subterraneum, in quem (Ægyptii) putant animas ferri post mortem, vocari Amenhem, idemque esse apud eos Amenhem, quod Græcis Adis. Concinnant his Jamblicus, & Porphyrius. Prior de Mithriis Ægyptiorum agens ita opus suum*

ex eorum sententia concludit: *his itaque pertractatis obscuro Deos, ut mihi; tibi que veram intelligentiarum custodiam observantiamque exhibeant, nullo tempore defuturam, atque in sempiternam æternitatem ætærorum præbeant veritatem, perfectiorumque circa Deos intelligentiarum compotes nos efficiant: in quibus beatissimus honorum finis nobis est propositus &c. Alter ex Euphanto perhibet (g), Ægyptios exanime cadaver efferebant, ita mortui hominis verbis Deos esse deprecatos.... Vos Dii universi me accipite, ac Diis æternis contubernalem futurum tradite.*

XII. Clariora hæc sunt, omnemque funditus de Ægyptiorum mente dubitationem præciunt. Negotium tamen alicui facessere potest Metempsychosis, sive animarum in alia corpora transmigratione, quam ab Ægyptiis creditam narrant Herodotus lib. 3., Herathæus apud Laertium lib. 1., & Æneas Gazæus in Theophrasto: quæ absurda opinatio cum his plane, quæ adducta sunt, nullatenus congruere videtur. Equidem non desunt graves Authores, qui cum de horum conciliatione desperent, nodum hunc intactum relinquunt. Moshemius (h) utramque sententiam tamquam ab Ægyptiis admissam defendi posse existimat; adeo ut inter se differant Ægyptiorum Sacerdotes, variasque opiniones tenuerint: & alii quidem migrationes & circuitus animarum per varia corpora statuerint, alii bonorum virorum animas a longis hæc erroribus liberaverint, & in Deorum statim confessum deduxerint: malorum vero in subterranea loca deturbaverint. Quæ conjectio magna gaudet verisimilitudine, & certe, meo facile iudicio, spernenda non est. Plura ego de hoc Metempsychoseos commentum infra dicturus sum, cum de Pythagora. Tria interim, quoad Ægyptios præsertim attinet, cursum observo. Primum Authores, qui alterius vite præmia vel supplicia Ægyptios docuisse testantur, nulla facta de Me-

(a) lib. 1. Eclog. (b) lib. 2. de anima cap. 33. (c) lib. 1. par. 2. cap. 1. (d) c. 6.
(e) lib. 5. cap. 5. (f) de Isid. & Osirid. (g) de Abst. lib. 4. (h) apud eundem.
cum Tom. 1. lib. 2. cap. 7. de Philo. Ægypt.

Metempsychosi mentione, longe & numero & autoritate potiores esse his, qui eandem ipsis attribuant. 2. Etiam admissio, quod Ægyptiorum vel aliqui tantum vel plures figmentum illud posuerint, ita horum sententia accipi rite potest, immo etiam accipienda videtur, ut post aliquot animarum in terrestria corpora revolutiones, eę ad aliam vel felicem vitam, vel miseram pro meritis commigrarent: quemadmodum de aliis nationibus, quibus idem commentum placuit, dici oportere, manifestum fiet. 3. Tandem doctrinam de Metempsychosi nullum inferre præjudicium præcipue, quam modo propugnamus, veritati, ut postea probabo.

XIII. Partes Africę interiores permeantibus occurrunt Æthiopes, quorum de futuro animorum statu doctrinam ex eorum Magistris cognoscere fas est, qui teste Sancto Hieronymo (a), Gymnosophistę dicebantur: quod nomen, sicut & philosophiam ex India retulere, & in Æthiopiis transvexerunt, ut narrat Philostratus in vita Apollonii lib. 6. Cum itaque quęnam fuerit Indorum sententia, satis ex iis, quę diximus, perspectum sit, eadem quoque Æthiopes imbutos fuisse nulla ratione negari potest.

XIV. Libyarum quoque gentes, quę ab Atlante Doctore, si Plinio fides (b), moralibus præceptionibus instructę fuerunt, quemadmodum & Augilles populos Libyę finitimos & inter Garamantes, & Trogloditas constitutos, non ignorasse futuram hominum post obitum conditionem dicendum est. De his Pomponius Mela (c) *Manes Deos esse putare: per eos degerare, eos ut oracula consulere ac precari*. Plinius etiam ait (d): *Augille inferos tantum colunt, ubi per inferos intelligit quos Manes Mela appellaverat*. Quod hi de Augillis, Herodotus refert etiam de Nafamonibus Africę item populo.

XV. Ab Africanis gentibus ad nationes Septemtrionales pergo, de quibus

non pauca habemus illustria monumenta, quę luculenter ostendunt eos quoque agnovisse post mortem mercedem, & supplicia virtuti vitioque propolita: quęque magni pendenda sunt, cum nulpam fortasse melius quam in populis incultis & efferatis naturę vox obaudiatur. Nobile in primis est testimonium, quod de Hyperboreis (quo nomine Scytharum gentes maxime veniunt) prostat apud Platonem in *Axioco*, ubi Socrates se a Gobria Mago accepisse refert, avum illius missum esse Delum circa Xerxis transitum in Gręciam, ibique cognovisse ex *æneis tabulis quas Opis, & Hæcærgus attulisset ex Hyperboreis animas* (impiorum certe) *exemptas corporibus torreretur ignibus æternis, & pœnis inexpiabilibus cruciari*. Herodotus quoque memorię prodidit Getas longe ante Pythagoram credidisse animam immortalem. Pomponius Mela scribit Getas ad mortem fuisse paratissimos ob opinionem maxime inter ipsos obtinentem, quod alii redituras putarent animas obeuntium: alii non quidem redituras, sed tamen non extinguī, qui potius ad beatiora transire censebant. Addit equidem etiam fuisse, qui easdem emori dicerent: sed valde paucos in hac extitisse opinione credibile est, cum præsertim ceteri Authores, qui de his, aliisque finitimis populis pertrahant, de hoc alte fideant.

XVI. Sequuntur alię plures Arctog Gentes, Gothi, Cymbri, Germani, Celse, Galli, alięque. Ab iis animam habitam fuisse divinę originis, & immortalem, agnitamque fuisse aliam vitam, qua præmio, vel pœna pro meritis afficeretur, & Gręci, & Latini Scriptores, & vetera hyperborea documenta fidem faciunt. De Gallis asserit Pomponius Mela (e) *credidisse vitam ad Manes*, idest vitam sanctos, & hac opinione de æterna vita persuasos, ut ad bella forens paratissimi. Idemque habet Strabo (f). Valerius Maximus (g) memorat pecunias eos mutuas,

I 2 quæ

(a) lib. 4. in Ezechie. (b) lib. 7. cap. 56. (c) lib. 1. cap. 8. (d) lib. 5. cap. 8.
(e) lib. 5. cap. 2. (f) lib. 4. Georgis. (g) lib. 2. cap. 6.

que apud inferos redderentur, dare solitos, quod persuasum habuerint animas hominum immortales esse: & Cymbros & Celtiberos laudat qui in acie exultarent, tamquam gloriose, & feliciter e vita excessuri. Id quod etiam de Hispanis, qui Celtarum colonia fuere, prædicat Silius Italicus his versibus (a)

*Prodiga gens animæ, & prope rare
facillima mortem,
Impatiens ævi spernit novisse senectam.*

Druidæ certe, qui Celtarum & Gallorum Doctores erant, sibi quæ inter Europæ sapientes magnum nomen & estimationem comparaverant, non aliam tenuere sententiam, ut liquet ex Strabone (b), & Julio Cæsare (c), quamquam iste Metempsychosim ab iis etiam adoptatam putet: de quo statim.

XVII. At præ ceteris omnibus differtissimum est de Gothorum, aliarumque Septemprionalium gentium hæc de re sententia, monumentum, quod ex libro antiquissimo Hedda nuncupato eruerunt viri eruditi, Robertus Scherling de Anglorum origine (d), & Keislerus (e). Eo in libro hæc inter alia paucis collecta leguntur putasse illos se post mortem in Woden aulam migraturos, si probi exiissent: perjuris autem, & flagitiosis omnibus in inferno destinatum esse locum, ubi Hialboggus imperabat tormentorum mirus & ingens artifex, qui homines nequam miseris modis excarnificaret, atque torqueret, & atrocitatem sceleris immanitate pœnæ compensaret. Joan. etiam P. Kolius, multis ostendit (f) priscos Cymbros tum animorum immortalitatem, tum ipsam corporum resurrectionem fuisse professos.

XVIII. Sicut Ægyptiis, ita Celtis & Gallis Metempsychosis sententiam nonnulli tribuunt, nixi præsertim testimonio Julii Cæsaris, Diodori Siculi, & Lurani. Sed absurdum hunc errorem ab iisdem amoliri pro viribus student viri doctissimi; Philippus Cluverius, Samuel Pufendorfius, Jacobus Martinus, Georgius Frixius, & Simeon Pelloutierius (g), contenduntque Cæsarem, & Romanos deceptos fuisse falsæ hypothese Gallos accepisse. Metempsychosim per Zamolzim a Pythagora: idque probant tum autoritate Pomponii Meleæ, quæ cum his non coheret, tum ex eo, quod adnotavimus ex Valerio Maximo, mutuum dedisse Gallos pecuniam, quæ in alia vita redderetur: id quod in migratione animarum locum non habet. Tum demum ex ceremoniis, quæ apud Gallos, Germanos, & Arctos gentes in sepeliendis cadaveribus observabantur, quæ apud ipsos legi possunt. Horum dissidium facile componi posse existimat Brukerus (h), si animadvertamus illud, quod notum est ex universali Metempsychosice historia, eos nempe, qui animarum transmigrationem docuere, vitam tamen ad Manes simul constituisse, & in Ade, seu inferno animas collocasse, unde postea redirent, donec per plures migrationis periodos, ad Deorum concilia, sedesque beatas admitterentur. Et eadem, subdit, multorum Celtarum opinio fuit, qui defunctis, & a corpore separatis animabus sedem quidem, atque vitam apud Manes assignabant, redire vero aliquando in vitam, & alia corpora putabant. Quod ex Hedda antiquioris autoritatis apposite probat Keislerus. Verum de hæc re cap. sequente.

CA-

(a) lib. 3. Psel. pun. (b) loc. cit. (c) lib. 6. de Bello Gallico. (d) apud Danielum Classenium Tom. 8. collecta. Gronovii. (e) apud Brukerum lib. 2. cap. 8. (f) ex Jo: Alber. Fabricio in de lectu arg. & Silab. Script. &c. (g) apud Brukerum. (h) loc. cit.

CAPUT IX.

Græcorum sapientes, Græcique adeo in eadem sententia concordēs. Poetarum testimonia in primis afferuntur, in quorum fabulis semina interlucent vulgata in populo veritatis. Tum ad Philosophos acceditur. Pythagoræ Pythagoreorumque quam constans de futura vita iudicium. Dissertitur de Metempsychoseos commentis, quod Pythagoræ falso affectum fuisse verosimilius est. Quenam fuerit ejus origo. Nihil illud obesse argumento nostro demonstratur.

I. **L**onge plura ex injuria temporum superfuere monumenta, unde judicare liceat de Græcorum, ac Romanorum sententia in eo, quod præmanibus est, argumento: ex quibus, quæ graviora, & ad institutum nostrum opportuniora videbuntur, huc afferemus. A Poetis primum incipio, unde in Græcicas regiones sapientia profecta est: quorum autoritas nedum haud contemni, sed magni etiam pendii debet pro eruendo populorum consensu in ea, quam propugnamus, veritate. Quamquam enim ficta plerumque esse concedimus, quæ de futurarum pœnarum locis, & conditione scripsere; vera tamen significandi gratia ab ipsis conficta sunt, nec nisi quod jam a Populo credebatur, aut ejus notioni accommodatum erat, quadam sermonis venustate, & fictionum coloribus obductum exponebant, quo utilissima ultionis futuræ veritas in crassiorum hominum animis altius infingeretur, eosque potentius a pravis moribus avocatos ad bonam frugem traderet. Videantur, quæ de horum fabulis scribunt Lactantius Firmianus lib. 1. de falsi. Relig. n. xi., Gutherius apud Gronovium Tom. 12., & Natalis Comes lib. 3. Mythologiæ &c.

II. Præcipua, quæ tum Græci, tum etiam Latini Poetæ de alterius vitæ statu juxta communiores populi conceptiones tradunt, & in quibus vix ulli dissentiunt, hæc sunt. Tria loca constituerunt, in quibus defunctorum animæ continerentur, Elysium, Infernum, Tartarum. Elysii campi piorum sedes: Inferni noxiorum: Tartara impiorum.

Elysii puris animis deputabantur: ad illos enim non nisi purgati perveniebant: li nimirum, qui dum viverent, virtutem, & pietatem constanter secuti divinis rebus studuerant, animumque a corporis contagione sive a vitiosis affectibus sevocaverant, ex hoc carcere ad illa Beatorum loca post obitum statim evolabant. At qui medium quoddam vitæ genus tenuerant, hoc est nec ita virtutem amplexati, quin vitiorum sordibus inficerentur, per aliquod tempus in inferis detinebantur iis obnoxii suppliciiis, quæ illos a peccatis pristinis exuerent, ut purgati tandem absolventur, ac beatorum præmiâ reportarent. Qui vero ob scelerosam magnitudinem purgari nullo modo potuissent, nec ullis sanari remediis, perpetuis Tartari tenebris & cruciatibus addicebant. Hoc erat totius earum doctrinæ fundamentum ac basis, ut ex eorum scriptis facile colligi potest.

III. Communi huic simplicique notioni plura adjecerunt Poetæ juxta Poësis licentiam, ut & justorum loca gratiora, ac in justorum terribiliora redderent, crassæque hominum imaginationi infervirent. Hinc Acherontis palus, quæ prima excipiebat obvias animas. Hinc horrendus animarum portitor Charon. Hinc Phlegethon frementibus flammarum undis convolutus. Hinc Cocytus tristissimus amnis, cujus fragor querularum animarum voces imitabatur. Hinc Cerberus latrans. Hinc severissimi Judices Æacus, Minoes, & Rhadamantus, qui de omnibus rationem exigebant: Hinc

Eu-

Eumenides, quæ singulos commissa fac-
teri scelera compellebant. Hinc Tar-
tarus, & innumera tormentorum genera
juxta criminum diversitatem, ex quibus
aliqua peculiariter describere, ut Si-
sippi irrequietum saxum, Danaum in-
explebile dolium, Tantali perpetua sitis
ac fames, Titii insatiabile vultus,
Thefei æterna sessio, aliæque hujusmo-
di. Atque has quidem fictiones esse nemo
negat, utque hujusmodi contemnunt &
Plato in *Republica*, & Tullius in *quest.*
Tusculanis, contemnebantque cæteri sa-
pientes: sed in his semina latent certis-
simæ veritatis de futura malorum ho-
minum vindicta, quam hisce figmentis
ornabant Poetæ, & quam & Plato, &
Tullius, & alii sapientes exploratam
habebant.

IV. Generali hac notitia posita ada-
liquos ex Græcis Poetis singillatim recen-
sendos accedo. Omnium Græcorum an-
tiquissimi habentur Musæus & Orpheus.
Hi, teste Platone (a), tot bona dant
iustis probisque post vitam, ut eos ad
hocum beatum deducentes & ad epulas
sanctorum discumbere facientes coronatos,
omne deinceps tempus vivere fateantur.
At vero impios & sceleratos in cænum
quoddam insidius in inferis &c. Dio-
dorus etiam Siculus refert (b) Orpheum
fuisse primum, qui impiorum in infer-
no poenas, & piorum in pratis Elysiis
felicitatem introduxerit, sive potius car-
mine celebraverit.

V. Succedit ex his, quorum genuina
opera a hodieque extant, omnium vetu-
rissimi mus Homerus. Res esset molestæ
plenissima congerere loca innumera,
quibus tum in Iliade, tum in Odyssea,
de Tartaro ejusque poenis loquitur.
Du o tantum indicabo, alterum ex lib.
18. Odysseæ, ubi Reges & potentiores
celestes representat apud inferiores om-
ni tempore cruciatis: alterum ex
Iliade ubi ita Jovem loquentem indu-
cit:

*Aut ipsum capiens obscura in Tar-
tara mittam.*

*Sunt ubi sub terris vastissima regna
barathri.*

*Ærea sunt ibi septa, solumque ex
ære: sub ima*

*Tantum tellure, hæc quantum quo-
que distat olympo.*

VI. Certat cum Homeri antiquitate
Hesiodus, qui in Theogonia Tartarum
memorat, illudque in terræ profundo re-
ponit:

*Tartaraque obscura, hæc terra con-
duntur in ima:*

atque ibidem describit Gigantes aqua-
rum pondere pressos audacissimi sui mo-
liminis poenas luentes ipsis ferme colo-
ribus, quibus illos sacri Scriptores de-
pingunt. In lib. quoque, cui titulus *O-
pera & Dies*, superbos & flagitiosos ho-
mines ad antra Plutonis cruciandos de-
trudit: iustos vero ac pios in Elysiis
collocat, ubi læti semper omnique do-
lore vacui vitam agunt. Hujus quoque
Poetæ autoritatem laudat Plato (c)
inquiens: præclare Hesiodus, & alii multi
ex Poetis dicunt, quod postquam quis
probus excesserit e vita, magnam sortem,
honoremque assequitur.

VII. Sequuntur alii antiquissimi vates.
Simonides apud Stobæum (d) de
hominibus morientibus scribit eos mitti
a Plutone ad nigrantes domos inferorum.
Idem quoque apud eundem (e) cecinit
Sappho, quam aliqui ipso Homero su-
periores faciunt.

VIII. Plura disserit Pindarus Simo-
nides auditor, & Lyricorum Poetarum
Princeps, qui floruit Olympiade 86. In
Olympis Ode 1. ait, quod si Deum vir
aliquis sperat latere faciens quidquam sal-
lium. Et Ode 2. apud honoratos Deos,
qui gaudebant fidelitate in iurejurando,
illacrymabili fruuntur ævo: alii autem visis
borrendum tolerant cruciatum. Clarius
adhuc apud Plutarchum (f) ex homi-
num sensu semet explicat: ajunt gloriæ
effen-

(a) lib. 2. de Repub. (b) lib. 1. (c) in Cratylo.
(d) in Tract. de brev. vit. (e) in Tract. de Ament.
(f) in libro, an recte dictum sit, late &c.

essentiaque locum sedem esse piorum, quibus splendet solis vigor.... ipsi transigunt jucunde tempus..... Porro tertia via illorum est, qui impie vixerunt, & injuste, animas in obscurum locum, & barabrum quoddam precipitans, unde immensas eructant tenebras languida noctis obscuræ flumina, quæ recipiunt, & ignorantia, atque oblivione tegunt eos qui puniuntur. Et Clemens Alexand. eundem ita canentem producit: Impiorum autem animæ sub celo per terram volant in doloribus cruentis, sub vinculis inevitabilibus malorum. At piorum super calos habitantes modulationibus hymnorum Beatum Magnum decantant.

IX. Æschilus, qui sub idem tempus, ac Piadarus, vixit, animas impiorum vincas in Tartaro teneri ita declarat in *Prometheo*: Nam si me sub terram sub inferos mortuos capientes, in immensum Tartarum detrussisset, vinclis firmissimis, asperaque alligasset &c.

X. Euripides vatum Tragicorum Princeps, in *Hecuba* tradit Deos lege quadam teneri aliquando punire eos, qui trucidant hospites, ac Deos contemnunt, utique post hanc maxime vitam. Recenset etiam in *Alconte* & inferos, & Plutonis domos, & sedes tenebrosas, & paludem Acherontis, ubi supplicium dant impii suis pravis affectionibus respondens. Insigne aliud supra dedimus Poetæ hujus testimonium ex Authore libri de *Monarchia* inter Opera S. Justiniani.

XI. Sophocles apud Plutarchum ita canit:

Hi, qui sacris visis eunt ad inferos
Homines, beati sunt: solis nam vivere

Contingit illic istis: turba cætera
Omni malorum generi incidit.

XII. Aristophanes Princeps Comico-rum Com. 3., cui titulus *Rane*, & in aliis passim inferos nominat, eaque, quæ ibi quisquis inveniet. Tartari pariter, ejusque amplitudinis, ac tenebrarum meminit. Alterius etiam Comici, Diphili

nempe, egregium monumentum supra cap. 5. laudavimus ex S. Clemente Alexandrino, in quo & loci impiis destinati, & supplicii a justitia Dei vindicæ infligendi expressa mentio fit.

XIII. His consentiunt Theocritus in *Idyllis*, ubi sæpe introducit & stygiam paludem, & perpetuam noctem, sub qua jacent animæ, & mæstas undas Cocytii, & Tartara, & Plutonis domos. Antiphanes, qui apud Stobæum (a) futuram bonorum felicitatem, & malorum miseriam discrete commemorat. Theognis in *Senten.* v. 244., & 1007., & 1119., & Phocilides in *Carm.* v. 105.

XIV. A Poetis ad Philosophos accedo. Dux sunt primæ, ac generales eorum sectæ, unde cæteræ derivatæ, ac propagatæ sunt, *Jonica* nempe, & *Italica*. Hujus parens & conditor est Pythagoras Samius, a quo cæteri Philosophi audire cœperunt, cujus auctoritatem tanti fecit antiquitas, ut ad eum, dum noctu Philosophiam doceret, non minus quam sexcenti confluerent, ejusque decreta, veluti divina quædam oracula, exciperentur. In hujus Philosophi mentem de argumento, quod verisimam, præstat diligentius inquirere, ne dum ob ejus, ejusque scholæ auctoritatem, sed etiam ob Metempsychosis sententiam, quæ eidem tribuitur, elucidandam. Docuisse Pythagoram ejusque Discipulos animum esse immortalem, & quamdam divinæ mentis propaginem, in confesso est apud omnes, affirmatque apertissime, præter alios, Cicero libro de senectute, ubi Catonem Majorem ita de animorum immortalitate differentem inducit: *Nec me solum ratio, ac disputatio impulsi, ut ita crederem; sed nobilitas etiam summorum Philosophorum. Audiebam Pythagoram, Pythagoreosque incolas pene nostros, qui essent Italici Philosophi quondam nominati, nunquam dubitasse, quin ex universa mente divina animos haberemus.*

XV. At ipsum quoque tenuisse & futura

tura prœmia, quibus iusti donarentur; & supplicia, quibus plecterentur iniusti, ac facinorosi, pluribus evidenter evincitur. Diogenes Laërtius (a) hæc profert ex Pythagora: Janitor terrenus e corporibus, terraque animas educit, & puras quidem ac purgatas in cælum ducit: impure vero illis non appropinquant, immo ne sibi ipsis quidem, sed a furiis infractis nexibus vincuntur.

XVI. Paria sunt quæ leguntur in aureis Lydis carminibus (b), ex quibus constat asseverasse Pythagoram animam in virtutis, ac veritatis studiis egregie subactam evolare post mortem in liberum ærem, ibique immortalē, ac Deum fieri, quantum quidem homini fas est: aliorum autem animas iudicio Dæmonum, pœnisque esse obnoxias, & ex vitiorum gravitate torqueri in inferis furiarum vinculis constrictas.

XVII. Clariora perhibet Malchius de vita Pythagoræ ita ex ejus sententia loquens: Due sunt animorum sedes, post mortem apud inferos: una est gaudii, altera pœne. Qui probi fuerunt, in lætitiæ vallem transferuntur. Sed improbi, in horrendo loco scelerum in vita perpetratorum dant penas.

XVIII. Id ipsum ficta quadam narratione significasse Pythagoram scribit Suidas (c): aiebat enim se ad inferos descendisse, ibique vidisse Hesiōdum æneæ columna artissime alligatum: Homerum vero ex arbore pendentem, anguibusque circumseptum ob mendacia, quæ de Diis conspicerant: & animas virorum, qui uxores aspere tractaverant, crudeliter ibidem laniatas.

XIX. Magistri sententiam fideliter secuti sunt ejus Discipuli. Nobiliores ex iis habentur in primis Architas Tarentinus, Timæus Locrensis, & Epicharmus. De duobus prioribus hæc apud Ciceronem (d): Platonem ferunt, ut Pythagoreos cognosceret, in Italiam ve-

nisse, & in ea cum aliis multis, tum Architam, Timæumque cognovisse, & didicisse Pythagoreæ omnia, primumque de animorum æternitate non solum sensisse idem quod Pythagoras, sed etiam rationem attulisse &c. Timæus ipse in calce libri de anim. hæc pronunciat: omnia in secundo circuitu Nemesis certo iudicio rata, fixaque esse voluit cum infernarum illarum furiarum Numinibus ad quam humanarum rerum inspectio pertinet: & ibidem luculentius: adest vindicta ex legibus, ex oraculis, quæ terrores inducat celestes, & subterraneos. Quoniam supplicia inexorabilia parata sunt impiis ad inferos. De Epicharmo vero sic ait S. Clemens Alexand. (e): Admiror Epicharmum, qui aperte dicit: si fueris mente pius, nihil mali patieris mortuus: superius manet in cælo spiritus.

XX. Illustres etiam inter Pythagoreos habentur Heraclitus, & Hierocles: quorum prior in orcum animas post mortem ferri perdocuit, bisque tot bona, vel mala parata esse, quæ neque sperent, neque expectent. Hoc quoque adeo Hierocli persuasum erat, ut scribere non dubitaret, ideo, improborum aliquos suspicari animos interire, ne si mortali vita functi superint pro scelere merito puniantur. Non vult, inquit, improbus animam suam immortalem, ne ad conspectum illius iudicis æqui torquendus adveniat. Itaque se ipsum potius morte condemnat.

XXI. Sed præ cæteris audiendus est Jamblicus (f), qui cum vitam, ac doctrinam Pythagoræ, veterumque Pythagoreorum diligenter, & accurate perscripisset, divinam hanc eorum dogmatibus confectam sententiam proponit: Si mors huiusmodi foret, ut hominem ab omnibus liberaret, lucrum certe malis hominibus reputandum esset mori, nimirum & a corpore simul, & cum animo

(a) lib. 2. cap. 31. (b) apud Hueti. de consen. &c.

(c) in Hist. de Pythag. (d) lib. 1. quest. Tuscul.

(e) lib. 4. Strom.

(f) C. Clement. adho. ad Philof. lib. 2. c. 13.

nimo ab ipſorum pravitate liberari. Nunc autem poſteaquam anima immortalis eſſe videtur, nullum omnino aliud malorum ei fuerit effugium, nec ſpes ſalutis, quam ut evadat ſimul quam optima, ac prudentiſſima. Nihil enim fert ſecum anima tendens ad alteram vitam, quam probitatem, vel improbitatem, quæ plurimum prodeſſe vel obdeſſe deſuncto noſcuntur. Atque anima quidem melior cum Deo habitat, per cæli beatas regiones invecſta. Quæ vero ſe ſe factis impiis contaminavit impietate, proſciſcitur ad judicia ſubterranea meritis poenis deputanda.

XXII. Hæc omnia, ſi attente perpendantur, offendere ſatis poſſunt, quam ſit a veritate, aut a veritatis ſpecie alienum, Pythagoram ejuſque diſcipulos Metempsychosim docuiſſe, ſive animarum in alia corpora tranſmigrationem: in his enim, quæ produximus, nedum nec vola, nec veſtigium apparet huiusce commenti, ſed nec etiam cum illo conſiſtere poſſe videntur. Diſerte quippe aſſeritur tum a Pythagora, tum ab iis, qui ejus doctrinam ſecuti ſunt, probos ſtatim a morte felicitatem conſequi, vel in cælo, vel in alia beata regione; improbos vero ad inferos, vel tenebroſa loca tranſire, unde meritis mulctentur ſuppliciiis. Quæ plane conciliari aut nequeunt, aut admodum difficile poſſunt cum dogmate Metempsychosim, ſi proprio in ſenſu, prout non paucis viſum eſt, accipiatur.

XXIII. Arbitror itaque longe verofiſſimum eſſe vel nunquam Pythagoram Metempsychosim tradidiſſe, ſed per imperitiam ipſi aſſictam fuiſſe ex quibuſdam ipſius verbis perperam intellectis, vel ſi eam aliquando tradidit, per allegoriam eſſe locutum, adeo ut vel Pythagoras, vel Pythagorei hoc emblemate uterentur, ut quibus ob virtutes, & vitia ſimiles evadant homines, ſignificarent: ita nempe, quod animos tranſire in alia hominum beſtiarumve corpora, aliud ipſis non fuerit, quam homi-

nes aliena ſtudia, ſive hominum, ſive maxime belluarum induere, atque animam iis moribus in humano corpore imbutam, eoſic retinere, exuto corpore, ac ſi in illos homines, vel beſtias demigraſſet, quarum affectiones antea ſecuta fuerit. Id jam plures alii ante me perviderunt viri clariſſimi. S. Auguſtinus ita de Metempsychosi ſcribit (a): De hoc ludibrio quorundam philoſophorum etiamſcorum poſteri erubuerunt, nec eos hoc ſenſiſſe, ſed non recte intellectos eſſe dixerunt. Et credo ita eſſe, veluſi ſi quiſpiam etiam de ſcripturis noſtris hoc ſentiat, ubi dictum eſt: homo in honore poſitus non intellexit: comparatus eſt pecoribus inſenſatis, & ſimilis factus eſt eis. Aut ubi item legitur: ne tradideris. Domine, beſtiis animam conſentem tibi.

XXIV. Ita etiam interpretantur Pythagoræ ſenſum Marſilius Ficinus (b), Joannes Hornobek (c), & alii apud Danielem Claſſenium (d). Sed præ reliquis id demonſtrare conatus eſt Claudius Lignierius (e), ex quo huc aliqua afferre lubet: "ſatis, inquit, conſpicuum eſt Pythagoram ſapientem fuiſſe, & Philoſophum acutum: ſed qui virtutum præceptiones, & vitiorum dehortationes ſtudio occultare voluit, ne vulgus in virtutum & ſapientiæ myſteria introſpiciat. Quo pertinet dogma de tranſmigratione animarum ex uno corpore poſt mortem in aliud: quod alii ruditer non ſine contemptu famæ Pythagoræ intellexerunt, cum nihil aliud eo intenderit, quam invitationem bonorum ad actiones honeſtas, & egregias, & dehortationem a vitiis ut pote quod hominum animæ poſt mortem, vel in alios homines tranſirent, ſi honeſte ac civiliter vixiſſent; reciperentur autem in cognitionem Deorum, ſi ſapientiæ dediſſent operam: vel tandem in fera, rudia, abjecta, & immunda tranſirent animalia, ſi vitiis, voluptatibus, avaritiæ, & tyrannidi fuiſſent dediti, &c."

K

XXV.

(a) lib. 7. de Geneſ. ad litt. cap. 9. (b) in arg. ad Plat. Phæd. (c) lib. 8 cont. Judæos. (d) Tom. 2. Collect. Gronov. (e) in Diſſert. de Sect. Pythag. cap. 10.

XXV. Cæterum quoniam dubitari nequit, quin Metempsychoseos dogma non in allegorico, sed litterali ac proprio sensu acceptum, a quibusdam adoptatum fuerit, & in aliquas etiam regiones irrepperit, quidpiam aliud ad hujus difficultatis enodationem addendum existimo. Sunt nonnulli viri eruditi, qui figmenti hujus originem arcessunt non quidem a Pythagora, sed ab Ægyptiis ex doctrina novæ cum corpore conjunctionis haud rite intellecta. Observant enim antiquissimam esse in mundo traditionem de resurrectione corporum aliquando secutura, quam ab ipsa Mosis ætate viguisse apud nationes Ægypto conterminas ex historia Jobi satis manifestum est; atque adeo etiam in Ægypto ignotam non fuisse verosimile videtur. Verum Ægyptii Sacerdotes, aliqui saltem, sedē eam corruperunt; & veritatem in fabulosum Metempsychoseos errorem converterunt, qui subinde in alias gentes propagatus est, maximeque India populos infecit.

XXVI. Alii alio modo hujusce commentī originem explicandam putant. Ajunt scilicet: cum primum homines ad Philosophiæ studia se dedere, repererunt dogma de animi immortalitate, deque futura hominum sorte ubique gentium receptum, constanterque ab omnibus nationibus approbatum: unde eam persuasionem naturali lumini consentaneam retinendam credidere. At vero cum rem penitus expendere, quæque ferebantur de statu animæ post mortem opinionēs ad Crisim Philosophicam revocarent, gravibus undique urgebantur, premebanturque difficultatibus, a quibus expedire se minime poterant. Elysi campi, Stygia palus, Acherontis fluvius, Tartari, Erebiq; tormenta fabulosa ipsis videbantur, & a Poetis inventa ut Populi ingenio, & utilitati fervirent. Dum aliunde eas difficultates, quæ turmatim occurrerant circa alium vitæ statum, apte solvere non possent, alii quidem rem in suspensio reliquerunt, alii ad sidera bonorum animas provexerunt, malorum

animabus circa terras depressis: alii etiam animarum Metempsychosim excogitarunt, eamque ineruditis; credulisque populis propinarunt.

XXVII. Alterutra originem Metempsychoseos explicandi ratio sententiæ, quam modo defendimus, nihil officit, quin immo favet quam maxime. Utræque enim in populorum mente vigentem supponit fidem de animorum immortalitate, & alterius vitæ retributione: quam fidem, sive persuasionem labefactare minime voluerunt, qui Metempsychosim commenti sunt, eoque duntaxat spectarunt, ut modum, quo pravi, vitiosique homines punirentur, facilius, & ad populi captum accommodatius exponerent. Propterea ab ipsis ea similitudo observata est, ut crudelis, & injusti hominis animam in belluam ferocem, libidinosa ac spurci in suem, levis & inconstantis in Avem &c. commigrare dicerent. Unde colligere debemus eas nationes, quæ hanc opinionem probaverunt, probantque, reipsa non dissentire a vera germanaque doctrina, quod impii post mortem scelerum suorum poenas luant, sed in harumce pœnarum qualitate explicanda: neque enim ob aliam causam in hæc vel illa corpora migrare impiorum animas afferebant, nisi ut juxta meritum rationem magis, minusve punirentur. Quamquam & illud addendum est, quod capite superiore advertimus, notumque sit ex universali Metempsychoseos Historia, eos qui animarum transmigrationem posuerunt, vitam simul ad *Manes* constituisse, & in inferis animas collocasse, ut digna factis reciperent: atque inde in corpora revertentes per aliquot migrationis periodos purgarentur. Immo moderni plures Indiarum populi vesano hoc dogmate infecti, illud ita intelligunt, atque explicant, ut anima post aliquas in corpora sive hominum sive bestiarum migrationes, ad mundum alium deducatur utique pro meritis vel præmio afficienda vel pœna (α): quod & veteres hujus sententiæ defensores credidisse valde probabile est.

CA-

CAPUT X.

De sensu ceterorum sapientum, qui in Græcia floruerunt, quoad futuram vitam. Ostenditur in ea pœnenda conspirasse celeberrimos quosque Philosophos, Platonicos præsertim, Peripateticos, Stoicos aliosque, quorum testimonia plura producuntur. Epicurei, qui cum negarunt, nullo possunt esse Adversariis presidio. Eorum iudicium fœcici semper estimatum tum a sapientibus, tum a vulgo: ipsique tamquam pestes humani generis odio habiti, & pœnis etiam affecti.

I. **A**ltera Græcorum Philosophorum secta, eaque celeberrima, aliarumque plurium fecunda parens, Ionica videlicet, Authorem habuit Thaletem Milesum, qui unus ex septem Græciæ sapientibus fuit, omniumque sapientissimus iudicatus. Hic, Choerilo teste apud Laertium, primus fuit inter Philosophos, qui animæ immortalitatem doceret: quod de his, qui in Græcia claruerunt, intelligi oportet. Equidem Cicero laudem hanc adscribit Phærecidi: sed cum sub idem tempus uterque vixerit, facile hæc discrepantia evanescit. Præter animæ immortalitatem etiam felicitem ejus vel infelicitem futuræ vitæ conditionem admisit Thaletem, satis colligitur ex hoc dogmate ab ipso inculcato juxta eundem Ciceronem (a): nempe, *homines existimare oportere Deos omnia cernere: Deorum omnia esse plena: fore enim omnes castiores, velutique insanos essent, maxime religiosos. Cumque interrogatus esset, ut refert Valerius Maximus (b) an facta hominum Deos fallerent: ne cogitata, respondit. Qui hanc de Deo notionem habuit; animamque immortalem tenuit, ne ille de retributione futura non dubitavit.*

II. Prodiit ex hac secta summus ille inter Philosophos Socrates Archelai auditor, de quo illud memoratu dignum est, quod scribit Tullius lib. 1. *Tuscul. quæst.* his verbis: *cum pene in manu jam mortiferum illud teneret poculum, locusque ita esset, ut non ad mortem trudi, verum in cælum videretur ascendere. Ita enim censebat, itaque differuit duas esse vias, duplicesque cursus animarum e corpore excedentium. Nam qui se humanis vitis contaminassent, & se totos libidini-*

*bus dedissent.... iis æternum quoddam iter esse seclusum a Concilio Deorum, & cætera, quæ supra jam cap. 5. retulimus, ubi etiam plura alia de ipso ex Xenophonte dicta sunt, quæ huc spectant. Legi quoque potest Eusebius lib. 13. *Preparat. Evangel.* cap. 10., ubi tum in alijs, tum in hoc argumento, affinia admodum his, quæ in Religione Christiana traduntur, docuisse Socratem ostendit.*

III. Socratis Discipulus fuit Xenophon celebris tum magistri, tum ejus doctrinæ vindicator, ac defensor, ut ex superioribus liquet. Secutus est subinde Euclides Megarensis novæ quidem Socræ conditor, sed quæ in iis, quæ animam spectant, Socrati constanter adhæsit. At cæteros omnes longe dignitate antecelluit divinus Plato. De hujus sententia tot jam a nobis cap. cit. congesta sunt perspicua testimonia, ut supervacaneum videatur alia ex ipsius libris delibare. Nihilofecius culpam vix effugerem, si insalutatum omnino præterirem nobilem *Phædonis* Dialogum, qui totam complectitur Gentilium doctrinam circa statum animæ futurum. Plutarchus, Plotinus, Porphyrius, Jamblicus, omnes tum veteres Academici, tum Platonici recentiores nihil aliud præstiterunt nisi Platonis doctrinam exponere in eo Dialogo loquentis pro Philosophis omnibus, qui ipsum præcessere. En præcipua fidei suæ principia ac summa capita. 1. Omnes animæ, dum e corporibus exeunt, iudicium illico subeunt. 2. Sunt animæ, paucissime licet, quæ penitus *Sane*, seu omnis vitiosæ contagionis expertes deprehendantur, nullumque ex iudicio metum perferant. Cæteræ ægræ sunt, seu peccatis corruptæ,

K 2 cum

(a) lib. 2. de legibus. (b) lib. 7. cap. 2.

cum hoc tamen discrimine, quod quædam curari possint, aliæ nullam curationem admittant. 3. Animæ sanæ statim a morte petunt Elysios, regionem nempe libertatis, & immunitatis ab omni malo, dolore, & ærumna, ubi curriculum completo a fatis præstituto, ad beatam tellurem transeunt, ut purissimis deliciis in divini Verbi contemplatione perpetuo fruuntur. 4. Animæ ægræ descendunt in Tartarum, quæ curationis quidem capaces sunt, ut purgentur: quæ vero incapaces, ut crucientur. 5. Cum priores violentis adhibitis remediis a propriis malis exsolutæ sunt, procedunt ad Elysios, vel ad alia corpora. Quæ autem sunt incurabiles, in Tartaro perpetuo torquendæ remanent. Hæc compendio collecta docet Plato in eo Dialogo: quæ ferme omnia usque adeo cum sacra doctrina cohærent, ut Origenes & Clemens Alexandrinus cum aliis contendunt, totum Dialogum ex variis scripturarum locis interpolatis a Platone fuisse confectum.

IV. Prima Platonica scholæ columnina fuisse Speusippus, Xenocrates, Polemon, Crates: qui omnes eandem, quam a Platone acceperant, de anima doctrinam retinere, nisi quod Crates infernum alio in loco constituit, nempe in aere sub utroque cardine crasso perpetuo frigido. Eandem etiam ferme Magistri doctrinam secuti sunt recentiores Platonici Plotinus, Jamblicus, Proclus, ejusque discipulus Sallustius Philosophus. Accipe quæ de impiis scribit postremus ex his in lib. de Diis, & Mun. cap. 9. *puniuntur autem, inquit, corpore egressi: siquidem alii oberrant: alii in locis quibusdam terræ calidis aut frigidis: alii a demonibus vexantur.*

V. Ex his omnibus rite perpensis satis apparet nullius momenti loco habenda esse, quæ opponi possunt ex Platone ex lib. 3. de Republica, ubi tamquam commentitia rejicit, quæ de inferorum poenis narrabantur, docetque multa ex Homeri libris delenda, quæ animarum maxime tormenta describunt. Ea quippe quæ tum hic, tum cap. cit. protulimus adeo diserta sunt, ac perspicua, ut prudenti viro omnem dubi-

tationis aditum penitus intercludant, præcipue cum ab ejus Discipulis in eo semper naturali sensu, quem præferunt, intellecta fuerint: nec alium re vera pantantur. Certe Platonem ex animi sententia fuisse locutum in locis a melaudatis, neque omnia, quæ de inferis Homerus scripserat, repudiassse, liquiddissime constat tum ex attenta eorum lectione, tum ex verbis, quæ habet in *Gorgia*, ubi de inferorum cruciatibus dicturus juxta Homeri sententiam inquit: *audi igitur, ut ajunt, pulcherrimum sermonem, quem te arbitror fabulam putaturum: ego autem non fabulam, sed sermonem.* Atque ubi multa de inferis differuit, hæc sunt, subdit, *o Callices, quæ audiui, veraque esse credo.* Quapropter ad obiectam ex lib. 3. de Repub. auctoritatem dicendum est Platonem contempsisse quidem, & contemnenda judicasse, quæ de inferis fabulosa plura narratur a Poetis, & ab ipso eorum Principe Homero: non autem doctrinam de futura impiorum punitione. Hinc in eodem *Gorgia*, quamquam plura differat de inferorum cruciatibus ex Homeri sententia, hoc tamen duntaxat probasse videtur eos, qui *injuste impieque vixissent, in punitionis, justique supplicii carcerem ire.* Atque hæc responso, meo quidem judicio, longe alia probabilior est, quam tradunt Lactantius Firmianus, & Æneas Gazæus, qui Platonem pugnantia locutum affirmant.

VI. A Platonis sententia non descivisse Aristotelem Peripateticorum Principem ex iis, quæ capite eodem observata sunt, satis compertum est. Non me quidem latet Aphrodisæum, Pomponatium, & quosdam etiam ex antiquis Patribus pertendere Aristotelem animum morti obnoxium fuisse, quod oppido sententiam de alterius vitæ statu a fundamentis subruit. Verum perperam hunc ipsi errorem appingi demonstrari facile potest, jamque demonstrarunt Philoponus, Simplicius, D. Thomas, Albertus Magnus, Ægidius, Eugubinus, & alii viri clarissimi. Id etiam satis constat ex doctrina veterum insignium Peripateticorum ac præsertim Ammonii, & Theophrasti Aristotelis discipuli, ejusque

in schola successoris, quos animos immortales habuisse certum est. Pluris enim, ut arbitror quidem, horum autoritas facienda est, quam quæcumque animadversiones factæ ab Adversariis in quibusdam obscurioribus Philosophi locis. Nam quis melius rescire potuit quid de futura animi conditione senserit Aristoteles, quam qui Aristotelem ipsum differentem audierunt?

VII. Quandoquidem vero de Aristotele sermo est, lubet hic duo testimonia subnectere, quæ licet authorem non habeant Aristotelem, sed alium ex antiquis; ipsi tamen a quibusdam tributa sunt. Primum habetur in lib. ad Alexandrum, his verbis: *illicebra corporum finiuntur, & exterminantur in Nihilum, & faciunt hominem ipsum descendere in infernum*. Alterum vero extat in lib. qui de Pomo inscribitur (a), ubi hæc leguntur: *beata est anima, quæ non est infecta prævis operibus hujus mundi, & intellexit Creatorem suum: & ipsa est, quæ reuertitur in locum suum in deliciis magnis, non cum delectationibus corporis, quæ sunt de seipse. Et via animæ prævis, quæ non habet virtutem, nec posse redeundi ad locum suum, nec potest ascendere in patriam suam, quia turpia opera delectationis corporis impediunt ascensum ejus sursum*. Hæc ille. Sed reliquos Græcos Philosophos persequamur.

VIII. Nobilis Jonicæ Sectæ propago fuit Stoicorum Secta a Zenone primum Citiensis condita. Horum doctrina, ut observat S. Hieronymus (b), dogmatibus nostris, quemadmodum in aliis plerisque, ita in præsentī argumento valde consentit. Animas enim post discessum a corpore non aboleri Zeno tradidit, sed pro meritis vel ad amœnas regiones perducere, vel ad tenebrosa & inferna loca detrudi, ubi poenas improbitatis exsolvant. Si cunctas, scribit idem Hieronymus (c), philosophorum libros revolvas, necesse est ut in eis reperias aliquam partem vasorum Dei: ut apud Platonem fabricatorem mundi Deum, ut apud Zenonem Stoicorum Principem inferos, & im-

mortales animas, & unum bonum, & honestatem. Luculentius est de eodem Zenone Laëtantii Firmiani testimonium (d): *Esse inferos Zeno Stoicus docet, & sedes piorum ab impiis esse discretas: & illos quidem quietas, ac delectabiles incolere regiones: hos vero luere poenas in tenebrosis locis, atque in cœni voraginibus horrendis*.

IX. Stoici qui deinde subsecuti sunt, Magistri sententiam in aliquibus interpolaverunt, in re ipsa tamen cum eo consenserunt. Orcum quidem supplicii fontium paratum, quem ab Orco Poetarum Zeno neuti quam discreverat, fabulosum esse putaverunt recentiores Stoici: sed nihilominus horrendis tenebris, tetricisque voraginibus noxijs damnarunt. Hoc plane simile supplicium præ oculis habebat Epictetus, cum moneret (e) colendam Religionem erga Deos immortales, rectam de ipsis habendam estimationem, sentiendum eos & esse, & bene administrare universa, eorum præceptis parendum, in omnibus eisdem acquiescendum, & hujusmodi, quæ alio instituto scripta non videntur, quam ut homines, præstantissimæ mentis quæ Deus est, monitis obsequentes, obedientiæ & Religionis præmia tandem obtineant, eaque supplicia declinent, quæ contumaces, Deique contemptores manent. Non abfimile est testimonium antiquioris Philosophi Heracliti Ephesii, quod exhibet S. Clemens Alexand. (f), nempe eorum qui sunt probi Probissimus novit servare: quin etiam falsorum quoque architectos, & testes comprehendit iustitia. Post quæ ita subjicit Clemens: *Nam hic quoque novit, ut qui ex barbara didicerit Philosophia, eam, quæ fit per ignem, expurgationem eorum, qui male vixerunt, quam exustionem, seu inflammationem postea vocarunt Stoici*.

X. Illud interim diffiteri non possum Stoicos saltem plures, non tam putasse animas immortales, quam longævās. Hoc liquet tum ex Laertio referente in Zenone eisdem credidisse animam a morte quidem permanere: attamen eandem corrumpi:

tura

(a) Vide Tostatum in Paradoxis Parado. 5. (b) in caput 11. Itæm. (c) in cap. 1. Daniel. (d) lib. 7. divin. Inst. cap. 7. (e) in Eucharid. cap. 38. (f) lib. 5. Strom.

tum ex M. Tullio, qui lib. i. quaest. Tuscul. ait: *Stoici usuram nobis largiuntur, tamquam cornicibus: diu mansuras animae ajunt: semper negant.* Opinati nimirum sunt vel ipsas Sapientum animas non duraturas nisi ulque ad conflagrationem universi: tunc enim resolvi omnia in initia sua, & antiqua elementa. Verum ex hac singulari Stoicorum opinione illud unum colligi potest, eos non agnovisse vitae alterius, vel beatæ, vel miseræ æternitatem, quod non ægre concedimus: neque enim sententiæ, quam modo propugnamus, adversatur.

XI. Græcorum sapientum claudant agmen tres alii insignes Philosophi, quorum testimonia ab interitu servavit Stobæus. Primus est Eusebius Sophista, qui disertam de futuris præmiis, ac suppliciis mentionem facit (a): parentibus enim Deorum legibus divina bona, contumacibus autem mortalia mala prænnunciat. *Quare, subdit, non decet & falsæ & futili voluptatis gratia magna & perpetua mala comparare, nec vita brevissima vitam sequentem longissimam corrumpere.*

XII. Uberius, atque præclarior de eadem re edisserit Apollonius Juncus (b): mors, inquit, animas ad opacum locum deducit, ubi Judices, ac veraces Dii de justis, injustisque sententiam ferentes sedent, & singulas in illorum, qui prius advenierunt, numerum referunt. Tum animæ, quæ a judiciis absolvuntur, victoriam nactæ ad campos Elysios, ac volucries illis vigentes mittuntur, amicæ ac sociæ demonum, heroumque, quorum famulam olim admirabantur, & Imperatoribus, ac Regibus semper adhererent. Malas vero & improbas infelix mutatio suscipit, nec amplius luce fruuntur.

XIII. Hyperida demum (c) ad probandam futuram bonorum felicem sortem, ex quâ infelix malorum necessario consequitur, eo utitur argumento, quod superius jam fuisse declaravimus, a Pro-

videntia Dei depromptum inquires: *si a morte sensus aliquis est, & Numinis Providentia, ut arbitramur, illi, qui Deorum honores ope sua promoverunt, maximam divinitus beatitudinem assequuntur.*

XIV. At enim his fortasse quispiam opponat integram aliorum Philosophorum sectam, Epicureorum scilicet, quibus solemne fuit quæcumque de futuris impiorum cruciatibus jactarentur ab aliis, irridere, atque contemnere, animamque cum corpore dissolutioni, ac interitui obnoxiam palam docere.

XV. Id equidem non abnuo: neque mirum mihi videtur fuisse inter Gentiles, qui ceteris Philosophis contrairent, deque animi immortalitate dogma negarent, cum etiam modo non pauci sint inter cultiores gentes, atque vel ipsos Christianos, qui idem sentiant. Verum, quod postea evidenter ostendam, hæc exceptiones nullatenus elevant gravissimum momentum, quod a populorum consensu deducitur. Quædam interea animadvertere utile fuerit, quæ peculiariter Epicureos spectant. Atque illud imprimis Lucretio ipso fatente, Epicurum primum fuisse, qui communi hominum sensui adversaretur, ut constat ex lib. i. v. 67.

Primum grajus homo mortales tollere contra

Est oculos ausus, primusque obistere contra.

XVI. Deinde observo, quod Epicurei apud veteres nullo aut parvo semper in pretio habiti sunt cum ceteris præsertim Philosophis comparati. Cicero in lib. de Senect. *quos minores Philosophos appellat.* Et lib. i. quaest. Tuscul. asserit, quod eos doctissimos quisque contemnit. S. Augustinus (d) tamquam omnium ignobiliores ita repræsentat: *mortem malorum omnium esse finem habent quidem litteræ vestre: sed nec ipsæ omnes. Epicureorum est quippe ista sententia, & si qui alii mortalem animam putant. At illi, quos Tullius quasi Consulares Phi-*

loso-

(a) Stobæus lib. 2. Eclogar.

(b) apud Stobæum serm. 102.

(c) apud Stobæum serm. 123.

(d) Epist. 164. ad Nectar.

loſophos appellat, quod eorum magni pendat auctoritatem non extingui animam, ſed emigrare cenſent, & ut merita quoque ejus aſſerunt, ſeu bona ſeu mala, vel ad beatitudinem, vel ad miſeriam permanere. Et enarrat. in Pſal. 73. ſcribit ab iſſis etiam Philoſophis Epicurum Porcum eſſe nominatum.

XVII. Præterea perſuaſum quoque habebant meliores Philoſophi non alia præſertim ratione moveri Epicureos ad animæ immortalitatem improbandam, niſi ut metu pœnarum excuſſo, quem iſſis neſarii eorum mores merito ingerebant, liberiorem vitam traducerent, & impudentius peccarent. Unde Tullius (a) ita Epicurum loquentem inducit: *impoſuiſtis in ſervicibus ſempiternum dominium, quem dies, ac noctes timeremus. Quis enim non timeat omnia providentem, & cogitantem, & animadvertentem Deum?* Atque adeo, ne Deum punientem timere cogeretur, & Providentiam divinam, & alterius vitæ ſtatum inficiatus eſt: quod & ex Lucretii Epicurei verbis jam alibi recitatis (b) cognoscere licet.

XVIII. Illud etiam obſervatione digniſſimum eſt, hanc Epicureorum ſententiam, aut melius dixerim, delirium, ſe inter aliquos Philoſophos continuiſſe, nec unquam pomceria ſua in populorum animis dilataſſe: adeo ut vulgus fidem potiùs Poetis adhiberet fabuloſa plura futuræ impiorum ultioni interſerentibus, quam hiſ Philoſophis, qui veritatem ſe affectuos bilaterabant, dogmaque proponebant, quod vitiſis hominum cupiditatibus adblandiretur. Id ingenue ſaſſus eſt Atheus ipſe Lucianus ſcribens (c): *Vulgi multitudo, quos ſapientes vocant Idioras, Homero, & Heſiodo, reliquiſque Poetis ſuper hiſ fidem habentes, & illorum poeſim pro lege docentes, locum quemdam ſubterraneum profundum eſſe putant, quom Tartarum vocant.*

XIX. Quin immo commune odium ob impia dogmata adeo in ſe concitaverunt Epicurei, ut ea libere in publi-

cum eſſerre minime auderent, ne a Magiſtratis tamquam Reipublicæ perturbatores multarentur. Quare callide doctriinam ſuam quibuſdam involucris, & verborum ambagibus obtegere ſolebant, ne facile, quid iſſi ſentirent, internoſceretur: & cum divinam Providentiam reipſa negarent, de Diis tamen, Deorumque natura magnifice loquebantur. De univerſali hoc populorum in Epicureos odio, & indignatione clarum extat apud Suidam ex deperdito Claudii *Æliani de Providentia* opere, quod non abs re erit hic recitare (d). „ Epicu-
„ rei, inquit, Senatus conſulto Roma
„ ſunt exacti: & Meſſenii in Arcadia
„ eos, qui in eodem quaſi præſepe paſti
„ eſſent, expulerunt, quos & peſtes a-
„ doleſcentum eſſe dicerent, & philo-
„ ſophiæ labem adſpergere propter mol-
„ litiem, & impietatem. Eos itaque
„ ante ſolis occaſum ex agri Meſſenii
„ finibus excedere juſſerunt, iſſque pul-
„ ſis a Sacerdotibus luſtrari ſana, & a
„ Timuelliſ (ſic enim Meſſenii Magi-
„ ſtratus ſuos vocant) totam urbem
„ purgari, tamquam ſordibus quibuſ-
„ dam, & purgamentis liberatam. In
„ Creta quoque Liſtium quodaſm Epicu-
„ reos illuc proſectos expulerunt, legem-
„ que populari ſermone talem ſcripſe-
„ runt: *Epicurei ſapientia effeminata, &*
„ *degeneris, ac turpis inventores, Diſque*
„ *invuſi per Præconis vocem Liſto excedere ju-*
„ *bentor: & ſi quis eorum contempta lege*
„ *impoſterum buc venire auſus fuerit, prope*
„ *Prætorium per viginti dies nervo vincitor,*
„ *nuduſque lacte & melle perſuaditor, ut ap-*
„ *es & muſcas paſcat: & intra dictum*
„ *tempus ab illis conſumator. Si vero poſt*
„ *tempus illud adhuc ſuperſeſ fuerit, mul-*
„ *liebri veſte indutus de rupe præcipitator.*
Hæc ille. Ex quibus addiſcere deberent Chriſtiani Magiſtratus, quid ſibi agendum foret cum hoc hominum genere, exitiali humani generis peſte, quos in aliquibus regionibus non ſine ingenti damno nimium graſſari dolemus.

CA-

(a) lib. 1. de Natura Deorum. (b) cap. 1. (c) in Dialogo de luſtu.
(d) Vide Jo: Alber. Fabric in Sil. Script. & Dilect. ar. &c.

CAPUT XI.

Dogma idem apud Romanos semper obtinuit. Id evincitur pluribus tum Poetarum, tum Historicorum, tum Philosophorum in medium productis testimoniis. Diluuntur ea, quæ contra ex Tullio proferri solent. Quid de nostro argumento Tullius idem senserit, candide exponitur. Seneca, ac Juvenalis, a calumnia ipsis impacta, quod mortalem animam fecerint, vindicantur.

I. **S**equitur ut de Romanæ omnium clarissimæ gentis sententia circa alium vitæ statum paululum differamus. Controversiam omnem dirimere facile possent, ac deberent duo illa testimonia, quæ cap. 6. a nobis producta sunt ex Cicerone, & Seneca: quorum alter insitum fuisse testatur priscis illis, quos *Cascos* Ennius appellat, esse in morte sensum, nec excessu vitæ sic deleri hominem ut funditus intereat &c. Alter vero proficitur, cum de animorum immortalitate sermo est, non levis apud se esse momenti consensum hominum aut timentium inferos, aut colentium: quam persuasionem publicam appellat. Neque enim ita ambo locuti fuissent, si eam ubique apud suos obtinentem non perspexissent. At quoniam morosa quædam ingenia litem hac super re movere non verentur, ideo alia nonnulla adicere oportet, ut veritas manifestius appareat.

II. Itaque si in primis consulamus Poetas, qui in Romano Imperio floruerunt, quorum, ut supra monui, magna hac in re debet esse autoritas, cum non alia scriberent, ornarentque, quam quæ apud populum vulgata essent, vel communi sensui congruerent; res est certissima ab iis omnibus omni ætate, pœnas improbis post mortem luendas commemorari. Virgilius tum in Georgicis, tum in Æneide de his sæpe mentionem facit, lateque & inferni locum, & supplicia describit lib. 6., ubi inter alia plura ea canit:

*Non mihi si lingue centum sint,
oraque centum,
Ferreæ vox, omnes scelerum comprehendere formas,
Omnia pœnarum percurrere nomina possem.*

III. Paria fingit Syllius Italicus præsertim lib. 13.

Has inter formas Conjux Junonis avernæ

Suggestu residens cognoscit crimina regum.

Stant vincti, seroque piget sub Iudice culpa.

Circumerrant furie pœnarumque omnis imago, &c.

Talia lachryferis restant patienda tyrannis.

IV. Eadem ferme Papinius Statius in Theb.

Fortè sedens media regni infelicitis in umbra

Dux Erebi populos poscebat crimina vitæ &c.

Stant furie circum, variaeque ex ordine mortes,

Sævaque multifonas exercet pœna catenas.

V. Gemina legas apud Manilium lib. 4. de Astron.

Quæsitòr scelerum veniet, vindexque malorum,

Qui commissâ suis rimabitur argumētis,

In lucemque trahet, tacitaque licentia fraude.

Hinc etiam inmitis tortor pœnaque minister &c.

VI. Eadem invenire est in Ovidio tum in lib. *Metamorph.*, tum in aliis, Valerio Flacco in *Argon*, Propertio lib. 4. *Eleg.*, Tibullo lib. 1. *Eleg.* 3., Seneca Tragico in *Hercule Furente*, in *Hippolyt.* & aliis Tragædiis, Lucano lib. 6. de *Bello Civil.*, Claudiano 2. *Con. Ruff.*, & aliis, quorum testimonia præmitto, quæ cuique eorum opera legenti statim occurrunt.

VII. A Poetis ad Historicos tranſeo, qui res Romanorum litteris mandaverunt. Nobilis in primis locus eſt, qui proſtat in Dionyſio Halicarnaſſeo de Veturia filium ſuum Coriolanum ſic alloquente: *ſi quis locus eſt, qui humanas animas a corpore ſolutas recipiat, meam non ſubterraneis, caliginofuſque capiet, quod miſerorum eſſe domicilium perhibent, nec campi, quos lethæos nominant. Sed ſublimis, & purus æther, in quo ajunt Diis genitos fortunatam ac beatam vitam degere, quibus renunciata tua pietate, conceſſaque ſibi gratia, & honore habito, ſemper tibi præclaram aliquam a Diis retributionem pater.* Halicarnaſſeus ipſe relata deinde ingloria morte Coriolani, ita concludit: *Si ſoluta compage corporis, ſimul etiam animæ ſubſtantia, quæcumque tandem ea ſit, interit, & in nihilum redigitur, hæud video, quomodo beatos credere debeam, qui nullo ex virtute fructu percepto, etiam propter eam pereunt.* Quod plane illud idem argumentum eſt, quod nos ſupra contra Deiſtas maxime promovimus.

VIII. De Scipione refert Tullius (a) illud Pythagoræ ſemper ipſi placuiſſe, iter ad cælum optimo cuique, & juſto expeditiſſimum eſſe: additque eundem quaſi obitum præſagiret, per paucis ante mortem diebus coram pluribus triduum diſſeruiſſe de Republica: cujus diſputationis fuit extremum ſere de immortalitate animorum: quæ ſe in quiete per viſum ex Africano audiviſſe dicebat: Paria tradit Tullius idem de Catone majore (b).

IX. Salluſtius Romanæ hiſtoriæ princeps ſic ait (c): *uti genus hominum compoſitum e corpore, & anima eſt, ita res cunctæ ſtudiaque omnia noſtra corporis alia, alia animi naturam ſequuntur.* Igitur præclara facies, magnæ divitiæ, ad hoc vis corporis; & alia huiusmodi omnia brevi dilabuntur. At ingenii egregia facinora, ſicut anima; immortalia ſunt. Poſtremo corporis, & fortunæ bonorum, uti initium, ſic finis eſt: omnia ortu occidunt, & aucta ſeneſcunt: animus incorruptus

æternus, rector humani generis, agit, atque habet cuncta, neque tamen habetur. Quo magis prævitas eorum admiranda eſt, qui dediti corporis gaudiis per luxum, atque ignaviam ætatem agunt. Qui ita concinabatur, nedum animum immortalem, & æternum eſſe, ſed ad poenam vel gaudium permanere profeſto putabat. Ex hac publica perſuaſione inſtituta fuerunt Februa, ſive ſacrificia, & purgationes quæ pro manibus, ſive animabus deſunctorum expiandis celebrabantur: de quibus Ovidius in ſecundo Faſt.

Februa Romani dixerè piamina Patres:

Nunc quoque dant verbo plurima ſigna fidem.

Hinc etiam inferorum nomen pro morte uſurpatum, quod nempe per mortem animas ad inferos tranſire crederent. Titus Livius in Oratione Gracchi ad Milites lib. 25. cap. 16. Lucanum proditorem, ac tranſugam omnes peterent. Qui eam victimam præ ſe ad inferos miſiſſet, eum decus eximium, egregiumque ſolatium ſue mortis inventurum. Florus, lib. 1. cap. 10. Tarquinii tandiu dimicaverunt, donec Aruntem filium Regis manu ſua Brutus occidit, ſuperque ipſum mutuo vulnere expiravit, plane quaſi ad inferum ad inferum uſque ſequeretur. Vellejus Paternulus lib. 1. Hiſt. de Pompejo ſcribit: *quaſi ſi ante biennium, quam ad arma itum eſt &c obiſſet, deſuiſſet fortune deſtruendi ejus locus, & quam apud ſuperos habuerat, magnitudinem, illudatum detuliſſet ad inferos.*

X. Plura alia ſequiore ævo habemus communis ejuſdem perſuaſionis monumenta. P. Thraſeus Pætus (d) cum Neronis crudelitatem effugere juberetur: Nero me quidem, dicebat, occidere poteſt, perdere non poteſt. Aliam nempe vitam proſpiciebat, quam non poſſet Tyrannus auferre. De Antonino Caracalla fertur plures animas magicis incantationibus ex inferis revocaſſe: & animam Commodi Patris ſui exitum ipſi fuiſſe minitatum (e).

L An

(a) lib. de Auct. (b) lib. de S. neſt. (c) de Bello Jugurthino.
(d) Xiphilin. in Necone. (e) Xiphilin. idem de Ant. Car.

An id reapse contigerit, parum curo: satis enim mihi est hanc populo fuisse persuasionem. Pulchra est itidem conicio, quam habuit Titus Imperator ad milites, prout refert Iosephus Histor. (a) in qua inter alia fortibus viris in prelio interemptis lacum spondet inter sidera: ignavis vero morbo intereuntibus, etsi ab eis absterfa sit omnis scelerum macula, subterraneas tenebras, & altam oblivionem denuntiat. Alia prætereo.

XI. Ad Philosophos demum venio. Quamquam non inficias eo fuisse inter Romanos, qui Epicureorum dogmata equerentur: celebriores tamen & numero & auctoritate fuerunt penes ipsos Pythagoreorum, Platoniorum, & Stoicorum sectæ. Hi omnes, quod attinet ad animæ immortalitatem, aliisque vitæ statum, vel eadem, vel omnino affinia sentiebant, quæ Græci.

De Pythagoreis hæc apud Tullium lib. 1. quæst. Tuscul. hanc opinionem (animos nempe sempiternos esse) Discipulus ejus (scilicet Phæcidis) Pythagoras maxime confirmavit: qui cum, Superbo regnante, in Italiam venisset, tenuit magnam illam Græciam cum honore, & disciplina, tum etiam auctoritate: multaque sæcula postea sic vixit Pythagoreorum nomen, ut nulli alii docti viderentur.

XII. De Platonicijs etiam & Stoicis Romanis tum apud eundem Tullium, tum apud alios frequens mentio fit. Hi quidem pro fabulis habebant, quæ a Poetis referebantur de Cocyto, Pyriphlegethonte, cæterisque inferorum locis: ut videre est apud Senecam (b), de quo statim, & apud Arrianum (c): non tamen negabant bonis bene esse post hanc vitam, malis male: quod erat confectarium quoddam solemnissimum inter Stoicos præsertim decreti, cujus sæpe meminit Tullius (d), nempe, Deos esse qui mundum administrant, quique consulant rebus humanis. Hoc autem pacto bonorum, malorumque futurum statum exponebant: animas sapientum,

hoc est eorum, qui rationi convenienter vixissent, evolare ad loca lunæ proxima, atque istic se contemplatione cælestium oblectare: animas vero insipientum, hoc est eorum, qui pravis affectibus morem gesserint, si ex vita antea spēs appareret, eas bonæ frugis evadere posse, circa terras errare, usque dum melius edocet, atque a vitiis purgat, altius & ipsæ subvolarent. At prorsus scelestas demitti in loca, ubi scelerum suorum poenās exsolverent. Ita colligitur ex Tertulliano de anima cap. 54., Lactantio lib. 7. cap. 7. & alijs.

XIII. Omnium porro nedom Oratorum, sed etiam Philosophorum, qui in Romanâ gente floruerunt, Princeps dubio procul est M. Tullius Cicero, cujus testimonium in rebus gravissimis pro cunctis Romanis sufficere potest, ac pro melioribus Philosophis, quorum sensus in suis operibus proponit, acquiritur. Quæ mens huic infederit de futura post obitum hominum conditione, satis quidem eruitur ex eo principio apud ipsum ratio, ac firmo divinam Providentiam humanis præcipue rebus consulere, quemadmodum cap. 5. declaratum est. Sed quoniam de ejus hac in re sententia nonnulli dubitant ob aliquas ejusdem auctoritates, quæ videntur adversæ, ideo præstat in ipsis mentem accuratius inquirere, & quid ipse senserit, liquidius exponere.

XIV. Duo sunt præcipua loca, quæ contra opponi solent: alterum ex lib. Tuscul. quæst. ubi tamquam fabulas rejicit, & contemnit, quæ de inferis dicebantur a Poetis, quibus paria scribit etiam in libris de Natura Deorum. Alterum ex Oratione pro Cluentio, ubi sic ait: *Quid tandem illi mali mors attulit, nisi forte ineptiis ac fabulis ducimur, ut existimemus illum apud inferos impiorum supplicia perferre, ab uxorum necatarum poenâ actum esse præcipitem in sceleratorum sedem, atque regionem? Quæ si falsa sunt, id quod omnes intelligunt, quid ei tandem mors eripuit, nisi sensum doloris?*

XV.

(a) lib. 7. de Bell. Jud. cap. 4.

(b) lib. de Consol. ad Marciam.

(c) lib. 3. cap. 73.

(d) lib. 2. & 3. de Nat. Deorum, & 4. de Finibus.

XV. Responsio, quæ hæc auctoritatibus communiter adhibetur, hæc est, nimirum non aliud in utroque loco Ciceronem irridere atque contemnere, quam fabulas Poetarum, & aniles vulgi opiniones. Ad locum vero posterio-rem, qui videtur difficilior, annotat præterea novæ editionis operum Cice-ronis Author, ea verba non dixisse Tul-lium, nisi ut causæ, quam orabat, subservi- ret. Nam ut antea jam scripserat: *Omnes orationes judiciales causarum sunt & temporum non hominum ipsorum & Patronorum*. Ex aliis autem locis colligi recte ipsum de animæ immortalitate sen- sisse.

XVI. Quamquam hæc responsio ve- ra sit, aliquid nihilominus addendum cenfeo, ut omnis de Ciceronis senten- tia dubitatio auferatur. Tria quoad præ- sens argumentum ex attenta suorum operum lectione, omniumque locorum collatione certo colligi posse mihi vide- tur. Primum est Tullium habuisse ani- mam æternam & immortalem. Licet enim in libris Tuscul. quæst. & alibi Aca- demico more in utramque partem sæpe differat, semper tamen in aientem opi- nionem concedit. Et hanc innumeris aliis propemodum locis difertissime tra- dit. Lib. 1. de legibus dicit: *animus est ingeneratus a Deo*; & lib. 2. *omnium ani- mi sunt immortales, sed bonorum, fortium- que divini*. Pro Cajo Rabirio: *bonorum vivorum mentes mihi divine, atque æter- ne videntur*. In Somnio Scip. *habetote animum non esse mortalem, sed corpus*, &c.

XVII. 2. Credidisse bonorum sapien- tumque animas præmium percipere sua- rum actionum in cælo, illudque sem- piternum, id ex pluribus locis nitidif- sime constat. De Univers. qui recte, & honeste curriculum vivendi a natura datum consecerit, ad astra facile revertetur: non qui aut immoderate, aut intemperanter vixerit. De Senect. ex Catonis persona: *ex vita ista discedo tanquam ex hospitio, non tanquam ex domo*.... O præclarum diem cum in illud divinorum animo- rum concilium, cæterumque profisciscar! In Somn. Scipion. *Sic habeto, omnibus, qui*

patriam conservaverint, adjuverint, au- xerint, certum esse in cælo, ac definitum lo- cum, ubi beati ævo sempiterno fruuntur. Et lib. de amicis. de Publ. Scipione morti proximo ita loquitur: *ut ex tam alto di- gnitatis gradu ad superiores videatur potius, quam ad inferos pervenisse*. Neque enim assentior iis, qui hæc nuper differere coepe- runt, cum corporibus simul animas interire, atque omnia morte deleri. Plus apud me antiquorum auctoritas valet, vel nostrorum majorum, qui mortuis tam religiosa jura tribuerunt: quod non fecissent profecto, si nihil ad eos pertinere arbitrarentur: vel eorum, qui in hac terra fuerunt magnamque Græciam institutis & præceptis suis erudi- runt, vel ejus qui Apollinis oraculo sapien- tissimus est judicatus: qui non tum hoc, tum illud, ut in plerisque, sed idem dice- bat semper, animos hominum esse divinos, iisque cum a corpore excessissent, reditum ad cælum patere, optimo cuique, & iustis- simo expeditissimum. Hoc testimonium maxime observari velim: plura enim ex ipso emergunt in rem nostram admodum opportuna, nimirum tum Ciceronem fir- miter assensum fuisse animorum immor- talitati, & futuræ in cælo retributioni: tum hanc non fuisse peculiarem ipsius sententiam, sed receptam ab antiquis, & a majoribus suis, & a novitiis tantum quibusdam negatam: adeoque & Romani, qui ipsum præcesserant, idem om- nino persuasum habuerunt. Tum de- mum eandem a Pythagoreis, qui mag- nam Græciam, hoc est amplam Italiæ regionem illustrarunt, & a Socrate con- stantissime fuisse traditam.

XVIII. 3. Nec illud in controver- siam vocari fas est Tullium, quemad- modum iustorum sapientumque felicem in altera vita sortem, ita & malorum infelicem admisisse. Patet id ex aucto- ritate jam alibi relata ex lib. 1. quæst. Tuscul. ubi duas esse docet cum Socrate vias, duplicesque cursus animorum & corpore excedentium: & iustis quidem reditum pa- tere ad supernam felicitatem: improbis vero devium quoddam iter esse seclusum a Concilio Deorum, &c. Idem habet in consol. de obitu filiz, ubi sic ait ex sapientum consensu: *non omnibus iidem*

illi sapientes arbitrati sunt eundem cursum in celum patere. Nam vitiiis, & sceleribus contaminatos deprimi in tenebras, atque in cæno jacere docuerunt. Et in fine Somn. Scipion. eorum animi, qui se corporis voluptatibus dederunt, eorumque se quasi ministros præbuerunt, impulsuque libidinum voluptatibus obediuntium, Deorum, & hominum jura violaverunt, corporibus elapsi, circum terram ipsam volutantur, nec in hunc locum, nisi multis exagitati sæculis revertuntur.

XIX. Quæ cum omnia certa, explorataque sint, sequitur Tullium in dogmate, quod modo duntaxat propugnamus, apprimè consentire: atque adeo si qua suboriri potest de mente ejus dubitatio, ea solum spectat poenarum qualitatem, & locum ad improbos puniendos deputatum. Qua in quæstione illud ex laudatis testimoniis colligitur, Ciceronem improborum poenam in exclusione a beata vita & consortio Deorum potissimum posuisse: negasse inferos, sive subterranea loca plecendis impiis destinata, & pro fabulis habuisse quæcumque de hujusmodi locis, penisque a Poetis dicerentur, & crederentur a vulgo: illos vero sive illorum animas juxta Stoicorum opinionem, sensisse saltem ad multa sæcula oberrare circa tellurem, miseriis, curis, & ærumnis exagitas.

XX. Addo tamen præterea non ita firmiter Tullium huic inhæsisse sententiæ, quin etiam aliquando apud inferos puniri impios diserte asseruerit. Id comperitur fit ex Philip. 14., ubi hæc habet: *illi impij, quos cecidistis, etiam ad inferos poenas parricidii luent: vos vera qui extremum spiritum in victoria effudistis, piorum estis sedem, & locum consecuti.* In libro quoque 2. de Inven. *Impiis apud inferos poenas esse præparatas consentit.* Et Orat. 4. contra Catil. illud urget magnopere, laudatque, quod ex antiquorum memoria manaverat, nempe: *ut aliqua in vita formido improbis esset posita, apud inferos ejusmodi quedam illi antiqui supplicia constituta esse voluerunt; quod videlicet in-*

telligebant, his remotis, non esse mortem ipsam pertimescendam. Ex quibus omnibus expedita est ad objectas Tullii auctoritates responsio, quin opus sit, ut quidpiam ulterius adjiciamus.

XXI. De duobus aliis inter Romanos eximiis Scriptoribus aliquid dicendum est, Seneca nempe, & Juvenali: quorum primum plures; alterum vero fere omnes tamquam immortalitatis animorum hostes traducunt. Senecæ locus præcipuus, qui objicitur, extat in libro de consol. ad Marciam cap. 19. his verbis expressus: *cogita nullis defunctum malis affici. Illa, que nobis inferos faciunt terribiles, fabula est. Nullas scimus imminere mortuis tenebras, nec carcerem, nec flumina flagrantia igne, nec oblivionis ænem, nec tribunalia, nec reos ullos in ea libertate tam laxa, nullos iterum tyrannos. Luserunt ista Poetæ, & vanis nos agitavere terroribus. Mors omnium dolorum & solutio & finis est, ultra quam mala nostra non exeunt, quæ nos in illam tranquillitatem, in qua, antequam nasceremur, jacuimus, reponit.* Juvenalis vero textus petitur ex Satira 2., ubi hæc scribit:

*Esse aliquos manes, & subterranea regna,
Et Cocytum, & Stygio ranas in-
gurgite migras;
Atque una transire vadum tot mil-
lia cymba
Nec pueri credunt, nisi quinondum
ere lavantur.*

XXII. Verum non arbitrorduos hosce scriptores tamquam animarum immortalitati adversantes jure nobis obtrudi. Fateor equidem Senecam in primis laudato loco, tum quæ Poetæ de inferis confinxerant, fabulosa censere, tum etiam aliqua profari, quæ si sola spectanda forent, non levem suspicionem ingererent ipsum fecisse animam interitui obnoxiam. Cæterum cum & ibidem, & alibi sæpe de immortalis animarum sorte rectè differat, non eo in sensu citata verba intelligenda sunt, quem præferat: sed alio plane diverso, ita ut vel nihil aliud voluerit, quam mortem nos præsentibus hisce malis, ac doloribus solvere, vel aliud quidpiam in-

intenderit, quod ibi satis non explicat. Supra jam dedimus egregium illud Senecæ testimonium ex Epist. 117., quod solum rem conficere posset, nempe: cum de animarum immortalitate loquimur, non leve momentum apud nos habet consensus hominum aut timentium inferos aut colentium. Clare siquidem exprimit & communem consensum hominum fuisse extare inferos, atque hunc magnam apud semetipsum habere vim ut de animarum immortalitate non dubitaret. Epistola quoque 63. de mortis die sermonem habens diserte testatur, diem illum, quem tamquam extremum reformidamus, aeterni natalem esse. In libro quoque, ad Polybium cap. 28. ita aperte loquitur de hac re, nihil ut enucleatus dici queat. *Fruitur, inquit, nunc (Frater tuus jam e vivis sublatu) aperto & libero calo: ex humili, atque depresso in eum emicuit locum, quisquis ille est, qui solutus vinculis animas beato recipit sinu: & nunc libere vagatur, & omnia rerum nature bona cum summa voluptate perspicit.*

XXIII. Sed quid loca alia persequimur, cum eodem ipso libro de consol. ad Marc. expressa adeo prostant de animorum immortalitate testimonia, ut expressiora ne optari quidem valeant? Cap. 23. hæc scribit: *facilius ad superos iter est animis cito ab humana conversatione dimissis: minus enim facis, ponderisque traxerunt. Antequam obducerentur, & altius terrena conciperent, liberati, leviores ad originem suam revolant, & facilius, quidquid est, illud transfluunt. Nec unquam magnis ingeniis cura in corpore mora est. Exire atque erumpere gestiunt &c.* Et cap. 24. *imago duntaxat filii tui perit, & effigies non simillima. Ipse quidem æternus, meliorisque nunc status est, despoliatus oneribus alienis, & sibi reliquus.* Et cap. 25. *non est, quod ad sepulcrum filii tui curras. Pessimæ ejus, & ipsi molestissima istic jacent ossa.... Integer ille, nihilque in terris relinquens fugit, & totus excessit: paulumque supra nos commotus, dum EXPURGAT inbarentia vitia, situmque omnem mortalis ævi excutit, deinde ad excessu sublatu, inter felices currit animas, excipitque illum ex-*

tus sacer, Scipiones, Catonesque, utique contemptores vitæ & mortis beneficio liberi: pluraque alia ibidem habet æque perspicua, quæ longum esset describere.

XXIV. Ex his ergo nedum summum abit tota difficultas, quam parere possunt objecta verba, nitideque elucet Senecæ de animorum immortalitate sententia; sed etiam evidenter colligitur ipsum reapse agnovisse alterius vitæ statum felicem, aut miserum. Et de felici quidem staturo clara est ex his testimoniis, ubi & beatum memorat animarum sinum, & summas voluptates, quas ibi percipit animus, & virorum sapientum sempiternam societatem, & alia hujusmodi. De misero vero nihil est pariter cur ambigamus, non modo quia ex alio necessaria illatione consequitur, quam Seneca ignorare non potuit, sed etiam quia conceptis verbis illum exprimit, mentionem faciens de *face ac pondere* in hac vita contracto a quo eximi debent animi, antequam ad superos evolent, deque vitiorum expurgatione, *situque mortalis ævi*, quem prius excutere necesse est. An vero præter purgatorias, æternas poenas admiserit, quibus saltem nequissimi plesterentur, alia questio est, nec quidpiam ex Seneca, quantum quidem arbitror, proferri potest, quod alterutri parti vel faveat, vel adversetur.

XXV. Paucioribus me ab objecta Juvenalis autoritate expedio. Ex ea imprimis illud ut summum colligi posset fidem ipsum non præstitisse iis, quæ a Poetis de inferorum loco confecta fuerant, nec eadem quoque tunc temporis a profectionibus fuisse credita: quod citra ullum sententiæ, quam defendimus, præjudicium concedi potest. Verum neque hoc colligi posse videtur, si verba, quæ statim sequuntur consideremus. Subdit enim Juvenalis: *Sed tu vera puta*, hoc est, quidquid alii modo sentiant de his locis, atque suppliciis, ea tu tamquam vera recipias, nec a majorum tuorum fide & sententia descidas: utilis namque tibi erit ea credere, quam contemnere. Solum itaque videtur voluisse Poetam præcedentibus versibus exaggerare nimiam populi Romani vivendi licen-

licentiam, morumque corruptelam, quæ ad Religionis sacra dogmata abjicienda, metumque futurorum excutiendum tendebat. Atque hunc legitimum esse verborum Juvenalis sensum testatus mihi est V. CL. Antonius Vulpus Patavinus

Professor, qui in hoc authore illustrando, ut & aliis pluribus, magno Eruditorum plausu, strenuam operam adhibuit: idque etiam satis colligi merito censet ex recta, quam habuit, de divina Providentia existimatione.

C A P U T XII.

Ostenditur nationes omnes, quæ modo in Universo sunt, conspirare cum antiquis in dogmate de misera impiorum post mortem conditione. Quo pacto illum describant tum novitii Judæi, tum Mahumedani. Sinesium & Japoniorum de eodem opinionationes, omniumque Gentium, quæ Meridionales, ac Septemtrionales incolunt Asiae partes. Hinc ad Africae plagas perlustrandas excurritur: ac demum ad orbem recens detectum: omnesque harum regionum populi, vel magis efferati, aliqua saltem hujus veritatis luce perfusi deprehenduntur.

I. **S**atis jam constare arbitror communem fuisse apud nationes, quæ olim invaluerunt, eorumque celebriores Sapientes, persuasionem, superstites esse post mortem animos, eosque promeritis vel præmio donari, vel plesti supplicio. Reliquum est ut videamus eandem hodieque vigere apud nationes, quæ universum orbem terrarum incolunt: ex quo & quid creditum antea fuerit firmius argumentum sumere liceat, & de universali in ea veritate consensu, certius judicare.

II. Quatuor præcipue sunt, quæ modo obtinent in mundo, hominum Sæctæ: Christianorum videlicet, Judæorum, Mahumedanorum, & eorum, qui communi vocabulo *Idololatæ*, aut *Infideles* nuncupantur. Christiana Religio in tota Europa dominatur, & magna etiam interioris Africae parte, plurimique novi orbis regionibus. In Asia quoque non paucas Provincias sua luce collustrat, licet ferme omnes aliorum imperio subjectas. Mahumedana Sæcta ingentem occupat Asiæ tractum, & littorales etiam plures Africae regiones. Judæi dispersi hinc atque illinc per Europam, & Asiam. Infideles demum & Idololatæ tum in Asia Orientali, Meridionali, ac Septemtrionali, tum in America aut novi orbis regionibus,

magno sane numero, reperiuntur. Christianos, Judæos ac Mahumedanos in dogmate immortalitatis animorum, aliisque vitæ status vel beati, vel miseri consentire, satis exploratum est. Nihilominus haud molestum futurum puto tum recentium Judæorum, tum Mahumedanorum de hac re opiniones, paucis attingere.

III. Novitii itaque Judæi in duas fere abiere sæctiones (a), quarum altera *Maimonæorum*, altera *Noemnodæorum* vocatur. Horum sententia magis consona videtur Christiano dogmati. Ajunt enim homines in supremo Judicii die iterum corpora sumpturos, & ex Summi Judicis decreto vel ad pœnas damnatum iri vel donatum præmiis. Id quoque admittunt Maimonæi, ut ex hoc articulo fidei Judaicæ apud Maimonidem cognoscere licet: *ego credo fide perfectâ, quod Creator, cujus sit nomen benedictum, retribuât bonum illis, qui custodiunt præcepta ejus, & puniat istos, qui transgrediuntur eadem.* Verum varias ponunt stationes animæ a corpore exemptæ: & piæ quidem felicitatem collocant in Dei cognitione & amore: impiæ autem in corporis desiderio, & radiorum divinæ lucis penetrabili fulgore, qui summum ipsi dolorem incutiat. Supplicia hæc docent vel nullo fine terminatum iri, si fue-

(a) Daniel Huetius, de concord. fid. & rat. lib. 2. cap. 29.

si fuerit scelestissima, vel desitura aliquando, si nequitia suæ probitatis aliquid adjunxerit. Porro hanc, sicut etiam piam animam credunt die extremo corpus iterum subituram, quo aliquando tandem relicto, penitusque attrito, ac in pulverem redacto summæ beatitudinis compos fiet in intima, & æterna Dei contemplatione positæ. Ex Leone quoque Mutinensi (a), & ex aliis discimus Judæos nulla hæresis culpa infectos, aliove crimine ex iis, quæ a Rabbis indicantur, purgatorias penas ultra annum non protendi.

IV. Mahumedani, quorum absurda Religio ex Deismo, Judaismo, & Christianismo coalescit, nonnulla habent de alterius vitæ statu nostris non absumilia. Varia loca pro meritorum, graduumque diversitate fidelium & infidelium animas excipere post descessum a corpore Mahumedes docet: sed omnia fabulis immiscet, atque corrumpit. Fidelium gradus in tres dividit classes: prima *Propbetarum* est, quorum Spiritus in Paradisum recta admittuntur: secunda *Martyrum*, quos manere nugarur in vesiculis collarum avium viridum fructibus *Paradisi* vescentium, & de ejusdem fluvio bibentium. De aliorum fidelium, sive credentium spiritibus controversia est inter Mahumedanos, agentibus aliis permanere ipsos in sepulcrorum atriis: quod quidem non ita intelligi volunt, quasi loco isti essent continenter addicti, verum ut inde libere abire possint, quocumque libuerit. Quam sententiam confirmant & dictis, & factis Mahumedis, qui quotiescumque ad sepulcra prodiret, ea salutare solebat nomine *habituaculi populi fidelium*. Alii contendunt ipsos esse in *Bergach* apud Adamum in cælo mundo, ibique manufros usque in diem universalis omnium resurrectionis, quam constanter profitentur: & ejusdem Mahumedis autoritate opinionem suam confirmare conantur.

V. Quoad infideles attinet, putat Mahumedes etiam horum futuram in fine

mundi resurrectionem, ut animæ denuo corporibus unitæ penas scelerum condignas luant, & in Gehennam detrudantur. Hinc in Alcorano *Sura* 14. dicit: *die quo commutabitur terra in terram aliam videndos esse reos vinculis misere confictos*. Et *Sura* 15. docet, infernum esse locum omnium impiorum, cui septem portas assignat, & septem Angelos, qui eas custodiant. Et *Sura* 16. legitur, *malos igne indeficiente cruciandos*. *Sura* demum 17.: *incredulis Gehennam preparatam esse tradit, ignem lectulum, & simile coopertorium*. Cætera quæ in Alcorano referuntur de horrendis Gehennæ tormentis, vide, si lubet, apud Ludovicum Marraccium in insigni suo opere de *refutatione Alcorani*, & apud Hottingerum tom. 1. *Hist. Ecclesiastica*.

VI. Magistri doctrinam quoad principale dogma fideliter sequuntur Mahumedani, licet in aliquibus dissentiant. Algazelus celebris inter Moslemos Sectæ, quam *Somnicam*, seu Orthodoxam prædicant, hunc proponit sexto loco fidei articulum juxta versionem laudati Marraccii: *credendum est etiam in die judicii, in qua dividuntur Creatura in eas, quibuscum benigne agetur: & in eas quæ sine ullo prorsus examine Paradisum ingrediuntur*. Mahumedani Persæ (b) septem Gehennas totidemque Paradisos a Deo creatos censent initio rerum, & octavum deinde additum. At Guebri conditum primum rentur Cælum a Deo, deinde Infernum, ac utrumque variis distinctum esse domiciliis, & ab hominibus pro rerum gestarum meritis incolis, impiosque torqueri quidem a Dæmonibus, at aliquando infelici ergastulo solvendo, & ad Dei conspectum admittendo.

VII. Sed fusiore de his tractatione prætermittam, ad aliarum gentium, ac nationum consensum explorandum accedamus. Prima quæ se nobis offert in Orientali Asiæ parte est celebratissima Sinarum gens. Hanc, si nonnullos excipias ex ea præsertim Secta, quam *Litæratorem* vocant, universim animorum im-

(b) Part. 5. cap. 10. Judaicæ, Cæmon.

(b) ex Huetio loc. cit.

immortalitatem nosse, nec ullatenus dubitare, quin post mortem probi recipiantur in cælum, improbi vero in obscuris carceribus acerbissime crucientur, tradunt Historici fide dignissimi Joannes Gonzales (a), Petrus Maffejus (b), & Nicolaus Trigautius (c). Ex quibus Gonzales hæc ferme habet: *Asunt, ac tamquam certum affirmant animas a cælo originem trahere, nec unquam finem habituras, cum ab eo acceperint ut æternum vivant. Quæ vero juxta legum præscripta vixerint, nec mali quid fecerint, aut damnum proximo irrogaverint, hæc ducentur in cælos, atque fient Angeli, ubi in deliciis, & voluptatibus æterno ævo fruuntur: e contrario, qui turpiter vitam egerint, ad caliginosos carceres deputabuntur, ubi acerbè cum demonibus torquebuntur.* Trigautius autem loquens de Secta eorum, quam Sciequiam appellant, scribit: *probis in cælo præmia, improbis apud inferos pœnas assignare, quamvis similitudinem quamdam habuerint stultæ illorum opinionis, qui animas post certum annorum curriculum in mortalem vitam restituendas putant.* Persuasionem etiam de futuræ vitæ poenis penes eos obtinentem præbent horrendæ inferorum picturæ, siue delineationes, quæ in multis Sinarum locis videntur: ex quibus idem Trigautius quamdam supra modum horribilem in aula primaria cujusdam Optimatis a se conspectam describit, quam videlis apud ipsum. Sinenfium placitis adherent etiam Tunquineses, & Cocinchenfes a vastissimo illo imperio jam pridem sejuncti.

VIII. De Japonienfibus insigne habemus in primis testimonium in Epistola a S. Francisco Xaverio scripta (d): cujus hæc sunt verba: *iidem (nempe Japonienfium Bonzii) ad populum quindécimo quoque die verba faciunt, & inter dicendum gravissimas inferorum pœnas, cruchatusque depictos in tabula Auditoribus proferunt: cujus acerbitate spectaculi usque adejulus & lacrymas fœminæ præ-*

cipue, commoventur. His consonant, quæ scribit Rogerus Anglus (e) dicens *Japonienfes tormentum ignis, quo cruciantur impii, crudelissime depingere, quo homines sibi ab illo caveant.* Qui harum gentium Religionem accuratius describere (f), observant tres sectas florere inter ipsas, antiquam scilicet, quæ *Sintos* dicitur, cujus dogma est animas piorum separatas a corpore in locum beatum supra trigésimum tertium cælum secedere: malas vero & sceleratas oberrare tandiu statuit, donec crimina expiaverint. Secta altera, quæ *Budidoistarum* vocatur, agnoscit Amidam tamquam supremum sedium beatarum Numen, Patronumque ac mediatorem animarum maxime separatarum, hujusque auxilio consequi se posse autumant æternæ vitæ felicitatem, & immunitatem ab omni miseria. Tertia demum Secta, quæ *Sindovistarum* est, quamvis Amidam non colat, doctrinam tamen ejus quoad alterum vitæ statum non inficiatur, ut colligitur ex cæremoniis, quas religiose observant circa defunctos, & ex iis, quæ de iisdem fabulantur. Fateri tamen necessum est, quemadmodum inter Sinenfes, sic inter Japonios esse plures Atheos, ex nobilioribus præsertim, qui nihil de futura vita cogitant, eundemque esse putant corporum, & animorum interitum: ut advertunt laudatus S. Franciscus Xaverius in eadem Epistola, Petrus Maffejus, Crassetus, & alii.

IX. Ex his in Indiam descendentes sententiam de animæ immortalitate vigere in amplis illis regionibus, omnium Historicorum, & Peregrinantium fide certò novimus. At vero non eadem perhibent omnes de statu, & conditione, quam animabus e corpore egressis Indi tribuant: quæ discrepantia ex variis facile oritur, diversisque illarum gentium opinamenti. Ugo Linschostanus (g) refert Indos credere animam esse

(a) in Hist. Chinensi lib. 2. cap. 6. (b) lib. 2. Hist. Ind. (c) lib. 1. exp. Sinen. (d) apud Emanuel. Acolam lib. 2. Epist. (e) apud Classenium Tom. 8. collect. Gronov. (f) Jo: Gaspar. Scheuzerus, Emanuel A. ossa apud Bruckerum, Crassetus, &c. (g) 1. part. cap. 38. apud Classenium.

esse immortalem, sed ita ut ex uno corpore in aliud transmigret, nec esse differentiam, siue in brutum, siue in humanum corpus inuolet, prout quisque vel bene vel male egerit.

X. Dominus de Mandeslo in *Histor. Indica* (a), profitentur, inquit, Indi *Pythagoræ doctrinam*. Et quidem credunt animam hominis immortalem esse: attamen antequam ad alium pertingat mundum, ter aut quater teneri in alia corpora tum hominum tum bestiarum migrare.

XI. Daniel Huetius (b) ea, quæ de Bracmanibus Indorum Magistris collegit ex Sachino, Maffeo, aliisque, ita fere proponit: Recentiores Bracmanes (qui veteribus in India successere) varia assuerunt doctrinæ, quam a suis maioribus acceperant. Persuasum habent animas ex vitiorum, virtutumque modo in alia corpora migrare, aliquas etiam fieri Dæmones, & per orbem vagari: quasdam extramundum cruciari ad præfinitum tempus, antequam alia subeant corpora: nonnullas etiam ad sempiterna supplicia illic damnatas asseruari. Locum hunc *Puteum obscurum* appellant, uti Iudei *Novitii Puteum perditionis*, & S. Joannes *Puteum Abyssis*. Similiter aliquas Sanctorum animas summa & æterna felicitate perfrui putant.

XII. In his quoque finitimisque regionibus omnium Historicorum consensu, passim ingenti plausu probatur doctrina ejuſdem antiquissimi, ac celeberrimi Philosophi, nomine *Buda*, siue *Xekia*, vel apud Japonienſes, *Sinenſes*, & alios *Xaka*, vel *Siaka*. Hujus dogmata ex iis, quæ tradunt *Le Comte*, *Laloubere*, *Bernierius*, alique (c) hæc sunt ad rem nostram.

1. *Dari boni, & mali discrimen.*

2. *Animas hominum & brutorum esse immortales, ejusdemque substantiæ, & tantum ratione subjectorum, quibus insunt, differre.*

3. *Animas hominum a corporibus mor-*

te separatas vel præmia accipere vitæ bene actæ in sede felicitatis, vel pœnas experiri in loco miseriarum.

4. *Locum Beatorum esse sedem eternarum voluptatum, ideoque vocari Gokuraks, quæ vox Japonica est: a Siamensibus vocatur Nireupan.*

5. *Differre & Deos natura sua, & animas hominum meritis actionum suarum, ideoque gradus quoque beatitatis in illis differre secundum gradus meritum cuiuslibet: ita tamen minimum quoque hujus felicitatis gradum abundare gaudio, & jucunditate, ut meliorem possessores non optent.*

6. *Amidam supremum esse in his regionibus beatis Præfectum.*

7. *Hujus felicitatis Amidæ beneficio compotes fieri, qui legi a Xekbia latæ obediunt.*

8. *Homines omnes & seculares, & Ecclesiasticos vitæ iniquitate, & actionum peruersitate indignos factos vitæ beatæ, missum iri post mortem in locum miseriæ Djigokf, ubi in carcere tormentorum cruciatus patientur, non tamen æternos, sed ad certum tempus, licet indeterminatum. Habere autem hæc supplicia gradus quoque suos pro criminum conditione, & occasione virtutis exercendæ neglectæ.*

9. *Præsidentem Carceris squallidi & miseri, Judicemque esse Jemma O, qui actiones omnes hominum examinet, & in speculo cognitionis exploret.*

10. *Expiatis hoc modo animabus, remitti eas ex sententia Præsidis infernalis in Mundum, ut iterum corpora animant, at non humana, sed animalium immundorum, quorum natura cum vitis illis conspiret, quibus in mundo insectæ erant.*

11. *Fieri autem deinde migrationem animarum ex corporibus visioribus in meliora, & nobiliora gradatim, donec mereatur anima corpus iterum humanum ingredi, in quo vitam agens virtuti consentaneam, futura felicitate digna possit evadere. Sin iterum sceleribus lites, priorem fatalem penarum periodum alteramque migrationem subeat.*

XIII. Generali hac præmissa notitia,
M per-

(a) lib. 1.º cap. 37. (b) loc. sup. cit. Iosoph. exotica.

(c) vide *zuckerum Ton.* 5 lib. 3. de Phi-

percurramus peculiare aliquas nationes per vastissimum illum terrarum tractum dispersas. Malabarum fides, quo nomine eas omnes gentes comprehendimus, quæ per imperium Mogulieum, sive Indoitanum, Bengalam, Ceylanum, aliasque regiones extenduntur, tribus hisce articulis continetur (a): Primus: *post mortem potest homo per transmigrationem non modo brutum, sed & creatura inanimata, immo Diabolus evadere.* Alter est: *felicitas animæ post mortem partim in aliis mundis, partim in celo querenda est.* Tertius demum: *peccata post hanc vitam in inferno puniuntur: in cuius tenebris tamen cruciatus nonnisi paucorum aeternum durat.*

XIV. Peguenses, & Avenfes, juxta relationem D. Davithi in Asia (b) universalem hominum resurrectionem agnoscunt, triaque loca fatentur animabus assignata post mortem. Primum vocant *Sæum*, locum Paradiso Mahumedanorum affine: Secundum *Nazac*, sive locum tormenti: postremum *Nibam*, quæ vox totalem significat essendi privationem, corporisque & animæ interitum. Docent itaque animas promeritorum conditione diutino tempore detineri in *Sæum* & *Nazac*, unde sæpe in hunc mundum adveniunt, donec transferantur in *Nibam*, sive in nihilum reducantur. Author idem de Incolis regni *Bisnagar* perhibet docere eos animæ immortalitatem, & præmium bonorum, malorumque punishmentem in alia vita.

XV. Siameses (c) Cælestem beatitudinem, & ignes Tartareos in dogmatibus habent: at his finem præscribunt. Locum utrumque felicitatis, ac supplicii partiuntur in varias domos: cruciatuum ministros esse Dæmones credunt in infernis locis: utrinque demitti in alia corpora post certum tempus, & ex rerum gestarum meritis singulis sortem, suas sedes assignari. Harum gentium opinionem ita refert Salmonus (d): eos nempe credere animas, postquam plu-

ra corpora ingressæ fuerint, tandem ad alium mundum deduci, ubi juxta operum rationem præmiis, vel pœnis afficiantur æternis: & probis quidem locum supra sidera, malis autem intra terræ viscera constituitur. Idem Author de populis *Achem*, sive *Assomitis* narrat aliam eos vitam agnoscere, ubi deliciis omnibus perfruantur, qui recte vixerint: qui autem male, miseriis omnibus obnoxii futuri sint.

XVI. De Indis, qui Insulam Goam, vicinasque partes inhabitant, hæc scribit Jo: Ugo Lintboistanus (e): *maxima pars Solem, & Lunam adorant: credunt tamen pariter omnes in unum Deum Creatorem & moderatorem Universi: credunt etiam post hanc, vitam æternam, in qua unusquisque prout bona, vel mala operatus est, mercedem accepturus sit.*

XVII. In amplo *Narsinga* regno hæc de animabus vita functorum probatur opinio (f): eas nimirum vel ad gloriam, vel ad pœnam percipiendam deferri: bonorum præmia æterna esse: at malorum tormenta temporaria. Putant enim omnium animas pœnis purgari, ac defæcari. At idem sentiunt, qui regionem *Daquen* colunt (g), addentes locum improborum sub terra delitescere, ac ubi animæ congruo tempore in eo cruciatu fuerint, rursus in alia corpora restitui.

XVIII. Populi Langiani juxta relationes P. Marini (h), nolunt quidem de inferno audire sermonem, non quia tamen ipsum negent, sed ne pœnarum metu nimium perturbetur ipsorum cogitatio, minuaturque ea voluptas, quam percipiunt ex promissionibus sibi factis de meliore quadam vita. Qui *Xacz*, & *Talapinorum* doctrinam confitentur, credunt malorum animas nullum post mortem invenire locum, nisi in inferno, ubi culpas in hoc sæculo commissas eluere tenentur gravioribus, levioribusque tormentis juxta criminum numerum, & qualitatem.

XIX.

(a) apud Brukerum loco cit. (b) apud Joverthum de Relig. &c. (c) ex Huertio loco cit. (d) Tom. 2. (e) par. 2. Indis Orient. cap. 35. (f) Ferrand. Lopex par. 1. Indis Orient. cap. 15. (g) idem cap. 15. (h) apud Joverthum de Relig.

XIX. Demum ne aliorum Indorum placita his, quæ relata sunt, non ablimilia persequamur, Formosenses ex Domini Maigroti testimonio animas per pontem in alium orbem traduci comminiscuntur: plas illum prætergredi, & abire in amenissima loca: noxia vero a ponte in subjectum amnem foribus fluentem decidere, atque illinc perpetuo volitari.

XX. Post Indiarum populos celebris est in Septentrionali Asia parte Tartarorum gens & imperium, quo nomine plerumque veniunt omnes illæ nationes, quæ intra & extra Caucasum montem ad Sinas usque protenduntur. De his hæc ex aliis ediderit Brukerus (a): occupavisse olim haud exiguum Tartariz magnæ partem Christianam Religionem secundum Nestorii placita traditam, eam autem omnem fere excisam hodie esse, eleganti commentario explicuit Jo: Laurentius Mosheimius in Historia Ecclesiæ Tartar. Hodie Religionem Tartarorum, aut Mahumedis legem sequi, aut cultum Idolorum, in confesso est. Ille in vicinioribus Turcarum regionibus; maxime in magna Bucharia, vivunt: hi majorem Tartariz partem occupant. Et horum quidem Religio nondum hodie ita explorata est, ut de ea certi quid statui, ejusque originem satis probabilis conjectura definiri queant, nisi quod superstitionibus esse deditos, plebemque innumera Idola colere, velut legatos Dei, uno summo Deo admirationi magis, quam venerationi exposito, dubitandum eo minus sit, quo minus in eo peregrinantium relationes dissentiant. Habet autem cultus Idolatricus fundamentum partim in eo, quod Idola esse imagines divinarum emanationum, sive irradiationum contendunt, partim quod animarum transmigrationem amplectuntur: hincque divinas animas, quæ ex Deo profluxerunt, inhabitare idola credunt.

Ita vero Metempsychosi, quæ totam Asiam, & Africam pervagata est, addicti sunt, ut non modo in homines, sed in bruta quoque descendere animas statuant.

XXI. Alii Scriptores ulterius de eadem Tartarorum gente affirmant, credere ipsam in mundo quodam alio, quem tamen descibere non possunt, se post hanc vitam æternum victuros, & meritorem suorum condigna præmia percepturos (b). Ex nuperrimis quoque Missionariorum relationibus discimus, gentes, quæ vastum Thibeti regnum incolunt, tum infernum, tum Paradisum profiteri, & in priorem quidem malos descendere certa quadam necessitatis lege; ad posteriorem vero ascendere illos, qui bene vixerint, ut operum suorum fructum recipiant.

XXII. Superfunt adhuc etiam in regionibus Persidi finitimis reliquæ quedam veterum Persarum, *Gauri* nuncupati. Libros hi servant religiosa cura frequentibus figuris conspersos, quæ poenas representant pro peccatis in inferno persolvendas, easque præsertim, quæ peccato debentur, quod *nefandum* dicitur, quodque ipsi summopere abominantur. Putant tamen in fine mundi omnium poenas terminum habituras, Deumque delicta quævis misericorditer condonaturum.

XXIII. Sed jam ex Asia in Africam transfremus. Præter Christianos, & Mahumedanos, qui majorem amplæ hujus regionis partem occupant, sunt ibi nationes aliquæ, de quibus olim a pluribus dubitatum est, an future animarum sortis luce aliqua perfunderentur: immo nonnulli eam aperte ipsis denegarunt: eæque præcipue sunt quæ circa *Caput bonæ spei* per ingentes terrarum tractus diffunduntur, & *Casri*, sive etiam *Hotentoti* populi vocari solent. Sed dubitationem tandem omnem sustulere, qui ætate nostra in eorum ritus, ac mores diligentius inquisiverunt:

M 2 ex

(a) loco supra cit.
omnium gentium.

(b) vide Jo: Boemum in lib. cui titulus: *Mors, leges, & ritus*

ex quibus D. Kolhe Batavus, qui plures annos in iis regionibus commoratus est, summaque cura ipforum secretiora penetratâ scrutatus, fidem facit, testaturque (a) ipsos præter Deum etiam animæ immortalitatem credere: quamquam naturali quadam incogitantia, & negligentia, sicut de crastino non cogitant quoad res temporales, victum, vestitumque pertinentes, ita neque de futura post hanc vitam operum retributione: unde plures perperam suspicati sunt nullam ipsos habere de huiusmodi dogmate notitiam. Et certe aliquos colunt jam vita functos, eorumque patrociniū implorant, quos cum laude vixisse existimant, ac peculiaris virtutum, ac beneficentiz opera præstitisse, dum mortalem hanc lucem hauriebant. Quare, ut Author idem observat, audiendi non sunt, qui nixi minus sinceris, & accuratis aliquorum narrationibus, eos populos tamquam Atheos indubie affirmarunt.

XXIV. Idem etiam constat de Quinez gentibus ex relatione Gothardi Arthusdantiani par. 6. Ind. Orient. cap. 21. (b)., Batavi, inquit, cum ipsis conversantes, & eos de Religione sua interrogantes, quid nimirum sentirent de statu animarum post mortem, & iudicio, & vita æterna, respondabant se extremum iudicii diem prorsus ignorare, sed vita semel functos in alium mundum migrare, at quo modo, vel quo, affirmabant se nescire, dicentes tamen aliam esse rationem hominum, & aliam pecorum: sed qualis esset eorum conditio post mortem, plane ignorabant, nescientes an locus ille supra, vel infra terram sit. Solere tamen se partem aliquam supellectilis assignare defunctis, ut ut quocumque tandem venirent, haberent necessaria ad usus quotidiana. De incolis Regni Benin in eadem Quinea Jovethus (c) tradit tenere ipsos animas immortales, easque ad

Solem pergere post discessum a corpore.

XXV. Explicatio est notitia, quam habent habitatores magnæ Insulæ S. Laurentii, sive Madagascar appellatæ. Juxta enim recentes memorias, eorum maxime, qui Religionis Christianæ propagandæ causâ hanc insulam peragraverunt, agnoscunt unum Deum cæli, terræque creatorem, qui omnibus juxta merita retributurus est in altera vita, & bonos quidem præmio, malos vero debita pœna affecturus. Atque horum doctrinæ adherent etiam populi Insulæ, quam *Borboniam* nominant.

XXVI. Perlustrato veteri terrarum orbe, reliquum tandem est, ut novum, sive recens detectum adeamus, ejusque etiam gentes alioquin, siquæ aliæ, barbaras, & efferas, veritatis, qua de agimus, notitia astrictas ostendamus. Celebriores sunt in eo tractu populi Mexicani & Peruviani. De Mexicanis certam fidem faciunt Josephus Acofta, Jovethus, & alii, eos antequam Hispani ad illas regiones appellerent, animæ immortalitatem tenuisse, aliamque vitam bonis quidem meliorem, malis vero longe deteriorem. De Peruanis quoque idem præter Acoftam tradit Petrus de Cieca unus ex primis, qui in Americam Meridionalem ingressus est, & eas regiones per plures annos lustravit, probatque integro capite 63. operis sui (d) eas gentes, ac finitimas credidisse animas non mori cum corpore, sed esse superstites: & observat hunc inter eas barbarum morem invaluisse, quod in sepulcra, locaque contermina ea inferebant omnia, quæ defuncto in altera vita commodo futura putabant, aurum scilicet, vestes, cibos, servos quoque, & sceminas, quibus uteretur. Augustinus item Zaratus præter hæc, putat ipsam corporum resurrectionem eos omnino non latuisse (e). Enix enim petebant ab exteris, qui ipforum regiones invaserant, ne propter auri conquirendi famem, humatorum ossa dissiparent, quo videlicet

(a) in descriptione harum regionum. (b) apud Anton. Rusc. (c) de Relig. par. 2. (d) Chronici Regni Peruviani. (e) lib. 1. cap. 12. Histor. Peru. apud Rusc.

licet illi ocyus, & minore negotio tandem resurgerent. Immo vel ipsi Carai-
be, qui in Meridionali Americæ parte
degunt, tum immortalitatis animæ, tum
præmii vel pœnæ securæ cognitione
penitus destituti non sunt, quamquam
admodum confusa, fabulisque permixta.
De Carai-
bis pariter, qui commorantur
in Antillis, referunt Dominus de Roche-
fort in sua Historia, & Dominus de Tetre
in Historia Insularum Antillarum (a)
agnoscere ipsos supremum aliquem Deum
infinite bonum, nemini noxium, timere
spiritus malignos, quos Mahogas vocant,
ac credere animam primariam, quæ juxta
ipsos in corde residet, non interire cum
corpore, sed evolare in cælum.

XXVII. Piaculare plane fuerit hoc
loco præteriri orationem, quam Petrus
Martyr Mediolanensis in Oceanicis decal.
1. lib. 3. (b) habitam refert ad Hispa-
num Præfectum ab homine Americano,
nudo quidem, sed gravi, magnæque au-
thoritatis. His autem verbis ea con-
cepta est. Terras omnes istas hæcenus
tibi ignotas, manu potenti te percurrisse
renunciatum nobis fuit, populisque incolis
metum non mediocrem intulisse. Quare te
hortor, moneoque itinera duo, cum e cor-
pore prosiliunt, animas habere scias: te-
nebrosum unum ac tetrum his paratum, qui
generi humano molesti, ac insensi sunt:
jucundum aliud & delectabile istis statu-
tum, qui pacem & quietem gentium virven-
tes amarunt. Si igitur te mortalem esse,
& unicuique pro præsentibus operibus fu-
tura merita obsignata memineris neminem
insestabis.

XXVIII. Quænam sit Brasiliensium
de altera vita opinatio, plures jam me-
moræ prodidere, eos nimirum putare
malorum animas potestati Dæmonum
tradi, qui eas excruciant, bonorum verò
in conviviis & choreis ultra quosdam
montes felicem vitam transigere. Præ cæ-
teris clare, distincteque eorum senten-
tiam proponit Joannes Lecrius part. 3.
Americæ Navig. Brasil. cap. 16. (c)

inquiens: parum absunt quin brutorum
instar vivant, nec ulla gens est in toto
terrarum orbe, quæ sit a Religione magis
aliena. Verum Deum ignorant. Nullos
quoque Deos falsos, sive celestes, sive ter-
restres agnoscunt. Quis inde non suspi-
cetur ipsos nec agnoscere alterius vitæ
statum? Sed audieundem authorem ita
prosequentem. Attamen, ut exponam
quantulum lucis inter densissimas tenebras,
quibus obcecantur, perspexerim, affirmo
eos non modo immortalitatem animæ cre-
dere, sed pro certo quoque habere post mor-
tem eorum animas, qui virtutem coluerint
(virtutem autem illi definiunt suo more
&c.) post altissimos montes evolantes,
Patrum, & Avorum suorum animis ag-
gregari, ibique in amœnissimis hortis, per-
petuis deliciis, ac tripudiis perpetuum ævum
agere. Ignavorum contra manes, qui sine
ulla propagande gloriæ cura inglorie vixe-
runt, abripi ab Aygain (sic illi cacodemus
nem vocant) & cum eo sempiternos inter
cruciatu vivere. De populis aliis hifce
finitimis in magna Provincia Paraquica
nuperrime detectis, quos Manacias appel-
lant, hanc referunt esse quoad defuncto-
rum animas opinationem (d). Postquam
anima e corpore egressa est ad cælum de-
fertur ab ipso Mapono, seu Sacerdote.
Sed antequam illuc perveniat, pertransire
debet densissima nemora, prærupta mon-
tium juga, lacus, paludes, quousque per-
tingat magnum quemdam pontem, cui
Numen præest nomine Tatusius. Istud ad-
ventantes animas interdum sifit purga-
tionis ergo: & si purgationi quidem li-
benter consenserint, liberæ subinde di-
mittit. Si vero reluctentur, in flumen
proicit, unde non amplius emergunt.

XXIX. Sed prolixum iter tandem ab-
solvamus, eademque luce non carere
gentes, quæ Septentrionalem Americæ
partem colunt, palam faciamus. Com-
prehenduntur hoc numero præcipue
tum Canadenses, qui Hurones etiam ap-
pellantur, tum qui in Florida & Virgi-
nia commorantur, aliisque contiguis re-
gio-

(a) apud Thomam Moniglia in Disert. Cont. Fatalistas.
(b) apud Classenium Tom. 8. Gronov. (c) apud Rusci.
(d) Lettres edificantes, & curieuses Tom. 25. Lett. 2.

Gionibus. Nonnulli quidem suspicati sunt olim huiusmodi gentes in tam profunda ignorantie nocte versari, ut nulla neque Dei, neque futurę hominum sortis notitia illustrarentur. Sed plures remelius consultā, moribusque earum, & opinionibus penitus exploratis, & inspectis, omnem suspensionem depulere. Refert in primis Dominus Lahontan (a) se dialogum habuisse cum quodam ex Huronibus, ex eoque demum collegisse hæc apud ipsos obtinere dogmata. Primo nempe: *Esse aliquem conditorem Mundi*: 2. *Dari immortalitatem animæ*: 3. *Magnum Deum dedisse hominibus rationem, qua iudicandi, discernendique inter bonum & malum capax sit*: 4. *tandem animas post mortem abire in certam quamdam regionem*, quo utique referat juxta opera præmium, aut poenam.

XXX. In litteris quoque scriptis ex nova Aurelia a P. Petit S. J. (b) legimus eos populos immortalitatem animæ credere, ratumque habere omnes, qui proprias leges exacte custodierint, perreclusos post obitum ad regionem delicias, & voluptatibus affluentem: qui vero easdem transgressi fuerint, projiciendos super terras graveolentibus aquis conspersas, ubi ferocium bestiarum moribus exponantur, carnis serpentum, & putridorum piscium alantur, bellisque ac rixis perpetuis exagitantur.

XXXI. Accedit in confirmationem quod novissime disseruit P. Lafitau in egregio suo opere *de moribus silvestrium Americanorum Septentrionalium* (c). In eo quippe instituta comparatione morum illarum gentium cum moribus vetustæ ætatis hominum, de quibus in sacris præsertim litteris mentio fit, pluribus evincit magnam inter utroque dogmatum, vivendique rationis intercedere similitudinem, & quoad rem nostram attinet, ostendit silvestres & incultas illas nationes circa Dei, vitæque futuræ notitiam nullatenus defuisse a Priorum notionibus, sed eas,

saltem quoad substantiam, incorruptas retinuisse, locumque post mortem admittere, quem *animarum regionem* appellitant, in quo & boni præmium, & mali supplicium percipiant.

XXXII. Eadem persuasione perhibent alii imbutos esse populos Floridę, qui Christianam fidem nondum receperunt. De Virginienfibus etiam testatur Thomas Avioth Anglus credere ipsos vita functos homines, vel felicitate potiri cum Diis, vel in immane barathrum versus Occidentem in perpetuos ignes deturbari. En verba Anonymi alterius Authoris, qui de commodis Incolarum Virginie scripsit (d), „ Animæ, inquit, immortalitatem etiam credunt, „ eam statim atque a corpore soluta „ est, transferri secundum opera, quæ „ fecit, vel ad Deorum sedes ad perpetua felicitate fruendum, vel ad ingentem fossam, seu scroberem (quam in extremis mundi finibus procul ab „ ipsis versus Occidentem esse censent) ad perpetuum ignem. Eum locum ipsi „ POPOGUSSO appellant. „ Proferre subinde vulgata duo apud ipsos exempla, quibus id, quod sentiunt, confirmare solent, quæ licet fabularum loco habenda sint, eorum tamen de alia vita persuasionem manifestam faciunt. Ita nempe refert eos enarrare solitos: „ fecerant vir, cum a morte sepultus fuisset, postredie tellus, in qua sepultus „ fuerat, moveri cepit. Terra erutus „ indicavit animam pene in POPOGUSSO coniectam, nisi Deorum quispianam eam liberasset, atque concessisset, „ ut ad suos rediret, declaratura, quæ agenda essent, ne in barathrum illud conjiceretur. Contra vero alter sepulture traditus, terraque erutus, sicut prior, affirmabat animam suam vivere, licet corpus sepulcrum in scrober jaceret: illum iter fecisse procul admodum per viam longam & latam, „ utrinque elegantissimis arboribus consitam, adeo raros, & excellentes fructus

(a) apud Brucherum. (b) Lettres edificantes &c.

(c) Hujus operis copiosa excerpta habes Tom. 31. &c. *Diar. Litterarum Edit. Ven.*

(d) p. 3. lib. 1. apud Ant. Ruit.

„ Etus ferentibus, ut similes antea neque
 „ conspexisset, nec exprimere, quales
 „ essent, posset: tandem ad splendoras
 „ aedes pervenisse, apud quas Patrem
 „ suum reperisset antea defunctum, qui
 „ illi expresse praecepit, ut rediret, &
 „ amicis significaret, quae bona ipsis es-
 „ sent agenda, ut ejus loci deliciis
 „ frui possent: quo peracto, denuo ad
 „ se reverteretur. Haec tamquam in-
 „ dubitata affirmant. Sic ille.

XXXIII. Non me quidem latet non-
 malos esse Scriptores, quos inter Bay-
 lius & Fabricius, qui narratione quo-
 rundam itinerantium innixi conten-
 dunt aliquas esse nationes aut gentes pla-
 ne atheas, quae nullam Dei cognitionem
 habent aut immortalitatis animorum.
 Sed quam sublesta sit itinerantium fides
 & auctoritas, jam plures ostenderunt,
 ex quibus placet hic animadvertere,
 quae Richardus Blakthorius de plerisque
 itinerum scriptoribus graviter pruden-
 terque pronunciat, (a) eos nempe ad
 veritatem asserendam non esse testes i-
 doneos. Namque ad litora terrarum nave
 adveksi populos plane peregrinos offen-
 dunt, qui aut ipsi fugiunt, aut fugiun-
 tur, caeremonias infuertas oculis forte u-
 surpant: quas vero non nisi aenigmatum
 instar pro lubitu explicare possunt, nul-
 las esse affirmant, atque adeo nec ullam
 esse apud ipsos religionem. At vero quo-
 modo iidem mores & placita gentium
 barbararum explicabunt aut intelligent,
 ad quarum instituta non admittuntur,
 quarumque linguam neutiquam callent?

Suomet exemplo Blakthorius contra-
 rium docet, qui inter Floridae incolae
 per decennium integrum versatus, id de-
 mum penes eos offendit, quod primis
 annis minime putaverat. Floridam enim
 ab Atheis habitari communis opinio fue-
 rat: ipseque Blakthorius incolae nulli
 cultui exteriori deditos, idolisque ac tem-
 plis omnibus destitutos vidit. Sed eorum
 moribus penitus inspectis tandem natu-
 rali quadam religione imbutos cognovit,
 & quidem, ut ait ille, longe puriore,
 quam quae Socratis & Platonis fuerat.
 Atque ex hoc exemplo colligit Blaktho-
 rius idem plane incerta esse quae de Hor-
 tentotis itinerum scriptores referunt:
 nam cum haec gens lingua articulata de-
 stituatur, unde nam constare ipsis pote-
 rit, an ita sint quales videantur? Nemo
 saltem majori veritatis specie iis omnem
 religionis naturalis sensum denegaverit,
 quam asseruerit: imo non desunt, qui
 cum annis pluribus conversati cum ipsis
 fuerint, plura repererunt inditia tum co-
 gnitionis Dei, tum vitae future. Atque
 idem dicendum videtur de aliis natio-
 nibus, quae Abbe a nonnullis credun-
 tur. Dominus Stillingletus Anglus ad
 examen vocat hujusmodi omnes natio-
 nes, ostenditque perperam a quibusdam
 Abbeas existimari (b): quod probat
 tum de populis insulae Cuba & Hispani-
 olae, tum de Caraibis, tum de Ame-
 ricanis Septentrionalibus Virginiae &c.
 tum etiam de habitantibus Brasiliam,
 de Diagritis, de Guaranis, de Calca-
 quinis, aliisque.

(a) Essai de la Providence &c. let. 7.

(b) in orig. fac. pars. 2. cap. 1., in collectione Boyliana tom. v. pag. 81. &c.

CAPUT . XIII.

Decretorium pro alterius vitæ status existentia ex omnium gentium consensione depromptum argumentum concluditur. Hujusmodi consensus nonnisi ab interiore naturæ vi procedere potest. Quam falso a quibusdam humane Politicæ, aut inventioni tribuatur. Argumenti robur nullatenus enervat aliquorum dissensus. Naturæ vox nunquam fallax est, aut errori obnoxia. Atque adeo propositum de futura impiorum sorte dogma tali nixum testimonio verum esse necesse est.

I. **J**Am vero constituta omnium gentium tum veterum, tum recentiorum in dogmate de animi immortalitate, ejusque futuro vel felici statu vel misero firma consensione, ad duas alias, quas antea posui, propositiones demonstrandas accedo, ut argumenti, quod ab eo consensu deducitur, summa vis & efficacia constet. Harum altera erat, universalem hujusmodi in illo dogmate consensum non ab alio principio proficisci posse, quam ab interiore quadam naturæ vi, aut testimonio, altera vero eandem naturæ vocem, aut testimonium fallax esse non posse, vel errori obnoxium: adeoque necessaria plane consecutione admittendum esse alterius vitæ statum, in quo & probi præmio donentur, & improbi dignis suppliciis pleantur.

II. Quoad primam igitur ex his propositionem spectat, ea validissimo hoc, & cuivis obvio argumento probatur, quod nempe de rebus cæteris quibuscumque ita omnes judicare solemus, eas naturales esse, sive Naturæ effectus, quas ubique & semper continenti serie sequi conspiciamus, neque firmiter aliud argumentum ad id afferri posse arbitramur. Sic naturales dicimus calor, motus, & circuitus, gravium corporum descensum, arborum germina ac fructus, totque alia, quæ quotidie nostris oculis obversantur: quia constanti lege ea fieri videmus: quæ siquidem a casu vel ab arte pendunt, perpetuo mutantur, solaque sunt immobilitate constantia. Pari ratione naturalem appellamus boni, ve-

rique appetitum, mali fugam, vitæ amorem, aliasque plurimas sive prænotiones, sive affectiones, quæ tum in nobis, tum etiam in brutis animantibus constanter se produnt. Cur igitur eadem de causâ naturalis, sive a Natura profecta dicenda non erit generalis, atque perpetua hominum persuasio de animæ immortalitate, ejusque futuro statu vel beato, vel misero juxta uniuscujusque merita?

III. Præterea, nemo nescit, quam diversa sint hominum studia, quam varii gentium ritus, mores ac leges, quam immane inter se dissideant finitimæ ipsæ nationes in iis, quæ nedum Politiam, sed etiam Religionem spectant: quam frequentes denique in rebus omnibus, quæ ab humano pendent arbitrio aut opinione vicissitudines. Si igitur gentes omnes in hoc dogmate de futura impiorum vindicta semper convenisse deprehenduntur, ad aliud principium opinione altius, ac firmiter confugere opus est, ad ipsam scilicet naturam. Quomodo enim tot nationes tum cultiores, tum barbaræ, nullo inter se societate, vel commercio coherentes, ac plurimis sæculis, maximisque locorum intervallis sequestratæ, & in cæteris omnibus longe discrepantes, in una sententia consensissent, nisi in hanc veluti conspirationem naturali quodam impulsu agerentur? *Qui de hoc dubitat, ut Tullii verbis utar (a), haud sane intelligo, cur non idem Sol sit, an nullus sit, dubitare possit. Quid enim est hoc illo evidenti?* Quod nisi

co-

cognitum, comprehensumque animis habemus, non tam stabilis opinio permaneret, nec confirmaretur diuturnitate temporis, nec una cum seculis ætatisque hominum inveterare potuisset. Etenim videmus ceteras opiniones fictas atque vanas diuturnitate extabuisse . . . Opinionum enim commenta delet dies: NATURÆ JUDICIA CONFIRMAT.

IV. Accedit, quod hæc veritas sensuum testimonio non innitur, nihilque est in rebus mundi aspectabilibus, quod vel ejus ideam ingerat, vel ei formandæ præbeat occasionem. Immo, ut sapienter adnotat Lactantius Firmianus, si solam sensuum hac in re representationem sequamur, ex ea potius ad animorum interitum, quam ad immortalitatem percipiendam inducimur. Quotidie enim mori homines conspiciamus, nihilque superesse post obitum, præter ossa & pulverem. Qui ergo fieri posset, ut nedum sapientes, sed etiam idiotæ ac rudes, qui subtiliores de spiritali animi natura quæstiones, deque divinis attributis, ex quibus etiam ejusdem immortalitatem colligimus, penitus ignorant, ac inepti sunt ad eas intelligendas, iique non pauci, sed innumerales, immo omnes, aut fere omnes, tam firma, stabilique persuasionem rem crederent eorum sensibus minime subiectam, nisi intimum quoddam esset in ipsorum ratione, sive conscientia testimonium, quod in eam fidem impelleret?

V. Aliud etiam accedit observatione dignissimum, hujusmodi veritatem nedum sensuum representationem excedere, sed nec ex earum numero esse, quæ genio hominum inserviant, aut ipsorum cupiditatibus, & appetitionibus adblandiantur. Quin potius nihil ea molestius, nihil acerbius, nihil quod majorem curam inferat, ac sollicitudinem. Quid enim magis refrænât atque coercet vendi licentiam, quam unice deperit de-

pravata mortalium conditio? Quod vehementius exagitat animos pravis affectibus plerumque mancipatos, quam cogitatio supremi cuiusdam Judicis, qui de omnibus in hac vita commissis rationem exigat, puniatque severissime, quos abjecta honestatis regula, juxta cordis desideria in vitiis ac voluptatibus vixisse deprehenderit? Id nimirum in causa est, cur perditissimi quique timorem hunc molestissimum, omni, quo possunt, studio ex animo conentur evelle, quo tranquillius, ac jucundius suis voluptatibus perfruantur: ut jam ex Epicuri, Lucretii, aliorumque confessione compertum est. Igitur si nihilominus gentes toto terrarum orbe dispersæ præfensionem hanc, notionemque Justitiæ vindicis a primis temporibus ætatem usque nostram constanter retinere, fateamur oportet illam superiore quadam vi in hominum mentibus impressam fuisse, sicut naturalia cætera præjudicia. Nam jugum hoc tandem a se excussissent in libertatem proclives humanæ mentes: quemadmodum plura alia commenta, ipsasque a Poetis confictas de Cocyto, de Styge, de Cerbero, deque Charonte fabulas demum exuerunt. *Quis enim (inquit apposite Tullius (a)) Hippocentaurum fuisse, aut chimæram putat? Quæve anus tam excoars inveniri potest, quæ illa, quæ quondam credebantur, apud inferos portenta extimescat?*

VI. Postremo universalem in ea veritate consensum non ab alio quam a naturæ fonte profluere facile quisque suadebitur, qui semetipsum parumper recoligat, intimumque animi sui sinum diligenter exploret. Intelliget enim statim non a casu, qui in paucioribus duntaxat locum habet, non ab educatione, non ab humana opinione hujusmodi de futuro statu notitiam fuisse profectam, sed ab interiore quodam sensu satis clare manifestante existere supra nos alium, quem,

N

quem,

(a) loco ante citato.

quem, cui de omni vita nostra reddenda ratio sit, quique juxta cujusvis merita vel præmium rependat, vel poenam. Audiamus non aliquem ex Ecclesiæ Patribus, sed gentilem Philosophum ita præclare de hoc argumento disserentem (a): „Nec vero id collocutio hominum, aut consensus efficit: non institutis opinio est confirmata, non legibus. Omni autem IN RE CONSENSIO OMNIUM GENTIUM LEX NATURÆ PUTANDA EST. Quis est igitur, qui suorum mortem primum non eo lugeat, quod eos orbatos vitæ commodis arbitretur? Atque hæc ista sentimus natura duce, nulla ratione, nullaque doctrina. Maximum vero argumentum est, naturam ipsam de immortalitate animorum tacitam judicare, quod omnibus curæ sunt, & maximæ quidem, quæ post mortem futura sunt.... Abiit ad Deos Hercules. Nunquam abiisset, nisi cum inter homines esset, eam sibi viam munivisset. Vetera jam ista, & Religione omnium consecrata. Quid in hac Republica tot tantosque viros ob Remp. interfectos cogitasse arbitramur? Isidemne ut finibus nomen suum, quibus vita terminaretur? Nemo unquam sine magna spe immortalitatis se pro Patria offerret ad mortem. Licuit esse otioso Themistocli, licuit Epaminondæ, licuit, ne & vetera, & externa quæram, mihi: sed nescio quomodo inhæret in mentibus quasi sæculorum quoddam augurium futurorum, idque in maximis ingeniis, altissimisque animis, & existit maxime, & apparet facillime. Quo quidem dempto quis tam esset amens, qui semper in laboribus & periculis viveret &c.

VII. Quamquam hæc cuicumque vel pertinacissimo satis esse deberent, attamen, ut veritas hæc firmissimè adhuc consistat, paululum expendamus originem aliam communis hujusce hominum consensionis, quam consingunt

Adversarii, ne naturæ testimonium cogantur admittere, quo prosternti se peripit sentiant. A sunt illi nempe opinionem de Deo scelerum vindice nudum esse humanæ Politicæ commentum a callidis viris, ac primis præsertim Legumlatoribus excogitatum, qui feroces ac palantes homines Numinis metu absterre- re, & ad leges accipiendas commodum, & ex usu vitæ necessarium esse censuerunt: quod subinde commentum nationes, & gentes pervagatum, commune effectum est. Ita Sisiphus apud Critiam (b): ita cæteri tum Athei, tum Deistæ.

VIII. Quam falsum hoc sit, quam incredibile, immo prorsus impossibile, nemo non videt, nisi qui sanum omne mentis lumen amiserit. Verum, antequam id ostendo, animadvertere lubet, quod propriis se Adversarii armis cōficiunt, dum ita respondent, & victicem, quam impugnare pertendunt, veritatem hoc ipso mendacio confirmant. Quid enim? Nonne ideo afferunt ipsi primos Legumlatores hanc effinxisse, & in vulgus disseminasse opinionem, quia eam necessariam ad commune bonum, & Respublicam, civilisque societatis conservationem existimant? Ita plane. Igitur, colligo ego, hujusmodi opinio non commentitia, sed vera est. Consecutionem evidenter probō principio certissimo, quod nec Adversarii abnuere possunt, nec reipsa abnuunt, immo libenter admittunt, & deprædicant (c), hominem scilicet ad veri cognitionem ordinatum esse tanquam ad finem sibi naturalem, & ultimum. Ex quo sic argumentum conficio: Veri cognitioni magis error opponitur quam animantium incolumitati venenum. Non enim veneno vita, sed errore veritatis scientia semper aufertur. Atqui absurdum esset, quod nemini unquam in mentem venit, cogitare talem rerum omnium Authorem produxisse viventium speciem, quæ non alio alimento ad sui conservationem vesci posset, quam quod ipsi

ve-

(a) Tullius lib. 1. quæst. Tuscul.

(b) apud Sextum Empiric, lib. 2. con. Physicos cap. 54.

(c) vide Card. Balaz. lib. 1. pers. Christi.

venenum est, propriæque naturæ contrarium. Ergo longe absurdus erit, & ab omni ratione alienum fingere Deum procreasse humanam speciem, cæterarum omnium nobilissimam, cujus commune bonum atque conservatio, ab eo quod hominum naturæ adversum est, errore nempe, ac mendacio, & in re quidem gravissima suppremi Numinis Providentiam spectante, necessario penderet. Quare si Adversarii ipsi fatentur ad commune hominum bonum, & Reipublicæ conservationem conferre plurimum, immo necessarium esse, quod homines divinam credant Providentiam cui libet juxta merita in alia vita retribuentem, jam hæc persuasio, non ut ipsi blaterant, commentum est callide excogitatum, sed veritas indubia, atque certissima, quam dum evertere tentant, amplius ipsi confirmant.

IX. Verum commentum potius esse, illudque putidissimum, quod Adversarii pertinaciter ænuunt, paucis ostendamus. Et primo quidem, cum ajunt veteres Legumlatores, ac Principes confinxisse Deos scelerum vindices, ut feris hominibus metum incuterent, ab eis querimus, quo rem tantam argumento nos doceant, quos testes, quas tabulas producant, vel ex quibus arcanis litteris mysterium hoc didicerint? Quinam primi fuerunt hujusce opinionis promotores, atque propolæ? Ecquando, vel quoniam in Concilio convenire ut eam humano generi persuaderent? Num id effectum est in mundi canubulis? Num post universalis diluvii (si hoc quidem admittant) ætatem? Num ex aliqua regione vel ex omnibus terræ partibus ad locum eundem commearunt, ut eam capeant deliberationem? An potius magnis locorum intervallis invicem semoti casu in unam eandemque ivere sententiam? At quid hisce quæstionibus illos sollicitamus? Obmutescunt ipsi tamquam

pisces, nihilque penitus respondent, sed neque plane respondere valent. Si enim historias, ac monumenta omnium gentium vetustissima consulimus, nusquam occurrit tantæ rei vestigium: neque alia Legumlatores ac Principes ad cives in officio continendos adhibuisse media comperimus præter temporalium bonorum, malorumque promissiones, ac minas, quæ ad finem, quem sibi præstituerant, obtinendum opportunitate judicaverunt, cum plerumque homines præsentibus magis, quam futuris permoveantur.

X. Illud vero, quod oppido falsum est, Adversarii nostris largiamur, convenisse Principes aut Legumlatores, aut saltem consensisse in ea opinione procudenda, & propaganda, ut regnum suum constabilerent; nunquid illam populis, ac nationibus, quibus imperabant, persuassissent, si æro mendacio niteretur, nec insitis a natura, & quasi consignatis in animo notionibus consentanea fuisset? Id profecto incredibile est. Non enim, ut paulo ante dicebam, hujusmodi veritas de Deo malorum Judice, ac Vindice, ex earum numero est, cui sensus externi adminiculantur, aut genio & cupiditatibus hominum inserviat: sed potius quæ maximam molestiam ac sollicitudinem ingerat, prævisque affectibus repugnet. Quis igitur populos ita dociles, & ad nutum obsequentes, aut melius dicam bardos aut stupidos arbitretur, ut id statim suscipiant, firmiterque retineant, quod jugum servitutis ipsorum summo peregravit, corruptique appetitionibus adversatur, si nullam de ea re jam in animo habeant anticipationem? Quis credat fidem integras nationes adjunxisse Tyranno non solidas dici rationes proferenti, sed mera somnia, ac fabulas venditant? Scripsit quidem nuper Vir alioquin insignis (a) spem sibi fore ut nationes integræ persuaderentur non a sole oriri

N 2 *dicm,*

(a) D. de Fontenelle in *Hist. Orac. Donner moy une demi douzaine de personnes, a qui je puisse persuader, que ce n'est le soleil, qui fait le jour; je ne desespereray pas que des nations entieres n'embrassent cette opinion.*

diem, si hoc semel quinque vel sex hominibus suadere potuisset. Sed hoc effatum, licet ab aliquibus cum plausu, a cordatis tamen omnibus cum risu jure optimo exceptum est: siquidem neque integris nationibus, neque uni quidem aut alteri, qui perfectum habeat, quid *solis ac diei* nomine veniat, hujusmodi error propinari poterit, tamen si non quinque aut sex, sed hominum millia id constanter asseverarent. At enim, ut concedamus in hunc errorem induci posse stupidiore aliquos, qui cucurbitam pro capite habeant, nemo certe perspicax & acutus in eum unquam pertrahetur: ac plane pugnantia loquitur Author ille, dum homines aliquos fingit adeo stupidos & hebetes, ut crassum illum errorem complectantur, simulque tanto ingenio, & arte præditos, ut eundem innumeris aliis persuadere valeant. Quis ergo incredibile prorsus non judicet, ut nedum ignari, vel rudes ex qualibet natione, sed perspicaces etiam atque sapientes, quorum non paucos in quacunque gente semper invenire est, opinionem de Deo scelerum vindicæ, solo, ut ajunt, mendacio subnixæ, assensum libenter præbuerint, eamque unice veram esse non dubitaverint?

XI. Sed quod rem conficit omnem, & Adversariorum os ita occludit, ut ne hiscere quidem possint, si opinio de alterius vitæ statu vel felici, vel misero, merum esset humanæ politicæ inventum, neque totum terrarum orbem pervadere, neque tandiu consistere potuisset. Et primo quidem nullatenus potuisset pervadere ac informare omnes mundi nationes: plurimæ enim sunt inter se locorum intervallis immaniter sejunctæ, Oceani, aut immensæ solitudinis spatia divisæ, absque ullo cum cæteris commercii vel societatis vinculo. Plurimæ etiam moribus, studiis, disciplina, vivendique ratione adeo discrepantes, ut nullam invicem communionem habuisse dubitari nequeat. Non pauca

quoque sine philosophia, sine litteris, sine Rectoribus, sine ulla politicæ specie deprehensæ sunt, sed belluarum ferme more viventes, ut ne suspicari quidem liceat eas vel ab aliquo Tyranno, vel Principe in illam opinionem adductas fuisse, vel ab aliis gentibus hausisse. Cogita tot Indiarum regna, tot Septentrionales maxime nationes: cogita Scythas, Tartaros, Quinenfes, Caffros, Brasilianos, Hurones, Virginienfes, gentesque alias innumeras, & intelliges impossibile omnino esse ut humanum aliquorum commentum in eas omnes propagatum fuerit. Equidem reperias plures tum de rebus aliis, tum de Religione, ac de ipsa futura vita errores ubique pervagatos, ob humanæ præcipue mentis infirmitatem: sed alios & alios: eundem vero nunquam apud omnes obtinuisse deprehendes. Finxerunt e. g. Orpheus & Homerus multa de inferis *portenta*, ut Cicero vocat, Campos Elysios, Acherontia flumina, Cerberum trifaucem, Parcas, Eumenides, inferni Judices &c., tantumque valuit error, ut sin apud sapientes, saltem apud vulgus fidem invenerit. Verum intra Græciæ, proximarumque gentium fines se se continuit, nec ultra permeavit. Animorum quoque transmigrationi, sive Metempsychosis plures infecit Indiarum regiones: sed plures etiam intasas reliquit; vixque aliquam Europæ vel Africæ partem attigit, nec ad novum orbem progressa est. Atque idem dicas de cæteris quibuslibet humanis inventis. *Singuli* enim (ut scitissime scripsit Plinius (a)) *decipere ac decipi possunt. Nemo omnes, neminem omnes fefellerunt.* Cujus rei ea ratio est: quod cum veritas una sit, innumerae autem a veritate aberrandi viæ, fieri nequit ut in eundem errorem concurrant, ac veluti offendant mortalium mentes, moribus, studiis, ingeniis, affectibus diversis atque contrariis invicem dissentant. Cum igitur dogma de futura impiorum vindicta, ut palam jam fecimus,

(a) in Panegy. ad Trajanum.

mus, generalis omnium gentium persuasio sit, impossibile est ut a mero humano commento procefferit.

XII. Multo etiam magis impossibile apparet, quod si humana duntaxat inventio foret, tandiu firmiter constitisset in omnium animis, & a primis mundi sæculis, priscisque temporibus ad nostram usque ætatem inveterasset. Nemo siquidem nescit, qui vel primoribus labiis, ut inquit, historias & monumenta gentium delibaverit, quot in universo tum Regnorum, tum Dominiorum, tum Religionum, ac morum casus, mutationesque contigerint: quot humana opinamenta summo plausu quondam suscepta, diuturnitate tandem extabuerint, ac penitus interierint. Quid de tot Legumlatorum, Sapientumque placitis ad multitudinem regendam, atque continendam reliquum est, nisi tenuis quædam in libris, qui superfuere, memoria? Ea ipsa Inferorum portenta, quæ modo memoravimus, a Poetis conficta quandiu apud Græcos, aliosque populos fidem invenerunt? Nonne testatur Cicero ne Anum quidem ævo suo tam excordem fuisse, quæ eadem pertimescerat? *Opinionum* enim, ut sapienter subjicit, *commenta delet dies: naturæ judicium confirmat*. Judicium itaque naturæ, non humanum inventum credere oportet de futura bonorum malorumque retributione persuasionem, quam non temporum diuturnitate deletam, sed potius confirmatam, & quidem in omnium populorum animis, fateri debemus.

XIII. At inquit Adversarii: plures & fuerunt, & sunt, qui animi immortalitatem negant, atque adeo & ea omnia, quæ ipsam consequi perhibentur. Si naturæ vox esset, quæ hanc edoceret opinionem, quomodo non omnes eam insonantem audirent? Aut cur omnes afferuntur in unam eandemque convenire sententiam, si non paucos ab ea descivisse manifesta experientia compertum est?

XIV. Respondeo in primis, quod jam ab initio adnotavi, me *omnium* nomine in eadem persuasionem conspirantium intelligere omnes populos, omnes nationes, omnes etiam Philosophos, atque Sapientes, in quibus naturæ lumen non est aut sophismatum, aut affectuum tenebris offusum, sinceræque retinent ejusdem notiones. *Quis non Deum esse* (Tullii verba sunt (a)) *consensu omnium affirmat? Et tamen Diagoras Atheus, qui dictus est, posteaque Theodorus nonne aperte Deorum naturam sustulerunt? Nam Abderites quidem Protagoras, Sophistes temporibus illis vel maximus, cum in principio libri sui sic posuisset, De Diis neque ut sint, neque ut non sint, habeo dicere, Atheniensium jussu urbe, atque agro est exterminatus, librique ejus in concione combusti: & alii tum elapsis temporibus, tum nostris etiam inveniuntur, qui sibi talem errorem suadere conati sunt. Quis mihi obstrepit assentiri consentire omnes motum in rebus fieri, existere nos ac vivere, felicitatem appetere, & alia id genus plurima credere? & tamen hæc vel negata, vel in quæstionem adducta fuere a Pyrrhonicis, aliisque quos non refellere, sed contemnere, & irridere solemus. Cum itaque dicimus concordēs omnes esse in dogmate de futura impiorum ultione, id eo in sensu intelligi volumus, quo dicere consuevimus, omnium oculis nrem ex. gr. vel lilium videri album: quam propositionem sine ulla controversia recipimus, ac probamus, quamquam iis, qui aurungine, sive regio morbo laborant, aliter videatur.*

XV. Neque vero est cur mirerur, aut quidpiam detractum putemus firmissimo, quod ex communi gentium consensione desumimus, argumento, quod plures in contrariam sententiam abierint, cum in effectibus ipsis, qui naturæ legibus certissime diriguntur, non pauci aliquando prodeant, qui a consueto naturæ cursu defleant. Nonne in rebus quoque materialibus, atque corporeis ea nonnumquam emergunt præter naturæ ordinem, quæ

a) lib. 1. de Natura Deorum.

quæ monstra appellamus? Neque iccirco casu, vel fortuito concursu cuncta fieri censemus. Cur ergo mirabimur in rebus etiam moralibus, & humanis ingenii sua monstra deprehendi? aut cur ob hæc cuncta in opinione, non in natura posita existimabimus? *Sicut in rebus naturalibus* (s) *sapienter admodum S. Thomas (a) non queritur quid semper fiat, sed quid in pluribus accidat: eo quod natura corruptibilitatem rerum impediri potest, ut non semper eodem modo operetur; ita etiam in moralibus consideratur, quod in pluribus est, non autem quod semper est. Immo neque mirum alicui accidere debet, ingeniorum, ut ita dicamus, monstra aliorum multitudinem longe superare: quoniam corpora naturæ artificio formantur, ac pererro causæ aliæ concurrunt, quæ illud inficiant, atque depravent: sincera autem mentis præjudicia, atque inditas a natura notiones homines ipsi corruptunt prava animi electione, ad quam multiplici causâ propelluntur, ac turbidis in primis, & effrenatis affectibus, qui mentem a veritatis consideratione avocant, & in alienas, sibi quæ faventes opinionationes vel reluctantes trahunt. Appositissime ad rem hæc differit pari in argumento sæpe a nobis laudatus Cicero. Sed perturbat, inquit (b), nos opinionum varietas, hominumque dissensio: & quia non idem contingit in sensibus, hos natura certos putamus: illa, quæ aliis sic, aliis secus, nec iisdem semper uno modo videntur, ficta esse dicimus. Quod est longe aliter. Nam sensus nostros non parens, non nutrit, non Magister, non Poeta, non scena depravat, non multitudinis consensus abducit a vero. Animis omnes tenduntur insidie, vel ab iis, quos modo enumeravi, qui tenentur & rudes cum acceperunt, insciunt, & scilicet, ut volunt: vel ab ea, quæ penitus in omni sensu implicata insidet imitatrix boni voluptas, malorum vero mater omnium, cuius blanditiis corrupti, quæ natura bona sunt, quia dulcedine hæc & scabie carent, non cernimus satis. Hinc jam ætate sua observavit Hie-*

rocles Pythagoreus eos, qui maxime vellent animos esse mortales, non vere prudentes, ac sapientes fuisse, non pios, ac bene moratos, sed impuros, scelestos, quique libidinibus, vitæque voluptatibus, se dedidissent, unde ea supplicia merito perhorrescere deberent, quæ ne metuerent, insipienter negabant: quod & ætate quoque nostra observare licet, ut jam Capite 1. dictum est.

XVI. Sed & illud postremo loco animadvertendum censeo in his etiam animorum, aut ingeniorum monstris non ita intimum hoc naturæ lumen, sive præjudicium pravorum affectuum, & electionum nebulis offusum esse, ut non intermicet aliquando, ac se prodat, suoque fulgore vel invitos percellat, & excruciet. Cujus rei plura & exempla, & documenta proferre possem; sed illud abunde est testimonium, quod perhibet Tullius (c) de quibusdam sui temporis Atheis, inquiens: *nec quemquam vidi, qui magis ea, quæ timenda esse negaret, timeret, mortem dico, & Deos.* Id quod experientia quoque ab aliis compertum fuit in multis ex iis fortibus, ut vocant, spiritibus, qui in extremo mortis discrimine positi, omni animi vigore destituti, fracti, dejectique summa consternatione, metusque eorum tenebantur, quæ antea insolenter contemplerant, atque universæ vitæ suæ rationem ad ea non timenda quam paratissimam habere anxie desiderabant.

XVII. Ratum itaque fixumque animo sit homines non nisi naturali quadam vi, aut prænotione in communem illam perducere esse de animi immortalitate, futuræ vitæ statu vel beato vel misero persuasionem. Jam vero ex hoc, tertia, quam posuimus, propositio sponte fluit, quin opus sit, ut in ea derivanda plurimum laboremus, veram nempe esse, nullique errori obnoxiam persuasionem eandem: unde luce meridiana clarius apparet vis & efficacia argumenti, quod a generali omnium gentium in ea veritate consensione depromi-

(a) pat. 2. q. 84. art. 1. ad 3. (b) lib. 3. de legibus. (c) lib. 1. de Natura D. orat.

rimus. Quid enim aliud naturæ vocis, aut testimonii nomine intelligamus, nisi vel impressionem aliquam, sive animi dispositionem ab Authore naturæ in nobis productam, vel ideam quamdam ab eodem supremo Magistro Deo menti nostræ inditam, aut naturali discursu facillime confectam, quæ hujusmodi veritatem manifestam facit? Porro fieri nullatenus potest, idque omnes, qui Dei notionem aliquam perspectam habuerint, statim intelligunt, ut Deus summa & essentialis veritas, ac bonitas judicium aliquod erroneum, & falsum nobis imprimat, aut ita nos conderit, ut naturalis ipsius luminis vi, atque impulsu in errorem prolaberemur. Erroris enim natura supremo ordini recta opponitur, recessumque exprimit ab arte divinæ sapientiæ, ac bonitatis indole, adeoque repugnat, ut ab eo descendat, qui omnia per artem suæ sapientiæ, & ex amore suæ bonitatis operatur. Vera igitur sit oportet, quæcumque prænotio, aut præsensio, quæ interiore naturæ testimonio nititur.

XVIII. Id experientia certissima declarare amplius possumus in omni naturali impulsu, sive qui in nobis est, sive qui in cæteris animantibus conspicitur. Nullus plane est belluarum, aut animalium irrationalium instinctus, qui fallax dici queat, aut cui reale aliquod objectum minime respondeat. Neque enim ea falluntur unquam, dum quod sibi consentaneum judicant, prosequuntur, aut quod sibi noxium, averfantur, & fugiunt. Sic non fallitur Cervus, dum faucibus procurrit incitatus ad Dictamnem, unde curetur: non formica, dum undique grana conquirat, eaque in suis promptuariis recondit ad escam hybernæ tempestatis; nec ovis dum lupum fugit, nec avis, dum accipitrem: atque idem in cæteris quibuscumque animadveritas. Et tamen parum referret, si in hisce instinctibus aliquando fallerentur. Meliorne igitur credenda erit belluarum conditio, quam hominum, hominum inquam, quorum error longe esset gravissimus, maximique momenti?

XIX. Sed neque in homine naturalem

aliquam impressionem, aut insitam animi notionem fallacem deprehendere fas est. Sic bonum amamus, malum fugimus, scientiam quærimus, averfamur errorem, & ignorantiam naturali quadam vi, & impetu, quem nemo unus falsum unquam existimavit. Sic quædam in mente resurgent præjudicia, aut anticipationes, quæ *prima principia* intellectualis discursus, aut dignitates appellari solent: quæ sine ulla probatione, tamquam verissima approbantur ab omnibus, earumque veritatem veluti omnino certam habemus interiore quadam voce, ac testimonio naturæ clare distincteque loquentis adducti, atque convicti. Quod si huic authoritati tamquam aut fallenti, aut fallaci adjungere fidem abnuimus, jam & illud suspicari fas erit atrum esse, quod album apparet omnibus, vel frigidum, quod calidum cuncti persentiant: umbras putare, & inanes mentis nostræ repræsentationes, quæcumque oculis observantur objecta, aut sensu vivo, constante, & uniformi percipiuntur. Jam licebit & credere falsa esse ac vana eametsipsa quæ intellectum omnem evidenti luce percipiunt, totumque adeo non esse sua parte majus. Uno verbo nihil erit in judiciis humanis, quod constans ac firmum sit, sed omnia putabimus vel delirantium somnia, vel somniantium deliria. Neque enim quidpiam est aliud, quod nos certiores faciat de rerum hujusmodi veritate, nisi intimum naturæ testimonium, quod nos ad illa tamquam vera sine ulla probatione tenenda impellit, ac flectit. Cum igitur hæc absurdissima sint, nec nisi a stultis quibusdam Philosophis, & non ex animi quidem sententia asserantur, exploratissimum esse debet nullum naturæ judicium neque falli, neque fallere: atque adeo si naturæ ipsius vox, ac testimonium Providentiam aliquam justitiamque manifestat omnibus post hanc vitam juxta opera retribuentem, id certissimum sit oportet, idemque absque ulla dubitatione completi, firmiterque retinere debemus.

XX. Atque hoc est fundamentum illud præcipuum, quo permoti vel ipsi Gen-

Gentiles Philosophi ex communi hominum consensione invicte probari sanxerunt Dei existentiam, animi immortalitatem, diversum pro meritum ratione animorum in altera vita statum, aliaque id genus plura. Ex quibus duos præ cæteris gravissimos, ac auctoritate, & ingenio præstantissimos in testes adduco. Prior est Seneca, qui Epist. 117. ita scribit: *veritatis argumentum est aliquid omnibus videri, tamquam Deos esse inter alia sic colligimus, quod omnibus de Diis opinio insita est: nec ulla gens est adeo extra leges, moreque projecta, ut non aliquos Deos credat.* Statimque subiungit ea verba, quæ & alibi recitavimus: *cum de animorum æternitate disserimus, non leve momentum apud nos habet consensus hominum aut timentium inferas, aut colentium.*

XXI. Frequentius, ac præclarius idem testatur Philosophus alter eximius, cuius sæpe in hoc præsertim capite auctoritate usi sumus, nempe M. Tullius Cicero. Insignis in primis est locus, qui habetur lib. 1. de Nat. Deor. ubi refert commune aliorum etiam Philosophorum fuisse hoc argumentum ex omnium gentium, generumque hominum consensione depromptum, illudque magni habitum fuisse ad demonstrandam Dei existentiam: atque ipsum Epicurum vidisse Deos esse, quod in omnium animis eorum notionem impressisset natura. Tum vero

subdit: *quæ est enim gens, aut quod genus hominum, quod non habeat sine doctrina anticipationem quamdam Deorum, quam appellat Prolepsim Epicurus, id est anteceptam animo rei quamdam informationem, sine qua nec intelligi quidquam, nec quæri, nec disputari possit.... Cum ergo non instituto aliquo, aut more, aut lege sit opinio constituta, maneatque ad unum omnium firma consensio, intelligi necesse est Deos: quoniam insitas eorum, vel potius innatas cognitiones habemus.* De quo autem omnium natura consensit, id verum esse necesse est. *Esse igitur Deos confitendum est.*

XXII. Paria loquitur lib. 1. quæst. Tusc. utramque veritatem complectens & existentiae Dei, & animorum immortalitatis inquires: *Firmissimum hoc afferri videtur, cur Deos esse credamus, quod nulla gens tam fera, nemo omnium tam sit immanis, cuius mentem non imbuerit Deorum opinio. Multi de Diis præva sentiunt, id enim vitioso more effici solet, omnes tamen esse vim & naturam divinam arbitrantur.... Omni autem in re consensus omnium gentium lex naturæ putanda est.... Quod si omnium consensus naturæ vox est, omneque, qui ubique sunt, consentiunt esse aliquid, quod ad eos pertineat, qui e visa cesserunt, nobis quoque idem existimandum est, utpote certissimum veritatis ejusdem argumentum. Alia loca proferre possem: sed hæc sufficiunt.*

C A P U T XIV.

Tertium argumentum ex Sacrarum Litterarum testimonio depromptum. Tria præmittuntur, quæ a nemine possunt in controversiam trahi: ex quibus colligitur Deistas prudenter rejicere non posse divinam, quæ de futuro impiorum statu differitur, revelationem, nisi accurato, sinceroque examine præbuito, ea penitus argumenta subvertant quæ ad ipsam comprobandam afferuntur: quod hæcenus non præstitisse manifestum sit. Singularis opinio Antonii Collini contendens, admissa etiam Christianæ Religionis veritate, non esse omnino certam futurarum poenarum existentiam. Quam futilis & vana sit, pluribus ostenditur.

I. **D**UOBUS argumentis e naturæ principii deductis, quæ fusc hæcenus pertractata sunt, liceat aliud subnectere ex Divina revelatione depromptum, quod nos maxime certos facit de veritate futuræ impiorum vindictæ, cer-

tumque facere debet quemcumque bono sensu ac judicio præditum. Nam ut eam controversiam non attingam quam supra discussimus, num hujusmodi veritas perspicue fuerit in Veteri Testamento revelata, illud saltem extra cujusvis

jusvis dubitationis aleam constitutum est, eam in Novo Fœdere perquam manifestum fuisse propositam, adeo ut nec id tandem negare potuerint Sapientiores quique ex Socinianis, qui tot alias splendidas Evangelii veritates in alienos aut metaphoricos sensus contorquent: & easdem ipsas de futura pœna sententias ex parte corruptunt. Nihil sane frequentius, nihil liquidius, aut disertius expressum occurrit, tum in Evangelio, tum in Canonicis Epistolis ceterisque Sacris Codicibus: Cum & eo ferme collineant omnia quæcumque sunt in his Christianæ Religionis monumentis, ut nos spe futuri præmii, futuræque pœnæ metu retrahamur a vitiis, & virtutem amplectamur. Resonant ubique in Evangelio oracula ipsius voce Christi prolata, quæ vindicationis & gehennæ formidinem incutiunt, ad eamque evitandam nos admonent. *Nolite*, inquit Divinus Magister apud Matth. cap. 10. *timere eos, qui occidunt corpus, animam autem non possunt occidere: sed potius timete eum, qui potest & corpus & animam perdere in gehennam. Bonum tibi est*, subjicit cap. 18., *ad vitam ingredi debilem vel claudum, quam duas manus, vel duos pedes habentem mitti in ignem æternum.* Et aliis prætermisiss, cap. 25. *inutilem servum*, quo nomine reprobos quosque complectitur, *ejiciendum* denunciat *in tenebras exteriores, ubi erit fletus & stridor dentium*, ac subinde terribilem illum diem prædicit, in quo ipse de omnibus operibus severissimam rationem exposcet, & sicut justos ad regnum, ita injustos ad ignem destinabit æternum. Paria passim occurrunt apud Marcum, Lucam, & Joannem. Apostolus quoque clamat in epist. ad Rom. cap. 2., *Deum unicuique redditurum secundum opera ejus iis quidem, qui secundum patientiam boni operis gloriam & honorem & incorruptionem querunt, vitam æternam: ii autem, qui sunt ex contentione, & qui non acquiescunt veritati, credunt autem iniquitati, ira & indignatio*, &c. Et 2. ad Thessalon. cap. 1. *qui non obediunt Evangelio, pœnas dabunt in interitu æter-*

nas a facie Domini, & a gloria virtutis ejus. Sanctus item Joannes in Apocal. cap. 21. *timidis*, inquit, *& incredulis & execratis, &c. pars illorum erit in stagno ardenti igne.* Sexcenta alia proferre possem, sed hæc sufficiant. Nam vereor, ne quis jure ac merito reprehendat, qui in re non dubia usi fuerimus testibus non necessariis. Cum igitur exploratissimum sit, veritatem de futuræ pœnæ existentia in sacris Novi Testamenti libris clare esse propositam, illud consequens est, eam esse omnino certam & infallibilem, utpote ex Dei falli & fallere nescii revelatione descendente.

II. Hujusmodi sacrorum librorum auctoritas ad eos, contra quos modo disputamus, revincendos superflua prima fronte fortasse videbitur, ac inepta: cum ipsi nec Evangelio, nec Christo credant, stocque pendant, quid sacri Codices tradant, quid doceat Christiana Religio, atque unum propriæ rationis lumen sequi se profiteantur, & jacent.

III. Id me quidem minime fugit. Nihilominus vel ipsos Deistas, ac nostrates omnes incredulos eadem sacrorum librorum autoritate efficacissime urgeri contendo, adeo ut si hac in re non passione, aut anticipatione se duci patiantur, sed recta ipsa ratione, quam prædicant, eam nonnisi per summam imprudentiam, immo stultitiam repudiare, adeoque & pœnas, quas denunciat, contemnere, facile convinci queant. Quod ut luculentissime ostendam, tria præmitto, quæ in controversiam trahi ne a contentiosis quidem possunt. Primo scilicet Evangelia, aliosque Canonicos libros, in quibus tam clara extant, tam diserta futuri impiorum exitii documenta, hujusmodi esse, de quarum authenticis nullus sit dubitandi locus. Quis enim morosus adeo vitiligator futurus est, qui in dubium revocet num authentici sint ii libri, quos ut tales ab initio, quo vulgati fuere, per octiddecim ferme sæcula habuerunt, nedum omnes Christiani fideles, nemine dissentiente, sed & ipsi Judæi, atque Gentiles, Celsus, Porphyrius, Julianus, alique Christiani nominis hostes infensissimi: quos veluti

intereratam propriæ fidei regulam continenter appellatur tum Catholici omnes, tum cæteræ quæcumque Hæreticorum, & Schismaticorum Sæctæ: & quos demum a tot sæculis nemo suppositionis, aut interpolationis probare, quin nec accusare ausus est ex iismet ipsis, quorum hoc maxime intererat? (a). Profecto vetus nullum monumentum est, de cuius suppositione, aut depravatione dubitari nequeat, si de sacris libris dubitetur: cum in nullo alio tot authenticæ, puritatique argumenta sint, quot in Evangeliiis concurrunt, aliisque Canoniciis libris.

IV. Alterum, quod præmitto, non minus certum est, exploratumque, nimirum ab initio Christianæ Religionis ad præsentem usque diem, successione perenni immensam hominum multitudinem sacros illos libros non modo ut authenticos habuisse, sed etiam ut divinos, seu Deo auctore traditos, easque, quas continent fidei doctrinas, adeoque & quæ futuram impiorum calamitatem edicit, tamquam divinitus inspiratas suscepisse. Hoc plane Deistarum nemo negaverit: sed nec illud quispiam inficias iverit in hac immensa hominum multitudine plures pluresque semper extitisse, hodieque existere sapientes viros, qui non cæco quodam impetu, non educationis præiudiciis, vel populorum exemplis, non temporali aliqua cupiditate, aliove simili motivo in hanc persuasionem adducti sunt, sed argumentis quibusdam accurate expensis, quæ firma ipsis, & gravia visa sunt, & ad fidem de divina revelatione faciendam penitus efficacia. Num reapse hæc argumenta firma & effica-

cia sint, modo non decerno. Satis mihi est ut illud Deistæ concedant gravia & efficacia visa fuisse innumeris, aut saltem quampluribus sapientissimis viris: quod certe abnuere non possunt, quin se cordatorum omnium cachiinis exponant. Cuilibet enim Christianæ Religionis secula vel obiter contemplanti, quamplurimi e vestigio se se offerunt, qui ingenii præstantia, & omnium artium ac litterarum studiis excelluerunt: quorum etiam non pauci in Gentilium superstitione enutriti fuerunt, & Christi fidem, quam ut divinitus institutam susceperunt, inter sævissima tormenta, & acerrimos cruciatus constantissime professi sunt. Ipso quoque ævo nostro quamplures ex omni natione occurrunt viri ingenio, & sapientia præstantissimi, qui ea argumenta, quibus ipsi de revelationis divinæ veritate convicti sunt, palam exponunt, certumque habent ita splendida esse, & efficacia, ut evidentem inducant ejusdem credibilitatem, adeo ut nonnisi per summam impudentiam repudiari valeat. Emicat fulgentissime hæc ipsorum firma persuasio tot in libris omnium oculis expositis, nec eam negare potest, nisi qui Solem in meridie lucere neget.

V. Tertio tandem ac postremo loco constituo: Si Evangelia, cæterique Religionis Christianæ Canonici libri a Deo auctore descendant, siue divina autoritate muniantur, Deistas & incredulos omnes non evasuros æternam damnationem, seu obnoxios futuros penis omnibus, quæ ibidem denunciantur. Nam ex una parte inter prima rationis evidentissima principia, illud omnium, etiam

(a) Haud me læset post supra quinque jam ubique obrinentis Christianæ Religionis secula Mahumedem commentum esse in *Alcorano* Judæos & Christianos, sacros codices interpolasse, easque effasse testimonio, quæ sui ipsius adventum, & missionem prædicabant. Sed præterquamquod non ad argumentum, quo de agimus interpolatioem refert, pro nibilo hujusce importoris expostulationem habendam esse evidens est. Nemo quippe non intelligit fæti nequivam potuisse, ut a Judæis & Christianis divinæ litteræ per totum jam sæculum orbem vel ab ipsa origine vulgaræ, in plures linguas translata, & innumeris hominum societatibus longo inter se intervallo, studiisque sejunctis tradita, ex industria, & concordia populorum omnium conspiratione corruptæ ac depravata fuerint, ne ea loca apparerent, quibus Mahumedis adventus, & doctrina prænunciabantur: & quæ tamen ipse ignorasse convincitur, dum a minime profert, præiuratur certe in suæ causæ præsidium, si illa novisset.

etiam Deistarum, consensu probatur, certum esse, verum, & inconcussum quidquid revelat, aut narrat prima veritas Deus. Ex altera vero nihil est in libris sacris clarius, ac disertius expressum, quam incredulos omnes, sive qui Christi fidem, & veritates ab ipso traditas rejecerint, ad sempiterna supplicia damnatum iri, quemadmodum & immensa gloria donandos fore, qui Christi auctoritatem susceperint, ejusque legibus ac mandatis fideliter obsecuti fuerint: quod sexcentis locis probare in promptu esset, nisi id satis omnibus perspicuum foret, nullique subjectum controversiæ. Equidem, ut mox videbimus, hic effugium aliquod, unde elaboretur, excogitavit nuperus quidam Deista, quod deploratæ causæ argumentum esse constabit. Interim hypotheticam propositionem a me constitutam veram esse cæteri Deistæ consentient, necumque fatebuntur nihil esse, unde increduli sperare valeant, se evasuros æternæ felicitatis jacturam, ac horribilia supplicia, quæ sacræ litteræ ipsis comminantur, si divina auctoritate confirmantur.

VI. Ex his ergo omnibus, quæ præmissimus, validissimum emergit argumentum, unde nostrates Deistæ & increduli revincantur, ac summæ imprudentiæ, immo stultitiæ jure optimo potulentur. Cum enim de re gravissima agatur, de sempiterna scilicet calamitate, quam plane non effugient, si divina sit scripturarum auctoritas, prudentiæ, rectæque rationis principia omnia a Deistis, & incredulis prorsus exigunt, ut tanto se discrimini non committant, nisi saltem maturo, accuratoque examine præhabito, omnibusque divinæ revelationis argumentis diligenter expensis, sincere sibi persuaferint nec veram, nec verisimilem esse, quæ prætenditur, sacrorum librorum auctoritatem. Eoque magis serium hoc sincerumque examen prudentiæ rectæque rationis leges exposcunt, quod, nisi pudorem omnem exuerint, inficiari nequeant ab oëtemdecim sæculis, ut præmonuimus, nobilissimas plures nationes, in quibus semper floruerunt litterarum studia, &

ex iis innumeros viros eximios ingenio, judicio, ac sapientia illustres, ac de inveniendâ veritate perquam sollicitos, persuasissimum habuisse, & habere tantum signorum, rationumque concentum in Christianam Religionem confluere, ut illam a Deo constitutam esse, ejusque, quas docet, veritates ab eo purissimo fonte descendisse certo demonstrent. Quare nisi prius Deistæ accurato, inuito examine luculenter ostendant nos omnes deceptos fuisse, ac decipi, quæque promunt argumenta, hujusmodi non esse quæ prudentem revelationis divinæ suspicionem inferre debeant nedum evidentem, ut asseritur, credibilitatem, eam plane temere ac insipienter rejicere convincuntur: quemadmodum veluti temerarius, & insipiens merito derideretur, qui propositionem aliquam sive physicam, sive mathematicam a sapientissimis viris assertam, & communi suffragio probatam, tamquam falsam rejiceret citra accuratum examen momentorum omnium, quibus ad eam asserendam se efficaciter pernotos fuisse testarentur.

VII. Jam vero accuratum hocce, sincerumque examen de revelationis divinæ fundamentis nec revera fieri, nec hæcenus factum esse a Deistis, & incredulis, res est compertissima, quam tota fiducia pronuncio, quin plane verear me a quoquam jure posse redargui. Hoc autem ut omnibus manifestum fiat, duplicem veluti Deistarum, & incredulorum classem distinguere placet, alios quos vulgares ac Deistarum plebem dicere possumus, alios quos duces ac primates appellamus. Si de prioribus sermo sit, quæ maxime sane incredulorum pars est, hos sine ullo examine, sine ulla verisimili ratione divini testimonii fundamenta contemnere, facillimo negotio deprehendet, qui in eorum studia, ac sermones attentius inquisierit, vel hac super re ipsos disputando convenerit. Alii quippe ne ea quidem de summa, ut inquirunt, facie noverunt, respuuntque revelatam Religionem non alio titulo, nisi quod eorum genio non arridet, negaturi eadem facilitate vel Mathematicis

cās ipsas demonstrationes, si tranquillitati eorum molestiam crearent, aut cupiditatibus negotium facerent (a). Paucissimi vix ea cursim leviterque attigerunt, adeo ut ad unam vel alteram, quam opportune in ipsos urgeas, probationem, fere ut pisces confestim obmutescant, ut ipse experientia aliquando comperi, fidemque faciunt non dubiam viri alii gravissimi, qui cum Deistis frequentius versati sunt, ubi contagiosa hæc hominum lues impune grassatur (b). Quare ambiguum esse non potest hos omnes temeritate, & imprudentia summa Dei revelationem abjicere, pœnasque, quas ipsa comminatur, neutiquam perhorrescere. Nec est, quod tueri se possint, aliorum auctoritate, quos ut propriæ Sectæ Corypheos suspiciunt, & quorum libros effuse laudare solent, licet sæpe non legerint. Siquidem in negotio tanti momenti, in quo æterni ipsorum salus peragitur, quemadmodum non acquiescunt, tot litterarum studiis excultis nationibus, tot sapientissimis viris, qui divinam revelationem vel evidenter constare, vel evidenter esse credibilem constanter asseverant: ita multo minus juxta prudentiæ, saneque rationis regulas acquiescere possunt auctoritati paucorum quorundam oppositum asserentium, nisi saltem prius collatis utriusque partis argumentis, curaque sedula; ac studio quam diligenti perpen- sis, citra ullum præjudicium, animique passionem apud se sincere statuunt, potestimos hosce priorum fundamenta petitus evertere, nullamque adeo prudentem superesse de revelatione divina suspicionem. Quod cum ipsi nequaquam præstent, summæ semper insipientiæ nota jure omni damnantur.

XIII. Horum ergo imprudentissima temeritate luculenter perspecta, ad alios accedo, quos Deistarum, aut Incredulorum duces, ac Primates nominavi-

mus, Baylium, Collinium, Tollandum, Tindalium, Wolaftonum. Numquid hos saltem accuratum, sincerumque examen instituisse dicemus de fundamentis, sive motivis, quibus divinam revelationem factam in sacris libris asserimus, eamque esse evidenter credibilem? Minime gentium: cæterisque omiſſis argumentis, quæ affatim occurrunt, non alios hujusce rei testes appello, quam ipsorum libros. Quamquam enim toti sint in oppugnanda Religione, quin & splendidissimis aliis veritatibus, omniæque arma & machinas adhibuerint, quas mælesanus ardor efferre in aciem potuit; præcipui tamen eorumdem conatus in arcana Religionis mysteria diriguntur, quæ cum intellectus humani caput excedant, nec perfecte intelligi dilucideque explicari valeant, mirum esse non debet, superbam & imbecillam rationem plura in ipsisprehendere, quæ criminetur, & carpat. Divinæ autem revelationis argumenta, ex quibus de veritate myſteriorum omnium quæ absurda ipsis, aut impossibilia videntur, judicare deberent, vel omnino prætereunt: vel quibusdam velitationibus potius, quam serio pressoque conspectu adoriuntur, dubia solum, cavillos, aut suspensiones aliquas obtinentes: vel relictis validioribus propugnaculis, quibus solidissime subsistit, in leviora quædam impetum faciunt, quæ si etiam diruerent, nullum ea detrimentum inde pateretur: vel demum, quæ concutere nequeunt, locoque dimovere suo, jocis, ac disertiis impudenter incesseant, quibus frequentius utuntur pro locis dialecticis, metaphysicis omnibus, nec ullum plane offendas, qui ex instituto, & juxta exacti ratiocinii regulas, ut honestum hominem, verique amatorem decet, hoc argumentum, a quo tota lis pendet, tractandum suscepit, quamquam id sæpe fuerit exprobratum a nostris

(a) Quemdam ipsemet novi, qui cum præter artis sæpe libros nonnisi Plinium, & Senecam se legisse fateretur, integrum sibi putabat Religionem omnem fabulis accensere. Si hunc stultissimum non appelles, quemdam, amabo, hoc nomine appellaveris?

(b) vide Dittonum par. 1. Religioni Christi. demonſt. Francis. de Roches epist. 5. &c. &c.

stris (a). Medium jam circiter sæculum elapsum est, ex quo illustris Duttonus Anglus Deistas omnes ad singulare certamen provocavit, quoad unicum illud, sed oppido invictissimum divinæ revelationis argumentum, quod a Christi Domini resurrectione desumitur, viamque, quam sequi omnino deberent, ad illud refellendum, præmonstravit: nemoque adhuc unus inventus est, qui juxta methodum prænitam, ac prorsus necessariam, in arenam præliaturus descenderet, pugnamque collato pede cum ipso confereret. Quod si Deistæ tantopere facti unius examen, quamvis lacerati, refugiunt, atque ad concertationem ineundam impares silentio satis se produnt suo, nulli sane dubium esse potest, quin sincero studio, & ad justi ratiocinii leges exacta inquisitione, ac discussione perpenderit tot alia facta, tot firmissima momenta, quæ in Christianæ Religionis veritatem comprobendam conspirant, ejusque divinam originem certo manifestant. Quare comperta res est vel ex hoc solo capite utramque Deistarum classem imprudentissime divinam in sacris libris conspicuam revelationem repudiare, ac nedum contra fidem, sed etiam contra sanam rationem, communemque sensum aperte insanire.

IX. Animadversionis hujusce vis, & efficacia ex his, quæ in sequente capite dicturi sumus, clarius constabit. Lubet interim propositum argumentum unico syllogismo comprehendere, ac Adversarios nostros pressius urgere. Si Deistæ cæterique omnes increduli temere & imprudenter rejiciunt divinam, quæ in Evangelicis libris asseritur, revelatio-

nem, nonnisi imprudentissime, ac plane fatue ea supplicia non reformidant, ac tamquam fictitia contemnunt, quæ in eisdem conceptissimis verbis denunciantur. Atqui Deistæ, cæterique omnes increduli temere, & imprudenter rejiciunt divinam, quæ in Evangelicis libris asseritur, revelationem. Ut enim prudens hac de re consideratumque judicium ferrent, illud saltem necessum esset, quod mature prius, accurateque perpenlis fundamentis, quibus eam firmissime consistere ab innumeris Sapientissimis viris pro certo habetur, eadem everterent, nulliusque ad fidem faciendam momenti esse demonstrarent; quod hætenus non præstiterunt. Igitur nonnisi imprudentissime, ac plane fatue ea supplicia non reformidant, ac tamquam fictitia contemnunt, quæ in Evangelicis libris conceptissimis verbis denunciantur. Atque adeo hujusmodi homines non jam *elegantes, & cultiores spiritus*, ut appellari amant, sed potius feroces, pervicaces, insipientes, aculti jure æquissimo dicendi sunt, qui in re omnium gravissima non ratiocinantur, sed nugantur, qui magnitudinem animi ostentant, ubi justissima subest timendi causa, qui jumentorum more præsentia solum recogitant, & futura mala absque ulla gravi, verisimilique ratione despicunt.

X. Cum hoc argumento nimium se pressos viderint Deistarum nonnulli, qui non dicerent & scommatibus, ut plerique aliorum, sed ratione causam orare suam affectant, novum sibi persegium quæsierunt, quo se proriperent, negando scilicet quod admissa divina Evangelii,

(a) Opportuna sunt in rem hanc, quæ de hisce Authoribus scribit Franciscus de Roches Genevensis Epist. 4. Defen. Christ. Ces ardents, inquit, défenseurs de l'incredulité, qu'ont-ils fait, après tout, dans leurs Ouvrages? Ont-ils attaqué le *Christianisme* dans les formes? Ont-ils mis le Lecteur en état de juger sainement du proces, qu'il y a entr'eux, & nous? Vous le savez, *Monsieur*, aussi bien que moi. Ils ont effleuré la matière. Ils ont voltigé autour de la place. Ils se sont attaqués à quelques dehors, qui ne font rien à la sûreté. Ils ont reversé des parapets postiches, que la superstition, ou le mauvais goût avoient élevés: ou, s'ils ont essayé d'ébranler ses véritables boulevards, ça été par des railleries, des turpitudes, & autres machines semblables, avec lesquelles on ne prendra jamais des villes. Vide, si lubet, alia plura, quæ de methodo in impugnanda Religione contra fas omne observata a Baylio, cæterisque, profert ibidem eruditus Author.

geli, & Christianæ Religionis auctoritate, necessario consequatur admittenda quoque esse post hanc vitam supplicia, quæ ab iisdem prædicuntur: Non quod huiusmodi supplicia in Sacris libris factis aperte non memorentur, neque enim adeo stipites sunt, ut ea non percipiant: sed quia minarum duntaxat loco haberi posse existimant, quibus deum eventus minime respondeat. Viam hanc eludendi omnia, quæ de alterius vitæ poenis referunt Sacre Litteræ, potissimum aperuit Antonius Collinius Anglus in pestilenti suo libro *de libertate cogitandi* inscripto, in quo inter alia plura, quibus totius fidei Christianæ fundamenta adoritur, ita de nostro argumento disserit: „dum Supremus a-
 „liquis Legislator, inquit, poenam aliquam peccanti denunciat, decreta ipsius, ut solum comminatoria testimari possunt, ad deterrendos homines constituta, eosque in officio retinendos: adeoque si etiam Evangelium a Deo profectum concesserimus, non alterius naturæ & conditionis credendæ sunt minæ, quæ in eo continentur: neque Deus alium in iis ferendis sibi finem facile præfixit, quam homines paulisper in præsentis vitæ perterrefacere, quo recte viverent, non autem in alia minas easdem ad effectum perducere. „Quam conjectationem seipsa propria levitate ruentem ita firmare se posse arbitratur: „minæ, inquit, non eandem pariunt obligationem, ac promissiones; Qui enim promittit, fidem suam oppignorat, sequæ alteri debitorem constituit, atque adeo tenetur juxta fidelitatis regulas ad promissa adimplenda. E contra vero, qui minas intentat ob offensam in se commissam, creditoris locum obtinet. Quemadmodum igitur quisvis creditor contra ullius injuriam, aut juris violationem, quod sibi debetur, potest ex sua libertate remittere, ita potest etiam Deus debitam peccantibus poenam ex sua liberalitate, ac supremo dominio condonare. „Ita Collinius ex Gallico in Latinum idioma sermone converso: Ita alii etiam Dissert.

XI. Plura mihi de hac futilissima evasione dicenda sunt in tertia hujusce Operis Dissertat., ubi de futuri exitii æternitate sermo erit: eadem quippe utuntur nuperi Origenistæ, ut Sacre Scripturæ testimonia, quibus illa disertissime adstruitur, eludant. Pauca quædam interim observemus, quæ ad eam omnino præcludendam sufficiunt. Fatentur itaque Adversarii, aut saltem nobis largiuntur, Evangelium esse verbum divinum, & Christianam Legem a Deo Authore prodixisse. Fatentur quoque in Evangelio satis expresse enunciari tum animæ immortalitatem, tum alterius vitæ supplicia, adeo ut de his nemo jure ambigere queat: solumque negant ex his necessario consequi, impios homines, etiam si ex hac vita sine poenitentia decesserint, iis affectum iri supplicii, tum quia possunt esse ad terrorem duntaxat incutiendum denunciata, tum quia Deus potest eadem ex sua libertate & dominio remittere. At vero quid hoc futilius excogitari potuit in deploratæ causæ præsidium? Quid imprudentius fingi, & contra cujusque Dialecticæ, justive ratiocinii regulas? Possunt esse futura supplicia ad terrorem tantum denunciata: ergo ad terrorem tantum denunciata sunt, aut denunciata fuisse certo, vel saltem probabiliter credi possunt? Si id non colligant, ea semper metuere compelluntur. Damnum enim, quod certo, aut etiam probabiliter, nos minime vitaturos putamus, justî timoris objectum est. Porro id colligere nequaquam possunt juxta boni discursus immobiles leges. Vana igitur & inanis est Adversariorum evasio, sola etiam attenta ratiocinandi methodo.

XII. Sed vanissima prorsus apparet, si consideremus Sacrarum Litterarum verba ac sententias, quibus supplicium ab impiis in alia vita luendum exprimitur. Ita siquidem de illo loquuntur, ita illud frequenter describunt, atque repræsentant, ut non inanis vacuique terribili ideam ingerant, sed quid peccatoribus contumacibus eventurum dænum sit, planissime atque apertissime significant, Id liquet evidenter, ut alias

præ-

præteream, ex illa Christi Domini sententia in finali iudicio ferenda, *discedite a me maledicti in ignem æternum, cui respondebit effectus ibidem propositus. Et ibunt hi in supplicium æternum, iusti autem in vitam æternam.* Id liquet etiam ex exemplis, quibus eandem veritatem Scriptura confirmat, Divitis Epulonis, quem in inferno jam positum, ibique flammis cruciatum exhibet. Diaboli, & Pseudoprophetae cum eorum sequacibus, quos in stagno ignis ardentis torqueri asseverat. Judæ proditoris, de quo dictum est a Servatore nostro, quod bonum erat ei, si natus non fuisset. An hæc omnia & alia innumera ad terrorem tantum conficta sunt, ut a malo quidem absterneamus, at si nihil inde profecerimus, & in divinæ legis contemptu pertinaciter perseveremus, nullum ideo detrimentum patiamur, solumque nobiscum ludere voluit aliquantulum Divina Sapientia, nostroque frustra metui sese, quandiu vivimus, oblectare? *Quid ludis ipse* (inclamat opportunè S. Joannes Chrysost. (a)) *qui hæc cogitas in rebus non ludicris? Quid te ipsum seducis ac decipis? Quid benignitatem Dei expugnas? Propter hoc ipsum quippe Gehennam illam & paravit, & minatus est, ne in illam incidamus, timore illius meliores effecti. Sed si nihil inde proficiamus, eam certissime experiemur. Quomodo audes dicere, quod simpliciter & frustra Gehennam minatus sit, qui nostras actiones tanta diligentia exquirat? Noli, obsecro, noli te ipsum, & eos qui te audiunt, vanis spebus perdere. . . . Collectis his omnibus, quæ producta sunt, aliisque, quæ possent produci, mentem tuam persuade, ne vane nugeatur, ne per experientiam discas esse Gehennam, sed hinc & resipiscere valeas, & tormenta illa effugere.*

XIII. At vero insistit Collinius: *Creditor ex sua libertate ac dominio citra ulla injuriam debitum remittere potest. Deus autem per peccatum offensus, prænamque denuncians creditor tantum est, non*

autem debitor. Quid, si principium hocce, quo inaniter triumphas, & quod velut omnibus exploratum obtrudis, tibi denegarem? Negavit illud certe inter alios V. Cl. Ugo Grotius (b), nec solum negavit, sed etiam negandum demonstravit, ostendens jus puniendi in Rectore Communitatis non esse aut jus absoluti domini, aut solius crediti, lubetque ejus probationes afferre, ut videant omnes, quam caducis principiis nitantur Adversarii in rebus summi momenti audacter definiendis, aut in quæstionem vocandis.

„ Probatur, inquit Vir eximius, hoc primo ex fine, qui optime solet distinguere facultates. Nam jus absoluti domini, ut & jus crediti, comparatum est ejus gratia, qui id jus habet. At jus puniendi non punientis causa existit, sed causa communis alicujus. Pœna enim omnis propositum habet bonum commune, ordinis nimirum conservationem & exemplum: ita quidem, ut rationem expetibilis non habeat nisi ab hoc fine: cum *jus domini & crediti per se sint expetibilia.* Hoc sensu Deus ipse dicit, se pœna eorum, qui puniuntur, non delectari. Rursus numquam cum iustitia pugnare de jure domini, aut crediti cedere: quia natura hæc est proprietatis, ut ea tam uti, quam non uti liceat. At quædam peccata impunita dimittere (puta non resipiscientium) esset injustum in Rectore, etiam in Deo, ut fatetur Socinus lib. 1. cap. 1. Non est ergo jus puniendi idem cum jure domini aut crediti.

„ Præterea nemo ob id iustus dicitur ac iustitiæ nomine laudatur, quod dominio suo utatur, aut quod creditum exigat. At quisvis Rector atque ipse Deus iustus ob id dicitur, & iustitiæ nomine laudatur, quod pœnas non remittat, sed severe exigat. *Iustus es Domine, quod sic judicasti,* Apoc. 16. 5., quod pluribus locis supra probatum est.

„ Ite-

(a) Homil. 15. in ep. R. ad Rom.

(b) de Satisf. Christi cap. 2. Tom. 4. Oper. pag. 308.

„ Iterum virtutum diversitas oritur ex diversitate objectorum. At virtus, qua de dominio, aut credito nostro cedimus, *liberalitas* vocatur: illa vero, qua impunitas conceditur, non *liberalitas*, sed *clementia*.

„ Sed quærat forte aliquis, pergite ille, cum deberi pœna dicatur, quis sit hic Creditor? Vix enim videtur posse intelligi Debitor, ubi Creditor sit nullus. Sed notandum est vocem *debere* non semper denotare relationem inter duas personas. Sæpe enim, *Debeo hoc facere* nihil aliud est, quam *convenit hoc a me fieri*, sine respectu ad personam alteram. Ita *debeo pœnam*, idest dignus sum pœna, & pati eam teneor absolute. Non autem relate ad hunc, aut illum. Ideo perinde est in qua Repub., sub quo Rectore aliquis pœnas delicti luat: æque enim apud omnes liberabitur, quod non ita procederet, si, ut aliarum rerum, ita pœnæ certus extaret Creditor: uni enim illi, non etiam aliis, nisi iussu ipsius, facta solutio debitorem liberaret. Contrarium ferme in præmio apparet: Recte enim dicitur, *debetur illi præmium*: at certa persona, quæ debeat, (seposita lege positiva) non apparet. Hactenus ille scitissime, qui subinde cap. 3. evincit, quod „ etiam si lex nullam pœnam expressisset, naturaliter tamen ipse actus humanus, sive intrinsecam habens pravitatem ex rei natura immutabili, sive etiam extrinsecam ob contrarium Dei præceptum, eo ipso pœnam aliquam, & quidem gravem merebatur, hoc est, par erat hominem peccatorem puniri. Ex quibus omnibus amplius elucet, quam falso oggerant Adversarii pœnas a Deo pro puniendis delictis in Sacris libris expressas credi posse ad solum terrorem incutiendum denunciatas, effectumque carituras.

XIV. Nihilominus illud liberaliter concedamus, quod oppido falsum est, solius Creditoris rationem habere Deum in pœnis exigendis; num ideo sibi merito blandiri possunt contumaces homines, pœnas, quas ille comminatus est,

non irrogaturum: quia eas remittere potest citra alicujus injuriam? Quis, nisi delirus & amens sperat sibi a Creditore suo debitum dimissum iri hoc solo ductus fundamento, quia dimittere illud potest? Quis unquam sibi persuasit, se mortem fortasse evasurum, quia in Deo summa potestas est, ipsum a morte liberandi? Qui hac una de causâ immortalitatem sibi adpromitteret, nonne ad Anticiras ablegandus, & elleboro curandus judicaretur? Cur igitur infanos eos non putabimus, qui in luto peccatorum hærentes, ab inferni cruciatibus se forsitan subtrahendos existimant, quia ipsos subtrahendi Deo potentia non deficit? Apagæ ridiculam spem, futilemque imaginationem. Imo potius ita ratiocinari debemus omnes: Deus potest supplicia, quæ in Sacris Codicibus comminatus est, reipsa, si velit, infligere; sed dubitare minime possumus, quin eadem infligere velit, dum attento animo perpendimus, tum odium & abominationem, qua frequenter testatur, se prosequi impios, eorumque impietatem, tum verba luce ipsa clariora, quibus suum de puniendis sceleribus decretum expressit: tum demum exempla, quæ hanc punitionem vel jam illatam, vel inferendam patefacit. Igitur eam indubitanter infliget, iique solum ipsam effugient, qui sibi in hac vita per pœnitentiam, fructusque pœnitentiæ dignos scelerum suorum veniam promerebuntur.

XV. Hæc quamquam abunde sint ad Collinii sophistica funditus destruendum: aliud tamen lubet argumentum proferre ex iis, quæ jam contigerunt, arcessitum, unde de iis, quæ contingere debent, judicare liceat. Plures legimus in Sacris Codicibus tum Veteris, tum Novi Testamenti a Deo factas hominibus comminationes. Comminatus est mortem primis nostris Parentibus, si de verito ligno comediscent: Comminatus est Universale Diluvium Noeti tempore, terræ Sodomorum conflagrationem, Ægyptiorum, ac Judæorum subinde in Deserto calamitates & cladem, aliaque plura, quæ commemorare longum foret.

foret. Nulla porro est ex tot comminationibus, cui eventus exacte non responderit, rebus saltem eodem in statu manentibus: quod studio advertimus, ne quis Ninivitarum singulare factum opponat, qui divinam ultionem a Prophetâ denunciata experti non sunt: *pœnitentiam quippe egerunt*, inquit Chrysostomus in Epist. ad Philem., *atque ita minas in verbis sibi curaverunt*. Ceterum ex aliis omnibus, qui exinarum metu nihil proficere, nullum afferri potest exemplum, in quo Deus ad effectum non perduxerit, quod se facturum prædixit. Qua igitur probabilitatis specie vel colore effutire valet Collinius alterius vitæ poenas, de quibus tam frequens in Sacris Litteris mentio, ad inane terribilamentum credi posse denunciatas, easque Deum fortasse non insitutum, si nullum exemplum habet, unde ad id credendum adducatur? Pulchre admodum hoc argumentum persequitur ac urget S. August. enarr. in Psal. 72., postquam longa inductione manifestum fecit, evenisse omnia, quæcumque Deus eventura prænuñciaverat: Væ, inquit, perversis cordibus: quoniam ita ventura sunt, quæ restant, sicut venerunt ista, quæ tunc non fuerunt, & ventura prænuñciabantur. An vero exhibuit nobis Deus omnia, quæ promisit, & de solo die iudicii nos fecellit? Veniet omnino, quomodo ista venerunt, veniet Fratres mei. Nemo dicat, non veniet.... sufficiat prima decipio. Si non potuimus primo permanere in præcepto, saltem corrigamur exemplo. Nondum erat exemplum casus humani, quando dictum est ad A-

dam, *morte morieris, si tetigeris*. Et venit de transverso Serpens, & dixit, *non morte morieris*: Creditus est Serpens: contemtus est Deus. Creditus est Serpens, taclum est vetitum, mortuus est homo. Nonne impletum est potius, quod minatus est Deus, quam quod promiserat inimicus? Sic est certe: agnoscimus hoc: inde omnes in morte. Jam vel experti cautesimus. Non enim cessat ET MODO Serpens insuffurrare, & dicere, numquid vere damnaturus est Deus tantas turbas? Liberaturus est paucos? Quid est aliud, quam *facite contra præceptum, non moriemini*? Sed quomodo tunc, sic & nunc. Si feceris, quod suggerit Diabolus, & contemseris, quod præcepit Deus, veniet dies iudicii, & invenies verum, quod minatus est Deus, & falsum quod pollicitus est Diabolus..... *Exurge Domine iudica causam tuam: memento opprobriorum tuorum, eorum quæ ab imprudente sunt tota die*: Adhuc enim insultatur Christo: nec deerunt tota die, hoc est usque in finem sæculi vasa iræ: Adhuc dicitur, vana prædicant Christiani..... *iudica causam meam: memento opprobriorum tuorum*. Sed quorum, nisi eorum, quæ ab imprudente sunt tota die? Numquid prudens hoc dicit? &c., Hæc & alia Augustinus omnino ad rem nostram. Plura alia proferemus adversus vanissimum hoc effugium, quo insipientes misere se decipiunt, loco jam citato, cum de Æternitate poenarum: quæ enim ibi dicentur, potiore titulo ad præsens argumentum revocari possunt.

CAPUT XV.

Epilogus hujus prioris libri. Productis argumentis quaquaversum urgentur Deiste, & Increduli, ut solidi nihil reponere contra valeant. Quare mortalium imprudentissimi compunguntur, si nullum ex iis divinae Justitiae vindictis timorem concipiant.

I. **O**Ue latius a metota hac prima Dissertatione disputata sunt, hoc postremo capite compendio colligere consultum duco, ut uno veluti aspectu cognoscere Lector valeat & catholicæ communisve sententiae de misero impiorum futuro statu firmitatem, & Adversantium stuporem, aut potius infamiam. Tria itaque ad rem hanc demonstrandam argumenta produximus, quæ efficacissima, penitusque decretoria esse nemo unus, qui non affectu suo peculiari, sed rationum pondere, ac vi judicium ferre maluerit, non diffitebitur: eaque etiam a cavillis omnibus vindicavimus, omniumque depulimus difficultatum nubeculas, quibus ipsorum perspicua lux offundi potuisset, ut veritas, quam defendimus, splendoret quam maxime, & cunctorum oculos sua claritate percelleret. Et illud quidem primum, quo tertio loco usus sumus a Divina Authoritate in Sacris libris apertissime loquente arcessitum, satis esse deberet omnibus, qui validissima, quibus Christianæ Religionis veritas immota consistit, fundamenta, siue credibilitatis motiva tranquilla mente, ac ingenio subacto vel parumper expenderint. Velenim nulla est Dei revelatio facta hominibus, librique Evangelici non sunt divinum verbum, sed humanum commentum: vel si divina Evangelii revelatio admittitur, admittenda quoque necessario est animorum immortalitas, statusque securæ impiorum vindictæ: cum in iis libris, non obscuris, non allegoricis verbis, sed clarissimis, & cuivis manifestis ea denuncietur, nec ad inanem quidem futilemque timorem mortalibus duntaxat incutendum, ut ea explicari posse Collinius Anglus censuit, siue potius delira-

vit; sed ita ut effectus aliquando consecutus sit, & consequatur in dies: quemadmodum pluribus jam demonstratum est. Quod si nullam Adversarii Dei revelationem agnoscant, & Evangelio non credant, jam iis omnibus premuntur momentis, quæ divinam Christianæ Religionis originem invicte probant, quæ nisi antea, non jocando, sed ratiocinando, ut ingenuum hominem decet, dejecerint, quod hæcenus nemo eorum præstitit, fed neque ut fidenter asserimus, præstare poterit, jam imprudentissime, ac stultissime & Evangelium rejiciunt, & supplicia, quæ comminatur, non perhorrescunt.

II. Quoniam vero ii, quos refellimus, adduci vix solent, ut hujusce generis argumenta seria animi consideratione perpendant, eaque fere procaci quodam fastu dedignantur, alterum præmissimus argumentum ex purissimis notionibus, quæ omnium mentibus affligent, de Deo, ejusque Natura, Bonitate, Providentia, atque Justitia. Omnibus namque, ut Tullii verbis eloquar (a), jam a principio persuasum est Dominum esse omnium, ac Dominatorem Deum, eaque, quæ hic geruntur, ejus geri judicio, ac numine, eundemque optime de genere hominum mereri, & qualis quisque sit, quid agat, quid in se admittat, qua mente, qua pietate Religiones colat, intueri, piorumque & impiorum habere rationem. Hæc autem divinæ dotes constare nequitiam possunt, nisi alium ponamus vitæ statum, in quo & bonis præmia, & flagitiosis sint parata supplicia. Si enim Deus Dominus omnium, ac Dominator est, jam omnia potest, omniaque procurat, atque administrat. Si optime de genere hominum meretur, necessum est, ut cuique conferat juxta

bo-

bonitatis, ac sapientię regulas. Si *qualis quisque sit, quidve agat, insuetur*, nihil ipsum latet sive ex benefactis hominum, sive malefactis. Si demum *piorum, impiorumque rationem habet*, tum pios diligit, ac remuneratur, tum impios averfat & punit. Porro oranium oculis manifestum est Deum in hac vita mortali neque iustos pręmio, neque iniustos supplicio juxta meritorum conditionem afficere, cum plerumque hos florere, bonisque fortunę, ac voluptatibus affluere cernamus: illos vero affligi, & vexari miseris. Aliam igitur vitam concedamus oportet, ubi iustus Deus omnibus æqua lance rependat, nihilque vel irremuneratum, vel inultum dimittat.

III. Nullum profecto futurum puto adeo delirum, & implum, qui Universi hujus Authorem, cujus amor erga hominem maxime ac Providentia tot in rebus propter ipsum conditis clarissime lucet, posthabere audeat Rectori cui-cumque incurioso, atque scelesto. Neminem porro invenire est, non dicam regni, sed nec peculiaris alicujus familiaris Rectorem, qui adeo, quod rectum & honestum est, contemnat, & odērit, ut probitatem saltem in aliis non diligat, vitiumque non abominetur, &, si liberos habeat, pro nihilo pendat, quod bene vel male morati sint, nec eos promissione alicujus pręmii ad bonum alliciat, nec timore pœnę a malo coerceat. Qui igitur concipias, autingas totius bonitatis, ac iustitię fontem D.O.M. res humanas omnino contemnentem sine amore virtutis, sine odio vitiorum, sine ulla legum suarum cura, qui eodem in pretio habeat innocentiam & pravitatem, parique modo se gerat erga probos, & improbos, immo hos potius quam illos beneficiis prosequatur? Nulla plane Gentilium Secta eo dementię provecta est, ut talem sibi Deum confingeret. Nam tamen nonnulli etiam humana vitia Diis, quos colebant, ascripserint, eos tamen honestatis improbitatisque sensu optime pręditos existi-

marunt, nemoque hujusmodi animum in summo præsertim Deo suspicatus est, qui honesta opera adeo negligeret, ut eodem loco haberet prava, & flagitiosa, eodemque affectu & retributione dignaretur. Brevius dicam cum eximio scriptore, ex quo hanc animadversionem deprompsi (a): si Adversarios audimus, jam mortalium nequissimus in pravis suis affectibus Deo similior foret: quod non sine ingenti horrore dici, intelligi potest.

IV. Hęc & alia plura uberiore sermone superius illustravimus, ut hujusce argumenti vis, & efficacia conspicua omnibus fieret. Illud etiam plurimorum Ecclesię Patrum verbis proposuimus, &, quod opportunius visum est ad nuperos Deistas revincendos, etiam plurimum Gentilium Philosophorum, maximeque Platonis, qui illud in deliciis habuit, eoque non uno in loco usus est ad alterius vitę felicitatem, & miseriam demonstrandam. Atque id sane maximo pudore suffundere deberet Adversarios nostros, quod Gentiles inter tenebras errorum, & superstitionum umbras meliorem de Deo, ejusque perfectionibus ideam animo informaverint, cum eaque connexam omnino, & implicitam animę immortalitatem, ejusque futuram sortem perviderint. Ipsi autem patefacta jam veritatis luce per philosophica studia jam a tot sæculis magnopere exulta, multoque amplius per Evangelii revelationem, in tenebris jaceant, talemque de Deo opinionem habeant, quam de semetipsis neminem habere vellent, si Rectores vel familiarum essent, vel regnorum, aut rerum publicarum.

V. Verum, si neque hoc argumento subigi se patiuntur, illud saltem, quod secundo loco exposuimus, compellere ipsos deberet, ut triumphanti veritati fasces submitterent, firma scilicet consensio nationum omnium, atque gentium in ejusdem confessione unanimiter conspirantium. Uterius hoc a nobis tractatum est, quam res ipsa postulat,

P 2

laret; omni Adversariis vitiligandi a-
ditu præcluso. Ne quispiam mihi re-
gereret, quod ille quondam apud Tul-
lium (a) de hoc eodem argumento dis-
putantem: *unde nota tibi sunt opiniones
nationum? Equidem arbitror multas esse
gentes sic immunitate efferatas, ut apud
eas nulla suspicio Deorum sit*, aut ani-
morum immortalitatis, eorumque fu-
turi status. Ne, inquam, id regere
posset aliquis, omnium gentium, tum
quæ olim, tum quæ hodieque terra-
rum orbem incolunt, nec quæ veterem
quidem tantum, sed etiam quæ recens
detectum, de quibus quidpiam litteris
consignatum est, qua majore licuit, di-
ligentia, sensum & persuasionem de hac
re expiscati sumus. Exordium cœpi-
mus a Judæis, antiquissima omnium
gente, clarissimisque documentis adver-
sum aliquos ostendimus eos continenter
pro hac veritate stetisse. Tum vero
lustravimus Chaldaeos, Persas, veteres
Indos, Phœnices, Thraces, Arcades,
Ægyptios, Æthiopes, & Libyarum
gentes: nec diligentiam nostram effu-
gerunt populi Septentrionales Scythæ,
Gothi, Cymbri, Germani, & Celtæ:
omnesque in eandem sententiam, sal-
tem quoad rem ipsam præcipuam ivi-
se palam fecimus. Hinc cultiorum natio-
num, Græcorum videlicet, ac Roma-
norum sensum perscrutati sumus, a
Poetis incipientes, in quorum fabulis
femina communis veritatis interlucere
conspeximus: Philosophos deinde insi-
gniores ac celebriores, imo omnes, pau-
cis infimæ notæ exceptis, in eodem dog-
mate consensisse luculentis testimoniis
ostendimus. Neque id satis nobis fuit,
sed & ipsas nationes nunc per univer-
sum orbem jam cognitum undequaque
disperfas, sollicitè peragravimus: nupe-
ros Judæos, ac Mahumedanos invisi-
mus, Sinenses quoque, Japonienses,
pluresque alias per Indiarum regna, ac
provincias huc atque illuc diffusas gen-
tes: nec Tartaros præterivimus, aut
Casros, vel Quineenses. Quin etiam ad

novum orbem enavigantes vestigavimus
non Mexicanos modo, & Peruanos,
sed & Brasilienses, Hurones, aliosque
populos barbaros & efferatos, de quo-
rum sententia olim dubitatum fuerat:
nullamque ex iis nationibus deprehen-
dimus, quæ non aura saltem aliqua al-
terius vitæ cognitionis afflata foret,
nec quoad rem ipsam cum cæteris con-
veniret.

VI. Diuturno tandem, ac laborioso
itinere confecto, communique ac peren-
ni in eadem sententia gentium conspi-
ratione comperta, cum in quacumque
re omnium consensio naturæ vox sit,
ut late probavimus, nec ea errori ob-
noxia esse queat, immobili, planeque
necessaria consecutione deduximus, ve-
ram esse ejusmodi sententiam, ac tam-
quam certissimam ab omnibus fuscipien-
dam. Quod enim ubique & semper ge-
nerali hominum consensu, & non sen-
sum repræsentatione creditum est, fieri
nullo modo potest; ut vel a casu, vel
ab humana inventionē dependeat, sed
fontem aliquem magnum, unde flueret,
authoritatemque humana majorem, na-
turæ scilicet, sive naturæ conditoris ha-
buisset necesse est, quem nec falli, nec
fallere posse nullus ignorat.

VII. *Quid est igitur (utar accommo-
de M. Tullii verbis (b)) cur dubitan-
dum sit, quin sint ea, quæ disputari,
verissima: si ratio necum facit luce ipsa,
ferme dixerim, evidentior, eaque non
una, sed multiplex, si eventa, si popu-
li, si nationes, si Græci, si barbari, si
maiores etiam nostri, si denique hoc semper
ita putatum est, si summi Philosophi, si
Poetæ, si sapientissimi viri, qui Respu-
blicas constituerunt, qui urbes condiderunt?
An dum bestia loquantur, expectamus,
hominum consensiente auctoritate contenti
non sumus? Quid est igitur, iterum rogare
præstat. Adversarios nostros, quod eos ab
hac amplectenda veritate retardat? Num
argumenta ad illam comprobandam a nobis
adducta satis perspicua & evidentia
non sunt? Si hoc asserere non veren-
tur,*

(a) loco cit. de Nat. Deor. (b) lib. 1. de Divinat.

tur, jam solem in meridie non lucere eodem jure affirmare poterunt. Num minus efficacia ad rem conficiendam existimant? At aperiant ipsi, si quidem possint, fontes alios, unde efficaciora argumenta hauriri queant ad veritatem aliquam sensibus minime subjectam demonstrandam. Ego plane non video quid validius aut efficacius ne excogitari quidem valeat, quam Dei ipsius testimonium & revelationis oraculo, & rationis judicio, & voce naturæ omnium gentium ore loquentis, exploratissimum. Num denique potiora habent ipsi argumenta, quibus hanc veritatem impugnent? Sed cur ea non proferunt? Cur potius in frivolis conjecturis promovendis operam ludunt? Cur ineptiis duntaxat, inanibusque cavillis nos detinere malunt?

VIII. At enim fac verum esse, quod falsissimum est, producta scilicet a nobis argumenta non ea gaudere perspicuitate & efficacia, quam nos ipsis tribuimus, tribueruntque quotquot ea serio animo perpenderunt, viri sapientissimi, nunquid adeo desipies, ut nullum penitus iis robur inesse tibi persuadeas? Cur potius saltem probabilia non judicabis, quæ cæteri decretoria & apodictica censuerunt? Fac igitur ea solum esse probabilia: fac non omnino certa, sed dubia esse, quæ de futura vita afferuntur, extremæ profecto imprudentiæ ac temeritatis notam non effugas, si tutiorem partem non sequaris ubi de re gravissima agitur, de summæ miseriæ periculo, quam si incurras, non amplius errorem corrigere valeas. Prudentiæ quippe ratio, propriæque salutis amor id a quocumque sano capite efflagitant ut saltem in re magni momenti tutiorem viam libenter præferat, quantumque possit sibi caveat ut in omnem eventum summam rei salvam tueatur, perspicatque ne salus sua quidpiam patiatur detrimenti. Sic olim hoc argumentum adversum Gentiles sapienter urgebat Arnobius: *non credimus, inqui-*

tis, vera esse, quæ dicit. Quid enim? Quæ vos negatis vera esse, apud vos liquet, cum imminetia & nondum casu nullis possint rationibus refutari. Nonne purior ratio est ex duobus incertis, & in ambigua expectatione pendens, id potius credere, quod aliquas spes ferat, quam omnino quod nullas? In illo enim periculi nihil est, si quod dicitur imminere, cassum fiat & vacuum; in hoc damnum est maximum, idest, salutis amissio, si cum tempus advenierit, aperiat non fuisse mendacium. Quid dicitis, o Nescii, etiam fletu, & miseratione dignissimi? Ita non extimescitis, ne forte hæc vera sint, quæ sunt despectui vobis, & præbent materiam risus? Nec saltem vobiscum sub obscuris cogitationibus voluitis, ne quod hac die credere obstinata renuitis perversitate, redarguat sermum tempus, & irrevocabilis præsentia castiget?

IX. Eodem argumento se permotum fuisse, & ad bonam frugem traductum testatur, quisquis ille sit Clementinum scriptor (a). Dicebam quippe, inquit, annon illic pejus quidpiam eo, quod me nunc cruciat, passurus sum, si pie non vixero, ac secundum quorundam Philosophorum sermones Pyriphlegestoni tradendus sum, & Tartaro, quemadmodum Sisiphus, vel Titius, vel Ixion, vel Tantalus: atque in inferno eternum puniatur? Iserunque replicabam dicens: *Sed ista non sunt. Cum igitur, inquebam, incerta res sit, multo magis extra periculum est pie vivere.* Idem etiam argumentum urgent Blaius Paschalis cap. 7. cogitationum, seu reflexionum suarum, & Arnaldus inter Catholicos, & inter Heterodoxos Tillotronus-Anglus, Minister Juriæ, Jo: Albertus Fabricius, aliique.

X. Erunt fortasse ex Adversariis, qui ad hoc argumentum ex eo, quod tutius est, deductum oggerant: si incerta credantur a nobis, quæ de alterius vitæ præmio ac supplicio narrantur, cur propter hæc voluptates nostras, quibus jucunde fruimur, dimittamus? cur jugo divi-

(a) Homil. 1. cap. 4. Tom. 1. Patrum Apostol. Coelestii.

divinarum legum colla subdamus? Nonne incertis certa præponere prudentis est, & considerati viri? Ita sane garrere solent plures *Epicuri de grege porci*, hisque vocibus satis manifestant, unde ipsorum credendi futuræ vitæ præmium atque supplicium repugnantia originem trahat, ex infano videlicet libertatis amore, ex inordinato præsentium bonorum affectu, ex passione, qua tenentur, explendarum cupiditatum, non ab aliquo rationis momento, quod ab ipsis dissensum extorqueat. Sed non ideo extremæ imprudentiæ, ac stultitiæ notam effugium. Nam ut concedamus imprudentis non esse, quæ certa sunt; dubiis & incertis præferre, cum de rebus agitur parvi momenti, idem certe nullus affirmaverit, cum de rebus gravissimis quæstio est. Cum igitur hac in quæstione de summa rerum agatur, de summa nempe felicitatis jactura, de immani, horrenda; ac irreparabili miseria, stolidissime se gerunt, qui hæc contemnunt ob fuitiles vitæ hujus voluptates, parvoque tempore duraturas. Atque ut ad incitas Adversarios omnino redigamus, quæso te, quicumque hac misera uteris evasione: si forte verferis in suburbio, lætusque cum amicis inter cantus, & epulas diem transigas, accedatque anhelans ex urbe aliquis, nulla cognitus tibi fraude, qui renunciet immane incendium subortum in Civitate, conflagrare civium domos, ædibusque tuis jam proxime flammam impendere, atque adeo tuas res omnes, tuæque omnia bona evidenti periculo esse exposita, nisi promptius accurras, ut ea in tuto colloques, aut ignem æstuantem ab eis avertas: su-

perveniatque nunciatus alter, & alter, qui eadem referant, insistantque cunctationem omnem tibi exitio futuram: Quæso inquam te, nonne vir imprudentissimus, maximeque inconsideratus jure censeberis, si tecum reputes vel eos, qui id retulerunt, fortasse fuisse deceptos, vel decipere te voluisse, nec eorum testimonium tanti esse faciendum, ut propterea hilaritatem convivii tui, dulcemque, quam percipis, oblectationem dimittere debeas: adeoque ibidem consistas, nulla de amissione bonorum tuorum, summaque calamitate, quæ tibi imminere denunciatur, sollicitudine conceptus? Næ igitur stolidissimus jure omni judicandus fueris, dum in negotio æternæ salutis eodem modo te geris, præsertim cum & calamitas, quæ tibi impendere prædicatur, longe major sit, & ne cum cæteris quidem omnibus conferenda: & qui de ea testimonium perhibent, non jam unus aut alter mortalium est; sed tota Christiana Religio, quæ id quod testatur innumeris argumentis, & miraculis confirmavit, atque confirmat: sed totus terrarum orbis, qui communi & immobili gentium omnium consensione eam tamquam veritatem certissimam & credidit, & credit: sed tua demum ipsa conscientia, & intima ratio, quam si semotis præjudiciis, turbidisque affectionibus confusas, clara voce prodentem audies, quemadmodum bonis operibus præmium, ita malefactoris poenam deberi, neque constare posse putas, quas de Dei Bonitate, Justitia, ac Providentia infestas habes, ideas, atque notiones, non admiffa in futura vita proborum, improborumque retributione.

Finis Libri Primi.



D E

FUTURO IMPIORUM STATU

LIBER SECUNDUS,

In quo de qualitate, & conditione pœnarum agitur,
quibus Impii in altera vita puniendi sunt.

CAPUT PRIMUM.

Futura Impiorum pœna ex Dei verbo manime definienda. Improbatur illorum consilium, qui plura de iisdem absque solido fundamento comminiscuntur.

*Iis non favens neque Patres, neque privata quadam revelatio-
nes. Aliorum extrema sententia fugienda, qui pœnas
easdem mollire, ac extenuare satagunt.*

I.



Athenus adversum
Deistas, & Incredu-
los, quorum non
exiguus hac præfer-
tim ætate numerus,
pœnas aliquas mane-
re impios post morta-

lem hanc vitam luendas firmissimis argu-
mentis, tum ex Dei testimonio, tum
ex puris naturæ luminis notionibus ar-
celitis, evidenter ostendimus. Pœnæ
ipsæ definiendæ modo sunt, pœnarum-
que qualitas aut conditio, non huma-
na quidem ratione, quæ parum lucis
hoc in argumento asserre potest, sed
divina revelatione in sacris libris, &
Ecclesiæ traditionibus proposita, qua
certo cognoscimus, quid supremus Ju-

dex, ac Vindex Deus legum suarum
transgressoribus pro digna ipsorum pu-
nitione in futura vita paraverit. Equi-
dem vel sola ipsa ratio naturalis clare
nos edocet peccato pœnam, & gravem
sane, deberi, cum infinitæ Dei maje-
statis offensa sit. Verum, cum innu-
meris ferme modis fieri vindictio que-
at, iique ex Dei arbitrio juxta sapien-
tiæ suæ, ac justitiæ regulas unice pen-
deant, nisi ipsemet definitum punitionis
modum manifestum nobis fecisset, ni-
hil omnino certi, exploratique hac de
re habuissimus. Atque hinc factum est
ut ex nationes, quibus divinæ revela-
tionis lumen non affulsit, solamque hu-
manam opinionem secutus sunt, tamet-
si in sententia de puniendis post mor-
tem

tem impiis omnes consenserint, in plura tamen, seque inter contraria, & a veritate abhorrentia placita abierint: quemadmodum ex iis, quæ supra deducta sunt, satis perspicuum est.

II. Quamquam vero in sacris libris de qualitate poenarum, quibus plectendi sunt impii, disertis verbis mentio fiat; non omnis tamen controversia sublata est quoad germanum ipsarum locutionum sensum, adeoque & earumdem poenarum conditionem, multique in absurdas, Deique verbo repugnantes opiniones prolapsi sunt. Horum sententiæ ad duo suprema capita revocari possunt. Alii ut futura supplicia exaggerent, graviorumque hominibus merum incutiant, vel arripiunt undique quæcumque Sacre Scripturæ locutiones, quæ alio referri debent, vel urgent in sensu obvio, ac literali, quæ in metaphorico, aut figurato explicari facile possunt, & explicare par est: multaque etiam adjiciunt ipsi proprio duntaxat cerebro conficta, quibus absonam quamdam picturam deformant, planeque haud illi absumilem, quam Ethnici Poetæ olim confinxere. Hinc ingentes lignorum strues: hinc ferreæ catenæ: hinc putei profundi: hinc æneæ tubæ quibus Dæmones horrendo fragore damnatos excitent; hinc ignitæ sarragines, tremendi leones, venenati serpentes, rabidæ tigres: hinc insuaves epulæ, amarissimi potus, ardentia diademata, atque subfella, & alia id genus plurima, quæ in quorundam, sed fere infimæ notæ scriptorum libris frequenter invenias.

III. Non me quidem præterit eos, qui hæc suppliciorum, ut ita loquar, portenta comminiscuntur, præterquam scripturæ divinæ auctoritates perperam explicatas, duplici alio se motivo tueri: nimirum tum quod hæc idonea admodum sunt ad hominum animos permovendos, qui talium cruciatuum imagine fortius afficiuntur, tum quod eadem aut similia sæpe describuntur in quorundam revelationibus, aut Sanctorum Patrum libris. Sed neutrum, ut ego quidem arbitror, iisdem

suffragari jure potest. Nam ut concedam adhiberi aliquando posse hujusmodi exempla rudioribus præsertim percellendis, ea tamen passim omnibus proponere, & urgere, ac si reapse existerent, id sane prudentis & considerati viri non esse existimo. Nunquid non alia plura, eaque certa & indubitata poenarum genera sacri Codices proponunt, quæ maximum mortalibus terrorem ingerere possunt? Pone mihi ante oculos vel solum, ignis illius tremendi supplicium quo torquendos reprobos certo constare evincam: magis ego hoc uno tormento commoveor, caterique omnes, qui serio illud perpenderint, facile commovebuntur, quam si mille leones, aut tigres dixeris, qui miserorum carnes rabidis moribus depascantur. Poenam illam luculenter apponas, quam perpetua inferet Dei, totiusque boni privatio, acerbissimos conscientia remorsus, seram & inutilem præventiam, loci angustias, aliaque hujusmodi & vehementius nefarios homines deterrebis, quam si æneis lebetes obrudas, tubas horribissimas, ferreas catenas, epulas amarissimas &c. Cur igitur hæc & alia eiuſdem generis effers & exaggeras mira & incredibilia, quæ sapientes contemnere solent, quibusque nonnumquam eorum, quæ certa sunt, tidem in discrimen adducis, cum tot supplicia suppetant, quibus salutarem incutias de divina iustitia timorem?

IV. Ad alterum respondeo in primis, quoad Patres attinet, aliquos quidem esse, qui per hujusmodi imagines inferni poenas explicant, sed longe plures ab iisdem penitus abstinere: nec priores eas ita proponunt, ut velint reipsa credi futuras, quemadmodum verbo tenus enunciant, verum oratorio potius more loquuntur, & ex ipsa sermonis textura satis apparet, nihil aliud in animo habuisse, quam figuratis locutionibus suppliciorum inferni magnitudinem sensilius exponere. Quis autem nescit in quot deliria prorueri possit quicumque tot translatas, seu typicas locutiones in sacris litteris, aut Patribus inveniens, eas

in proprio sensu accipiens, superstruere velit Christianæ Religionis doctrinam?

V. Quoad visiones vero aut revelationes privatas spectat, præter generales responsum, quod nullæ ab Ecclesia approbatæ & receptæ sint; dico illas, quæ majoris saltem ponderis, & auctoritatis videntur, eo sensu intelligendas esse, quo intelliguntur plures typicæ ac figuratæ Scripturæ sacræ expressiones. Sic cælestis Patriæ felicitas ostensa est S. Joanni in Apocalypsi sub emblemate pulcherrimæ ejusdem civitatis in quadro positæ, duodecim portis distinctæ, auro confratæ, ornataque pretiosis lapidibus, ut supernæ beatitudinis gloriam quadantenus conciperet mortalis homo rebus hisce sensibilibus assuetus. Eodem igitur pacto revelatæ fuere nonnullis inferni pœnæ sub quibusdam imaginibus, & figuris rerum magis sensilium, ut acerbitate earumdem clariorem ideam informare animo possent, non ut eas ita in inferno esse putarent. Hinc D. Gregorius Magnus lib. 4. Dialog. cap. 31. relata Reparati visionis immensæ ejusdem pyræ ad cremandum Tiburtium in inferno constructæ, sapienter monet: *Rogum vero Reparatus constitui vidit, non quod apud infernum ligna ardeant, ut ignis fiat, sed narraturus hæc viventibus illa de incendio pravorum vidit, ex quibus nutriri apud viventes corporeus ignis solet: ut per hæc assueta viventes discerent, quid de insuetis timere debuissent.* Huc etiam spectat Petri Cluniacensis sententia lib. 1. Mirac. cap. 13. de iis, quæ nescio quis morti, ac damnationi proximus perspexerat, videlicet de leonibus proprio capiti inhiantibus, de torrentibus ignis, atque ardenti sartagine, de quibus hæc admonet: „facit hoc piamiseratio Conditoris, qui cernens corporalium rerum objecta, interiorum mentis humanæ oculum excæcatum, quædam de spiritualibus rebus etiam per carnem quibusdam innotescere præstat, ut ad amanda, sive timenda

„invisibilia hoc saltem remedio, ve
„admoveat, vel compellat. Quid enim
„aptius ad fidem fidelium instruendam, quam hominem in carne viventem, & hic integra mente colloqui cum hominibus, & ibi spiritualia cernere cum spiritibus? Quid sane leones tremendi, quid flammeus torrens, quid ignita sartago aliud, quam de veritate rerum invisibilium nullatenus dubitare, & horrendum esse in manus Dei viventis incidere, male securos admonebant? Neque enim credendum est alibi, quam in præfenti sæculo quarumlibet ferarum genera commorari, aut ubi nulla metallorum materia est, ferreas sartagines fabricari. Sed quia terror supplicii futuri non nisi per verba usitata, vel per expertarum rerum imagines hominibus adhuc in carne viventibus potest ostendi, placuit Deo per tales corporum similitudines ostendere, quid exutæ corporibus animæ pravis exigentibus meritis cogantur tolerare. Quamobrem licet concedamus fas esse quandoque maxime apud rudiores his imaginibus uti ad explicanda inferorum tormenta, nemo tamen eas urgere debet in propria significatione, aut ita proponere, ac si vere existerent, neque figuræ tantum vel emblemata forent, ad aliud quidpiam duntaxat significandum assumpta.

VI. At enimvero alii sunt ex adverso, qui vel omnia, quæ sacræ paginæ habent de futuris impiorum cruciatibus, ad tropos & allegorias contorquent, vel gravissima illa tormenta ita emolliunt, ac extenuant, ut exiguum plane improbis hominibus formidinem injicere valeant. Atque ut cæteros modo prætermittam, quorum nomina, & opinioniones suis infra locis opportunius referemus, prodiit nuperrime in lucem anno scilicet 1740. Genævæ & Lausanz typis liber Heterodoxi Authoris cæteroque docti, & pluribus titulis commendandi (a), qui dum sententiam impu-

Q gnat

(a) Franciscus de Roches Ecclesiæ Genevensis Pastor in suo opere, cui titulus, *D-fense du Christianisme.*

gnat Anonymi cujusdam penarum aeternitatem negantis, & Origenianam Apocatastasim inducentis, novam ipse sententiam promovet, & aliorum iussufragio defendere conatur, metaphorica nempe esse, quaecumque in sacris litteris de inferni igne enunciantur; & quamquam non omnem poenam sensibilem, qua damnati cruciuntur, inficiari audeat; eam tamen ita intelligi & concipi posse autumat, ut hoc tormenti genere præter paucos aliquos omnium scelestissimos, nequaquam reliqui puniendi sint, ut in loco latius exponam.

VII. Utrumque ego extremum in hac Dissertatione declinare satagam de penarum inferni qualitate, & conditione pertractans, easque scripturarum præsertim autoritate describens: ut neque, quæ metaphorice accipi possunt ac debent, ea in obvio, ac litterali sensu accipiam: neque quæ in proprio sumenda sunt juxta sanioris criticæ, & in-

terpretationis regulas, ea in tropico, aut metaphorico sumam. Atque hæc erit hujusce Dissertationis œconomia. Primo loco disseram de poena illa, quam Damni appellant in Dei privatione & a beata gloria exclusionis posita. Ostendam deinde præter hanc admittendas esse in inferno poenas alias, quæ sensus dicuntur, sive positive, easque damnatis omnibus intelligendas, quamquam non eodem modo, sed pro meritorum cujusque ratione. Tum vero ejusmodi penas recensibo, & illustrabo initium sumens a verme conscientia, de quo in sacris libris mentio. Hinc sermo erit de damnatorum loco, ejusque conditione, ac circumstantiis. Ac demum de præcipuo divinæ ultionis instrumento, igne videlicet, quæstionem institutam, ac fuscè tractabo, omnique momentorum genere probare contendam non metaphoricum quidem, aut spiritualement, sed verum materialemque futurum.

C A P U T II.

De poena Damni primum agitur. Ea indubie juxta sacras litteras reprobi puniendi sunt. Æquitas & gravitas hujusce pœne. Eam ceteris quibuscumque merito præferunt Ecclesie Patres. Eamdem adauget plurimum immensa Beatorum glorie conspectus, qui damnatis asseritur: sicut & carentia omnium bonorum, ac voluptatum, quas in hac vita perceperunt.

I. **D**E poenarum igitur qualitate & conditione, quibus impii in altera vita puniendi sunt, sermonem tota hac Dissertatione habiturus, ab ea incipio, quæ præcipua est, ac cæterarum omnium gravissima merito censetur in privatione posita beatificæ gloriæ, omniumque aliorum bonorum, quæ in Patria celesti diligentibus fe summa munificentia preparavit benignissimus Deus. Designant hanc Hebræi per vocem *Cereth*, quæ juxta Abarbanelem significat *elongationem a splendore divine Majestatis*. Mahumedani vero eam vocant *remotionem quamdam a Deo, cujus aspectu damnati privantur*. Frequentius a nostris poena damni appellari consuevit, quod videlicet damnatum hoc subeat infelix damnatus, quod summo bono privetur, ad quod obtinendum, possidentumque conditus fuerat.

II. Poena hac malos esse multandos res adeo clara est in divinis scripturis, ut supervacaneum videatur rem manifestissimam productis testimoniis comprobare. Non omnia tamen præteribimus. Matthæi cap. 25. legimus: *discedite a me maledicti in ignem æternum*. Lucæ 13. *discedite a me omnes operarii iniquitatis: ibi eris fletus, & stridor dentium: cum videritis Abraham, & Isaac, & Jacob, & omnes Prophetas in regno Dei: vos autem expelli foras*. Joannis cap. 3.: *qui incredulus est Filio, non videbit vitam, sed ira Dei manet super illum*. Et in Apocalypsi cap. 22.: *foris canes (a Civitate Dei) & venefici, & impudici, & homicidæ, & idolis servientes, & omnis, qui amat & facit mendacium*. Prima ad Corinth. cap. 6.: *An nescitis quia iniqui regnum Dei non possidebunt? Nolite*

errare: neque fornicarii, neque idolis servientes, neque adulteri, neque molles, neque masculorum concubitores, neque fures, neque arari, neque ebrios, neque maledici, neque rapaces Regnum Dei possidebunt.

III. Eandem penam pulcherrime expressit Christus Dominus *Matth. cap. 8.*, & *cap. 22.* proposita felicitate caelesti sub allegoria magnifici cujusdam convivii, in quo Electi recumbunt, ejusque suavissimis Epulis perfruuntur: reprobi vero ab eo rejiciuntur in tenebras exteriores, ubi erit fletus, & stridor dentium. Cum enim convivium noctu plerumque celebraretur ingenti tadarum copia, qui ex Triclinio ejecti erant, in tenebris versabantur, plorantes, & pre ira, & indignatione dentibus infrendentes. Designat itaque Christus in hac similitudine cum felicitatem eorum, qui ad caeleste convivium, seu ad beatam gloriam admittuntur: tum extremam aliorum miseriam, qui ex eo penitus excluduntur: qui idcirco in tenebras exteriores mitti perhibentur, quia extra participationem verae lucis erunt, ut adnotat S. Thomas (a) ex doctrina SS. Hieronymi, & Augustini (b).

IV. Pena hujusce, qua punitur peccator, aequitatem & magnitudinem luculenter declarat pluribus in locis Praeceptor idem Angelicus S. Thomas. *Lib. 3. cont. Gentes, cap. 144.* hanc inter ceteras rationem proponit inquit. "Naturalis aequitas hoc habere videtur, quod unusquisque privetur bono, contra quod agit: ex hoc enim reddit se tali bono indignum. Et inde est quod secundum civilem justitiam, qui contra Rempubicam peccat, forfelet Reipublicae privatur omnino vel per mortem, vel per exilium perpetuum: nec attenditur, quanta fuerit mora temporis in peccando, sed quid sit contra quod peccavit. Eadem

autem est comparatio totius vitae praesentis ad Rempubicam terrenam, & totius aeternitatis ad societatem beatorum, qui ultimo fine aeternaliter potiuntur. Qui ergo contra ultimum finem peccat, & contra charitatem, per quam est societas Beatorum, & tendentium in beatitudinem, in aeternum debet puniri. Quam penam ibidem *cap. 141.* vocat omnium maximam, quod privatio sit maximi boni, sive felicitatis, quae est ultimus finis hominis.

V. Clarius exponit poenae ejusdem magnitudinem *opuscul. 2. cap. 174.* his verbis: "quia miseria, ad quam ducit malitia, contrariatur felicitati, ad quam ducit virtus, oportet ea, quae ad miseriam pertinent, sumere per oppositum eorum, quae de felicitate dicuntur. Ultima autem hominis felicitas, quantum ad intellectum quidem consistit in plena Dei visione: quantum ad affectum vero in hoc, quod voluntas hominis in prima bonitate sit immobiliter firmata. Erit igitur extrema miseria hominis in hoc, quod intellectus totaliter divino lumine privetur, & affectus a Dei bonitate obtinate avertatur. Et haec est praecipua miseria damnatorum, quae vocatur poena damnus. Et eodem opusculi *cap. 3.* comparans cum hac poenam ignis, quae omnium terribilior videtur, docet: carentia divinae visionis & separatio a Deo major est poena etiam existentibus in inferno, quam ignis supplicium.

VI. Eadem est aliorum Ecclesiae Patrum sententia de poena hujus magnitudine, quam modo vix, ac ne vix quidem intelligunt terrenis affectibus nimium implicati, ac pene obcecati mortales. S. Augustinus in *Enchiridio cap. 112.* perire, ait, a regno Dei, exulatio a Civitate Dei, carere tam magna multitudine dulcedinis Dei, quam abscondit timen-

Q 2 tibus

(a) lib. 4. dist. 20. art. 2. ad Annib.

(b) D. Hieronymus Comment. in cap. 8. Matth., tenebrae semper interiores sunt, non exteriores. Sed quoniam qui a Domino foras expellitur, lumen relinquit, idcirco exteriores tenebrae nominatae sunt. S. August. in *Plal. 6.*: tenebrae exteriores sunt esse prius extra Deum. Et *Epi st. 120.* huic poenae contrarium est, quod de bono servo dicitur: intra in gaudium Domini sui, ut quanto sunt ista tenebrae exteriores, tanto sit lumen illud interius.

tibus se, perfecit autem sperantibus in se, tam grandis est pœna, ut nulla ei possint tormenta, quæ novimus, comparari. S. Bernardus in Epistol. ad Thef. egomulto durius tormentum esse assero, quam Gehenna est, non assecutum esse tantam gloriam, & illinc delapsum esse: & opinor non tanto dolore lugendum de malo Gehennæ, quam casum deplorare, quod cælo excidimus, qui est cruciatus omnium gravissimus. Paria tradunt S. Basilii, S. Bruno, aliique.

VII. At præ cæteris hujusmodi pœnæ acerbiter pluribus in locis exaggerat S. Joannes Chrysostomus, eamque omnibus longe præfert, velut omnium gravissimam. Ad Theodorum lapsum hæc habet: a tantis excidisse bonis (regni scilicet cælestis) tantum infert doloris, afflictionis, angustia, ut etiamsi nullum aliud esset supplicium peccatoribus destinatum, illud solum posset graviores aliis Gehennæ cruciatibus inferre pœnam, animique perturbationem. Homil. 47. ad popul. Antioch. multi, inquit, inferni ignem timeant: sed ego maxime amarum dico amissionem gloriæ. Nam qui non novimus magnitudinem cælestis boni, non possumus intelligere, quantum sit malum illi privari. Idem fortius urget homil. 23. in Matth. dicens: novi quia plerique pertimescunt Gehennam. Ego tamen illius gloriæ amissionem multo amarius dico esse, quam ipsius Gehennæ supplicium. Et intra: intolerabilis quidem res est Gehenna, quis nesciat? & supplicium illud horribile. Tamen, si mille aliquis ponat Gehennas, nihil tale dicturus est, quale est a beatæ illius gloriæ honore repelli. Caussam vero demum aperit Homil. 49. in eundem Matth. cur homines talem pœnam omnibus terribiliorem parvipendant: quia nempe, quamdiu sumus in hoc mundo, imperfecte cognoscimus felicitatis objectum, ejusque magnitudinem ignoramus. In hoc quippe mortali corpore tamquam in tenebroso quodam carcere inclusis, vix tenuis subluet nobis radius immensæ illius gloriæ, quam nec oculus vidit, nec auris audivit, nec in cor hominis ascendit.

VII. Facit ad augmentum hujus pœnæ id, quod non semel memorant sa-

cra litteræ, damnatos nempe aliquatenus visuros summam Beatorum gloriam, ex qua vehementius cruciabuntur, eo modo, quo a longe consistentes dum alios vident in magna lætitia conversari, se ipsos vero procul ejectos in carcere, extremam inde tristitiam, & indignationem concipiunt, unde amplius forquentur. Delineavit hoc Christus Dominus in parabola Divitis, & Lazari. Cum enim Dives in damnatorum loco esset, ibique flammis cruciaretur, describitur oculos elevaré, oculos videlicet non corporis, sed mentis, & vidisse Lazari animam in Abraham inu tamquam in loco summæ pacis, & consolationis requiescentem. Ex hac enim parabola, v. animadvertit Euthymius in Lucæ cap. 16. discimus, quod in futuro seculo peccatores vident iustos, & iusti peccatores: Quod & S. Gregorius Magnus observavit lib. 4. Dialog. cap. 33. inquit: boni malos, & mali cognoscunt bonos. Nam Dives ab Abraham cognoscitur, & Lazarus a reprobo est Dives cognitus. Quis porro non intelligat quam magnopere hinc augeatur reprobiorum pœna, quam acerrime hujusmodi aspectu miseri divexentur, & contabescant?

IX. Graphice admodum hunc cruciatum exposuit, peneque oculis subiecit Sacer Author libri Sapientiz cap. 5. ita de iustis, & impiis differens: tunc stabunt iusti in magna constantia adversus eos, qui se angustiaverunt, & qui abstulerunt labores eorum. Videntes (impii) turbabuntur timore horribili, & mirabuntur in subitatione insperata salutis, idest propter inopinatam salutem, & admirabilem iustorum gloriam circumquaque coruscantem, dicentes intra se poenitentiam agentes, & præ angustia spiritus gementes: hi sunt, quos habuimus aliquando in derisum, & in similitudinem improperii. Nos insensati vitam illorum estimabamus insaniam, & finem illorum sine honore. Ecce quomodo computati sunt inter filios Dei, & inter Sanctos fors illorum est. Ergo erravimus a via veritatis, & iustitie lumen non luxit nobis, & sol intelligentie non est ortus nobis.

X. Nemo non videt his verbis repræsen-

sentari a Sacro Scriptore ea præsertim, quæ eventura aliquando sunt in finali Dei judicio, in quo reprobis, qui a sinistris erunt, intuebuntur justos assidentes a dextris Christi Judicis, eorumque immensam felicitatem & gloriam, quæ æternum perfuerunt: ex qua visione incredibili angore, & turbatione commovebuntur, summaque afficientur tristitia, cogitantes quibus bonis exciderint, qua gloria, & felicitate dejecti sint. Hæc vero pœna finem eo die habitura non est, sed per omnem æternitatem duratura, quemadmodum egregie declarat S. Thomas in supplem. q. 98. ar. 9. ubi hanc quæstionem excitat, *num damnati gloriam Beatorum videant?* Cui respondet in hæc verba: „ damnati ante „ diem Judicii videbunt Beatos in gloria, non hoc modo, quod gloriam eorum, qualis sit cognoscant: sed solum cognoscent eos esse in gloria quadam inextimabili: & ex hoc turbantur, tum propter invidiam dolentes de felicitate eorum, tum propter hoc, quod ipsi talem gloriam amiserunt. Unde dicitur Sap. 5. de impiis: *videntes turbabuntur timore horribili.* Sed post diem Judicii omnino Beatorum visione privabuntur: nec tamen ex hoc eorum pœna minuetur, sed augebitur: quia memoriam habebunt

„ gloriæ Beatorum, quam in Judicio „ viderunt, vel ante Judicium. Et hoc „ erit eis in tormentum. Sed ulterius „ affligentur in hoc, quod videbunt se in „ dignos reputari etiam videre gloriam, „ quam Sancti merentur habere.”

XI. Denique ad ejusdem pœnæ cumulum accedit carentia objectorum omnium, quæ impiis hominibus in hac mortali vita oblectationem & voluptatem afferre solent, & in quibus tamquam summo bono quietem animi, ac beatitudinem exquisierunt. Enim, dum iis objectis penitus destituuntur absque ulla eadem obtinendi spe, eorumque ingens, quo tenentur, desiderium suo semper frustratur effectu, vix concipi potest, quanto mœrore conficiantur, quantis cupiditatum fluctibus exagitentur. Non incommode hoc per simam illam exprimitur, quam Dives in Inferno constitutus experiebatur. Dum enim memoria præteritarum voluptatum recurreret animo, non poterat non vehementer accendi ipsius appetitus, qui irrito semper conatu in eadem tendens, incredibilem oportuit excitaret angorem, atque tristitiam. Hinc sapiens illud Sancti Augustini effatum: divina iustitia fieri, *ut quæ fuerant delectamenta homini peccanti, sint instrumenta Domini punienti.*

C A P U T III.

Præter pœnam damni, etiam admittendæ sunt pœnæ sensus, quibus reprobi affligantur. Eas quibuslibet hujus vitæ suppliciiis longe acerbiores esse & sacre literæ tradunt, & Ecclesiæ Patres testantur. His tamen non æque omnes placent, sed pro meritum ratione. Singularis opinio Anonymi cujusdam Berolinensis, & Francisci de Roches Genevensis, qui putant quosdam tantum insigniter impios hujusmodi pœnis subjiciendos. Ea pluribus refellitur: quæque illi proferunt in ejus præsidium, nullatenus eidem suffragari demonstratur.

I. **N**on sola pœna damni, sive æternæ gloriæ, bonorumque omnium privatione impios esse puniendos, verum etiam pœna, quam sensus appellant, five positivis afflictionibus, & suppliciis, res est in divinis Scripturis utriusque fœderis exploratissima. Sæpe namque eæ memorant, tum vermem immortalem, tum ignem inextin-

guibilem, tenebras æternas, carcerem horrendum, aliaque hujusmodi peccatoribus in futuro sæculo deputata, quæ procul dubio, quovis modo explicentur, ideam omnibus ingerunt positivi cujusdam tormenti miseris damnatis insigendi. Qua de re ii etiam scriptores ultro consentiunt, quin ejusmodi locutionibus tropicum sensum latere existimant,

mant, ignemque ipsum metaphoricè accipiunt.

II. Pluribus rationibus, iisque valde congruentibus poenæ hujus æquitatem declarat Doctor Angelicus S. Thomas lib. 3. cont. Gentes cap. 145., ex quibus primam tantum assero, quæ est hujusmodi: *Pœna, inquit, debet proportionaliter culpæ respondere. In culpa autem non solum avertitur mens ab ultimo fine, sed etiam indebite convertitur in alia, quasi in fines. Non solum ergo puniendus est, qui peccat per hoc, quod excludatur a fine, sed etiam per hoc, quod ex aliis rebus sentiat nocumentum.* Quæ ratio sic exponitur: duo sunt in peccato secundum affectum, & voluntatem peccantis, aversio nempe, & conversio. Aversio quidem, quatenus voluntas quæ Deo deberet tamquam ultimo fini adherere, semet potius ab ipso subtrahit, ac recedit, dum se, suaque omnia in Deum non refert velut ultimum finem, ipsum præ cæteris omnibus diligendo. Conversio vero, quatenus inordinata voluntas amorem suum a Creatore convertit, ac figit in creatura, eamque respicit ut finem ultimum, sequè, & sua omnia in ipsam ordinat. Aversioni itaque convenientissime ea poena respondet, quæ in carentia divinæ fruitionis posita est, ut scilicet, quemadmodum Deum quis peccando dereliquit, ita a Deo derelinquatur, ne particeps sit divinæ beatitudinis. Conversioni vero maxime congruit nocumentum ex creaturis perceptum, ut sicut in creaturis plus debito quispian delectatus est, ita ex iisdem nocumentum recipiat, ac tristitiam.

III. Poenas has positivas acerbissimas fore, multoque graviore, quibus in hac mortali vita affligimur, aut miserimi quique affligi possunt, ex iisdem facris litteris certo colligimus. Eas siquidem, earumque locum his coloribus pingunt, his nominibus, phrasibusque præsentant, quæ maximum inter omnes cruciatum portendunt. S. Joan. in Apocalyp. cap. 14. 19. Damnatorum locum appellat lacum ire Dei magnum, hoc est abyssum plenum omni confusione,

horrore, tormento, dolore, adeo ut *lacus magnus* dicatur, quasi magna Dei ira repletus: ea inquam ira quam perpendens olim Propheta Regius exclamabat: *quis novit potestatem iræ tuæ, & præ timore iram tuam diu numerare?* Lucæ quoque cap. 16. vocatur infernus antonomastice *locus tormentorum*, sive in quo omnia inveniuntur tormentorum genera, aut melius dixerim, tormentorum omnium veluti virtus, & efficacia. Paulus etiam ad Hebræos clamat, *horrendum esse incidere in manus Dei viventis*. Et ut alia loca præteream, poena ipsa ignis, de qua tam frequens mentio in *sanctis* libris, tormentorum, quibus impii obnoxii erunt, summam declarat acerbitatem, consentientibus omnibus, iisque etiam, qui vocem ignis metaphoricè sumendam putant: eo quippe vocabulo designari ajunt acerrimos cruciatus, & exquisitissimos dolores a damnatis perferendos, quorum species exacte definiri nequeunt: ideoque ignis nomine appellatos, quod nihil igne sensilius sit, quodque acutiorem dolorem ciat, quem natura hominis maxime refugit (a).

IV. Eadem quoque est Sanctorum Patrum, ac Theologorum sententia, qui unanimi consensu inferni supplicia longe atrociora esse quibuscumque hujusce vitæ tormentis affirmant, ac ne cum ipsis quidem conferenda. S. Hieronymus in cap. 2. Joëlis ait: *omnia mala, quæ veteribus historiis continentur, aut inundatione maris, aut alluvione fluminum, aut pestilentia, morbis, fame, bestiis, hostium vastitate hominibus acciderunt, his suppliciis non poterunt comparari.* S. Augustinus serm. 109. de temp.: *quæ quisque gravia patitur in hac vita, in comparatione æterni ignis non parva sunt, sed nulla sunt.* S. Jo. Chrysostomus homil. 49. ad Pop. Antioch. pone ferrum, ignem & bestias, & si quid his difficilius: attamen nec umbra sunt ad illa tormenta. S. Thomas Aquinas in 4. Dist. 50. qu. 2. art. 1. quæst. 4.: *sicut propter perfectam Sanctorum beatitudinem nihil erit in eis, quod non sit gaudii materia: ita nihil erit in Damnatis, quod non sit eis materia, & causa tri-*

stis

(a) vide V. l. i. gam in cap. 66. Iste.

stis: nec aliquid, quod ad tristitiam pertinere possit, deest, ut sit eorum miseria consummata. Ceteros mitto.

V. Idem pariter est nationum omnium, aut fere omnium sensus. Quamquam enim plurimum inter se dissideant in suppliciorum qualitate definienda; in eo nihilominus conveniunt, acerrimas, & gravissimas futuras impiorum penas in altera vita, adeo ut hæc persuasio cum ipsa idea naturali de punitione malorum profecta videatur. Hinc Judei Gehennam describunt, locum iudicii iusti, in quo peccatores penas luent, quibus nulla in hoc mundo similes sunt. Mahumedani quoque, Gothi, Sineses, Japonienses, cæterique ferme Orientales, ut supra vidimus, infernum horrendo admodum depingunt. Atque ipsi etiam Poetæ tum Græci, tum Latini nefarios detrudunt in horribile barathrum, ubi modis innumeris excruciantur. Nec sine horrore legi possunt, quæ de futuris impiorum cruciati-bus referunt Plato, & Plutarchus locis jam superiore Dissertatione allegatis.

VI. Licet autem tam horribilia sint Damnatorum tormenta, illud extracujusvis dubitationis aleam positum esse debet, non æqualiter omnes puniendos esse, sed magnam inter ipsos futuram suppliciorum diversitatem. Cum enim non eadem sit in omnibus meritorum conditio, & quidam plura, quam alii, gravioraque peccata commiserint, quemadmodum & longe major nonnullis auxiliorum, donorumque gratiæ copia collata fuit, quibus æterna supplicia vitare facile potuissent; æquitas sane ipsa, immo iustitiæ ratio postulat, ut magna quoque in punitione constitutur diversitas, ut pœnam inter atque delictum proportio intercedat. Idem vero & ipsæ sacre litteræ crebro testantur. Incolarum enim urbium Sodomæ & Gomorrhæ, itemque Tyri, & Sidonis tolerabiliorem fore in die iudicii conditionem, quam illorum, qui rejecta limpidiissima Evangelii luce, in tenebris, & tenebrarum operibus vivere maluerunt, Servator ipse diserte

pronuntiat Matth. cap. 10. Si quorundam conditio tolerabilior futura est, quam aliorum, certos pœnarum gradus admittamus, oportet. Pari ratione & servum illum, qui cum Domini sui voluntatem perspicuam haberet, ei tamen morem gerere detrectavit, pluribus plagis vapulatum iri Christus edicit. Sapientiæ itidem cap. 4. legimus: *potentes potenter tormenta patientur, & fortioribus, sive iniquioribus fortior instat cruciatio.* Et clarius in Apocalyp. cap. 18., de muliere meretrice dicitur: *quantum glorificavit se, & in deliciis fuit, tantum date illi tormentum, & luctum.* Atque hoc est, quod Scriptura Sacra tam diligenter inculcat, Deum nempe unicuique redditurum secundum opera sua: quod profecto nisi proportionem quadam inter pœnam, & culpam observata fieri nequit.

VII. His consona est Patrum omnium sæculorum doctrina: ex quibus duos, vel tres duntaxat produco. Origenes homil. 8. in Num. ita loquitur: *Si peccator sum, nunquid eadem mihi erit pœna, si semel peccavi, quæ & si secundo, & tertio, & si frequentius peccemus? Non ita erit: sed pro modo, numero, & mensura peccati, etiam pœnæ quantitas metienda est. Deus enim dabit nobis panem lacrymarum, & potabit nos lacrymis, sed in mensura, mensura autem hæc erit, quam sibi quisque vel minus, vel amplius peccando quaesierit.* S. Augustinus lib. 4. de Baptif. cap. 19.: *nec dabitandum est quidem pœnas ipsas, quibus cruciabuntur (Damnati) pro diversitate criminum diversas esse, & alias aliis acriores ut in ipso igne æterno pro disparibus ponderibus peccatorum, sint disparia tormenta pœnarum.* S. Gregorius Magnus lib. 4. Dial. cap. 43. *sicut sub uno sole multi consistunt, nec tamen ejusdem solis ardorem equaliter sentiunt: quia alius plus aestuat, atque alius minus; ita illi in uno igne non unus est modus incendi: quia quod hic diversitas corporum, illic hoc agit diversitas peccatorum.*

VIII. His accedit decretum in Concilio Florentino ab Ecclesia universa tum

tum Græca, tum Latina concordianimorum federe latum: nimirum, omnes, qui in peccato mortali ex hac vita decedunt, in infernum statim descendere pœnis dissipibus puniendos.

IX. Cæterum, tametsi pœnarum hanc pro meritis cuiusque inæqualitatem admittere necesse sit: illud tamen omnino credere opus est, firmiterque tenere, quemlibet hominem, qui ob peccata a se commissâ ad inferos damnatus fuerit, utraque pœna, privativa videlicet, sive *damni*, & *positiva*, sive *sensus* cruciatum iri. Oppositam sententiam veluti satis verosimilem insinuerè veritus non est supra laudatus Franciscus de Roches (a) secutus Theologum quemdam Berolinensem, cujus opera extant in Biblioth. Germanica. Fatetur Author iste sæpe in sacro eloquio mentionem fieri de utraque pœna, privativa, & *positiva*, sive, ut ipse vocat, *afflictiva*: neque alterutram negari posse in inferno citra errorem in fide. At vero putat priorem quidem reprobis omnibus futuram esse communem: non ita posteriorem, qua solum plestendos existimat eos, quos monstra impietatis, crudelitatis, & injustitiæ appellat, sive qui totam ferme vitam impie, crudeliter, & injuste citra moderationem ullam transegerunt: quibus postea adnectit illos, qui gratiam sibi a Deo peramanter oblatam Christum Redemptorem agnoscendi, pervicaciter rejecerunt, ejusque discipulos persecuti sunt, vel leges ab ipso constitutas, quas clare noverant, & sequi se tamquam divinas protestabantur, per summam imprudentiam violaverunt (b). Quod, ne proprio duntaxat arbitrato dixisse videatur, confirmare nititur tum testimoniis, quæ ha-

bentur Matth. cap. 22. com. 13., & cap. 25. com. 12., & 30., ubi Christus Dominus solam pœnam exclusionis ab æterna beatitudine memorat, dum fatuis Virginibus divinum sponsum dicturum testatur: *nescio vos*, & carentem veste nuptiali, servumque inutilem in tenebras exteriores ejiciendi præjunctat: tum autoritate Apostoli Pauli ad Roman. cap. 2. agentis: *quicumque sine lege peccaverunt, sine lege peribunt; & quicumque in legem peccaverunt, per legem judicabuntur*: ex quo, inquit, sequitur, qui in Evangelium sibi cognitum ac perspectum peccaverint, pœnis ab ipso Evangelio denunciatis obnoxios futuros. At quoniam haud satis clarum sibi visum est hocce testimonium, roborare illud studet verbis, ut inquit, *clarioribus*, quæ leguntur cap. 10. epist. ad Hebræos a com. 28. *irritam quis faciens legem Moysis, sine ulla miseratione duobus, vel tribus testibus moritur. Quanto magis putatis deteriora mereri supplicia, qui Filium Dei concubaverint, & sanguinem testamenti pollutum duxerit, in quo sanctificatus est, & spiritui gratiæ contumeliam fecerit?* Atque ille quidem eo consilio hæc proponit, ut fidem de pœnarum æternitate facilius, feliciusque propugnet adversum nefarios impetus Anonymi cujusdam scriptoris, qui illam machinis omnibus nuper aggressus est. Sed plane illud in Rochellum regeri posse mihi videtur,

Non tali auxilio, nec defensoribus istis indiget sacratissimum hoc Christianæ Religionis dogma, cum melioribus armis, atque tutioribus a perditiorum hominum insultibus & conatibus defendi valeat, ut alibi Deo favente, constabit: immo causam æternitatis pœnarum, quantum quidem arbitror, prodit ipse po-

(a) Défense du Christianisme epist. 37., & 38. Tom. 2. pag. 330.

(b) L' Théologien, que je viens de citer va plus loin encore. Il insinue que ces peines afflictives pourroient bien n'être le partage, que des plus coupables d'entre les Hommes; & de ces monstres d'impieeté, d' cruauté, & d'injustice, dont les débordemens sont horreur à tous ceux, en qui il reste quelque sentiment de vertu &c. Et pag. 330. je ajouterai, Monsieur, que peut-être la menace des peines éternelles afflictives ne regarde (les plus scelerats du reste des Hommes toujours exceptez) que ceux qui ayant eu les moyens de connoître Jesus Christ, l'eurent fièrement rejeté; & persécuté dans ses disciples, ou se seront obstinés à violer ses loix les plus claires, & les plus justes, malgré la profession, qu'ils faisoient de les reconnoître pour divines. Cette conduite enserme une ingratitude si noire, une malice si desespérée, une fureur si impie &c.

potius, quam juvet. Quam enim rationem habeat Adversarius straminei huius propugnaculi, quod jam videat cæterorum omnium iudicio & auctoritate convelli?

X. Huiusque igitur Authoris limitatio vel eo solo titulo meritissime repudianda foret, quod in Ecclesia Christi inaudita plane sit, omnibusque Ecclesiæ Patribus, ac Theologis incognita. Nam quamvis de pœna eorum, qui primigenia tantum culpa infecti moriuntur, non eadem fuerit, neque sit Theologorum sententia, communiorque eos soli damni pœnz subiciat; nemo tamen unus idem asseruit de cæteris, qui propriis pravis noxis contaminati ad inferos descenderunt. Et certe si sacras litteras consulamus, nullum in eis fundamentum invenimus, impios aliquos, aut peccatores, qui sine penitentia ex hac vita decedunt, eximendi ab illis suppliciis, quæ omnibus, qui legem Dei transgressi fuerint, sæpissime, nullo facto discrimine, comminantur. Nam quod attinet textus a Pastore Genevensi productus, adeo inepti sunt ad ejus opinionem adstruendam, ut mirum sit a Scriptore alias non indocto potuisse proferri. Quid enim refert Christum Dominum uno vel altero loco de exclusionē a gloria cælesti duntaxat mentionem fecisse? Num per hoc alias pœnas excludit, quas sexcentis in locis disertissime commemoravit ob peccata etiam, quæ leviora videntur? Nonne Matth. cap. 5. denunciat: *qui dixerit fratri suo fatuo, reus erit Gehennæ ignis?* Quid levius in speciem hoc contumelioso verbo? Nonne eodem capite propter aspectum impudicum projiciendos decernit homines in Gehennam? Nonne ibidem cap. 3. testatur omnem arborem non facientem fructum bonum excidendam, & in ignem mittendam? Qui hujusmodi a Supremo Judice Christo ad pœnam æterni ignis damnantur, oppido non sunt monstra illa impietatis, crudelitatis, & injustitiæ, quæ solum ad talem pœnam damnanda opinatur Modernus Author. Quid plura? Nonne exerte dicitur in Apocalypsi cap. 20. *qui non inventus est in libro*

vite, missus in stagnum ignis? Igitur non mortalium solum perditissimi, aut qui Evangelii gratiam sibi oblatam pervicaciter rejecerunt, aut Christi discipulos infectati sunt, aut leges ab eodem Christo constabiles per summam impudentiam, contemptumque violarunt, sed omnes penitus, qui in libro vite conscripti non sunt, sive in lethali aliquo crimine præventi morte fuere, nedum ab æternæ vitæ possessione arcendi erunt, sed etiam in stagnum ignis mittendi, ut eo procul dubio crucientur.

XI. Verum enim vero in iisdem ipsis locis a nupero Scriptore objectis, satis perspicua prostant ad ipsum revincendum documenta. Postquam enim divinus Magister dixerat, non habentem vestem nuptialem, & servum inutilem ejiciendos in tenebras exteriores, e vestigio subjecit: *ibieris fletus, & stridor dentium*, his verbis insinuans ea tormenta, unde effectus hujusmodi in miseros damnatos derivantur: præsertim cum eodem cap. 25. Matth. post sermonem de pœna servo inutili infligenda, statim enarret, quid dicturus ipse sit in extremi Judicii die iis omnibus, qui a sinistris ejus erunt, nimirum: *discedite a me maledicti in ignem æternum*. Vel solus iste Scripturæ locus abunde sufficere deberet ad rem conficiendam, novæque sententiæ limitationem plenissime refellendam, si & hæc eadem verba, & quæ sequuntur diligentius considerentur. In illa namque sententia utraque pœna & damni, & sensus clarissime exprimitur. Damni quidem cum dicitur: *discedite a me maledicti*; sensus vero cum additur *in ignem æternum*. Porro terribilis hujus sententiæ, quam Christus in reprobos laturus est, causa profertur ab eodem Supremo Judice his verbis: *esurivi enim, & non dedistis mihi manducare: sitivi, & non dedistis mihi potum: boves eram, & non collegistis me: nudus, & non cooperuistis me: infirmus, & in carcere, & non visitastis me*. Qui hæc misericordiz opera non præstiterunt, hæc facta non sunt impietatis monstra, aut homines insigniter impii, qui totam vitam suam in horrendis sceleribus traduxerint:

& tamen eos Christus Dominus aeterno igni adjudicandos praedicat. Nonne igitur inferre opus est multo magis in eundem ignem detrudendos esse raptos, fornicarios, adulteros, blasphemos, infideles, ceterosque, qui legem divinam transgressi sine poenitentia decesserunt? *Quanta damnatione*, inquit apostolus S. Gregorius Magnus (a), *plectendi sunt, qui rapiunt aliena, si tanta animadversione feriantur, qui sua indiscrete tenuerunt?* Et S. Basilius (b) expendens maledictionem, qua Christus sterilem ficum perculit, multa, inquit, similia invenire est, ex quibus demonstratur, quod non solum ii, qui mala faciunt, digni sunt morte, quibus inextinguibilis ignis paratus est? sed cum eis condemnantur etiam illi, qui a bonis operibus vacant. Nec sine speciali, ut quidem arbitror, divino consilio Salvator noster tum cap. laudato Matth. tum aliis in locis saepe meminit poenae, quae pro bonorum operum omissionibus irroganda est, ut quisque scilicet intelligeret ea ipsa, quae apud homines minora videntur peccata, coram divina iustitia aeternis suppliciis digna reputari.

XII. Nihil igitur Genevensi Ministro suffragantur laudata ex Evangelio verba. Sed neque ex verbis Apostoli Pauli quidpiam extendere potest, quod sibi faveat. In priore siquidem loco ex cap. 2. Epist. ad Rom. aliud non edifi-

ferit nisi maiorem futuram punitionem Judaeorum, qui in legem peccaverint, cuius clara notitia illustrati erant, quam Gentilium, qui lege scripta carentes solum rationis lumine quid agendum sibi foret, quidve fugiendum, cognoscere poterant. Ita praeter alios exponit mentem Apostoli S. Joan. Chrysostomus (c) inquit: *hic non solum aequo esse bonore Judaeum, & Graecum ostendit, sed multum gravatum ex legis acceptione Judaeum. Graecus enim sine lege quidem judicatur. Sine lege vero judicari hic intelligit non gravius, sed mitius, & levius judicari, hoc est non habere legem accusantem. Nihil enim est aliud sine lege, quam praeter eam, quae ex lege est, condemnationem ex solis naturae rationibus judicari. Judaeus vero per legem damnatur, hoc est praeterquam quod ex naturae rationibus judicatur, etiam ex legis iudicio condemnatur. Quanto siquidem maiore imbutus est scientia, tanto maiorem dabit peccati poenam. Idemque est sensus alterius loci ex Epist. ad Hebraeos, ut ex ipsis verbis liquidissime constat: illud enim solum affirmat Apostolus deteriora mereri supplicia, siue gravius Judaeis ipsis esse puniendos eos omnes, qui beneficiis & gratiis peculiaribus sibi a Christo liberalius erogatis, abusi fuerint: quod ultro fatemur, & jam ab omnibus tenendum esse docuimus.*

C A P U T IV.

De Verme disseritur, quem inter damnatorum supplicia divina Scripturae memorant. Nonnulli verum quoddam animal futurum putant: Communior ac probabilior est Patres inter, Theologosque sententia, quae eo nomine conscientiae angorem designatum dedit. Animadversiones aliquae in ejusdem confirmationem. Proferuntur causae, unde in damnatis oritur hujusmodi conscientiae cruciatus.

I. **I**nter poenas positivas, quibus infelices damnati affligendi sunt, celebris ea est, quae in sacris litteris nomine Vermis exprimitur. De hac tribus in locis Vet. Testamenti mentio fit, nempe Judith cap. 16. ubi legitur: *dabit ignem, & vermes in carnes eorum, ut urantur, & sentiant usque in sempiter-*

num. Ecclesiastici cap. 7.: Vindicta carnis inpii ignis, & vermis. Ac demum Isajae cap. 66. vermis eorum non morietur, & ignis eorum non extinguetur: quae verba secundum litteram de damnatorum poena esse intelligenda, infra notum fiet. In Novo autem Foedere a S. Marco duntaxat memoratur cap. 9.: bonum est tibi de-

(a) Patr. 3. Pastor. cap. 21.

(b) Homil. 2.

(c) in Comment. hujus epist.

debilem introire in vitam, quam duos pedes habentem mitti in Gehennam, in ignem inextinguibilem: ubi vermis eorum non moritur, & ignis non extinguitur: quod secundo ac tertio ibidem repetit.

II. Quo pacto explicanda sit huiusmodi pena, an videlicet Vermis vocabulum in obvio sensu sumi debeat de animali quodam mordente, ac torquente: an vero in sensu metaphorico de conscientie remorsu, non eadem est Sanctorum Patrum ac Theologorum opinio. Plurimum ævo suo dissidentes sententias refert S. Augustinus lib. 20. de Civit. Dei cap. 22. inquit: in penis malorum & ignis inextinguibilis, & vivacissimus vermis ab aliis, atque aliis aliter, atque aliter est expositus. Alii quippe utrumque ad corpus: alii utrumque ad animam retulerunt: alii proprie ad corpus ignem, vermem vero tropice ad animam: quod credibilis esse videtur. Et lib. 21. cap. 9. producta sententia aliquorum, qui tum ignem, tum vermem ad animæ pœnas referebant, adeoque metaphorice explicabant, subdit, qui vero pœnas & animæ, & corporis in illo supplicio futuras esse non dubitant, igne uri corpus, animam autem rodere quodammodo verme majoris affirmant. Quod etsi credibilis dicitur: quia usque absurdum est ibi dolorem aut corporis, aut animæ defuturum; ego tamen facilius existimo, ut ad corpus dicam utrumque pertinere, quam neutrum: & ideo tacitum in illis divina scripture verbis animi dolorem, quoniam consequens esse intelligitur, etiamsi non dicatur, ut corpore sic dolente, animas quoque sterili poenitentia crucietur... Eligat quisque quod placeat, aut ignem tribuere corpori, animo vermem: hoc proprie, illud tropice: aut utrumque proprie corpori. Ex quibus liquet diversa fuisse opinantium placita circa maxime seipsum illius vocis vermis tempore Sancti Augustini: Ipse autem, licet permittat cuiusque de verme credere, quod libuerit, propendet in sensum metaphoricum, quem credibiliorum putat. Nec obstant verba illa, facilius existimo &c. Nam, ut inquit S. Thomas in supplement. q. 97. art. 2. ad 2., ibi Augustinus loquitur sub quadam comparatione, Non enim vult simpliciter asse-

rere, quod ille vermis sit materialis, sed quod potius esset asserendum ignem & vermem materialiter intelligi quam quod utrumque spiritualiter tantum intelligatur: quia sic nullam pœnam corporalem damnati sustinerent: us patet seriem verborum ejus ibidem inspicienti.

III. Sed definite in obvio sensu eam vocem accepisse videntur alii Patres. S. Basilii in psal. 33. ait: animo tibi singas baratrum profundum, tenebras impenetrabiles, ignem splendoris expertem, vim quidem urendi in tenebris habentem, sed luce destitutum: subinde vermium quoddam genus venenatum, ac carnivorum, edens insatiabiliter, nec unquam exsatiatum, intolerabiles dolores morsibus inducens &c.

IV. S. Gregorius Nissenus orat. 3. de Resurrect. Ego etiam hoc audio, quod condemnati iustis efficiuntur supplicii, igne, tenebris, verme, quæ omnia conspectorum ac materialium corporum pœne cruciatibusque sunt.

Prudentius in Hamart. sic canit:

Vermibus, & flammis, & discruciatibus ævum

Immortale dedis, senio ne pœna periret,

Non percipit anima &c.

V. Innocentius tertius P.M. lib. 3. cap. 2. scribit: Vermis duplex, interior, qui rodit cor, exterior, qui rodit corpus. Et cap. 4. In inferno erunt vermes indeficientes. Ugo Victorinus lib. 4. de anim. cap. 13.: In inferno omnes comburantur, & vermibus corrovantur; nec consumuntur. S. Anselmus in Elucid. tertia pœna in inferno est vermes immortales, id est serpentes, & dracones visus & sibilis horribiles, qui, ut pisces in aqua, ita virum in flamma. Et hanc sententiam inter alios Theologos probabilem reputant Franciscus Suarez tract. de Ang. pœna, & Barradius in cap. 25. Matth.

VI. Verum salva, quæ hîc Authoribus debetur, reverentia; longe probabiliorem, ac veriorum puto aliorum sententiam, qui Vermis vocabulum in tropico sensu accipiunt, non pro animali aliquo, quod corpus pungat, ac terebret, sed pro conscientie remorsu, stimulo, & cruciata. Magnis nominibus

hæc sententia nititur, & authoritate in primis graviorum Ecclesiæ Patrum. S. Ambrosius lib. 7. in Lucam hæc habet : *vermis est, eo quod irrationabilis anima peccata mentem Rei, sensatione compungant, & quedam excedant viscera conscientie, quæ tamquam vermes ex unoquoque nascuntur, tamquam ex corpore peccatoris.*

VII. S. Hieronymus in caput 1. Isajæ: *putredo, & tinea, & operimentum vermium pœnæ intelliguntur æterna, quas propria gignit conscientia, quæ ex propriis peccatis nascitur. Sicut enim quandiu cadaveris materia est, & aliquis humor in cadavere, vermes nascuntur: sic ex ipsa materia peccatorum supplicia gignuntur. Et hanc explicationem a plerisque suo tempore receptam fuisse tradit in cap. 66. ejusdem Prophetæ.*

VIII. Vetus Auctor libri de spiritu, & anima inter opera S. Augustini: *per Isajam scriptum est: vermis eorum non morietur, & ignis eorum non extinguetur: quia nec ipsi damnati consumuntur. Vermis conscientiam corrodet, ignis carnem comburet: quatenus, qui Authori suo corde, & corpore deliquerunt, cor de simul, & corpore puniantur.*

IX. S. Prosper, sive, ut alii putant, Julianus lib. 3. de vita contempl., postquam asseruit corporeo igne damnatos esse torquendos, subdit: *jam vero quod dicit: vermis eorum non morietur, &c. ad totam refertur damnati hominis pœnam, quem inefficacis pœnitentie ignis exurit, & consentientis conscientie vermis immortaliter rodit.*

X. S. Bernardus lib. 5. de Considerat. *hic est vermis, qui non moritur, memoria præteritorum. Semel injectus, vel potius innatus per peccatum hæsit firmiter, nunquam deinceps avellendus. Nec cessat rodere conscientiam, eaque passus, escæ utique inconsumptibili, perpetuat vitam. Horreo incidere in manus mortis viventis, & vite morientis.*

XI. Gemina tradunt Origenes, Procopius, & Theophylactus. Sed nemo veterum Patrum hoc disertius, ac uberius explicuit, quam Victor Antiochenus, qui floruit quarto, vel quinto Ecclesiæ sæculo: Ita enim scribit in caput cit.

Marci: *omni supplicio gravius est immortalē illum vermem perpetuo citra ullam prorsus intermissionem devorantem, di-reque corrodentem circumferre. Designatur autem hoc vermis nomine impura, scelera-taque conscientia. Siquidem una hæc animam peccatricem, nulliusque boni sibi consciam inutilis pœnitentie aculeis, instar edacis vermis pungit, & mordet. Unusquisque ergo sceleratorum sui ipsius accusator erit. Etenim dum ea secum perpendit, animoque jugiter revolvit, quæ in mortali hac vita improbe gessit, vel invitum se reum confiteri compellitur, propriæ nimium conscientie stimulis actus, ejusdemque contra se testimonio aperte convictus. Ad hunc itaque sensum peccatorum vermis immortalis dicitur.*

XII. In eandem explicationem fere omnes consentientes eunt clariiores Sacra Scripturæ Interpretes, nobilioreque Theologi omnium Theologorum Principem secuti S. Thomas, qui 3. p. q. 97. art. 2. expressè docet: *vermis, qui in damnatis ponitur, non debet intelligi esse materialis, sed spiritalis, qui est conscientie remorsus, qui dicitur vermis, in quantum oritur ex putredine peccati, & animam affligit: sicut corporalis vermis ex putredine ortus affligit pungendo.*

XIII. Igitur juxta communiorē hanc sententiam dicendum est, *vermem* in sacro eloquio memoratum designare stimulum, cruciatumque conscientie, quo damnati perpetim affliguntur, non aliquod animal, quod in inferno corpora pungat, ac rodât. Nam tametsi hujusmodi animalcula per divinam Omnipotentiam in igne consistere queant, quemadmodum reipsa consistent corpora damnatorum: nihilominus nulla in primis afferri verisimilis ratio potest, cur vermes potius, quam alia animalia ad reprobos puniendos destinati fuerint: neque enim dicere fas est vermes ex damnatorum corporum corruptione progigni, cum ea corruptibilia minime futura sint.

XIV. Deinde vel hujusmodi vermes in ipsa inferni conditione creati sunt, vel solum post extremi judicii diem creabuntur. Utrumque porro improbabile est. Si enim jam ab initio rerum creati sunt,

sunt, cum, adversariis ipsis assentientibus, nihil in animas spirituales agant, absque ullo effectu ad usque mundi finem peristere deberent. Quis autem dicat eos post diem Judicii creandos esse?

XV. Ulterius rationi valde consentaneum videretur Isajam Prophetam, tum Christum Dominum apud Marcum utramque damnatorum poenam fuisse complexos, nempe & quæ corpus præcipue afficit, & quæ animam affligit: quod jam observarunt S. Prosper, & Vetus Author lib. *de spiritu, & anima*, ut constet ex eorum sententiis modo allatis. Cum igitur per ignem eam poenam, quæ corpus maxime spectat, insinuent, dicere par est per *Vermem* exprimere, quæ animæ peculiaris, & intima sit, conscientia scilicet remorsus, ac stimulus.

XVI. Demum, quod me præsertim mover, si hoc sensu *Vermis* vocabulum sumatur, pro animi angore, & cruciatu, nulla vis infertur sacro textui: quin immo optime constat analogia inter utrumque. Et quidem nullam vim sacro textui inferri patet, si advertamus eam Christi sententiam, quæ habetur apud Marcum, depromptam esse ex cap. 66. Isaiæ, iisdemque verbis circumscriptam, nimirum *vermis eorum non morietur, & ignis eorum non extinguetur*. Porro *Vermis* nomen apud Isajam metaphorice sumi per allusionem ad vermes, qui cadavera depascuntur, & exedunt, ex eo liquet, quod commate immediate præcedente dixerat Propheta: *& egredientur, & videbunt cadavera eorum, qui prævaricati sunt in me*. Cum igitur mox ad æternas Damnatorum poenas designandas prophetico more transvolet, mirum esse non debet, quod nomine *vermis* conscientia ipsorum stimulum, & angorem expresserit. Quæ sane analogia & metaphora valde accommodata, & propria est, & in vulgari ipso sermone familiaris. Conscientia enim accusans (a), pungens, mordens, angens, ac ter-

rens, & inde homini exprobrans atrocitatem criminum adversus divinam longanimitatem, & gratiam impudenter perpetratorum: inde miseris ob oculos ponens magnitudinem ire Dei, secundum quam tremendus est, severitatisque ejus iustitiam, & in puniendo potentiam, est instar vermis rodentis, & exedentis hominem positum in statu mortis secundæ, cum molesto doloris continui morsu, & sensu: qui, quæ vita castus spirituali, appellatur *cadaver*: quæ existens, sentiens, & vivens, fingitur esse cadaver cum sensu per figuram, quæ Græcis *Oximoron* dicitur. Quod autem ex hoc inferri minime debeat etiam *ignis* vocabulum, quod habetur in utroque loco Isaiæ & Marci, metaphorice esse intelligendum, postea manifestum fiet.

XVII. Quod attinet duo alia loca laudata Ecclesiastici, & Judith, in quibus impiorum carnes vermibus affligendæ dicuntur: Respondeo in primis in textu Græco loci prioris non legi, *vindicta carnis impii*, sed solum *vindicta impii*: atque ita etiam in versione Syriaca, & Arabica nulla carnis mentio est. Sed admissa Vulgatæ lectione S. Augustinus (b) ea verba in hunc sensum exponit: *vindicta carnis impii*, idest, *carnealis vita ignis corpori, & vermis animo*. Quæ expositio etiam Judith verbis aptari potest: *dabit ignem, & vermes in carnem eorum*, idest in carnalem vitam eorum, seu puniet vitam carnalem igne & verme. Atque eodem sermone pacto, cum idem sibi objecisset argumentum Sanctus Thomas loco citato respondet inquit: *dicendum, quod ipse anima Damnatorum dicuntur carnes earum pro eo, quod carni subiecte fuerunt*: additque præterea: *vel potest dici etiam, quod per vermem spirituales anime redungant in corpus, & hic, & in futurum*.

XVIII. Alia hinc testimoniis responsio adhiberi potest, quæ aliquibus plausibilior

(a) vide Vitzingam ad hunc locum. (b) loci supra citato.

sibilior videtur: nempe, *vindicta carnis impii ignis & vermis*: ignis, inquam, in Tartaro, sive in futura vita: *vermis* in sepulcro juxta illud ejusdem Ecclesiastici cap. 10: *cum morietur homo, hereditabit serpentes, & bestias, & vermes*. Neque dicat aliquis, vermes in sepulcro non esse vindictam carnis impii: quia nullum ibi doloris sensum habet. Vindicta enim *carnis impii* vermes dici possunt, quia mors & corruptio vindicta carnis est, & ex morte, & corruptione carnis vermes nascuntur. Quasi dixerit Sapiens: vindicta carnis impii est mors, atque corruptio, quam vermes consequuntur, & exprimunt. Similiter & Judith inquit: *dabit in carnes eorum ignem* post judicium, ante judicium vero dabit mortem, corruptionem, & vermes.

XIX. Jam vero ex his, quas produximus Sanctorum Patrum sententiis colligi facile potest & unde prodeat, & quam molesta futura sit poena illa, quam nomine *vermis* oracula sacra designant. Ex triplici nempe capite ea subnascitur, ex vivida cognitione delictorum, quae Damnatorem menti jugiter obversantur: ex virtutis neglectu, & abusu divinae gratiae, ac misericordiae: ac demum ex poenitentia nimium fera, penitusque inefficaci, & inutili. Haec omnia complexus est Sapiens in ea Auctoritate cujus supra mentionem fecimus. Postquam enim cap. 4. de Damnatiss asseruit, *usque ad supremum desolabuntur, & erunt gementes*, quasi redditurus rationem extremam hujus desolationis, ac gemitus, subnectit: *venient in cogitatione peccatorum suorum timidi, & traducent illos ex adverso iniquitates ipsorum*: hoc est, impii mente, ac memoria sua, conscientia ipsa disante, in unum quasi cumulum colligent omnia antea de vitae scelera. Haec autem perpetim ipsos accusabunt, coarguent, condemnabuntque incredibili plane angustia, & cruciatu. Etiam in hac vita delictorum conscientia grave tormentum est, ac

teste S. Gregorio in Psal. 143. ceteris afflictionibus, ac molestiis gravius. Attamen plura hic confluunt, quae crebro tormenti hujus acerbiter temperent, ac deliniant, aut saltem interrumpant. Non ita erit in inferno, ubi nulla quietis intervalla, nulla interspirationes, consolatio nulla: sed dies noctesque conscientiae vermis laniatum undique pectus perrodet. *Vermis eorum*, inquit Prophetia, *non morietur*. Supplicium hoc non inepte ethnici expressere in Titio, quem ea lege apud inferos alligatum fangebant, ut jecur ipsius a Vulture semper dilaniaretur, & exederetur, consumtumque renascetur denuo, ne dilaniandum aut rodendum pabulum infatigabili fauci unquam deesset.

XX. Pulcre admodum tormentum hujusmodi describit S. Basilii Magni (a) his verbis: *qui mala fecerunt, in opprobrium & confusionem resurgent, in se ipsis turpitudinem, & formas peccatorum impressas habentes. Et fortassis ea confuso, in qua aeternum vident peccatores, horrenda est magis, quam tenebrae, & ignis aeternus, cum vestigia admissi in carne peccati, in modum indelebilis cujusdam tincturae, semper sint: habituri ob oculos, quae perpetuo in animae eorum memoria permanitura sunt*.

XXI. Pergit Sapiens laudato loco, duasque alias causas recenset, unde summus in damnatorum animos angor, ac tristitia redundat: eos enim repraesentat, poenitentiam agentes, & pra. angustia spiritus gementes, atque desperatione abreptos in haec verba erumpentes: *ergo erravimus a via veritatis & sol. intelligentiae non est ortus nobis. Lassati sumus in via iniquitatis: ambulavimus vias difficiles: viam autem Domini ignoravimus. Quid nobis profuit superbia nostra, & divitiarum jactantia quid contulit nobis? Transierunt illa omnia, tanquam umbra. . . . Et virtutis quidem nullum signum valuimus ostendere: in malignitate autem nostra consumti sumus. Ac tandem concludit: talia dixerunt in inferno hi, qui peccaverunt.*

Quae

Quæ verba expendens S. Hieronymus (a) ait: maximo dolore torquetur anima, cum in pœnis constituta jam sero dolet, se tunc negligentem fuisse, quando per bona opera potuit subvenire. In inferno enim Dæmonibus cruciata, infructuose peccata

præterita declarat, juxta illud, quod Scriptura teste, impij in inferno dicturi sunt: Ergo erravimus a via veritatis &c. Similia scribunt S. Jo. Chrysoſt. ad Theod. lapsus, & S. Cyrillus Alexandrin. orat. de exitu animæ.

CAPUT V.

Locum aliquem admittere necesse est puniendis impijs deputatum, cumque certum, ac definitum. Vanum & absurdum Ubiquitarum de Inferno commentum. Illud exploditur sacrarum maxime literarum oraculis. Damnatorum loci plura nomina. De Gehennæ vocis origino, & significatione uberius differitur. Duriore quædam eliquantur Nissen, & Auguſtini sententiæ. Aliæ obiectiuncula soluta.

I. CUM Supremus Jux, ac vindex Deus hominum scelera condignis in futura vita supplicijs punire decreverit, consequens est ut locum, aut loca aliqua exercendæ vindictæ suæ deputaverit. Neque enim animarum puni- tio, multoque magis corporum, quibus illæ denuo copulandæ sunt, quocumque modo explicetur, aut definiatur, nisi in loco fieri, aut intelligi potest. Hinc quotquot futurum vitæ statum, in quo & probi præmio, & improbi supplicio afficerentur, credere, realia etiam loca præmiorum, atque pœnarum consequenter posuerunt, ut in allatis superiore Dissertatione monumentis perspicere facile potest. Equidem referuntur aliqui ex ipsa Christiana gente tamquam huic dogmati adversantes: nimirum ex antiquis Marcionitæ cum alijs ejusdem furfuris Hæreticis (b); & ex recentioribus Lutherus, Calvinus, Beza, Dæmus alique (c): pluresque allegantur in hujus rei confirmationem eorum sententiæ. Verum alio eos respexisse, nec omnem penitus locum pro puniendis impijs inficiatos esse facile crediderim: corporeis nempe instrumentis, ac materiali præsertim igne plecli reprobos abnuerunt, terrorem duntaxat, & anxietatem conscientiarum pro justo ipsorum supplicio constituentes, ut postea dicemus. Et plane, si Amelio Calviniano si-

des, Beza ipse, qui ea tormenta ceteris impudentius irridet, adversus Brentium disputans, nedum locum Damnatis attribuit, sed asserit etiam eos in meridie cecutire, qui ex Historia Lazari, & Divois non deducunt verum locum inferorum, ubi Damnati torquantur (d).

II. At vero fati non est locum quemvis punitionis indeterminatum admittere, sed certum, ac definitum esse credere oportet. Ut enim Magistratus, ac Reges ad subditos pro delictis puniendos carceres habent, atque patibula, eaque in locis determinatis; Sic etiam Regum omnium Regem certa animadversionis impiorum loca habere decuit. Quæ ratio præclare admodum a Guillelmo Parisensi tractata est (e). Cum universum, inquit, veluti domus quædam sit Creatoris, qui est Dominus omnium sæculorum, & Rex, ac Rector Universi, necesse est ut domus ejus completa sit totalitate partium suarum, & opportuna sufficientia congruentium officinarum. Tu vero non dubitas, quoniam necessarius sit carcer in omni regali palatio, atque habitatione, præsertim ubi tanta multitudo latronum, & justitiandorum. Amplius: nulla est Civitas ordinata, cui bonus Rex præsideat, & bono Magistratu regatur, quæ non habeat locum exercendæ justitiæ. Cum igitur

„ cer-

(a) lib. 1. in cap. 1. lament. Hieremiæ.

(b) vide Alphonsum a Castro V. Infernus.

(c) Siætz de Anglie lib. 8. cap. 16. Evardentius in Theomachia lib. 14. cap. 1.

(d) par. 1. Universi. cap. 55.

(e) apud Bellam. Tom. 5. in vindictis.

„ certum sit, & omnium Philosopho-
 „ rum consensione firmatum, Univer-
 „ sum, seu Mundum Civitatem esse
 „ Dei altissimi, in qua cives sunt ho-
 „ mines, & Angeli, hoc est omnes, &
 „ universæ substantiæ spirituales. ... ne-
 „ cesse est hanc Civitatem, quæ Deo al-
 „ tissimo rectore regitur, locum habere
 „ universalem, communem, & appro-
 „ priatum exercendæ divinæ iustitiæ.

III. Oppositam huic sententiam com-
 menti sunt Lutherani ex eorum Secta,
 quos *Ubiquistas*, aut *Ubiquetarios* nomi-
 nam, quorumque caput Brentius est.
 Pertendunt isti juxta Bellarminum, Fe-
 vardentium, Gretserum, & ipsum Be-
 zam Calvinianum, Damnatorum locum,
 sive Infernum, ubique esse, sive diffu-
 sum per universum Mundum, non uni
 vel alteri, imo neque pluribus locis
 coarctatum. Quod si revera docuerunt,
 jam horum sententia exhibenda potius,
 quam refutanda est. Si enim ubique est
 Infernus; necessario sequitur, nedum
 Damnatos, sed & Beatos cum Christo
 regnantes, non modo cacodæmones,
 sed etiam bonos Angelos, cunctosque
 homines in terra degentes, in Inferno
 esse: quod nemo non rideat. At quis
 sibi persuadeat tam monstruosam opina-
 tionem cuiquam in mentem venire po-
 tuisse? Malim igitur ego ita ipsorum
 mentem exponere, ut Infernum ubique
 esse asseruerint, non quasi locus omnis
 Damnatorum locus sit; sed quod nul-
 lum Deus puniendis improbis locum
 certum destinaverit: verum arbitratu
 suo modo hunc, modo illum ad hujus-
 modi officium deligat. Quam senten-
 tiam etiam aliqui alii præter Ubique-
 tarios, amplexati sunt.

IV. Hæc tamen opinio sic etiam tem-
 perata falsa est, & aliena a fide Catho-
 licæ Ecclesiæ, quæ docet, semper-
 que docuit, unum esse certum, defini-
 tumque locum a Deo ad punitionem re-
 proborum, sive Dæmonum, sive homi-
 num deputatum. Nititur Ecclesiæ fides
 clarissimis sacrarum litterarum docu-
 mentis, & perpetua Sanctorum Patrum,
 & fidelium traditione. Constat hæc in
 primis ex historia, sive Parabola de La-

zaro, & divite Epulone. Nam Dives,
 dum in Inferno inter horribiles flam-
 mas cruciaretur, elevarat dicitur oculos
 suos, ut videret Abrahamum, tamquam
 ex loco profundiore in altiore respi-
 ciens: Abrahamus vero ipsum alloquens,
 præter alia, reposuit: *in his omnibus
 inter nos, & vos chaos magnum firma-
 tum est, ut qui hinc volunt transire ad
 vos, non possint, neque inde huc transme-
 rare.* Ac deinde Dives idem orans indu-
 citur pro fratribus suis, *ne & ipsi*, in-
 quit, *veniant in hunc locum tormentorum.*
 Cæcus sit oportet, qui non videat in hoc
 textu, exerto veluti digito demonstrari
 locum certum, & peculiarem, illum-
 que damnatis omnibus communem. Nam
 & a sinu Abraham aperte distinguitur, &
 inter utrumque *magnum chaos* interje-
 ctum esse perhibetur, & *tormentorum lo-
 cus* distincte nominatur, & nedum pro
 infelici Divite, sed & pro fratribus eo-
 jus, cæterisque omnibus, qui ipsius ve-
 stigia secuti fuerint, deputatum.

V. Idem comprobant ea testimonia,
 quæ subinde asseremus ad veritatem ad-
 struendam ignis corporei, sive materia-
 lis puniendis impiis a divina iustitia pa-
 rati, & in quem demum omnes projici-
 endos esse Christus Dominus testatur.
 Quis enim dixerit illum nullo in loco
 certo, ac determinato consistere? Aut
 quis plura loca somniaverit, in quibus
 dispersus sit? Idem ea testimonia con-
 firmant, quæ cælum Beatorum sedes,
 & infernus Damnatorum ergastulum,
 tamquam duo loca sibi mutuo opposita
 describuntur. Atque hæc plurima sunt
 tum in Veteri, tum in Novo Testamen-
 to, & cuique legenti facile occurrunt.

VI. Sed inter cætera, nomina ipsa,
 quæ a sacris litteris Damnatorum car-
 ceri tribuuntur, luculenter designant
 certum illum esse, communemque lo-
 cum, in quem una omnes amandandi
 sunt. Nam in primis vocatur *Abyssus*,
 ut Lucæ 8. 31., ubi narratur cacodæmo-
 nes Christum rogasse, *ne imperaret illis, ut
 in Abyssum irent.* Et Apocalyp. cap. 20.,
 ubi S. Joannes refert se vidisse *Angelum
 descendentem de cælo, & apprehendentem
 Draconem, qui est Diabolus, & misisse
 eum*

eum in Abyssum, & signasse eum, ut non seducat amplius gentes. Constat autem Abyssum profundorem quemdam esse in terra, vel in aqua locum, sive situm aliquem inferiorem.

VII. Vocatur *Lacus*, ut præter alia, Psal. 29. 3. Domine eduxisti ab Inferno animam meam, salvasti me a descendentibus in lacum. Isaïa 14. 15.: verumtamen ad Infernum detraheris in profundum laci. Et Apocal. 14. 19.: misit in lacum iræ Dei magnum. Vocatur *Stagnum ignis*. Apoc. 20. 9. Diabolus, qui seducebat eos, missus est in stagnum ignis, & sulfuris. Et cap. 21. 8. timidis autem, & incredulis &c. pars illorum erit in stagno ardentis igne. Terra novissima, & terra ultima, ut Ezechielis cap. 26. 20.: cum detrahero te cum his, qui descendunt in lacum ad populum sempiternum, & collocavero te in terra novissima, &c. Et cap. 32. 18.: Fili hominis cane lugubre &c. & detrahe eam ipsam, & filias gentium robustarum ad terram ultimam cum his, qui descendunt in lacum &c. loquentur ei potentissimi de medio Inferni &c. Porro hæc nomina *Lacus*, *Stagni ignis*, *terre novissime* certum quemdam designare locum, res est satis explorata.

VIII. Sæpe numero appellari solet *Infernus*, *Hebraice Sceol*, *Græce Adis*. Sic Psal. 48. 5.: Sicut oves in sceol inferno positi sunt: mors depascet eos. Et Ps. 85. 13. eruiisti animam meam ex sceol tachtith inferno inferiori. Proverb. 9. 18.: ignoravit, quod ibi sint gigantes, & in profundis inferni (sceol) convivia ejus. Et cap. 15. 24. semita vitæ super eruditum ut declinet de inferno novissimo, sceol tachtith; & cap. 23. 14. tu virga percuties eum, & animam ejus ab inferno libera bis. Ecclesiastici 41. 7. non est in inferno, adi, accusatio vitæ. Lucæ 16. mortuus est dives, & sepultus est in inferno. Sceol autem & Adis foveam quamdam profundam significare, & stationem animarum intra telluris viscera nobiliores quique inter eruditos consentiunt, prout alibi fuisse ostendam.

IX. Denique, ne plura congeram in

re satis perspicua, appellatur frequenter in novo Testamento *Gebenna*, & *Gebenna ignis*. Matth. 5. 29. expedit tibi, ut pereat unum membrorum tuorum, quam totum corpus tuum mittatur in Gebennam: Et cap. eodem qui dixerit fratri suo satue, reus erit Gebennæ ignis. Marci 4.: bonum tibi est debilem introire in vitam, quam duas manus habentem ire in Gebennam. Luc. 12.: timete eum qui postquam occiderit corpus, habet potestatem mittere in Gebennam, & aliis in locis univocis obviis. Atque hoc quoque nomen a peculiari quodam loco ad Damnatorum sedem designandum translatum esse, nullus ignorat.

X. Quoniam vero de Gehenna, quam passim memorant libri novi Testamenti, mentionem fecimus, liceat mihi originem, ac notionem hujusce vocis plenius exponere, quæ, tametsi Damnatorum carcerem in primitiva sua significatione non denoret, ei tamen denotando jam ab antiquis temporibus accommodata est. Gehennam, ut præter alios observat Bartoloccius, vir rerum Judaicarum peritissimus (a), sive Gehehnæ vocabulum corruptum est a vulgo ex voce *Gbe Hinnon*, vel *Gbe ben Hinnon* (utraq; enim vox reperitur in libro Josue cap. 15.) & significat *vallem Hinnon*, vel *vallem filii Hinnon*: quæ vallis, ut ex eodem cap. Josue liquet, erat in tractu Australi urbis Hierusalem, quæ se flecivit ad Orientem. In hac valle locus erat, qui dicebatur *Tophet*, ut habetur ex verbis Jeremiæ c. 7. 31. *Ædificaverunt excelsa Tophet, quæ est in valle filii Ennon*. Unde etiam integra hæc vallis appellatur *Tophet* juxta eundem Jeremiam, qui utrumque nomen alternatim adhibet cap. 19. R. David ad Psal. 27. 13. (b) & alii autumant vallem hanc fuisse locum contemptissimum, in quem cadavera, sordes, & civium expurgamenta projicerentur, ibique ad ea comburenda perpetuum ignem fuisse servatum. Sed alii, inter quos Campejus Vitringa, improbabile putant vallem hanc amœnam prope torrentem Cedronem, in vilem hujusmodi usum conversam fuisse, vel Reges I-

S

dolo-

(a) in B. J. J. J. K. A. L. A. I. N. I. A. T. U. M. 2. 185. 124. &c.

(b) apud eundem.

dololattras in loco impurissimo, & graveolenti sacra facere voluisse numinibus, quorum se venerationi devoverant. Patet autem ex lib. 4. Regum non Achazum tantum, & Manasse, sed & ipsum Salomonem eadem divinitatis propudia in hoc, vel ei proximo loco coluisse.

XI. Sed ut utres se habeat, illud certum est Reges Judæorum Idololattras in hac valle sacra fecisse Molocho, sive Herculi Tirio ex detestabili Ammonitarum, & Phœnicum instituto, atque adeo ibidem fovisse ignem per quem liberos suos lustrabant, vel, quæ genuina illius idololatriæ species est, cui eos Molocho devotos cremandos tradebant: quo maxime scelere se obstrinxerunt Achaz & Manasse, ut discimus ex lib. 4. Regum cap. 23. 10. Qua de re consentiunt tum Rabbin, qui videri possunt apud laudatum Bartoloccium, tum Christiani expositores (a), ex quibus unius tantum S. Hieronymi testimonium profero in cap. 10. Matth. iniquientis: *Nomen Gebennæ in veteribus non invenitur, sed primum a Salvatore ponitur. Queramus ergo, quæ sit sermone hujus occasio. Idolum fuisse juxta Hierusalem ad radices montis Moria, in quibus Siloe fuit, non semel legimus. Hæc vallis & parva campi planities irrigua erat, & nemorosa, plænaque deliciis, luscisque in ea Idolo consecratus erat. Instantiam autem mentem populus Israel venerat, ut deserta Templi vicinia, ibi hostias immolaret, & rigorem Religionis deliciis vincerent, filiosque suos demoniis incenderent, vel initiarent. Et in cap. 7. Jerem. tradunt Hebræi ex hoc loco, idest Gebennam, vel valle filiorum Ennon, appellatam Gebennam: quod scilicet omnis populus Judæorum ibi periret offendens Deum. In quo loco etiam filios in igne idolis consecravit, sive holocaustum obtulerint.*

XII. Ex hoc igitur igne in ea valle continenter servato sumptis occasionem

Propheta Isaias describendi Damnatorum carcerem sub emblemate hujus vallis, sive *Tophet* cap. 30. 33., ubi sic ait: *preparata est ab heri Tophet, & Rege preparata, profunda, dilatata: nutrimenta ejus ignis, & ligna multa: flatus Domini, sicut torrens sulfuris succendens eam.* Atque inde Sanctis antiqui temporis *Gebennæ* notio nata est, cœpitque in vulgari lingua usurpari hoc nomen pro designando carcere reproborum, quam consuetudinem retinuit ipse Christus Dominus in suis sermonibus, dum de inferno loqueretur, & post ipsum Apostoli. Ipsi quoque Judæi non in locutione tantum familiari, sed & in scriptis suis, scripturæque sacræ versionibus vocem hanc in eadem significatione frequentius usurpare cœperunt. Pro loco Damnatorum, ut animadvertit Drusus (b), ea voce usus est ante Christum Dominum R. Simeon F. Johai in lib. *Zoar* dicto, qui primus fundamenta jecit ineptæ illius *Cabbalæ*, cujus periti vulgo *Cabbalistæ* nuncupantur: cum vero *Cabbala* longe alia sit, nempe traditio a majoribus per manus accepta. Usus est etiam Jonatham F. Uzielis interpres Chaldaeus Christi coetaneus, tum in loco cit. Isaiæ, tum in aliis pluribus, quæ inter doctos Buxtorfius (c) & Lighfootus (d) adnotarunt. Usi sunt etiam pastim Thalmudistæ, quorum testimonia legi possunt apud Bartoloccium: ex quibus Elias Levita in suo *Tisbe* ad vocem *Gbeinnam*, postquam asseruit vallem filii Hinnon, eandem esse, ac *Gheinnam* prope Hierusalem, & in ea consuevisse Judæos immolare filios suos idolo Molocho, addit: *vocerunt Rabbin, nostri B. Mem. locum, ubi inspii post mortem puniuntur, Gheinnam Gebennam, ex eo, quod Gbe ben Hinnon, vallis ben Hinnon conjuncta erat Hierosolymis, & erat locus immundus, in quo exurebant filios suos idolo Molech. Fuit autem hic locus ita vocatus: quia pueri (qui idolo immolabantur)*

ejun-

(a) S. Hieronymus &c. Isidor. lib. 4. orig. Cornelius Jansenius in Concord. Evang. cap. 40. Drusus, Vitræus &c. (b) ad illud *Isaias*, *benum tibi est &c.* quæ mitti in *Gebennam* ad Criticos sacris. (c) in lexico ad h. V.

(d) prælat. Tom. 2. apud Vitræum, & Clæcium.

ejulabant, & clamabant. Sed jam e diverticulo haud prorsus inutili in viam regrediamur.

XIII. Constat itaque ex sacris litteris evidentissime Damnatorum sedem certum esse, definitumque locum pro impiis omnibus insimul puniendis a divina Justitia constitutum. Idem etiam constat ex perpetua Patrum & Ecclesie traditione, cujus innumera prope sunt testimonia; a quibus tamen proterendis abstineo, ne proluxa nimium oratio sit, praesertim cum ea, quae in sequentibus de igne inferni differentes, tum quae latius alio in opere de ejusdem situ dicturi sumus, huic veritati firmandae subserviant, atque huc ferme omnia revocari queant. Subobscurè quidem ex Patribus videntur fuisse locuti de reprobis loco. S. Gregorius Nissenus in *Dial. de anim. & Resur.*, & S. Augustinus lib. 12. *super Genes. ad litteram*. Verum quod Nissenum spectat, licet, ne quid dissimulem, duriora aliqua sint in eo Dialogo, quae nulla posse videntur interpretatione mollescere; non arbitror tamen illum a ceteris Patribus reipsa praecipua, de qua disputatur, dissentire, adeo ut verum certumque locum negaverit puniendis impiis deputatum. Ibi enim Gregorius in hunc modum *Magistram*, sive Sororem suam Macriam interrogat: *& quomodo, inquam, subterraneum locum in eo dici putant, illumque animas, quasi publico recipere diversorio, tamquam quoddam spatium ejus naturae ab universa humana vita eas ad se trahens?* Cui Magistra ita respondet: *sed nihilo magis laedetur dogma per hanc opinionem, si verum est, quod a te dicitur.* Atque ubi exposuit sententiam, quae corporeo carcere animas malorum concludit, subjicit: *quandiu praecedens dogma non labefactat, quae sit objectio.... de loco nihil nostra pugnabit oratio, ut quae corporum tantum sentiat proprium esse in loco situm: animam autem, cum sit incorporea, nequaquam necesse habere ex sua natura, ut illis locis detineatur.* Videtur itaque solum negasse animam post mortem in aliquo loco esse, quasi eodem circumscribatur, quod

corporum duntaxat proprium est; non autem quod nullo penitus loco definitur. Hoc vero accuratius non exposuit, quod scopus sibi propositus minime postulare: ibi enim solam animae immortalitatem sibi probandam praestituerat, deque illa discessit, attenta propriae spiritualis substantiae conditione, quae ut existat, nullum necessario corpus efflagitat: atque hac ratione Epicureos refellit, qui objiciebant Apostoli Pauli auctoritati, animam non superesse post discessum a corpore, quod in nullo corporum esse possit: ostenditque adversum hos animam suapte natura a corporeis locis non pendere, ac perinde immortalē subsistere, sive loco detineatur, sive loci experti existimetur. Sed de hoc infra sermo recurret, cum de inferni igne.

XIV. Augustini sententia, quae adversa videtur, his verbis concepta est loco cit. cap. 32.: *Si queritur, cum anima de corpore exierit, utrum ad aliqua corporalia feratur, an ad incorporea corporalibus similia.... cito quidem responderim, ad corporalia loca eam vel non ferri, nisi cum aliquo corpore, vel non localiter ferri.... Ad spiritualia vero pro meritis fertur, aut ad loca penalia similia corporibus.* Et postea: *Est ergo inferorum substantia, sed eam spirituales arbitror esse, non corporales.*

XV. Candide fateor me penitus ignorare, quid sibi velit his verbis S. Augustinus. Quid enim sunt loca spiritualia, ad quae pro meritis animae fertur? Quid loca penalia, quae corpora non sunt, sed similia corporibus? Quid demum inferorum substantia spiritalis non corporalis? Plane aliam oportet S. Doctorem haece vocibus affinxisse notionem, quam quae a ceteris tributa est, aut modo tribuitur. Nam juxta notionem, quam nunc de ipsis habemus, facilius Hippocentaurum, aut Chimæram concipias, quam locum spirituales: immo hunc ne ullo quidem pacto intelligas: cum invicem pugnent ideæ loci, ac spiritalis substantiae. At quidquid hinc nominibus intellexerit S. Pater dum hæc scriberet, illud potius debe-

mus attendere, quod legitur lib. 2. Retraclat. cap. 24. ubi correxit, quod de hoc argumento minus caute dixerat in lib. de Genesi ad litter. inquit: *In duodecimo de inferis magis mihi videor docere debuisse, quod sub terris sint, quam rationem reddere, cur sub terris esse credantur, sive dicantur, quasi ita non sit.* Ubi & corporeum locum admittit, & intra telluris viscera contineri profiteatur. Hinc etiam retraclavit lib. 1. cap. 5. quod libro de immortalitate animæ scripserat: *anima, si caret corpore, in hoc mundo non est.* His addit idem omnino iudicium ferendum esse de inferni loco, ac de igne in eo contento. Ignem autem inferni apud S. Augustinum materialem esse perspicuum est ex iis quæ tradit de Civit. Dei lib. 21., nosque infra proferemus.

XVI. Quibus præcipue momentis fulcire studeant commentum suum *Ubiquista*, plane me latet. Unum illud meminisse me legisse, Brentium opponere solitum, nullum determinatum locum ad malos omnes continendos capacem futurum, cum tanta sit reproborum multitudo. Id obijcienti Brentio recte per jocum Bullingerus Sacramentarius respondet, non esse, quod *Ubiquetarii* timeant se ob loci angustias ab inferno excludendas: satis enim fore capacem omnium *Ubiquistarum*, & *sceleratorum*: Additque Gretserus, sacramentarium quoque, & *hereticorum omnium*. Sed de hac objectione alibi sermo erit.

XVII. Aliud fortassis opponent argumentum ex eo depromptum quod Dæmones, cum etiam in his superis orbis terraquei partibus versantur, in inferno esse dicuntur, adeoque non esse infernum certis loci alicujus limitibus circumscribendum. Quod roborare possunt verbis Petri Apostoli Epist. 1. cap.

2., quibus ait, *Angelis peccantibus Deus non pepercisse, sed inferni rudimentibus detractos in Tartarum cruciandos tradidisse:* ubi inferni nomine S. Augustinus, & alii sublynarem hunc mundum intelligunt, in quo tamquam in caliginoso carcere Dæmones detineantur.

XVIII. Sed nullius plane momenti est hæc obiectio. Quamquam enim lubens concedam plures ac plures caco-dæmones in hoc aere, atque orbe terrestri relictos ob altissimas divinæ Providentiæ erga homines dispositiones; nego tamen eos esse in inferno proprie accepto, sive in loco sempiternæ eorum miseriæ deputato. Ut enim bonus Angelus, dum nobiscum versatur in terris, interim non existit in cælo, licet beatitudinem suam secum circumferat; ita Angelus malus, dum circuit terram, tamquam leo rugiens quærens, quem devoret, in inferno non est, sed in terra, tametsi suam semper secum deferat damnationem & pœnam. Apostoli autem Petri verba Patres, & expositores communius non de hoc aere caliginoso, sed de Barathro inferni interpretantur, & ipse S. Augustinus in alia significatione frequentius usurpavit. Sed etsi ea de aere explicentur, *Ubiquetarii* nequaquam favent: rum quia satis commode de inferno minus proprie dicto, & in sensu figurato accipi possunt: rum maxime quia, cum ibi mali spiritus ad tempus reserventur, postremo detrudendi in Tartarum, ibique æternum cruciandi, jam locum alium deteriorem, illumque certum ac definitum admittere necesse est, in quem demum terribili illa Christi sententia cum cæteris reprobis projiciuntur: *cedite a me maledicti in ignem æternum, qui paratus est Diabolo, & Angelis ejus.*

Damnatorum loci condiciones. Tenebræ ibi sunt, sed maligno quodam lumine intermixtæ. Damnatorum societas quam grave supplicium. Adtinget illud maxime tenebricosi Carceris angustia. An frigus in eo, præter alia tormenta admittendum sit, baud concors Theologorum opinio. Sententiæ utriusque fundamenta in medium afferuntur: nihilque esse, quod agenti subscribere cogat, ostenditur.

I. **C**UM itaque Damnatorum carcer certus sit, definitusque locus, sequitur ut aliquæ ejus conditiones cursum attingamus. Præcipuas unica sententia complexum fuisse videtur Sanctissimum Jobum, dum ita Deum deprecatus est cap. 10. : *dimitte me, ut plangam paululum dolorem meum, antequam vadam, & non revertar ad terram tenebrarum, & operam mortis caligine, terram miserie, & tenebrarum, ubi umbra mortis, & nullus ordo, sed sempiternus horror inhabitat. Quem textum commodius ad infernum, seu ad animarum stationem, quam ad sepulcrum referri, ostendunt Pineda, alique illustres interpretes, ejusque priora verba cum Sancto Augustino hoc sensu explicant, quod nempe Job velit requiescere, antequam eat in pœnas æternas, ad hoc utique ut non eat: quemadmodum si dicamus alicui, corrige te, antequam damneris; non enim, cum se correxerit, damnabitur. Cui expositioni adscriptulantur ex antiquis Olympius, S. Hieronymus, sive Author Commentarii in Job, Beda, S. Bernardus, S. Thomas, & alii.*

II. In hac ergo sententia describit S. Jobus inferni regionem tamquam *terram tenebrorū*, aut lumine cassam, & *operam mortis caligine*, idest lethalibus umbris, & immedicabilibus tenebris: rursusque eam vocat *terram miserie*, seu juxta proprietatem hebraicæ vocis עֲרִי lassitudinis, deliqui, defectus, obscuritatis, & *tenebrarum*, ut significet ibi tenebras, tamquam in nativo solo succrescere, sicut dicitur *terra auri, & argenti*, ubi hæ res proveniunt. Has tenebras quoque Damnatorum loco tribuunt alii Scripturæ textus. Ecclesiastici cap. 21. legitur: *via peccantium complanata lapidibus, & in fine illorum inferi, & tenebræ, & pœna.* 2. Petri cap. 2. *hi sunt*

(impii videlicet) *quibus caligo tenebrarum reservatur.* Et S. Judas V. 17. *quibus procella tenebrarum servata est in æternum.*

III. Hoc idem passim tradunt Ecclesiæ Patres, qui inter alia hoc assignant ignis inferni ab elementari discrimen, quod ille minime luceat, luce saltem clara, & perspicua, sive ut inquit S. Gregorius Magnus (a), non luceat ad aliquam consolationem, luceat tamen ad majus tormentum. Quod egregie declarat Doctor Angelicus S. Thomas 3. p. q. 97. art. 4. his verbis: „dispositio inferni erit talis, quod maxime miserie „damnatorum competet. Unde secundum hoc sunt ibi lux & tenebræ, prout „maxime spectant ad miseriam damnatorum. Ipsa autem visio secundum se „delectabilis est.... Sed per accedens „contingit visionem esse afflictivam, in „quantum videmus aliqua nobis nociva, vel nostræ voluntati repugnantia. „Et ideo in inferno hoc modo debet esse „locus dispositus ad videndum secundum „lucem, & tenebras, ut nihil ibi perspicue videatur: sed solummodo sub „quodam umbratitate videantur ea, „quæ afflictionem cordi ingerere possunt. Unde simpliciter loquendo locus est tenebrosus: sed tamen ex divina „dispositione est ibi aliquid luminis, „quantum sufficit ad videndum illa, „quæ animam torquere possunt.

IV. Huic addere lubet præclaram doctrinam S. Thomæ expositionem, quam habet Dominicus Soto in 4. dis. 50. art. 4. inquires: „visus, qui omnia „(sensuum) est præstantissimus, tenebris obducetur. Nam etsi ignis in sua substantia res sit luminosa; tamen ratione materiæ esse potest tenebrosus. Id autem illic primum ratione sulsuris accidit, & præterea ratione loci, ubi aer inclusus non habet justam ra-

„ri-

ritatem. At vero neque omnimodæ sunt tenebræ, quales essent in centro terræ, si nullus illic ignis arderet. Sed conjicitur esse lumen quoddam ambiguum, quo possint semiseri mutuo conspici, et idque ad maiorem tristitiam, cum suas calamitates invicem conspiciant. Nam & solatio destituti sunt, quod esse solet miseris, dum accidit socios habere pœnarum. Torquentur vero præsertim dum eos intuentur, quos criminum complices habuerunt, vel sua contagione contaminarunt. Tunc enim majori suffunduntur pudore. Conjectari ergo de illa tenebrosa luce possumus, aut sublucidis tenebris admodum illarum rerum, quas somniantes in semivigilio patiuntur, dum videre sibi videntur, maligne tamen, illos, cum quibus colloquuntur. Unde Gregorius quavis super illud Evangelii, *mittite eum in tenebras exteriores*, dixisset, quod si ignis ille lucem haberet, nequaquam in tenebras exteriores mitti diceretur; tamen loco citato moralium adjecit, quod *quantvis ille ignis ad consolationem non luceat, tamen, ut magis torqueat, lucet. Nam sequaces, quos secum traxerunt de mundo, reprobi, flamma illustrante, visuri sunt.*

V. Atque hæc, quæ de molesto aliorum Damnatorum aspectu effert S. Gregorius, subindicasse videtur S. Job verbis, quæ sequuntur, nempe, *ubi umbra mortis, & nullus ordo, sed sempiternus horror inhabitat*: quibus, ut Sacri Expositores advertunt, designatur, quidquid in inferni tenebris conspicitur, horrificum esse, terribile, simulacra, & imagines mortis, tristissima reproborum spectra, non sine ingenti miserorum cruciatu. Sunt equidem nonnulli, qui potius solatium aliquod ac levamen se percepturos obgannunt ex aliorum consorcio. Sed vana, stultaque spe infelices se lætiant, ac deludunt. Nam, ut sapienter observat S. Augustinus, consolatio, quæ a malis aliorum originem trahit,

in mediocri tantum afflictatione locum habet. Cum autem cruciatus acerrimus est, & animus nimium vexatus, nullum omnino ex consorcio aliorum solatium percipitur; id quod in Podagrico cognoscere licet, qui si acutis doloribus excrucietur, etsi mille offerantur vehementius dolentes, nullum inde levamen habet.

VI. Quinimmo docet S. Thomas in 4. dist. 50. qu. 2. art. 1., quod ex Damnatorum multitudine pœna singulorum augebitur; quemadmodum major futura est electorum gloria ex multorum societate; tum ob perfectissimum odium, quo se invicem Damna prosequuntur; tum ob perpetuos clamores, convicia atque blasphemias, quæ locum horridiorem efficiunt. Quam pœnam inter inferni gravissimas reponit S. Maximus ferm. Hortat. (a) ita differens: quod „omnibus miserabilis est, sive, ut verius dicam, molestius, atque gravius, „cujus vel mentio dire cruciat, quanto magis ipsum rei periculum, ac permissio, quæ a Deo, sanctisque ejus virtutibus est separatio, ac cum diabolo, ejusque nequissimis demonibus in sempiternum duratura necessitudo, „quodque nulla sit ab his expectanda liberatio. Quibuscum per hujus vitæ tempus decurrente sæculo, pravis studiis nostris, voluntate, animique arbitrio versari elepimus, cum illis, ut versemur necessario vel invitati, futuro illo ævo damnabimur; omnique durius cruciati, & acerbius est, vel sine tormentis, ut cum illis perpetuo „agas, qui oderunt, odioque habentur, &c.

VII. Accedit ad incrementum pœnæ loci ejusdem angustia ob Damnatorum præcipue multitudinem. Siquidem juxta imaginem hujus loci, quam nobis præformant sacræ litteræ, angustum omnino, arctumve esse fateri necessum est. Isaias cap. 24. 22. ita de impiis loquitur: *congregabuntur in congregatione homines fascis in lacum, & clauduntur ibi*

in c. 17.

in carcere. Sermonem hic esse de æterno impiorum supplicio metaphorice expresso consentiunt Interpretes. Metaphora desumpta est a captivis bello factis, aut quibusque aliis criminis gravioris confortibus, qui gregatim vincti, manus pedesque ligati detruduntur in carcerem, arctæque mandantur custodiæ. Sic enim futurum prædicit Propheta de omnibus impiis, cum a Christo Iudice ligatis manibus, & pedibus mittentur in tenebras exteriores, seu in tenebricosam inferni custodiam in qua turmatim, collectimque compingentur, instar lignorum in uno fasce collectorum, adeo ut mutuo se premant, comprimantque, & nedom ambulare, sed neque loco movere se possint. Id etiam in Evangelio figurate Christus expressit in Matth. 13. 30. verbis illis: *colligite zizania, & alligate ea in fasciculos ad comburendum: triticum autem congregate in horreum meum.* Atque eandem quoque inferni ideam nobis ingerunt nonnulla Apocalypseos testimonia.

VIII. An Damnatorum locus frigidus sit, sive an Damnati inter alias penas etiam acerbissimo frigore cruciuntur, lis est & controversia inter Theologos, & Scripturæ Sacræ Expositores. Qui partem agentem propugnant, his potissimum nituntur fundamentis. Primum, illudque præcipuum petitur ex verbis Jobi cap. 24.: *ad nimium calorem transeat ab aquis nivium, & usque ad inferos peccatum illius: ubi vicissitudo quadam ponitur ab igne in aquam frigidissimam.* Ulterius: Sapient. cap. 5. testatur, *terrarum orbem contra insensatos pugnaturum: & Deum vim daturum Creaturæ ad ultionem inimicorum suorum.* Igitur & aqua universalitatis particeps, Deique creatura injurias in Creatorem suum vindicabit. Præterea: cap. 3. Matth. legimus: *Filii regni ejicientur in tenebras exteriores: ibi erit fletus & stridor dentium.* Stridor autem dentium ingentem frigoris vim consequitur, sicut & aliorum membrorum tremor. Denum afferunt auctoritatem S. Hieronymi, Cassiani, Bedæ, Philippi Presbyteri, Petri Damiani, Bernardi, Anselmi, a-

liorumque, quorum testimonia legi possunt apud Pinedam in cap. 24. Job. & Franciscum Suarez lib. 8. de Angel. cap. 12.

IX. Graviora procul dubio sunt fundamenta sententiæ negantis, eaque ferme proponuntur a Dominico Soto loco supra laudato his verbis: „ Primum argumentum est, quod cum Christus diversis locis Evangelii universa inferni tormenta recensuerit: nempe ignem, fletum, stridorem dentium, & tenebras, de frigore nullibi meminit. Immo vero Zachar. 9. ubi de inferno extat vaticinium, sic legitur: *tu autem in sanguine testamenti tui eduxisti viros de lacu, in quo non erat aqua.* Quasi diceret, *sed purus ignis.* Quin vero Lucæ 16., ubi Epulo ille guttam aquæ deposcebat, qua linguam refrigeraret, documentum præbuit merum ignem absque ullo frigore illic arde-

re. „ X. Mox & ratione loci arguitur: ignis & nives eodem loco esse non possunt: si vero loco distent, non est intellectu facile, quomodo, aut quibus interpolatis temporibus transmittantur Damnati ab uno in alterum locum, aut quomodo ignis nivibus subintrantibus loco cedat, aut frigori in quacumque sit materia, sive aqua sit, sive alia quæcumque.

„ XI. Præterea, si verum est, quod supra probabilissimum existimabamus, nempe quod Damnati non sunt loco semoti, sed veluti in acervo congesti, non est possibile loca omnes mutare, nec apparet quomodo divexare eos, per vices valeant aqua, & ignis.

„ XII. Sed potissimum argumentum est, quod Christus in ignem æternum illos missurus est: ignis autem æternus est, qui jugiter & perpetuo absque ulla interpolatione torquet. Calor vero & frigus non possunt simul torquere, etiamsi per spirituales species id faciant: quoniam sensatio caloris & sensatio frigoris mutuo se expellunt. Nulla ergo erit illic frigoris afflictio.

„ XIII. Jam vero tandem arguitur.

„ Si

„ Si vicissitudo illa illic locum haberet, „ maxime ad augendum doloris vehem- „ mentiam. Sed illa satis est magna per „ solum ignem, & augeri potest, quan- „ tum æquitas iustitiæ poposcerit: er- „ go officium frigoris supervacaneum est, „ atque adeo illic ei non datur locus.

XIV. Nolim ego in hac controversia sedere Judex, illudque solum assero rem esse ut minus incertam extantiam frigoris, aut aquæ frigidissimæ in inferno: cumque, ut jam ab initio memini me dixisse, non arbitrato nostro, sive conjecturis definienda sint Damnatorum supplicia, quæ a voluntate Dei juxta sapientiæ suæ ac iustitiæ leges unice pendent; nihil esse plane video in divinis Scripturis, & Ecclesiæ traditione, quod nos ad frigoris poenam in inferno constituendam cogat. Nam in primis quoad textum Jobi, qui sententiæ affirmantis potissimum est, ac fere unicum fundamentum, congrue, quin & congruentius de poena impiorum temporaria explicatur, vel etiam de culpis vitæ præsentis, quemadmodum illum exponunt S. Thomas in Commentario, alique passim Interpretes. „ Imo, inquit „ Soto, ut meam ignorantiam sub aliorum censura consistat, miror quomodo ex illo loco talis fuerit collecta sententia. Objurgat enim illic Job adulterum dicens: *oculus adulteri observat caliginem*, & inter ejus qualitates ait: *levis est super faciem aquæ*: & maledicens ei subdit: *maledicta sit pars ejus in terra: ad nivium calorem transeat ab aquis nivium, & usque ad inferos peccatum illius*. Ubi Gregorius nihil de alternatione inferni meminit, sed iniquitatem adulteri frigiditatis nomine intellexit, a qua solet ad calorem superbiæ confendere. Aut, si hoc magis placet, turpes hujus sæculi voluptates, quia refrigeria existimantur, & veluti nix liquehant, nivium frigori comparavit, a quibus imprecatur adultero, ut ad nivium inferni calorem transeat: quia vix solent concubinari ad cor redire: & ideo explicatius subdit: *& usque ad inferos peccatum illius*. Non ergo intellexit, quod

„ postea futurus esset a calore ignis ad „ frigus nivium regressus: sed quod esset a nivibus hujus sæculi perpetuus ingressus.

XV. His addere præstat, quæ scribit P. Franciscus Suarez loco citato in confirmationem prioris expositionis, quæ communior est, & probabilior. „ Atque „ hæc, inquit, expositio consentanea literæ est, si verbum *transeundi* non per modum imprecantis, sed per modum futuri & affirmantis legatur, ut Hieronymus, & D. Thomas, & alii legunt. Quia vero probabilior est, imperando, vel deprecando legendum esse *transeat*, prout vulgata habet editio; ideo convenientius, verba de imprecatione poenarum intelligantur, non tamen poenarum vitæ futuræ, sed præsentis. Nam in versu præcedenti cœpit Job poenas peccatori postulare dicens: *maledicta sit pars ejus in terra, nec ambulet per viam vinearum*: quibus verbis poenas hujus vitæ peccatori imprecatur, utique sterilitatem terræ, & carentiam omnis refrigerii, & solatii: & statim adjungit; *ad nivium calorem*. „ Et idem non invenit in hac vita refrigerium, sed ab una gravissima incommoditate ad aliam extremam transferat, & ita vivat, donec ad inferos transmittatur: aut etiam ab aquis nivium peccatorum in nivium calorem futurum in inferno transeat.

XVI. Quoad textum lib. Sapientiæ, nihil ipsum urgere satis perspicuum est. Nam præterquam quod ejusmodi emphaticæ locutiones ad iram Dei erga impios clarius exprimendam referantur, nec in sensu rigoroso & grammatico sumendæ sint, loquitur ibi Sapiens non de vindicta de impiis in inferno exigenda, sed de illa potius, quæ futura est in fine mundi, & in ipso judicii supremi die, cum calui terra, cæteraque elementa commovebuntur, ut exponunt graviores Interpretes: idque patet ex verbis tum præcedentibus, tum maxime subsequenter. Nam post ea verba: *pugnabit cum illo orbis terrarum contra insensatos*, ita pergit Sapiens: *ibunt directæ emissiones fulgurum, & tamquam a bene curvato*

*viato arcu nubium exterminabuntur, &c. & a petrosa ira mittentur grandines: ex-
candescet in illos aqua maris, & flumina
concurrent duriter. Contra illos stabit spi-
ritus virtutis, & tamquam turbo venti
dividet illos. Quis non videt hæc verba,
etiãsi nolit in eis figuram agnoscere,
intelligi nequaquam posse de suppliciis
infernì, nisi forte adeo desipias, ut in
eo loco etiã fulgura ponas, turgentes
nubes, grandines, ventorum turbines,
maris & fluminum aquas &c.*

XVII. Sed neque quidpiam extundi
potest, quod affirmanti sententiæ faveat
ex textu Evangelii: *ibi erit fletus &
stridor dentium*. Nam sicut *fletus* juxta
communem acceptionem intensissimum
dolorem denotat, qui in Damnatis ex
propriarum calamitatum consideratione
oritur; ita *stridor dentium*, quem rea-
lem futurum in assumptis corporibus con-
cedere nulla ratio vetat, ex aliis princi-
piis præter frigus oriri potest. Stridor
quippe ille vel voluntarius est, vel ne-
cessarius. Voluntarius quidem gigni po-
test vel ex iracundiæ furore, quo adver-

sus Deum Judicem Beatosque infre-
munt, vel ex fera, & inutili delictorum
pœnitentia, vel ex bonorum, quæ ami-
serunt, memoria. Necessarius vero ex
vehementia doloris procreari valet,
quem ab igne patiuntur. Hinc S. Jo.
Chrysostomus (a) fletum & stridorem
dentium cruciatus incredibiles significare
scribit: & S. Prosper, sive Julianus (b)
dolores acerrimos: atque ita etiam alii
sacri Expositores interpretantur.

XVIII. Demum quoad Patres atti-
ner, quos producant tamquam suæ sen-
tentia faventes: in primis S. Hierony-
mus in cap. 24. Job non definit, ac fir-
miter, sed dubitanter loquitur: *forte*,
inquit, *in ipsa Gebenna talis sensuum
cruciatus fiet illis, qui in ea torquebuntur*
&c. Cæteri autem pauci sunt, si cum
iis conferantur, qui nullam penitus de
hac frigoris pœna mentionem fece-
re, adeo ut Ecclesiæ traditionem e-
ruere ex illis minime valeas: sed ut
summum privatam eorundem opinati-
onem.

CAPUT VII.

*De inferorum igne. Recensentur, qui illum tropice accipiendum putant: Orige-
nes in primis: qui tamen multorum studio ab hoc nævo purgatur: Calvinus
deinde, alique ex ejus præsertim Discipulis. Nimia castigatur Theologi cujus-
dam Berolinensis confidencia ferme unanimem de metaphorico ignis sensu persua-
sionem jactantis. Quin potius hujusmodi sensus fere ab omnibus improbatu osten-
ditur.*

I. Sed jam de præcipuo divinæ justi-
tiæ ad impios in alia vita tor-
quendos instrumento latius differamus:
de igne videlicet, cujus tam frequens
mentio est in sacrarum litterarum ora-
culis. An hæc ignis pœna, quam supre-
mus judex denunciat, in obvio & nativo
sensu accipienda sit, an vero in meta-
phorico aut figurato, a quibusdam hac

præsertim ætate nostra in controversiam
adducitur. Et quidem ex Catholicis ne-
minem futurum puto, qui inferni ignem
verum & corporeum esse negare auit.
Quamquam enim de hujusce ignis natura
nullum hæctenus decretum editum fue-
rit, quod definitivum vocant; universæ
tamen Ecclesiæ consensus satis ostendit,
quid unicuique tenendum sit. Hinc ab

T omni-

(a) Epist. ad Theod. laps.
(b) lib. 1. de vita contempr.

omnibus Theologis statim rejecta, & explosa sententia fuit Ambrosii Catharini, qui a proprio, & obvio Scripturæ verborum sensu recedens, ignis vocabulum allegorice intellexit, designatamque ea voce arbitratu est summam aliquam poenam, aut cruciatu omnes a reprobis perferendos. Quam quidem sententiam alii *hereticam*, alii *heresi proximam*, universum autem saltem *erroneam*, ac admodum temerariam appellant.

II. Ex Heterodoxis vero plures sunt, qui inferorum ignem tropice explicandum esse censuerunt. Primus omnium, qui hoc diserte docuerit, creditur Origenes, de quo S. Hieronymus in Epist. ad Avitum (a) scribit: *Ignem quoque Gehennæ, & tormenta, quæ Scriptura sancta peccatoribus comminatur, non ponit in suppliciis, sed in conscientia peccatorum, quando Dei virtute, & potentia omnis memoria delictorum ante oculos nostros ponitur. . . . & quicquid feceramus in vita vel turpe, vel impium, omnis eorum in conspectu nostro pictura describitur, at præteritas voluptates mens intuens conscientia punitur ardore, & prænitiudinis stimulis confoditur. . . .* Locus Origenis, quem præsertim fugillat Hieronymus, habetur lib. 2. Periarchon Cap. 11, ubi recitata Isajæ sententia ex Cap. 50. V. 11, *ambulato in lumine ignis vestri, & flamma, quam accendistis*, subdit: *per quas sermones hoc videtur indicari, quod unusquisque peccatorum flammam sibi ipsi propriis ignis accendat, & non in aliquem ignem, qui antea iam fuerit accensus ab alio, vel ante ipsum subsisterit, demergatur: cujus ignis materia, atque esca nostra sunt peccata.* Quibus verbis satis perspicue declarare videtur ignis poenam reprobis denunciari non aliud esse præter conscientie cruciatum, quem sibi quisque propriis noxis, ac flagitiis inducit.

III. Quamplures nihilominus sunt insignes viri, qui Origenem ab hoc nẽvo pro viribus purgant, contenduntque ex illa interpretatione verborum Isajæ, non

esse hauriendam Origenis mentem quoad naturam ignis ad improbos puniendos a Deo in futura vita paratis, cum pluribus aliis in locis juxta catholicam doctrinam scripsisse satis constet. In primis enim in eodem lib. Periarch. paulo inferius observat, quod sicut in morbis corporalibus primo ferri rigor, & sectio- nis asperitas solet juxta morbi qualitatem adhiberi, & tandem etiam adhibetur ignis: quanto magis, inquit, intelligendum est & hunc medicum nostrum Deum volentem diluere vitia animarum nostrarum, quæ & peccatorum, & scelerum diversitate collegerat, uti hujusmodi pænalibus curis: insuper etiam ignis inferre supplicium his, qui sanitatem animæ perdididerunt: ubi distinguit confiscatæ angustias & curarum morsus a poena ignis, qua tandem improbos cruciandos esse decernit. Sed clarius mentem suam exponit Comment. in Matth. v. 72. (b), ubi declarans verba illa Christi: *ite maledicti in ignem æternum*, ait: *qui autem recedunt ab Jesu decidunt in ignem æternum, qui alterius generis est ab hoc igne, quem habemus in usu.* Sed in quo sita est ejusmodi diversitas? Num fortasse, quod noster ignis verus, ac materialis est: ille autem spiritalis, aut allegoricus? minime. Sequitur namque: *nullus enim ignis inter homines est æternus, sed ne multi temporis: extinguatur enim cito: æternus autem ignis est ille, de quo & Isajas dicit in fine prophetiæ sue: vermis eorum non morietur, & ignis eorum non extinguetur.*

IV. Alia duo loca profert in defensionem Origenis S. Pamphilus Martyr in Apologia: primum ex Comment. in Proverb. Salomon. ubi scribit: *manifestum est, quod una poena tam demonum naturæ, quam humano generi peccatorum a Domino præfinita sit illa, quam Dominus sua sententia designavit dicens: ite in ignem æternum, qui paratus est diabolo, & angelis ejus: ostendens quia eadem species prænarum peccatoribus hominibus, & angelis ejus præparata sit, licet in eadem poena*

(a) Num. 7. Tom. I. edit. Veron. (b) Edit. Monach. S. Mauri.

pœna diversa sit quantitas pœnæ. Alterum vero ex comment. in psal. 6. ubi ait: possibile est considerare ex his maxime doloribus, quos in hoc corpore positi sentimus &c. Si in hac presenti vita tam intolerabiles sunt pœnarum dolores, quid putandum est, cum non jam anima crassiori utetur indumento, sed cum id spirituale effectum ex resurrectione recipiet; & eo vehementius utique quo subtilius est, sentiet vim doloris. Quibus verbis non interiorum animæ cruciatum, sed extrinsece adhibitum tormentum satis perspicue designat. Atque eadem vel paria habet lib. 5. cont. Celsum, Homil. 4. in Hsajam, Homil. 8. in Josue, & aliis locis.

V. Sed ut ut ignem inferni intelligendum putarit Origenes, illud pro comperto est, sequi ævo plures Origenis discipulos ansam arripuisse ex laudatis Periarcho verbis promovendi sententiam de igne metaphorico. Id siquidem discrete testatur Orosius in commonit. ad S. Augustinum de erroribus Priscillianistarum, & Origenistarum (a). Queritur enim quosdam Origenistas jactare solitos, ignem æternum, quo peccatores puniuntur, non esse ignem verum, dicentes dictum esse ignem propriæ conscientie punitionem.

VI. Sententiam eandem non uno in loco docet Calvinus. Lib. 3. Instit. cap. ult. definit, infernum nihil aliud esse, nisi conscientie horrorem. In Epist. ad Hebræos cap. 10., ignem, quem reprobis scriptura minatur, esse malæ conscientie cruciatum. Et in caput 3. Matth. de igne æterno, inquit, scio argue a multis fuisse disputatum; at colligere licet metaphorice locutionem: quod & repetit in caput 25. ejusd. Matth.

VII. Calvinii vestigia secuti sunt discipuli ejus Theodorus Beza, & Lambertus Danæus. Prior in confessione fidei nudum Damnatorum pœnas nudum terrorem esse cum Magistro constituit, & anxietatem conscientie cogitantis Deum sibi esse iratum, & insensum, sed etiam ad aniles fabulas rejicit, quæ de inferni dolo-

ribus alii scribere, quas toto animo excurrat se garrat. Alter vero in caput 109., & 113. Enchiridion S. Augustini in scholasticos Theologos invehitur, affirmantes ignem inferni corporeum esse, utique comburere. Horum opinionationem alii deinceps complexi sunt, quos inter Daniel Classenius recenset Junium, Fellenium & Rainoldum, qui illud precipue urgent, quod materialis, & corporeus ignis non fit aptus, & idoneus corporibus, animisque Damnatorum, & cacodæmonum substantiis spiritualibus cruciandis.

VIII. At nemo confidentius hanc sententiam proposuit, quam nuperus Theologus Berolinensis (b), de quo supra mentionem fecimus, quem laudat ac sequitur Franciscus Roches Pastor Genevensis Epist. 37. Postquam enim conceptis verbis asseruit verum, ac proprie dictum non esse ignem in sacris litteris ad puniendos impios denunciatum, subjicit, jamdiu consensisse homines; aut Theologos, Scripturæ verba de hoc igne prolata in sensu metaphorico accipienda esse, adeo ut ignis ille ferme extinctus fuerit (c). Quo nixus fundamento hoc obtrudat, plane melat; immo verius dixerim enormi nimium confidentia fuisse locutum, dum talem consensionem jactat, & quidem jampridem obtinentem, tamquam omnibus exploratam. Nam si nullo etiam in pretio habeat Theologos omnes catholicæ Religionis, totiusque Ecclesiæ Romanæ sensum, quem nullus profecto non iniquus æstimator flocci fecerit; neque Lutheranos Theologos, neque Calvinistas consentientes asserre potest: cum eorum plures, iique magnæ apud eos auctoritatis oppositum disertissime docuerint, ac doceant. Testatur D. Swinden Theologus Anglus, qui hoc sæculo scripsit (d), hanc esse fidem Ecclesiæ Anglicanæ, ignem scilicet inferni verum, ac materiale esse; productique in testes tres præ cæteris eximios ejusdem Ecclesiæ Theologos, nimirum Doctorem Barrow

T 2

iu

(a) Inter opera S. August. Tom. 8. edit. Monach. S. Mauri. (b) Tom. 45. Biblioth. German. pag. 95. (c) Il y a déjà long temps, qu'on est convenu du sens metaphorique des expressions de l'Ecriture là dessus, & qu'on a presque éteint ce feu.

(d) In suo libello, cui titulus *Recherches* &c.

in *expositione symboli*, celebrem Hammondum in suis commentariis in *Matth.* ad illa verba *cap. 25. discedite a me maledicti in ignem eternum &c.*, & perdoctum Episcopum Bilson, qui & verum ignem in inferno, & sulphur etiam ejus esse materiam ex locis Apocalypseo probari contendit. Alios item memorat ex aliis Protestantium Ecclesiis primi apud illas subfelli Theologos ejusdem sententiae defensores, ac vindices, nempe Petrum Martyrem in *lib. Regum*, Munsterum annos. in *caput. 30. Isajae*, Bullingerum *Homil. 90. in Isaj.*, Qualterum *homil. 163. in Isaj.*, Musculum in *Matth. cap. 25.* & Zanchium de *operib. Dei 1. par. lib. 4. cap. 19.*

IV. Plures alii etiam inter Lutheranos recenseri possunt sententiae ejusdem Patroni: quos inter Centuriatores Magdeburgenses *Centuria 1. lib. 1. cap. 4.* in fine, ubi de igne eterno agentes inquirunt: *quem creberrime est non tantum spiritualem, sed & corporalem futurum, cum tam saepe sic loquatur scriptura.* Sed egregium sane Ecclesiae suae sensus testimonium perhibet Jo. Franciscus Buddaeus, qui postremis huiusce annis inter Lutheranos floruit, ac fortassis hodieque floret, dum in *Institut. Theologico-dogmaticis* lib. 2. cap. 3. n. 16. scribit: *non esse dubium, quin ignis, cujus in cruciatibus Damnatorum mentio iniicitur, proprie sic dictus intelligendus sit, sed talis, qui in corpora hominum, qualia post resurrectionem futura sunt, agere, & dolorem in illis excitare potest.* Neque enim id extra dubitationem constitutum posuisset, si hanc in Ecclesia sua doctrinam vigere, & communis saltem approbati non perpexisset. Nam Author idem de aeternitate poenarum agens eos non praetermisit, qui ex Lutheranis novum Origenistarum commentum amplexi fuerant. Nihil igitur esse video, cur tanta confidentia iactare possit scriptor Berolinensis consensum Theologorum unanimem diu jam obtinentem de igne inferni metaphorico, adeo ut jam fere ignem illum extinxerint,

quem veteres olim accenderant; mirarique subit fucum sibi fieri passum Ministrum de Roches ab hoc Authore naves omnes in Pyrao stantes suas esse temere venditante, dum paucos admodum, si cum aliorum numero praesertim conferas, Theologos numerare valet suae sententiae fautores.

X. Quamquam ergo nonnulli extiterint, ac extent, qui Scripturae verba de igne sempiterno in allegorico sensu intelligenda putent; fateantur omnes oportet longe adeo plures esse, qui eadem in proprio sensu accipiant, ut comparatione instituta, prior sententia vix ulla gaudeat ejus generis probabilitate, quae a solo scriptorum numero & auctoritate depromitur. Nam praeter consensum Ecclesiae Romanae quem ab Apostolorum aevo continenti Patrum traditione semper obtinuisse manifestum faciam, praeter Heterodoxos, quos modo memoravimus, ceterae quoque Orientales Ecclesiae a Romana nunquam satis deplorando schismate sejunctae, in eandem sententiam unanimiter conspirant. De Ecclesia Graeca res satis comperta est. Hinc tametsi in Concilio Florentino Graeci Patres non eadem senserint, ac Latini quoad ignem purgatorium, quo electorum animae temporaliter expiantur, nulla tamen de reproborum aeterno igne dissensio fuit; pluraque assert Allarius dissent. 2. de lib. Ecclesiae, quibus Ecclesiae Graecae consensus in eo dogmate evidenter adstruitur. Coptos pariter, Nestorianos, Aethiopes, aliasque Christianas gentes idem omnino sentire liquet tum ex earum Liturgiis, qua publici juris fecit Renaudotius, tum ex iis scriptoribus, qui harum Ecclesiarum dogmata, ritus, aut historiam tradiderunt (a).

XI. His omnibus adnectere lubet etiam Judaeorum, & Mahumedanorum, aliorumque de Gehennali igne persuasionem, non quasi magni pendam hac in re eorum auctoritatem, sed eo fine duntaxat ut constet, quam late semper apud

(a) Legi potest inter alios Jovethus Tom. 1. de Relig. totius mundi.

apud homines invaluerit, ac invalecat ea sententia, quæ verum illum, materialeque profiteretur. Ac Judæi quidem tum ob Scripturæ Sacræ textus, tum propter majorum suorum traditionem eam concorditer tenuerunt, retinentque, licet nonnullis erroribus, ac figmentis ex rabbinica vena prodeuntibus obvolvant: ut inter alios observat Bartoloccius (a), qui etiam perhibet eisdem docere ignem illum tenebrosum esse, ut est ignis in materia opaca terrestri, ut in sulphure, & fumo densò, cujus claritas per eum offuscatur: & ob hujusmodi rationem tenebræ dicuntur esse in inferno, ut habetur in *Psalm. Scemotb, Rabba Parascit* ad illud *Psalm. 18. ponet tenebras latibulum suum*. Hunc etiam ignem Leo de Mutina in *lib. Judæor. Cærem.* die Sabbati propter festivitatis honorem extinguī fabulatur.

XII. Gemina sæpe tradit de inferni igne Mahumedes in Alcorano. Nam Sura 28. *incredulos*, inquit, *die Judicii prorsus ignis circumdabit*. Et Sura 32.: *Incredulis Deus aptabit vestes igneas, eorumque ventres, & capita igne volvens, & revolvens perpetuo exire inde volentes repellet*. Clarissime vero Sura 62. scribens: *Dei vindicta superveniet, quam nemo evi-*

tare poterit... Tunc ad ignem Gebenne vocatis Deus inquit: hic est ecce ignis, cui sapius audiendo contradixistis. An hunc imaginarium, atque magicum, an vero verum ignem esse jam videtis? illum igitur patienter sustinete: non minus enim patiemiini, si sustinere nolueritis: quia secundum opera vestra meritum suscipiuri estis. Quam doctrinam religiose recipiunt, ac probant Mahumedani, ut videre est apud Hottingerum lib. alibi cit. pag. 253., & D. d'Herbelot in biblioth. Orient. pag. 368.

XIII. Demum & ipsis Gentilibus eadem sedit opinio, quam sicut & alia multa hauserunt ex sacris libris juxta veteres Patres, & plures recentes eruditissimos viros Huetium, Natalem Alexandrum, Vossium, Bochartum, Bullum, aliosque. Hinc in inferno Pyriphlegetonem constituerunt, seu amnem igneum, in quem cælesti, ac facinorosi homines devolverentur; de quo tum Plato, tum alii antiqui, tum præcipue Poetæ frequenter mentionem faciunt. Multas etiam nunc esse infidelium nationes, quæ idem censeant, ex testimoniis, quæ superiore libro descripsimus, manifestum est.

CAPUT VIII.

Scripturæ Sacræ loca, ubi de inferorum igne mentio fit, collectim proponuntur: ea quæ in primis, quæ extant in veteri testamento, & de futuro impiūrum supplicio omnino intelligenda sunt, quorum alia vindicantur ab ineptis quorundam interpretationibus. Ea deinde, quæ extant in Evangeliiis, aliisque novi fœderis canonicis libris longe plura, atque clariora.

I. **P**roducis jam præcipuis Authoribus, qui Gehennæ ignem non verum ac proprium opinantur, sed metaphoricum aut figuratum, concertationem adversum ipsos aggredior, communemque Ecclesiæ Doctrinam proviribus defendendam, & in tanta luce collocandam suscipio, ut si quis rem hanc nondum satis exploratam habuerit, eum pudeat de tam aperta veritate solummo-

do dubitare. Quoniam vero præcipuum argumentum promittit ex sacrarum litterarum autoritate, illudque invictissime constat non ex uno vel altero eorumdem textu, sed ex omnibus maxime collectim sumptis, qui sibi invicem adstipulantur, seque magis declarant ac firmiter; ideo valde proderit omnes in antecessum sub uno veluti oculorum aspectu proponere, quos

(a) In Bibliothec. Rabbin. Tom. 2. Dissert. de Infern.

quos deinceps attento studio ponderabimus, pluraque inde eliciemus firmissima argumenta. Ex his porro nonnulli prostant in veteri Testamento; plures vero, iique luculentiores in novo.

II. Atque ut a veteri ordiamur testamento, occurrit in primis locus celebris ex Deuteronomio cap. 32. 22. *ignis succensus est in furore meo, & ardebit usque ad Inferni novissima*: in quo sermonem esse de poena, qua improbi in futura vita plectendi sunt, tradunt plerique, & graves etiam scriptores, ac interpretes: quos inter Galatinus lib. 7. cap. 9. ex Glossa in libro Tanhuma refert, *ignem succensum in ira Dei idem esse, quod in medio Gehennae*. Et Grotius pariter ad hunc locum testatur Hebræos nomen *Sceol*, sive inferni, quod hic legitur, intelligere *gravissimarum post hanc vitam pœnarum regionem, aut statum*. Et si quidem ita locus iste sumatur, decretorius plane est pro sententia, quam defendo. Ea namque quæ de igne illo in furore Dei succenso Scriptor Sacer enarrat, non nisi de vero, ac materiali intelligi valent. Sed quoniam Vatablus, Clarus, Grotius idem & alii (a) locum hunc exponunt de igne terrestri consumente omnia usque ad radices defixas intra terram, & saltem probabilis est horum opinio; iccirco huic textui non insisto quemadmodum nec aliis nonnullis, quæ a doctis etiam scriptoribus afferuntur, qui satis commode de temporaria punitione explicari queunt, & ad certiora progredior.

III. Primus locus habetur apud Jobum cap. 20., in quo supplicia describuntur tum hujus vitæ, tum futuræ, quibus Deus in impium hominem animadvertit; & post plura ibi recensita com. 26. sic ait: *omnes tenebra abscondite sunt in oculis ejus; devorabit eum ignis, qui non succenditur*: sive ut in Hebræo, *qui stat u non excitatur*: qua inlectione conveniunt Vatablus, Clarus, Munsterus, Castalio, Drusus, Grotius, & alii, a quibus non dissentit Pagninus,

dum vertit: *ignis inextinguibilis*: talis quippe ignis *balis*, sive *insufflatione* non indiget. Locum hunc de poena alterius vitæ intelligendum esse satis manifestum est. Nam præter ipsa verba, quæ congruam aliam expositionem non patiuntur, favent ea, quæ immediate sequuntur, nempe: *revelabunt calis iniquitatem ejus, & terra consurget adversus eum*, utique in extremo Judicii die; sequitur enim *detrabetur in die furoris Domini*: sic enim Judicii dies a Prophetis appellari consuevit. Ac tandem concludit: *hæc est pars hominis impii a Deo, & hereditas verborum ejus a Domino*, scilicet, hæc est poena a Deo definita, quæ impium manet, non alia sane, nisi quam Justissimus Judex in illa die irrogaturus est. Favent etiam Paraphrasis Chaldaea, quæ ita legit: *consumet eum ignis Gehennæ, qui non est sufflatus*, & reliquæ versiones, quas inter ea quæ Clarus & Munsteri est, habet: *multa pericula, quæ impius non prævidet, manent eum, quousque tandem perpetuo igni, qui sufflatione opus non habet, tradatur* (b). Favent demum Ecclesiæ Patres, qui in librum Jobi scripsere, & celebriores quique Expositores Drusus, Pineda, a Lapide, Tirinus, alique communiter; ex quibus postremus sic aptissime ea verba declarat: *devorabit eum ignis, qui non succenditur, alimento terreno, vel flabello; sed semel ab origine mundi a Deo succensus in semetipso cum suis fomentis inconsumptibilis æternum ardebit, Deo illum conservante ad æternum impiorum cruciatum*.

IV. Litteraliter etiam de inferni cruciatibus accipiuntur duo præ aliis Psalmorum loca, quorum alter petitur ex Psalmo 10., alter vero ex Psal. 139. Prior juxta Vulgatam ita legitur: *pluet super peccatores laqueos: ignis, & sulphur, & spiritus procellarum pars calicis eorum*. Vel juxta Hebraicum textum: *pluet super impios laqueos, vel carbones, aut prunas; ignis, sulphur & spiritus vertiginum, aut terrorum erunt pars calicis eorum*.

(a) Vide *Critica Sacra* ad hunc locum.

(b) In *Criticis Sacris*.

rum. Alludit hic Regius Psaltes ad Sodomorum incendium, insignem nempe illam divinæ justitiæ ultionem, quæ secundum Apostolum Judam com. 17. figura est ignis æterni, quem hic designat. Et certe tum antecedentia, tum consequentia hunc sensum definiunt. Præmittit enim Propheta, quod Dominus interrogat, aut juxta vim hebraicæ vocis *probat*, aut *examinabit*, in tremendo suo judicio, *justum & impium*; qui autem diligit iniquitatem, odit animam suam: utique quia in semetipsum eam ignis poenam, spiritusque procellarum, aut terrorum accersit, quam mox commemorat. Ac denique hujusce ultionis hanc rationem assignat: *quoniam justus Dominus, & justitiam dilexit; aequitatem vidit vultus ejus*, retribuendo videlicet unicuique juxta opera sua.

V. Locus alter sic effertur in nostra Vulgata: *cadent super eos carbonēs, in ignem dejectis eos; in miseriis non subsistent.* In textu autem hebraico: *conspiciantur super illos carbonēs; in ignem eos ruere facies, & in miseriis, ubi non subsistent*, vel ut alii legunt, *non evadent amplius foras, inquam ceciderint.* Sermo nem hic fieri de peccatoribus a Deo puniendis, res est explorata. De punitione autem non præsentis vitæ, sed futuræ, textum hunc intelligere cogunt tum ipsa verba, quæ certam poenam exprimunt impiis omnibus inferendam, & quidem in loco, a quo nunquam emergant, qui alius plane non est, nisi infernus; tum quia ibidem dicitur, quod *virum injustum mala capient in interitu*, sive ut legit Chaldaeus, *virum prævium, & operatorem malorum venetur Angelus mortis, & detruat eum in Gehennam.* Tum demum quia subiicitur: *cognovi, quia faciem Dominus judicium inopis, & vindictam pauperum. Verumtamen justus confitebuntur nomini tuo, & habitabunt recti cum vultu tuo*, seu, ut Vatablus, *coram facie tua*, aut *in conspectu tuo perpetuo vivent*: quibus exprimitur Judicium, quod aliquando facturus est Dominus, & vindicta de im-

probis sumenda, præmiumque, quod in æterna vita iusti recipient. Præter hæc plures locum illum urgere solent ex psalm. 20.: *pones eos ut cibatum ignis in tempore vultus tui: Dominus in ira sua conturbabit eos, & devorabit eos ignis.* Verum cum originarius textus sensum alium exhibeat, quam qui specie tenus in his verbis apparet, ab eo asserendo abstinemus.

VI. Plura in præsens argumentum testimonia suppetit Propheta Isaias; sed tria præcipua sunt. Primum habetur cap. 33. com. 14. *conterriti sunt in Sion peccatores; possedit trevor hypocritas. Quis poterit habitare de vobis cum igne devorante? Quis habitabit de vobis cum ardoribus sempiternis?* Mentionem hic fieri de poenis impiorum post hanc vitam læuendis tradant S. Hieronymus, Procopius, & alii Patres; tradunt etiam Forerius, a Lapide, Calmetus, Tiranus, & communiter Interpretes tum Catholici, tum Protestantes. Equidem aliqui ex his postremis dissentiant per ignem consumentem intelligentes vel Deum peccata populi sui per Assyrios punientem, ut Pelicanus, & Piscator: vel exercitum ipsum Assyriorum, cujus vim Judæi substinere non possent, ut Ugo Grotius. Verum hos omnes adeo nervose refellit Doctissimus inter eos Campanus Vitringa (a), ut omni penitus probabilitate ipsorum interpretationem exuerit; qui post plura erudite animadvertita, ita demum concludit. "Sub notionem ignis consumentis, & focorum æternorum non tantum cogitabis de puritate & zelo Dei in vindicanda gloria sua, veluti fundata in æterna Dei natura; verum etiam de certa Dei voluntate gloriæ suæ læsæ in peccatoribus impenitentibus ulciscendæ in æternum supplicio summo, & gravissimo expresso per illius sententiæ verba, *execrandi abite in ignem æternum.* Chaldaeus hoc loco de impiis judicandis exponit, & tradendis Gehennæ incendio æterno. Hoc postulatam est divi-

, n2

(a) In hunc Isaiæ locum.

„ nã Justitiã. Supplicia hujus vitæ
 „ temporaria non explent emphalim
 „ phralios ignis confumentis, & foco-
 „ rum æternorum. Hæc ille.

VII. Locus alter insignis legitur cap.
 30. com. 33. juxta Vulgatam: *prepara-
 ta est enim ab heri Tophet, a Rege pra-
 parata, profunda, & dilatata. Nutri-
 menta ejus ignis, & ligna multa. Flatus
 Domini sicut torrens sulphuris succendens
 eam.* Spectasse Prophetam his verbis in-
 famem Damnatorum sedem consentiunt
 Sacri Expositores, vix ullo dissidente,
 S. Hieronymus, Forerius, Munsterus;
 Vatablus, Clarius, a Lapide, Calme-
 tus, Vitringa, &c.; ex quibus Clarius,
 & Munsterus postquam adnotarunt;
 Itajam designasse *Assyrios non tantum in
 hoc mundo sciendos, sed etiam in futuro
 infernalibus penis perpetuo cruciandos*, hæc
 subdunt (a): „ Gehenna enim hic To-
 „ phet dicitur; & fortasse alibi tam cla-
 „ re descriptam non invenies, consen-
 „ tientibus etiam hebræis cum nostris
 „ scriptoribus. Et primo quidem dici-
 „ tur *preparata ab heri*, hoc est ab in-
 „ itio mundi: hoc enim *heri* non raro in
 „ Scriptura significat juxta illud Hebr.
 „ 13. *Jesus Christus heri, & hodie, ipse
 „ & in sæcula.* Hebræi quoque exponunt
 „ infernum jam antea paratum prædi-
 „ centibus Prophetis, &c. Secundo in-
 „ dicat Propheta profundum esse infer-
 „ num, & latum, quo agnoscas multi-
 „ tudinem damnandorum. 3. dicit habi-
 „ taculum illud esse igneam, ut intelli-
 „ gas cruciatum perpetuum. 4. Gehenna
 „ est æterna; quia Spiritus, & voluntas
 „ Domini perpetuam vim incendii sup-
 „ peditat. Vitringa quoque in hunc
 „ locum, ita inter cetera alia scribit:
 „ realis interpretatio Emblematis non
 „ potest videri obscura peritis verbi Pro-
 „ phetici. Hieronymus hic secundum
 „ hypothesein suam cogitat *de lata, &
 „ spatiosa Gehenna* Dæmones, hostesque
 „ populi Dei æternis ultura ardoribus.
 „ Nec aliter Paraphrastes. Verba ejus:
 „ etenim ordinata est a sæculis Gehenna

„ *propter peccata eorum.* Certe Prophe-
 „ ta sic scripsit ut pingendo infernum
 „ terrestrem, & temporarium, qualem
 „ hic deformat, nobis ob oculos pone-
 „ ret imaginem inferni veri, & æterni.

VIII. Postremus Itajæ locus, isque
 celebratissimus sumitur ex cap. 65. com.
 24. ubi totam suam prophetiam ita con-
 cludit: *vermis eorum non morietur, & ignis
 eorum non extinguetur: & erunt usque ad
 satietatem visionis omni carni.* Loqui hic
 Prophetam de damnatorum suppliciis
 nemo ex omnibus Patribus, & Expo-
 sitoribus, quos consulere licuit, non
 consentit præter Grotium, quem egre-
 gie refutat, & castigat laudatus Vitrin-
 ga, ejusque explicationem nedum im-
 probabilem, sed & ridiculam patefacit.
 „ Illustris Vir, inquit, Ugo Grotius,
 „ cui hic loci adhuc dum obversantur
 „ imagines rerum Machabæicarum, ten-
 „ tavit cum his componere hæc verba
 „ prophetica *cata grammata* interpretando:
 „ quod sane idem est, ac si quæ fabulosa
 „ vetustas reliquit de Prometheo, Ixio-
 „ ne, Tantalo (abit comparationis ir-
 „ reverentia) historice interpretaretur.
 „ Sed adverte animum ad ea, quæ ad hæc
 „ verba adscripti: *vermis eorum non morie-
 „ tur, id est, diu vermis pascetur illorum,
 „ qui in Antiochi partibus fuerint, cada-
 „ veribus, quia sepultura indigni judica-
 „ buntur. Et ignis eorum non extinguetur,
 „ id est ignis signa in oppidis accensis.* Hei
 „ mihi, vir magne, quorsum abis? Num
 „ vermes longius eorum depascuntur ca-
 „ davera, qui sepultura indigni habiti
 „ relinquuntur in campis, quam qui pu-
 „ trefcunt in sepulcris? Cadavera inse-
 „ pulta a vulturibus, percaopteris, corvis
 „ feris carnivoris utique magis voran-
 „ tur, quam a vermibus, & ab iis multo
 „ citius absumuntur, & exeduntur, quam
 „ sepulta a vermibus. Num incendia
 „ oppidorum, & castrorum horum de-
 „ fectorum a Machabæis facta ullo ser-
 „ mone hominum dici possunt *iporum
 „ ignis?* Ignis iporum est ignis, qui ipsos
 „ urit, & absumit; ignis oppidorum, &

castrorum, qui castra consumit. Quid ad iudicatos & mortuos attinebat, si ipsorum aedes, & castra longum ferrent incendii notas? Poterat id esse incommodum aliis, non ipsis. Est præterea hic mentio de igne non extinguendo, & *verme non morituro*: non longum sevituro, longum rofuro &c., Ac subinde communem interpretationem roborat autoritate Iudæorum, & Interpretis Chaldæi, qui viderunt exerte hoc loco describi supplicium Damnatæ a Deo decretum ferendum ab iis in æternum, docetque hinc Sanctis antiqui fœderis natam esse Gehennæ notionem, quam postea Christus Dominus, & Apostoli commendarunt, & clarius exposuerunt.

IX. Duo alia testimonia de supplicio futuro intelligenda subministrant libri Judith, & Ecclesiastici, qui licet ab Heterodoxis tanquam canonici non recipiantur, non possunt tamen non esse magne etiam apud eos autoritatis. Judith quidem ita loquitur cap. 16. com. 20.: *Dominus Omnipotens vindicabis in eis (impis): in die iudicii visitabis illos. Dabis enim ignem, & vermes in carnes eorum, ut urantur, & sentiant, vel juxta Græcam lectionem, & lugeant usque in sempiternum.* Agit hoc loco Mulier Sancta generatim de Gentilibus procacibus, & superbis, qui adversus verum Deum, Deique populum efferatis scelerum conatibus insurgunt, deque his prænunciat nomine igais & vermis supplicium a Divina Iustitia exigendum, non in hac vita tantum, sed potissimum in futura, ut & ex verbis, quæ præmittit, & ex iis, quæ sequuntur, quam maxime elucet. Loquitur enim de ea vindicta, quam Supremus Iudex exposcet in extremo die Iudicii, & quæ nullum finem habitura est, sed usque in sempiternum duratura.

X. Ecclesiastici vero cap. 21. com. 10. dicitur: *Stuppa collecta synagoga peccantium, & consummatio illorum flamma ignis: Complut. addit in perditione.* Sive nomine consummationis intelligas peccatorum consumptionem, sive melius juxta Græcam vocem *finem*, constat hic sermo-

nem esse de ultione Dei exercenda in impios ad inferna detrufos, veluti *stuppam* ad combustionem collectam: quod comma sequens confirmat: *via peccantium complanata lapidibus, & in fine illorum inferi, & tenebræ, & pæne.* De eodem enim peccatorum supplicio agitur in utroque loco. Plura alia Veteris Testamenti loca missa facio, quæ non sine aliqua probabilitatis specie de poenis temporariis, aut præsentibus explicari possunt.

XI. Frequentiora longe sunt, & claviora, quæ de inferorum igne prostant in novi Testamenti libris oracula, neque laborandum nobis est, ut ea ad futura supplicia referri commonstremus, cum nulla de his possit esse controversia. Quare ea tantummodo proponemus. At primum Matth. 3. c. 10. prædicit S. Joan. Baptista turbis ad eum concurrentibus, quæ mala ipsis impenderent, nisi fructus dignos poenitentiae fecissent. *Jam securis, inquit, ad radicem arborum posita est. Omnis ergo arbor, quæ non facit fructum bonum, excidetur, & in ignem mittetur;* & com. 12. prænuncians, quæ facturus est Salvator erga iustos, & injustos ait: *congregabis triticum in horreum: paleas autem comburet igne inextinguibili.* Prior sententia omnis arbor &c. excidetur, & in ignem mittetur, habetur etiam ex ore Servatoris nostri apud eundem Matth. cap. 7. com. 19., & ejusdem Joannis Præcursoris apud Lucam cap. 3. com. 9.

XII. Matth. cap. 5. com. 22. Christus ita comminatur: *ego autem dico vobis: omnis qui irascitur fratri suo, reus erit Iudicio; qui autem dixerit fratri suo, raca, reus erit Concilio; qui autem dixerit fatue, reus erit Gehennæ ignis.* Atque hic est primus locus in Novo Testamento, ubi nominatur Gehenna, quam subinde eodem capite iterum, atque iterum memorat inquiens com. 29.: *Si oculus tuus dexter scandalizat te, abscinde eum, & projice abs te, expedit enim tibi, ut pereat unum membrorum tuorum, quam totum corpus tuum mittatur in Gehennam. Et si dextera manus tua scandalizat te, abscinde eam, & projice abs te; expedit enim tibi,*

tibi ut pereat unum membrorum tuorum, quam totum corpus tuum eat in Gehennam. Porro Gehennæ nomine designari locum, in quo magnus nutritur ignis ad impiorum punitionem, res est compertissima, tum ex ipso verborum contextu, tum ex iis, quæ superius late dicta sunt agentes de voce Gehennæ: tum vel maxime quia idem S. Matth. eandem Christi sententias referens cap. 18. a com. 8. habet: *Si manus tua, vel pes tuus scandalizat te, abscinde eum, & projice abs te; bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te. Bonum tibi est cum uno oculo in vitam intrare, quam duos oculos habentem mitti in Gehennam ignis. Ubi apparet utrumque pro eodem usurpari, Gehennam videlicet, & ignem, in quem conjiciuntur Damnati. Quod clarius adhuc expessit S. Marcus cap. 9. Christi sententiam secundo, ac tertio repetens his verbis: *bonum est tibi &c., quam duas manus habentem ire in Gehennam, in ignem inextinguibilem: ubi vermis eorum non moritur, & ignis non extinguitur. Bonum est tibi &c. quam duos pedes habentem mitti in Gehennam ignis inextinguibilis, ubi vermis &c. & ignis non extinguitur. Bonum est tibi &c. quam duos oculos habentem mitti in Gehennam ignis; ubi vermis &c., & ignis non extinguitur. Omnis enim igne salietur. Quibus evidens est idem esse apud S. Evangelistam Gehennam, & ignem, fumique indifferenter & locum continentem, & rem in ipso contentam. Hinc etiam in eodem sensu de Gehenna fit sermo Matth. cap. 10. com. 28.: *nolite timere eos, qui occidunt corpus, animam autem non possunt occidere; sed potius timete eum, qui potest & animam & corpus perdere in Gehennam. Quam sententiam Lucas ita refert cap. 12. com. 15.: timete eum, qui postquam occiderit, habet potestatem mittere in Gehennam. Et Matth. cap. 23. com. 15.: vae vobis Scribæ & Pharisei hypocrisæ, quia circuitis mare & aridam, ut faciatis unum proselytum, & cum fuerit factus, facitis eum filium Geben-***

næ, seu destinatum igni æterno. Et com.

33.: *quomodo fugietis a judicio Gebennæ?*
XIII. Præter hæc illustri locus extat capite 13. ejusdem S. Matth. com. 24., ubi Divinus Magister proponit parabolam de tritico, & zizania, quæ cum eodem in agro una crevissent, tempore messis ab invicem secernuntur, & zizania quidem alligantur in fasciculos ad comburendum, triticum autem in horreum Domini congregatur. Deinde cum requisitus esset a Discipulis ut eam exponere dignaretur, subjecit a com. 38. *zizania filii sunt nequam... Messis vero consummatio sæculi, messores autem sunt Angeli. Sicut ergo colliguntur zizania, & igni comburuntur; sic erit in consummatione sæculi. Mittet filius hominis Angelos suos, & colligent de regno ejus omnia scandala, & eos, qui faciunt iniquitatem; & mittent eos in caminum ignis; ibi erit fletus, & stridor dentium. Et adducta itidem parabola de sagina missa in mare, & separatione facta piscium bonorum, & malorum, subdit: *sic erit in consummatione sæculi. Exibunt Angeli, & separabunt malos de medio justorum, & mittent eos in caminum ignis; ibi erit fletus, & stridor dentium.**

XVI. Demum idem S. Matth. cap. 25. com. 41. adducit terribilem illam sententiam, quam in supremo die judicii Judex vivorum, & mortuorum Christus Jesus se pronuntiaturum denunciat in omnes, qui a sinistris ejus erunt, sive in reprobos his verbis conceptam: *discedite a me maledicti in ignem æternum, qui paratus est Diabolo, & angelis ejus. Cujus postea executionem refert inquires: & ibunt hi in supplicium æternum, sive ut legit Augustinus, in combustionem æternam: justi autem in vitam æternam.*

XV. Non absimili modo Damnatorum poenam exprimunt ceteri tres Evangelistæ. Marci sententias jam attulimus, quemadmodum & Lucæ Cap. 3. Com. 9. Sed iste alibi quoque de poena ignis mentionem facit, in ea scilicet celebri narratione sive historiam, sive parabolam appellare mavis de Divite, & Lazaro. Nam postquam Divitem ob vitam in deliciis traducam, & im-

miseri-

miseri cordiam in Pauperes ad inferos damnatum descripsit, illum conquerentem inducit de ardore ignis, quo horrendum cruciabitur iis verbis: *crucior in hac flamma*. Unde & aquam poscebat ad aliquod istius ardoris refrigerium. Evangelista etiam Joannes Cap. 15. com. 6. memorat verba a Christo prolata de quovis, qui sibi per unionem gratiæ & charitatis non adhæserit, nempe: *Si quis in me non manserit, mittetur foras, sicut palmes, & arefcet, & colligent eum, & in ignem mittent, & ardet*: quibus significat poenam absque vita supernaturali decedentibus inferendam.

De hoc eodem igne testimonia non desunt in Paulinis Epistolis. 2. ad Theſſalon. Cap. 1. com. 8. loquens Apostolus de supplicio, quod reprobis Christus irrogaturus est in secundo suo adventu, illud repræſentat in *flamma ignis dantis vindictam iis, qui non noverunt Deum, & qui non obedunt Evangelio Domini nostri Jeſu Christi: qui pœnas dabunt in interitu æternas a facie Domini, & a gloria virtutis ejus*. Ad Hebræos etiam Cap. 10. com. 26. *voluntarie*, inquit, *peccantibus nobis post acceptam notiſſimam veritatis, jam non relinquunt pro peccatis hostia: terribilis autem quedam ex-*

pectatio judicii, & ignis emulatio, quæ consumtura est adversarios.

XVI. Sed frequentissima sunt in Apocalypſi. Cap. 14. com. 10., de omnibus qui *beſſiam adoraverint*, dicitur: *cruciabuntur igne, & sulphure in conſpectu Angelorum ſanctorum, & ante conſpectum agni*. Cap. 18. com. 8. de muliere fornicaria legitur: *quantum gloriſicavit ſe &c. in una die venient plaga ejus, mors, & luctus, & fames, & igne comburetur: quia fortis eſt Deus, qui judicabit illam*. Cap. 19. 20.: *Et apprehenſa eſt beſtia, & cum ea Pſeudopropheta . . . viri miſſi ſunt bi duo in ſtagnum ignis ardentis ſulphure*. Cap. 20. 9. *Diabolus qui ſeducbat eos, miſſus eſt in ſtagnum ignis, & ſulphuris, ubi & beſtia, & Pſeudopropheta cruciabuntur nocte ac die in ſecula ſeculorum*. Et com. 14. *Judicatum eſt de ſingulis ſecundum opera eorum, & mors, & infernus miſſi ſunt in ſtagnum ignis: hæc eſt mors ſecunda*. Et qui non inventus eſt in libro vite ſcriptus, miſſus eſt in ſtagnum ignis. Cap. 21. 8. *Timidis autem & incredulis, & execratis &c. pars illorum erit in ſtagno ardenti igne, & ſulphure: quod eſt mors ſecunda*. Præter hæc vocat damnatorum locum *ſornacem magnam*, aliſque vocabulis, & phraſibus utitur, quæ eandem poenam ignis designant.

CAPUT IX.

Divine Scripturæ locutiones in ſenſu tropico ad arbitrium accipiendæ non ſunt: ſed ſervatis ſanæ Criticæ, & Hermeneuticæ regulis. Quæ proſortur a pluribus ad proprium nativumque ſenſum diſtinguendum, minus videtur idonea. Certioras aliæ ſanciuntur: iſque ſacrarum litterarum voces de inferni igne proprie ſumendas eſſe ſuſe demonſtratur.

I. **Q**uinquaginta ferme loca produximus, in quibus Sacræ Litteræ de futura impiorum vindicta ſermonem habentes, eam exprimunt vocabulo *ignis*, ſive quod perinde eſt, *flammæ, ardoris, combustionis, Gebennæ &c.* Vel ſimplex horum propoſitio ſatis eſſe deberet, ut quilibet æquus Judex pro vero propriæque dicto inferorum igne ſententiam ferret. Clara ſiquidem ea ſunt, nec aliam eadem extra præjudicia ulla legenti ideam, quam veri ignis ingenerant. Præſtat

nihilominus ea operoſius expendere, & ad accuratum examen vocare, adhibitis in ſubſidium ſanioris Criticæ, & Hermeneuticæ regulis, ut luculentius appareat, quam falſa, quam inutilis & inepta ſit illorum opinio, qui a proprio & obvio ſenſu recedentes, metaphoriſce, aut tropice intelligenda pertinent.

II. Et illud quidem in primis pro certo tenendum eſt, quod omnes advertunt Sacrarum Litterarum Interpretes, neminem poſſe pro libito ac genio Scri-

pturæ locutionibus figuratum, aut allegoricum sensum affingere, sed necessario fervandas esse certas quasdam regulas, quibus tropica locutio a litterali, & obvia jure & merito distinguatur: præsertim ubi de veritate aliqua agitur fidei doctrinam, morumque ædificationem spectante. Alioquin nihil erit in sacris eloquiis, quod in sensu allegorico, aut figurato accipi nequeat: atque adeo ad omnium catholicorum dogmatum fidem subvertendam latissimus aditus aperietur. Nam, ut inquit Natalis Alexander (a), „ cum v. g. Christum esse „ Deum, Scriptura, & Patres diserte „ asserunt, respondebunt Ariani, & Sociniani Deum esse metaphoricæ gratia, non natura. Cum Christum natum ex Virgine asserunt, respondebunt „ Valentiniani & Apollinaristæ id metaphoricæ intelligendum, quod cælis „ allatum corpus per Virginis uterum „ tamquam per canalem purissimum transmiserit. Cum dicent passum esse „ & mortuum, ad sensum metaphoricum Manichæi, & Mahumedani confugient, & respondebunt, passum „ dici, ac mortuum, quia specie tenus „ passus, ac mortuus est. Cum dixerint „ Christum sanguine suo hominem redemisse, metaphoricæ esse has locutiones obgannient Sociniani, nihilque „ aliud significare, quam Christum mortuum esse, ut doctrinæ sacræ veritatem morte sua confirmaret, obeamque rationem liberationem hominum, „ ac salutem ejus morti tribui, cum ipsius doctrinam suscipiunt, & legem „ adimplent, non quod sanguinem suum „ ut pretium humanæ redemptionis „ Christus obulerit. Atque ita omnia „ alia dogmata eludere, atque ad sua placita unusquisque detorquere facillime poterit. „ Hæc de re consulti etiam potest V. Cl. & litterariæ Reipublicæ lumen splendidissimum Lud. Antonius Maratori lib. 1. de mod. ingen. in Relig. negotio.

III. Igitur Regulæ aliquæ sciendi omnino sunt, & observandæ, ut litteralis sensus a tropico, & vicissim tropicus a litterali internoscatur. Et quidem ea tamquam regula præcipua assignari solet a pluribus pro factorum verborum intelligentia, quæ statuit: *Sacræ Scripturæ verba in sensu proprio & litterali intelligenda sunt, quoties talis sensus non repugnat cum aliis propositionibus ejusdem Scripturæ, aut cum definitione Ecclesiæ, aut cum propositione aliqua naturali lumine certa, & evidente.* Quæ regula, si probetur, jam res confecta est pro vero inferorum igne admittendo. Manifestum est enim nullam esse Scripturæ Sacræ propositionem, quæ huic repugnet, nullam Ecclesiæ definitionem, nullam denique veritatem naturali lumine certam & evidentem, quæ eidem adversetur. Illud namque fatentur omnes, ac fateantur oportet, nisi ad arbitrium suum divinam potentiam coarctare velint, posse Deum punire impios igne vero, & corporeo, idque & cum anima a corpore sejuncta est, & certissime cum iterum ei conjungetur. Verum, ut quod sentio, libere exponam, quamquam hujusmodi regulam haud penitus rejiciam, immo usui aliquando esse posse minime diffitear, suas tamen ita generatim proposita patitur exceptiones, plurimæque sunt in sacris codicibus phrasæ, & locutiones, quibus neque aliæ Scripturæ propositiones, neque definitiones Ecclesiæ, neque perspicua aliqua veritas naturalis repugnant, quæ tamen in sensu obvio ac litterali a Patribus, sacrisque Expositoribus congrue, quin & congruentius non accipiuntur. Quare hac regula in medio relicta, certiores aliæ a Criticis melioribus probatæ adhibendæ sunt, ut germanus sensus locorum, quæ protulimus, innotescat.

IV. Prima igitur regula, ex qua primum argumentum elicio pro sensu proprio verborum Scripturæ de igne inferni loquentis, hæc est: *cum simplici æque ac*

me-

metaphorico sermone res eadem tam facile exprimi potest, locutiones simplices frequentius, metaphorice variis usurpantur. Quippe cum ad ea, quæ naturæ ac veritati magis accommodata sunt, plerumque homines ferantur, metaphoricæ locutiones adeo frequenter non usurpant, quæ coactæ quodammodo sunt, & contrariæ veritati, si severe accipiantur. Hinc statim validissimum argumentum sumitur pro sententia, quam propugnamus. Nemo siquidem negaverit, quin id, quod adversarii nomine *ignis* in sacris litteris designari arbitratur, simplici locutione aequè facile exprimi potuerit a sacris Scriptoribus. Cum ergo Damnatorum supplicium voce *ignis* Scripturæ frequentius, immo frequentissime designent, consequitur eam vocem non in sensu allegorico, sed proprio ab iisdem usurpari.

V. Secunda Regula, quæ priorem amplius declarat, ac firmat, est hujusmodi: *metaphoræ non adhibentur nisi vel ob vocum inopiam, aut necessitatem, vel ob elegantiam sermonis, vel ob consuetudinem.* Nulla autem erat ex tribus hæc causis, qua permoveri potuerint Sacri Scriptores, ut interiore animi, vel si mavis, exteriorem alium cruciatum metaphorâ *ignis* exprimerent. Non quidem necessitas, aut vocabulorum inopia: Nam tum hebraicum, tum maxime græcum Idioma, vocibus abundat, quibus ea pœna denotetur. Non sermonis elegantia: elegantissime enim per propria nomina tormenta illa significari potuerunt. Non denique consuetudo: neque enim tum apud Hebræos vox *אש*, vel apud Græcos *πῦρ* in usu unquam fuit, ut vel interiores animi angustias, vel exteriora alia supplicia ab igne diversa designaret.

VI. Ex quo fit hic urgeri haudquam posse plures metaphoricæ locutiones, quæ habentur in Sacris libris. Si eas namque attentò animo perpenderit, facile constabit aliquam ex tribus hæc subesse causam, cur adhibitæ fuerint. Sic e. g. Deo corpus, aut corporea membra, animi perturbationes, aut operationes humanas attribuunt, ut signi-

ficent divinam operationem, aut divinæ operationis effectus, qui vix, ac ne vix quidem explicari aliter possent, ac intelligi. Sic in libris præsertim prophetis plures tropos, ac figuras invenias, quæ Prophetarum dicendi stilo admodum consentaneæ sunt, & mirifice sermonem exornant. Sic multa, quæ Moses enarrat de mundi opificio, ad populi captum, & ingenium temperavit. Nihil horum dici potest de *ignis* locutione, quam ad exprimendum Damnatorum supplicium tam frequenter usurpant. Nam neque ulla necessitas urget eam potius adhibendi vocem quam aliam, neque sermonis ornatus ipsam requirit, neque fert consuetudo loquendi ulla, ut ipsa quidquam aliud diversum ab igne significetur, cum de pœna, ac supplicio sermo est.

VII. Tertia Regula hæc est: *dum Scriptor vocem aliquam usurpat, quæ ex communi hominum acceptione certum, definitumque sensum habet, præsumitur in eodem sensu a Scriptoris accipi, nisi aliunde constet in iisdem circumstantiis in alieno sensu ab ipso usurpari.* Cujus regulæ ea ratio est: quia Scriptor sapiens, ac prudens verba usurpat, ut ab iis, quibuscum loquitur intelligatur. Intelligi autem nequaquam posset, si alium ipse, alium qui audiunt vocabulo sensum assignerent; præsertim si nihil sit, unde auditores colligere valeant diversum esse sensum, quem Author intendit. Quæ ex regula sic arguere licet: sacræ Litteræ ut significant præcipuum reprobationem in futura vita supplicium, non alias ferme voces adhibent præter voces *ignis, flammæ, combustionis, Gebennæ, Gebennæ ignis*, similesque quæ in idem recidunt. Hujusmodi autem nomina, nisi quidpiam addatur, aut circumstantiæ rei aliter postulent, nullam aliam ideam, quam veri ignis insinuant, nec alio in sensu præter hunc satis obvium ab omnibus intelliguntur. Aliunde nihil est in testimoniis a me prolatis, quod vel compellat, vel ansam præbeat ea fumen- di in sensu figurato, nec saltem in eorum pluribus vel morosis vitiligator aut ex antecedentibus, & consequentibus, aut

aut ex contextu, aut ex scopo scribentis, aut scribendi methodo quidpiam reperiet, unde prudens motivum haurire queat ea aliter accipiendi, quam in sensu nativo & proprio. Igitur hoc in sensu sumenda erunt.

VIII. At vim maximam argumento adjicit tam frequens in divinis oraculis ignis mentio, cum de Damnatorum vindicta loquuntur. Nam ut ex testimoniis jam expositis constat, fere quinquagesies hujusmodi supplicium commemorant. Quod Scriptor aliquis vocem in sensu nec obvio, nec usitato quandoque sumat, id fortasse culpæ tribui minime debet, si alibi præsertim tales voces adhibeat, unde ejus mens colligi valeat. At vero quod eandem vocem ita semper, aut fere semper accipiat, nemo a culpa, aut vitioso scribendi genere excusaverit. Quis enim jure non redargueret Scriptorem passim adhibentem has voces *cælum, terra, mors &c.* alio in sensu, quam communiter accipiant homines? Igitur si Scripturæ de pœna inferni loquentes constanter adhibent, ac pluries, pluriesque repetunt vocabula *ignis, ardoris, combustionis &c.* argumento hoc est plane decretorio ea nonnisi in proprio, ac naturali sensu usurpari.

IX. Quarta Regula præcedenti affinis ita proponitur: *Eum Sensum præsumi debet Authorem veracem, ac Sapientem intendere, quem primum est verbis subijci ab iis hominibus, ad quos verba diriguntur.* Quoniam mens loquentis, de cuius sapientia, ac veracitate dubitari nequit, disposita semper censei debet ad conformandas ideas, aut conceptus suos ideis, aut conceptibus audientium. Qui enim loquitur, tales vult auditoribus suis ingenerare conceptus, aut ideas, quales ingenerandas fore prævidere prudenter potest. Semper autem prævidere potest eas ideas fore ingenerandas, quas spectatis circumstantiis primum est ingenerari. Quæ præsumptio non cessat, nisi cum probabile est loquentem studio occultare velle conceptum suum, aut propriis terminis ob linguæ imperitiam, aut inopiam suum conce-

ptum exprimere non posse. Aliis terminis eadem regula proponi solet, nempe: *ineptum esset uti metaphoris, dum sermo coram auditoribus habetur, a quibus intelligi illas non posse verisimile est:* aut saltem iis in casibus exponendæ sunt: nisi subest motivum aliquod occultandæ veritatis. Nam lex societatis jubet verba nos adhibere, quibus mentem nostram aperiamus: lex charitatis imperat, ne quos docere volumus, eos verbis obscuris, & quorum sensum assequi non possint, ducamus in errorem, vel saltem ignaros, ut antea, relinquamus. Porro si ad hanc amissum exigamus Scripturæ Sacræ de Gehennali igne locutiones, perspicuum est eas omnino propriæ ac litteraliter esse intelligendas. Nam neque aliam ipsæ audientium animis ideam ingerunt: nec Sacri Scriptores, nec Christus Dominus, qui cæteris frequentius tale supplicium memoravit, studio veritatem occultare voluerunt, cum populum ac turbas de his, quæ impiis eventura erant, edocebant: nec ob linguæ imperitiam eam exprimere non potuerunt: nec demum motivum ullum suberat obscura, & metaphorica voce id exponere, quod naturali, ac perspicua poterat declarari.

X. Quinta Regula: *vox illa censei non debet ab Authore tropice prolata, quæ in similibus circumstantiis tropice nunquam profertur.* Licet autem S. Scriptura nomen ignis usurpet aliquando translate, cum vel de hominum affectibus, vel de aliqua divina operatione loquitur; nuspiam tamen ita usurpasse probabitur, dum de supplicio ad punitionem illato mentionem facit. Sic dum Genesis Cap. 19. describitur Dominum pluuisse sulphur & ignem super Sodomam: dum Leviticus Cap. 10. legitur: *egressus ignis a Domino devoravit eos, dum lib. 4. Regum Cap. 1. refertur Eliæ jussu descendisse ignem de cælo, & devorasse quinquagenarium Principem, & qui cum eo erant &c.* nemo ambigit quin hi omnes vero igne mulctati fuerint: atque ita sexcentis aliis in locis invenire est ignem ad puniendum adhibitum, in propria significatione acceptum. Non

ne igitur proprie etiam accipiendum erit, cum ad alterius vitæ supplicium significandum denuntiari?

XI. Sexta Regula: *Metaphora diverse sunt juxta Scriptorum ac gentium, quibus verba diriguntur, conditionem ac tempus.* Patet enim gentes temporum ac regionum intervallis inter se distitas non iisdem uti metaphoris ad rem aliquam repræsentandam. Porro canonici Authores tum Hebraice, tum Græce scribentes, tum vetustiores, tum mediæ ævi, tum magis recentes conveniunt in voce *ignis*, similive adhibenda, ut futurum impiorum cruciatum designent, quemadmodum ex testimoniis a me descriptis liquido constat. *Ignem* usurpat S. Jobus, *ignem* nominat Propheta David: *ignem* & *Topbet*, seu locum ignem continentem repetit Isaias: *ignem*, *Gebennam ignis*, *ignem inextinguibilem*, *ignem æternum*, *ignis combustionem*, *camini ignis*, *flammam cruciantem* quatuor Evangelistæ frequenter enunciant: *flammam ignis dantis* *vindictam*, *ignem emulantem* S. Paulus commemorat. Denique *stagnum ignis*, *stagnum ardens igne*, *ignem ardentem sulphure*, *formacem magnam* S. Joannes in Apocalypsi inculcat. Quis sano capite arbitretur hujusmodi voces a tot Scriptoribus longe invicem & tempore, & regionibus discretis metaphorice usurpatis fuisse, sensumque his vocibus adjunxisse a communi hominum intelligentia alienum?

XII. Septima Regula. *Metaphoris non utimur, nisi cum aliqua analogia, sive proportionem inter propriam metaphorice vocis significationem, & rem ipsam, ad quam significandam vocem transferimus.* Liqueat id manifeste in omnibus metaphoris, ut e. g. cum dicimus *ridens prætæ*, *mare irascitur* &c. & ut exempla de scripturis sumamus, *Petra erat Christus*: *visus Leo de tribu Juda*, & *Beatorum gaudium*, ac *felicitas convivii* nomine aliquando appellatur. Profecto non nisi cum risu exciperetur, qui ut denotaret se maximos conscientie angores pa-

ti, aut colicis, nephriticis, alijsve doloribus affici, diceret absoluto sermone se igne torqueri, vel cruciari. Quamquam enim hæc omnia in generica præratione conveniant, id tamen nemo satis esse putat, ut quovis poenarum nomine indifferenter utamur ad aliquem peculiarem cruciatum significandum. Id amplius manifestum fiet, si observemus, quod cum nomen *ignis*, vel a sacris, vel a prophanis Scriptoribus translatè sumitur, satis omnibus conspicua est hujusce vocis analogia. Sic dum Virgilius de Didone canit: *vulnus alit venis*, *Et cæco carpitur igne*, nemo non percipit ignem fumi pro *vehementia amoris* ob sensibilem inter utrumque proportionem. Ita cum de irato homine dicitur, quod *igne ardeat*, nullus non agnoscit metaphoram ob analogiam obviam ignis cum iracundia. Hinc in illis locutionibus Sacre Scripturæ in *igne furoris*, in *igne zeli* nullus exitit, nullus extat, qui metaphoram non subodoretur. At vero nullam idoneam analogiam confingere possunt adversarii, quæ legentibus, aut audientibus obvia sit, dum voces *ignis*, *combustionis* &c., quibus Scripturæ Sacre futuram impiorum poenarum denunciant, per tropos & metaphoras interpretantur.

XIII. Octava Regula. *Sensus ille genuinus propositionis dicendus est, quem obvie objecti proprietates, & adjuncta, quibus verba determinantur, exposcunt.* Hujusmodi proprietates & adjuncta mox in particulari discutiemus. Nunc generatim solum dicimus vocem *ignis* inferni frequentius ita a Sacris Authoribus circumscribi, ut non nisi vero igni congrue accommodari queat: ut cum appellatur *flamma ignis*, *Gebenna ignis*, *caminus ignis*, *ignis inextinguibilis*, *combustio ignis*, *stagnum ignis*, *formax magna*, aliaque id genus: quæ plane ita vocis illius significationem determinant, ut nonnisi per summam vim alio detorqueri valeant.

XIV. Regula Nona, eaque maxime observanda: *in omni orationis genere metaphoræ non adhibentur.* Quamquam enim sermo poeticus, aut etiam Pro-

pheticus metaphoras, allegorias, aliasque figuras admittat; sermo tamen simplex, historicus, dogmaticus, & familiaris metaphoras nescit, nisi ob verborum penuriam adhibeantur, & usu loquentium pro aliqua determinata significatione consecratae sint. Ex adductis porro a me sententiis constat, non in sermone tantum poetico, aut prophetico, sed etiam in simplici, historico, & familiari, qualis praecipue est in Evangeliiis, & Epistolis Apostolorum, ubi, vel Servator noster Judaeos docet, vel Apostoli Christianos; frequentissime adhiberi voces ignis, flammæ, Gebennæ &c. Atque id quidem ut supra monuimus, non ob verborum penuriam, non ob consuetudinem loquentium, quo significatio ab adversariis intenta consecrata fuerit. Igitur non metaphoricæ, sed proprie ac litteraliter locuti sunt.

XV. Decima tandem, ac postrema regula est: *sensus ille propositionis proprius, legitimusque praesumitur, quem ipsi communiter homines subjecerunt, ac subjiciunt: sive aliis verbis, qui nedom*

a rudibus, & indoctis, sed etiam a doctis ac sapientibus perpetua consensione ita habitus est. Neque enim probabile est, quin plures, pluresque sensum alium eidem tribuissent, si alium verba reipsa paterentur, prorsusque ab omni veri specie abhorret, omnes in ejus intelligentia fuisse deceptos. Porro ab initio Christianæ Ecclesiæ, (ut mittam Judaeos quoad locutiones V. Testamenti) non alio in sensu acceperunt Scripturæ verba de inferorum igne, quam in nativo, & proprio nedom homines de vulgo, sed Ecclesiæ Patres, Doctores, & Scripturarum Interpretes, paucissimis dentis; ut postmodum luculenter constabit, cum Patrum & Ecclesiæ traditionem proferemus. Quare cum hominum, praecipueque sapientum consensio, rectus ac legitimus de vocum significatione Iudex habeatur, tamquam nothus aut spuris rejiciendus est sensus ille metaphoricus, quem tot Scripturæ textibus appingere quidam conantur, propiusque retinendus, quem omnes sanæ Criticæ & interpretationis regulæ unice verum evincunt.

C A P U T X.

Plures ex laudatis Scripturæ textibus peculiariter expenduntur. Non nisi verum ignem insinuant, qui ex V. Testamento deprompti sunt. Clarius idem evincunt, qui proflant in Novo. Metaphoricum sensum penitus excludunt, quæ Christus enunciat de igne futuro, ad quem damnandi sunt reprobi in finali iudicio; quem admodum & Gebennæ vocabulum, quo sæpe utitur. Parabola de Diabolo inter flammam conflagrantem non obest, sed favet potius igni corporali. Hunc etiam evidenter producit Apocalypsis verba. Qui Scripturæ de inferni igne locutiones tropice interpretantur, eam ab erroris aut mendacii nota congrue vindicare non possunt.

I. SACRÆ Scripturæ textus de igne, quo cruciantur Damna, generatim duntaxat expendimus capite superiore. Nunc aliquos ad peculiare examen revocare præstat, novaque inde argumenta deducere pro vero igne adstruendo, quibus revincantur Adversarii, & catholica sententia amplius confirmetur. Recurrat itaque sub oculos ea regula, quam supra octavo loco indigitavimus, atque illa quidem cer-

tissima, a Criticis omnibus probata, nimirum: *is verus, ac germanus Scripturæ sensus existimandus est, quem vel objecti proprietates, vel adjuncta propositionis, vel circumstantiæ materiæ, aut Scribentis, aut personarum, ad quas sermo dirigitur, vel antecedentia, & consequentia, aliæque hujusmodi determinant, & naturaliter exigunt.* At vero si hæc omnia attento animo ponderentur in textibus a me citatis, compertum exploratumque

que erit non alium præter nativum, ac proprium Scripturæ locutiones exigere, penitusque tropicum aut metaphoricum excludere.

II. Propositionis hujusce veritatem luculentissime evinco discurrendo per singulas aut saltem præcipuas a me allatas auctoritates, ab iis initium fumens, quæ ex veteri Testamento erutæ sunt. De igne, qui devoraturus est impium in futuro sæculo perhibet S. Jobus, quod non succendatur, sive ut in hebraico textu, quod *status non excitetur*, vel ut alii legunt, *sufflatione opus non habeat*; quibus verbis, ut animadvertunt omnes Interpretes, discrimen ignis, quem habemus in usu, ab illo, quem Deus ad impios in futura vita puniendos accendit, manifestat; quod hic nimirum non indigeat insufflatione, vel stabello, aut terrestri alimento; sed solum a Justitia divina succensus, in semetipso cum suis fomentis inconsumitur ardebit, Deo illum conservante, ac veluti supplente defectum ignis nostri proprium. Unde & ab Isaja cap. 30. dicitur, quod *status Domini, sicut torrens sulphuris succendet illum*. Liquet porro hoc discrimen veritatem proprii ignis supponere, cum in igne solum proprie dicto locum habere possit.

III. Isajas cap. 33. ut terrorem future pœnæ hominibus incutiat, exclamat: *quis poterit habitare de vobis cum igne devorante, sive consumente? Quis habitabit ex vobis cum ardoribus sempiternis*, sive ut in hebræo *in focis æternis*? Dum ignem illum Propheta vocat *devorantem*, aut *consumentem*, & *ardores*, seu *focos sempiternos*: dum sciscitatur quiaam in iis *focis*, in hoc igne consistere poterit, satis indicat se loqui de aliquo supplicio extrinsecus admovendo, de igne nempe, vel fornace, in qua impii detrusi perpetuo permansuri sunt. Absque quippe profuissent tales de interioribus conscientie cruciatibus locutiones.

IV. At validius adhuc argumentum sumitur ex aliis ejusdem Prophetæ verbis, quæ leguntur cap. 30. com. 33. ubi imagine Gehennæ sive Tophet terrestris ac temporarii verum, æternum-

que inferorum supplicium ob oculos ponit. Tradit nempe Tophet, seu Gehennam *preparatam esse a Deo jam ab ævi, eanique profundam esse, dilatam*, perpetuoque ignis alimento nutritam, seu *status Domini* continenter succensam. Jam supra notavimus Tophet seu Gehennam appellatam fuisse vallem quamdam prope Hierosolimam, ubi perpetuus asservabatur ignis ad concremandos pueros, qui Idolo Moloch immolabantur. Si igitur huic loco comparat Propheta Damnatorum sedem, & ex illo imaginem præformat, ut eam describat, ac repræsentet, plane oportet, ut quemadmodum verus procul dubio ignis in valle filiorum Hinnon conflagrabit, verus quoque sit ignis ille, cui impii tradendi sunt. Sed præterea antecedentia & consequentia verba eundem omnino sensum definiunt. Ejusmodi namque locum ignem continentem pronunciat Isajas esse jam a summo Rege *preparatum ab ævi*, hoc est a sæculis, & ab initio mundi juxta Prophetarum loquendi morem, itemque *profundum, ac dilatatum esse*, hoc est latum, & spatiosum; designat etiam quænam sint fomenta, quibus ignis ille æternum extinctus perdurat, nempe *Domini balitus*, seu omnipotens ejus voluntas, qua Damnatos perpetuo punire decrevit. Quis adeo desipiat, ut hæc omnia de igne metaphorico, aut internis animi angoribus apte se interpretari posse autemet?

V. Sequitur locus alter ejusdem Isajæ qui legitur cap. 66. com. 24. ubi prophetiam ita concludit: *vermis eorum non morietur, & ignis eorum non exstinguetur*; quæ sententia iisdem verbis concepta habetur etiam apud Marcum cap. 9. Nomine *vermis non morituri*, sive non *morientis a Patribus* & Expositoribus frequentius in sensu metaphorico intelligi jam advertimus; quam metaphoram nullatenus obesse dogmati, quod modo defendimus, deinceps clarum fiet. Ita. que ponamus cum adversariis tamquam legitimum sensum hunc metaphoricum vocabuli *vermis*, adeo ut eo significetur stimulus, & remorsus conscientie, quo incessan-

cessanter Damnatus affligitur, nisi nomine *ignis*, qui non *extinguitur*, proprium, & peculiare ignis supplicium intelligas, sed cum Calvino, & Beza male conscientiae horrorem, cruciatum, aut anxietatem, manifestam inducis in verbis prophetiis, & evangelicis Tautologiam: nihil enim amplius per sententiam posteriorem, quam per priorem Isajas, & Christus significassent. Potius igitur dicendum est Prophetam, ac Redemptorem nostram iis locutionibus potissimas complexos fuisse Damnatorum pœnas, internas videlicet, & externas; illas in conscientia prava stimulis, moribus & angustiis positas: has autem in igne vero proprieque accepto, veluti præcipue divinae iustitiae ad ultionem de hostibus suis repetendam instrumento.

VI. Sensum quoque metaphoricum excludunt sententiae tum ex libro Judith, tum ex Ecclesiastico productae. In priore namque diserte asseritur Deum post finale iudicium *daturum ignem in carnes* impiorum, ut urantur, & sentiant. Ignis, qui carnem, seu corpus amburit, non nisi verus & corporeus esse potest: conscientiae quippe stimulis animus proprie, non corpus affligitur. In posteriore vero legimus *consummationem* seu *finem impiorum esse flammam ignis*. Utrumque hoc vocabulum se se mutuo declarat: sicut flamma non nisi ex vero igne progignitur, sic non nisi verus ignis ex istinari debet, qui flammam emittit.

VII. Accedo ad novum Testamentum, in quo præter illam auctoritatem quam modo indicavimus, expendentes Isajæ textum, plures aliae sunt, eaque clarissimae, talibusque adjunctis, & circumstantiis affectae, ut non nisi per summam violentiam aliter quam de igne proprie dicto intelligi queant. Ac in primis peremptoria mihi videtur ea sententia, quam se prolaturum prædicat Christus Dominus in extremo Iudicio adversus reprobos, nimirum: *discedite a me maledicti in ignem aeternum, qui paratus est Diabolo, & angelis ejus*. In quibus verbis plures animadversiones fieri possunt, quæ totidem suppeditant

pro litterali sensu argumenta. Nam si primum verba ipsa divinae sententiae speclemus, non spirituale quidpiam, aut ad solam animam pertinens, sed materiale potius & extra animam supplicium præferunt omnia. Etenim verbum illud *discedite* seu *abite a me maledicti* motum ad aliquem locum plane designat, cujus terminus, idest *ignis aeternus*, ad quem ablegantur, consequenter materialis sit oportet: maxime cum de hoc termino statim dicatur esse jam *paratum*, scilicet ab origine Mundi, *Diabolo, & Angelis ejus*: & reprobi homines illuc abituri sint cum ipsis corporibus, quibus iterum induentur. Si nullus sit verus ignis, in quem reprobi per sententiam Supremi Iudicis projiciantur, sed Damnatorum poena vel in solo conscientiae horrore, vel in cruciatu animæ Deum sibi iratum cogitantis consistat: jam Christi verba vel nullum omnino sensum habent, vel absonum prorsus, & ab usitato omnium loquendi more longe abhorrentem. Nam qui verificetur abire impios in ignem paratum Diabolo, & Angelis ejus a mundi constitutione, si nullus extet verus ignis malis hisce spiritibus præparatus? Vel si verificari perfracte contendas, nonne verbis vim summam inferre debes, & inusitato apud omnes uti genere locutionis? Tingas, amabo, Christum verum ignem exprimere voluisse, potuissetne clariorem adhibere loquendi formulam? An opus erat, ut admoneret omnes se non loqui metaphorice, sed litteraliter, ac proprie? Apage.

VIII. Ulterius terribilis illa sententia ambagibus, tropis inusitatis, omni-que penitus æquivocatione carere debuit, verbisque simplicibus, ac naturalibus concipi: ne supremæ Veritatis verba ad fallendos potius, quam ad deterrendos homines destinata viderentur. Ita sane exposcit rei conditio, ac natura, atque ita fieri cernimus in humanis quibuscumque judiciis. Dum enim Magistratus, aut Judices nocentes ad pœnam aliquam damnant, quæcumque ea sit, sententiam concipiunt ac denunciant non metaphoris, aut allegoriis, aliis-

aliisve tropis obvolutam, sed planis, perspicuis, ac simplicissimis verbis, ut vel a rudioribus statim intelligantur; nemoque unus inter Judices adhuc extitit, qui fontem aliquem vel ad carcerem, vel ad trirames, vel ad suspensionem damnans, decretum ita conciperet ut reum in ignem, aut flammam, vel combustionem tradendum exprimeret. Quis igitur simile decretum affingere audeat supremo omnium Judici Deo?

- IX. Præterea nonne verba illa finalis sententiæ reapse proferuntur in impios? ita certe Veritas ipsa testatur inquis: *tunc dicit his, qui a sinistris ejus erunt, discedite &c.* Si igitur verba illa dicuntur, dicuntur utique ut infelices reprobi intelligant, cui supplicio futuri sint obnoxii per totam æternitatem. Nullus porro non eam intelliget in alio sensu, quam nunc intelligatur ab omnibus, qui eam aut audiunt, aut legunt, nec contortis, & violentis interpretationibus nativum ejus sensum corrumpunt. Igitur nec alio in sensu a Christo iudice proferetur: eo præsertim, quod nulla penitus tunc causa suberit metaphorice potius sermone uti, quam naturali, & proprio. Scimus equidem Christum, dum inter nos versaretur, sæpe locutum fuisse ad turbas in parabolis. Sed scimus etiam cur ita locutus fuerit, nimirum tum ut se accommodaret consuetudini & genio Syrorum, maximeque Palæstinorum, quibus familiare erat, ut inquit S. Hieronymus, ad omnem sermonem texere parabolam; tum ut indignis divina occultarentur mysteria, quæ postea Discipulis suis explanabat, quemadmodum dicimus ex Cap. 6. Lucæ. Causa autem hujusmodi nullatenus occurrent in extremi Judicii die, in quo allegoriæ omnes ac parabolæ finem sunt habituræ, omniaque in luce manifestissima collocabuntur. Nulla itaque causa finis potest cur finalis illa sententia sub metaphorarum involucris pronuncianda sit: immo perspicuis verbis manifestetur oportet, ut omnes tam electi, quam reprobi & auribus percipiant, &

distincte intelligant, cui supplicio addictantur, qui divinæ legis mandata violarunt.

X. Aliud æque decretorium argumentum subministrant quæ leguntur Cap. 13. S. Matth. a com. 24. ubi Christus Dominus parabolam proponit de zizaniis, quæ simul cum tritico in agro Patrisfamilias creverunt, & tandem tempore messis igni tradita sunt ad comburendum. Excellentis hujus parabolæ sensum equidem tunc non exposuit divinus Magister: Sed refert subinde S. Evangelista, quod cum dimissis turbis domum venisset, accesserunt ad eum discipuli ejus dicentes: *ediffere nobis parabolam zizaniorum agri.* Quorum voluntati satisfaciens Christus, eam sic interpretatus est: *qui seminat bonum semen est filius hominis. Ager autem est mundus. Bonum vero semen hi sunt filii regni. Zizania autem filii sunt nequam. Inimicus autem, qui seminavit ea, est Diabolus. Messis vero consummatio sæculi. Sic erit in consummatione sæculi. Mittet filius hominis angelos suos, & colligent de regno ejus omnia scandala, & eos, qui faciunt iniquitatem. Et mittent eos in caminum ignis: ibi erit fletus, & stridor dentium. Hæc est interpretatio Parabolæ facta non ab homine aliquo, sed ab ipsa summa veritate, & veritatis Magistro: in qua apparet ipsum propriis, planis & simplicibus verbis, quibus obscura rei expositio fieri debet, singulas voces declarasse, & palam fecisse quid nomine tritici, zizaniorum, agri, inimici, messorum & messis significare voluerat: atque adeo cum interpretationem concluderet dicendo nefarios homines mittendos esse in *caminum*, seu fornacem ignis, sicut igni traduntur zizania, non implexa aut obscura allegoria, sed patentissima veritate docuit impios post extremum judicium in ignem, seu fornacem ignis coniciendos esse.*

XI. Accedit in confirmationem comparatio instituta ab ipso Christo Domino in eodem Capite, ut ea quæ evenitura sunt in die supremo audientium animis magis infingeret. Ea desumpta est ex *sæcena missa in mare, & ex omni genere piscium congregante, quam, cum impleta*

esset, educentes, & secus litus sedentes elegerunt bonos in vasa, malos autem foras miserunt. Quam postea ita aptavit fini hujus mundi: Sic erit in consummatione seculi. Exhibunt Angeli, & separabunt malos de medio iustorum: & mittent eos in caminum ignis: ibi erit fletus, & stridor dentium. Vis in ita comparationis aliud ut summum non efflagitabat, nisi ut diceretur malos homines foras projiciendos a Regno Dei, vel in aliquem indefinitum locum mittendos, non autem in fornacem ignis, quemadmodum nec in ignem projiciuntur mali pisces. Adjectio ergo illa facta est, ut certiores fierent homines de terribili illo ignis supplicio, quo præter exclusionem a Regno caelesti reprobi multandi sunt. At præterea in hoc eodem loco animadversione digna sunt verba illa, quæ sequuntur. Exposita namque Parabola Christus interrogavit Discipulos suos num omnia, quæ dixerat, probe percepissent? Et ait illis: intellexistis hæc omnia? Cui Discipuli responderunt affirmando: dicunt etiam. Quid fodes intellexerant Discipuli, dum Christus ipsis enunciaverat pravos homines mittendos esse in caminum, sive fornacem ignis? Illud plane quod nos, quod cæteri homines intelligunt, dum eadem verba legunt, aut audiunt: nec ullam in his latentem metaphoram suspicari poterant. Igitur & sine metaphora in sensu naturali & obvio ea verba intelligenda a nobis sunt. Sed ad alia testimonia expendenda progrediamur.

XII. Non semel diximus Gehennæ vocem denotare locum, ubi magnus continetur ignis, eaque jam a Prophetarum temporibus usos fuisse Judæos ad significandum ignem punientem Damnos, quem verum, propriumque esse & semper crediderunt, hodieque credunt. Hanc itaque vocem ad pœnam reprobatorum designandam sæpe adhibet Salvator noster in Evangelio. Sicut ergo eam non metaphoricè, sed litteraliter intelligebant Discipuli Christi, ac turbæ, quæ ad ejus doctrinam audiendam conveniebant; ita non in sensu metaphorico, sed litterali a Christo usurpa-

tam fuisse, asserere necesse est: id quod etiam doctrinæ ratio omnino exigit, quæ planis, & simplicibus verbis effici debet, ut vel a rudibus, & indoctis distincte percipiatur.

XIII. Majus huic argumento robur accrescit, si tria hæc animadvertamus. Primo Christum indiscriminatim adhibere voces *Gebenna*, & *Gebenna ignis* ad rem eandem indicandam, ut patet Matth. Cap. 5. & Cap. 18., in quibus eandem sententiam repetit: & priore quidem loco *Gebennam* duntaxat nominat: in altero autem *ignem æternum*, & *Gebennam ignis*: quod pariter observare est apud S. Marcum Cap. 9. Secundo: modus ipse loquendi non alium præter litteralem sensum exposcit. Nam Matth. locis laudatis dicitur: *expedit &c. quam mitti in Gebennam*: & Marci, *quam ire in Gebennam*. Porro mitti vel ire commode non referuntur nisi ad terminum aliquem materiale, & corporeum. Tercio tandem Matth. 10., com. 28. ita Christus temporarii supplicii timores temperat dicens: *Nolite timere eos, qui occidunt corpus: animam autem non possunt occidere: Sed potius timete eum, qui potest & corpus & animam perdere in Gebennam*. Et Cap. 5. *expedit tibi ut pereat unum membrorum tuorum, quam totum corpus tuum mittatur in Gebennam*. Quomodo constare potest Dominicæ sententiæ veritas, si verum ignis tormentum ab impiorum sede excludamus? Anima quidem conscientia stimulis, terroribus, anxietatibus excrucietur: at vero corpus non nisi corporeo instrumento torqueri valet. Cum itaque Christus utrumque dixerit, animam nempe & corpus igne puniendum esse, ignem proprie, non translate accepisse credendum est.

XIV. Efficax etiam pro catholica sententia argumentum suggerit, quod legitur Cap. 16. Lucæ, sive *Parabolam*, sive *Historiam*, sive melius *Parabolistoriam* appelles. Ibi siquidem describitur Dives in inferno positus, ac vehementer excruciat, cruciatuque præcipua causa asseritur ignis, dum ita exclamans inducitur: *crucior in hac flamma*. Quam in nar-

narratione animadvertere licet scopum ejusdem esse palam facere diversitatem status; qui tum Lazaro, tum Diviti post mortem obtigit. Prius igitur Evangelista hunc in tormentis fuisse describit, cum ait: *elevans oculos, cum esset in tormentis &c.* Deinde definit quodnam esset præcipuum tormentum, quo magnopere torquebatur per illa verba ab eodem Divite prolata: *crucior in hac flamma*: quæ plane non metaphoricum, sed verum ignem manifestant. Si nullus exaret in inferis verus ignis, ut obganniant Adversarii, cur ignem hic nobis commemorat divinus Magister? Cur hoc definito supplicio utriusque sortis discrimen expressit? Præterea vel ipse locutionis modus veram realemq; flammam, aut ignem in eo calamitoso loco extitisse designat; non enim Dives conqueritur dicens duntaxat: *crucior flamma*, vel *crucior igne*, sed *crucior in hac flamma*, significans eo se igne cruciari, qui in illo reproborum carcere conflagraret, atque adeo non metaphorico, sed reali, propriæque dictio.

XV. Vim argumenti, quod ex hoc facto deducitur eludere se posse putant Adversarii, dicendo plura in ea narratione admisceri, quæ nonnisi metaphoricæ, aut allegoricæ accipi possunt: ut cum dicitur Divitem *elevasse oculos*, cum eidem tribuitur lingua, & Lazaro digiti: neque enim anima, quæ sola tunc erat in Inferno, prædita erat istiusmodi membris. Quare igitur, inquirunt, etiam flamma illa, qua cruciabatur, metaphoricæ explicanda non erit?

XVI. Sed basilice falluntur, qui ita concludunt. Duo siquidem in illa narratione distinguere opus est; tormentum videlicet Divitis, quod *flammæ* nomine exprimitur; & effectus affectusque, qui ex illo tormento oriebatur in Divite. Tormentum Divitis, sive instrumentum, aut proxima causa sui cruciatus, per vocem utique propriam significari poterat, nullaque causa Evangelistæ fubeat illud declarandi per vocem metaphoricam, quod per propriam & nativam æque declarare potuisset. At vero

effectus, aut affectus, qui exurgebat in anima Divitis, innotescere commodè nequaquam poterant, nisi per tropos, aut metaphoras; quemadmodum & divinæ operationes per metaphoricæ voces explicari solent, ut facilius intelligantur: atque hac ratione Sacra Scriptura Deo adscribit affectus *odii, furoris, penitentia &c.*, immo & corporea membra *manus, pedes, aures, oculos, &c.* Congrue itaque in ea narratione oculos, linguam, digitos Diviti & Lazaro Christus attribuit, sicut eadem a sacris litteris Deo congrue tribuuntur, non quod aut Deus, aut anima membra habeat, sed quia nos quasi habentes fingere solemus, aut quia per membra corporea Dei & animarum proprietates quædam, & operationes declarantur, per oculos vis cognoscendi, per manus ac digitos vis agendi, per linguam vis loquendi, sentiendi &c.; quæ commodè aliter explicari non possent. Omnino autem incongrue per vocem impropiam, & inusitatam poena Divitis manifesta fieret, dum propriæ aliz suppetunt, & ad vulgi captum æque accommodatæ. Quare nedum metaphoricæ voces, quibus cruciati Divitis affectus exprimuntur; metaphoricam esse non probant *flammæ* locutionem, sed potius flammæ proprietatem arguunt, tamquam ad vim hujusce tormenti significandam ordinatæ. His addo: cum jam satis omnibus constet membris corporeis carere animam a corpore separatam, satis quoque manifestum esse membra in ea Parabola nominata tropice debere intelligi. Idem autem minime constat de igne ad reprobos torquendos deputato: immo notum est omnibus divinam Omnipotentem posse materialibus instrumentis tum corpus, tum animam, & immateriales alias substantias affligere; Idque reapse Deum decrevisse fidem faciunt omnes Evangelistæ, immo utriusque testamenti paginæ, dum poenam ignis improbis in futura vita parati adeo frequenter intonant, ac denunciant.

XVII. Confirmant hæc omnia, quæ hæcenus profecuti sumus argumenta, luculentissimæ, quæ habentur in libro Apo-

Apocalypseos, de inferni igne locutiones. Missis pluribus aliis animadversionibus, quæ in omnium oculis incurrun-
t, illud solum observo sæpe ibi mentionem fieri de reproborum futura miseria: hanc vero vix exprimit S. Joanne aliis nominibus, quam *ignis, stagni ignis, aut ardentis igne, vel combustionis, fornacis magnæ &c.* prout liquet ex locis à me productis. Porro tam constans locutionis genus firmissimo argumento est pro existentia corporei ignis adstruenda; neque enim una eademque metaphora res aliqua explicari consuevit, cum plures aliæ rei explicandæ præsto sunt. Nemo autem inficias iverit Damnatorum miseria explicandæ plures alias S. Joanni præsto fuisse loquendi formas tum metaphoricæ, tum proprias, quas plane adhibuisset, si nullum in inferno verum ignem esse credidisset: præsertim, cum ut advertimus, ad conscientia, vel animæ stimulos & angores declarandos valde inepta sit ignis metaphora; ineptissima autem *stagni ignis, ardentis igne, & sulphure fornacis &c.* Igitur inferre debemus has voces in proprio & nativo, non tropico ab illo usurpatis fuisse.

XVIII. His omnibus rite perpenfis, quæ tum hoc, tum capite superiore dicta sunt, illud, ut mihi quidem videtur, sua sponte fluit, posita Adversariorum sententia nec dignitatem, nec veracitatem scripturarum fartas testas consistere, nec eas turpi erroris aut mendacii nota

liberari congrue posse in re cæteroqui fidei doctrinam, morumque ædificationem spectante. Fac quæso judicem aliquem, de pœna reo cuiuspiam infligenda, vel decretum ferentem, vel sermonem habentem, pluries ac pluries tormentum ignis repetere ad quem nocens vel damnandus ab ipso sit, vel damnatus jam fuerit, iisdem uti locutionum formulis, quas adhibuisse Scripturam jam vidimus; quis eum mentitum non arbitretur, aut sermone suo decessisse, vel saltem de suscepto decessisse consilio, si reum ad hujusmodi pœnam ignis reipsa non damnet, sed vel ad carcerem, vel ad triremes, vel ad vitam ærumnosam & conscientia propria stimulis exagitatam? Nonne igitur idem jure dici posset de Supremo Judice Deo? Non uno ille, aut altero Scripturæ loco, sed fere quinquaginta decretum suum de puniendis impiis inferorum igne patefecit, talibusque locutiones suas adjunctis, & characteribus circumscriptis, ut non aliam quam veri ac proprii ignis legenti vel audienti ideam ingerant, reque ipsa in hoc obvio sensu a doctis, & indoctis perpetuo intellectæ fuerint, & intelligantur. Quo igitur pacto excusari a mendacio posset, si ve a studiosa fallendi homines voluntate, si tot perspicuis locutionibus non verum ignem, sed aut conscientia cruciatum, aut quodvis aliud ab igne supplicium designare voluisset?

C A P U T XI.

Perenni Ecclesiæ Catholice traditione doctrina de igne inferni corporeo constabatur. Proferuntur præcipuorum Patrum testimonia ab Apostolorum ævo ad usque Nicæni Concilii tempora. Traditionis ejusdem testes etiam accedunt trium priorum seculorum Ecclesiæ Martyres: quorum plures de hoc argumento auctoritates allegantur.

I. **U** Nanimem Patrum Ecclesiæ consensum in re fidei doctrinam, & morum ædificationem spectante, plurimi esse faciendum tum omnes Catholici constanter affirmant, tum ipsi Heterodoxi, æquiores saltem, ac moderatiores non dissentunt. Ex eo siqui-

dem invictum argumentum sumitur & pro recto, germanoque Scripturæ sensu eruendo, & pro universæ Ecclesiæ traditione a primis usque temporibus colligenda. Quare non nisi per summam audaciam, ac temeritatem haud plane ferendam, rejici potest sententia

tia de vero igne ad reprobos in futura vita puniendos a divina iustitia parato, si illud semel exploratum fuerit eam niti perpetua & constanti Patrum & fidelium confessione: Joannes Clericus sub nomine Petri Alethini (a) scribit quaestionem hanc de igne vero, aut metaphorico fuisse primis Ecclesiae saeculis veluti adiaphoram, Patresque in utramque partem fuisse divisos. Quam falso id ab isto scriptore asseratur, declarabit haec a nobis instituta disquisitionis.

II. Agmen itaque Patrum ducat Illusterrimus Ecclesiae Smyrnenfis Episcopus, & Apostolorum Discipulus S. Polycarpus, qui cum coram Iudice constitutus audiret denunciari sibi terribile ignis supplicium, nisi a sententia decederet, Christique nomen abnegaret, ita infracto animo Tyranno respondit: *ignem minaris, qui ad horæ spatium ardet, statimque extinguitur. Ignoras scilicet illum futuri iudicii, eternaeque damnationis ignem, qui impiorum supplicium servatur.* Ita refert Eusebius lib. 4. histor. Cap. 15., cui omnino consonant, quae leguntur in Epistola Ecclesiae Smyrnenfis de martyrio ejusdem (b): *ignem mihi minaris, qui unius horæ spatio aestuat, & postea frigesceat, ignorans futuri iudicii, & eterni ignis perpetua tormenta.* Et in eadem quoque Epistola haec afferuntur de Martyribus, qui immania pro Christi fide tormenta alacriter sustinebant: *ad Christi gratiam attendentes mundana tormenta spernabant unius horæ spatio se ab aeterna poena redimentes. Frigidus ipsis videbatur immanium carnificum ignis: ob oculos quippe habebant illum effugere, qui eternus est, nunquamque extinguetur.* Nemo plane ut arbitror futurus est, qui nugari velit hos, alioque, quos proferemus, dum ita loquebantur, aut cogitabant, aliam comprehensam animo de inferni igne habuisse ideam, ac habent ceteri homines, dum ita loquuntur, aut cogitant.

III. Sequitur antiquissimus Scriptior,

& invictissimus Ecclesiae Martyr S. Justinus, qui non uno in loco eandem poenam ignis diserte asserit, nempe in Apolog. 1. ad Antoninum Pium num. 21. iniquens: *nos immortalitatem eos consequi solos didicimus, qui Deum vitae sanctitatem, & virtute propius contingunt: qui autem improbe vivunt, nec immutantur, eos igne aeterno credimus puniri:* quod & scribit Apolog. 2. ad Senatorem num. 1. ubi refert factum Christianae mulieris, quae virum suum a vitiis ad meliorem frugem revocaverat, *Christiana praecepta illi suggerens, & ignis aeterni supplicium paratum iis, qui obscene, & sine recta ratione vixissent.*

IV. Paria tradunt alii suppares S. Justinus fidei Christianae insignes Apologizae, Athenagoras legatione pro Christianis num. 31. ait: *persuasum habemus Deum, cum totus lumen sit, ea etiam, quae in cordibus nostris latent, videre: nosque hac vita liberatos aliam ista praestantiorum ac celestem, non terrenam victuros: vel si aliorum ruinis abripiamur, deteriorem, ac in ignis supplicio victuros.*

V. S. Theophilus ad Autocholicum lib. 1. num. 14. incredulis, & superbis, & iis qui non acquiescunt veritati, credunt autem iniquitati erit ira, & indignatio, tribulatio, & angustiae, ac tandem tales ignis aeternus detinebit. Et lib. 2. num. 36. refert verba Sibyllae canentis:

*Ardentis ignis fulgor venit ad vos
(impios)*

Flammis comburemini in saeculum quotidie.

quae verba saltem referunt tum sensum ipsius, qui ea laudat, tum alicujus scriptoris ipso S. Theophilo antiquioris.

VI. Minucius Felix in Octavio num. 35.: *admonentur homines doctissimorum libris, & carminibus Poetarum illius ignis fluminis, & de stygia palude saepius ambientis ardoris, quae cruciatibus eternis preparata, & Demonum indicibus, & oraculis Prophetarum cognita tradiderunt*

Nec

(a) in notis ad cap. 5. l. b. 3. de officio sex dierum P. Petavii.

(b) ex eod. mss. cum editione Usseriana collatis, & eadem epist. in edit. Cotelerii.

Nec tormentis modus ullus, aut terminus. Illic sapiens ignis membra urit, & reficit, carpit & nutrit. Sicut ignes fulminum corpora tangunt, nec absumunt: sicut ignes Ætne & Vesuvii, & ardentium ubique terrarum flagrant, nec erogantur; ita poenale illud incendium non damnis ardentium pascitur, sed inextensa corporum laceratione nutritur. An huiusmodi ignis metaphorice est?

VII. Gloriosis hinc fidei defensoribus adnecto Iulium Firmicum Maternum lib. de erroribus proph. Relig., ubi ait: *veniet dies Domini ut ardens clibanus, Audistis quid veniat. Nihil est, quod ex te collectum in Apotbecis Dominicis reponi possit. Ardebis ut stipula, cujus inanis visitas in cineres, favillasque servatur: quam rapax ignis violentia congeniti spiritus pascitur. Hic est exitus finisque vester: hæc est poena, quam pro deceptis hominibus Deus statuit, ut perpetuis ardeat flammis, qui contra voluntatem Dei miserum hominem aut decepit, aut perdidit. Id etiam inferius repetit.*

VIII. Succinit sub finem secundi Ecclesie seculi S. Irenæus ita differens lib. 2. Cap. 28.: *transgressoribus ignis aternus preparatus est, & Dominus manifeste dicit, & relique demonstrant scripture. Et quamquam præsit Deus hoc futurum, similiter demonstrant scripture, quemadmodum & ignem aeternum his, qui transgressi sunt, preparavit ab initio. Eadem docet lib. 3. Cap. 23. & lib. 4. Cap. 40.: unus, inquit, & idem Deus Pater, qui quidem concupiscentibus ejus communicationem &c. Principi autem abscissionis Diabolo, & qui cum eo abscesserint, angelis aeternum ignem preparans: in quem mittentur, inquit Dominus, illi, qui in sinistra separati sunt.... Quemadmodum in tizianorum, & in tristici parabola manifestavit Deus.... Qui ergo regnum preparavit iustis Pater, hic & caminum ignis preparavit, in quem dignos mittent ii, qui a filio hominis missi sunt Angeli.*

IX. Non minus disertè de igne futuro loquitur S. Clemens Alexandrinus lib. 5. Stromat.: *Quid vero non novit Plato, & fluvios ignis, & terre altitudinem eam, qua a barbaris Gebenna vo-*

catur, Tartarum nominans prophetice, Cocytumque, & Acherontem, & Pyriplegetontem, & quoddam huiusmodi, quæ ad castigationem, disciplinamque inducunt, loca suppliciorum? Et lib. quæ Dives salvandus &c. num. 37. qui non diligit Fratrem, inquit Joannes, homicida est, semen Caim, alumnus Diaboli.... excidetur, eumque vorax ignis manet incendium.

X. Plura testimonia ex Tertulliano proferri possent, sed pauca sufficiant. In primis in Apolog. Cap. 47. definit quid sit Gebenna, inquires: *est ignis arcani sub terra ad poenam Thesaurus. Et cap. 48. nec mors jam, nec rursum ac rursum resurrectio (post finem scilicet mundi) erunt. Sed erimus idem, qui nunc, nec alii post: Dei quidem cultores apud Deum semper superinducti substantia propria æternitatis: prophani vero, & qui non integre ad Deum, in poenam æque jugis ignis habentes ex ipsa natura ejus, divina scilicet, subministracionem incorruptibilitatis. Novērunt & Philosophi diversitatem arcani, & publici ignis. Ita longe alius est, qui usui humano, alius, qui iudicio Dei apparet, siue de calo fulmina stringens, siue de terra per vertices montium eructans. Non enim absumit, quod exurit. Sed dum erogat, reparat. Adeo manent montes semper ardentes.... & hoc erit testimonium ignis æterni, hoc exemplar jugis iudicii poenam nutriendis. Montes uruntur, & durant. Quid nocentes, & Dei hostes &c. Eadem habet lib. de poenit. cap. 12.. Author quoque carminis de iudicio Domini inter Tertulliani opera fuisse describit incendium Inferni, & flammarum vim.*

X. Luculentum est Arnobii testimonium in lib. 2. ad Gentes ubi ita loquitur: *audetis ridere nos, cum Gebennas dicimus, & inextinguibiles quosdam ignes, in quos animas dejici ab eorum hostibus, inimicisque cognovimus. Quid? Plato idem vester in eo volumine, quod de anime immortalitate composuit, non acherontem, non stygem, non cocytum fluvios, & Pyriplegetontem nominat, in quibus animas asseverat volvi, mergi, exuri.... Quamvis vir lenis, & benivole voluntatis in humanum esse crediderit capitali animas sententia condemnare,*

non est tamen absone suspicatus jaci eas in flumina torrentia flammarum globos. Liqueat ex hoc testimonio commune tunc fuisse apud Christianos doctrinam de proprie dicto Inferni igne. Hinc enim Ethnicis occasionem fumeabant irridendi Christifideles. Quare opus habuit Ariusibus illos revincere auctoritate Gentilis Philosophi, Platonis videlicet, quem ignem eundem ad impiorum punishmentem admississe commonstrat.

XII. Floruit circa initium seculi tertii S. Hippolytus Portuensis, in cujus libro adversus Græcos, qui inscribitur adversus Platonem, agens de Hæde, seu inferno præclarissimum edit de ignis veritate testimonium his verbis: locus ille tamquam carcer, & custodia destinatus est animabus, in quo constituti sunt Angeli custodes dividentes varias, & temporarias penas, secundum singulorum mores, actiones, & facinora. In isto receptaculo locus quidam separatur, lacus nimirum ignis inextinguibilis, Præparatus vero est ad determinatam a Deo diem, cum una sententia iusti Judicis de omnibus feretur. Et postaliqua: iniusti ad sinistram trahuntur ab Angelis torribus non sponte incidentes, sed vi, & violentia, ut vincenti, rapiuntur Quas animas trahunt urgentes Angeli usque ad confinia Gehennæ. Et qui tam prope sunt, audiunt semper agitationem & fumi, & non sunt expertes vaporis, & fumi ab isto calore manantis, & assurgentis, &c.

XIII. Immenso foret, si omnia, quæ de hoc argumento scripsit, eaque discretissima invictus Martyr, & tertii Ecclesiæ sæculi præcipuum jubar S. Cyprianus, huc corripere vellem. Non omnia tamen præteribo. In Epist. ad Demetr. scribit: credite illi, qui credentibus premium vite æternæ dabit. Credite illi, qui incredulis æterna supplicia Gehennæ ardentibus irrogabit. Cremabit additas ardens semper Gehennæ, & vivacibus flammis vorax pœna; nec erit unde habere tormenta vel requiem possint aliquando, vel finem. Et lib. de mortalit. mori timeat, qui ad secundam mortem de hac morte transibit. Mori timeat, quem de hoc seculo recedentem perennibus pœnis

æterna flamma torquebit. Et libro de laude Martyr. : celo, inquit, martyres gaudent: veritatis inimicos ignis absument. Per radius Dei testibus floret: negatores Gehennæ complexa æternus ignis inardescit. Latius vero infra: serviens locus, cui Gehennæ nomen est, magno plangentium murmure, & gemitu, & eructantibus flammis perborrendam spissæ noctis caliginem sæva semper incendia camini fumantis expirat, globus ignium arctatus obstruitur, & in variis pœnæ exitus relaxatur. Tunc serviendi plurima genera, dum in se ipse convolvit, quidquid ardoris emissi edax flamma cruciat. Idem pari eloquentia describit sermon. de Ascens. Domini: incorruptibiles flamma nudum corpus allambent. Ardebit purpuratus Dives. in proprio adipè frigida libidines bullient, & inter sartagine, & flammis miserrabilia corpora cremabuntur. Vide etiam Epist. 55., & 56., & alibi.

XIV. Lactantius Firmianus ejusdem ævi scriptor eximius non solum ignem Inferni corporeum asserit, sed & illum graphice depingit hoc pacto: quia peccata (impiorum) in corporibus contraxerunt, rursus carne induentur, ut in corporibus piaculum solvant. Et tamen non erit caro illa, quam Deus homini superjecerit, huic terrena similis, sed insolubilis, ac permansens in æternum, ut sufficere possit cruciatibus, & igni sempiterno: cujus natura diversa est ab hoc nostro, quo ad vitæ necessaria utimur: qui, nisi alicujus materie fomite alatur, exstinguitur. At ille divinus per se ipsum semper vivit, ac viget sine ullis alimentis, nec admixtum habet fumum, sed est purus, ac liquidus, ac in aquæ modum fluidus. Non enim vi aliqua sursum versus urgetur, sicut noster; quem labes terreni corporis, quo tenetur, & fumus intermixtus exilire cogit, & ad caelestem naturam cum trepidatione mobili subvolare. Idem igitur divinus ignis una eademque vi, atque potentia & cremabit impios, & recreabit: & quantum e corporibus absument, tantum reponet: ac sibi ipse æternum pabulum subministrabit. Quod Poetæ in vulturem Titii transulerunt. Ita sine ulla revirescentium corporum detrimento aduret tantum, & sensu doloris afficiet.

XV. Inclauit circa tempora Concilii Nicæni Eusebius Cæsariensis, cujus mens de Gehennali igne elucet ex lib. XI. de præpar. Evangel. Cap. 20., ubi ait: *audi nunc Platonem, quemadmodum & diuini iudicii, & ignis fluminis nominatim meminerit, multasque piorum sedes & impiorum varia supplicia Hebræorum ex sensu, & doctrina describat.* Et adducto Platonis textu subdit: *conferas velim cum iis, quæ de Pyriplegethonte dicta sunt, sempiternum ignem impiis denunciatum iuxta illud hebræi Prophetæ; quis annuntiabit vobis quod ignis ardeat &c.*

XVI. S. etiam Athanasius, siue quicumque sit Author questionum, quæ inter ejus opera extant, quæst. 112. ad illa verba Davidis; *vox Domini intercedentis flammam ignis*, hoc commentarium appingit: *Significat hoc futurum ignis supplicium, qui tandem iussu Christi dirimetur. Ignis namque duplicem vim habet, ad lucendum videlicet, quod dabitur iustis, & ad cremandum, quod peccatoribus dabitur.*

XVII. Sequiorum temporum Patres, & Scriptores statim persequemur. Lubet interim pauca quædam excerpte de hoc argumento ex actibus sincerioribus Martyrum, qui tribus prioribus Ecclesiæ sæculis Christianam fidem proprio sanguine consignarunt, ex quorum testimonio legitimam certamque coniecturam informare licet, quid toto Christiano orbe de inferorum igne creditum fuerit. Hæc igitur sint ex Ruinartho præsertim eruta.

XVIII. In actis sinceris & selectis passionis S. Felicitatis, & filiorum ejus refertur responsio, quam dedit quartus ex illis Silvanus nomine Tyranno ipsum minis, ac terroribus a vera fide dimovere conanti. *Novimus*, inquit, *quæ præmia sint parata iustis, & quæ sit præna constituta peccatoribus.* Idcirco securi contemnimus legem humanam, ut iussa divina seruemus. *Idola enim contemnentem Deo Omnipotenti famulantes vitam æternam inuenient: adorantes autem Demoniam; cum ipsis in interitu erunt, & in incendio sempiterno.* Paria quoque respondit septimus nomine Martialis.

XIX. In actis S. Pionii, qui martyrium subiit anno 250. legitur, quod cum quibusdam suasisset ut Christiani fierent, illi vero se id nunquam facturos respondissent, vel si vivi comburentur, reposuit multo pejus esse ardere post mortem, cui supplicio propter idolorum cultum certissime addicendi erant.

XX. In actis SS. Luciani, & Marciani habetur ita eos respondisse Tyranno acerrima tormenta comminanti: *in hoc parati sumus, ut quibus volueris nos impendas tormentis, quam decingentes virum & verum Deum in tenebras exteriores, & ignem inextinguibilem, quem parauit Deus Diabolo, & Angelis ejus, ingrediamur.*

XXI. In actis SS. Martyrum Claudii, & Asterii ad annum 285. cum Lyfias Præses inuictæ feminae, cui nomen Domnina, dixisset: *vides mulier, quæ tormenta, & ignis parantur tibi? Unde si vis evadere, accede, & sacrificia Diis: Domnina dixit: ne in ignem æternum incidam, & tormenta perpetua Deum colo & Christum ejus, qui fecit cælum, & terram.* Theonilla quoque eidem Præfidi respondit: *ego ignem æternum timeo, qui potest corpus, & animam perdere.*

XXII. In actis S. Philippi Episcopi Heracleæ, cum Præses Ballus Hermeti dixisset: *traderis incendio, si in hoc furore permanseris*, in sententia scilicet Christum confitendi; respondit Hermes: *flammam mihi levis istius minaris ardoris, quæ deficit, pene antequam surgat, ignorans violentiam illius perennis incendio, quod sine remissione semper exasuat.*

XXIII. In actis S. Afræ: cum ad stipitem alligata, jam jam comburenda foret, oculis in cælum erectis in huic modum orauit: *Domine Deus... accipe in hac hora passionis meæ poenitentiam, & per hunc ignem temporalem, qui corpori meo paratus est, ab illo igne æterno me libera, qui animam & corpus simul exurit.*

XXIV. In actis S. Patritii Episcopi & Martyris, hæc inter alia ad Proconfulem dixisse perhibetur: *Deus geninas sedes apparauit, earumque alteram sempiterna illustrem luce faciens omnibus, usque exquisitissimis bonis cumulauit: alteram*

nam vero perpetuis tenebris, & nunquam finienda castigationis igne, velut sempiterno supplicio implevit, ut.... qui vivendi licentia ejus iras commoverissent, in tenebras ad omne supplicium, & sempiternis cruciatus deturberentur. Et post aliqua: subterraneus autem ignis animabus impiorum excruciandis destinatus est.

XXV. S. Basilii oratione de S. Gordio martyre, de eodem refert ita locu-

tum esse iis, qui eum plorabant: ipsos flete, qui ignem nobis parant, sibi met Gebennae incendia, utique in die ira thesaurizantes. Et orat. de 40. Martyribus: ita illorum quemdam loquentem exhibet: bonoris superni capidus sum. Parnas Gebennae metuo. Illius ignis mihi formidolosus. Nam ignis ille, quem vos nobis insentistis, conservus est. Caetera mitto.

CAPUT XII.

Argumenti ejusdem prosecutio. Tam Graeci, quam Latini Patres, qui quarto, quinto, & sexto Ecclesiae saeculis florere, verum in Inferno ignem concorditer profitentur. Hieronymi, Augustini, & Gregorii mens latius exposita. Tum sequentium saeculorum Patres & Scriptores in medium producantur. Quedam in laudata Patrum testimonia animadversiones.

I. **P**Riora tria Aerae Christianae saecula adusque tempora Concilii Niceni, sive pacem Ecclesiae redditam, lustravimus capite superiore, & clarissima deprehendimus monumenta tum in Sanctis Patribus, tum in Christianis fidelibus, qui martyrium pro fide subierunt, atque adeo in tota Ecclesia, cujus doctrinae imbuebantur, communis de igne inferni corporeo traditionis. Ad Patrum, qui deinceps floruerunt, mentem indagandam progredi, non omnium quidem, nullus enim esset orationis finis, sed praecipuorum, qui Ecclesiam quovis saeculo scriptis suis illustrarunt.

II. Primus itaque sit S. Cyrillus Hierosolymitanus, qui Catech. 18. n. 19. perspicuum reddit de hac re testimonium inquisiens: resurgemus igitur aeterna quidem omnes, non omnes vero similia habentes corpora. Verum si quis justus est, caeleste corpus accipiet, ut possit cum Angelis digne una versari. Si quis autem peccator est, corpus accipiet aeternum, ut in igne aeternum combustus, nunquam absumatur. Idem habet Catech. 15. n. 26. & Catech. 13. n. 38.

III. Sequuntur alii ejusdem saeculi quarti Patres. S. Hilarius in psalm. 57. n. 4. verba illa Davidica, incendit arcum suum, donec infirmetur, hoc commentario illustrat: in arcu severitatem Judicii

Dei significari frequenter ostendimus peccatorum huic semper praemia bis, qui puniuntur, intentum. Et sane intento arcu igne judicii eos ut liquefactam ceram auferendos sermo sequens declarat: supercedit ignis, & non viderunt solem. Superjectus ergo ignis eos auferet... ac ne id, quod tanquam cera liquefacta auferetur... abolitionem eorum potius, quam praenans significaret, adjecit, priusquam &c. Viventes itaque eos cum praemia scilicet sensu absorbet ignis, etiam antequam resurgant. Et lib. 10. de Trinit. n. 34. Sed forte vel hoc tibi relictum occasionis impie arbitraris, ut (Christus) descensionem ad inferos, & ipsam mortis simulaverit necessitatem.... Anne tibi metuerit infernum chaos, & torrentes flammam, & omnium praenarum ultricium abyssum crocendus est, dicens Latroni in cruce: amen dico tibi, hodie &c.

IV. S. Pacianus in Paraneli ad poenit. Vini Gebennae & de praesentibus asthma te, cujus fumariola quidam maximos montes subterraneis ignibus decognunt... saeculares ecce ignes timemus, & carnis fuscungulas exparvescimus. Comparato cum his aeternas torquentiam manus, apicesque flammarum nulla aetate morientium.

V. S. Ephrem Syrus in sermone. Exget. (2) ,, obvio, ait, & facili experiri, theuto comperitur ignem, quem divi-

nz Scripturæ memorant, hoc nostro
 acriorem, atque atrociorē esse, ejus-
 que cruciatum tormentum ignis hu-
 jus temporis multo superare. Hujus-
 modi porro pœna exercebuntur, quos
 Dei judicium in eas flammās conji-
 ciet. Quod ut mihi verum, & cer-
 tum est, sic debent omnes fateri, &
 credere, sæculi videlicet illius ignem,
 ut dixi, hoc nostro longe esse atrocio-
 rem. Nam ut iste maxime efficax sit,
 nitet tamen, & splendet; ille vero cum
 vehementissime ferveat, & acerrime
 urat, horrendis tamen involvitur tene-
 bris, & noctem affert teterrimam. Iste
 obvium nutrimentum uterrime eo depas-
 citur, dum absumpsit; siquid autem
 contrarium incidit, extinguitur, ces-
 sat, & revanescit. Contra ille ignis
 nunquam restringendus non absumit,
 quos torquet, miseros; nec enim ab-
 sumere jussus est, sed tantum urere, ac
 torquere. Ignis iste coquit cibos, &
 esui aptos reddit, & algorem expel-
 lit. Ille suis flammis præter tenebras
 etiam dentium stridorem miscet, son-
 tes tenebrosus depascitur, depopula-
 tur, desolat, ac torquet, ut ex-
 pers lucis, sic etiam finis. Scri-
 ptum est enim ignem fore sempiter-
 num.

VI. S. Basilius Magnus Ecclesiæ Græ-
 cæ fulgentissimum lumen ita differit in
 Psal. 28. ad illa verba, *vox Domini in-
 tercidentis flammam ignis*. „ Domini
 vox ignem suapte natura continuum,
 ac sibi coherentem intercidit. Quam-
 quam igitur ignis consiliis humanis
 infecabilis, & individuus videtur esse;
 nihilominus tamen Domini jussu in-
 terciditur, ac dividitur. Ignem au-
 tem, qui diabolo, & angelis ejus pa-
 ratus est, voce Domini intercedi reor,
 ut cum duæ sint in igne facultates,
 quarum una comburit, altera illustrat,
 ignis quidem asperitas, ac torquendi
 proprietas iis, qui aduisione digni
 sunt, servetur: illius vero splendor,
 & claritas ad hilaritatem eorum, qui
 lætam & beatam vitam acturi sunt,

„ destinetur. Vox igitur Domini in-
 tercidentis, ac dividētis flammam
 „ ignis, adeo ut supplicii quidem ignis
 „ obscurus sit, lux vero requietis vi-
 „ careat comburendi „.

VII. S. Paulinus Nolanus in carmi-
 ne de obitu Celsi, cum rejecisset tam-
 quam vana commenta, quæ Poetæ Gen-
 tiles de conditione pœnarum Inferni scri-
 pserant, subdit:

*At nos vera Deus docuit, Sator
 ipse suorum*

*Enarrans nobis omnia vera ope-
 rum*

*Disce Evangelio loca pauperis, &
 loca Ditis:*

*Pauper in Abraham, Dives in igne
 jacet.*

*Iste bona requie fruitur: gemit igni-
 bus ille,*

*Dives opum pœnas, pauper opes re-
 cipit.*

Et Epist. 31. ad Aleth. *credo in Evan-
 gelio divitem Tartari, cum totus (ut
 clamat) miser cruciaretur in illa ignei
 gurgitis flamma, solius tamen lingue re-
 frigerium postulasse, quo sine dubio vehe-
 mentius cruciabatur.*

VIII. Innumera ferme loca de hoc
 eodem igne ex operibus S. Joannis Chry-
 sostomi possem producere; sed duobus
 contentus ero. Prior est in ser. ad Theo-
 dorum lapsam (a), ubi ita illum allo-
 quitur, ac terret: cum ignem audis, ca-
 ve putes esse huic igni similem: bic enim
 quidquid corripit, devorat, & absumit:
 ille vero quos semel apprehendit, perpe-
 tuo comburis, nec unquam desistis; ideo-
 que inextinguibilis dicitur. Siquidem et-
 iam peccatores oportet inducere immortali-
 tatem non ad honorem, sed ut perpetuum
 sit illius supplicii viaticum ... Quis e-
 narraverit terrores ex tenebris illis in-
 fectos animis nostris? Quemadmodum enim
 ignis ille non consumit, ita neque lu-
 cet: alioquin non essent tenebre. Alter
 vero homin. 44. in Matth., ubi sit: *ma-
 ledicti in ignis fluvium, atque pelagus
 intrudentur, in quo ignei fluctus montium
 instar eriguntur: ignei, dico, non hujus
 ignis,*

ignis, sed ignis certe multo, quam hic, horribilioris, cujus flamma maximum conficit abyssum, ita ut undique ignis immensissime similis fera transcurrere videatur. Paria tradunt S. Gaudentius Episcopus Brixiensis præfat. ad Benev., & S. Prudentius in Hamartigenia. De S. Ambrosio plura dicemus cap. sequente.

IX. S. Hieronymus in celebri Epistola ad Avitum inter errores cavendos in libris Origenis hunc accenset, quod ignis inferni non punit in suppliciis, sed in conscientia peccatorum. Et Apologia 2. contra Ruffinum scribit, ignes autem æternos, quos intelligere solet Origenes, puto, quod se non fugiat, conscientiam videlicet peccatorum, & pœnitundinem interna cordis urentem. Quibus in locis solius Origenis propriam hanc opinionem fuisse satis ostendit.

X. Hanc in suis Discipulis vigentem acriter refellit Comment. in Epist. ad Ephesios lib. 3. cap. 5. ad illa verba, nemo vos decipiat inanibus verbis, inquit: verba quæ decipiunt, atque supplantant, inania sunt & vacua. Quæ vero adificiant Audientes, plena, cumolata, conferta. Quia igitur sunt plerique (Origenistæ videlicet) qui dicunt non futura pro peccatis esse supplicia, nec extrinsecus adhibenda tormenta: sed ipsum peccatum, & conscientiam delicti esse pro pœna, dum vermis in corde non moritur, & in anima ignis accenditur in similitudinem febris, quæ non torquet extrinsecus agrotantem, sed corpora ipsa corripis punit sine cruciatuum forinsecus adbibitione. Has itaque persuasiones, & decipulas fraudulentæ verba inania appellavit & vacua, quæ videntur florem quendam habere sermonum, & blandiri peccantibus, sed dum fiduciam tribuunt, magis eos ferunt ad æterna supplicia.

XI. Nihilominus, quamvis hic tanto ardore in hanc opinionem invehatur Hieronymus, censet Daniel Huetius (a) non eam ipsi semper displicuisse, quod in fine comment. in Isaiam, eam-

dem commemoret, quin ei ullam severiorem notam inurat, immo neque rejiciat.

XII. Verum mala est consecutio, quam inde derivat Huetius. Confuevit enim Hieronymus, ut animadvertit Petavius (b), ita etiam in manifeste damnatis hæresibus aliquando facere, ut ea memoret, nec tamen reprobet: quemadmodum tum ex comment. hoc in Epist. ad Ephesios, tum ex Apologia contra Ruffinum constat. Quare nihilo isthuc magis illam Origenis de igne sententiam admittit, quam illic reliqua ejusdem dogmata, quæ nulla reprehensione perstrinxit, cum ea tamen alias gravissime condemnet.

XIII. S. Augustini mens de veritate ignis corporei perspicua est quamquod maxime vel ex iis duntaxat, quæ habet in libris de Civit. Dei. Nam in primis lib. 20. Cap. 22. dicit, *credibilis esse in illo Scripturæ loco, ubi dicitur vermis eorum non moritur, & ignis non extinguitur, ignem proprie ad corpus, vermem vero tropice ad animam referri*. Deinde lib. 21. cap. 2. & 3. inquit, *an possint corpora in unctione ignis esse perpetua: & an consequens sit ut corporeum dolorem sequatur carnis interitus*. Et ostendit incredibile nequaquam videri debere, quod corpora in unctione ignis possint perpetua, & viventia permanere: cuius rei plura affert exempla cap. 4. Et post plura sequentibus capitibus expensa, demum capite 10. ita concludit: *At vero Gebennæ illa, quod etiam stagnum ignis, & sulphuris dictum est, corporeus ignis erit, & cruciabit corpora damnatorum, aut & hominum, & Daemonum, solida hominum, aerea Daemonum; aut tantum hominum corpora cum spiritibus, Demones autem spiritus sine corporibus, bærentes sumendo pœnam, non impartiendo vitam corporalibus ignibus*. Unus quippe utrique ignis erit, sicut Veritas dixit. Eandem sententiam docet, aut tamquam indubitatam supponit in aliis locis, nempe super Psal. 49. & 57.

(a) In Origenianis lib. 2. cap. 22.

(b) lib. 3. de Angelis.

& 57., lib. de fide, & operibus, lib. i. de Serm. Domini in monte agens de illo Matth. 5. *reus erit Gehenna ignis* &c. S. Augustino Orosium subijcio, qui in communiter ad ipsum de erroribus Priscillianistarum, & Origenistarum conqueritur eos docere inter alios errores, ignem æternum, quo peccatores puniuntur, non esse verum ignem, dicentes di-ctum esse ignem propriæ conscientie punitionem.

XIV. Juxta eandem sententiam plura scribit S. Gregorius Magnus. Lib. 4. Dialog. cap. 28. inquit: *sicut electos Beati-tudo lætificat: ita credi necesse est, quod a die exitus sui ignis reprobus exurat*. Et Petro interroganti qua ratione credendum est quia rem incorpoream (animam nempe a corpore separatam) tenere ignis corporeus possit? Respondet: *Si viventis hominis incorporeus spiritus tenetur in corpore, cur non post mortem, cum incorporeus sit spiritus, etiam corporeo igne tenetur? adductoque subinde ad id probandum textu Lucæ cap. 16. de anima Divitis Epulonis in Inferno posita, & clamante, crucior in hac flamma, subjicit: dum ergo peccatorem Drivitem damnatum veritas in igne perhibet, quisnam sapiens reproborum animas teneri ignibus neget? Denique Petro dicente: ignem Gehennæ corporeum esse non ambigo, in quo certum est corpora cruciari; subiungit Gregorius: Certe repro-bis Veritas in fine dictura est: ite in ignem æternum, qui paratus est Diabolo, & Angelis ejus. Si igitur Diabolus, ejusque Angeli, cum sint incorporei, corporeo igne cruciandi sunt, quid mirum si animæ & antequam recipiant corpora possint corporea sentire tormenta?*

XV. Idem luculentissime tradit lib. 15. in Job cap. 29. ad illa verba cap. 20., *devorabit cum ignis, qui non succenditur*. Miro, ait, valde modo paucis verbis expressus est ignis Gehennæ. Ignis namque corporeus, ut esse ignis valeat, corporeis indiget fontibus. Qui cum necesse est ut servetur, per congesta signa procul dubio nutritur.... *At contra Gehennæ ignis, cum sit corporeus, & in se missos reprobos*

corporaliter exurat, nec studio humano succenditur, nec lignis nutritur: Sed creatus semel durat inextinguibilis, & succensione non indiget, & ardore non caret. Bene ergo de hoc iniquo dicitur: devorabit eum ignis, qui non succenditur: quia omnipotenti justitia futurorum præscia ab ipsa mundi origine Gehennæ ignem creavit, qui in pœna reproborum esse semel inciperet, sed ardorem suum etiam sine lignis nunquam finiret.

XVI. Hæc sancti Gregorii lectio desumpta est ex postrema, omniumque accuratissima editione Monach. S. Mauri. Cæterum in aliis editionibus frequentius loco Gehennæ ignis cum sit corporeus, legitur, cum sit incorporeus: atque inde a quibusdam S. Pater opponitur, tamquam adversus sententiam de igne vero materiali.

XVII. Sed retinendam esse lectionem quam posuimus, monent Monachi Editores: quia ita habetur in quinque codicibus Vaticanis Mss., antiquissimo codice Bibliothecæ Barberinæ, duobus Biblioth. Chisæ, Anglicanis, & Gallicanis plerisque. Gunstavillus pariter (a) plurimas laudat antiquiores, emendatioreque editiones, quorum Authores ita legerunt. Atque id confirmat 1. ex codice Mss. Corbejensi tempore Adhaldi Abbatis circa ann. 750., in quo habetur liber, cui titulus: *Elogia de moralibus Job quas Gregorius fecit*, ubi lib. 15. legitur: *Gehennæ ignis, cum sit corporeus* &c. Confirmat etiam ex Odone Cluniacensi in epitome moralium S. Gregorii cap. 20., num. 26., & ex Garnero Canonico S. Victoris Parisiensis sub Hilduino Abbate in opere, quod *Gregorianum* nominavit lib. 11. Cap. 1. eodem modo legentibus, & ex Mss. codice, qui asservatur in Bibliotheca Cælestinorum Parisiensium: addo & Mss. Bibliothecæ Ambrosianæ. Eadem lectio confirmatur ex Prudentio Trecenti, & Floro Ecclesiæ Lugdunensis Diacono contra Jo. Eriegenam scribentibus. Denique eo modo hunc locum laudavit S. Thomas in 4. sentent. dist. 44. q. 2. &

CO-

(a) Apud Natalem Alexand. sæcul. 6. cap. 4.

codices five Mss. five editos, qui legunt, *ignis Gebenna cum sit incorporeus corruptos esse observavit Sixtus noster Senensis lib. 5. Biblioth. Sacr. annot. 143.*

XVIII. Sed etsi legamus textum illum juxta alias editiones, clare patet tum ex verbis laudatis, tum ex iis, quæ postea subjicit, S. Gregorium vocem illam *incorporeus* non usurpasse in sensu ab adversariis intento, sed in alio plane diverso. Neque enim quæ de illo igne ibidem asserit, ullatenus igni spirituali, & metaphorico aptari queunt, puta quod creatus fuerit ab origine mundi, quod lignis non indigeat, ut nutriatur, sed subsistat per divinam omnipotentiam, quod reprobos in anima simul & carne cruciet, quod nedom interius, sed exterius ardeat, &c.

XIX. Floruit circa annum 470. Cæsarius Arelatenfis, qui ita scribit homil. 38. *peccatores cum carne descendent in infernum: iusti cum carne percipient regnum. Quia iustum iudicium Dei erit, ut illa caro, quæ hic peccavit, & pœnitentiam non egit, ipsa cum anima in igne crucietur.*

XX. Sub idem fere tempus vixit S. Orientius, ex cujus Commonitorio simplicibus versibus exarato, sed unctione cælesti referto, hæc habeto in rem nostram:

Ignibus æternis immensos respice colles

Jugiter amburi, non tamen imminui.

Et gelidos fontes, & cærulea flumina cerne

Fundere semper aquas, semper habere tamen.

Sic miseros vindex semper populabitur ignis

Ut semper servet pabula leta sibi.

XXI. Huic addo alios duos ejusdem circiter ævi Christianos Poetas, nempe S. Alcimium Avitum, & Venantium Fortunatum, quorum prior ita canit lib. 3. cap. 10. de Divite Evangelico: *Spiritus abstruso, sed mox demissus Averno*

Ardet in æternis per sæva incendia pœnis.

Alter vero lib. 4.

Spe vacui, paleæ similes mittentur in ignes.

Pascendis flammis fit caro nostra cibus.

Vivunt ad pœnas æterno ardente camino....

Porrigit heu nullas flammiger ignis aquas.

XXII. Ex pluribus S. Cyrilli Alexandrini unum tantum vel alterum testimonium adduco. In Isaiam ad illa verba, *dixisti, in celum conscendam, sic ait: deprehensus es frustra hæc cogitasse. Arguit tuam sinistram incogitantium rerum exitus &c. Postquam autem descendit in Orcum condemnatus miser, ibi flamma omnium rerum edace detentus, mirabantur hoc eum pati &c. Et oratione de exitu animæ sic inducit impium in inferno positum conquerentem; propter corporis voluptates igni trador: ac deinde late describens locum inferni corporeum, & tenebrosum exclamat: va, va, qualis est Gebenna ignis inextincti urentis quidem, sed non lucen- tis, sed & luce carentis. Item: mihi amarulentam timco Gebennam, quippe interminatam: Exborreo Tartarum, ut cui nimium insit calor: parco tenebras, &c.*

XXIII. Suffragatur etiam Theodoretus commentario in Psalmos. In Psal. 28. hæc habet: *cum sacramentorum Apostolorum chorus ignitam Spiritus Sancti gratiam accepisset, illustrabatur quidem, sed non comburebatur: in futura autem vita gemina vis ignis bisariam divisa, hæc quidem virtutis Athletas illustrat: hæc vero peccati studiosos comburit. Præterea & ignis nominatur, & obscuritas vocatur impiorum pœna, eo quod illa vis ignis, quæ illustrat, ibi non existat. Et in Psal. 96.: Gemine sunt vires ignis, videlicet comburendi, & illuminandi. Verum hanc illustrandi vim sanctorum chorus consequitur: per alteram vero iniqui homines supplicii afficiuntur.*

XXIV. Non minus diserte fivet Cæsarius Collat. 1. cap. 14. dicens: *quia nec otiose sint post separationem hujus corporis anime, neque nihil sentiant, etiam Evangelii Parabola, quæ de illo paupere Lazaro, & Divite purpurato pro-*

fertur,

feritur, ostendit: quorum unus beatissimam sedem, idest sinus Abrahae requiem promeretur: alius intolerabili ardore aeterni ignis exurit. Et de Conf. Theol. part. 3. tribulatio, quae illic excipiet miserum, nullo termino finitur, nullo fine concluditur: sed flammarum atroci adustione consumitur, & ad reditum incendia iterum, qui adustus fuerit, reparabitur.

XXV. Priora sex Ecclesiae Christianae saecula claudio locupletissima S. Fulgentii Ruspensis auctoritate ex libro de fide ad Petrum Diac. deprompta: Nam Cap. 28. ita admonet: *firmissime tene, & nullatenus dubites.... Diabolum, & Angelos ejus in ignem aeternum a Christo esse mittendos.... cum ipso etiam Diabolo impios, & iniquos homines.... quia cum in malis operibus imitati sunt, & ante finem praesentis vitae congruam poenitentiam non egerunt, resumptis corporibus supplicio aeternae combustionis arduos.* Et Cap. 43. *firmissime tene, & nullatenus dubites.... in fine saeculi bonas a malis etiam corpore separandos.... Et ex ore iusti, aeternaeque Judicii sempiterna, atque immutabili prolata sententia, iniqui omnes ibunt in combustionem aeternam. Iusti autem in vitam aeternam: iniqui semper arsiuri cum Diabolo: iusti autem regnaturi sine fine cum Christo.* Demum cap. 44. ita concludit: *haec interim ad regulam verae fidei firmissime pertinentia fideliter crede, fortiter tene, veraciter, patienterque defende; & si quem contraria his dogmatizare cognoveris, tanquam pestem fuge, & tanquam haereticum abijce.*

XXVI. Sequiorum etiam temporum Patres aliquos, aut Scriptores gravissimos audire non pigeat, ut liquido appareat, quam constants in catholica Ecclesia semper fuerit sententia, quam propugnamus. S. Ildorus Hispalensis lib. 1. de summo bono Cap. 3. scribit: *duplex damnatorum poena est in Gebenna: quorum & mentem uris tristitia, & corpus flamma, iusta vicissitudine, ut qui mente transierant, quod perlicerent corpore, simul & animo puniuntur & corpore. Ignem Gebenna ad aliquid lumen habere, ad aliquid non habere, hoc est habere lumen*

ad damnationem, ut videant impii, unde doleant: & non habere ad consolationem, ne videant, unde gaudeant, apta fit comparatio de camino trium puerorum &c.

XXVII. S. Maximus Confessor in Sermone hortat. (a), postquam ob oculos proposuit Christum ablegantem eos, qui a sinistris erunt, in ignem aeternum paratum Diabolo & Angelis ejus, subdit: *Quis sevientem immanem illum ignem sustineat?... Quis mugientem Tartarum, unaque cum illo ab imo gurgite bullientem abyssum sustinebit? Inducitque deinde reprobos ita secum loquentes: transierunt illa omnia, hoc nobis igne hereditario jure in sempiternum mansuro, &c.*

XXVIII. S. Julianus Episcopus Tolletanus lib. 2. Prognos. cap. 13. propria facit verba S. Gregorii supra relata: *sicut electos Beatitudo glorificat, ita credi necesse est, quod a die exitus sui reprobos ignis exurat.* Et cap. 17. *Si viventis hominis incorporeus spiritus tenetur in corpore, cum incorporeus sit spiritus, etiam corpore igne teneatur.... ex dictis Evangelicis colligere possumus, quia incendium animae non solum videndo, sed etiam experiendo patitur.* Et lib. 3. cap. 40. asserit cum S. Augustino tamquam omnino certum, quod impiorum corpora absque sui consumptione sempiterno igne ardebunt. Et cap. 41. *cur non dicamus, quavis miris, tamen veris modis etiam spiritus incorporeos posse poena corporalis ignis affligi, si spiritus hominum &c.* Ex quibus colligere omnino opus est, cum idem S. Julianus cap. 43. addit ex eodem S. Augustino, neminem posse scire, qualis est ignis ille, vel ubi sit, nec ipsum, nec Augustinum dubitasse de existentia ignis corporei, sed profiteri duntaxat se speciales ejus qualitates nescire.

XXIX. Venerabilis Beda in Caput 3. Lucæ ignem Gebenna bisaria ratione incomprehensibilem vocat, quia neque ille perpetuo possit extinguī, neque eos, quos cruciat, unquam extincturus sit: sed immortalī mortē plexurus. Et lib. 5. cap. 13. hist. Anglic. fufe de hoc corpore igne pertrahat.

XXX. S.

XXX. S. Prudentius Episcopus Tricassinus lib. cont. Jo. Scotum Erigenam cap. 17.: *ignem Diabolo, & angelis ejus preparatum, & in eo torquendos, atque cruciandos Scripturæ sacræ manifeste declarant. Nec tamen ignoramus identidem quendam dixisse Origenem, & eum pro his cum cæteris suarum hæresion damnabilibus sensibus fuisse dejectum.* Et cap. 19. corporeum esse, flammæum, atque visibilem mixta obscuritate ignem Gehennæ omnes Orthodoxi consentiunt.

XXXI. Rabanus Maurus lib. 2. in Ecclesiastem cap. 7.: *Vindicta carnis impii ignis, & vermis: quia caro peccatorum, quæ luxuria affluebat in mundo simul cum animæ pœnis ardebitur in futuro, & igne cruciabitur Gehennæ.... Vermem dixit feram scelerum pœnitentiam, quæ nunquam in tormentis conscientiam afflictorum mordere cessabit: ut ignis sit pœna extrinsecus sævienti, vermis dolor intrinsecus accusans.*

XXXII. S. Petrus Damiani pro certo habet ac supponit corporeum esse Gehennæ ignem, dum in Vita Odilonis conjectatur gravissima flammarum incendia, quæ in quibusdam Siciliæ locis evomuntur, ab illis Inferni locis ascendere, in quibus animæ reproborum diversalunt supplicia; quod & alii Patres credidere.

XXXIII. S. Bernardus serm. 8. in Psalm *Qui habitat &c.*; & de gras. & lib. arb. cap. 9. diserte ponit ignem inferni materiale cum tradit præcipue, *quandiu corpus vivit in flamma, tandiu in malitia persistere voluntatem.* Et de Domo inter. Cap. 38.: *tormenta erunt sine intervallo, & sine temperamento. Timor conturbabit te, cum terra aperietur coram te, & tu ruas, & cades in stagnum sulphuris ardentis, & fœtentis. Ignis exterius carnem tuam consumet: vermis interior conscientiam corrodet.*

XXXIV. Hugo Vitorinus de Sacra fid. lib. 2. p. 16. cap. 3.: *quidam putant animas corporalibus pœnis cruciari non posse, nisi per corpora, & in corporibus manentes. Quapropter a corporibus exutas animas nullas alias pœnas sustinere credunt, nisi eas solum,*

quas conscientia intus accusatrix irrogat. Sed verissime autoritate Sacre eloquii, & catholicæ veritatis probatur testimonio, corporaliter materiali igne animas etiam nunc ante suspensionem corporum cruciari. Si enim Dæmonibus, qui sunt spiritus, corporalis ignis præparatus dicitur, quid mirum est, si animæ a corporibus exutæ corporali igne cruciuntur?

XXXV. Hugo Aterianus lib. de regre. an. cap. 12. inquit: *Unus Gehennæ ignis est in Inferno, sed non uno modo omnes cruciat &c., nec est in dubitationis parte locandum ignem illiusmodi esse corporeum, in quo certum est spiritus cruciari.*

XXXVI. Innocentius III. lib. 3. de contempt. mund. cap. 6.: *ignis Gehennæ nec lignis nutritur, nec flatu succenditur, sed a Deo creatus est inextinguibilis ab origine Mundi... semper ardebit, & nunquam lucebit: semper uret, & nunquam consumet.*

XXXVII. Cateram omnium Ecclesiæ Patrum, & Scriptorum claudat S. Thomas Aquinas, qui in 4. dist. 44. q. 3. art. 2. hanc excitat questionem, *utrum ignis inferni sit corporalis, & post plura sapienter animadversa, quæ modum spectant, quo corporeus ignis operatur in animam, concludit: quidquid dicatur de igne, qui animas separatas cruciat; de igne tamen, quo cruciabantur corpora damnatorum post resurrectionem, oportet dicere, quod sit corporeus. Neminem ex cæteris memoro, qui subsecuti sunt. Indubitatum quippe est omnes tum Theologos, tum Sacre Scripturæ Interpretes in eandem conspirasse doctrinam, prout superius adnotavimus.*

XXXVIII. Duo porro in his, quæ contexuimus Patrum, & Scriptorum Ecclesiæ Testimoniis præsertim observari velim. Primo nempe ea hujusmodi esse, ut ambigere nemo jure possit, quin ignem Inferni, de quo sermo est, in proprio, ac nativo sensu, non autem tropico, vel metaphórico, omnes acceperint; maxime cum sepe eundem ignem ita definiant, ut aditum omnem tropos aut metaphoras comminiscendi intercludant. Alii namque comparatio-

rationem instituunt inter damnatorum ignem, & nostrum hunc, quem habemus in usu, in eoque unice discrimen agnoscunt, quod ille non indiget lignis, aut fomentis, ut conservetur; quod corpus simul & animam excruciet abique eorum corruptione & interitu: quod aeternum duraturus sit &c. Alii tales eidem igni proprietates velesseus attribuunt, quæ igni metaphorico convenire nullatenus possunt, ut quod sit ab initio mundi accensus: quod corpora vehementer affligat, quod lucem non emittat ad majus Damnatorum tormentum. Alii demum, ne omnia persequar, quæ oculos statim percellunt, data opera ad examen vocant, an ignis ille corporeus, vel spiritualis censendus sit; eumque corporeum esse disertissime statuunt.

XXXIX. Alterum in his testimoniis animadvertere proclive est adversus Thomam Alethinum, seu Joannem Clericum doctrinam de igne Inferni corporeo habitam non fuisse in Ecclesia tamquam adiaphoram, sive indifferentem, adeo ut liberum esset omnibus sentire, ac docere quidquid maluerit absque ulla nota, neque Patres Catholicos fuisse inter se in hoc argumento divisos, ut ille arbitrat. Quinimmo Patres omnes in hoc dogmate concordēs deprehenduntur, prout ex iis, quæ cap. sequente dicemus, luculentius constabit; illudque iidem non infrequenter ita proponunt, ut vel tanquam rem extra aleam controversiæ positam judicent, vel contrariam opinionem erroris damnent, ac

scripturis, fideique doctrinæ adversantem rejiciant. Patet. id perquam manifeste ex eo, quod hanc recenseant inter errores cavendos in libris Origenis, ut S. Hieronymus, vel inter errores Origenistarum, ut Orosius. S. quoque Prudentius nedum hanc Origenis heresim appellat, sed & ipsum propter illam, & alias ab Ecclesia damnationi fuisse affirmat, omnesque Orthodoxos consentire in veritate ignis Inferni corporei. S. etiam Pamphilus, qui Origenis patrocinium suscepit, non eo titulo ipsum vindicat, quod hujusmodi sententiam citra errorem docuisse potuerit, verum ab ipso minime fuisse traditam, sed eidem affictam contendit; plane, dum ita se gerit, & ipse concedens eam non esse a catholico viro admittendam.

XL. Patet id præterea ex verbis aliorum Patrum, & Scriptorum. Nam S. Gregorius Magnus doctrinam de igne corporeo Gehennæ inter ea dogmata collocat, de quibus non ambigitur: S. Fulgentius in censu eorum ponit, quæ firmissime tenenda sunt, & de quibus nullatenus dubitandum est, utpote ad regulam veræ fidei pertinentibus. Ugo Victorinus asserit eam probari certissima autoritate sacri eloquii, & catholice veritatis testimonio. Ugo Aetrianus non esse, ait, in dubitationis parte locandum, quod ignis sit corporeus, &c. Quæ, aliæque similes locutiones de sententia adiaphora, aut indifferenti sane non pronunciantur:

C A P U T XIII.

Patres, qui adversus constitutam traditionem opponi solent, eidem contrarii non sunt: quin potius suffragantur. Difficilis Ambrosii locus explanatus. Nullum ex eo præsidium arcessere sibi possunt, qui contra sentiunt, si alia præsertim ejusdem loca consulantur. Gregorii Nysseni sententia perperam a Daniele Huetio, aliisque explicata. Tum ipse, tum Joannes Damascenus in proprie dicto Gehennæ igne admittendo, cum cæteris Ecclesiæ Patribus concordēs exhibentur.

I. UT splendidior emicet Catholicæ Ecclesiæ universalis, ac perpetua traditio de vero igne reprobis angelis, & hominibus a Supremo Judice

deputato, quorundam Patrum, qui dissensisse videntur, autoritates ad examen vocare, ac operose discutere hoc capite decrevi. Patres, qui ignem illum

lum in tropico sensu explicasse creduntur, sunt præcipue S. Ambrosius, S. Gregorius Nyssenus, & S. Joannes Damascenus, quorum sententias adeo claras, & apertas habent quidam etiam insignis notæ Scriptores, ut de eorum mente dubitandum, nullatenus esse arbitrentur. Atque ego ipse quidem non inficior ea, quæ ex hisce Patribus proferuntur, si specie tenus inspiciantur, peregrinum aliquid, atque a communi doctrina alienum exhibere. Cæterum, si attentius expendantur, omniaque conferantur eorumdem Patrum loca, nihil esse pertendo, quod asserere cogat aliam ipsis inessisse sententiam, quam quæ totius Ecclesiæ suffragio probatur. Ad examen igitur accedamus.

De Sancto Ambrosio.

II. Primus, qui ab Adversariis opponitur, est eximius Ecclesiæ Doctor S. Ambrosius Archiepiscopus Mediolanensis, qui lib. 7. in Lucam n. 205. hæc scribit: *quicumque sine Christo est, in tenebris est; quia lumen in tenebris est Christus. Ergo neque est corporalium stridor aliquis dentium; neque ignis aliquis perpetuus flammarum corporalium; neque vermis est corporalis. Sed hæc iudeo ponuntur: quia sicut ex multa cruditate, & febres nascuntur, & vermes; ita si quis non decoquat peccata sua, sed miscendo peccata peccatis tamquam cruditatem quamdam contrahat veterum & recentium delictorum, igne aduretur proprio, & suis vermicibus consumetur. Unde & Isaias ait: ambulate in lumine ignis vestri: & flamma, quam accendistis vobis. Ignis est, quem generat mæstitia delictorum; vermis est eo quod irrationabilis anima peccata mentem rei, sensumque compungant.*

III. Verba hæc prima fronte satis diserte videntur excludere a damnatorum loco verum ignem corporeum, quemadmodum & corporalem vermem, omniaque tropice, aut metaphorice exponere. Atque ita reapse sensisse Ambrosium citra ullam dubitationem putant Petavius lib. 3. de Angel. cap. 5. Daniel

Huetius in Origenianis lib. 2. cap. 11., Michael Lequenius in præfat. ad tract. S. Jo: Damasc. cont. Manicheos, Monachi Editores opusum S. Ambrosii in notis ad hunc locum, & alii communiter, Coquo excepto in annot. ad cap. 9. lib. 21. S. August. de Civit. Dei: qui tamen, licet asserat D. Ambrosium ab hac opinione vindicari posse, nullam ipsum vindicandi viam indigitat.

IV. At quamquam ego longe absum ab iis, qui contortis ac violentis interpretationibus Patres, aut Scriptores, vel reluctantes in sententiam, quam propugnant, pertrahere conantur, omnibus tamen rite perpenis mihi videtur jure Ambrosium ab hoc nazo purgari posse, duoque in ejus defensionem constituo: primo nempe non satis constare ipsum in objecta autoritate loqui de futuro malorum hominum statu, sed verosimilius loqui de presenti, seu de peccatoribus in hac vita existentibus. Secundo, tametsi loqui ponatur de statu vitæ futuræ, inde colligi non posse Ambrosium in ea fuisse sententiam, quæ ipsi affingitur, cum cætera ejusdem S. Patris loca communem tenuisse deigne inferni doctrinam luculenter ostendant.

V. Et in primis quidem observo: si verba, quæ loco cit. habet S. Ambrosius, de futuro vitæ statu intelligantur, plane meo judicio consequens esset, nemum S. Doctorem non admisisse verum corporalem ignem, quo reprobi torquerentur, sed neque verum locum in quo detinerentur; eodem quippe modo ibidem loquitur de loco, ac de igne, & verme, ut patet ex verbis antecedentibus. Exponens enim verba illa Scripturæ, mittetur in tenebras exteriores, & inquirens quænam sint hujusmodi tenebræ exteriores, in quas mali homines mittuntur, docet non esse cogitandum aliquem carcerem, aut locum iis continendis destinatum, sed quicumque extra promissa sunt cælestium mandatorum, in tenebris exterioribus sunt; quia mandata Dei lumen sunt, & quicumque sine Christo est, in tenebris est; quia lumen in tenebris est Christus. Porro si mitti in tenebras ex-

teriores, nihil aliud est, Ambrosio Iudice, quam esse *extra caelestia mandata, quae lumen sunt*; & *sine Christo*, non minus ille corporeum locum, quam suppellicium a Damnatis excluderet, si de his locutus fuisset. Hoc autem nemo haecenus asseruit, aut asserere potest, qui opera S. Patris perlustraverit. Nam pluribus in locis admodum perspicue ponit infernum locum quemdam esse definitum, in quo mali recludantur, ut in psal. 43., & in psal. 48., & libro de interpell. Job. cap. 8., & alibi frequenter.

VI. Sed ulterius ex ipso verborum contextu satis probabile argumentum eruitur, ut Ambrosium de praesenti malorum statu locutum esse dicamus. Sermonem habet in eo loco de Evangelica Parabola de invitatis ad nuptias, ac punitione illius, qui ad cenam accessit sine veste nuptiali, atque ita disserit: *Et ideo, qui pacem & charitatem non detulerit ad Christi altaria, tollentur ligatis pedibus, & manibus, & mittetur in tenebras exteriores*. Ac subinde, explicans quid sit mitti in tenebras exteriores, affert verba laudata: *quicumque extra promissa sunt caelestium mandatorum, in tenebris exterioribus sunt; quia mandata Dei lumen sunt, & quicumque sine Christo est, in tenebris est, quia lumen in tenebris est Christus*. Quae certe verba commodius intelliguntur de malis, sive reprobis hominibus in hoc vitae statu existentibus, quam in futuro.

VII. Clarius adhuc apparet huiusmodi Ambrosii sensus ex verbis, quae sequuntur, nempe: *haec ideo ponuntur; quia sicut ex multa cruditate & febres nascuntur, & vermes; ita si quis non decoquat peccata sua, velut quadam interposita sobrietate abstinence, sed miscendo peccata peccatis, tamquam cruditatem quamdam contrahat veterum & recentium delictorum, igne aduretur proprio &c.* Quis neget haec proprie verificari non posse de homine in damnationis statu constituto, ubi procul dubio non potest sobrietate abstinence decoquere, id est corrigere peccata sua? Optime vero verificantur de improbo in statu vitae praesentis, qui

valet mores suos emendare, & pravorum nequitiae effectus submovere abstinentiae remedio salutari. Quod si non praestet, sed peccatis jam nova miscet, sive adjiciat peccata, contrahit cruditatem quamdam veterum, ac recentium delictorum, adeoque proprio igne aduritur, sive propriae conscientiae facibus acrius inflammatur, & verme vividiore corroditur.

VIII. Fateor Scripturae verba mittitur in tenebras &c. non hunc litteraliter sensum referre. Fateor etiam Ambrosium eadem minus proprie accommodare ad hominem peccatorem in hoc statu degentem. Sed plane peregrinus & hospes sit oportet in scriptis huius S. Doctoris, qui nesciat familiarem esse hanc in eo consuetudinem, ut res etiam apertissimas, & alium sensum referentes metaphorice, aut tropologicè exponat, ut e. g. cum duo aëra minuta Viduae Evangelicae duo testamenta esse interpretatur: cum Viduae Naim filium quatuor ad sepulchrum elementis vestium describit cum miraculum de panum multiplicatione in sensu spirituali & allegorico declarat, & alia id genus, quae ejus opera legentibus passim occurrunt. Cur igitur ea, quae de igne, verme, & loci Damnatorum Scriptura testatur, eadem interpretandi libertate ad hujusce vitae peccatorem pluribus vitiis, & criminibus involutum transferre non potuisset dicemus?

IX. Quod si tamen conjectatio haec nostra ab aliis non probetur; illud saltem fateri necesse erit, perperis accuratius hoc argumento, simulque collatis Ambrosii testimoniis; aliam plane, quam hujusce loci verba praefereunt, fuisse Sancti Doctoris mentem, eaque incogitantè exscripsisse ab Origenis Periarcho, ubi non sententia tantum, sed eadem verba leguntur. Ipsum quippe alibi habemus cum doctrina Ecclesiae catholicae de hac re omnino consentientem; ut etiam fatentur supra laudati Monachi Editores. Ex pluribus, quae extant in Ambrosii operibus, iisque genuinis, testimonia aliqua profero.

X. Primum sumitur ex lib. 4. in Hexameron cap. 3. n. 9. & 10., quod, in-

te-

tegrum exhibere placet, ut mens S. Doctoris liquidius constet. Inquit ergo: „Sol non solum virtutem illuminandi habet, sed etiam vaporandi; igneus est enim. Ignis autem & illuminat, & exurit. Unde Dominus volens Moysi ostendere suæ operationis miraculum... in igne visus est in rubo, & rubus non exurebatur, sed tantum splendere ignis specie videbatur. Alterum igitur munus ignis vacabat; alterum operabatur. Vacabat exultationis vis, operabatur illuminationis. Ideo stupebat Moyses, quia contra naturam suam ignis non exurebat rubum, qui etiam vehementiorem materiam consuevit exurere. Sed Dominus ignis illuminare solet, exurere non solet... In retributionibus quoque meritorum colligimus dividi ignis naturam, ut alios illuminet, alios exurat: illuminet justos, exurat impios. Non eodem quos illuminat, exurit, & quos exurit, illuminat; sed illuminatione ejus inextinguibilis est ad perfectionem (sive ut alii legunt, perfectionem) bonorum: *exustio vehemens ad supplicium peccatorum.* „

XI. Clarissime patet ex hoc textu S. Ambrosium de igne loquentem ad impiorum punitionem destinato, illum non in sensu tropico fumere, sed proprio ac litterali: tum quia non alium congruum sensum ejus verba patiuntur: tum quia de igne loquitur eodem pacto, ac antea locutus fuerat de sole, qui in ejus sententia igneus est, & de rubo, quem vero igne exarisse nondubitatur. Tum maxime quia duplicem in eo igne proprietatem distinguit, lucem scilicet, & calorem: & illa quidem justos in futura vita, sive in cælesti Patria illuminandos affert post judicii diem, cum omnium meritorum retributiones fient; hoc autem in inferno impios esse exurendos: id quod etiam distinguunt alii SS. Patres, ac præsertim Basilis, Ephrem Syrus &c.

XII. Solum alter habetur Enarrat. in Psal. 36. num. 26., nisi me fallunt omnia, æque perspicuus. „Igne, inquit, ergo. purgabuntur filii Levi, igne

„Ezechiël, igne Daniel. Sed hi, etiam per ignem examinabuntur, dicent tamen: *transivimus per ignem & aquam.* „Alii in igne remanebunt: illis roabit ignis ut hebræis pueris, qui incendio foracis ardentis obiecti sunt: ministros autem impietatis ultor ignis exuret... Quomodo tamen alii remaneant in igne, alii pertranseant, alio loco nos docet Scriptura divina: nempe in mare rubrum demersus est populus Ægyptiorum: transivit autem populus Hebræorum. Moyses pertransivit; præcipitatus est Pharaon: quoniam graviora eum peccata meruerunt. *Eo modo præcipitabuntur sacrilegi in lacum ignis ardentis, qui superba in Deum jactare convicia.* „Qui ita loquitur, qui impios in igne remansuros pronunciat, qui sacrilegos præcipitandos ait, in lacum ignis ardentis, sicut præcipitatus est Pharaon in mare rubrum, ne ille talem ignem non metaphoricum, sed materiale habet. Illud duntaxat animadverto, ut præcedentia verba ab omnibus intelligantur, Ambrosium, pro ut ex hoc loco, & ex alijs aperte colligitur, in ea opinione fuisse, quam nonnulli alii Patres tradidere, neminem justorum ad beatam gloriam perventurum, nisi prius per ignem transierit, juxta illud Apostoli *salvus erit quasi per ignem*, quem vere corporeum credebant. De qua opinione consuli possunt Huetius in *Origenianis* loco cit., Monachi editores operum S. Ambrosii, Petavius, & alii. Ex qua novum sumitur, argumentum dicendi Ambrosium vero igne exurendos reprobos credidisse, quemadmodum vero igne sia exurendos, leviter saltem raptimque contingendos justos omnes putavit.

XIII. His ad cumulum tria alia subsidio Sancti Ambrosii loca. Enarr. in psal. 48. n. 24. scribit: *in Paradisum ascenditur, in infernum descenditur. Descendant, inquit, in infernum viventes. Et ideo Lazarus pauper per Angelos in Abraham sinum est elevatus: Divites luxuriosus elevans in inferno: oculos suos rogat Abraham, ut mittat pauperem, & digito suo contingat linguam ejus, quo requiem aliquam* in

in ardore maximo constitutus posset adipisci. Enarrat. in psal. 118. Serm. 3. : *alius iste est ignis, quo exuruntur peccata non voluntaria, sed fortuita, quem paravit servulus suis Dominus Jesus, ut eos ab ista commoratione, que permixta est mortuis, emundet. Alius ille ignis, quem deputavit Diabolo, & Angelis ejus, de quo dicit: intrate in ignem aeternum, quo ille Dives ardebat, qui stillari sibi de Lazari digito poscebat humorem. Et Serm. 12. in eumdem psalm. fidei Confessorem representat in tormentis positum, cogitantem mandata divina, illum ignem perpetuum, illud sine fine incendium perfidorum, ut in suppliciis temporalibus perferendis se se confirmet. Ex quibus liquet tum id, quod supra dicebamus, revera Ambrosium agnovisse infernum velut definitum quemdam locum ad reprobos continendos; tum in hoc loco talem ignem posuisse, qui ardore maximo cruciet, qui deputatus sit Diabolo & Angelis ejus, in quo Dives luxuriosus ardebat, cujus incendiis sine fine duraturi cogitatione ad subeunda temporaria tormenta Martyres erigebantur; quæ plane omnia verum ignem sonant, ac tropicum amoliuntur. Unde demum manifestum est nedum S. Ambrosium minime pugnare cum communi doctrina de igne corporeo, sed eisdem potius disertissime suffragari.*

De S. Gregorio Nysseno.

XIV. Alter, qui obijci solet Ecclesiæ Pater est S. Gregorius Nyssenus in celebri libro, seu Dialogo *de anima* &c., cujus supra jam mentionem fecimus, in quo sub nomine *Magistre*, seu *Macrine* sororis suæ nonnulla habet tum de sede inferni, tum de pœnis ejusdem, quæ rem penitus non consideranti Ecclesiæ doctrinæ minus consentanea videntur. Primo namque tradit inferni nomine significari in id, quod & obscurum est, & non videtur, transitionem, renuitque concedere animas a corporibus separatas locis aliquis detineri. Cumque sibi obijcisset narrationem S. Lucæ de Divite, & Lazaro, eam totam in tropico sensu interpretatur, & præsertim de flam-

ma loquens; in qua ille se cruciari quebatur, sic eam intelligit: *reliquis autem (impiis videlicet) eorum, quæ bona videntur eis electio, privatioque flamma animam pervens existit.* Hæc adeo clara visa sunt Huerio, Monachis editoribus operum S. Ambrosii aliisque, ut ne dubitandum quidem existiment, quin ignem inferni tropicum, aut metaphoricum Nyssenus crediderit.

XV. At pace tantorum virorum fidenter dicam, eos Nysseni mentem afsecutos non esse, tantoque Patri sententiam alingere, longe ab ejus mente alienam, dum generatim affirmant inferni ignem non verum sed metaphoricum ab eo habitum fuisse. Ex iis enim, quæ alibi docet, aliud ac ipsi putant, hoc loco sensisse evidenter apparet. Mens ipsius nimirum est, ea, quæ in sacris eloquiis dicuntur *de loco inferni, de Divite, & Lazaro, de igne* &c. ad futuram resurrectionem referenda esse, cum totus homo anima & corpore conitans factorum suorum retributionem recipiet: adeoque nunc temporis, quo sola anima sine corpore puniatur, eadem ipsi in sensu dumtaxat metaphorico aptari valeant. Hinc reproborum animas nec aliquo vero loco concludi censet, nec vero igne torqueri, sed aliis pœnis, maximeque privatione eorum, quorum desiderio vehementer accenduntur. Qua quidem in re fallitur Nyssenus, sed alios habet etiam inter Ecclesiæ Patres, & Scriptores Græcos falsæ opinionationis comites, neque hujusmodi est hæc sententia, quod adeo pugnet cum divinis Scripturis, & Ecclesiæ doctrina, sicut ea, quam præcipue refellimus, quæ nullum admittit in inferno verum ignem, puniendis reprobis destinatum. Unde S. Thomas loco supra citato ex lib. 4. sent. quamquam rejiciat hujusmodi opinionem, subdit tamen: *sed quidquid dicatur de igne, qui animas separatas cruciat, de igne tamen, quo cruciabuntur corpora, post resurrectionem, oportet dicere, quod sit corporeus: plane significans haud parem utramque obtinere certitudinis gradum.*

XVI.

XVI. Hanc germanam esse S. Patris Nysseni mentem promicat fulgentissime ex orat. 3. in Christi Resurrectionem, ubi hæc habet. „ Si resurrectio non est, „ fabula Lazarus & Dives ille est: item „ formidabilis & horrendus ille hiatus: „ & ille intolerabilis ardor ignis, & „ inflammatio: lingua item ardens: ad „ hæc desideratæ guttæ aqua (fabulæ sunt). Palam enim est, quod hæc omnia nobis futuram significant resurrectionem. Lingua enim ac digitus non incorporalia membra animæ intelliguntur, sed partes corporis. Ac nemo putet hæc jam contigisse: sed prædictionem esse futuri. Evenient autem tunc, cum renovatio animam mortuis reddiderit, & ad reddendam actæ vitæ rationem unumquemque reducerit, compositum eodem modo quo prius, ex anima & corpore constantem. „ Et post pauca „ Ego autem etiam hoc Scripturam audio proidentem, quod condemnati iustis afficiuntur suppliciis, „ igne, tenebris, verne, que omnia compositorum, ac materialium corporum pene cruciatusque sint: animam vero per se se separatim ignis numquam attigerit: nec tenebræ quidem ei molestæ fuerint, utpote quæ oculis caret, & videnti instrumentorum expertus est. Quid autem vermis effecerit, qui corporum non spirituum corrupticem vim habet? „ Quis non videt S. Patrem hic apertissime corporeum ignem admittere in inferno, unde reprobi omnes post diem iudicii, cum anima corpori unietur, torqueantur, atque inde colligere necessitatem resurrectionis, ut eum ignem patiantur, quem solam animam, sive a corpore seunctam pati non posse opinatur? Hoc sensu Nyssenum fuisse locutum loco objecto ex lib. de anima dum inferni ignem metaphorice exposuit, saltem suspicari facile poterant, qui illum opponunt, si animadvertissent constanter ibi S. Patrem de sola anima loqui, sive de statu animæ ante resurrectionem, cum a corpore separata subsistit.

XVII. Quamvis laudatum testimonium in manifesto lumine ponat S. Gre-

gorii mentem; duo tamen vel tria alia loca produco, ut amplius eluceat ipsum in re præcipua nunquam recessisse a communi Ecclesiæ doctrina. In oratione Magna Catechet. Cap. 40. ita differit: „ neque misera, & dolore plena vita illorum, qui peccaverunt, est similis illi ex iis, quæ sensum hic cruciant. Sed est aliquid ex iis, quæ illic sunt, tormentis, nominatum fuerit nominibus, quæ hic sunt cognita, non est tamen parvum discrimen. Nam cum ignem audis, didicisti aliquid ab illo diversum intelligere. „ Num fortasse quia inferni ignis non verus sit, sed metaphoricus? minime. Audi Nyssenum ita prosequentem: „ ex eo quod illi igni aliquid sit additum, quod non est in hoc. Nam ille quidem non exstinguitur; hunc autem multa inventa sunt, quæ extinguant. Magna est autem differentia inter eum, qui exstinguitur, & eum, qui nullam admittit extinctionem.

XVIII. Gemina tradit in Psal. 6. de Octava, ubi sic exclamat: „ quis terribilis iudicii Christi recordatus, non statim in conscientia sua quasi convellitur, ac terrore & angore non confringitur? Atque etiam si vitæ melius, quam deterius actæ sibi conscius sit, attamen ad exactam diligentiam & rigorem iudicii respiciens, in quo minimæ quoque culpæ in questionem adducuntur, ac prorsus expectatione terribilium poenarum perhorrescit, ignorans quisnam sibi iudicii exitus, & eventus futurus sit. Idcirco quasi in oculis habens terribilia supplicia, Gehennam illam, & tenebrosam ignem, & conscientie vermem nunquam emorientem, qui animam semper pudore fugillat, & recordatione male actæ vitæ cruciatum renovat, ac redintegrat &c. Et orat, ad eos, qui durius & acerbius alios iudicant: „ absurdum est cum illi, qui corporis valetudinibus rationem habent, seipsos expurgent ante caniculæ exortum..... eos, qui animi curam gerunt, incertum mortis diem non antevertere, & ardorem excruciantis illius ignis, qui

„ æternum comburit , & nullum un-
„ quam refrigerium admittit , &c. „

De S. Joanne Damasceno.

XIX. Testimonium, quod 1. oppo-
nitur ex hoc Ecclesiæ Græcæ Patre ce-
lebratissimo petitur ex lib. 4. *fidei Or-
thodoxæ* in fine, ubi hæc scribit: *tradetur
Diabolus & Dæmones cum impiis, &
peccatoribus in ignem æternum non mate-
rialem, qualis est, qui apud nos est, sed
qualem novit Deus.* Hunc sibi locum
artic. cit. objicit S. Thomas, atque ita
diluit: *dicendum quod Damascenus non
negat simpliciter illum ignem materiale
esse, sed quod non est materialis talis qua-
lis est apud nos: eo quod quibusdam pro-
prietatibus ab hoc igne distinguitur.* Ignis
nempe, ut fufius explicat Jacobus Bil-
lius Author veteris editionis operum Da-
masceni, quem habemus in usu, extin-
guibilis est, lucidus, ea consumens, in
quæ actionem suam imprimit, nec spiri-
tuales, incorporeasque substantias im-
mediate afficit. Contra vero ignis inferni
æternus est, & inextinguibilis, lucem
non diffundit, agitque tum in corpora
citra eorum consumptionem, tum in a-
nimas corpore solutas, spiritusque ca-
codæmonum, dolorem acerbissimum in-
ferendo.

XX. Petavius ipse (a) consentit Da-
masceni textum facile conciliari posse
cum vulgata Catholicorum sententia:
„ siquidem, inquit, materiale, & no-
„ stri similem negat esse inferorum i-
„ gnem, hoc est crassum, atque densum,
„ & pabuli egentem: quemadmodum ele-
„ mentum illud ignis, quod lunæ orbi
„ citimum est, Aristoteles ignem negat
„ esse, quod ignis proprie sit excessus qui-
„ dam caloris, & fervor, cujusmodi no-
„ ster est. Quare si ignis ille superior tan-
„ tum distat ab nostro, & infimo, ut pro-
„ pe specie differre videatur; quidni &
„ inferorum ignem longe utroque subti-
„ liorem *illicon*, ac nostri minime simi-
„ lem esse Damascenus jure dixerit,

„ quamvis perinde corporeum esse judi-
„ caret? Certe Laſtantius huic interpre-
„ tationi favet, qui & corporeum, &
„ nostratis dissimilem illum ignem sta-
„ tuit elegantissimis verbis. „ Favent et-
„ iam alii Patres, qui eodem pacto lo-
„ quuntur, cum tamen eundem ignem
materielem credidisse certum sit.

XXI. Nihilominus nec S. Thomæ,
nec Billii & Petavii autoritati & ex-
plicationi acquiescit Michael Lequienius
*admonit. in Dialog. contra Manich. ejus-
dem S. Patris Damasceni*, ac præter ci-
tata verba, urget aliud testimonium ex
hoc Dialogo de promptum num. 36.
ubi ait: *ipsum esse a Deo proficiscitur, qui
solus est semper, ac bonorum largitor.*
Porro quod ex bono proficiscitur, id pro-
sus bonum est. Quod si satius futurum
fuisse dicitis, ut non existeret, quam factum
quidem esse, at sempiternis multari pœnis,
*hoc a nobis responſi feretis pœnam illam
nihil aliud esse, quam nequitie cupidita-
tem, & peccati ignem, flammamque fru-
stratæ libidinis.* Non enim *Dei*, sed *vitiis
affectu* (sive cupiditate) *ardent, qui ita
affecti sunt, ut eorum perversitas nullam
admittat mutationem.*

XXII. Sed plane non video, cur ob
hunc textum Lequienius recedere debue-
rit a sententia gravissimorum Autho-
rum, ac magistri sui S. Thomæ, qui
Damascenum communi doctrinæ non
adversari censuerunt. Omitto quod de
opere illo *contra Manicheos* dubitatur apud
Eruditos, Billium, Combesium,
aliosque an legitimus sit Damasceni fœ-
tus. Sit, per me licet, genuinum San-
cti Patris opus, ut Lequienius persua-
sum habet; quid aliud, ut summum ex
adductis verbis colligere debuerat, nisi
Dæmones, atque adeo etiam cæteros in-
corporeos spiritus metaphorico, non pro-
prio igne torqueri: quod & alii præci-
pue ex Orientalibus credere; non au-
tem universim negasse veri ignis in in-
ferno existentiam, quo saltem post su-
premi judicii diem Damnatorum corpo-
ra cruciarentur. Certum quippe est il-
lic

(a) lib. 3. de Angelis cap. 3.

lic S. Patrem non de omnibus, sed de solo Dæmone sermonem habere.

XXIII. Verum neque id colligi jure posse mihi videtur, si & argumenti facti a Manichæis, & responsionis adhibite a Damasceno scopus, & spiritus, ut ita loquar, attendatur. Contendebant illi Dæmonem naturæ suæ malum esse. Respondet Damascenus id perpetram dici, cum esse, quod Dæmon habet, bonum aliquid sit, adeoque a Deo profectum. Reponebant Manichæi melius fuisse non habere esse, sive existentiam, quam habere quidem, sed pœnis sempiternis affectum: immo hoc aplos, simpliciter malum esse, neque dici posse, quod tale esse sic affectum a summo bono Deo processerit. Nemo unus non intelligit ad instantiam hanc diluendam opus non esse assignare genus, aut qualitatem pœnarum, quibus Dæmon est obnoxius, sed illud dumtaxat proponere, quod a primaria Dei voluntate oritur, & quod a Dæmonis culpa ac malitia procedit, quæ causa unica est, cur Dæmon æternis pœnis a Deo justo iudice subiciatur. Atque ita plane fecisse mihi videtur Damascenus, dum ita respondit: *hoc a nobis responsi feretis, pœnam illam nihil aliud esse, quam nequitia cupiditatem, &c.* Hoc est pœnam illam non alia ex causa morali proficisci, quam ex Dæmonis nequitia flammæque frustratæ libidinis, sive ex pravo divinæ excellentiæ appetitu, qui effectui frustratus est, & ipsum appetentem in æternam miseriam conjecit. Cui explicationi favent etiam verba, quæ sequuntur: *non enim, inquit, Dei, sed vitii affectu, seu cupiditate ardenti, qui ita affecti sunt, ut eorum perversitas nullam admittat mutationem: id est affectus ille seu cupiditas Dæmonis, quæ nullam admittit mutationem, non est cupiditas Dei, sive bona, & ordinata, sed vitii, seu vitiosa, & perversa, adeoque mirum esse non debet, si sempiterna pœna mulsetur.* Hinc merito subijcit: *Deus igitur eum potius esse, ac vel minimam boni partem habere maluit, quam ob malum, hoc est ob iniquam ejus cupiditatem, hac quoque exigua boni parte privaretur.*

XXIV. Hoc aliove simili pacto explicandum esse Damascenum, ipsumque verum, & reale ignem in inferis admisisse ex pluribus colligo. Colligo primum ex eo, quod Dialogo eodem num. 7. arguit adversum Manichæos ex hoc principio, quod *Gebenna sit res quædam, & substantia a Deo producta, & quæ Dæmones cruciat.* Porro, ut sæpe adnotavimus, Gehennæ nomine venit locus, in quo magnus nutritur ignis. Supponit ergo ignem cruciantem Damatos, quidpiam esse ab eorum substantia diversum, ipsique extrinsece admotum: qui proinde non metaphoricus ille ab Adversariis confectus, sed verus, ac proprius est.

XXV. Colligo secundo ex verbis, quibus non uno in loco ignem inferni repræsentat. Nam lib. 2. de fide Orthodox. cap. 4. de Dæmonibus sermonem habens, inquit: *quævis hominem suggestionibus pulsare ipsi permisso sit, nemini tamen vim inferre possunt: ob idque Diabolo, & Angelis ejus inextinguibilis ignis paratus est, ac supplicium æternum, illisque item, qui ipsum ducem sequuntur.* Et Cap. 10. historiæ (quod opus genuinum esse S. Damasceni fœrum pluribus evincit Leo Allatius) sic inducit Barlaamum loquentem: *anima vero tua inferno addicta, in inferiores terræ partes usque ad postremam resurrectionem conjicietur. Quo scilicet tempore anima, recepto corpore suo, a Domini facie projicietur, ac Gebenna, cujus flamma sempiterna est, mancipabitur.* E in Epist. 1. ad Corinth. Cap. 3. sic exponit verba illa Apostoli: *ipse autem salvus erit, sic tamen quasi per ignem, inquit, hujus sententiæ sensus est, quod ipse non peribit, ut, quemadmodum sua opera, in nihilum redigatur: sed permanebit in igne. Rei itaque incolomitatem salutem appellat, propterea adject, quasi per ignem. Etenim dicere solemus, materias, quæ non comburuntur, nec convertuntur statim in cineres, in igne salvas esse. Ac si dicat: ne putaveris, cum ignem audis, eos qui ardent, in nihilum converti.*

XXVI. Colligo demum ex iis, quæ leguntur in Sacris Parallelis, quæ Damascenus ex aliorum Patrum sententiis con-

cinnavit, & quæ non refert duntaxat, sed & ipse laudat, & approbat, ut ex ejusdem prologo liquet. In fine enim fragmentum quoddam affert, quod alii Cajo, vel Justino Martyri, alii S. Irenæo, alii verosimilius S. Hippolyto Portuensi adjudicant, ubi hæc habentur: Infernus est locus in rebus creatis inordinatus, receptaculum subterraneum, in quo lux mundi non splendet..... Regio illa

est tamquam custodia animabus destinata in qua Angeli constituti sunt custodes, qui pro uniuscujusque facinoribus temporarias locorum pœnas distribuunt. In hac regione locus quidam separatus est, locus nimirum ignis inextincti.... preparatus autem est ad determinatum a Deo diem &c. Ac subinde memorat & conflagrationem & calorem, immo, & fumum ex Gehenna manantem.

CAPUT XVI.

Argumenta adversus sententiam constitutam proposita, ac soluta. Vocabulum ignis nonnunquam in sacris litteris tropice adhibitum haud probat ita quoque adhiberi, ubi de igne inferni sermo est, sicut neque vermis metaphora ad conscientie cruciatum designandum usurpata. Gehennalis ignis ejusdem est nature cum nostro: sed differt proprietatibus. Necum corpora, sed & incorporeas substantias torquere potest, ac torquet. Quomodo agat in corpora citra eorum dissolutionem, ac damnatos non equaliter cruciet, explicatur.

I. **A**SSERTA jam ex Scripturis, & perenni Ecclesie traditione ignis corporei veritate, quo reprobi cruciandi sunt, superest ut aliqua diluamus argumenta, quæ adversus constitutam doctrinam opponi solent. Primum desumunt Adversarii ex iis locis, in quibus sacra eloquia vocem ignis usurpant in sensu tropico, aut metaphorico, ut inde concludant etiam in sensu eodem congrue intelligi posse, ubi de igne inferni sermo est. Sic Deuteron. cap. 4. com. 24. dicitur, Dominus Deus tuus ignis consumens est: psal. 103. 4. qui facis Angelos tuos spiritus, & ministros tuos ignem urentem, vel flammam ignis, ut habetur in Epist. ad Hebræos. Proverb. 16. 27.: vir impius fodit malum, & in labiis ejus ignis ardescit. Jerem. 4. 4.: ne forte ingreditur, ut ignis indignatio mea, & succendatur, & non sit, qui extinguat. Ezechiel. 21. 31.: in igne furoris mei sufflabo in te; Et 36. 5. in igne zeli mei locutus sum: quæ metaphora sæpe etiam ab aliis Prophetis adhibetur. Matth. 3. 11.: ipse baptizabit in Spiritu Sancto, & igne. Lucæ 12. 49.: ignem veni mittere in terram, & quid volo nisi ut accendatur? Jacob. 3. 5.: ecce quantus ignis quam magnam Sylvam accendit: & lingua ignis est &c. Et alia

huiusmodi, quæ passim occurrunt.

II. Sed nullius plane momenti est hæc obiectio. Utique lubens concedo sumi quandoque vocabulum ignis in sensu tropico tum apud sacros, tum apud Scriptores prophanos. Sed inde inferri jure nequit ita quoque sumendum esse in iis locis, ubi de reproborum pœna agitur, neque enim pro sensu proprio in citatis similibusve textibus, ea militant, quæ in aliis confluant, quibus de igne Gehennæ sermo est. Quin regulæ Criticæ, & interpretationis, quæ cogunt ad hosce textus in sensu literalis, & obvio intelligendos, cogunt etiam ut illos in sensu figurato & tropico accipiamus. Ac ne diutius immoremur in argumento adeo futile refellendo, illud generatim dicimus in locis allatis vel metaphoram, vel aliam tropicam locutionem statim incurrere in oculos legentium, vel facillimo saltem negotio deprehendi. Quis enim audiens Deum, aut Angelos vocari ignem consumentem, aut urentem, e vestigio non percipit hoc de Deo, aut Angelis literaliter enunciari non posse in sensu; ut iniquum, formali, adeoque aliquam in iis vocibus exprimi eorundem operationem? Quis legens Deum effundere ignem indignationis sue, aut in igne furoris

roris loqui, vel in igne zeli, aliaque id genus, non continuo intelligit iis locutionibus significari magnitudinem iræ, vel zeli divini? Sunt enim hujusmodi loquendi formulæ satis usitatæ etiam in familiari sermone, statimque ab omnibus eo in sensu accipiuntur, quo usurpari solent, quin opus sit interpretatione: quemadmodum & cum ardorem concupiscentiæ. & ignem tribulationis nominamus. Hinc nemo iaventus est inter sacros Expositores, qui eas crederet litteraliter explicandas. Non ita profecto est in locis, ubi de igne Inferni mentio. Proprium enim sensum tum rudibus, tum sapientibus eæ locutiones ingenerant, iisque adjunctis, & circumstantiis afficiuntur, quæ juxta severioris criticæ regulas illum prorsus definiunt. Videantur, quæ jam observavimus: ea quippe omnia stramineum hoc argumentum exfussant.

III. Atque ita pariter cum Christus Dominus dixit: *ignem veni mittere in terram* &c., & Joannes: *ipse baptizabit in Spiritu Sancto, & igne*, vel rudiores metaphoram statim subolfaciunt; cum in usu jam positum sit affectum amoris, & charitatem, si præterit intensâ fuerit, nomine ignis, ardoris, & flammæ significare. Qua etiam ratione nomen ignis Spiritui Sancto attribuitur. Quibus addo Christum dici a Joanne baptizaturum in Spiritu Sancto & igne; quia Spiritum Sanctum sub ignis specie daturus erat primis Ecclesiæ fidelibus, ut Sancti Patres frequentius exponunt, atque adeo quamvis illic aliqua occurrat metaphora, vel analogia; nihilominus visibilis ignis, seu sub visibili specie proprie significatus est. Cum demum dicitur linguam ignem esse, aut ignem accendere, tropicam locutionem perspicuiunt omnes, atque ita vocari intelligunt, quia animos ad iras excitat, rixas, atque discordias. Nihil itaque ex his metaphoris elicere possunt Adversarii, quod suppetias ferat absonæ eorum opinionioni.

IV. Majorem in speciem difficultatem ingerere videtur aliud argumentum ex ea locutione metaphorica deprom-

ptum, qua conscientiæ Damnatorum remorsus, & angores nomine vermis exprimuntur. Urget illud Calvinus in caput 10. epist. ad Hebræos, urgentque omnes sententiæ ejus defensores; atque hoc præsertim considerant, quod tum apud Isaiam, tum apud S. Marcum uno eodemque textu pœna utraque ignis, & vermis proponitur: *vermis eorum non morietur*, & *ignis eorum non extinguetur*. Cur igitur, si vox altera vermis in tropico sensu congrue explicatur, eodem jure vocem ignis tropice sumere non licebit?

V. Verum neque hæc obsectio, si rem accurate simul & ingenue perpendamus, alicujus momenti esse deprehenditur. Ea siquidem, quæ astatim concurrunt, ut nomen ignis in sensu proprio accipiamus, defunt omnino, ut idem sentiamus de vocabulo vermis. Nam in primis raro admodum Scriptura hoc nomine utitur ad designandam Damnatorum pœnam, & in novo Testamento solum apud Marcum cap. 9. ita eam significat, cum e contra frequentissime de igne future ultionis loquatur, & supra quadragesies in novo Fœdere eam vocem adhibeat. Deinde in locis, ubi de verme mentio fit, nullum est adjunctum, nulla circumstantia, nulla designata proprietas, quæ vocis significationem ad animal quoddam sensile determinet: cum adjuncta plura, pluresque circumstantiæ, ac sæpe antecedentia & consequentia propria ignis significationem definiant. Recolantur, quæ supra expendimus capitibus 9., & 10. Ulterius de ignis veritate communis est Sanctorum Patrum, Theologorum & Ecclesiæ Latinæ, Græcæ, aliarumque consensio. Non ita vero de vocabuli vermis proprietate; quin illud immo a potioribus & numero, & auctoritate Patribus, ac Theologis metaphorice semper explicatum est. Demum, ne omnes congeram animadversiones, quæ fieri possent, quæque ex supra dictis sponte fluunt, inter conscientiæ stimulos & vermem optima constat analogia, sive proportio. Nam sicut hoc animal corpus pungit, mordet ac rodit; ita angor ille con-

scientiæ veluti pungit, ac mordet animam, eamque corrodit, & cruciat. Hinc est quod hujusmodi locutio *vermis* ad conscientiam cruciatum exprimendum satis obvia, & usitata sit penes homines, & in familiari etiam sermone usurpata, ac, dum adhibetur, facillime metaphoricus sensus in auditorum mentem incurrit. Quam parum vero sit obvius, & quam difficulter incurrat in hominum animos sensus metaphoricus, dum nomine ignis supplicium aliquod, aut jam inflictum, aut insignendum exprimitur, non est cur ulterius probemus.

VI. His omnibus addere præstat nendum nihil esse, quod cogat ut *vermis* vocabulum in proprio sensu accipiamus, sed plura etiam confluere, ut illud ad tropicam transferamus significationem, prout fusc de hoc argumento agentes persecuti sumus. Tum quia dum utramque poemam *vermis* & *ignis* simul Scriptura conjunxit, videtur complexi voluisse, quæ specialiter ad supplicium animæ, corporisque Damnatorum pertinent. Tum quia Isaias, ex quo primum desumpta est illa locutio, *vermis eorum* &c., quam postea usurpavit Salvator noster apud Marcum, alludere voluit ad ea, quæ contingebant in cadaveribus hostium occisorum, quæ pastus erant vermium, & ignis. Nam ceteroquin ad Damnatorum poenam significandam, ferarum, ac serpentum genera opportuniora videntur, quam vermes. Tum demum quia *vermis*, si proprie intelligatur, cum nonnisi in corpus agere posse consentiant ii, qui ipsum admittunt, nihil modo in Damnatorum animas doloris, aut cruciatus imprimeret, sed neque in substantias spirituales cacodæmonum, vel post ipsum Judicii diem; quod plane absurdum est.

VII. Cæterum neque illud præternitendum debet, quod licet tot momenta concurrant ne cogamur nomen *vermis* ab scripturis expressum litteraliter intelligere; plures nihilominus Patres, & graves Scriptores propter sacrarum litterarum verba in eam ivere sententiam, ut veros realesque vermes admitterent in inferno ad Damnatorum cruciatum.

Quanto igitur potiori titulo propter sacrarum earumdem litterarum verba, longe procul dubio frequentiora, & clariora, quæve commodam nullam interpretationem patiuntur, verum, realemque ignem ad reprobos puniendos admittere necesse fuerit?

VIII. Opponere præterea solent adversarii nonnulla ab humana ratione petita argumenta; nempe explicari non posse primo, cujus naturæ sit ignis ille, qui Damnatos torquere asseritur, aut in qua materia subsistat. Secundo, quo pacto corporeus ignis in animas agat, ac substantias immateriales. Tertio, si in corpora operatur, eaque comburit, cur ipsa non dissolvat, ac consumat. Quarto demum, quomodo non omnes reprobos æqualiter cruciet, cum æqualiter omnes afficiat, ac naturaliter operetur.

IX. Hæc illi quidem ingenti verborum strepitu opponunt, ac exaggerant. Sed pessimæ causæ argumentum est decertare armis ab imbecilli ratione humana depromptis adversus dogmata, quæ solidissimis sacrarum litterarum divinæque traditionis fundamentis nituntur. Quid enim? Tametsi explicare minime possem peculiarem illius ignis naturam, aut actionem in immateriales substantias, aut alias difficultates solve-re, quæ ex eodem sobolescunt, nunquid iccirco negandum foret hujusmodi ignis nulla divinæ autoritatis clare, distincteque loquentis habita ratione? aut ad tropos & figuras confugiendum, cum litteralis sensus lucidissime se prodit, nec citra summam violentiam ad metaphoricum detorqueri valet? si ita res est, nulla jam erit ex catholice fidei veritatibus, quæ pari jure negari non possit, aut ad figuratum sensum referri. Nulla siquidem est quæ difficultatibus plurimis, iisque non raro gravissimis non obvolvatur. Quæ tamen a me dicta esse nemo putet, ac si nullus ad propositas difficultates solvendas mihi pateret aditus, cum eadem prorsus sint, quas tum Sancti Patres, tum Theologi, & scripturarum interpretes sibi pluries objecerunt, ac diluerunt.

Ex

Ex quibus hic aliqua cursim delib.

X. Ad illud itaque, quod primo loco objectum est, dico Gehennalem ignem ejusdem esse naturæ cum nostro vulgari, solumque quibusdam proprietatibus, aut qualitatibus differre: nimirum, ut ex sacris litteris, & Ecclesiæ Patribus liquido constat, quod non indigeat fomentis ut conservetur, quod inextinguibilis sit, quod non luceat, luce saltem clara, & perspicua, quod non corpora tantum, sed spiritus etiam corporis expertes affligat; quæ omnia diversitatem naturæ non arguunt, nec exigunt. Quid si de ejusdem materia scisciteris, respondeo eam certo definiri haudquaquam posse: neque tamen exinde quidpiam contra ejus extantiam elici valet, cum Deus ex quacumque, quæ sibi magis placuerit, materia formam illam accendere potuerit, atque accensam perpetuo conservare. Quidam tamen non improbabiler censent materiam illius ignis saltem præcipuam esse sulphurem; idque colligunt ex nonnullis Apocalypsis locis. Nam cap. 19. legitur: *virii missi sunt hi duo viri in stagnum ignis ardentis sulphure*. Et cap. 20.: *Diabolus, qui seducebat eos, missus est in stagnum ignis & sulphuris*; & rursus cap. 21. de impiis omnibus dicitur: *pars illorum erit in stagno ardenti igne & sulphure*. In iis quippe locis de futuræ vitæ supplicii sermonem fieri certum est. Cum igitur diserte asseratur ignem illum ardere sulphure, jure colligi posse videtur, materiam ejusdem saltem præcipuam esse sulphuream. Sed de hoc satis: non enim tanti est hæc objectio, ut fusiorem responsionem mereatur.

XI. Ad illud quoque, quod secundo loco objectum est, haud difficile est respondere. Paucis rem totam dirimi posse mihi videtur, si dixerimus Gehennæ ignem torquere spiritus modo quodam *inenarrabili*, ut inquit Lactantius, sed plane haud ab simili modo, quo vulgaris ignis agit in animam spirituales,

dum corpori conjuncta est. Scimus enim certissime immaterialem animam uniri corpori, vitam ipsi communicare, supplicii corpori inflicti affici &c.: licet modum, quo hæc contingant, plane ignoremus. Igitur modus etiam, quo animæ a corpore sejunctæ, vel spiritus incorporei igne inferni corporeo afficiantur, poterit esse ineffabilis, ac nobis impervius, quin tamen illud merito inficiari possimus. Hinc Joannes Clericus sub nomine Petri Alethini, licet de veritate ignis materialis dubitanter loquatur; fatetur tamen hocce argumento neminem ad illum abnuendum induci debere, eodem dujus exemplo animæ nostræ in hoc corpore existentis. Sic enim scribit (a): "non negaverim ignem fore corporeum, eo quod spiritus illi lo sint torquendi. Hoc enim intellectum difficius non est, quamvis aliter sentiat Petavius, quam intelligere, qui motus corporis nostri mentem nostram incorpoream, qualis vulgo statuitur, afficiant. Scio dicturum qui hæc legerit, mentem esse cum corpore in unam personam conjunctam, ideoque corporis motibus necessario percelli. De re ipsa hic philosophari nolo: Sed quemadmodum mentes immateriales Deus ita cum corporibus conjunxit, ut motibus eorum afficerentur; sic in loco poenarum novis legibus naturis rerum impositis efficere posset, ut spiritus igne conspicuo urerentur". Hoc animæ nostræ exemplum late etiam prosequitur inter alios Author reflexionum in histor. Judæorum (b).

XII. Sed neque Sanctus ipse Augustinus illud prætermisit in lib. 21. de Civit. Dei cap. 10., ubi quæstionem hanc proponit, inquires: hic occurrit quærens, si non erit ignis incorporealis, sicut est animi dolor, sed corporalis tactu noxius, ut eo possint corpora cruciari, quomodo in eo erit etiam poena spirituum malignorum? Idem quippe ignis erit, supplicio scilicet hominum attributus, & Dæmonum
,, di-

(a) In notis ad cap. 5. lib. 3. P. Petavii de Angelis.

(b) Tom. 2. pag. 316.

„dicente Christo: *Discedite a me ma-*
ledisti in ignem eternum, qui paratus
est Diabolo, & Angelis ejus. „Et in
 medium prolata sententia tum eorum,
 qui demonibus aëria quædam corpora
 tribuebant, tum aliorum, qui eos omnis
 materiæ expertes fancebant, subdit jux-
 ta horum decretum: „non est de hæcæ
 „laborandum operosa inquisitione, aut
 „contentiosa disputatione certandum.
 „Cur enim non dicamus, quamvis mi-
 „ris, tamen veris modis etiam spiri-
 „tus incorporeos posse pœna corporalis
 „ignis affligi, si spiritus hominum
 „etiam ipsi profecto incorporei & nunc
 „potuerunt includi corporalibus mem-
 „bris, & tunc poterunt corporum suo-
 „rum vinculis insolubiliter alligari? „
 Cæterum modi plurimi a Theologis no-
 stratibus assignari solent ad explicandam
 actionem ignis corporei in substantias
 spirituales, qui legi possunt apud Pe-
 tavium lib. 3. de Angel., Suaresium
 item de Angel., Sotum, & Æstium in
 4. sentent. dist. 50. & alios; neque enim
 necessarium judico huc eos derivare.

XIII. Argumentum tertio loco posi-
 tum accuratissime expendit idem S. Au-
 gustinus disputans adversus Gentiles, qui
 illud in primis opponebant: in eoque
 refellendo magnam partem infumit lib.
 21. de Civitate Dei. Quæ fufius disse-
 rit ille, in brevem summam redacta
 hæc sunt. Cap. 2. ostendit, *corpora in*
ustione ignis esse posse perpetua, idque
 declarat exemplo aliquorum animalium,
 quæ in mediis ignibus vivere perhiben-
 tur. Hinc Cap. 3. probat *consequens*
non esse ut corporeum dolorem necessario
seguatur carnis interitus. Id quidem ve-
 rum est, docet, de corpore in hoc corrupti-
 bili statu posito: *quoniam sic est anima con-*
nexa huic corpori, ut summis doloribus ce-
dat, atque discedat: quoniam & ipsa
compago membrorum, atque vitalium sic
infirma est, ut eam vim, quæ magnum,
vel summum dolorem facit, non valeat
justinere. Tunc autem tali corpori anima,
 & eo connectitur modo, ut illud vincu-
 lum, sicut nulla temporis longitudine sol-
 vitur, ita nullo dolore rumpatur. Pro-
 inde etiam: *caro nunc nulla est, quæ sensum*

coloris perpeti possit, mortemque non pos-
sit: erit tamen tunc talis caro, qualis
nunc non est: sicut talis erit tunc & mors
qualis nunc non est. Tum Cap. 4. id plu-
 ribus exemplis naturalibus confirmat. Et
 Cap. 5. decernit, quod tametsi modum
 ignoremus, quo ignis corpora sine eo-
 rum consumptione comburat, non ideo
 hoc in dubium vocandum esse: quando-
 quidem multa sunt in rebus naturalibus
 certissima, de quibus tamen reddi ratio
 nulla potest, sive rationem & mo-
 dum ignoramus unde consistere valeant:
 quorum nonnulla profert. Et soluta
 Cap. 6. quædam obiectiuncula, quam
 inde Gentiles conficere poterant, Cap.
 7. & 8. concludit omnipotentiam Dei,
 qui fecit mundum in celo, in terra, in
 aere, in aquis innumerabilibus miraculis
 plenum, cum sit omnibus, quibus plenus
 est, procul dubio majus, & excellentius
 etiam ipse mundus miraculum, posse fa-
 cere ut & resurgant corpora mortuorum,
 & igne æterno crucientur corpora Damna-
 torum. Hæc Augustinus.

XIV. Mihi vero rem hanc conside-
 ranti difficultatis propositæ solutionem
 facillime explicari, ac pæne oculis sub-
 jici videtur, si idponamus, in quo jam
 Philosophi omnes, aut ferme omnes con-
 sentiunt, calorem scilicet, aut ardorem
 vehementem, concitatoque partium cor-
 poris motu consistare, vel produci, ip-
 sumque ignem corpora calefacere, ac
 amburare cum in ea imprimis hujus-
 modi motum vehementem, & concita-
 tum (vibrationis, aut vertiginis, vel
 expansionis sit, parum curo). Quod
 igitur pleraque corpora ita agitata tan-
 dem consumantur, id causæ habet,
 quod ex eo motu vehementi separantur
 invicem ac dissidentur exiguæ primum,
 aliæque deinde resolutæ partes, quæ
 corpora ipsa componunt. Quare si nul-
 las partes dissolvi, aut a corpore sepa-
 rari contigerit, calidum illud, ignitum-
 ve inter flammæ consistet citra ullum
 interitum, aut consumptionem: quem-
 admodum etiam naturaliter hoc accide-
 re in quibusdam corporibus experientia
 deprehendimus. Manifestum est enim
 aurum e. g. in ardenti fornace vexatum,
 liqua-

liquatumque insigniter calefcere, quin tamen absumatur, aut quidpiam primævi ponderis amittat: quia videlicet per agitationem, & motum nihil a tota mole sejungitur, aut evaporatur. Quod ergo naturaliter contingit in auro, intelligi potest ac debet divina virtute futurum in humanis corporibus, ut nova nimirum in ipsis lege constituta, tartarei ignis actione vehementissime concutiantur, & agitentur fibræ eorum, ac partes, quin tamen separentur, aut ipsarum textura dissolvatur.

XV. Id evidentius apparet in systemate causarum occasionalium, quod multis philosophis plurimum arridet: juxta quod rem ita declarat quidam ex Anglia Scriptor agens de pari argumento, seu de corporibus per miraculum in igne sine læsione persistentibus. (a): "ex hujus legis (secundæ nempe ab ipso positæ circa motum) suspensione corpus humanum, rubus, vel aliud quodvis inflammabile corpus, etiam si ardentissimo igne undique cingantur, poterunt tamen non comburi, aut in cineres reduci: aut si forte flammæ, uti *Rubus*, capiant; coacervatis in vorticem flammis, poterunt non consumi. Ignis enim particule non comburunt ex innata ulla virtute, aut infito impetu, ut supra vidimus; sed quia supremus motus Author voluit, ut ex occasione hujus impetus ipse dissolvat, seu comburat projecta in ignem corpora, velle quoque poterit, ut eadem non dissolvantur, etiam si rapidissimis ignearum scintillarum cohoribus vorticofo impetu irruentibus impetantur." Ac subinde ostendit etiam quomodo per divinam voluntatem in æternum aliquis vivere valeat, inquit: "possunt enim omnes corporis partes in eodem situ semper retineri: possunt quoque omnes elementares particule a dissolutione cohiberi. Sanguis & alii humores etiam si perenni, & intestino motu intra se agitantur, impediri possunt, quominus

„vappescant, seu quominus principia
„iplorum diffingantur, aut eorundem
„abradantur anguli, quominus eadem
„particule per habitum corporis non
„exhalent, & reparatione non egeant.
„Brevi, tota quanta nunc est corporis
„materia cum eadem figura, situ, numero, fabrica, & usu partium instantu, in quo nunc est, in perpetuum conservari potest, ac proinde corporis vita in æternum perdurare poterit."

XVI. Ad postremum tandem argumentum ita respondet S. Gregorius Magnus (b): *sicut in hoc mundo sub uno sole multi consistunt, nec tamen ejusdem solis ardorem equaliter sentiunt: quia alius plus estuat, atque alius minus: ita illic in uno igne non unus est modus incendi: quia quod hic diversitas corporum, hoc illic agit diversitas peccatorum, ut & ignem non dissimilem habeant, & tamen eodem singulos dissimiliter exurat.*

XVII. Verum hæc responsio moralem potius sive meritariam, quam physicam causam declarat, cur non una eademque vi, & impressione Damnatos omnes Inferni ignis excruciet. Quare aptius, ut mihi videtur, dicendum ignem illum corporeum, aut juxta plures causam esse mere occasionalem, aut juxta alios instrumentariam divinæ Justitiæ vindicis, actamquam Dei instrumentum vim & actionem suam in Damnatos imprimere: atque adeo a causa principe assumi posse ad majus, minusve tormentum inferendum. Deus enim, qui demeritorum inæqualitatem perfecte cognoscit, ita ignem illum movet, & applicat, ut acrius in alios, in alios autem mitius operetur. Quod nemini mirum videri debet, cum & inter nos conspicua sit hujusce diversæ actionis experientia. Videmus enim a voluntate unum, idemque instrumentum adhibentis sæpe pendere, quod majorem, minoremve ictum imprimat, aut percussionem.

XVIII. Atque hæc dicenda sint de qualita-

(a) Bernardus Connor M. D. e regia Societ. Londinensi in suo *Evangelio Medici* art. 8.
(b) Dialog. lib. 4. cap. 43.

itate & conditione poenarum, quibus
 improbi in futura vita puniendi sunt.
 Hunc ergo librum concludere præstat
 gravissima sententia, qua dissertationi
 suæ de poenis impiorum finem imposuit
 S. Gregorius Magnus lib. 9. Moral. cap.
 40.: "Ecce, quæ maneat Damnatos
 poena cognovimus, & instruente nos
 sacro eloquio, quantus in damnatio-
 ne ignis, quanta in igne obscuritas,
 quantusque in obscuritate pavor sit,
 nullatenus ambigimus. Sed quid pro-
 dest ista prænosse, si non contingat
 evadere? Tota ergo intentione cu-

randum est, ut cum vacationis tem-
 pus accepimus, bene vivendi studio
 malorum ultricia tormenta fugiamus.
 Hinc quippe per Salomonem dicitur:
 quodcumque potest manus tua facere,
 instanter operare: quia nec opus, nec
 ratio, nec sapientia erit apud inferos,
 quo tu properas. Hinc Isaias ait: quæ-
 rite Dominum dum inveniri potest: in-
 vocate eum, dum prope est. Hinc Pau-
 lus, dicit: ecce nunc tempus accepta-
 bile: ecce nunc dies salutis. Hinc rur-
 sus ait: dum tempus habemus, opere-
 mur bonum ad omnes.

Finis Libri Secundi.



DE FUTURO IMPIORUM STATU LIBER TERTIUS,

In quo de æternitate pœnarum agitur, quibus
impii in futura vita puniendi sunt.

CAPUT PRIMUM.

*De iis, qui pœnarum Inferni æternitatem negarunt. Horum Princeps jure habetur
Origenes, quem frustra ab hoc errore nonnulli vindicare conati sunt. Ejus
doctrinam novissime excitarunt plures inter Protestantes, qui
iccirco nuperi Origenistæ audiunt. Quid de repro-
borum æterna miseria sentiant Sociniani.*

I. **N**ULLA est inter omnes pœnarum Inferni qualitates, aut circumstantias, sicut terribilior, ita in Christiana gente magis vulgata, doctorumque hominum & indoctorum sermone contrita, quam earumdem sempiterna duratio. Hanc tam frequenter diserteque enunciant sacrarum litterarum oracula, tam constanter Universalis Ecclesiæ sensus ac traditio confirmat, ut nullus plane relictus fuerit dubitationi, aut controversiæ locus. Nihilominus, quod fieri posse minime videbatur, *humani generis hostis* (inquit S. Basilii in Regulis brevioribus) *perniciosa artificiosa factum est, ut plures veluti obliiti tot, ac talium*

Domini verborum, ac sententiarum, perpetuumque Ecclesiæ consensum parvipendentes, certissimum hoc dogma vel in dubium revocarent, vel perfrita fronte negarent.

II. Primus, aut saltem Princeps, qui inter veteres vel maxime hocce nomine male audit, quod inferorum poenas aliquando desituras docuerit, est Origenes Adamantius: huncque ipsi errorem non hæsitanter tribuunt clarissimi plures Ecclesiæ Patres, Theophilus Alexandrinus, Epiphanius, Athanasius, Hieronymus, Augustinus, & alii, immo & quinta Synodus Œcumenica, ut ex Nicephoro Callisti F. liquet. Equidem & patris, & postremis hæc temporibus non desuerunt, qui hunc ab eo errorem amoliri studerent, pluribus præsertim in medium productis

B b

ex

ex ipsius operibus testimoniis, in quibus de poenarum aeternitate recte cum Ecclesia catholica fuisse videtur. Verum ut ut concedamus ex his colligi posse non adeo Origenem erroneae inbasile sententiae, quin catholicam etiam veritatem quandoque docuerit, eam tamen minime tradidisse, nemo, ut arbitror, sapiens, ac prudens suadebitur. Quis enim credat tot sanctissimos viros, Synodum Œcumenicam, atque omnes ferme vetustos scriptores vel imperitia, vel errore, vel odio ita abreptos fuisse, ut turpem hanc notam Origenis nomini, ac memoriae impingerent, aut sine manifestis argumentis tamquam malefanae opinionis Authorem, defensoresque traderent? Sed & ipsa, quae hodieque extant Origenis opera satis produnt nullam ipsi impactam fuisse calumniam. Nam praeter plurima testimonia, quae legi possunt apud Petavium (a), Origenianae doctrinae principia, Authoris mentem ac sensum de hac re in propatulo ponunt. „Cum enim (ut advertit Huettius (b)) futurum ratus sit, ut quicumque statum teneant animae, peccare possint, & re ipsa per se peccent, ac pro peccatis vel meritis perpetuo circumtu ab imis ad summa, a summis ad ima revolvantur, ipsiusque Diaboli aversa a Deo voluntas olim contenda sit, & Deo Patri regnum Christus sit traditurus, tumque existimaverit plenam omnium *apocatastasim*, ac perfectam felicitatem futuram, cum Deus erit omnia in omnibus, confitequitur illinc necessario desitura Damnatorum supplicia, eaque noxarum duntaxat expurgandi causa a Deo hominibus infligi. „Additque hominis esse intemperantis, neque satis tempori parentis suo, quaecumque venia hac oblita in Origenianis commentariis reperiuntur Lectori recen-

da obijcere, adeo multus est in hoc dogmate prodendo, & odiosus Adamantius. Et nonnulla quidem exhibet ipse Origenis loca, & alia plura etiam indigitat, in quibus piacularae & temporarias impiorum poenas duntaxat agnovisse liquidissime constat.

III. Origenis sententiam non pauci sub idem tempus, ac sequiore aetate complexi sunt, de quibus ex antiquis mentionem praecipue faciunt S. Joannes Chrysostomus in suis Homiliis, Orosius in *commonit. de erroribus Priscillianistarum, & Origenistarum*, & S. Augustinus pluribus in locis, maximeque *lib. 21. de Civit. Dei*. Sed illam jam demum cum suis Authoribus conspultam, aeo hoc nostro e tenebris in lucem revocarunt quidam e recentium haereticorum familia (quid enim non audeant ingenia nulli salutaris fræno subiecta?) ac totius Ecclesiae nedom catholicæ, sed etiam propriae in qua enutriti fuerant, confessione posthabita, Origeniani erroris præcipuum caput instaurare conati sunt. Prodiit Londini anno 1697. vulgari idiomate libellus quidam nomine *Evangelii æterni* insignitus, cujus Author, si Fabricio credimus (c), est *Jana Leadia*, qui Origenianam apocatastasim aperto Marte propugnat. Hunc librum insequente anno 1698. in Germanicam linguam transtulit Jo. Quil. Peterfenius, Lutheranus Theologus, ac nulla habita ratione articuli 17. Confessionis Augustinæ (d) quam profitebatur, ejus defensionem suscepit, suaque autoritate & exemplo alios ad novæ sententiæ patrocinium capessendum pellexit. Atque hinc ingens erupit in Ecclesia Lutherana dissidium. Plures enim antiqui dogmatis tenaciores ad arma statim convolarunt, scriptisque partim Latino, partim Germanico idiomate editis, doctrinam recens invecstam impugnarunt: quos inter excelluere Thomas Ittigius, Zacharias Gra-

(a) lib. 3. de Angel. cap. 6.

(b) in Origenianis lib. 2. qu. XI. num. 16.

(c) In Sylloge Scriptorum, & selectu &c.

(d) Augustana Confessio art. 17. inter alios Anabaptistarum errores hunc damnat, quod tor-
menta Denicum, & damnatorum finem habebunt, & Angeli apostatae in eundem locum redituri
sint, in quo creati sunt.

Grapius, Jo. Fectius Rostochienfis, Ludovicus Melchior Fifeelinus, & Ferdinandus Hefreih Lichtscheid (a), quorum postremus argumentorum vi pressus medium quendam animum statum post mortem admisit, & in catholicam de purgatoriis aliorum poenis adversus Ecclesiæ suæ placita sententiam tandem concessit. Hos sine refutatione non dimisit Peterfenius, cui se comitem adjunxit ex eadem gente Christophorus Gottlier (b) & ex parte etiam Samuel Christianus Tauberus (c), qui tamen rursus a Georgio Peteschio, Andrea Schmidio, Christophoro Sontagio, & ab aliis confutati sunt, dissidio in hodiernum usque diem nondum composito, nec facile componendo.

IV. In alias etiam Proteſtantium Ecclesias irrepsit exitialis doctrinæ lues, pluresque corrupti. Petrus Bellius, ut alia multa, ita quoque dogma de poenarum æternitate magna ingenii sui ostentatione aggressus est argumento præsertim ducto ex bonitate, & iustitia Dei (d). Joannes Clericus in *Parrhasianis* systemati Manichæorum, quod Bellius denuo excitare admissus fuerat, systema opponit Origenis Apocatastasim universalem constituentis, causamque, ut inquit Leibnitius (e), Origenistarum propugnat, quin se Origenistam profiteatur. Accesserunt ex Batavis Quil. Kingius, & Anonymus Author cujusdam libelli editi lingua vernacula Aiz Comitum anno 1713., cujus titulus latine translatus sic effert: *Evidens Demonstratio resolutionis rerum omnium ad Deum, per quam damnati omnes post supremi judicii diem tandem liberabuntur, persolutis juxta criminum qualitatem suppliciiis*. His accenseri possunt Arminiani, aliique quos *latitudinarios* vocant, de quibus scribit Minister Jurieu in suo libro *Defensionis doctrinæ universalis Ecclesiæ*, quod dogma de poenarum æternitate inter eas quælio-

nes Theologicas habeant, de quibus, salva fide, sentire licet quidquid libuerit.

V. Plures etiam extiterunt ex Anglia Theologi, qui novam doctrinam suffragiis suis approbarent, quos inter celeberrimos sunt Jo: Tyllotsonus Archiepiscopus Cantuariensis, & Thomas Burnetus. Atque ille quidem in sermone, quem de hoc argumento evulgavit, subdubitanter loqui videtur: ea tamen scribit, quæ, quid ipse agitare animo, satis produnt. Ille vero audacior in catholicum dogma palam insurgit, poenarum inferni modum & finem tandem habituras aperte tradit. Denique, ut alios omittam, nostris pene hisce diebus prodiiit in lucem gallica lingua pestilentissimus quidam liber ignoti Authoris, sed certe Calviniani, inscriptus *Lettres sur la Religion essentielle à l'homme*, qui inter alios errores, quos callidissima arte obtrudit, etiam Origenianam sententiam promovere nititur, in eaque defendenda studium omne, omnesque ingenii sui vires infumit.

VI. Præter hos, qui *Nuperi Origeniste* audiunt, adversus dogma catholicum de impiorum æterno cruciatu etiam plures ex Socinianis decertant, quamquam principis longe diversis utantur, diversoque modo declarent poenarum finem. Inter errores Fausti Socini iste non potestremo loco refertur: quod *futura non sit impiorum resurrectio, sed si tantum, qui superstites erunt in consummatione sæculorum, judicabuntur, & precipitabuntur cum demonibus in ignes æternos; sed ignes dicuntur æterni, non quia æternum affligent damnatos, sed quia damnati ex iis nunquam liberabuntur*. Paria tradunt duo alii Socinianæ Sectæ primipili Joannes Crellius, & Ludovicus Volzogenius (f), quorum alter comment. in Epist. 1. ad Corinth. cap. 15. scribit: *Igni æterno illi quidem Christi hostes, qui sunt diabolus & angeli ejus cum impiis cruciabuntur, &*

B b 2

ita

(a) Ex Leibnitio, Budæo, & Fabricio.

(b) In libro, cui titulus: *Apocatastasis fida, & Orthodoxa expositio*.

(c) In Gemino argumento altero pro &c.

(d) Réponse aux quest. d'un Provinc. Tom. 3. oper. pag. 812., & 1221.

(e) In Theodic. par. 1. num. 17.

(f) Ex histor. a Socinianismi lib. 1. cap. 18.

ita debentur. Alter vero in differtat. de pace Ecclesie non alias se agnoscere proflitetur pœnas impiorum æternas præter mortem absolutam, ex qua non est regressus ad vitam, quæ ideo mortis æternæ nomine nuncupatur. Idem quoque docent Collocutores Rakovienfes jam alibi memorati, Smalcus contra Meisnerum ad locum *Matth. 10. com. 28.*, Camphusius in quadam Epistola, & canticis ipsi adnexis, Ernestus Sonerus magni quondam nominis in Academia Althorfina Philosophus Aristotelicus in libro inscripto, *Demonstratio Evangelica &c.* (a): quibus demum se adjunxit ex Anglia Joannes Lokius in suo libello, cui titulus *Christianisme rationable*, & ex parte etiam Henricus Dodwellus (b).

VII. Duplex igitur habemus hostium genus adversus catholicam de pœnarum inferni æternitate sententiam, Origenistas nempe & Socinianos. Ambo in hoc consentiunt, quod impiorum futuræ vitæ cruciatibus finem imponant: sed alia prorsus gradiuntur via, aliumque opinandum modum confectantur. Origenistæ namque futurum tandem putant ut impii omnes five dæmones, sive homines post supplicia pro meritorum qualitate brevius aut diutius in inferis perpeffa, bonitatis, ac misericordiæ divinæ salutarem experiantur effectum, & Deum, Christumque Salvatorem omnium agnoscences, ac pie venerantes ad cæleste regnum admittantur, sempiterna felicissima vita cum Beatis cæteris potituri. Quare in hoc ab ipsis Antesignano Origene recedunt, qui tam Beatorum felicitati, quam impiorum supplicii terminum præscribat, omniumque frequentes in priorem statum juxta merita revolutiones, & circuitus ponebat: potiusque conveniunt cum quibusdam Origenis Discipulis, qui Magistri sui nimium absurdam opinionem temperandam duxere, adeo ut æternam quidem fore crederent Sanctorum Angelorum, & hominum beatitatem, non

autem damnatorum miseriam, ut constat ex Augustino lib. 21. de *Civit. Dei* cap. 17. Nituntur ii potissimum, præter argumenta ab humana ratione arcessita, de tortis quibusdam testimoniis Apostolorum Petri & Pauli: quorum prior *Actuum* 3. asseruit oportuisse a Christo cælum occupari usque in tempora restitutionis omnium, *Apocatastasicos* pandon. Id enim Apostolum velle arbitrantur Regnum a Patre traditum esse Filio seu hominum, Angelorumque omnium capiti, quo cuncta, quæ per Angelorum pariter, & hominum peccata in deteriore statum prolapsa sunt, ita in integrum restituantur, ut nullum omnino peccati, adeoque nec miseris peccato debitæ vestigium superfit, omnesque regnum illud felicissimum component, quo Beati cum Christo sine fine regnabunt. Alter vero 1. *Corinth. cap. 15.* de eodem Christi regno verba faciens, oportet, inquit, eum regnare, donec ponat omnes hostes ejus sub pedibus ejus. Novissima autem destruet mors: nempe, ut ipsi interpretantur, pœna inferni, quam mortis nominæ significatam putant. Quod etiam confirmare satagunt aliis Scripturæ textibus, ac præsertim Apocalypseos, quos in loco accurato examine discutimus.

VIII. Diverfa plane via incedunt Sociniani, aliisque armis Ecclesiæ fidem oppugnant. Non enim ea ratione finiendam censent impiorum miseriam, quod ex ipsa tandem liberandi sint, & ad gaudia æterna perducendi; sed quod vel statim ab illorum morte, vel post extremi Judicii diem ob perpetrata crimina in nihilum sint redigendi, Justis æternæ vitæ possessione beata in cælo fruentibus. Horum & opinionem, & opinionis præcipuum fundamentum nitide exponit Lokius loco supra citato. Expensens enim sententiam illam, quam Deus Adamo comminatus est, in quacumque die comederis ex ea, arbore scilicet scientiæ boni, & mali, morte morieris, contendit non aliter quam de mor-

(a) Ex Classenio, Leibnitio, & hist. Socinian.

(b) Videſs Bibliot. select. Joſ. Clerici Tom. 26.

morte totum hominem spectante, sive destructione tum animæ, tum corporis, accipiendam esse: quod etiam colligi existimat ex verbis Apostoli Pauli ad Rom.: *per unum hominem peccatum intravit in mundum, & per peccatum mors*, mors nimirum, ut inquit ille, nedum corporis, sed & animæ, sive quæ utriusque partis excidium complectatur, adeo ut hæc sola sit a supremo Iudice pœna constituta in Adamum divini præcepti transgressorem, & in omnes, qui Adami vestigia peccando sectati fuerint. Neque enim, subdit, verosimile est Deum mortis nomine vitam intellexisse ærumnosam, magnisque doloribus affectam, quæ mors vera nec est, nec appellari jure potest. Quod stramineum fundamentum alii rursus roborare nituntur omnibus illis Scripturæ locutionibus, quibus æterna impiorum damnatio exprimitur nomine *mortis*, vel *interitus*, vel *perditionis*, aliorumque similium, quæ occurrunt. Quidam tamen ex Socinianis, quos tam absurdæ doctrinæ puduit, eam ita emollire studuerunt, ut assererent impios quidem omnes demum in nihilum redactum iri, sed nonnisi post perfoluta in inferno supplicia juxta criminum qualitatem,

& numerum brevius aut diutius duratura.

IX. Adversum itaque hujusmodi errores, quos hac præsertim tempestate nostra peperit, aut invexit novitatis amor, & ef-franis opinandi licentia, bellum aggredior in hac tertia, ac postrema Dissertatione. Quod ut felicius exequar, quatuor in eorum confutationem, & catholici dogmatis defensionem præstanda suscipio. Primo scilicet ostendam æternum impiorum cruciatum veritatem esse tam in veteri, quam in novo Testamento manifeste a Deo revelatam, clarissimis utriusque documentis in medium productis, & ab adversariorum officiis & cavillationibus vindicatis. Deinde ea, quæ vel Origenistæ, vel Sociniani in erroris præsidium ex iisdem sacris litteris proferunt, testimonia diligenter excutiam. Tum vero perenni Sanctorum Patrum traditione, & universæ Ecclesiæ constanti fide palam faciam non alium adductis scripturæ sacre textibus sensum tribuendum esse, quam qui tribuitur a Catholicis. Denum argumenta omnia, quæ ex humanæ rationis penu educta Adversarii protrudunt, ad crism vocabo, eaque inepta esse pluribus evincam.

C A P U T II.

De vocibus, quibus in libris tum V., tum N. Testamenti æternitas, aut status sine fine duraturus exprimitur. Triplex vox in Hebraica lingua ad eam significandam adhibita, Holam, Netach, & ad, quarum duæ posteriores semper, prior frequentius eandem designat. Vox greca xon non omnino retinuit significationis vim, quam sortita est ab initio, nec in sacris litteris ad interminatam durationem denotandam semper assumitur: illam tamen indubie denotat, cum geminatur: quemadmodum & dictio inde derivata xonion. Redarguitur Daniel Huetius, qui ex parte huic significationi repugnat.

I. **I**LLUD igitur primo loco demonstrandum suscipimus, æternum impiorum cruciatum dogma esse a Deo in sacris litteris manifeste revelatum, atque adeo conticescere debere humanam rationem, promptæque assensum inflectere in obsequium divinæ Autoritatis clare, distincteque loquentis. Ut autem hæc veritas lucidissime pateat, viaque sternatur ad effugia, qui-

bus elabi solent Adversarii, præcludenda, quædam in antecessum notanda operæ pretium censui circa voces Hebraicas, & Græcas, quibus vel in Veteri, vel Novo Testamento æternitas aut status sine fine duraturus designatur, earumque vim, & significationem.

II. Tres voces præcipue habemus in lingua Hebraica, sive in Sacra Scriptu-

ra ad significandam æternitatem, aut statum æternum institutas, nempe *Holām*, חַלָּם *Netsach*, & נָגַד *ad vel ngad*, quibus addunt etiam סֶלֶב *Selab*.

De voce *Holām*, quæ derivatur ex radice verbi חָלַל *Holāl*, quod *abscondere*, vel *latere*, significat, hæc habet Sanctus Pagninus in *Theſauro lingue Sanctæ* Col. 1748.: חָלַל *Holām*, idest *seculum, perpetuum, æternum, sempiternum*: cum quo conveniunt cætera Lexica Hebraica, idque nonnullis exemplis confirmant ex plurimis, quæ extant in sacris litteris. Quare propria, & primigenia illius notio hæc est, ut id, quod aut finem non habet, aut principium, hoc nomine intelligatur: quod enim est huiusmodi, *latens*, vel *absconditum* est.

Transfertur autem nonnumquam ad ea significanda, quæ principium quidem, vel finem habent, sed valde remotum & incertum: quemadmodum & illa aliquando, de quibus licet minime dubitetur, quin utrumque habeant, æternum tamen durarent, si æterna res esset, de qua enunciat: ut æterna servitus de Mancipio, quod anno Jubilæi in libertatem se non restituit. S. Hieronymus lib. 1. Comment. in Epist. ad Galatas Cap. 1. docet *Holām* cum sine littera ו *vau* scribitur, significare annum Jubilæi, ut Exodi Cap. 21., sitque ei servus לְחַלָּם *Leholām*: æternitatem vero cum habet litteram ו *vau*. At quidquid sit de hac regula, quam universim veram non iudicant Viri eruditi (a), illud certum esse debet *Holām* frequentius in Sacra Scriptura, immo fere semper ad æternitatem preſſe acceptam significandam assumi, ut innumeris propemodum locis conſtat. transferri autem interdum ad significandum tempus revera finitum, sed quod vel remotissimum principium aut finem habet, vel cui nullus terminus præstituitur, propter similitudinem quamdam & umbram æternitatis, & ob communem hominum conceptionem, qui res huiusmodi ita acci-

piunt, ac si principio carerent vel fine. Quamobrem aut fallit, aut falsus est Joannes Clericus, dum Tom. 8. *Bibliothecæ selectæ* vocem *Holām* ita declarat, ac si in Scriptura æque indifferens foret ad utramque durationem, finitam scilicet & infinitam designandam. Hanc enim proprie, illam vero solum improprie designat.

III. Altera vox ad æternitatem significandam in Scripturis adhibita est נָגַד *ad*, aut *ngad*. De hac ita Pagninus loco laud. Col. 1657., & cæteri cum ipſo: נָגַד (*ngad*) significat *seculum æternitatem*: Isaie 57. V. 15., Sic dic *Excelsus*, & *elevatus habitans* (*ad*), idest æternitatem, & 26. 4. sperate in Domino (*langad*), in seculum, in perpetuum, perpetuo, & 65. 18. exultate (*langad*) semper, sine ulla intermissione. Psalm. 19. 10. timor permanens (*langad*), (70.) in seculum seculi, Hieronymus, perseverans in secula, & Psalm. 9. 19.: patientia pauperum non peribit (*langad*), in finem: Et Psalm. 21. 7.: quoniam pones eum in benedictionem (*langad*) in seculum seculi, & Psalm. 22. vivet cor vestrum (*langad*) in seculum. 70. sæpe vertunt in seculum seculi. Omitto alia plura exempla, quæ & ipse, & alii producant.

IV. Tertia tandem est נֶצַח *Netsach*, quæ quidem multa significat, nempe. *Victoriam, potentiam, robur, fortitudinem*, sed etiam ad æternitatem designandam, perennitatem, & seculum adhibetur, eo quod, ut inquit Rab. David citatus ab eodem Pagnino, *res fortis est perpetua, jugiterque permanet*. Exempla sunt inter alia plurima, Psalm. 16. V. 12. *jucunditates, aut delectationes in dextera tua* נֶצַח (*netsach*), usque in finem, in seculum, in perpetuum; & Psalm. 13. 1. usquequo Domine oblivisceris me נֶצַח (*netsach*), in finem, in perpetuum, in æternum. Et Psalm. 9. V. 19.: quia non נֶצַח (*lanetsach*) in seculum oblivioni tradetur pauper, 70.,

non

(a) Vide, si lubet adnotationem in hunc S. Hieronymi locum Cl. V. Dominici Vallarsii Presbyteri Veronensis in sua editione Operum S. Patris.

non in finem oblivio eris pauperis, Hieronymus, in aeternum &c.

V. Porro duæ hujusmodi voces נָצַח (*Ad*) & נֶצֶח (*Netsach*), cum ad durationem significandam assumuntur, æternitatem semper designant, sive tempus interminatum, nec arbitror exemplum ullum ex sacris litteris asserri posse, in quo pro duratione finita, sive pro diuturno solum tempore accipiantur. Cujus rei præter loca jam indicata, & alia plura quæ produci possunt, apud Raimundum Martini (a) habemus testimonium ejusdem R. Davidis Kinchi, qui in libro radicum ita scribit: *Exposuerunt (magistri) hanc dictionem נָצַח (ad), id est in sempiternum. Sic quoque in verbis Magistrorum traditio est de domo Eleazar: omnis locus, in quo dicitur Netsach, vel Selah, vel Ngad, non habet intermissionem usque in sæculum; & sæcula sæculorum.* Quod pariter confirmant viri linguæ sanctæ peritissimi, quos inter Maimonides ex Hebræis, & Crojus ex Christianis (b).

VI. Quoad dictiones Græcas attinet, quibus æternitas & in novo Testamento, & in iis libris Testamenti Veteris, quos Græce tantum habemus, significatur, occurrit in primis vox αἰών ex qua latinum ævum, & plurali ævæ. Vim hujus vocis exponit Aristoteles lib. 1. de celo Cap. 9. docens αἰώρα significare finem, qui continet universum tempus infinitum, eo quod semper sit, dictumque esse αἰώρα ab αἰ, & ἔων id est ab eo, quod semper sit. Vossius de litterarum permut. Verbo ævum hæc habet: "Æon dicitur quasi αἰών, semper existens, ut scripsit Aristoteles lib. 1. de celo, ni-

si potius (quæ doctissimi Abrahami Colteri suspicio est) ab Arabum آوان, quod illis ævum denotat. Porro ea Græci αἰών etymologia quam posuimus, confirmat sententiam Servii sic scriptis in 6. Æneadum: ævum proprie æternitatis est, quæ non nisi in Deos venit. Ennius: Romulus in celo cum Diis genitilibus ævum degit. — Male autem vendicavit ulus, per quem dixit Maro, longævusque Jenes. Plenius vero Censorinus Cap. 16., ævum, inquit, est immensum sine origine, sine fine, quod eodem modo semper fuit, semper futurum est. In eadem significatione vocem αἰώρα sumptum Plotinus, Proclus, Ætimologus, & alii inter extraneos, & inter nostros Isidorus, Orig. lib. 5. Cap. 38. inquit; ævum est ætas perpetua, cujus neque initium, neque extremitas noscitur, quod Græci αἰώρα vocant. Quamquam vero hæc sit primitiva hujus vocis significatio, consentiunt & Aristoteles, & Isidorus, & alii quod extensa subinde fuerit ad significandum tempus circumscriptum ut centum annorum, aut ætatis hominum: atque hinc longævus, grandævus, coævus &c. Hinc etiam adjectivum ex Verbo αἰών derivatum αἰώνιος in prima sua notione æternum proprie significat, eamque etiam postea retinuit: sed nihilominus aliquando, raro tamen, ad diuturnum tempus ac præsertim centum annorum spatium denotandum a prophanis Scriptoribus transfertur: Sic e. g. ludos, qui centenis fere annis recurrebant αἰώνιος Græci dixere.

VII. In sacris vero litteris, quarum sensum inquirimus, maximeque inspicere

(a) In Pugione fidei 3. part. dist. 3. Cap. 11.

(b) Sunt, qui opponant quod vocem נָצַח ad testum quemdam ex Cap. 20. com 4. lib. Job, hoc scio נָצַח נֶצֶח a principio, ut Vulgata, vel a sæculo, ut alii, ex quo positus est homo super terram, quod laus impiorum &c. Quo in loco vox נָצַח ad nonnisi tempus finitum significare videtur. Cajetanus propter hoc testimonium putat Super Naamaibitem, ejus ea verba sunt, credidit mundum existisse ab æterno. Sed hæc responsione prætermissa, dicendum potius neque hunc locum constituta significationi adversari. Nam, prout testatur mihi est Vir linguæ hebraicæ callentissimus, & textus ipse satis postulare videtur, נָצַח נֶצֶח juxta vim linguæ sanctæ, idem valet ac a semper, ab omni ævo, vel tempore, semper fuisse, esse, & futurum esse. Ideo autem dixit, a principio, ex quo positus est homo super terram: quia ante hominis conditionem nihil fuit, unde estatum suum verificari posset.

ere debemus, dictio αἰών, quam sæpesculum latine vertunt, non unam habet significationem. Nam quandoque per metonymiam ponitur pro iis, quæ a Mundi amatoribus sunt mortalis huius vitæ tempore, sive pro malis hominum actionibus. Hoc sensu scribit Apostolus ad Rom. Cap. 12. *nolite conformari huic sæculo : & ad Galatas 1. Christus dedit semetipsum pro peccatis nostris, ut nos redimeret de presenti sæculo nequam : & hoc etiam sensu 2. ad Corint. Cap. 4. Diabolum vocat Deum huius sæculi.* Frequenter vox αἰών assumitur ad duplex spatium designandum, spatium nempe temporis, quo homines vivunt in hoc mundo, & illud, seu totam illam durationem, quæ exinde succedit, maximeque futura est post extremi Iudicii diem. Hinc crebræ illæ locutiones, *neque in hoc sæculo, neque in futuro : sic eris in consummatione sæculi : usque ad consummationem sæculi : & in sæculo venturo vitam æternam : qui digni habentur sæculo illo,* aliæque huiusmodi cuiuslibet satis obvise. Hinc etiam homines nimium additi rebus caducis & temporalibus, nominantur, *filii huius sæculi, sapientes huius sæculi, divites huius sæculi &c.* Quare ex hac sola voce αἰών, nisi aliquid addatur, aut aliunde determinetur, nullum ad asstruendam æternitatem argumentum elici valet. Maxime porro determinatur ad significatum ipsius, cum vox illa geminatur : geminatio siquidem vim locutionis augeat, eamque transfert ad infinitam durationem denotandam : Unde si legas duntaxat *in sæculo in ætæron* αἰών, necesse non est ut æternitatem statim intelligas : si vero *in sæculo & sæculo* αἰών αἰών, αἰών αἰών, vel *in sæculo sæculi* αἰών αἰών, αἰών αἰών, ac præcipue pluraliter *in sæcula sæculorum* αἰών αἰών αἰών, procul dubio æternitatem, sive duratio interminata intelligenda est. Nullum enim locum reperies ex plurimis, quæ extant in sacris Evangeliiis, cæterisque canonicis libris, in quo probari possit locutiones huiusmodi sumi pro tempore circumscripto vel finito. Sed neque aliter, quam pro duratione interminata sumuntur a quibusvis aliis

scriptoribus tum Græcis, tum Latinis.

VIII. Quamquam dictio αἰών, nisi definiatur, pro finito sæpe tempore accipiat, pluresque alias in sacris litteris significationes habeat, idem tamen dicendum non est de adiectivo ex ea derivato vocabulo αἰώνιος, vel αἰώνιος, quod nonnisi pro interminata duratione usurpatur in iisdem saltem sacris litteris, ut communiter tradunt Scripturæ Interpretes, & vocum significationis periti, ac jam antea advertit S. Augustinus in libro contra Priscillianistas, & Origenistas, cuius hæc sunt verba : *sicut latine sæculum cum aliquo sine intelligatur, æternum vero nisi id, quod sine fine est, non soleat appellari : æon autem græce aliquando æternum, aliquando sæculum significare intelligatur ; tamen, quod ex hoc nomine derivatur, & appellatur αἰώνιος æonion nec ipsi Græci quantum existimo, solent intelligere nisi id, quod non habet finem. Nos autem sive αἰώνιος æona, sive αἰώνιος non solemus dicere nisi æternum : Sed αἰώνια æona dicimus & sæculum ; αἰώνιος autem nonnisi æternum. Idque probari potest sexcentis Scripturæ Sacræ locis, in quibus iccirco latinus interpret Græcum æonion vertit æternum vel sempiternum. Diluit subinde Augustinus difficultatem, quam ingerere posset quidam Apostoli locus in Epist. ad Titum Cap. 1. cui par respondet in Epist. ad Timot. iniquis : dixit autem Apostolus æterna tempora priora & antiqua quod in Græco legitur προ αἰώνων αἰώνιος chronon æonion. Ad Titum enim scribens ait : Spem vitæ æternæ, quam promissit non mendax Deus, ante tempora æterna. Cum autem retrorsum tempora a constitutione mundi habere videantur initium, quomodo sunt æterna, nisi quia æterna dixit, quæ ante se non habent ullum tempus?*

IX. His tamen non omnino assentit Daniel Huetius, in Origenianis lib. 2. Cap. xi. quoniam & Augustinum carpit, ac si perperam vocem æonion interpretatus fuerit : contenditque eandem primitivi sui αἰών æon notationem ita representare ut rem indicet quandoque infiniti temporis, quandoque rem certi temporis, & terminati, seu, quod huic scri-

pto

ptori perinde est, æque indifferens sit ad utrumque significatum: atque id confirmare nititur duobus ex Scriptura petitis exemplis, quæ sibi jam obiecerat S. Pater, & frustra, inquit ille, *solvere satagit*, nimirum sententia quæ occurrit in Pentateucho, *legitimum sempiternum erit &c.* quod Græcus vertit *αἰώνιος*, & verbis modo memoratis ex Apostolo, *spem &c. Quam promissit Deus aeternam* *αἰώνιον*.

X. Verum fallitur Huetius, vir quidem doctissimus, sed in quo maiorem aliquando diligentiam, & criterium paulo accuratius desideres, dumque Augustinum refellit, potiori *be jure* refellendum præbet. Quid enim? Etiam si admitteremus in sacris litteris uno vel altero loco vocem *æonion* applicari rebus, vel initium habentibus, vel finem habituris, nunquid propterea offerri absoluto sermone potest eam vocem *quandoque infinitum, quandoque finitum tempus indicare*, sive ad utramque significationem indifferentem esse? Nonne regula est certissima a Criticis omnibus peritioribus probata, *non tolli pro sensu proprio verborum presumptionem, exceptione particulari: quia presumpcio militat pro illo sensu, qui regulariter verbo subijcitur?* Ducunt supra loca proferri possunt ex sacris litteris, in quibus vox *æonion* durationem interminatam certo significat. Quid uno vel altero loco objecto eam significationem concutere, & labefactare pertentas, propriamque huiusce nominis vim indifferentem facere ad utrumque significatum, finiti scilicet temporis & infiniti? Quis est qui nesciat vix ullam esse vocem proprie aliquid significantem, quæ nonnumquam rei, cui proprie non convenit, sed per quamdam solummodo analogiam, non applicetur? Sic vox hæc *divinum*, quod solius Dei peculiare est, ex se designat; & tamen de creatis rebus aliquando dicitur; idem dicas de innumeris aliis vocibus satis obviis. Nonne consensit Huetius latinum nomen *æternum*, & *sempiternum* durationem in-

terminatam proprie tantum significare, neque esse vi sua ad finitam etiam significandam indifferens? Neque tamen ignorare potest quandoque rebus etiam finem habentibus per tropum aliquem vel figuram imponi (a): quin immo in eodem ipso loco, quem objicit ex Pentateucho, quod Græcus *αἰώνιος*, latinus Interpres vertit *sempiternum*, quamquam nescius non esset legales illas caeremonias, de quibus anuntiatur, jam abolitas fuisse. Quemadmodum igitur hoc non officit, quominus huiusmodi voces *æternum*, & *sempiternum*, proprie semper accipiamus pro duratione finem non habente, nisi quidpiam cogat aliter interpretari; ita nec obesse poterit, quod idem asseramus de voce *æonion*, quamquam uno vel altero Scripturæ loco pro finito tempore sumeretur.

XI. Cæterum neque loca illa, quæ opponit Huetius, adeo aperta sunt, ut iis merito potuerit & Augustino, & communi sententia repugnare. Et primum quidem, cui ipsi Origenistæ maxime fidunt, infra discutimus, & quo sensu legales caeremoniæ *sempiternæ* appellatæ fuerint, aperiemus. Alterum vero ita frequentius sacri Expositores interpretantur, ut Apostolus intellexerit Deum electis suis vitam æternam decrevisse ante tempora æonia, seu ab ipsa æternitate, sive ante omne tempus tum verum, quod cum ipso mundo condito fluere cœpit, tum imaginarium, quod nempe ante mundi constitutionem in æternitate præexistisse concipimus: qui sensus nedom minime favet Huetio, sed potius contrarius est.

XII. Præter voces *æon*, & *æonion*, habetur etiam in Sacra Scriptura ad statum æternum designandum vox illis affinis *αἰδώς*, quod presse *sempiternum* latine vertas. Duobus tantum in locis, nisi fallor, vox hæc in novo Testamento usurpatur, & semel in veteri, videlicet in Epistola ad Rom. Cap. 1. ubi Apostolus ait, *invisibilia Dei per ea quæ facta sunt intellecta conspiciuntur: sempiterna*
C c

(a) Sic Phædr. lib. 2. ad fin. Servumque collocarunt æterna in basi: Sic Plinius lib. 14. Cap. 2. de vite. Nec est ligno ulli æternior natura &c.

torna quoque ejus virtus, si dicat *וְאֵין דִּימְיוֹתָיִם*. Et in Epist. S. Judæ *Angelos vero, qui non servaverunt suum principatum &c. in judicio magni dei vinculis æternis detentis aſſidens sub caligine reſervavit*. Et Sapien- tia 7. 26., *candor est lucis aſſidens æter- næ*. Sunt & aliæ in ſacris libris locutio-

nes, quæ æternam durationem designant, æque præſentim, quæ per negationem finis, aut termini exprimentur, ut *immortalis, inextinguibilis &c.* de quibus cum nulla difficultas occurrat, ideo ab iis proferendis nunc ſuperſedeo.

CAPUT III.

Tria ſcripturarum genera ad probandum poenarum inferni æternitatem. Primum pro- ponitur eas locutiones complectens, quæ poſitivo nomine eamdem designant. Ex illis nonnullæ extant in libris V. Teſtamenti, quarum quedam illuſtrantur. Plures ve- ro, certioresque ſuppeditant novi Fœderis oracula.

I. **C**onſtituta propria vi, ac ſignifi- catione vocum, quibus in ſacris libris æternitas, aut ſtatus ſine termino duraturus exprimitur, accedo ad ea loca proferenda, quæ æternum impiorum ſupplicium ab iſdem aut aſſeritur, aut certiffime colligitur. Ea vero in tres claſſes majoris claritatis gratia parti- ribi: quarum prima locutiones omnes complectitur, quæ poſitivo nomine ſup- plicium illud æternum enunciant: altera, quæ idem declarant per negatio- nem finis, aut termini: tertia demum eas ſententias continet, quarum veritas conſtare neutiquam poteſt, niſi damna- torum miſeria nunquam deſitura ponat- ur. Atque a primis incipiens ea dun- taxat teſtimonia proferam, quæ certio- ra videbuntur, miſſis pluribus aliis, quæ a noſtratibus aſſerri ſolent, quæ certæ probationis effe non judico.

II. Ex veteri itaque Teſtamento pri- mus locus habetur Jobi cap. 4. com. 20. his verbis: *de mane uſque ad vesp̄ram ſuccidantur: & quia nullus intelligit, in æternum peribunt*: quæ Vulgatæ lectio cum textu hebraico conſentit. Perſpi- cuum eſt ſermonem hic fieri de divi- ni juſtitiæ deſervientibus in impios tum in hac, tum in futura vita: ſenſuque germanus horum verborum eſt: *de mane uſque ad vesp̄ram*, ſive toto hu- juſce vitæ tempore uſque ad mortem, Juſtus Deus ultionem ſumet de im- piis, & peccatoribus; & quia hi ju-

ſtitiam divinam non agnoſcunt, neque intelligunt ea mala, quæ patiuntur ſibi ob peccata divinitus immitti, adeoque nihilo meliores ob has calamitates eva- dunt, ideo in æternum peribunt, hebrai- ce *וְאֵין דִּימְיוֹתָיִם lanetzac fovedu*. Textus iſte pro catholico dogmate ex veteri Teſtamento adſtruendo clariffimus eſt: nec ſane video quo pacto a quoquam eludi poſſit: in eo quippe ſermonem fieri de pœnis, quibus puniendi ſunt impii tum in præſenti, tum in futura vita dubitari nequit. Futurum itidem ſupplicium non diuturni temporis eſſe, ſed ſine fine manſuri, clamat vox *וְאֵין דִּימְיוֹתָיִם lanetzac*, quam uſurpat Scriptu- ra ad hujuſce poenæ durationem deſi- gnandam.

III. Locus alter æque perſpicuus extat in Pſalm. 91., ubi regius Propheta ſic loquitur: *cum exorti fuerint peccato- res, ſicut ſænum, & appaſſerint omnes, qui operantur iniquitatem, ut intereant & ad ade in ſæculum ſæculi: tu autem altiffimus לְעוֹלָם leolam in æternum, Domi- ne*. Loqui hic Davidem de præſenti im- piorum proſperitate, & de futura eorum ſorte ac miſeria, res clara eſt, ac penes ſacros Interpretes explorata (a), & ligni- cat, peccatores, poſtquam germinave- rint, & creverint, valdeque conſpicui fuerint in ſublimitate honorum, pro- ſperitate vitæ, ac divitiarum abundan- tia, divinx juſtitiæ ultionem expetru- ros, brevemque ipſorum gloriam in per- petuum

(A) Vide Vatabium, Carium, Lorinum &c.

petuum afflictionem & ignominiam commutatum iri. Deum vero, illis in exitium sempiternum abeuntibus, in suae gloriae ac felicitatis fastigio jugiter permanfurum cum Sanctis & electis, de quibus subinde sermonem habet. Porro durationem miserrimi impiorum status emphatice Propheta exprimit per verba *וְיָמָיו אֲדָה*, quae nonnisi de infinito tempore intelligi possunt. Unde & Vulgata vertit, *ut intendant in saeculum saeculi*: S. Hieronymus, *ut conterantur usque in sempiternum*: & Paraphrasis Chald., *ut destruat eos Deus usque in aeternum*. Quod etiam ex verbis, quae statim subjicit, evidenter apparet. Opponit enim felicissimam Dei aeternitatem aeternae illorum miseriae, designatque, quod sicut Deus cum beatis immutabiliter regnatorus est in summa felicitate, ita impij in summa contritione & calamitate indefinenter manebunt.

IV. Tertius locus habetur Pſalm. 48., ubi Propheta in primis deſcribit impios in inferno poſitos, & pabulum mortis effectos, eorumque gloriam in ſupremo reſurrectionis die penitus ſuccuſſam, & in ignominiam converſam, inquires : ſicut oves in inferno poſiti ſunt, mors depaſcet eos : & dominabuntur eorum juſti in matutino, ideſt principio novi, & futuri ſæculi : & auxilium eorum veteraſcet in inferno a gloria eorum. Deinde de homine divite peculiariter loquens ſubdit : ne timueris cum dives factus fuerit homo, & cum multiplicata fuerit gloria domus ejus : quoniam cum interierit non ſunt omnia, neque deſcendit cum eo gloria ejus. Ac tandem concludit : introibit uſque in progenies Patrum ſuorum, hoc eſt, introibit uſque ad ea loca, ad quæ illum præceſſit progenies ſuorum Patrum, ut eos ſequatur in ſuppliciis, quos ſecutus eſt in flagitiis : & uſque in æternum non videbit lumen, in Hebræo pro in æternum eſt עַד נֶצַח ad Netzac, quæ ambæ voces æternitatem preſſe ſignificant, majoremque invicem conjunctæ vim ſignificatio adiungit. Unde & Hieronymus vertit : vivet ultra in ſempiternum, & uſque in finem non videbit lumen. Paraphraſtes : improbi in ſæcula ſæculorum

*non videbunt lumen. Et Symmachus: vi-
vens semper perseverabit.*

V. Aliud etiam testimonium legitur in Psalm. 51. com. 7., ubi David de homine impio, & peccatore prædicat; *propterea Deus destruet te* נָחַץ לַנֶּצֶחַ in finem, sive usque in sempiternum: *evelles te, & emigrabit de tabernaculo tuo, & radicem tuam de terra viventium*, scilicet, ut exponunt Interpretes, & *exigit natus orationis sensus, propter iniquitatem tuam Deus te radicatus destruet in hoc sæculo, & in futuro, ut in æternum destructus, & a sede Beatorum ejectus semper maneat absque ulla emergendi spe ex hac extrema desolatione.*

VI. Duo loca evidētia suggerit ad veritatem eandem comprobādam Propheta Isaias, quæ jam superius vindicata sunt, dum de inferorum igne ageremus. Alter petitur ex cap. 33., ubi peccatores, & hypocritas alloquens, *quis poterit*, inquit, *de vobis habitare cum igne devorante? quis habitabit ex vobis cum ardoribus sempiternis*, in hebræo *קולם חולם*. Graviores omnes Interpretes, ut diximus, non nisi de futuris impiorum cruciatibus locum hunc explicandum esse definiunt. Porro vox illa *holam sempiternis* preste tantummodo accipi potest pro duratione sine caritura, ut observat Vitringa cum aliis; quia supplicia temporaria non explent *emphatim* phralios hebraicæ. Hinc de igne æterni tum Paraphrastes Chald., tum cæteræ quæque versiones interpretatæ sunt. Sumitur alter ex cap. 66., quem infra opportunius expendam.

VII. Ezechiel quoque ita de gente contumaci prænunciat Cap. 26. c. 20.; cum detraxero te cum his, qui descendunt in lacum ad populum חַיִּים holam sempiternum, & collocavero te in terra novissima, sicut solitudines veteres cum his, qui descendunt in lacum &c. Exitum hic futurum significari satis liquet; neque enim sempiternus populus, ad quem detrahendi sunt nefarii Dei hostes, aliter intelligi nequit præter homines jam a divina iustitia ad Gehennam prædamnatos. Unde S. Hieronymus, R. Salomon, & alii communiter ita locum hunc interpre-

tantur: cum his, qui descendunt in lacum, idest in infernum ad æternum ignem destinatis constituam te in sempiternum arsuram.

VIII. Sed præ cæteris luculentissimum est testimonium Danielis cap. 12. his verbis conceptum: *multi de his, qui dormiunt in terræ pulvere evigilabunt: alii in vitam æternam, & alii in opprobrium ut videant semper*, sive juxta hebraicum textum, in contemptum holam æternum, ut vertunt 70., Vatablus, & Pagninus, vel reprobationem æternam, ut Marinus in Lexico, aut secundum alios in durationem doloris æternam. Quæ verba, ut advertunt sacri Interpretes, perspicue, & aperte designant futuram felicitatem bonorum, & malorum calamitatem, sive alterius vitæ omnium retributionem sine fine duraturam: idque omnino exposcit cum contextus ipse, tum ea, quæ antecedunt, & subsequuntur. Cap. namque xi. agit Sanctus Daniel de iis, quæ supremum Dei iudicium præcessura sunt. Deinde caput hoc xii. orditur a descriptione eorum, quæ terribilem illum diem proximus antecedent, inquit: *in tempore illo consurgit Michael &c., & venit tempus, quale non fuit ab eo, ex quo gentes esse cœperunt usque ad tempus illud &c.; & multi*, sive omnes juxta consuetam Scripturæ phrasim, *evigilabunt, alii in vitam æternam, alii in opprobrium æternum*, ostendens malorum opprobrium æque æternum futurum, ac gloriam bonorum: statimque subdit: *qui autem docti fuerint, fulgebunt quasi splendor firmamenti, & qui ad justitiam erudiunt multos, quasi stelle in perpetuas æternitas* ועד לעולם ועד. Quis cæcus adeo fuerit, qui non videat non de præmio, aut pœna vitæ præsentis hoc loco sermonem fieri, sed de futuro?

IX. His demum adjicio ex antiquo Fœdere testimonia, quæ prostant in libris *Judith*, & *Sapientia*. In priore namque cap. 16. describens Sancta mulier Judith terribilem vindictam, quam Deus de impiis sumet in die Judicii, sic effatur: *Dominus enim Omnipotens vindicabit in eis: in die Judicii visitabit illos.*

Dabit enim ignem, & vermes in carnes eorum, ut urantur, & sentiant usque in sempiternum. Sapientia vero cap. 4. de iisdem dicitur: *videbunt finem sapientis &c. & contemnent: illos autem Dominus irridebit. Et erunt post hæc decedentes sine honore, & in contumelia inter mortuos in perpetuum.* Quæ verba non de infamia, aut ignominia hujus sæculi, sed quam habituri sunt in inferno cum Dæmonibus, ac damnatis, accipiendi esse evidentissime colligitur ex iis, quæ sequuntur. Pergit enim Sapiens recensere cætera mala, quibus post hanc vitam obnoxii erunt, amarissimas ipsorum querelas, & inutilem pœnitentiam; tandemque opponit felicissimum iustorum statum perpetuo duraturum summæ & perpetuæ eorumdem miseriæ, dicens: *iusti autem in perpetuum vivent, & apud Dominum est merces illorum, &c.*

X. Frequentius, ac luculentius catholica de pœnarum æternitate sententia proponitur in novo Testamento. Peremptoria in primis sunt, quæ leguntur apud S. Matth. cap. 25., ubi Christus Dominus describens futurum in fine mundi universale iudicium, cum venerit Ipse in majestate sua, & omnes Angeli ejus cum eo, ovesque dividerit ab hœdis, sive electos a reprobis, protestatur se illis quidem dicturum: *venite benedicti Patris mei: possidete paratum vobis regnum a constitutione mundi*: Iktis vero: *discedite a me maledicti in ignem æternum, qui paratus est Diabolo, & Angelis ejus.* Ac postremo concludit: *Et ibunt ibi in supplicium æternum: iusti autem in vitam æternam.* Nulla in verbis, quibus hæc sententiæ latino idiomate referuntur, a textu græco dissensio. Tum primo, tum altero loco adhibetur ad æternitatem sive miseram, sive beatam significantem eadem vox αἰώνιον. Sensus quoque verborum clarissimus est, & cuilibet legenti statim manifestus. Neque hic, ut a libi sæpe, in parabolis, aut figuris loquitur Christus Jesus: sed diserite, & historice enarrat, quænam futura sit suprema electorum, & reproborum fors; & utramque eodem vocabulo sempiternam pronunciat.

XI. Quidam ex antiquis Origenistis, ut refert S. Augustinus lib. *de fide, & oper.* hujusce sententiæ vim effugere conabantur, dicentes ignem quidem, ad quem reprobi damnandi sunt, futurum æternum, at non æternum eisdem in igne permanfuros, sed ex illo tandem ereptum iri, cum nempe divinæ Justitiæ, ac bonitati visum fuerit. Verum absconam hanc futilemque responfionem jam penitus contrivit Sanctus idem Augustinus, solo ejusdem Evangelicæ sententiæ contextu, inquires: *neque illud dici hic poterit, in quo nonnulli seipfos seducunt, ignem æternum dictum, non ipsam combustionem æternam &c.*, ut videlicet ipse ignis æternus sit; *combustio vero eorum, hoc est operatio ignis, non fit in eos æterna: cum & hoc prævidens Dominus sententiam suam conclusit ita dicens: sic ibunt illi in combustionem (a) æternam; justi autem in vitam æternam: Sed & ipsum æternitatis nomen igni adjectum, cui addicendi sunt reprobi, non solum Dæmonibus sempiternis cruciatus illaturum esse significat, sed iis etiam, qui æterno igne damnantur: ut si quis æterno addici carceri dicatur, nemo aliter intelligit, quam illi ipsi, cujus in eo supplicium constituitur, non alteri, fore sempiternum. Verum missa hac evasione, quam nullus recentium Origenistarum amplectitur, ad alia loca progrediamur.*

XII. Matth. Cap. 18. c. 8. eadem increata Veritas ita loquitur: *bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum.* Joan. Cap. xi. c. 26.: *qui vivit, & credit in me, non morietur in æternum.* S. Paulus 2. ad Theffalon. Cap. 1. com. 9. de iis, qui non noverunt Deum, neque obediunt Evangelio Christi, scribit: *qui pœnas dabunt in interitu æternas a facie Domini, & a gloria virtutis ejus.* Sanctus Apostolus Judas tribus in locis Epistolæ suæ mentionem facit de hac re: Primo nempe com. 6. ait: *Angelos vero, qui non ser-*

vaverunt suum principatum, sed dereliquerunt suum domicilium, in judicium magni diei vinculis æternis sub caligine reservavit. Vincula hæc æterna, sive ut pressus in Græco, *sempiterna* dicuntur; quia si referantur ad tempus futurum post Judicium, semper eos tenebunt adstrictos; si vero ad tempus præsens, quo plures saltem ex Dæmonibus sub caliginoso hoc aere detinentur, iisdem ita vinciuntur, ut ea semper tamquam mancipia circumferant, a quibus expediendi nunquam sunt. Com. deinde 7.: *sicut Sodoma, & Gomorrha, & finitimæ Civitates &c. factæ sunt in exemplum ignis æterni pœnam sustinentes, pœnam illam videlicet, quæ subsecuta est incendium cælitus immissum in incolas impiarum Civitatum Sodomæ, & Gomorrhæ, quod ut advertunt Interpretes, ideo fuit in exemplum, quia jam tum constabat saltem apud Judæos, quicumque in lethali culpa deprehenderetur, cum subita eum mors occuparet, hunc æterno igne damnari. Locum hunc, quem in erroris sui præsidium trahunt adversarii, fusius infra discutiemus. Tandem com. xi. de quibusdam perditis hominibus Sanctus Apostolus ait: *veh illis, qui in via Cain abierunt &c. fluctus feri maris, despumantes suas confusiones, sidera errantia, quibus procella tenebrarum servata est in æternum.**

XIII. Sed omnium clarissima sunt oracular, quæ habentur in libro Apocalypsis, ubi de pœnis futuris verba faciens S. Joannes, eas triplici in loco in secula seculorum duraturas pronunciat. Primus extat Cap. 14. com. 10. in quo de omni, qui bestiam adoraverit, refert: *hic bibet de vino iræ Dei, quod mixtum est mero in calice iræ ipsius, & cruciabitur igne, & sulphure in conspectu Angelorum sanctorum, & ante conspectum agni, & fumus tormentorum eorum ascendet in secula seculorum, nec habent requiem die, ac nocte.* Et Cap. 19. c. 2.: *vera & iusta judicia sunt ejus, qui judicavit de*

(a) Videtur Augustini tempore apud Matthæum scriptum fuisse non *supplicium æternum*, prout nunc legitur, sed *combustionem æternam*, proindeque *æternus* non *æternus* ut in Græco legitur: quæ tamen vox tantumdem valet in præfenti, ac supplicium.

de meretrice magna &c. Et fumus ejus ascendit in secula seculorum. Et Cap. 20. c. 10. Diabolus, qui seducebat eos, missus est in stagnum ignis, & sulphuris, ubi & bestia, & Pseudopropheta cruciabuntur die, ac nocte in secula seculorum. Sola hujusmodi loca, etiamsi cætera deessent, rem conficere deberent: neque enim voces illæ αἰῶνας αἰῶνων in secula seculorum sensum alium admittunt præter æternitatis, sive durationis nullum terminum habentur: neque alio uspiam in sensu, quam ad æternitatem significandam in Scriptura usurpantur, ut constat ex innumeris locis, tum veteris, tum novi testamenti,

& ex ipso libro Apocalypseos, ubi pluries eadem voces repetuntur de Deo, de vita beata &c. Hinc omnes sacri Expositores hæc testimonia pro poenarum æternitate adstruenda decretoaria profitentur, ex quibus solius Calmeti in postremum locum verba refero: Hinc, inquit, aperte significatur æternitatis poenarum, quibus Demones, atque damnati excruciantur sunt, & consummatio eorum omnium, quæ pertinent ad militantem Ecclesiam, & bella, quæ illa est subitura. Judicio peracto omnia in certo, atque immutabili statu permanent, seu gloria pro beatis in celo, seu cruciatus pro demonibus, impiisque in inferno.

CAPUT IV.

Classis altera locutionum Scripturæ, quibus per negationem finis æternitatis reproborum exitii significatur. Satis clara sunt hujusce generis testimonia, quæ habentur in libro Job, sed illud clarissimum, quo vaticinium suum conclusit Isaias, quod & ipse Christus Dominus in Evangelio sua Autoritate communivit.

I. **A**LTERA classis Authoritatum, quibus catholicum dogma de æterna reproborum miseria comprobatur, eas complectitur, quæ negationem finis eidem attribuunt: quarum aliæ in antiquo, aliæ in novo Testamento inveniuntur. Et in antiquo quidem non obscura in primis loca quædam in rem hanc subministrat S. Job Cap. 20. Nam com. 18. de homine impio loquens sic ait: *luet, quæ fecit omnia, nec tamen consumetur: juxta multitudinem adinventionum suarum sic & sustinebit:* hoc est: cum omnia passus fuerit, quibus impii in hoc orbe vexantur, ad alias vitæ poenas gravius vexandus demigrabit, luetque in tormentis peccata omnia, quæ perpetravit, quin tamen unquam consumatur. Equidem vulgaræ lectionis textus non nihil dissentit in verbis ab hebraico: in hoc enim pro non consumetur legitur, non deglutiet, et non devorabit. Sed, ut observat Pineda cum aliis, nulla est in sensu varietas. Nam juxta canones grammaticos verbum illud reddi potest imperfonaliter, pro non deglutietur, aut non devorabitur, sive non consumetur, ut sensus sit: ne putet

impious restitutus, aut devolutis bonis alienis ad dominos suos, jam sibi reliqua salva esse, videlicet corpus, & animam. Manet enim adhuc illi culpa supplicio non desituro luenda. Quare sempiternis cruciatibus corpore & anima afficietur, nec unquam consumetur, seu nunquam vitam finiet in tormentis. Perpulcra sunt verba, quibus locum hunc commentatur S. Gregorius Magnus lib. 15. Moralium. *Perseverat, inquit, impius in tormento ea, quæ hic illicite servavit desideria, & flammis ultricibus traditus semper moritur, quia semper in morte servatur. Non enim in morte consumatur: quia si consumeretur vita morientis, cum vita etiam pœna finiretur. Sed ut sine fine cruciatur, vivere sine fine in pœna compellitur: ut cujus vita hic mortua fuit in culpa, illic ejus mors vivat in pœna. Luet, quæ fecit, omnia, nec tamen consumetur: quia cruciatur, & non extinguitur: moritur & vivit: deficit, & subsistit: finitur semper & sine fine est. Hæc solo auditu valde sunt terribilia, quanto magis passione.*

II. Hujusce loci sensum confirmat locus alter ejusdem Capituli com. 26., in quo de eodem impio Sermonem professus

quens S. Job inquit, *devorabit eum ignis, qui non succenditur*: quæ phrasis etiam a Propheta Isaiâ adhibetur. Ad quæ verba sic differit Pineda: „ Agnoscunt „ latini Interpretes in hoc loco ignem „ æternum, & vel ex hoc uno loco licet colligere æternitatem cruciatuum „ æternorum numquam remittentium, neque languentium. Nam ignis, qui statu accenditur, non semper eandem, „ & æqualem flammam tollit: sed per intervalla quædam quasi intermissam. „ Sicut enim flamma tollitur, & exurgit per statum, qui necessario intermittitur, ita etiam flamma suas habet coruscationes, & incrementa per intervalla. At ignis, qui non succenditur, idem semper, constansque, neque languescit, aut remittitur, neque attollitur, aut extinguitur. Quod graviter, atque sapienter explicuit Chrysost. Epist. 5. ad Theodorum lapsum inquiens: *cum audis ignem, ne arbitris esse similem huic igni: accensus enim deservescit, & mutatur. Ille autem semel in flammam exurgens ardet perpetuo, nunquam intermoritur. Hic quidem non contingit vehementia puniarum, & earum diuturnitas: altera enim cum altera pugnat propter conditionem corruptibilis corporis. Immortalitate autem succedente solvitur hæc pugna, & magna potentia nos in infinitum utraque mala possidebunt.*

III. Hoc ipsum satis aperte indicavit Job etiam Cap. 10. c. 21. verbis illis, quæ ad futuræ vitæ statum congruentius referri jam supra adnotavimus: *dimitte me ut plangam paululum dolorem meum, antequam vadam, & non revertar, ad terram tenebrarum, & operam mortis caligine, terram miseriæ & tenebrarum, ubi umbra mortis, & nullus ordo, sed sempiternus horror inhabitat.* Primam hujus periochæ partem, *dimitte &c. antequam vadam, seu ne vadam, & non revertar*, ad æternitatem puniarum pertinere observant Interpretes juxta vim locutionis he-

braicæ. Hinc S. Augustinus legit: *antequam eam in pœnas, unde reverti non licet.* Arctissimis enim tenebrarum vinculis conficti detinentur fontes, unde se expedire nunquam poterunt. Sic etiam 70. ad carceris locum & conditionem ea verba retulerunt: *antequam eam, unde non revertar.* Eademque ratione dictum est, *antequam vadam, & non revertar*, ac dixit Isaiâs Cap. 24. c. 20.: *gravabit eum iniquitas sua, & non adjiciet ut resurgat.* S. Gregorius Magnus ita locum hunc optime explanat: *quid terræ tenebræ nomine, nisi tetra Tartaric claustra signantur? quæ æternæ mortis caligo operit, quia damnatos quosque in perpetuum a vitæ luce disjungit. Sanctus autem vir sive suæ, sive humani generis voce dimitti se postulat, antequam vadat, non quia ad terram tenebrarum, qui culpam desbet, iturus est: sed quia ad hanc procul dubio, qui plangere negligit, vadit: sicut debitori suo creditor dicit: solve debitum, priusquam pro debito constringaris, qui tamen non constringitur, si quod debet solvere, non moratur. Ubi & recte subditur: non revertar: quia nequaquam ultra misericordia parentis liberat, quos semel in locis pœnalibus justitia Judicis damnat.*

IV. Huic sententiæ affine est, quod legitur Cap. 16. Lucæ, ubi de supplicio Divitis agitur, qui post mortem sepultus est in inferno. Ex ea liquidem narratione liquet apertissime nedum reprobos supra modum cruciari absque ullo refrigerio, sed insuper tali horrendo carcere concludi, unde regressus aut liberationis nulla spes affulget. Sic enim Diviti solamen aliquod in tormentis roganti respondit Pater Abraham: *in his omnibus inter nos & vos chaos magnum firmatum est, ut hinc, qui volunt transire ad vos, non possint, neque inde hic transmeare.* Ac si dicat: non miseretur ultra Deus (verba sunt S. Cypriani (a)) neque audiet penitentes. non ultra videbunt Deum in tenebris sigillati. Irregressibilis erit illa sententia; & im-

inmutabile iudicium, & stabit damnationis hujus immobile constitutum.

V. At inter omnia id genus testimonia splendidi, ac illustre est, quod habetur apud Isaiam Cap. 66. c. 24., nempe: *vermis eorum non morietur, & ignis eorum non exstinguetur, & erunt usque ad satietatem visionis omni carni*: quod totum suum vaticinium Propheta concludit. Agi inibi de futuro peccatorum supplicio certissimum est, idque præter Concordem Hebræorum & Christianorum Interpretum sententiam, ex iis, quæ alibi dicta sunt, manifestum fit. *Vermis* itaque eorum, quocumque demum sensu *vermis* nomen accipias, sive pro animali quodam, sive pro stimulo, & angore prævæ conscientiæ, *non morietur*, immortalis erit, semper impios corrodet, ac dilaniabit: & *ignis eorum non exstinguetur*, hoc est inextinctus jugiter permanebit, *flatu Domini*, ut antea dixerat S. Propheta, tamquam *torrente sulphuris* terribilem illam fornacem succedente, ne ullo unquam tempore misericordes damnatos torquere desinat. „ Erit (inquit ce- „ lebris Isaïæ interpretes Vitringa in hunc „ locum) tremenda revelatio divini iræ „ in statu opprobrii, cruciatus, odii „ invidiæ, tristitiæ, malæ conscientiæ, „ angoris, desperationis, & quidem quatenus consilium Dei de hoc statu nobis patefactum est, in omnem æternitatem duraturo *Vermis non morietur* duo significat, incorruptibilitatem in statu corruptionis, sive mortis, quæ mors hic supponitur spiritalis in æternum continuanda. *Vermis* enim non moriens supponit corruptionem non corrumpendam, hoc est non destitutam aut interitum unquam, sed perpetuandam per omnia sæcula &c., atque idem dicas de igne non exstinguendo.

VI. Parem locutionem pluries invenimus in sanctis Evangelii adhibitam. Apud Matth. Cap. 3. c. 12. Joannes Præcursor de Salvatore ait: *congregabit triticum suum in horrea*, sive iustos in regnum cælorum: *palcas autem*, sive

impios, *comburent igne inextinguibili*: quæ sententia iisdem verbis concepta habetur etiam apud Lucam Cap. 3. c. 17. Sed præcipue eam repetit, & inculcat Christus Dominus apud Marcum Cap. 9. Nam 1. Com. 42. sic admonet: *si scandalizaverit te manus tua, abscinde illam: bonum est tibi debile introire in vitam, quam duas manus habentem ire in Gehennam, in ignem inextinguibilem*. Hoc iterum monet Com. 44. dicens: *si pes tuus te scandalizat, amputa illum: bonum est tibi claudum introire in vitam, quam duos pedes habentem mitti in Gehennam in ignis inextinguibilis*. Et ne forte quis cavillari posset ignem quidem inextinguibilem esse, ac non eodem semper cruciatum iri damnatos, statim subjungit laudata Isaïæ verba: *ubi vermis eorum non moritur, & ignis eorum non exstinguitur*, quibus declarat non absolute se loqui de verme & igne inextinguibili, sed de verme & igne eorum, sive qui ipsos torquet & cruciat: & hanc sententiam eodem loco secundo ac tertio repetit, ut eam memoriæ omnium altius commendaret. Audi S. Augustinum ita in hæc loca præclare differentem (a): „ quod de sempiterno „ supplicio damnatorum per suum Prophetam Deus dixit, fiet, omnino fiet. „ Ad hoc enim vehementius commendandum etiam Dominus Jesus, cum „ membra, quæ hominem scandalizant, „ pro his hominibus poneret, quos ut „ sua membra dextra quis diligit, ea- „ que præciperet amputari: *bonum est*, „ inquit, *tibi debile introire in vitam*, „ *quam duas manus habentem ire in Gehennam, in ignem inextinguibilem, ubi vermis eorum non moritur, & ignis eorum non exstinguitur*. Similiter de pede: *bonum est tibi*, inquit, *claudum introire in vitam æternam, quam duos pedes habentem mitti in gehennam ignis inextinguibilis, ubi vermis eorum non moritur, & ignis eorum non exstinguitur*. Non aliter ait & de oculo: *bonum est tibi luscum introire in regnum Dei, quam duos oculos habentem, mitti in gehennam ignis; ubi vermis eorum non moritur, & ignis non exstinguitur*.

Non

„ Non eum piguit uno loco eadem verba „ repetitio, & illius pœnæ comminari
 „ ter dicere. Quem non terreat ista „ tio tam vehemens ore divino? „

C A P U T V.

Socinianorum responsio ad proposita Scripturarum loca perabsurda, & naturali summi sacrifque oraculis manifesto repugnans. Hujus occasione ipsorum systema funditus evertitur. Frustra illud erigere conantur Sociniani recentiores novo adjecto temperamento. Voces interitus, mortis, ac perditionis quo sensu de reproborum pœna in Scriptura usurpata. Quam frivolum sit argumentum, quod maxime urget Joannes Lokius.

I. **L** Oca a me hæstenus proposita supplicii impiis parati æternitatem adeo evidenter evincunt, ut mirum sit potuisse nonnullos, qui divinam auctoritatem aut reverentur, aut revereri se jactant, eidem refragari, planeque superfluum videri queat, quidpiam ulterius addere, ad Dei revelationem de hac re amplius manifestandam. Nihilominus, quoniam adversarii nulli studio, ac industriæ pepercere, ut Scripturarum testimonia luce ipsa clariora obscurarent, eorumque vim, qua se premi, opprimique sentiunt, si qua forte via possent, effugerent, ideo officias omnes, & cavillationes, quas commentis sunt, dispellere necessum est, conatusque reprimere, ut pleno in lumine catholica veritas collocetur.

II. Primo itaque loco occurrunt Sociniani, quia juxta hypothesim a se constitutam respondent, adductas quidem Scripturæ auctoritates satis probare, impios & malefactores æternæ pœnæ puniendos fore, sed hanc pœnam non aliam futuram esse præter totalem eorum interitum, ac perditionem; nimirum, inquirunt, impii pro suis sceleribus in nihilum a Deo rediguntur, atque ita æterna pœna plecentur. Cum enim iccirco perpetuo priventur cælesti beatitudine, quam iusti sine fine possidebunt, hujuscemodi pœna jure ac merito *sempiterna* vocatur, hoc est semper duratura; atque hoc sensu, subdunt, explicanda sunt Scripturæ verba, quoties reprobis æternam pœnam denunciant.

III. Adeo absurda est hæc responsio, adeo manifesto repugnans tum lumini

naturali rationis, tum sacris litteris, ac principiis omnibus Christianæ doctrinæ, ut operam ludere me putarem, si in ea refellenda diutius immorarer. Et eam quidem cum naturali ratione aperte pugnare, facile patet ex iis omnibus, quæ lato calamo in prima dissertatione dicta sunt. Ea quippe argumenta, quæ ad adstruendam alterius vitæ punitiōnem adversum Deistas proximum, ex Dei sanctitate, iustitia, ac Providentia, & ex unanimi gentium consensione deprompta, æque labefaciunt, ac destruunt Socinianorum commentum, quod ab illorum opinione reipsa nihil omnino differt quoad futurum impiorum statum. Si enim in nihilum rediguntur impii, jam nullus superest punitiōni locus, cum puniri nequeat, aut ullo supplicio affici, qui non existit.

IV. At multo magis divinæ revelationi adversatur, ita ut non arbitrer fuisse quemquam ex Socinianis, qui revera crederet tam monstruosam opinionem conciliari posse cum sacræ Scripturæ documentis. Nam si in nihilum redigi tota est reproborum pœna, quid, amabo, significat *vermis ille, qui non moritur, & ignis, qui non exstinguitur*, de quo & Isaïas, & Christus Dominus pluries mentionem faciunt? Quid *fletus ille, & fridor dentium* futurus in loco, ad quem improbi damnantur? Quid *tenebræ illæ exteriores*, in quas ejiciuntur? Quid illa *Gehenna*, de qua tam frequens in Evangeliiis sermo? Cur Propheta interrogat *quisnam possit habitare cum igne devorante, & ardoribus sempiternis*? Cur

Christus mortuum divitem inter flammam conflagrantem describit? Cur Judæ proditori terribile illud *væ* comminatur, meliusque pronunciat ipsi futurum, si natus non fuisset? Cur hortatur nos, ut eum timeamus, qui corpus & animam mittere potest in Gehennam? Cur formidandam illam sententiam prædicit: *discedite a me maledicti in ignem æternum*, & subinde concludit: *Et ibunt ibi in supplicium æternum*, iusti autem in vitam æternam? Num cruciari in sæcula sæculorum ante conspectum Dei & agni idem est ac nihil esse, atque adeo perinde ac non cruciari, aut affligi, nec esse ante alicujus conspectum? Num alligari vinculis, num in stagnum ignis ardentis projici, nec habere requiem die ac nocte idem ac nullibi existere, adeoque nec vincula, nec ignem pati? Profecto si ita licet tam perspicua testimonia interpretari, quicquid lubet, in sacra Scriptura reperimus, nihilque erit, quod ad cujusque genium, & placitum accommodari nequeat: nihil etiam quod beatæ vitæ gloriam & felicitatem Sociniani efficaciter ex eodem evincant. Neque enim Scripturæ locutiones, quibus æterna beatitudo iustis promittitur, clariores sunt, quam quæ æterna supplicia improbis comminantur.

V. Præterea quid frequentius in sacris libris, quid & ipsi naturali rationi conformius, quam futuræ impiorum pœnæ inæqualitas juxta quorumcumque scelera, ac meritum conditionem? Nulla porro in Adversariorum hypothefi pœnarum inæqualitas concipi valeret. Quis enim in nihilo gradus, aut inæqualitatem constituat, aut fingat? Qui ergo constabit veritas verborum Christi, quod *volentior* quorundam præ aliis conditio futura sit in die Judicii? quod *servus*, qui cognovit voluntatem Domini sui, nec opere implevit, vapulabit multis? Quod *Deus* iustus Judex unicuique reddet secundum opera sua,

hisque similia? Desiperem ipse profecto, si tempus & operam ultra perderem adversus putidissimum commentum non argumentis refutandum, sed sibilis explodendum; eo præsertim cum jam fere omnes recentiores Socinianos puduerit tam absurda Magistrorum suorum doctrinæ (a), nec ullatenus defendi posse ingenue professi sint.

VI. Plures igitur ex nuperis Socinianis ne tam apertis Scripturarum textibus omnino videantur illudere, ita sibi cæterorum sententiam temperandam duxere, ut impios quidem & ipsi dicant in nihilum redigendos esse, at non statim a morte, aut extremi Judicii die, verum post perfolutas in inferno scelerum suorum pœnas brevius, aut prolixius duraturas prout cujusque merita & prævæ actiones exegerint.

VII. Sed dignum fabulæ fulcrum altera fabula est, ex putridis Rabbino- rum quorundam lacunis hausta (b). In nihilum ergo redigendi sunt impii, si hos audimus, aut statim a morte, vel supremo Judicio, sed postevolutam certam annorum periodum. Ubi quæso hujusce rei in sacris litteris vestigium? Ubi locutio, aut verbulum aliquod, quod huic somnio fundamentum præbere queat? Absurdissima quidem est, & refutatione prorsus indigna aliorum Socinianorum hypothefis; sibi tamen illi favere arbitrantur ea Scripturæ loca, quibus æterna impiorum damnatio nominibus *mortis*, *interitus*, aut *perditionis* exprimitur. At vero neque in his locutionibus præsidium aliquod sibi quærere possunt, qui novum hoc systema consingunt. Nam voces *perditionis*, *mortis*, vel *interitus* utrumque significare non possunt, diuturnum scilicet impiorum cruciatum, & secuturam subinde corporis, & animæ destructionem. Si ergo ex ipsorum confessione non significant totalem hominis destructionem statim a morte, vel die Judi-

cii

(a) Vide M. Bernarde *traité de l'Excellence de la Religion* Tom. 2 lib. 4. c. 7.

(b) R. Abarbancem cum aliis Rabbis in hac fuisse sententia nonnulli tradunt.

cii consecuturam, nec etiam eandem significare possunt futuram post tempus aliquod sive breve, sive diuturnum : adeoque omni prorsus ad hoc asserendum fundamento destituuntur. Quod si forte ad alios Scripturæ textus confugerint, in quibus impiorum cruciatus exerte describitur, cum ii nedum impios cruciandos, sed etiam cruciandos in æternum enuncient, suo systemati minime suffragantur, quin potius illud labefaciunt, ac destruunt. Sic C. E. dum Scriptura testatur : *ibunt hi in supplicium æternum : iusti autem in vitam æternam* : si nomine *supplicii* non intelligitur totius hominis interitus, sed positiva quadam pœna, ut ipsi consentiunt, jam hæc æterna erit, & perinde æterna, ac æterna futura est iustorum felicitas. Pariter, dum in Apocalypsi dicitur de impiis, quod *cruciantur die ac nocte in sæcula sæculorum*, si cruciatus huiusmodi proprio in sensu accipitur, prout accipiendum esse fatentur, non jam temporarius erit, sed in omnem æternitatem perennaturus. Demum, ne omnia persequar, dum Isaias, & Jesus Christus de futura impiorum pœna sermonem habentes affirmant : quod *vermis eorum non morietur, & ignis eorum non extinguetur*; si his vocabulis non mera aliqua privatio vitæ, aut extantiz designatur, sed acerrima tormenta, vel graves quedam afflictiones, ut diffiteri non audent, jam hæc nullum finem habituræ sunt : alioquin *vermis eorum aliquando moreretur, & ignis eorum extingueretur*, contra ac asserant oracula tam manifesta.

VIII. Missa fusiore disputatione in re tam clara prorsus inutili, præcipuum Socinianorum momentum expendamus, germanumque sensum illarum Scripturæ vocum *mors*, *interitus*, *perditionis*, quibus profligatam causam suam fiunt, aut fidere fingunt, aperiamus. Pluries sane his nominibus exprimitur in sacris libris sempiterna impiorum damnatio. *Perditionis* vocabulum adhibetur Jobi 26. c. 6., Psal. 87. c. 12., Matth. 6. c. 13., & Cap. 10. c. 28.,

Joannis 17. c. 12., actor. 8. c. 20. &c. *Interitus* autem ad Rom. 9. c. 22., Prima ad Thessalon. 5. c. 3., & Secunda 1. c. 9. Demum nomen *mors* frequenter tum in veteri, tum in novo Testamento, maximeque in libro Apocalypsi. in hæc significatione invenitur. Verum nullam istiusmodi vocabula in re, qua de agimus, parere difficultatem ex eo liquet, quod ab Apostolorum ævo ad usque Socinianorum exorum nemo unus extitit, neque inter Ecclesiæ Patres, neque inter Scripturæ Interpretes, aut Theologos, qui eo sensu non dicam explicaret, sed nec explicari posse crederet, aut suspicaretur, quem ipsis adeo confidenter affingunt Sociniani. Et certe, si qua foret in iis vocibus difficultas, aut obscuritas, ea tota penitus discuteretur tot aliorum textuum splendidissima luce, quibus apparet non omnino perire homines, dum ad inferna damnantur, aut in nihilum redigi, sed superesse ad æternam pœnam, atque cruciatum. Quin immo in iisdem ipsis locis, quæ obijciunt, ea nomina *interitus*, *perditionis* & *mors*, ita sæpe definiuntur, ut Adversariorum interpretationem longius abjiciant. Sic Judas vocatur a Christo *filius perditionis*, de quo tamen ipse testatur, quod *melius erat, si natus non fuisset*, non ob aliud profecto, nisi propter horribilia tormenta, quibus se ob sacrilegum facinus obnoxium constituit. Sic S. Paulus 2. ad Thessalon. Cap. 1. com. 9. de infidelibus ait : *pœnas dabunt in interitu æternas a facie Domini, & a gloria virtutis ejus : si pœnas dabunt, & quidem æternas*, jam non extinguntur, sed ad pœnam supererunt. Sic ut sexcenta alia præteream, in Apocalypsi legimus Cap. 21. c. 8. : *timidis autem & incredulis, & execratis &c. pars illorum erit in stagno ardenti igne, & sulphure : hæc est mors secunda*. Quid clarius dici potuit, ut hujus *mors* significatio ad misererrimum damnatorum statum in tormentis deliniret?

IX. Atque hoc sensu, pro statu nem-

pe summæ miseriæ, nomina illa etiam in aliis Scripturæ locis, & a prophetis quoque scriptoribus non infrequenter usurpantur. In veteri Testamento sæpe Deus *destruere* dicitur, aut *perdere* regnum, nationem, Civitatem, dum graves ipsi calamitates immittit, aut in manus inimicorum suorum tradit, tamen penitus non conterantur. Tiberius Imperator in celebri Epistola ad Senatum Romanum, quam Tacitus refert, iis sibi verbis imprecatus est: *Dii me, Deaque pejus perdant, quem perire quotidie sentio*: quibus, ut constat ex eodem Tacito, nonnulli crudeles animi angores, cruciatufque designabat. Cicerone lib. 14. famil. scribit: *non mihi videbor plane periisse*, ut status, dignitatisque suæ immutationem, aut convulsionem declaret. Vulgatum est etiam effatum illud Themistoclis: *perieram, nisi periissem*. Quin & in familiari loquendi consuetudine non raro his terminis utimur ad significandas graviores angustias, vel ærumnas. Adeoque, etiam si, dum adhibentur in sacris literis, tot circumstantiæ haud confluerent ad legitimum eorum sensum determinandum, quot jam adnotavimus, nihil Adversarii ex illis possent extundere, quo absurdam suam opinionem solide tuerentur.

X. Hic vero prætermittenda non est S. Augustini doctrina, qua eleganter explicat, cur Sacra Scriptura miseriam damnatorum vitam *mortis* nomine appellare consuevit, sic enim scribit ferm. 306. alias 112. de diversis: "habebunt vitam in cruciatibus", impii. *Veniet enim hora*, sicut Evangelium loquitur, *quando omnes, qui sunt in monumentis, audient vocem ejus, & procedent, qui bene egerunt, in resurrectionem vitæ, qui vero male egerunt, in resurrectionem Judicii*. Ergo illi ad præmium, illi ad tormentum; & utrique vivunt, nec aliquis eorum mori potest. Illi, qui vivunt in præmio, amplectuntur dulcissimam vitam: qui autem in tormento, cupiunt, si fieri possit, finire ta-

lem vitam; & nemo eis dat interitum, ut nemo eis auferat cruciatum. Sed vide Scripturam loquentem, & discernentem: non est dignata talem vitam vocare vitam. In cruciatibus, in tormentis, in ignibus sempiternis noluit appellare vitam, ut ipsum nomen vitæ laudis sit, non mœroris, ut ubicunque audis vitam, tormenta non cogites. Nam in tormentis esse semper æterna mors est, non aliqua vita. Ipsam vocant Scripturæ mortem secundam post hanc primam, quam omnes humanæ conditioni debemus. Et mors *secunda*, & mors vocatur; & nemo ibi moritur; fatius & melius dixerim: nemo ibi vivit. In doloribus enim vivere non est vivere. Et unde probamus sic locutum Scripturam? Ecce unde; ex hoc testimonio, quod modo commemoravi: *audient enim vocem ejus*, inquit, *& procedent qui bene egerunt in resurrectionem vitæ*. Non dixit *beatæ vitæ*, sed in *resurrectionem vitæ*. Solum vitæ nomen trahit beatitudinem, nisi enim consequentem haberet beatitudinem nomen vitæ, non diceretur Deo: *quoniam apud te est fons vitæ*. Non enim & ibi dictum est: *quoniam apud te est fons beatæ vitæ*. Non addidit, *beatæ*; tantummodo dixit *vitæ*, ut tu intelligas, *beatæ*. Quare? quia si miseræ, jam nec vitæ."

XI. Joannes Lokius, ut Cap. 1. jam innui, in Socinianæ hypothesis defensionem sententiam illam maxime urget, quam protulit Deus in Adamum, si de vetito ligno comedis: *in quacunque die comederis ex eo, morte morieris*. Hæc enim, inquit, *sententia non in sensu tropico, sed naturali, & obvio explicanda est*. Absonum quippe est verbis legis, quæ simplicibus, & planioribus concipi debet, ut nedum a sapientibus, sed a rudioribus etiam statim percipiatur, sensum affingere reconditiorem, & a communi loquendi consuetudine alienum. Porro quid alienius, subjicit, a communi hominum sensu, quam nomine mort-

mortis vitam intelligere ærurnosam, & miseriarum plenam? (a)

XII. Nihil futilius hoc argumento, quo inaniter Lokius triumphat, miraque magnopere subit dialecticum hominem, & in vocum vi discernenda peritum turpiter hallucinatum esse in re satis aperta, & lippis etiam oculis neutiquam obscura. Ac in primis liceat mihi in caput ejus idem retorquere argumentum, quod ipse confecit. Nonne judicialis sententia in sensu naturali & obvio explicari debet? Ita ipse tamquam principium omnino exploratum statuit, cui nos minime repugnemus. Sententiæ igitur a Lokio productæ alteram sententiam oppono, sententiæ scilicet ab initio mundi latæ in Adamum, sententiam in fine mundi a Judice vivorum & mortuorum ferendam in omnes reprobos, *descendite a me maledicti in ignem æternum*. Nonne hæc quoque juxta regulam ab eo constitutam planis, simplicibusque verbis concipi debuit; ut non a sapientibus tantum, sed etiam a rudioribus statim intelligeretur? At enim vero quis unquam, vel sapientum, vel rudium in ea sententia, *descendite &c. in ignem æternum*, non dicam clare perspexit, sed vel suspicatus est sensum illum, quem in sua hypothefi eidem tribuere tenetur, hoc est totalem quoad corpus & animam reprobatorum destructionem? Num hæc nativa est, & obvia *ignis æterni* significatio, an non potius adhorret quammaxime ab omnium hominum intelligentia? Quid ergo principium illud tanta confidentia opponit, quo jugulum ipse suum recta peti advertere debuisset?

XIII. At nunquid saltem communi hominum intelligentiæ congruit sensus ille, quem Lokius appingit sententiæ primitivæ latæ in Adamum peccatorem, ejusque posteros, *morte morieris*? Quis non videt quam aperte sibi, cæterisque illudat, dum totalem corporis, animæque destructionem iis verbis deli-

gnatam obtrudit? Neque enim, ausum dicere, ab orbe condito, vel unus extitit præter ipsum paucosque alios Socinianos, qui sic eam sententiam crederet explicandam; adeoque hujuscemodi sensus non communi hominum ideæ, aut conceptui consentaneus, sed contrarius potius, aut repugnans dicendus est. Nec talem profecto sensum veluti nativum & proprium exigit *mortis* vocabulum, quin potius tamquam violentum & alienum excludit. Nam *mortis* nomine non extinctionem, sed corporis & animæ dissolutionem semper intellexerunt, intelliguntque nationes omnes. Et hoc sensu in sacris litteris frequentius accipitur, & licet per tropum aut metaphoram ad quidpiam aliud significandum quandoque extendatur; nusquam tamen in ea significatione sumitur, quam Lokius intendit, & unice naturalem effluit.

XIV. Quid igitur comminatus est Deus in ea sententia, *in quacunque die comederis ex eo, morte morieris*? Communior Patrum Ecclesiæ, & Sacrorum Interpretum, ac simplicium, nativæque verborum sensu conformior opinio est, hic designari præcipue mortem corporis, sive separationem animæ a corpore, cui obnoxii facti sunt Protoparentes nostri statim ac præceptum de non comedendo fructu violarunt, cum antea immortalitate donati essent. "Quamvis enim (verba sunt D. Chrysostomi (b)) egregie hanc punitionem interpretantis multorum annorum spatium vixerint; tamen ex quo audierunt illud, terra es, & in terram redibis, & sententiam mortis acceperunt, mortales facti sunt; atque ex eo tempore illos esse mortuos aliquis merito dixerit. Hoc vero Scriptura significans ita dixit: *quocumque die comederis, morte morieris*: quasi diceret: *sententiam hanc accipietis, ut mortales deinceps sis*. Ut enim in humanis judiciis, postquam in reum

„pro-

(a) C'est une étrange manière d'expliquer une loi, qui doit être conçue dans les termes les plus simples, & les plus naturels, qu'on puisse trouver, que d'entendre par le terme de mort une vie éternelle accompagnée de misère &c. Chrétiens ne rationnable Cap 9.

(b) Homil. 27. in Genesim

„ pronnnciata sententia est, ut ei caput
 „ amputetur, isque mox in carcerem
 „ abducitur, licet diu ibi maneat, ni-
 „ hilo melius jam mortuis, extinctis-
 „ que accensetur, utpote jam senten-
 „ tia ipsa mortuus. Eodem modo &
 „ illi ab ea ipsa die, ex qua sententia
 „ in eos mortalitatis edita est, etsi lon-
 „ go tempore superkites fuerunt, sen-
 „ tentia ipsa jam mortui sunt. „

XV. Quamquam vero simplicior hæc
 sit verborum divinæ sententiæ interpre-
 ratio, docent tamen nobiles plures in-
 ter eosdem Patres, & Expositores, non
 esse vocem mortis ad temporariam cor-
 poris duntaxat arctandam, sed quam-
 cumque aliam comprehendere, quæ ho-
 mini contingere potest. Qua de re au-
 diendus est præ cæteris S. Augustinus,
 qui lib. 13. de Civit. Dei Cap. 12. ita
 præclare de more disserit: „ cum re-
 „ quiritur, quam mortem Deus primis
 „ hominibus fuerit comminatus, si ab
 „ eo mandatum transgredierentur acce-
 „ ptum, nec obedientiam custodirent,
 „ utrum animæ, an corporis, an totius
 „ hominis, an illam, quæ *secunda* di-
 „ citur, respondendum est, omnes.
 „ Prima enim constat ex duabus: se-
 „ cunda ex omnibus tota. Sicut enim
 „ universa terra ex multis terris, &
 „ universa Ecclesia ex multis constat
 „ Ecclesiis; sic universa mors ex omni-
 „ bus. Quoniam prima constat ex dua-
 „ bus, una animæ, altera corporis; ut
 „ sit prima totius hominis mors, cum
 „ anima sine Deo, & sine corpore ad
 „ tempus pœnas luit. Secunda vero,

„ ubi anima sine Deo cum corpore pœ-
 „ nas æternas luit. Quando ergo dixit
 „ Deus primo illi homini, quem in
 „ Paradiso constituerat, de cibo veti-
 „ to, *quacumque die ederitis ex eo, mor-
 „ te moriemini*: non tantum primæ
 „ mortis partem priorem, ubi anima
 „ privatur Deo; nec tantum postero-
 „ rem, ubi corpus privatur anima; nec
 „ solum ipsam totam primam, ubi ani-
 „ ma & a Deo, & a corpore separata
 „ punitur; sed quidquid mortis est us-
 „ que ad novissimam, quæ *secunda* di-
 „ citur, & qua est nulla posterior, com-
 „ minatio illa complexa est. „ Qua-
 „ druplex ergo mors juxta hanc S. Au-
 „ gustini doctrinam distinguitur, altera
 „ animæ & ad tempus, qua anima pec-
 „ cando separatur a Deo: altera corpo-
 „ ris, qua item ad tempus anima sepa-
 „ rat a corpore: tertia, quæ utramque
 „ complectitur, separationem scilicet ani-
 „ mæ a Deo, & a corpore: quarta de-
 „ nique, qua totus homo post diem ju-
 „ dicii separabitur in æternum a beata
 „ vita, quæ mors in Scripturis *secunda*
 „ & *novissima* dicitur; quarum tres per
 „ quandam saltem analogiam *mortis* no-
 „ mine appellantur. Placet igitur Augu-
 „ stino aliisque quatuor hæc mortes Do-
 „ minicæ sententiæ verbis esse compre-
 „ hensas, eisque homines post peccatum
 „ obnoxios fuisse. Illa vero mors, quam
 „ Locius commentus est, aut Augusti-
 „ no, aut ulli ex Patribus, vel Exposi-
 „ toribus ne unquam quidem in mentem
 „ venit.

CAPUT VI.

Responsio altera convellitur, quæ producta Scripturarum testimonia eludere student Originista. Quam fluxum & caducum sit fundamentum, cui illa superstruitur. Hebraicæ voces ad durationem futuri impiorum supplicii exprimendam adhibita non tempus diuturnum, sed æternitatem definite significant, si præsertim tum voces aliæ clariore, tum contextus, tum circumstantiæ attendantur. Illam luculentius adhuc designant græcæ nomina adhibita in novo Testamento. Argumentum in hanc rem ex æternæ Beatorum gloriæ comparatione deductum, Patrum sententiis validissime urgetur.

I. **R** Ejecta & explosa perabsurda Socinianorum hypothesi, sub incudem veniat veterum & recentium Originistarum sententia, quæ videtur inter Adversarios catholicæ veritatis communior, & in speciem saltem plausibilior. Hi itaque juxta suum systema ad laudatas Scripturæ Sacræ auctoritates respondent vocem *æterni*, quæ impiorum futuro supplicio tribuitur, non esse explicandam pro duratione nullum finem habitura, sed pro spatio temporis valde diuturno, quod eo vocabulo in Sacris litteris nonnumquam solet appellari. Quapropter plures congerunt veteris præcipue Testamenti sententias, in quibus vox *æternum* pro tempore circumscripto, ac finito, licet diuturniore, sumitur: ut e. g. cum Deus promissit Abraham daturum ipsi, & semini ejus terram Chananæorum in possessionem æternam, a qua tamen jampridem Hebræorum populus depulsus est: Davidi, ac Salomoni se firmaturum thronum eorumdem usque in æternum, qui nihilominus ab ipsorum domo tandem ablati sunt: ac possitimum cum de lege & cæremoniis judaicis jam abolitis prædixit, quod duraturæ essent in æternum, ut legimus tum in libris Levitici, & Deuteronomii, tum in Psalmis, tum etiam in Prophetiis. Ex novo quoque Testamento maxime proferunt, verba illa S. Judæ Apostoli: sicut Sodoma, & Gomorrha factæ sunt in exemplum, ignis æterni pœnam sustinentes: cum tamen ignis ille cessaverit: cui addere possunt, quæ jam Huetius opposuit, ut jam supra vidimus. Ex quibus omnibus conclu-

dunt *æterni* nomen cum sit in sacris libris ad utramque significationem indifferens, finiti nempe, & infiniti temporis, neutiquam colligi posse impiorum pœnas nunquam esse desituras, ex quo in iisdem *æternæ* nominentur.

II. Hæc Originistarum responsio jam tota ferme præoccupata fuit, atque convulsa Cap. 2. præsentis Dissertationis, ubi significationem, ac vim plurimum de hac re Scripturæ vocum, diligenter expendimus. Nihilominus, quoniam Adversarii in hac arte, aerea licet, præcipuum sibi persegium exquirunt, eam pluribus undequaque disjicere, penitusque demoliri operæ pretium est. In primis itaque hujusmodi responsio peccat in dialecticæ aut boni discursus regulas. Quid enim modo querimus? Aut quodnam est hujus disputationis punctum præcipuum? Istud profecto. Num voces illæ *æternum* aut *semper æternum* enunciatæ a Scripturis de damnatorum supplicio, accipiendæ sint pro finita, vel infinita duratione? Ut tu primum illud probes, affers ex sacris libris exempla nonnulla, in quibus illæ voces pro diuturno solum spatio sumuntur. Demum modo nullam iis adhiberi. posse exceptionem. At minime negaveris exempla longe plura in iisdem occurrere, in quibus eadem voces pro duratione interminata usurpantur, adeo ut supra ducenta numerari facile queant. Potiore ergo jure inferre deberes nomina *æternum*, & *semper æternum*, cum de impiorum suppliciis dicuntur, accipiendæ esse pro infinita duratione. Valde quippe gravior fundamentum tibi suppeditant sicæ accipiendi exempla adeo numero majora.

III. Ve-

III. Verum eadem ipsa, quæ congerunt Adversarii, exempla paululum præterea discutiamus. Promissa in primis, quæ opponunt, de terra populo Israelitico in æternum concessa, non immerito dici potest non absoluta, sed conditionata fuisse, nisi scilicet Hebræus populus peccando sibi promeritus esset, ut de terra illa pelleretur. Diserte enim comminatus est Deus, tum *Leviticæ* Cap. 29., tum *Deuteronomii* Cap. 19. Hebræis, quod dispergendi forent inter gentes, eorumque terra in excidium & vastitatem reducenda, si leges ipsius transgressi fuissent. Ea quoque, quæ Davidi facta sunt de sceptro nunquam ex ejus domo auferendo, vel perinde conditionata fuisse dicendum est, vel potius in Christo Domino, ejusque spiritali semine, in quo æternum regnabit, complentur: quam expositionem Christiani maxime homines repudiare nequeunt, cum ab Angelo de Christo nascituro dictum sit: *dabit illi Deus sedem David patris ejus, & regnabit in domo Jacob in æternum*: quibus alludit ad ea, quæ antea scripserat Isaias: *speret solum David, & super regnum ejus sedebit, ut confirmet illud, & corroboret in judicio, & iustitia a modo, & usque in sempiternum*. Quare ex iis textibus nihil ervere possunt Originistæ, quod causæ suæ opituletur.

IV. Quoad alias vero auctoritates, quæ legem Moysi, & caremonias legales spectant, triplex adhiberi solet responsio. Prima est S. Augustini *lib. contra Priscil. & Origen. ad Orosium*, eas æternum dici duraturas non in se quidem, sed in rebus, quas præfigurabant, in quibus sine fine manent. Quæ responsio injuria plane ab Huerio in *Originianis* vellicatur: cum certum sit duplicem sibi finem præstituisse divinum Legislatorem in ea lege ferenda, alterum, ut sibi ab Hebræa gente religiosus cultus exhiberetur, alterum ut præfiguraret mysteria Christi Redemptoris, prout fuscè declarat S. Thomas 1. 2. qu. 102. Quare satis est ut in his mysteriis perseverent, quo æterna dici jure valeant.

V. Altera responsio, eaque communior, quam adhibet etiam S. idem Augustinus, hæc est: nempe *sempiternas* appellari legales caremonias, non quod sine carerent, sed quod nullus eis a Legislatore finis constitutus fuerit, adeo ut semper a Judæorum populo observari deberent, quamdiu status ille legis perduraret: qui tamen aliquando cessare debuerat adveniente lege Gratiæ, prout in ipsis sacris libris fuerat prænuntiatur: adeoque cum & in Exodo, & in Levitico, præscriptis certis ritibus, subditur: *legitimum, & sempiternum erit in generationibus vestris*: horum verborum sensus est: *id semper a vobis observandum erit, quamdiu Fœdus antiquum vobiscum initum per novum aliud non rescindetur*.

VI. Tercio tandem alii sic eas voces æternum, aut sempiternum prolatas de lege, ritibusve legalibus interpretantur, ut ita fuerint appellatæ per similitudinem quandam, aut proportionem. Ea siquidem, quæ incertum ac remotissimum principium vel finem habent, perinde hominibus censentur, ac si principio carerent, vel fine, ut jam superius adnotavi. Addunt vero, quod cum vocabula propriè semper accipienda sint, nisi quidpiam aliter interpretari cogat, quæ regula non magis Scripturas, quam disciplinas omnes spectat; ideo æternum semper intelligendum erit, quod durationis terminum non habet, ac proinde nullum a peculiari illa exemptione duci posse argumentum, ut auctoritates Scripturæ, quæ æternam impiorum pœnam denunciant, pro duratione finita intelligantur.

VII. Hæc abunde forent ad Originistarum evasionem præcludendam. Verum alia plura adversus illam momenta concurrunt, quæ ipsius facilitate in aperta luce constituunt. Ac primo quidem, si de textibus veteris Testamenti sermo est, de quibus juxta vim hebraicarum vocum indicium ferre debemus, illud magnopere est observandum, quod in locis omnibus objectis ad durationem designandam possessionis terræ promissæ, legis, & caremoniarum &c. semper adhibetur vox *בְּלֹאָה* *bolam*, nun-

numquam vero voces נצח *Netzach* aut נצח *ad*; æternitas vero futuri impiorum status, non priore illa tantum exprimitur, sed etiam duabus aliis posterioribus, ut videre est in testimoniis productis ex libris Jobi, & Psalmorum. Ut ut concedamus vocem *holam* aliquando sumi in Scriptura pro finita duratione, illud in confesso est voces *Netzac*, & *ad* nunquam ita usurpari, sed semper pro interminata, cum ad durationem significandam assumuntur, prout jam Cap. 2. animadverti, & ex exemplis supra septuaginta, in quibus hæ voces a sacris Scripturis hoc sensu sumuntur, compertissimum fit. Nihil igitur adversariis prodesse possunt loca omnia ab ipsis congesta, ut vocem æterni pro diuturno solum tempore accipi probent, cum in iis semper *Holam*, nusquam vero *Netzac*, & *ad* reperiantur: sicut reapse inveniuntur in locis a me propositis.

VIII. Ulterius regula est ab omnibus sacris Expositoribus admissa; quod si sacris libris locutio aliqua occurrat obscura aut dubie significationis, ea explicari debeat: ejusque sensus definiri per alias clariores, per contextum, & circumstantias. Ponamus ergo, quod falsum omnino est, subobscuram esse vel dubiam vocem *holam* adhibitam in Scriptura ad æternum impiorum cruciatum significandum; satis tamen sensus ipsius determinatur per alias locutiones, quibus res eadem exprimitur. Nam præter modo memoratas *Netzac*, & *ad*, habentur sententiæ illæ omnes, quæ idem exprimunt per negationem finis, ac præsertim Isaia verba: *vermis eorum non morietur*, & *ignis eorum non extinguetur*, quibus idoneam nullam responsionem affingere queunt. In locis etiam laudatis *Psal. 91.*, & *Cap. 12. Danielis*, confertur duratio miserrimi reproborum status cum duratione ipsiusmet Dei, & gloriæ Iustorum: Sicut

igitur hæc nullum terminum habet, ita nec illa terminum unquam habebit.

IX. Quod si a veteri in novum Testamentum oculos convertimus, plura eo, atque clariora argumenta promittant, ad Originistarum commentum eliminandum. Vocem *æonion*, quæ hic frequentius adhibetur, dum de damnatorum supplicio mentio est, pro duratione interminata significanda in sacris litteris usurpari, jam supra probavimus, diluimusque leves aliquas difficultates, quæ adversus S. Augustini, communemque sententiam objecerat Daniel Huetius, quibus adhuc levior; & futilior est, quam objicit Originistæ ex verbis Apostoli Judæ de Sodoma & Gomorra, nempe quod *factæ sint in exemplum, ignis æterni pœnam sustinentes*. Apostolum enim æternum non vocasse ignem illum, quo conflagravit impiæ civitates; neque ipsi negare possunt, cum saltem eam vocem tempus valde diuturnum significare consentiant: ille autem ignis brevissimo tempore perduraverit. Porro si de igne alio locutus est S. Apostolus; nullus occurrit aptior subobscuræ sententiæ explicandæ igne inferni, qui solum proprie æternus est, adeo ut exterior ille ignis, quo exarserunt Sodoma, & Gomorra, aut potius eorumdem incolæ, sit exemplum ob oculos omnium positum, simulque figura ignis vere æterni, quo dum hæc S. Judas scriberet, excruciabantur impiorum animæ; sive, ut paucioribus Grotius, *cæ urbes incense exhibent instar ignis æterni, qui expectat impios*.

X. At enim præter vocem *æonion* Gehennæ æternitas etiam exprimitur in novo Fœdere per vocem *aidos*, de qua nullam nec movent, nec movere possunt Adversarii disputationem. Exprimitur quoque per illa vocabula *ignis inextinguibilis*, vel *ignis, qui non extinguitur*, & *vermis, qui non moritur*, quæ pluries in sacris Evangelii repetuntur (a): quod

E e que

(a) Si æternum, & æternale, hoc est, *æon*, & *æonion* sub utroque intellectu in Scripturis poni solet; aliquando sine fine, aliquando cum fine; quid de illis Prophetæ (& Christi Domini) verbis responduri sumus, ubi scriptum est: *vermis eorum non morietur*.

que vel solum satis esse deberet ad controversiam omnem dirimendam, exprimitur ulterius per illam locutionem tertio adhibitam in Apocalypsi *in secula seculorum*. Num pariter dicere audebunt, quod huiusmodi vocabula pro finita duratione adhibeantur? Num exemplum aliquod vel ex Evangelii, vel ex canonicis Epistolis, aut Apocalypsi proferre possunt, in quo huiusmodi vocibus spatium temporis omni fine carentis certissime non designetur? Quid igitur vitiligantur in voce *aeonion*, cuius etiam subesset aliqua difficultas, jam hæc tota penitus evanescit in conspectu tot aliarum locutionum, de quarum sensu nullus relictus est disputationi locus (a)?

XI. Adeo perspicua & decretoria sunt hæc adversus inanem Origenistarum evanescionem, ut supervacaneum videatur quidpiam aliud in eorum confirmationem asserere. Attramen culpam vix effugerem, si egregiam illam animadversionem silentio præterirem, qua sola olim Ecclesie Patres de veteribus Origenistis responsionem eandem adhibentibus triumpharunt, nosque potiore titulo de recentioribus triumphare possumus. Sumitur hæc ex illis textibus, in quibus eadem voce, in iisdem circumstantiis *eternitas* & de Beatorum gaudio dicitur, & de reproborum supplicio: ut apud Daniele Cap. 12. *Evigilabunt alii in vitam æternam, alii in opprobrium æternum*; & in Apocalypsi cap. 20. de reprobis: *cruciantur die ac nocte in secula seculorum*; de iustis autem Cap. 22.: *regnabunt in secula seculorum*. Maxime

vero Matth. Cap. 25. ubi Iesus Christus prolata in iustos, & impios sententia, illisque vocatis ad regnum, his autem ablegatis ad ignem æternum, ita demum concludit: *Et ibunt ibi in supplicium æternum: iusti autem in vitam æternam*. Nuperi saltem Origenistæ Beatorum felicitatem nunquam desitutam esse concordis fulfragio profitentur: reijciuntque hæc ex parte Origenis delirium, qui nedum impiorum cruciatibus, sed etiam Beatorum gaudiis terminum præscripsit. Cum igitur eadem proflus voce & æternitatem vitæ & æternitatem supplicii Christus expresserit, cur alteram de duratione sine curitura, alteram de duratione finem habitura interpretemur?

XII. Sed audiamus sanctos aliquos Ecclesie Patres hoc argumento veteres Origenistas invicte revincentes. Versat illud S. Augustinus pluribus in locis, ac præsertim in lib. *contra Priscil. & Origen.*, & de *Civit. Dei*. Primo loco sic ait: „ quiquis prudenter advertit, quoddidum est: *sic in ignem æternum*, illud esse dictum, quod non habet finem, „ a contrario probat eo ipso loco evangelico de *vita æterna*, quam iusti accepturi sunt: non enim & ipsa habet finem. Ita enim conclusit: *ibunt illi in ambustionem æternam, iusti autem in vitam æternam*. In utroque Græcus *aeonion* habet. Si misericordia nos provocat credere non futurum impiorum sine fine supplicium; quid de præmio iustorum credituri sumus, cum in utraque parte, eodem loco, eadem sententia, eodem verbo pronuncietur æternitas?

viatur, & ignis eorum non extinguetur? Qualicumque res significata sit nomine *vermis*, atque *ignis*, certe si non morietur, nec extinguetur, sine fine prædicta est: nec aliud agebat Propheta (& ipse Christus Dominus) cum hæc diceret, nisi ut eam sine fine prædiceret. S. August. lib. contra Priscillian. & Origenistas Cap. 7.

(a) Videntur (sancti) divinam vacuari, vel infirmari non posse sententiam, quam se Dominus prænuñciavit in iudicio prolaturum, atque dicturum: *dixit eis a me maledicti in ignem æternum, qui parati estis Diabolo, & angelis ejus*. Sic quippe offendit æterno igne Iabolum, & Angelos ejus arsurus. Et quod scriptum est in Apocalypsi: *Diabolus, qui seducit eos, missus est in flagnum ignis, & sulphuris, quo & testis, & secundæ prophetæ cruciantur die ac nocte in secula seculorum*. Quod id dictum est, æternum, hic dictum est in secula seculorum: quibus verbis nihil Scriptura divina significare consuevit, nisi quod finem non habet temporis. S. Aug. lib. 21. de Civit. Dei Cap. 23.

„tas? An iterum etiam justos ex illa
 „sanctificatione, & vita æterna in pec-
 „catorum immunditiam, atque in mor-
 „tem relapsuros esse dicemus? Absit
 „hoc a Christianæ fidei sanitate.
 „Utrumque igitur sine fine dictum est
 „æternum, hoc est æonion: ne cum
 „Diaboli poenas delemus, de regno
 „Christi dubitemus.”

XIII. Idem graviore verbis repe-
 tit loco posteriore lib. 21. Cap. 23. in-
 quiens: „quale est æternum supplicium
 „pro igne diuturni temporis existima-
 „re, & vitam æternam credere sine
 „fine, cum Christus eodem ipso loco,
 „in una eademque sententia dixerit, u-
 „trumque complexus: *sic ibunt isti in*
supplicium æternum, justi autem in vi-
tam æternam? Si utrumque æternum,
 „profecto aut utrumque cum fine diu-
 „turnum, aut utrumque sine fine per-
 „petuum debet intelligi. Par pari enim
 „relata sunt, hinc supplicium æternum,
 „inde vita æterna. Dicere autem in hoc
 „uno, eodemque sensu, *vita æterna sine*
fine erit, supplicium æternum finem ha-
bebit, multum absurdum est. Unde
 „quia vita æterna Sanctorum sine fine
 „erit, supplicium quoque æternum, qui-
 „bus erit, finem procul dubio non ha-
 „bebit.”

XIV. Non minus luculenter argumen-
 tum idem auctore proposuerat S. Basilii
 Magnus in Serm. de futuro Judic. (a).
 Adductis enim pluribus Scripturæ sacræ
 textibus, in quibus poenarum æternitas

aperte memoratur, ita subiecit contra
 Origenistas: „si æternorum aliquando
 „tormentorum erit finis, erit sane
 „& vitæ æternæ. Sin autem de vita
 „hoc accipere, atque statueri nolu-
 „mus, quoniam pacto quæso hoc ratio-
 „ni consonum esse poterit, supplicii
 „æternis finem proponere velle, cum
 „æterni adjectio æqualem in utrisque
 „vim habeat? *Ibunt enim, inquit, hi*
in supplicium æternum, justi autem in
vitam æternam.”

XV. Denique, ut Hilarium, aliosque
 omittam, ejusdem argumenti vim pro-
 movet S. Gregorius Magnus tum lib.
 34. Moral. Cap. 16., tum in 4. Dialo-
 gor. Cap. 44., in quorum prior loco ita
 scribit: „Sunt nunc etiam, qui iccirco
 „peccatis suis ponere finem negligunt,
 „quia habere quandoque finem futura
 „super se judicia suspicantur. Quibus
 „breviter respondemus: si quandoque
 „finienda sunt supplicia reproborum,
 „quandoque finienda sunt ergo & gau-
 „dia beatorum. Per semetipsam nam-
 „que veritas dixit: *ibunt hi in supplicium*
æternum, justi autem in vitam æter-
nam. Si igitur hoc verum non est,
 „quod minatus est, neque illud verum
 „est, quod promissit.... Et quis hanc
 „eorum vesaniam toleret, qui dum pro-
 „missionibus suis reproborum supplicia
 „finiri asserunt, assertionem suam etiam
 „electorum præmia, remunerationes-
 „que confundunt?”

C A P U T VII.

Proponitur adversum nuperos Origenistas tertia classis authoritatum Sacre Scriptu-
 ræ, quarum veritas minime constat non admissa reproborum miserie æternitate.
 Nullus post hanc vitam superest aut agendæ poenitentiae, aut veniæ consequendæ
 locus. Præsens tempus gratiæ est, ac salutis: futurum, sicut justis præmiis &
 gloriæ, ita impiis supplicii, indignationis, & vindictæ. Plura in hanc rem ur-
 gentur tum Christi Domini, tum Apostoli testimonia.

I. P Ræter tot utriusque Testamenti
 auctoritates, quas hæcenus ex-
 pendimus, ac vindicavimus, nova ad

cumulum accedunt argumenta revincen-
 dis nuperis maxime Origenistis aptis-
 sima, deprompta ex tertia classe Scri-
 ptura-

pturarum, quarum veritas constare nequitiam potest, si æternum Impiorum exitum denegetur. Ut autem harum vis & efficacia nitidius appareat, sub oculos primum recurat Adversariorum hypothesis. Docent itaque novi Origénistæ non esse perpetuo duraturum impiorum supplicium, sed aliquando finiendum, non quia in nihilum redigendi sint, ut somniarunt Sociniani, sed quia tandem futurum putant, ut post diuturnam expiationem suorum criminum in inferorum suppliciiis peractam, divinæ misericordiæ salutare consequantur effectus, & perpetrata scelera execrantes se ad Deum, Christumque Salvatore totum corde convertant, atque ita in gloriam cælestem admittantur, ibidem cum cæteris beatis in omnem æternitatem regnaturi: quam novam sortem *Apoatistam*, sive restitutionem appellant. Hoc est recentium Origénistarum systema, quod clarissimis sacrarum litterarum documentis aperte adversari & ostendi, & rursus ostendere pergo.

II. Ac primo quidem occurrunt omnia illa testimonia, quæ immutabilem constituunt, sicut Beatorum, ita Damnatorum statum, aut negant ullum relictum esse in futura vita spatium penitendi, vel delictorum veniam impetrandi, sive boni quidpiam agendi: quæ plurima sunt in utroque Testamento. Vulgata in primis est illa Ecclesiasticis sententia Cap. xi. c. 3., nempe: *si ceciderit lignum ad austrum, aut ad aquilonem, in quocumque loco ceciderit, ibi erit, vel ibi permanebit*, ut alii legunt. Per allegoriam Sapiens his verbis designat statum futurum hominis sive iusti, sive impii, sensumque ejus exhibet S. Hieronymus, quem sequuntur Olimpiodorus, Gregorius Magnus, Bernardus, Thomas Aquinas, & passim Interpretes, nimirum juxta antecedentia verba: *omni petenti te tribue: quia & nubes, cum plena fuerint, divitias suas mortalibus largiuntur: & tu quasi lignum, quamvis longævus sis, non eris in perpetuum, sed subita, ut ventorum, ita mortis tempestate subversus, ubicumque cecideris, ibi jugiter*

permanebis: in eo scilicet statu duraturus es, in quo mors te invenerit: si in lethali peccato, & aversione a Deo decesseris, æternam beatissima ipsius præsentia carebis, iisque suppliciis damnaveris, quæ nullum finem habebunt; sin autem inventus fueris charitate, justitia, ac Dei gratia præditus, certam, ac nunquam delituram felicitatem adipisceris. Hunc exigunt tum antithesis *Austri, & Aquilonis*, ut enim adnotat idem S. Hieronymus, Austri in Scriptura, dum Aquiloni opponitur, in bonam, Aquilo in malam partem accipitur: tum verba, quæ Sapiens subinde profert com. 9.: *Scito quod pro omnibus adducet te Deus in judicium*, ut nempe sortem vel beatam vel miseram tibi pro meritis retribuat, in qua immobiliter perseveres.

III. Idem Ecclesiastes Cap. 9. hæc habet: *quodcumque facere potest manus tua, instanter operare: quia nec opus, nec ratio, nec sapientia, nec scientia erunt apud inferos, quo tu properas*. Quæ verba sic exponit S. Hieronymus: *donec vivunt homines, possunt fieri iusti. Post mortem nulla boni operis datur occasio. Mortui nihil valent adicere ad id, quod semel secum tulerunt e vita. Fac quodcumque nunc potes, & labora: quia nullus est locus penitentie, cum ad infernum descenderis*.

IV. Ecclesiastici Cap. 14. c. 17. sic legitur: *da, & accipe, & justifica animam tuam: ante obitum operare justitiam: quis non est apud inferos invenire cibum, spiritaliter videlicet, sive justitiam, & meritum bonorum operum, quibus anima pascitur, ac vegetatur. Et Cap. 17. c. 26.: non demoreris in errore impiorum: ante mortem confitere. A mortuo quasi nihil, perit confessio: hoc est, non li abduci falsa opinione, qui putant se post mortem conversum iri ad Deum, eique laudem & confessionem daturus. Id potius exequere, dum vivis in hoc mundo: a mortuo namque perit confessio, nempe laus Dei utilis, & meritatoria, quæ eum ducat, ut antea dixerat, in partes Sæculi Sæculi, sive in consortium beatorum spirituum;*

rituum, & hæreditatem æternæ gloriæ.

V. Psalm. 6. c. 5. & 6.: *convertere, Domine, & eripe animam meam: saluum me fac propter misericordiam tuam: quoniam non est in morte, qui memor sit tui; in inferno autem, quis confitebitur tibi?* idest, respice me, Domine, oculis pietatis, & misericordiæ tuæ: & animam meam libera de peccatorum vinculis, de iugo mortis, & captivitate Diaboli, in quam peccando memetipsum conjeci, ut in æternum glorificem te. Quoniam inter eos, quos mors æterna possidet, nemo memor est nominis tui, ut te adoret, ac laudet, & in profunda inferni fovea nullus invenitur, qui spontaneam laudis confessionem, & gratiarum actionem majestati tuæ tribuat, ubi blasphemii, sletibus, ac dentium stridoribus plena sunt omnia, omnique exulat vox laudis & confessionis. In hunc locum ita eloquenter scribit S. Joan. Chrysostomus (a): *donec hic fuerimus, spes habemus præclaras, simul atque vero discesserimus illuc, non est postea in nobis situm pœnitere, neque commissi diluere.... Nec deputemus, cum illuc venerimus, misericordiam tribuendam, qui hic non egimus, ut mereamur veniam accipere. Neque enim, qui in præsentis vitæ peccata non abluerit, postea consolationem aliquam inventurus est: in inferno enim quis confitebitur tibi?*

VI. Paria sunt, quæ habentur in Psalm. 87.: *nunquid narrabit aliquis in sepulcro misericordiam tuam, & veritatem tuam in perditione? Nunquid cognoscetur in tenebris mirabilia tua, & iustitia tua in terra oblivionis?* Et in Psalm. 113.: *non mortui laudabunt te, Domine, neque omnes, qui descendunt in infernum: quibus consonant Ezechiae verba in Cantico apud Isaiam Cap. 38.: quia non infernus confitebitur tibi, neque mors laudabit te: non expectabunt, qui descendunt in lacum, veritatem tuam: & Baruch. 2. c. 17.: vide quia non mortui, qui sunt in inferno, dabunt honorem, & justificationem Deo, sed*

anima, quæ tristis est &c. Ex quibus patet Scripturam excludere penitus a reprobis loco Dei utilem, & salutarem agnitionem, confessionem, laudem, & honorem, adeoque actus omnes necessarios, ut convertantur ad Deum.

VII. Eadem quoque perhibent libri novi Testamenti, id in primis Christus Dominus designavit ea maledictione, quam tulit in ficum sterilem, dicens Matth. 21. c. 19.: *nunquam ex te fructus nascatur in sempiternum*; significans animam sine bonis operibus ex hac vitæ exeuntem nunquam in sempiternum bonorum operum fructus esse edituram. Quod confirmat Cap. 9. Joan. com. 4., inquit: *venit nox, quando nemo potest operari: quem locum ita exponit Origenes super Psalm. 36.: Salvator noster dicit: venit nox, quando nemo potest operari. Et hoc dicit de tempore illo, quo unusquisque recipiet pœnas. Tunc ergo dicit noctem illam futuram, cum jam nemo potest operari aliquid: Sed unusquisque tunc pascitur ex operibus suis, quæ hic posuit operatus est.*

VIII. Apostolus item Paulus 2. ad Corinth. Cap. 6. inclamat: *hortamur vos ne in vacuum gratiam Dei recipiatis: ait enim, tempore accepto exaudiri te, & in die salutis adjuvite. Ecce nunc tempus acceptabile, ecce nunc dies salutis.* Et ad Galatas C. 6. bonum autem facientes non desicimus: tempore enim suo metemus non desicientes: ergo dum tempus habemus, operemur bonum &c.: elapsa siquidem hac vitæ, elapsum quoque est bene operandi tempus, sed solum superest tempus retributionis, aut fructum operum percipiendi. Huc etiam revocare licet illud Apocalypseos Cap. 10. c. 6., ubi de Angelo narratur jurasse per viventem in sæcula sæculorum, quia tempus non erit amplius: quæ verba de fine mundi prædicta fuisse tradunt graviore Interpretes, adeo ut sensus eorum sit; imminet mundi finis: brevi tempus non erit, nec spatium amplius pœnitendi, merendi, & salutem suam operandi.

IX. Luculentius adhuc his omnibus est testi-

(a) Serm. 2. d. Lazaro.

testimonium Christi dicentis apud Matth. Cap. 12. c. 32.; *quicumque dixerit verbum contra filium hominis, remittetur ei: qui autem dixerit contra Spiritum Sanctum, non remittetur ei neque in hoc seculo, neque in futuro.* Quæ sententia ita proponitur apud Marcum Cap. 3. c. 29. *qui blasphemaverit in Spiritum Sanctum, non habebit remissionem in æternum, sed reus erit æterni delicti.* Ingens fervet sacros inter Expeditores controversia de quoniam peccato loquatur Christus in his verbis. Alii cum Augustino censent illud esse finalem impœnitentiam, alii desperationem, alii infidelitatem. Sed quovis modo intelligatur (neque enim mea nunc refert hanc dirimere questionem) illud certissime ex hac auctoritate constat, quædam esse delicta, de quibus, si in iis homines morte præventi fuerint, nunquam remissionem consequentur, sed eorum reatus sempiternus erit, sive nunquam per salutarem pœnitentiam delebitur.

X. Huc spectant etiam illæ sententiæ, quibus vel impiis in altera vita assignandæ veniæ spes omnis adimitur, vel nullum illis superesse misericordiæ locum perhibetur. Quas inter celebris ea est, quæ prostat apud Joannem Cap. 3. c. 36., ubi Salvator sic loquitur: *qui credit in filium, habet vitam æternam: qui autem incredulus est filio, non videbit vitam, sed ira Dei manet super illum;* hoc est, non obtinebit unquam misericordiam, aut delicti sui indulgentiam, non perveniet unquam ad vitam illam felicissimam, quæ credentibus a Dei pietate, & liberalitate confertur, sed ab illa jugiter excludetur, & ira Dei vindicans commissâ crimina nunquam ab illo discedet, sed super eum æternum manebit, idest, *semper eum punit,* inquit Eutichius, *per totam æternitatem.*

XI. Memoranda quoque sunt Apostoli verba in Epistola ad Rom. Cap. 20. c. 4. ubi sic peccatorem hominem interpellat: *an divitiis bonitatis ejus, & patientiæ, & longanimitatis contemnis?* Ignoras, quoniam benignitas Dei ad pœ-

nitentiam te adducit? Secundum autem duritiam tuam, & impœnitens cor tibi favizas tibi iram in die iræ, & revelationis iusti iudicii Dei, qui reddet unicuique secundum opera ejus; iis, qui secundum patientiam boni operis gloriam & honorem, & incorruptionem querunt, vitam æternam: iis autem, qui sunt ex contentione, & non acquiescunt veritati, credunt autem iniquitati, ira & indignatio. Quo in loco, ut animadvertit S. Augustinus in Psalm. 100. duplex tempus exerte distinguit sanctus Apostolus: tempus nempe misericordiæ, quo nempe Deus divitiis benignitatis & patientiæ in homines effundit, ut ad ipsum se convertant, & dignam culpæ suarum pœnitentiam agant: quod est tempus vitæ præsentis, & tempus iræ & indignationis, quo scilicet Deus continens in ira sua misericordias suas, vindictam sumit de injuriis in se commissis, & contumaces homines dignis suppliciis plectit: & est tempus vitæ futuræ. Qui ergo nunc contemnit divitiis divini bonitatis, nec ad pœnitentiam adducitur, solum deinceps experietur iram, & indignationem Dei, sublata omni experiundæ misericordiæ spe. Hac de causa idem Apostolus alibi reprobos vocat, *vasa contumeliæ, & vasa iræ apta in interitum*, in quæ nempe nihil amplius effluet ex pelago diviniæ misericordiæ, & pietatis.

XII. His concinunt verba, quæ leguntur apud Matth. Cap. 25. ubi Christus proposita parabola de Virginibus prudentibus, & fatuis, his licet pulsantibus, & querentibus misericordiam, se dicturum prædicat: *nescio vos*, idest, pro meis non agnosco, in sempiternum responso. Cum dixerit, inquit S. Joan. Chrysostomus, *nescio vos, nihil aliud, quam Gehenna, & intolerabilis cruciatus relinquatur.* Quod clarius expressit Dominus apud Lucam Cap. 13. dicens: *cum intraverit Paterfamilias, & clauserit ostium, incipietis foras stare, & pulsare ad ostium dicentes: Domine aperi nobis. Et respondens dicit vobis: nescio vos unde sitis.* Quam sententiam præclare admodum exponit Venerab. Beda inquitens (a): *Pater-*

terfamilias est Christus, qui cum ubique ex divinitate sit, illis jam intus esse dicitur, quos in celo præsens sua visione lætificat: sed quasi foris est his, quos in hac peregrinatione certantes occultus adjuvat. Intrabit vero, cum totam Ecclesiam ad sui contemplationem perducet. Claudet ostium, cum reprobis locum poenitentiae tollet, qui foris stantes pulsabunt, idest a iustis segregati, misericordiam, quam contempserunt, frustra implorabunt.

XIII. Ex quibus aliisque similibus textibus sic arguere licet adversus Originistas. Si omnes improbi tandem æternam salutem adepturi forent, ut ipsi putant, perperam in Scripturis distinguere-
tur tempus gratiæ, & misericordiæ, & tempus indignationis, & vndictæ: perperam Christus induceret quosdam, peracto iudicio, divinæ pietatis januam frustra pulsantes; perperam alii ex hominibus vocarentur *vasa electionis*, & honoris, alii *vasa iræ*, & contumeliæ: omnes quippe essent electi, & præordinati in vitam æternam, omnes essent *vasa honoris*, omnium nomina scripta essent in libro vitæ. Quid enim refert, quod non omnes statim beatitudinem consequantur, si eam certo, ut illi gariunt, aliquando consecuturi sunt? Nonne hoc satis est, ut vere omnes dicantur electi, & in vitam æternam præordinati, aut in libro vitæ conscripti, quemadmodum sentit Ecclesia catholica de animabus omnibus in flammis piacularibus detentis, tamen si earum non paucae per plura sæcula ab æterna gloria excludantur? Nonne janua cælestis regni demum aperiretur Damnatibus pulsantibus & querentibus misericordiam, contra ac

Salvator dixerit? Nonne futuræ vitæ tempus esset non solius iræ & indignationis, sed pietatis etiam, & veniæ, quam tandem impetrarent? Falsæ igitur redderentur tot Scripturæ locutiones, verique homines Christus & Apostolus fefellerent, dum ea constanti sermone prædixerunt.

XIV. Tot divinis oraculis postremo subijcio quæ scribit S. Paulus ad Galatas, & ad Corinthios adversus Originianam hypothesim plane decretoria. In priore namque loco Cap. 5. hæc ait: *manifesta sunt opera carnis, quæ sunt fornicatio, immunditia, impudicitia, luxuria, idolorum servitius, veneficia &c. quæ prædico vobis, sicut prædixi; quoniam qui talia agunt, regnum Dei non consequentur.* Quod urgentius monet in posteriore Cap. 6. tanquam rem extra omnem controversiam positam, & cunctis exploratissimam, inquit: *An nescitis, quia iniqui regnum Dei non possidebunt? Nolite errare, neque fornicarii, neque idolis servientes, neque adulteri, neque molles, neque mascululorum concubito- res, neque fures, neque avari, neque ebriosi, neque maledici, neque rapaces regnum Dei possidebunt.* Quæ verba expendens S. Augustinus lib. 21. de Civit. Dei Cap. 25. ita appositissime subdit: *Hæc profecto falsa est sententia, si tales post quantalibet tempora liberati regnum Dei possidebunt. Sed quoniam falsa non est, profecto regnum Dei non possidebunt. Et si in regni Dei possessione nunquam erunt, æterno supplicio tenebuntur: quoniam non est locus medius, ubi non sit in supplicio, qui illo non fuerit constitutus in regno.*

CAPUT VIII.

Novo argumento eliditur Origenistarum systema deducto ex verbis, quæ Christus protulit de Juda Proditore. Responsa, quæ huic adhibet Anonymus quidam Origenista, frivola, ac nugatoria demonstrantur. Perperam hic Author divino Redemptori attribuit, quod soli Judæ convenire potest. Confessio, quam ab eo demum extorsit, verborum Christi perspicua veritas, totam ejus hypotesin labefactat, ac subruit.

I. **A**rgumentum, quod hoc capite pertractandum aggredior, haud magni fortasse momenti prima fronte videbitur, si præsertim cum tot aliis firmissimis, quæ hucusque perpendimus, conferatur. At, ut arbitror quidem, non ita profecto judicaverit, qui rem acu tetigerit, eaque, quæ a nuperis Origenistis docentur, sub oculis habuerit. Sumitur illud ex verbis, quæ divinus Salvator in suprema cæna pronuntiavit de Juda Proditore, prout legimus apud Matth. Cap. 26. c. 24., & apud Marcum Cap. 14. c. 21.. Dum enim Jesus discumberet cum Discipulis, ad eos repente conversus dixit: *amen dico vobis, quia unus vestrum me traditurus est...* Et filius quidem hominis vadit, sicut scriptum est de illo. *Vae autem homini illi, per quem filius hominis tradetur: bonum erat ei, si natus non fuisset homo ille:* Sive, quod perinde est: *melius erat ei, si natus non fuisset &c.* Cum enim comparativis hebræi careant, ponitur hic absolutum pro comparativo: ut & alibi frequenter.

II. Christum Dominum in ea comminatione *væ homini illi &c. bonum erat &c.* ad pœnam respexisse, qua pro execrando proditoris scelere Judas in futura vita mulcandus fuerat, res est ex ipso contextu satis explorata, traditurque a præcipuis Ecclesiæ Patribus. S. Hieronymus in Matth., ad illa verba sic ait: *multo melius est non subsistere, quam male subsistere. Pœna prædicatur, ut quem pudor non vicerat, corrigant denuntiata supplicia.* Euthimius ita textum illum interpretatur: *utile fuisset ei, cum in utero matris crederet, omnino non nasci, qui tale flagitium perpetraturus*

erat, ut tali dignus futurus esset supplicio. Victor Antiochenus in Marcum: *bonum erat ei, si natus non fuisset: hoc dicitur propter duos cruciatus, quos apud inferos expensurus erat; siquidem satius est omnino non esse, quam tantis miseriis & calamitatibus perpetuo obstructum esse.* Theophylactus item in Marcum: *bonum erat ei &c.: dictum, inquit, hoc est propter pœnam, qua cruciandus erat Judas; melius est enim omnino non nasci &c.* Author *serm. ad fratres in Erem:* apud S. Augustinum, *serm. 20. bonum erat ei &c. Quare illi melius fuisset, si natus non fuisset, nisi quia melius est omni esse cavere, quam in inferno jacere?* Idemque habent Vener. Beda, S. Anselmus, aliique. Eandem quoque expositionem sequuntur nobiliores quique Scripturæ Interpretes, ex quibus solius Corneliæ a Lapide verba refero dicentis in citatum Matth. locum: *minatur Christus Judæ væ damnationis, & Gebennæ. Longe enim satius est non esse, quam esse ad hoc tantum, ut semper miserrimus sit, & perpetim ardeat in Gebenna.*

III. Hoc semel tanquam certo constituto, en firmum & efficax argumentum, quod totam evertit recentium Origenistarum molem. Ut ut diuturna ac horribilia ponantur esse tormenta, quibus ob sacrilegum proditoris nefas dictus est infelicissimus Judas, si restitucio in integrum, quam illi comminiscuntur, ac æterna felicitas tandem subsecutura foret, nullatenus efferre debuisset, sive potuisset increata Veritas: *bonum, sive melius erat ei, si natus non fuisset homo ille.* Omnibus siquidem rite perpensis judicare minime poterat, majus bonum esse pro Judæ non habere, quam habere esse: æternitas enim beatitudo-

titudinis, quæ in illorum sententia demum donandus est; licet eam supplicia quantalibet, & quantumvis diuturna præcesserint, bonum longe majus est, atque præstantius, quam nunquam extitit, atque adeo beatitudine perpetuo carere, ut nemo non videt. Igitur si Christus Jesus qui omnia plenissime noverat, asseruit, quod melius Judæ fuisset nunquam nasci, live nunquam existentiam habere, consequens plane est nullam prævidisse nefarii Proditoris in integrum restitutionem, & in regni sempiterni gloriam receptionem, sed potius ipsum per totam æternitatem iis obnoxium futurum tormentis, quæ terribili illa sententia, *ve homini illi, per quem filius hominis tradetur*, designavit. Lubet rem hanc idoneo exemplo amplius declarare. Nota omnibus est, quemadmodum calamitas, quam ob fratrum invidiam, & mulieris Putipharis calumniam perpeffus est Patriarcha Joseph in Ægypto, ita felicitas & gloria, quam deinceps consecutus fuit ob gratiam, ac benevolentiam Regis Pharaonis. Fingamus itaque animo aliquem utrumque prævidisse & Joseph calamitatem, & sublimem ejus gloriam, qua toto vitæ suæ tempore deinde potitus est; huic sane præferre illam neutiquam potuisset, neque de Joseph asserere, quod melius ipsi erat; quod nunquam fuisset in Ægypto: non alia profecto de causa, nisi quia gloria, atque felicitas, quæ subsecuta est, bonum adeo excellens erat, ut malum præcedentis calamitatis cum ipsa collatum vix æstimari deberet. Idem ergo potiori jure dicere opus esset de Proditori Juda, posita Adversariorum hypothefi. Æterna enim felicitas, quam demum, si ipsos audimus, consequetur, ita magnitudine, & præstantia sua ex-

cedit, ac veluti exhaurit quodvis temporale malum, ut tota poena, quam pro commissio scelere subire cogeretur per quantalibet sæcula duratura, in tantæ felicitatis conspectu pro nihilo ferme pendenda foret: adeoque procul a vero esset Christi locutio, *ve homini illi, per quem filius hominis tradetur: bonum erat ei, si natus non fuisset*. Ne igitur divinam Sapientiam, & veracitatem vel ignaram, vel mendacem ponamus, fateamur, oportet nihil aliud de futuro Judæ statu prævidisse Dominum nisi sempiternam miseriam, ad quam ob facinus perpetratum damnandus fuerat.

IV. Sed audi responsiones, quas huic argumento adhibuerunt Adversarii, & ex earum futilitate vim ejus pluris æstimaveris. Celebris quidam Author inter nuperos Origenistas (a) in Epistola gallica lingua conscripta de statu animarum, hoc sibi argumentum solvendum fuit, ac respondet, "Christum in ea sententia non esse locutum de futuro Judæ statu dogmatice, quasi nempe articulum aliquem fidei condiderit, quo certiores nos faceret, quid de postrema Damnatorum conditione credere deberemus: simpliciter intuitum esse infelicem hujusce hominis sortem, qui prodicionem sacrilegam animo revolvebat, turbatumque aspectu horribilium poenarum, quas subiturus erat, ea verba protulisse juxta desperationis statum, in quem nefandum flagitium illum conjiciebat. Et quisnam, subdit, ambigere potest, quin atrocita tormenta, quibus Judas addictus fuit, sæpius ipsum impulerint ad maledicendum diei, quo natus est, & lucem vidit." Hæc ille (b).

V. Quam frigida, quam imbecilla, & nugatoria sint hujusmodi responsa, F f ne-

(a) apud Franciscum Roches Epist. 38.

(b) J. Christ n° a pas prononcé ces paroles touchant Judas, dogmatiquement, pour en faire ce qu'on appelle un article de Foi, pour nous mettre au fait sans équivoque sur la dernière condition des damnés; qu'il envisage simplement l'état de ce malheureux, qui étoit sur le point de le trahir; qu'épouvanté des tourmens, qu'il devra subir, il parle conformément à l'état de desespoir, ou la trahison le jettera; & qui doute, ajoute-t-il, que les tourmens, que Judas aura éprouvés, ne lui aient fait souhaiter mille fois de n'avoir jamais vu le jour? Apud eundem loco cit. n. 5.

nemo non intelligit. Quid enim in primis refert; num Christus laudata; verba de Juda pronuntiaret *historice*, vel *dogmaticè*, & ut *aliquem fidei articulum conderet*? An forte Increata Veritas tunc solummodo verum prodit, cum *dogmaticè* loquitur, aut condit articulos fidei? Nonne verbis illis, *væ autem &c., bonum erat &c.*, nobis patefacere voluit miseram status conditionem, ad quam redigendus erat nequissimus Judas, camque sincere, veraciterque proponere, prout reapse futuram prævidebat? Igitur nihil aliud prævidisse dicendum est, quam quod verbis expressit, atque adeo non restitutionem in integrum perfidi Proditoris, & subsequituram æternam beatitudinem, sed æternam potius, & sine fine duraturam ejus damnationem.

VI. Quod addit subinde Author Anonymus, Christum imagine & horrore suppliciorum, quæ Judam in inferno manebant, de iis locutum fuisse juxta desperationis statum, in quem præceps ille ruebat, ineptissimum est, & risu potius, quam confutatione dignum. Cur enim Jesus Christus in ea proferenda sententia Judæ personam induit, aut induere debuit, ejusque turbidos desperationis affectus in semetipso exhibere, dum poenam sceleris suo congruentem prædicebat? Cur ea verba proferre, veluti miseri Proditoris nomine, ejusque sortem nobis ob oculos ponere, non prout revera futura erat, sed prout præposuere ac falso a Juda in inferno concipienda fuerat? *Turbatum* quidem spiritu divinum Redemptorem fuisse memorat S. Joannes priusquam prædiceret proditorem. Sed non ullo modo dubitandum, inquit S. August. (a), non enim animi infirmitate, sed potestate turbatum Non aliquo est cogente turbatus, sed turbavit semetipsum quod de illo evidenter expressum est, quando Lazarum suscitavit. Nam ibi scriptum est, quod turbaverit semetipsum, ut hoc intelligatur, & ubi non scriptum legitur, & tamen

eum legitur fuisse turbatum. Turbatus est spiritu, inquit S. Evangelista, hoc est animo, vel voluntate sua in seipso turbationem effecit, quin tamen turbatio spiritum ejus, mentisque celsitudinem attingeret. Turbatus est, nempe commotus cogitatione horrendi facinoris, quod Judas machinabatur, & affectu doloris, & commiserationis in eum, quem ruere in perditionem cernebat, quemadmodum videns Civitatem Hierusalem, & ejus excidium contemplan, flevit super illam. Et plane quis adeo deliret, ut eadem lamenta, & inconditas desperationis voces divinæ Sapientiæ tribuat, quæ Damnatorem propriæ sunt? Equidem concipere licet Judam jam in inferis constitutum ob gravissima supplicia, quæ patitur, & quorum finem ignorat, appetere posse ipsum non esse, aut nunquam natum fuisse, magnisque clamoribus, quos dolorum extorquet acerbitas, in hæc desideria continenter erumpere. At concipi nequam potest in eadem desideria effusum Christum Redemptorem, cujus mentem nulla inordinata affectio obnubilare, nullus error, aut deceptio corrumpere poterat, sed nitidissimo lumine contemplabatur statum perfidi Discipuli, qualis per omnem æternitatem futurus esset, adeoque nec de illo loquebatur, nisi juxta rectum illud judicium, quod præconceperat. Quapropter si ea verba de Juda pronuntiavit, *væ homini illi, per quem filius hominis traderetur: bonum erat ei si natus non fuisset*, colligere necessum est, non jam ejusdem Apocatastasim ab adversariis consuetam prævidisse, sed solam acerbissimam poenam ab eo sine fine perferendam.

VII. Cæterum, quod magis obstupescas, idem Origenista non ita inani huic responsioni adhæret, quin simul eodem loco subindiceret, de Proditore Juda concedi posse nunquam in meliorem statum restitutum iri, sed ejus supplicium sine termino duraturum ob peculiare Christi de ipso testimonium (b).

At

At vero non idem asserendum esse de cæteris damnatis, de quibus paria in sacris litteris non leguntur.

VIII. Verum inficitiam suam, dum ita respondet, maxime prodit nuperus Author, præcipuumque Originistarum fundamentum, immo totum systema penitus subruit. Si enim fieri posse existimat, ut Deus nunquam ad felicitatis statum revocet Proditorem Judam, sed suppliciis plectat æternis; igitur neque bonitas Dei, neque sapientia, nec æquitas id necessario exposcunt, ut hujus infelicissimi hominis cruciatibus, & miseræ finem demum imponat; igitur, saltem aliquo in casu, & ex ipsius confessione, conciliari poterit æternitas absoluta penarum cum divinis hinc attributis. Cur ergo tot expostulationes, atque clamores excitat in suis Epistolis adversum penarum æternitatis assertores, ac si de Deo, ejusque perfectionibus perverse sentiant, neque rectam ullam imbibierint justitiæ vindictis ideam? Quæcumque sane proferre potest, contra penarum æternitatem argumenta, aut nihil probant, aut probant, etiam ipsius Judæ æque ac cæterorum Damnatorum restitutionem. Cur enim cæteri damnati in Dei regnum, & gloriam restituantur, Juda flammis æternis ablegato, cum plures saltem ex illis, vel parem, vel etiam majorem penæ reatum suis noxis contraxerint? Quod si idem quoque de his omnibus affirmet, quare horum miserrorum pena non pugnat cum justitia, & reliquis Dei perfectionibus? Aut cur Dei bonitas, & sapientia non exigunt ut creaturas omnes ad eum finem tandem perducat, propter quem creatæ sunt? Quod est potissimum hujusce Authoris argumentum, quo catholicum dogma subvertere nititur.

IX. Quæ addit Author idem in sua Epistola, virum exhibent propriis se antilogiis passim conficientem. Fatetur Judam dubio procul ignorare, an tormenta, quæ fuffert, finem tandem ha-

bitura sint (a). Igitur juxta suæ doctrinæ principia, nihil habet infelicissimus homo, unde agnoscat justitiam penæ, qua a Supremo Judice damnatus est ob prodicionis scelus, & hac cognitione se ad salutarem poenitentiam disponat. Quoniam, ut hac poena *justa* sit, si eidem credimus, finem habeat, necesse est. Propterea quandiu Judas de fine supplicii sui incertus erit, continuas evomet in Deum blasphemias, clamabitque hujusce Authoris verbis, *se injuste nimium, crudeliterque puniri, se talem penam non esse promeritum, amplius a se exigi in supplicio, quam commissum fuerit in delicto &c.* Quæ ergo pacto istiusmodi desperationis, ac blasphemiarum vocibus ad eam conversionem, sive, ut appellat, *purificationem* disponetur, quem ille commisitit, & prorsus necessariam judicat, ut in meliorem, feliciorumque statum restitatur? Quod si hoc de Juda, idem nemo diffitebitur de cæteris damnatis, quorum melior causa, & conditio jure nullo constitui potest. Incerti itaque & ipsi erunt de suæ damnationis fine. Quare horrendis suppliciis adacti in pares erumpent desperationis voces, Deumque ipsos percutientem, nedum ut justum Judicem non agnoscent, & colent, sed potius tamquam insensissimum hostem, & ultorem injustum conviciis ac blasphemiarum profcindent: atque ita graviora perpetim opponunt obstacula propriæ purificationi, & restitutioni.

X. Concludo itaque cum laudato Scriptore de Roches, (ex quo plura, quæ hoc capite proposui, delibasse me ingenue fateor,) vel hoc uno Judæ Proditoris exemplo recentium Originistarum systema penitus dirui, manifestæque falsitatis convinci, ac rum Judæ, tum cæteris quibuscumque ad inferna damnatis non alia de causa melius fuisse *non nasci* juxta Christi Servatoris verba, nisi propter horribilia tormenta, quæ in omnem æternitatem sustinere debent, absque ulla spe veniæ, ac salutis.

F f 2

CA.

CAPUT IX.

Peculiare quorundam Origenistarum effugium ad laudata Scripturarum loca præcluditur. Nullam illud impenitentibus impiis conferre valet probabilem spem vitandi æterna supplicia. Quamquam Deus absoluta potestate damnatos ab æternis pœnis eripere queat, id præstare nequit potestate ordinaria, sive ordinata. Decretum Dei de malis perpetuo puniendis absolutum est, non merè comminatorium. Si iustum non esset pœnam æternam pro peccatis infligere, nec comminari illam Deus debuisset. Objectioni solvitur, quam ex factis Ninivitarum Adversarii conficiunt.

I. **T**Estimonia, quæ hæcenus ex pen-
nu divinarum litterarum produ-
ximus, adeo perspicua, grævia, & in-
eluctabilia visa sunt non paucis eorum,
quibus cæteroqui non displicet recen-
tium Origenistarum hypothesis, ut in-
genue fateantur inepta esse, quæcum-
que isti reponere solent, ut eorundem
vim elevent, aut effugiant. Quare alio
se receperunt, novamque ea eludendi
viam excogitarunt, quam faciliorem,
& commodiorem arbitrantur. Horum
sensum exponere placet verbis duorum
celeberrimorum inter novi hujusce effugii
promotores. Tilotsonus Anglus post-
quam *Serm. 35.* sententiam a Christo
in die supremæ sententiam illustravit,
ejusque sensum legitimam adversus tum
Socinianos, tum Origenistas vindicavit,
ita differt de ejus executione quoad
pœnæ æternitatem: "post hæc illud
"an imadvertere fas est, liberum esse
"minas intentanti, eas ad effectum haud-
"quaquam perducere, si hoc sibi vi-
"deatur. Hoc enim versatur inter pro-
"missiones, ac minas discrimen obser-
"vatione dignum, quod promissor jus
"alteri tribuit adversum seipsum, adeo
"ut juxta regulas justitiæ, & fidelita-
"tis promissis stare teneatur, verique
"nominis injuriam irroget, si ea exa-
"ctè non impleat. Non eodem modo
"se res habet de illo, qui minatur.
"Jus enim in ipso remanet minas exe-
"quendi, vel non exequendi, ac citra
"alicujus injuriam potest non uti jure
"suo, ac debitum dimittere." Ex quo
refert, quod tamen Deus pœnam vere
æternam denunciat in terribili illa sen-
tentia, quam proferet in die judicii,
non sibi libertatem ademerit rigorem

illiis in executione temperandi, da-
mnatosque ex igne æterno liberandi.

II. Ejusdem vestigia premit Joannes
Clericus, eandemque sententiam tradit
pluribus in locis. Primum in notis ad
Caput 8. lib. 3. Theol. dogm. de Angelis:
P. Petavii ita Origenistas sentire re-
fert: fatentur, inquit, illi Deum inten-
dere peccatoribus contumacibus pœnas æter-
nas in Scriptura variis de rationibus,
quas proferre nihil attinet: Sed ajunt
propterea Deum jus remittendarum pœ-
narum nequaquam amisisse. Sic carceri
perpetuo addicuntur rei, quas postea sum-
ma potestas, si velit, liberat. Sic leges
feruntur æternæ, quas tamen Legislator
abrogare potest. Sed nolo Origenistarum
causam agere, quam tamen alibi ex-
presse defendit. Nam *tom. 7. Biblioth. Selectæ art. 8.* citatum Tilotsoni sermo-
nem, ejusque propositam sententiam ap-
probat, additque notum satis esse nun-
quam minas ad effectum perducere eo in
rigore, quem præferunt, datæque opera
Principes legum suarum observantiam
magna urgere severitate, ut subditos ab
iis violandis deterreat, & in officio
contineant. Quapropter, subdit, non est
cur de divini justitiæ rigore conqueramur,
cum nemo sciat, quo pacto Deus
executurus sit in die judicii sententiam,
quam modo denunciat. Plura adjicit
Tom. 9. ejusdem Biblioth. quæ huic
recidunt omnia. "non posse ex Scri-
pturis tamen perspicuis certo colli-
gi pœnarum æternitatem, nosque
ignorare quemnam fortasse modum
minis a se factis apponet piissimus
Deus, qui licet delinquentes punire
debeat, nulla tamen lege adstringi-
tur eo rigore punire, quo minatus
est,

„ est, sed ex arbitrio, & libertate sua
 „ poenam saltem ex parte condonare
 „ potest.

III. En igitur postremum Origenistarum effugium ipsorum verbis propositum, quod, ut facile quisque intelligit, illud idem omnino est, quod jam proposuerat Antonius Collinius in pestilenti libro *de libertate cogitandi*, alibi a nobis memorato, hoc dumtaxat intercedente discrimine, quod ille absolute de futurarum poenarum existentia, hi vero de sola earum æternitate loquantur. Quare quæ *Cap. 13. prime Dissert.* dicta sunt, æque militant aduersus horum opinionationem, eamque vanam & inanem esse manifestant. Atque in primis huiusmodi evasio nullum impiorum spei probabile fundamentum præbere potest. Ex eo namque, quod aliquid contingere potest, colligi prudenter nequit, quod non ita reapse contingeret. Potest, inquit, Deus comminari æternas poenas ad terrorem tantum incutiendum; potest, utpote creditor, damnatis æternum supplicium non infligere, sed ex sua liberalitate dimittere. Sed nonne etiam potest tale supplicium irrogare? Cur igitur potius inferi sperandum esse, quam desperandum de remissione? Potest creditor donare tibi centum nummos aureos, quos ipsi debes: sed potest etiam exigere. Potest Princeps te legis transgressorem morte non damnare: sed & damnare potest. Nunquid ex hac sola utriusque potestate in spem aliquam erigeris, quod vel debitum non persolves, vel capitis poenam effugies?

IV. Sed præterea cum dicunt, *potest Deus ex sua libertate condonare æterna supplicia*, vel loquuntur de potestate illa, quam Theologi vocant *absolutam*, eaque spectat, quæ esse non repugnat: vel de potestate, quam *ordinariam*, vel *ordinatam* appellant, quatenus de rebus omnibus disponit juxta regulas a se constitutas. Si de priore sermonem habeant, libenter largimur ipsis Deum nedum æternum, sed etiam quodcumque supplicium remittere posse peccatoribus quamquam contumacibus. At ve-

ro quis, nisi amens, ex hac potestate sibi fundamentum aliquid sperandi confingat? Quis unquam sibi persuasit se mortem fortassis evasurum, quod in Deo summa potestas est ipsum a morte liberandi? Quod si de posteriore loquantur, de ea nimirum, quæ spectat in rerum ordinem præinitum, legesque a sapientia divina constitutas, jam præter. Dei potestatem quidpiam aliud assignent oportet, unde spem aliquam concipere liceat, non esse reprobos homines puniendos suppliciiis æternis. Sed ut ut in omnem se partem contorqueant, ac penitissime cuncta rimentur, nihil prorsus invenient, quod opiniononi suæ vel tantillum suffragetur. Nam quid esse possit de Damnatorum sorte, juxta ordinem legesque a Deo statutas, non ex iis definire debemus, quæ nobis arident, aut magis consentanea videntur, sed quæ extant in sacris libris, quorum oracula certissima sunt. Porro si Scripturas consulamus, nec vola, nec vestigium in ipsis occurrit, unde eruere liceat, Deum poenas fortasse non infligendum æternas: quin eæ potius spem omnem de pena aliquando finienda præcidunt. Proponunt illæ quidem terribile supplicium, ut mortales ejusdem timore concussi a via mala recedant, virtutemque amplectantur. Quod si præstent, spem eisdem faciunt de divina misericordia impetranda, ac æterna salute obtinenda; si autem in peccato obfirmati ex hac vita decedant, nullum amplius iis tribuunt penitentiae spatium, nullum salutis locum, nullum sempiternæ damnationis remedium. Quæ ergo ratione, quo fundamento dici valet forte æternas non futuras improborum poenas, quia Deus tamquam creditor eas remittere potest?

V. Ulterius spes nulla, Adversariis fatentibus, subesse potest, quod figere fortasse habitura sint inferni supplicia, si Scripturarum oracula, quæ illa æterna esse pronuntiant, non sint meræ comminationes, aut terricula, sed absoluta de iis inferendis decreta. Hoc posito velut omnibus explorato, sic arguere licet: nullæ concipi locutiones, nul-

læ phraſes, formulæ nullæ valent, quibus abſoluta Dei voluntas exprimitur, clariores, efficacioreſque, quibus uſa eſt divina Scriptura in exprimenda pœnarum æternitate: igitur non meræ comminationes, aut terricola, ſed abſoluta decreta credenda ſunt. Prior illa propoſitio manifeſto conſtat legenti ea teſtimonia, quæ tribus integriſ capitibus a nobis producta fuere: quæ non aliam plane ideam ingerunt, quam definitæ prædictionis eorum, quæ eventura ſunt impiis poſt mortalem hanc vitam. Ne omnia iterum oculis ſubjiciamus, unum vel alterum duntaxat conſideremus; ac præſertim verba illa, quæ ſupremus Judex ſe prolaturum teſtatur in die judicii, *diſcedite a me maledicti in ignem æternum*: Quæro enim ab Adverſariis, feretur ne hujusmodi ſententia in eos, qui a ſiniſtris erunt, vel non feretur? Si ſerenda non eſt, ergo increata Veritas, ſapientia Patris fallacibus nos verbis decepit. Quod ſi ſerendam eſſe concedant: ergo juxta ipſius verba reaſſe impii diſcedent a Chriſto in ignem æternum: idque eodem in loco affirmat divinus Salvator, dum ſubdit completo judicio: *Et ibunt hi in ſupplicium æternum: juſti autem in vitam æternam*: quibus in verbis non minꝰ aliqꝰ exprimiuntur, ſed executio ſententiæ, quam ſe laturum prædixit. An forte dicere audebunt totam eam hiftoriam ad inanem, vacuumque effectum terculamentum incutiendum a Chriſto conſiſtam eſſe? Igitur eodem temerario aſu effutire poterunt neque fortaffe futurum extremum Dei judicium, ſed ad terrorem tantummodo fuiſſe conſiliũ: neque enim iſtud luculentiore ſermone prædicatur, quam æterna impiorum pœna. Quod ſi judicium certiſſime futurum admittunt, cur non etiam certiſſime eventura concedunt, quæ in eo peragenda eadem divina Veritas eodem loco, textuque prænuñciat?

VI. Idem pariter obſervare eſt in aliis locutionibus, ubi ſimpliciter exponitur quid de futuro impiorum ſtatu jam ab æterno decreverit Deus, ut e. g. Verba illa, *vermis eorum non morietur*,

Et ignis eorum non exſtinguetur, prolata ab Iſaia, & a Chriſto Domino eodem loco ter repetita, ut vehementius veritatem eorum commendaret: & illa Joannis in Apocalypſi non ſemel adhibita, *cruciabuntur die ac nocte in ſecula ſeculorum*: ubi illud fas eſt animadvertere, quod juſſus fuit ſcribere Joannes cap. 21., & 22. *hec verba fideliffima ſunt, Et vera, omnia ſcilicet, quæ tibi Deus per Angelum revelavit*, (inter quæ ea præcipua ſunt, quæ de cruciatu impiorum in omnia ſecula duraturo patefecerat), *ita proſus evenient, ac prædicta tibi fuere*. Si comminandi tantum cauſa, non exequendi animo æternum illud ſupplicium prænuñciaſſet, ita ne loqui potuiſſet? Ejuſne verba, quibus non reſponderet eventus, *fideliffima* ac *vera* forent, an potius ſubſtiſta, immo deceptoria?

VII. Nec ſolæ locutiones, ſed etiam exempla, quæ extant in ſacra Scriptura, hoc ipſum validiſſime confirmant. Præter illud Judæ Proditoris, quod jam ſuperiore capite ſatis expendimus, ad rem quam maxime facit, quod de Divitæ Epulone fato jam ſuncto legimus. Illum namque Chriſtus Dominus nobis exhibet ob voluptatum amorem, & animum in pauperes immiſericordem in Gehennæ ſuppliciiſ immaniter cruciatum, ac ardoris ſui refrigerium aliquod fruſtra eſſagitantem. Abrahamum ſubinde repræſentat nedum, quod ille petebat, minime elargientem, ſed omnem tum ipſi, tum cæteris, qui in loco eodem verſantur, conſolationis ſpem adimentem verbis illis: *in his omnibus inter nos Et vos habetis magnum firmatum eſt, ut hi, qui volunt hinc tranſire ad vos, non poſſint, neque inde huc tranſmeare*. Ut ut admittamus hanc non eſſe hiftoriam, ſed parabolam, rem tamen ipſam omnino certam ſuppōnit, divites nempe crudeles, alioſque nefarios homines hunc demum exitum conſequi, ut ad inferorum ſupplicia detrudantur, ſpe omni illinc exeundi ſublata: alioquin tam excellens Parabola nihil plane ſignificabit,

bit, aut Christus eam proponendo nos fessellit.

VIII. His accedunt omnia illa testimonia, quibus diserte asseritur nulum reprobus post mortalem hanc vitam superesse spatium pœnitentiæ, aut boni aliquid operandi, unde ad veniam, & misericordiam consequendam se disponant. Fatentur Adversarii finem habere non posse damnatorum miseriam, nisi de noxis, & sceleribus, quibus eam promeriti sunt, pœnitentiam agant, ac piis actibus, & affectibus dignos se venia ac misericordia impetranda constituent. Si igitur nullus iis salutari pœnitentiæ locus reliquus sit, neque ulla reliqua est consequendæ salutis via. Porro in sacris litteris res adeo clara, compertaque est solius vitæ præsentis tempus a divina Providentia destinatum fuisse hominibus, ut agant pœnitentiam, piisque actionibus salutem suam operentur: futurum vero non pœnitentiæ esse, sed retributionis, præmii scilicet, aut vindictæ, ut nihil clarius, ac certius desiderari queat. Quare autem sacre litteræ aditum omnem ad obtinendam salutem damnatis præcludunt, nisi ut certiores nos reddant æternum impiorum exitium firmo absoluto Dei decreto constitutum esse?

IX. Nonnulli ex Adversariis his adeo convincuntur, ut sincere fateantur, nihil esse in divinis Scripturis, unde colligere liceat Decretum Dei de æterna pœna inferenda non esse absolutum, sed comminatorium. Quapropter missa tot autoritatum discussione ad humanæ rationis lumen se recipiunt, in eoque se firmum fundamentum reperisse obganiunt, unde Scripturæ verba non absolutæ prædictionis, sed minarum loco duntaxat habenda sint: quia nimirum, inquit, si pœnarum æternitas cum purioribus iustitiæ vindictis ideis conleatur, cum iis omnino pugnare deprehenditur.

X. Nemo est, qui non videat Adversarios hac responsione causam suam ab uno ad aliud tribunal evocare, quodque magis mirere, non ut fieri solet ac debet, ab inferiori ad superius, sed

a superiore ad inferius. Verum huc eos modo non sequimur, ne extra orbitam nobis prætitutam divagemur. Hoc solum nunc animadverto, quod ad hanc evasionem intercludendam abunde est. Si æterna impiorum pœna revera iustitiæ vindictis legibus repugnaret, nedum Deus absoluto decreto talem pœnam infligere minime statuisset, sed neque illam comminatus esset. Siquidem pœnam, quæ secundum iustitiæ leges irrogari non potest, neque fas est comminari: ac perverse se gereret, qui pro aliquo delicto supplicium minaretur, quod, spectatis omnibus circumstantiis, majus est ipsius gravitate, ac merito. Unde nec probus Rector, aut Princeps pœnam minatur, quam iuste non potest infligere. Si igitur, ut ajunt Adversarii, æterna pœna temporario peccato non deberetur, ac iustitiæ legibus repugnaret, non solum Deus absoluto decreto, sed neque mere comminatorio eam statuere debuisset: adeoque perperam confugiunt ad repugnantiam, quam ipsi concipiunt, cum legibus iustitiæ, ut clarissima Scripturæ testimonia, quæ æternam pœnam peccatoribus denunciant, non tamquam absoluta Dei decreta, sed ut meras comminationes habeant. Verum hac de re infra.

XI. Tilorfonus in ipsa etiam Scriptura fundamentum aliquod opinionis suæ se invenisse putat, in celebri nempe Jonæ Prophetia de subversione Ninive. Jussu siquidem Dei citra expressam ullam conditionem, Propheta prædixit impiæ civitatis excidium post dies quadraginta eventurum; *adhuc quadraginta dies, & Ninive subvertetur*, neque tamen everio consecuta est, ut fuerat prædictum. Quidni ergo etiam sperare liceat Deum quidem denunciare hominibus æterna supplicia, quæ tamen non sit irrogaturus?

XII. Mirum profecto est hunc Authorem catholicam de pœnarum æternitate sententiam hocce stramineo telo concutere voluisse. Pessime in primis ratiocinatur ille, dum ex uno facto arguit adversus innumera, quæ pro alia parte conspirant. Si Jonæ Prophetia mere

mere comminatoria fuit, nec effectum habuit, sexcentæ aliæ, quæ in iisdem Scripturis extant, non mere comminatoriæ fuerunt, sed absolutæ, effectumque obtinuerunt. Cur ergo ex unica illa spem esse colligis Deum non inflicturn penas, sed duntaxat comminari, & ex aliis innumeris, quæ non mere comminatoriæ, sed absolutæ fuerunt, non potius concludis penas easdem reapse inflicturn, nec esse de remissione sperandum? Audi Joannem Chrysostomum spem illam tuam conterentem homil. 25. in epist. ad Rom. " Sed hæc comminationes tantum sunt, inquires. Et quomodo, quæso, tantam rem audes pronunciare, & ex te ipso calculum ferre? Ego enim & ab iis, quæ dixit, & ab iis, quæ fecit Christus, contrarium demonstrare valeo. Si enim propter futura supplicia non credis, saltem ex iis, quæ jam facta sunt, crede. Nam, quæ facta sunt, & in opus exierunt, minæ non sunt & verba. Quis ergo sub Noe orbem totum inundavit, & grave illud naufragium curavit, totamque generis nostri perniciem? Quis postea fulmina illa, & incendia immisit in Sodomorum terram? Quis Ægyptum totum in mare demersit? Quis sexcenta hominum milia in deserto consumpsit? Quis Synagogam Abironis combussit? Quis iussit terram os aperire, & Core, & Datan & socios absorbere? Et pluribus aliis commemoratis exemplis concludit: quemadmodum minæ tantum non fuerunt horum omnium prædictiones, ita neque solas minas reputari posse, quæ de æterno impiorum supplicio prænuntiata fuere.

XIII. Ulterius verba, & circumstantiæ Prophetiæ de Ninive subvertenda satis indicabant eam comminatoriam, aut conditionatam esse. Ideo enim Deus Jonam misit ad Ninivitas, ut eos comminatione feralis excidii a via mala revocaret, & spatium dierum quadraginta concessit, ut penitentiam agerent,

atque ita calamitatem, quæ impendebat, evitarent, ipsique Ninivites sub hac conditione, nisi penitentiam agerent, prophetiam complendam intellexerunt. Quare invicem dicebant: *quis scit, si convertatur, & ignoscatur Deus, & revertatur a furore iræ suæ, & non peribimus?* E contra in prædictionibus de futuro contumaciæ peccatorum æterno exitio, nihil est, unde tacitam aliquam conditionem vel suspicari liceat: sed tum verba, quibus conceptæ sunt, tum circumstantiæ omnes, quas supra perpendimus, tum exempla, quibus declarantur; apertissime ostendunt definitivum, & absolutum esse divinum decretum de hujusmodi pena impiis omnibus infligenda, qui ex hac vita sine penitentia decesserint.

XIV. Denique, quod rem plane conficit, nonne Deus re ipsa præstitisset, quod Ninivitis prædixerat, eorumque Civitas certissime subversa esset, si non egissent penitentiam? Quis hoc inficiari audeat? Igitur id quoque citra dubium omne Deus ipse præstabit, quod peccatoribus minatur, nisi penitentiam egerint eo temporis spatio, quod ipsis ad penitentiam reliquit. Cum itaque penas æternas impenitentibus denunciet, nullumque esse agendæ penitentiae spatium in futura vita exerte declaret, effectum omnino habituræ sunt hujusmodi minæ, si nihil ex iisdem modo proficiant contumaces homines, neque a via mala discedant, sed in ea ad mortem usque perseverent. *Quia Ninivites,* inquit S. Joannes Chrysost. (a), *penitentiam egerunt, minas in verbis tantum sibi curaverunt. Vis tu id tantum comminationem esse? In tua potestate id situm est. Melior evade, & comminationis sistitur. Si vero, quod absit, minas spreveris, in experimentum venies. Qui diluvii tempore erant, si minas timuissent, rem non expecturi erant. Et nos, si minas timeamus, experimentum non habebimus. Et S. Augustinus cum sibi exemplum idem Ninivitarum obje-*

(c) Homil. 1. in Epist. ad Iohannem.

objecisset lib. 21. de Civit. Dei Cap. 18., ita respondet Cap. 24.: „ceterum eos, „qui putant minaciter potius, quam „veraciter dictum: *discedite a me maledicti in ignem eternum*: & „ibunt „hi in supplicium eternum: & „cruciantur in secula seculorum: & „vermis eorum non morietur, & ignis non „extinguetur, & cetera hujusmodi;

„non tamen ego, quam ipsa Scriptura divi-
„vina planissime, atque plenissime re-
„darguit, ac refellit Ninivite quippe
„in hac vita egerunt poenitentiam, &
„ideo fructuosam velut in hoc agro se-
„minantes, in quo Deus voluit cum
„lacrimis seminari, quod postea cum
„lætitia meteretur &c. „

CAPUT X.

Alia ad eandem evasionem amplius intercludendam argumenta. Pugnât illa cum immutabilitate divini decreti, quod juramento suo Deus confirmavit. Tilotsoni, & Clerici responsiones inutiles demonstrantur. Pugnât etiam cum divina veracitate, quæ admissa Adversariorum hypothefi, conciliari nequit cum iis, quæ de æterna impiorum miseria revelata sunt. Ac demum pugnât cum ipsa Dei sapientia, ac justitia: adeoque impossibilis undecumque est conficta illa sempiterna pœnæ remissio.

I. VAnam, & inanem prorsus esse Adversariorum evasionem jam expositam, ex iis, quæ superiore capite dicta sunt, adeo evidenter apparet, ut nemo nisi plane delirus sperem inconcipiat æterna fortasse non futura supplicia, quæ Sacre litteræ tam sæpe denunciant. Nihilominus, quoniam hoc est præcipuum recentium plurium Originitarum fundamentum, eoque dejecto fatentur nihil impiis sperandum superesse de pœnæ tam terribilis remissione, novis machinis illud adoriri placet, penitusque convellere. Hoc est itaque, quod illi veluti principii certissimi loco ponunt, atque ad ravim inculant: *quamquam Deus in sacris libris pœnas æternas comminatus fuerit verbis satis disertis, atque perspicuis, non ex hoc tamen sibi facultatem eripuit moderandi decretum suum. Quemadmodum & humani Principes, aut legumlatores, licet pœnas gravissimas ac perpetuas sæpe decernant adverſum legum transgressores, non sibi potestatem admittunt veniam reſ concedendi, aut pœnarum ſeveritatem temperandi. Poterit ergo Deus ſupremo hoc ſuo dominio uti, & damnatis tandem i-
gnoscere, eoſque ab æterno ſupplicio libe-*

rare. Ita Clericus ut supra, & alii.

II. Ut igitur hoc fundamentum omnino conteram, illud probandum ſuſcipio, remiſſionem illam æternæ pœnæ, quam poſſibilem jaſtant, poſitis iis, quæ nobis a Deo revelata ſunt in Scriptura, eſſe impoſſibilem, utpote pugnantem cum præcipuis divinis attributis, immutabilitate, veracitate, ſapientia, atque juſtitia: adeoque neceſſarium eſſe, ſi neceſſitate abſoluta, ſaltem neceſſitate, quam vocant *ſuppoſitionis*, ut Deus pœnas illas reprobis inſigat, ac nunquam remittat.

III. Ut primum id oſtendam ex Dei immutabilitate, illud tamquam omnino exploratum conſtituo, quod ſi ſemel decreverit Deus punire impios contumaces ſempiterno ſupplicio, jam hoc decretum fixum & conſtans permanebit, & effectum certiffime habiturum eſt; non enim, inquit S. Thomas (a), poſteſt eſſe quod Deus aliquid ſe facturum diſpoſuerit, quod poſtmodum ipſe non faciat: alias ejus diſpoſitio eſſet mutabilis: quod eſt impoſſibile. Nam tunc voluntas mutatur (pergit ille) ſi aliquis incipiat velle, quod prius non voluit, vel deſinat velle quod voluit; quod quidem accidere non

G g non

non potest, nisi præsupposita mutatione, vel ex parte cognitionis, vel circa dispositionem substantiæ ipsius volentis: unde concludit, quod cum & substantia Dei, & ejus scientia sit omnino immutabilis, immutabilem quoque esse ejus voluntatem, necesse sit. Quare ad rem plane non sunt exempla, quæ proferunt Adversarii ex iis, quæ in humanis sæpe contingunt. Ideo enim Principes, aut Magistratus leges, vel decreta, quæ condiderant, nonnumquam abrogant, penasque non infligunt, quas decreverant: quia novo aliquo adveniente motivo, aut circumstantia, quam minime præciseverant, vel affectione ipsa mutata, consilium quoque mutant, quod cœperant, desinuntque velle, quod antea voluerant. Idem de Deo cogitare nefas: non enim Deus quasi homo, ut mentiatur, neque ut filius hominis, ut mutetur (a). Nam neque novi aliquid nosse potest, quod semper non cognoverit; neque ullam in seipso subire mutationem, unde velle desinat, quod prius voluerat. Si ergo Deus ab æterno decrevit punire impios æterno supplicio, fieri nequit ut hæc unquam mutetur dispositio, aut impij constitutæ penæ remissionem aliquando consequantur.

IV. Porro si sacras litteras legimus, unde divinæ voluntatis dispositiones nobis innotescunt, adeo manifestum est tale a Deo factum fuisse de impiis puniendis decretum, ut vix quidpiam aliud manifestius occurrat, nihilque superfit unde decreta Dei cognoscere liceat, si ea, quæ produximus testimonia, illud satis non manifestant. Quæ supra jam observata sunt, repetere nolum. Unum duntaxat ad cumulum animadverto, Deum non solum decrevisse æternam impiorum damnationem, sed etiam decretum suum juramento firmasse, quod fixam & constantem voluntatis suæ dispositionem amplius declarat. Sic enim legimus in Psal. 94.: *issi non cognoverunt vias meas, ut juravi in ira mea, si introibunt in requiem meam: hoc est, ipsi non cognoverunt semitas, in quibus homines ambulare præcepi, sive leges con-*

temperunt, quas iisdem imposui: propterea ego illis juravi, seu irrevocabilem sententiam protuli, quod non introibunt in requiem meam, id est in locum consolationis, & quietis, quem illis promiseram. Fateor hic sermonem esse tum de Judæis, qui egressi sunt de Ægypto, tum de terra Canaan, quam Deus pollicitus fuerat Patribus eorum; ita tamen, ut per terram illam simul significetur Beatorum Patria, ubi est perfecta requies, ac felicitas, & qua firmo & immutabili decreto excluduntur, qui divinis legibus parere noluerunt. Hanc enim in illa adumbratam fuisse expressè tradit S. Paulus in Epist. ad Hebræos cap. 3., & 4., eademque Dei verba de exclusionem a terra promissionis, tum a cælesti Patria, & Sanctorum requie intelligit: atque adeo quemadmodum ex illa decreto immutabili ejecti sunt Hebræi, ita eodem immutabili decreto ejiciuntur ex ista rebellēs homines in tenebras exteriores, ubi erit fletus, & stridor dentium.

V. Hoc sibi argumentum opponit Tilotsonus, atque uacillat respondens, ex illo duntaxat colligi posse reprobos nunquam esse salvandos, non tamen perpetuo supplicio plectendos, sive aliis verbis, illud Dei testimonium juramento confirmatum, evincere quidem æternam reproborum exclusionem a gloria cælesti, de qua solum loquitur, non autem æternum ignis, aut positivæ penæ cruciatum, de quo nihil statuit.

VI. Verum hæc responsio in primis totum pessundat Origenistarum systema, qui Apocatastasim aliquando futuram contendunt, & impios omnes nedom ab inferni suppliciis liberandos, sed & in gloriam beatorum admittendos. Ac deinde nec ipsa confititur. Nam si semel hoc conceditur impiis nunquam regnum Dei esse consecuturos, jam sine ullo fundamento, immo contra expressa Scripturæ verba asseritur, eos passuros non esse æterna supplicia. Nam in finali suppremi Judicis sententia, duo illa æque conjunguntur, exclusio videlicet a Regno Dei, & æternus cruciatus. *Discedite, inquit, a me maledicti: in exclusio*

sio a beatitudine: *in ignem æternum*: en pœnæ perpeffio. Si igitur æterna futura est exclusio a beatitudine, cur æterna quoque dicenda non erit tolerantia pœnarum? Id clarius etiam exprimitur in executione terribilis sententiæ: *Et ibunt hi in supplicium æternum, iusti autem in vitam æternam*. Utraque eadem voce æterna dicuntur, tam supplicium, quam vita. Si igitur æterna erit vita, qua fruuntur electi, ad quam nunquam reprobi admittentur, quid superest nisi ut in igne semper sint, qui in vita nunquam erunt? Idem evincitur ex aliis sententiis, in quibus æternitas igni comburenti, aut crucianti damnatos frequentius affigitur, ut omnibus innotesceret eos tum privativa, tum positiva pœna æternum esse puniendos. Nec refert, quod in iis juramentum suum Deus non apposuerit; quoniam eo modo, iis verbis, ac phrasibus efferuntur, quæ juramento æquivalent, seu quæ perinde immutabilitatem divini decreti enunciant.

VII. Joannes Clericus, cum plane perspicere hujusce responsionis imbecillitatem, eaque prodi Origenistarum causam, aliam adoptat, ut verborum Psalmi vim eludat, quæ tamen non minus inepta est. Sic enim scribit in notis ad Tilotsoni sermonem (a): „ non omne id, quod convenit typo, convenire necesse est etiam antitypo. Unde Scholastici dicunt, nullo ex symbolis deduci posse argumentum, nisi cum Scriptura ipsa manifestat Deum in aliquo facto, vel sententia reperiisse ad aliquid ulterius significandum. Quapropter ex quo Deus juramento confirmaverit Judæorum a terra promissa exclusionem, idem dicendum non est de exclusionem reprobos ab æterna gloria. „

VIII. Ad Clericum ita respondens propriis se armis prostermit. Ex symbolis ergo argumentum solum deduci potest, cum aliquid figuratum & adumbratum

in illis Scriptura ipsa manifestat. Doctrinam hanc Theologorum, quam profert, lubens ego recipio, & ex ea sic adversum ipsum argumentum conficio. D. Paulus in *Epist. ad Hebræos Cap. 3. & 4.* memorata Psalmi verba pluries recitat, eaque, quæ dicta sunt de temporaria terre promissæ requie, a qua propter duritiam cordis & incredulitatem ejeciti sunt Judæi, refert ad æternam requiem, & felicitatem Patriæ cælestis, a qua excluduntur omnes, qui illorum vestigiis insunt. Quibus, inquit Apostolus, *juravi non introire in requiem ipsius, nisi illis, qui increduli fuerunt? Timeamus ergo, ne forte relicta sollicitatione introeundi in requiem ejus, existimetur aliquis ex vobis deesse. Etenim & nobis nunciatum est, quemadmodum & illis: sed non profuit illis sermo auditus non admixtus fidei ex iis, quæ audierunt. Ingrediemur enim in requiem, qui credidimus, quemadmodum dixit: sicut juravi in ira mea, si introibunt in requiem meam &c.* Et alia plura de hac re ibidem habet S. Paulus, quibus liquidum est ad utramque requiem temporariam, & æternam ea verba referri, quæ Deus juramento firmare voluit, ut penitus irrevocabile esse decretum suum significaret.

IX. Verum nedum cum Dei immutabilitate, sed etiam cum ejus veracitate pugnat remissio illa æternæ pœnæ, quam possibilem venditant Adversarii. Ad veracitatem enim pertinet, ut docet S. Thomas 2. 2. q. 109., ut signa, quæcumque ea sint, vel verba, vel facta, signatis adæquantur: sicut mendacium est, cum rei signatæ signum non consentit. Deus autem firmissimum suæ voluntatis decretum de impiis in æternum puniendis & verbis, & factis aperitissime significavit. Ut ergo sibi constet divina Veracitas, necessum est ut impii in æternum puniantur. Id amplius manifestum facio. Si Scripturas sacras consulimus, in quibus locutus est Deus, & arcana decreta sua homi-

nibus patefecit, nemo ambigere jure potest, quin ipse conceptissimis, & clarissimis verbis significaverit æternum esse impiorum supplicium, ut cum dixit, *vermis eorum non morietur, & ignis &c. ibunt in supplicium æternum, dabunt pœnas in æternum a facie domini, cruciabuntur in sæcula sæculorum, & his similia*: quæ testimonia nullum alium, præter nativum & obvium, sensum legentibus ingerunt, ut Adversarii fatentur, nec alio in sensu explicari queunt. Si igitur Deus aliquando impios ab Inferni pœnis eriperet, a mendacio vindicari nullatenus posset: tunc enim *vermis eorum reapse moreretur, & ignis eorum extingueretur, non darent pœnas in æternum a facie Domini, non cruciarentur in sæcula sæculorum &c.*: ut nemo non videt. Fac, amabo, hominum quempiam paria locutum esse, e. c. Principem, aut Judicem damnantem reum ad carcerem perpetuum: quod nempe, semper ibi delictorum pœnam exsolvet, quod nunquam inde egredietur, quod in eo manebis quousque vivet, quod veniam non erit impetraturus, &c. nonne si ipsum tandem e carcere liberaret, alterutrum dicendum esset, vel scilicet mutasse consilium, vel fuisse mentitum, dum ea verba proferret? Idem ergo merito dici posset de Deo, si æterna non foret impiorum pœna tot luculentissimis testimoniis ab ipso confirmata.

X. Rem magis adhuc declaro propositum ex pluribus exemplo Prophetiæ a Christo factæ de excidio Hierusalem. Narrat S. Lucas Cap. 19. quod cum Jesus appropinquaret Hierusalem, videns civitatem flevit super illam, atque hæc inter alia cum lacrimis effatus est: *venient dies in te, & circumdabunt te inimici tui vallo, & circumdabunt te, & coangustabunt te undique, & ad terram prosternebant te &c. eo quod non cognoveris tempus visitationis tuæ.* Prophetiam hanc omnino fuisse completam certo scimus. Sed finge modo, hypothesis loco, id Civitati Hierusalem non contigisse, quod a Christo prædictum fuerat, nonne

Christus falsum prænunciasset, & vel discipulos, quos alloquebatur, decepisset, vel deceptus ipse fuisset? Nemo id certe negaverit, cum memorata verba eo pacto, iis circumstantiis prolata nihil aliud significant, quam ingrata civitatis excidium in pœnam nequitie sue reapse secuturum. Ex hoc itaque exemplo sic arguo. Quæ de æterno impiorum exitio prædicuntur in sacris libris, pari modo, immo longe frequentius, ac luculentius expressa sunt, ac Hierusalem everso, ut ex textibus a me alatis manifestissime constat: igitur potiori titulo falsitatis convincerentur tot divinæ prædictiones, si exitium illud æternum non esset, sed aliquando finem haberet.

XI. Atque ex hoc corrui omnino objectio supra proposita & soluta ex Prophetia facta Ninivitis, quam hic Adversarii rursus obrudunt. Quamquam enim in illa comminatione, *adhuc quadraginta dies, & Ninive subvertetur*, expressa non fuerit conditio, *nisi pœnitentiam egissent*, facile tamen & ex modo ipso loquendi, & ex circumstantiis subintelligi poterat, & reipsa subintellecta fuit a Ninivitis. Unde nihil deperit Prophetiæ veritati. Atque ita pariter sub conditione intelliguntur minæ æternæ damnationis factæ a Deo peccatoribus in hac mortali vita degentibus, *nisi nempe pœnitentiam agant antequam decedant*, juxta illud Christi Domini: *nisi pœnitentiam egeritis, omnes similiter peribitis.* Cæterum peractio hujus vitæ cursu, absoluteque omnium judicio, non relinqui amplius salutari pœnitentiæ locum, sed solam superesse delictorum pœnam sine fine luendam divina Veritas diserte testatur. Unde sicut impossibile est mentiri Deum, sic impossibile est hujusce æternæ pœnæ remissionem fieri.

XII. Demum ficticia illa æternæ pœnæ remissio repugnat etiam Dei sapientiæ, atque justitiæ. Sapientiæ quidem: nam ut admittamus (inquit Baravus quidam Author (a)) homines aliquan-

do

do minari pœnas, quin semper minas ad executionem deducant; at profectio haud sapiens haberetur ab omnibus Princeps, qui legem aliquam conderet omni tempore duraturam, & in ejusdem transgressores pœnam vel mortis, vel carceris perpetui decerneret, quin tamen re ipsa unquam perficeret, quod minatus est. Ita namque se gerens, satis ostenderet ejusmodi pœnam decretam fuisse re bene non considerata, nec maturo consilio discussa. Idem ergo opinari fas esset de supremo Legislatore Deo, si pœnas æternas in legum suarum contemptores sanxisset, quas tamen nemini infligeret, sed fontes omnes ab iisdem liberaret juxta Adversariorum hypothesim.

XIII. Quod autem etiam divinæ justitiæ repugnet, saltem juxta ordinem

a Deo sapientissime constitutum, ex iis colligitur, quæ leguntur in Apocalypsi cap. 19., ubi S. Joannes hæc refert: *post hæc audivi quasi vocem turbarum multarum in celo dicentium, alleluja: salus & gloria, & virtus Deo nostro, quia vera & justa judicia sunt ejus, qui judicavit de meretrice magna &c. & iterum dixerunt, alleluja: & fumus ejus ascendit in secula seculorum.* Ex hoc testimonio apparet justum dici Deum, ac justitiæ nomine a Sanctis & electis Spiritibus commendari, quod judicavit de muliere meretrice, eamque ad pœnam in secula seculorum duraturam damnaverit. Igitur necesse est, ut ejusmodi æterna pœna divinæ justitiæ consentanea sit: adeoque nonnisi eidem dissenteanea dicenda est ejusdem pœnæ remissio, quam Adversarii futuram stultissime confidunt.

C A P U T XI.

Num saltem impiorum aliqui ex æternis suppliciis demum eruendi sint. Variæ de hac re quorundam veterum, ac recentiorum opiniones, quas Dei verbo adversari luculenter evincitur. Nullius momenti sunt, quæ in eorum defensionem proferuntur. Purgatur S. Hieronymus a suspitione, quod Christianos omnes a sempiterno exitio tandem liberandos docuerit.

I. **E**Xtiteret nonnulli origeniano future conspersi, qui tot scripturarum apertissimis documentis convicti, pœnarum inferni æternitatem tandem admiserunt. At quadam misericordia moti, & humano affectu errantes, ut inquit Augustinus, sin minus damnatos omnes, prout sensit Origenes, quosdam saltem post certi temporis metas pro cuiusque peccati quantitate longioris, sive brevioris, ex æternis suppliciis liberandos, & Beatorum choro sociandos esse credere. Horum varias opiniones recitat Sanctus idem Augustinus lib. 2. de Civit. Dei cap. 17. & sequentibus, & ex ipso Sanctus Thomas in 9. dist. 46. q. 2. Alii namque dixerunt malos quidem Angelos æternum esse puniendos, non tamen homines, quorum non obliviscetur misereri Deus, sed post diuturnam exoluta supplicia, ad vitam æternam perducet. Alii non omnes homines hanc Dei misericordiam consecuturos

esse putaverunt, sed solos Christianos, sive Christi baptismate ablutos, qui participes sunt corporis ejus quomodo libet vixerint, in quacunque heresi, vel impietate fuerint, tum propter ea verba, qui perseveraverit usque in finem, in fide scilicet, ut explicabant, salvus erit: tum propter illa: *Hic est panis, qui de celo descendit, ut si quis ex ipso manducaverit non moriatur. Ego sum panis vivus, qui de celo descendi: si quis manducaverit ex hoc pane vivet in æternum.* Alii solis catholicis in Ecclesiæ gremio perseverantibus, quamvis in ea male viventibus, hoc divinæ pietatis beneficium promittebant, per ignem videlicet salvandos merito fundamenti, de quo ait Apostolus 1. ad Corint. cap. 3., *fundamentum enim aliud nemo potest ponere præter id, quod positum est, quod est Christus Jesus. Siquis autem edificat super fundamentum hoc &c., unusquisque opus manifestabitur. Dies enim declarabit: quoniam in igne*

igne revelabitur, & uniuscujusque opus, quale sit, ignis probabit. Si cuius opus permanferit, quod superedificavit, mercedem accipiet. Si cuius autem opus arserit, damnum patietur: ipse autem salvus erit, sic tamen quasi per ignem. Dicebant ergo, sequitur Augustinus, cujuslibet vitæ catholicum Christianum Christum habere in fundamento: quod fundamentum nulla hæresis habet a corporis ejus unitate præcisa. Et ideo propter hoc fundamentum, etiamsi mala vitæ fuerit Catholicus Christianus &c. post pœnas ignis illius liberari, quo igne in ultimo judicio punientur mali.

II. Alii denique existimarunt eos tantummodo arsueros illius æternitate supplicii, qui pro peccatis suis facere dignas eleemosynas negligunt, juxta illud Apostoli Jacobi: *judicium autem sine misericordia illi, qui non fecit misericordiam. Qui ergo fecerit, inquebant; quamvis mores in melius non mutaverit, sed inter ipsas suas eleemosynas nefarie ac nequiter vixerit, judicium illi cum misericordia futurum est, ut aut nulla damnatione plectatur, aut post aliquod tempus sive parvum, sive proximum ab illa damnatione liberetur.* In horum numero eos quoque ponebant, qui injurias ipsis illatas libenti animo dimississent, juxta illud: *si dimiseritis peccata hominibus, dimittet vobis & Pater vester peccata vestra.*

III. Veterum horum opinionationes non omnino displicuerunt quibusdam ex recentioribus. Primam quidem, quæ omnium hominum, non autem Dæmonum liberationem & salutem futuram ponit, veluti improbabilem universi omnes rejiciunt. Eadem quippe momenta, quæ aditum salutis malis Angelis intercludunt, intercludunt etiam malis hominibus. Nam ut egregie differit S. Augustinus cap. 23. ejusdem libri 21. de Civit., nec alia causa, nec iustior, atque manifestior inveniri potest, cur verissima pietate teneatur fixum & immobile, nullum regressum ad iustitiam, viamque Sanctorum Diabolum, & Angelos ejus habituros, nisi quia

Scriptura, quæ neminem fallit, dicit eis Deum non pepercisse, & sic ab illo esse interim prædamnatos, ut carceribus caliginis inferi reclusi traderentur servandi, atque ultimo judicio puniendi, quando eos æternus ignis accipiet, ubi cruciabuntur in sæcula sæculorum: Quod si ita est, quomodo ab hujus æternitate pœnæ vel universi, vel quidam homines post quantumlibet temporis subtrahentur, & non statim enervabitur fides, qua creditur sempiternum Dæmonum futurum esse supplicium? Si enim quibus dicitur: *discedite a me maledicti in ignem æternum, qui paratus est Diabolo, & Angelis ejus*, vel universi, vel aliqui eorum non semper ibi erunt, quid causæ est cur Diabolus, & Angeli ejus semper ibi futuri esse credantur? An forte Dei sententia, quæ in malos & Angelos, & homines proferetur, in Angelos vera erit, in homines falsa? Ita plane hoc erit, si non quod Deus dixit, sed quod suspicantur homines, plus valebit. Quod fieri quia non potest, non argumentari adversus Deum, sed divino potius, dum tempus est, debent parere præcepto, qui sempiterno cupiunt carere supplicio. Sed & pluribus aliis argumentis idem somnium dissilatur, quæ prætereo.

IV. Rejuncta igitur hac sententia, recentes nonnulli haud omni verisimilitudinis colore destitutum credunt aliorum placitum, qui ab æterna pœna aliquando eruendos dixere omnes Christianos, qui fidem nempe Christi suscepunt, in eaque defuncti sunt, licet ob crimina, quæ in hac vita commiserunt, audire meruerint a Christo Judice: *discedite a me maledicti in ignem æternum* (a), sibi que favere putant maximum Ecclesiæ Doctorem S. Hieronymum. Alii ad eos duntaxat hanc gratiam extendunt, qui misericordiæ, aliarumque virtutum operibus insignes fuerunt. Alii vero nihil de hac re definiri posse fatentur; sperant-

(a) Vide. Tom. 7. Bibliothecæ selectæ Joan. Clerici.

randum tamen esse dicunt de divina bonitate, quod eos a sempiterna miseria ereptura sit, quos venia ac salute minus indignos ipsa iudicaverit.

V. Verum hæc omnes sententiæ adverterant Ecclesiæ Catholicæ sensui, ac doctrinæ, legibusque de hominum salute a divina Providentia constitutis, quæ ex sacris litteris, ac perenni traditione nobis innotescunt. Nec lubet, nec necesse est omnes singillatim ad trutinam revocare, ac peculiaribus argumentis refellere. Quædam tantum generatim animadverto, quæ abunde sunt ad plenam omnium confutationem. Primo omnes contradicunt diserte Apostoli sententiæ, quam supra proposuimus, nempe ad Galatas 3., ubi ait: *manifesta sunt opera carnis, quæ sunt fornicatio, immunditia, luxuria, inapudicitia, idolorum servitus, veneficia, inimicitia, contentiones, emulationes, animositates, dissensiones, hereses, invidiæ, ebrietates, comestiones, & his similia, quæ prædico vobis, sicut prædixi: quoniam qui talia agunt, regnum Dei non possidebunt. Quæ sententia, inquit Augustinus, falsa est, si tales post quantalibet tempora liberati regnum Dei possidebunt. Porro si in regni Dei possessionem nunquam erunt, æterno supplicio tenebuntur: quoniam non est locus medius, ubi non sit in supplicio, qui illo non fuerit constitutus in regno. Huic Apostoli sententiæ alia ejusdem consona est, quam habet 1. ad Corint. 6., iniqui regnum Dei non possidebunt: non dixit, infideles, Apostatae, Hæretici, sed universim, iniqui, ut ostenderet nemini, qui inique, vixerit, ullam relictam esse spem consequendæ salutis, & vitandæ damnationis æternæ.*

VI. Idem præterea evincitur ex omnibus illis Scripturæ locis, quæ sempiternas pœnas peccantibus denunciant, ac nullum ab hac generali lege excipiunt, nisi qui peccata in hac vita per pœnitentiam expiaverit, & remissionem consecutus fuerit. Quare peccatum omne, quodcumque illud sit, quod a Dei gratia & charitate excludit, excludit etiam ab æterna vita, reumque facit hominem æternæ punitionis.

Hinc in finali sententia Christi Judicis, qua reprobos ad ignem æternum damnabit, de sola omissione operum misericordiæ mentio fit, ut inde colligeremus potiore jure supplicio nunquam desituro punienda esse alia peccata, si tali supplicio puniuntur, quæ cæteris leviora videntur.

VII. Ulterius quod Christiana fides, quam plures amplexi sunt, aut baptisma quo in Christo renati fuerunt, nullum iis fundamentum præbeat sperandi liberationem ab igne sempiterno, si male vixerint, nec mores suos ad fidei amissum composuerint, ex eo manifestum constat, quod potius ob eximium illud Dei beneficium, quo pravis operibus abutuntur, majori pœna digni reddantur, quam infideles, quibus lux Evangelicæ veritatis nunquam affluit, nec peculiaribus gratiæ donis locupletati sunt. Hinc Paulus inclamat ad Hebræos cap. 10.: *voluntarie peccantibus nobis post acceptam notitiam veritatis jam non relinquitur pro peccatis hostia, terribilis autem quedam expectatio judicii, & ignis emulatio, quæ consumptura est Adversarios. Irritam quis faciens legem Moysis, sine ulla miseratione duobus vel tribus testibus moritur: quanto magis putatis deteriora mereri supplicia, qui filium Dei conculcaverit, & sanguinem testamenti pollutum duxerit, in quo sanctificatus est, & Spiritui gratiæ contumeliam fecerit?* Quod & Sanctus Petrus monet Epist. 2. cap. 2.

VIII. Denique nec ullius momenti sunt ea, quibus movebantur, aut moveantur Adversarii. Primum desumptum ex verbis Christi apud Matth. ita diluit S. Augustinus: „nec illi in perditis & damnabilibus moribus debent esse securi, qui usque in finem quidem velut in communione Ecclesiæ Catholicæ perseverant, intuentes quod dictum est: *qui perseveraverit usque in finem, hic salvus erit: & per vitæ iniquitatem ipsam vitæ iustitiam, quod eis Christus est, deserunt; sive fornicando &c., sive aliquid eorum agendo, de quibus ait Apostolus:*

quo-

„ quoniam qui talia agunt, regnum Dei
 „ non possidebunt: ac per hoc quicum-
 „ que agunt talia, nisi in sempiterno
 „ supplicio non erunt, quia in Dei re-
 „ gno esse non poterunt. In his enim
 „ perseverando usque in hujus vitæ fi-
 „ nem, non utique dicendi sunt in Chri-
 „ sto perseverasse usque in finem; quia
 „ in Christo perseverare, est in ejus fide
 „ perseverare: quæ fides, ut eam definit
 „ idem Apostolus, *per dilectionem opera-*
 „ *tur*. Nec isti ergo dicendi sunt mandu-
 „ care corpus Christi; quoniam nec in
 „ membris computandi sunt Christi.
 „ Ut enim alia taceam, non possunt
 „ esse & membra Christi, & membra me-
 „ retricis. Postrema hæc verba, &
 „ Christi sententiæ sensum magis declar-
 „ rat S. Thomas loco supra citato in-
 „ quiens: „ verbum Domini intelligi-
 „ tur non de illis, qui tantum sacra-
 „ mentaliter edunt, qui indigne quan-
 „ doque sumentes *judicium sibi mandu-*
 „ *cant, & bibunt*, ut dicitur 1. ad
 „ Corinth. 11.; sed loquitur de man-
 „ ducantibus spiritualiter, qui per cha-
 „ ritatem ei incorporantur: quam in-
 „ corporationem facit sacramentalis co-
 „ mectio, siquis digne accedat. Unde,
 „ quantum est ex virtute sacramenti,
 „ ad vitam eternam perducit: quamvis
 „ aliquis possit tali fructu privari per
 „ peccatum, etiam postquam digne sum-
 „ pserit. „

IX. Alteram vero quod testimonio
 nititur Apost. Pauli 1. ad Corint. Cap.
 3. sic excipit Sanctus idem Augustinus
 Cap. 26. 1., respondet eis brevitè A-
 „ postolus Jacobus: *si quis dicat se fidem*
 „ *habere: opera autem non habeat, nun-*
 „ *quid poterit fides salvare eum?* Et quis
 „ est, inquirunt, de quo dicit Aposto-
 „ lus: *ipse autem salvus erit, sic tamen*
 „ *quasi per ignem?* Simul quis iste sit,
 „ inquiramus; hunc tamen non esse cer-
 „ tissimum est, ne duorum Apostolorum
 „ sententias mittamus in rixas, si unus
 „ dicit: *etiamsi mala opera quis habue-*
 „ *rit, salvabit eum fides per ignem*; alius
 „ autem: *Si opera non habeat, nunquid*
 „ *poterit fides salvare eum?* Inveniemus
 „ ergo quis possit salvari per ignem, si

„ prius invenerimus, quid sit *habere in*
 „ *fundamento Christum*. Quod ut de ipsa
 „ similitudine quantocyus advertamus:
 „ nihil in edificio præponitur fundamen-
 „ to. Quisquis itaque sic habet in corde
 „ Christum, ut ei terrena, & tempora-
 „ lia, nec ea, quæ licita sunt, atque con-
 „ cessa, præponat, fundamentum habet
 „ Christum. Si autem præponit, etsi vi-
 „ deatur habere fidem Christi, non est
 „ tamen in eo fundamentum Christus,
 „ cui talia præponuntur: quanto magis
 „ si salutaria præcepta contemnens com-
 „ mittat illicita, non præposuisse Chri-
 „ stum, sed postposuisse convincitur,
 „ quem posthabuit imperantem, sive
 „ concedentem, dum contra ejus impera-
 „ ta, sive concessa suam per flagitia dele-
 „ git explere libidinem? „ Exponitur
 „ subinde pluribus legitimum Paulinæ sen-
 „ tentiæ sensum, cujus fusiorem inter-
 „ pretationem ita paucis contrahit S. Tho-
 „ mas ad 3.: dicendum, quod fundamen-
 „ tum in verbis Apostoli intelligitur fi-
 „ des formata, supra quam, qui pec-
 „ cata venialia edificaverit, detrimen-
 „ tum parietur; quia pro eis punietur
 „ a Deo. *Ipse tamen salvus erit finali-*
 „ *ter quasi per ignem* vel temporalis tri-
 „ bulationis, vel pœnæ purgatoriæ,
 „ quæ post mortem erit. „

X. Ea demum testimonia, quæ Dei
 misericordiam misericordiæ opera facien-
 tibus pollicentur, non favere iis, qui vita
 in melius non commutata decedunt,
 ostendit idem S. Pater Cap. 27. assu-
 mitque in argumentum id, quod ultro
 fatebantur, qui spem in illis ponebant,
 digna nempe peccatis esse oportere hu-
 jusmodi opera, eosque sic egregie revin-
 cit: „ sed bene, quod isti *dignas pro*
 „ *peccatis commonent elemosynas esse*
 „ *faciendas: quoniam, si dicerent, qua-*
 „ *lescumque elemosynas pro peccatis &*
 „ *quotidianis, & magnis, & quantacum-*
 „ *que scelerum consuetudine misericor-*
 „ *diam posse impetrare divinam, ut ea*
 „ *quotidiana remissio sequeretur, vide-*
 „ *rent rem se dicere absurdum, atque*
 „ *ridiculam*. Sic enim cogentur fateri
 „ fieri posse, ut opulentissimus homo
 „ decem nummulis diurnis in ele-
 „ „ mosy-

» mosynam expensis, homicidia, & adul-
 » teria, & nefaria quæque redimeret.
 » Quod si absurdissimum, & insanissi-
 » mum est dicere; profecto si quæra-
 » tur, quæ dignæ sint pro peccatis elee-
 » mosynæ, de quibus etiam Christi Præ-
 » cursor ille dicebat; *facite ergo fructus*
 » *dignos penitentiae*; procul dubio non
 » invenientur eis facere, qui vitam suam
 » usque ad mortem quotidianorum cri-
 » minum perpetratione confodiunt. Pri-
 » mum, quia in auferendis rebus alienis
 » longe plura diripiunt, ex quibus pere-
 » xigua pauperibus largiendo, Christum
 » se ad hoc pascere existimant, ut li-
 » centiam malefactorum cum illo se emis-
 » se, vel quotidie potius emere creden-
 » tes, securi damnabilia tanta commit-
 » tant. Qui si pro uno scelere omnia sua
 » distribuereat indigentibus membris
 » Christi, nisi desisterent a talibus factis,
 » habendo charitatem, quæ non agit per-
 » peram, aliquid eis prodesse non pos-
 » set. Qui ergo dignas pro suis peccatis
 » eleemosynas facit, prius eas facere in-
 » cipiatur a se ipso. Indignum est enim ut
 » in se non faciat, qui facit in proxi-
 » mum, cum audiat dicentem Domi-
 » num, *diliges proximum tuum tanquam*
 » *te ipsum*: itemque audiat: *miserere*
 » *animæ tuæ placens Deo*. Hanc elee-
 » mosynam, idest, ut Deo placeat, non
 » faciens animæ suæ, quomodo dignas
 » pro peccatis suis eleemosynas facere di-
 » cendus est? ... Propter hoc ergo elee-
 » mosynæ faciendæ sunt, ut cum de præ-
 » teritis peccatis deprecamur, exaudia-
 » mur, non ut in eis perseverantes li-
 » centiam male faciendi nos per elee-
 » mosynas comparare credamus. Ideo
 » autem Dominus & dextris eleemosynas
 » ab eis factas, & sinistris non factas se
 » imputaturum esse prædixit, ut hinc
 » ostenderet, quantum valeant eleemosy-
 » næ ad priora delenda, non ad per-
 » petua impune committenda peccata.
 » Tales autem eleemosynas non dicendi
 » sunt facere, qui vitam nolunt a con-
 » suetudine scelerum in melius commu-
 » tare. » Pergit deinde Augustinus alias
 » id genus Scripturæ auctoritates diluere,
 » ad quem Lectorem remittimus, neque

enim juvat in his solvendis diutius im-
 morari: cum nemo hodie sit, qui eas
 alicujus ponderis esse putet ad opi-
 nationem Adversariorum comprobam-
 dam.

XI. Unum illud piacularè esset inta-
 ctum omnino præterire argumentum,
 quod ex S. Hieronymi auctoritate pe-
 titur, & non leve eruditus negotium fa-
 cessit. Refert S. Doctor in calce Com-
 mentariorum in Isaiam sententiam Ori-
 genis de Gehennæ pœnarum fine ali-
 quando futuro, & Scripturarum mo-
 menta, quibus hanc Origenistæ senten-
 tiam defendebant, ipsique nullam no-
 tam inurit, quinimmo addit: *quod nos*
Dei solius debemus scientiæ derelinque-
re, cujus non solum misericordiæ, sed &
tormenta in pondere sunt, & novit quem,
quomodo, & quandiu debeat judicare.
 Deinde vero eo descendit, ut solos Dæ-
 mones, Atheos, & a fide alienos sem-
 piternis maciandos esse suppliciiis affir-
 met, Christianos autem post expiationem
 malefactorum suorum esse liberandos.
Et sicut Diaboli, inquit, & omnium
negatorum, atque impiorum, qui dixerunt
in corde suo, non est Deus, credimus
eterna tormenta; sic peccatorum, atque
impiorum, & tamen Christianorum, quo-
rum opera in igne probanda sunt, atque
purganda, moderatam arbitramur, &
mixtam clementiæ sententiam Judicis.
 Quibus paria scribit in Dialogo contra
 Pelagianos dicens: *Si Origenes omnes ra-*
tionabiles creaturas dicit non esse perden-
das, & Diabolo tribuit penitentiam, quid
ad nos, qui & Diabolum, & sa-
tellites ejus, omnesque impios & prævi-
ricatores dicimus perire perpetuo: & Chri-
stianos, si in peccato prævienti fuerint,
salvandos esse post penas. Quem locum
maxime fuggillant Petavius lib. 3. de An-
gel. cap. 7., & Daniel Huetius in Ori-
genianis lib. 2.

XII. Quamquam hæ Hieronymi au-
 thoritates satis aperte videantur, nemo
 tamen prudens sibi persuadebit ipsum in
 ea fuisse sententia, ut malos omnes Chri-
 stianos ab æternis suppliciis ereptum
 iri crediderit, qui serio perpendat, tum
 ea loca, quæ affatim infra produce-
 mus,

H h

mus, in quibus nedum Dæmonum, sed & cæterorum quorumvis qui ex hac vita lethali culpæ obnoxii decesserint, æternam punitionem expresse asserit, ac tamquam fidei dogma proficitur: tum ea duntaxat, quæ docet in eodem commentario Isaïæ. Nam cap. 5. cum verba illa Prophetæ, dilatavit infernus animam suam, ad Iudæos retulisset, quos ait infernum absque ullo numero & satietate devorasse in perpetuum puniendos, continuo subjicit: quidquid de populo diximus Iudæorum, tropologice referri potest ad eos, qui sæculi deliciis occupati, nec respicientes opera Dei, captivi ducuntur in peccatum, & non habent scientiam Dei: & idcirco fame, & siti pereunt bonorum operum atque virtutum: & detrahentur in Gehennam, ibique ÆTERNIS cruciatibus deputati, potentiam, & superbiam miseria cernent, & humilitate mutari. Et eodem capite objecto: in eo peccator maledictus erit, quod incorrupto corpore penas patietur æternas: ubi vides Hieronymum universim loqui de peccatore, sive infidelis sit, sive Christianus. Et paulo post idem repetit de omnibus prævaricatoribus, seu qui Dei leges non custodiunt. Quæ & alia hujusmodi adeo clara sunt, ut Petavius nihil aliud respondendum duxerit, quam Hieronymum sæpe pugnantes invicem sententias variis in locis potere consuevisse. Sed quis crassam adeo incogitantiam admiserit in Sancto Doctore, ut etiam pugnancia scriberet in eodem commentario, immo in eodem commentarii capite?

XIII. Quare alia plane responsio adhibenda est objecto ex commentariis in Isaïam testimonio. Et primo quidem generatim respondet Sanctus ipse Hieronymus disputans contra Rufinum talia quædam eidem objicientem, se in commentariis, ut se habet lex & consuetu-

do commentariorum multa ex aliorum sententia non approbando, sed referendo tantum dixisse: quod & repetit in præfatione commentarii in Hieremiam. Ut hanc responsum confirmet V. Cl. Dominicus Vallartus ad locum citatum adducit verba Hieronymi dicentis ibidem: porro qui volunt supplicia aliquando finire &c. his utuntur testimoniis, subditque: „plane igitur injuriosi in „Hieronymum sunt, qui eum consen- „tire calumniantur illis, qui terminum „habitura malorum hominum tormen- „ta somniant, & probare conati sunt. „Liquet enim non suo illum sensu, „sed tantum ex Commentatoris officio „testimonia in eam partem hic reci- „tare. „Cæterum quod præcipue attinet ad opposita verba, ea non hujusmodi sunt, ut in catholico sensu, quem sæpe alibi Hieronymus disertissime tradidit, explicari commode nequeant. Duplicem siquidem Damnatorum classem distinguere oportet ad Hieronymi mentem, quorum alios, quos ille *impios* vocat, sive graviorum criminum reos, æternis, alios quos simpliciter appellat *peccatores* (a), sive quos aut peccatorum poenituerit, aut leviora crimina obstrinxerint, finiendis aliquando cruciatibus deputat. Sed quæ his, aut illis obtingant hæc diversa supplicia merito docet, debere nos Dei solius scientiæ derelinquere, qui novit quem, quomodo, & quandiu debeat judicare. Quod autem addit peccatorum, atque impiorum, & tamen Christianorum, quorum opera in igne probanda sunt, atque purganda, moderatam arbitrari se, & mixtam clementiæ sententiam iudicis, manifestum est de iis dici, quos scelerum suorum poenituerit, & purgatorius ignis mundabit. Neque enim ignorabat Hieronymus Gehennæ ignem non ad delicta purganda, aut probanda homi-

(a) Omnis impius iniquus est, & peccator, nec recipiatur, ut possimus dicere: omnis peccator & iniquus etiam impius est. Impietas enim proprie ad eos pertinet, qui nullam Dei non habent, vel cognitam transgressionem mutarunt. Peccatum autem & iniquitas pro qualitate virtutum, post peccati & iniquitatis vulnera, recipit sanitatem. Idem cap. eodem paulo ante citata verba.

hominum opera, sed solum ad puniendam destinatum esse. E contrario Diaboli, & omnium negatorum, atque impiorum, qui dixerunt in corde suo non est Deus, non dubitat æterna esse tormenta, in eamque damnationem venire & impios Christianos, qui operibus Deum negaverint, si in peccatis obierint. Nec ab simili sensu docuit in Dialogo contra Pelagianos, *Diabolum, & satellites ejus, omnesque impios, & præ-*

varicatores perire perpetuo: Christianos vero si in peccato, leviori scilicet, & juxta illud, quod adludit Pauli testimonium 1. ad Cor. cap. 3., quod Purgatorio igne mundari queat, præventi fuerint, salvandos esse post pœnas. Qui plura de hoc desiderat, consulat Natallem Alexandrum Tom. 3. Hiftor. Ecclesiasticæ in dissertationibus contra Originem, & laudatum Vallarium in notis ad citata loca.

CAPUT XII.

Nedum terminum habituræ nunquam sunt impiorum pœna, sed neque aliquam mitigationem, sive hæc per decrementum, sive per intermissionem cruciatus explicetur. Contraria aliquorum sententia validissimis Scripturæ textibus confodiuntur. His non suffragantur, ut falso autumat Petavius, aut S. Augustinus, aut Joannes Chrysostomus, aliique Patres: quorum geminus sensus nide exponitur.

I. **A**uthores quidam inter Heterodoxos cum plenam æternæ pœnæ remissionem conciliari non posse videant cum perspicuis sacri eloquii sententiis, illud non improbabile putant aliquam saltem futuram demum esse ejusdem pœnæ mitigationem, sive relaxationem: quam alii ita intelligunt, ut post acerbiora supplicia diu tolerata, mitiora succedant: alii vero ut quibusdam temporum intervallis pro meritum qualitate vel brevioribus, vel diuturnioribus intermittatur. Horum opinionem, præter alios, insinuat sæpe citatus Franciscus de Roches Genevensis Epist. 37., in eamque ipse præpender; inquit enim: „Nescimus, an inferni pœnæ æque atroces semper futuræ sint, an vero aliquando de atrocitate remittent. Nescimus, an sint habituræ quasdam interruptiones, & quandiu hæc intervalla durabunt, quove in statu miseros damnatos relinquent (a). „ Quibus verbis satis declarat, nihil esse quod

prohibeat quominus admittamus talem pœnarum inferni mitigationem, quæ vel earum acerbitas tandem minuat, vel cruciatus intermittatur etiam per diuturna temporum spatia.

II. Hæc sententia vel eo solum titulo rejicienda foret, quod ex genio & arbitrio conficta sit absque ullo penitus sacrarum litterarum fundamento, quod nec hactenus protulerunt, qui eam sequuntur, nec sane proferre unquam poterunt. Sed præterea improbabilem esse, falsam, ac divino verbo repugnantem facile evincitur, quocumque modo explicetur pœnarum inferni mitigatio, vel per earum diminutionem, vel per frequentes interruptiones. Nam in primis, si de pœnæ diminutione sermo sit, hæc certe nunquam futura est quoad pœnam, quam damni appellant, in privatione Dei, sive æternæ felicitatis omniumque bonorum positam: quam omnium gravissimam merito censent Ecclesiæ Patres. Si enim Dammati nunquam ex

H h 2

in-

(a) Nous ignorons entièrement la nature de ces Peines... Nous ne savons point, si elles seront toujours également aigües, ou si elles laisseront quelque relâche: nous ignorons si elles n'auront point des interruptions, & si elles en ont, quelle sera leur durée, & dans quel état ces interruptions laisseront les malheureux.

infernī carcere liberantur, ut consentiant illi, quos nunc refellimus, sicut semper Dei visione carebunt, ita nulum decrementum recipiet eorum poena ex tanti boni carentia profecta.

III. Sed neque circa poenam sensus diminutio aliqua concipi potest. Si quidem reprobi, cum finali Christi sententia in ignem mittantur æternum, semper in igne sint, oportet, adeoque semper etiam in cruciatus ab eodem igne illato. Deinde Isaias de impiis testatur, quod *vermis eorum non morietur, & ignis eorum non exstinguetur*, quam sententiam autoritate sua tertio confirmavit divinus Salvator. Hæc autem verba, quocumque modo explicentur voces *ignis*, & *vermis*, illud certissime designant nunquam desituras positivas impiorum poenas, sed, ut sine fine, ita sine mutatione, aut mitigatione duraturas. Uteriusque permanente eadem causa, idem quoque necesse est permaneat effectus, qui ex ea naturali quadam consecutione suboritur. Porro in damnatis perpetuo manebit peccatum, quod est causa meritoria supplicii, nec ipsi pravitas ullo unquam tempore minuetur. Ergo idem etiam citra ullam diminutionem perpetuo manebit supplicium peccato debitum.

IV. Hæc eadem momenta labefaciunt modum alium explicandi poenarum inferni mitigationem per intervalla quædam, ac veluti serias. Sed & aliis præterea momentis convellitur. In primis enim, ut inquit Clarissimus Estius in 4. dist. 46. §. 3., hæc ab Origene, nis sententia non discrepat, nisi quod „hic vicissitudines felicitatis, & miserie posuit: illi vicissitudines poenarum, & intermissionis, seu pausionis eorum; adeoque hæc doctrina reprobat per æ omnia, fere, quæ contra Origenem dicta sunt de æternitate poenarum secundum Scripturas. Vicissitudo enim & intermissio rei cuiuspiam prohibet eam esse perpetuam. Quibus addit Scripturam edicere nedum reprobos mittendos esse in ignem æternum, sed etiam ituros in supplicium æternum, sive ut

Augustinus legit in *combustionem æternam*: quæ verba intermissionem poenarum excludunt.

V. Idem aperte colligitur ex exemplo Divitis Epulonis, de quo refert S. Lucas, quod cum esset in tormentis, ab Abrahamo poenæ suæ mitigationem aliquam petierit, nec tamen impetraverit, ut vel unius guttæ aquæ in ejus linguam infusione acerrimus ardoris sui cruciatus, vel tantillum minueretur. Hoc enim factō Scriptura clare manifestat nullius generis poenæ relaxationem ne brevissimi quidem temporis intervallo sperandam esse miseris damnatis.

VI. Sed præcipue neutram poenæ mitigationem unquam futuram convincunt, quæ in Apocalypsi leguntur tum Cap. 14. V. 11., ubi de his, qui bestiam adoraverint, ac imaginem ejus, dicitur: *Et fumus tormentorum eorum ascendet in sæcula sæculorum, nec habent requiem die ac nocte*, tum Cap. 20. c. 10. de Diabolo, ejusque sectatoribus: *cruciabuntur die ac nocte in sæcula sæculorum*. Si damnati requiem nullam in suppliciis habebunt: Si nocte ac die cruciandi dicuntur in sæcula sæculorum, sive in omnem æternitatem, nulla plane concipi debet poenæ ipsorum diminutio, nulla intermissio, nullum temporis spatium aut intervallum nec breve, nec diuturnum, quo cruciatus expertes sint. Hæc siquidem phrasæ durationem indefinitam ac perpetuam enunciant, omnemque rejiciunt interruptionem. Sic e. g. dum Cap. 4. c. 8. ejusdem libri Apocalypseos refertur de quatuor animalibus, quod *requiem non habebant die ac nocte dicentia Sanctus, Sanctus, Sanctus Dominus Deus omnipotens*, hymnodia illa celestis nunquam interrupta, aut interrompanda designatur, qua sacrum illud trisagium Deo concinebant. Sic dum Cap. 7. c. 15. de Sanctis, qui *venerunt ex magna tribulatione, & sunt ante thronum Dei*, dicitur, quod *serviunt ei die ac nocte in templo ejus*, denotatur perpetuus famulatus, ac obsequium, quod jugiter exhibent divinæ majestati. Et eodem

in sensu eadem verba usurpantur ab Apostolo 1. ad Thessalon. Cap. 2. c. 9. & Cap. 3. c. 10., & 2. Cap. 3. c. 8., & passim in aliis Scripturæ locis.

VII. His tamen obviare videntur aliquorum Patrum sententiæ, quarum genuinum sensum exponere necessum est, ut omne adversariis eripiamus sui commenti præsidium. Illas proponit Petavius lib. 3. de Angelis c. 8., iisque adductus est, ut crediderit Patres, quos refert, a communi Ecclesiæ doctrina hac in re differens. In ejus verba, & difficultas, quæ ex Patrum sententiis oritur, integre exposita. „Augustinus, inquit, in Enchiridio, damnatorum animas, etsi non omnino a poenarum æternitate solvantur, sublevari tamen vivorum auxiliis, eorumque mitigari supplicia, credit. Cum ergo sacrificia, sive altaris, sive quarumcumque elemosynarum pro baptizatis defunctis omnibus offeruntur, pro valde bonis gratiarum actiones sunt: pro non valde malis propitiationes sunt: pro valde malis, etsi nulla sunt adjumenta mortuorum, qualeseumque vivorum consolationes sunt. Quibus autem prorsus, aut ad hoc prorsus, ut sit plena remissio; aut certe ut tolerabilior fiat ipsa damnatio. Et in Cap. 112. de hoc Psalmi versiculo, Non enim obliviscetur misereri Deus, aut continebit in ira sua misericordias suas, sic eum interpretari vetat, ut damnatos e poenis eximi aliquando putemus; concedit autem ut mitigari aliquantum eas arbitremur: sed poenas, ait, damnatorum certis temporum intervalis, existiment, si hoc eis placeat, aliquatenus mitigari. Etiam sic quippe intelligi potest manere in illis ira Dei, hoc est ipsa damnatio. Hæc enim vocatur ira Dei, non divini animi perturbatio, ut in ira sua, hoc est, manente ira sua, non tamen contineat miserationes suas, non æterno supplicio finem dando, sed levamen adhibendo, vel interponendo cruciatibus.

„VIII. Ab hac opinione non vide-

„tur abhorre Chrysostomus, qui, cum plerisque locis sempiternas esse Dæmonum, ac damnatorum poenas egregie differat, tamen homin. in Epist. ad Philip., fidelium preces, elemosynas, & sacrificia, quæ pro mortuis in Ecclesia fieri solent, ait exiguum aliquid damnatis asserre solatium. Horratur enim populum, ut in luctu mortuorum moderetur sibi; ac defendos quidem, & perpetuo planctu prosequendos eos, qui in peccatis obierunt, velut infideles, catechumenos, divites, qui cum peccatis suis compensare charitatis, & largitatis officia noluerunt: atque hos ipsos duntaxat, qui cum fide Christiana decesserunt, levi illo quidem, sed nonnullo solatio juvandos. Ploremus igitur, inquit, istos, opitulemur ipsos pro viribus: excogitemus opem illis aliquam, parvam quidem, sed quæ juvare nibilominus possit. Quinam istud, & qua ratione? Ut & oremus ipsi, & alios hortemur, ut pro illis orationes faciant, & pauperibus pro illis largiamur assidue. Afferat ea res solatii aliquid. Mox de Catechumenis ista necesse. Verum hoc quidem pro iis agendum, qui in fide decesserunt: At Catechumeni ne hoc quidem solatium percipiunt: sed ea omni ope destituuntur, una tantum excepta. Qua tandem? Licet pauperibus pro ipsis erogare. Nonnullam ea res consolationem ipsis tribuit.

„IX. Ergo preces, & largitiones in pauperes, fideles damnatos nonnihil sublevent, ut levius tantummodo torqueantur: Catechumenis vero solæ elemosynæ opem afferunt, si vere ista scripsit Chrysostomus. Est non abimilis ea de re opinio Joannis Damasceni in libro de Defunctis, in quo etiam damnatorum animas utilitatis aliquid, & laxamenti capere vivorum ex precibus, ac piis operibus, ostendit; etsi post judicium nulla sit salus adhibenda damnatis.

„Denique Prudentius in hymno 5. per festum Paschale, Dæmonibus, „& in-

„ & inferorum incolis pusillum requie-
 „ tis, & relaxationis indulgeri, veribus
 „ istis cecinit:

*Sunt & spiritibus sepe nocentibus
 Penarum celebres sub Styge seræ
 Illa nocte, sacer qua rediit Deus
 Stagnis ad superos ex Acherruntis, &c.
 Marcent suppliciiis Tartara mitibus,
 Exultatque sui carceris otio
 Umbrarum populus liber ab ignibus,
 Nec fervent solito flumina sulphure.*

Hæc Petavius, qui subinde recte ob-
 servat hanc opinionem a communi sensu
 Catholicorum esse alienam, & adver-
 sus eam maximum esse præjudicium,
 quod nunquam Ecclesia pro Damnatjs
 orare confuevit, quod profecto faceret,
 si levari saltem illorum cruciatus possent,
 etsi penitus terminari non possent.

X. Antequam objectioni respondeo,
 illud animadverto laudatos Patres tametsi
 eo sensu intelligantur, quo intelligi vult
 Petavius, non idem sentire, ac sen-
 tiant Authores, quos modo refellimus.
 Quippe illi cum dicunt Damnatorem
 penas levamen aliquod, aut mitiga-
 tionem recipere ex fidelium precibus,
 sacrificiis, & eleemosynis, ut summum
 loquuntur de statu eorum ante finale ju-
 dicium, & supremam Christi Judicis
 sententiam: cum nuper scriptores ma-
 xime de reprobatorum statu post univer-
 sale Judicium loquantur, & post illud
 etiam tempus reprobatorum penas miti-
 gandas existiment: quod Patres citati,
 si fortasse Augustinum excipias, potius
 diserte negant.

XI. At enim vero nimium proclivis
 fuit Petavius in ea opinione affigenda
 laudatis ab ipso Patribus, cum citra
 vim ullam ab ea vindicari possint, eo-
 rumque verba in catholico sensu expli-
 cari. Quod attinet ad priorem Augu-
 stini locum, somniculose nimium, &
 oscitanter eum legisse videtur Petavius.
 Attento namque Lectori statim perspi-
 cum est loqui S. Doctorem in objecto
 textu non de Damnatjs ad ignem In-
 ferni sempiternum, quibus vivorum suf-
 fragia prodesse potius exerte negat, sed
 de Desunctis in temporario, ac piacu-
 lari supplicio detentis, quem medium

statum, a Catholicis *Purgatorium* nuncupatum, agnovisse Augustinum dubitari nequit. Sic enim scribit eodem loco: „ non omnibus (ea suffragia) pro-
 „ sunt. Et quare non omnibus profunt,
 „ nisi propter differentiam vitæ quam
 „ quisque gessit in corpore? Cum ergo
 „ sacrificia sive altaris, sive quarum-
 „ cumque eleemosynarum pro baptizatis
 „ omnibus offeruntur, pro valde bonis
 „ gratiarum actiones sunt: pro non val-
 „ de malis propitiationses sunt: pro val-
 „ de malis, etiamsi nulla sint adjumenta
 „ mortuorum, qualescumque vivorum
 „ consolationes sunt. „ His verbis dis-
 „ tinguunt aperte S. Augustinus tres homi-
 „ num vita functionum classes. Alii *valde*
boni sunt, nihilque gerunt, quo vel tem-
 „ poraliter puniri mereantur: ac pro istis
 „ vivorum suffragia *gratiarum actiones* sunt,
 „ neque enim indigent, ut a pœnis rele-
 „ ventur, quas non patiuntur, cum jam
 „ sempiternis gaudiis in cœlesti Patria
 „ fruuntur. Alii *valde mali non sunt*, sive
 „ gravium delictorum reatu non tenentur,
 „ sed levium duntaxat, ac venialium: ac
 „ pro iis *propitiationses* sunt fidelium suf-
 „ fragia, sive profunt, ut vel a pœna,
 „ quam eluere deberent, citius liberentur,
 „ vel saltem eorum cruciatus mitigetur.
 „ Alii demum *valde mali sunt*, seu ex-
 „ tortes a Dei gratia, & charitate, ac
 „ lethalium flagitiorum rei: & pro istis
 „ oblata suffragia nulli penitus sunt adju-
 „ mento, sed tantum *qualescumque sunt vi-*
vorum consolationes. Hinc cum subinde
 „ docet: quibus autem profunt, aut ad
 „ hoc profunt, ut sit plena remissio, aut
 „ certe ut tolerabilior sit ipsa damnatio, de
 „ desunctis secundæ classis intelligendus
 „ est, quibus duntaxat asseruerat suffragia
 „ illa esse propitiatoria, seu prodesse vel
 „ ad liberationem, vel ad mitigationem
 „ penarum, quibus obnoxii sunt: non au-
 „ tem de desunctis tertiæ classis, quibus
 „ nihil prodesse conceptissime docuerat.
 „ Et certe si de his etiam ea verba acci-
 „ piantur, dicendum foret nedum S. Pa-
 „ trem credidisse suffragia vivorum prodesse
 „ damnatjs ut *tolerabilior*, seu mitior sit
 „ ipsa damnatio, sed etiam ut *plena fiat*
 „ pœnæ remissio, atque adeo ab inferis libe-
 „ rentur:

rentur: utrumque enim eadem sententia complectitur. Hoc autem ab Augustini mente alienum esse quis ambigat? At Petavius deceptus videtur voce *damnationis*, quam adhibet S. Doctor, non advertens eam ad temporalem etiam punitionem significandam posse referri. Ita enim Lucæ cap. 23. accipitur verbis illis a Sancto Latrone prolatis: *neque tu times Deum, qui in eadem damnatione est!* Et cap. 24. *quomodo eum tradiderunt summi Sacerdotes, & Principes nostri in damnationem mortis*: & Matth. 12., *ex verbis tuis condemnaberis*, cum de pœna verbo otioso debita sermo sit. Sic etiam reos ad carcerem, exilium, vel mortem *damnatos* dicimus. Igitur & Augustinus eodem sensu hic vocem *damnationis* usurpat, loquiturque de animabus in purgatorio loco existentibus, quibus profunt fidelium suffragia, vel ut mox liberentur, vel ut mitius puniantur, donec ipse tandem saltem in fine sæculi plenam obtineant remissionem.

XII. Hanc esse Augustini mentem tum ex hoc ipso loco, tum ex aliis clarissime enitescit, in quibus tamquam certum omnino ponit Ecclesiam non orare pro damnatis ad sempiternum exitum. Consuli potest inter alia loca cap. 24. lib. 21. de Civit. Dei, ubi scribit: *Ecclesia nunc pro eis orat, quos in genere humano habet inimicos, quia tempus est penitentiae fructuose. Nam quid maxime pro eis orat, nisi ut det illis Deus, sicut dixit Apostolus, penitentiam, & resipiscant de Diaboli laqueis, a quo captivi tenentur secundum ipsius voluntatem..... siqui autem usque ad mortem habebunt cor inpenitens, nec ex inimicis convertentur in filios, nunquid jam pro eis, idest pro talium defunctorum Spiritibus orat Ecclesia? Quid ita? Nisi quia jam in parte Diaboli computatur, qui dum esset in corpore, non est translatus ad Christum. Eadem itaque causa est cur non oretur tunc pro hominibus aeterno igne puniendis, quæ causâ est, ut neque nunc, neque tunc oretur pro Angelis malis: quæ iidem causa est, ut quamvis pro hominibus, tamen nec nunc oretur pro infidelibus, impiisque*

defunctis. Nam pro defunctis quibusdam vel ipsius Ecclesie, vel quorundam piarum exauditorum oratio: sed pro his, quorum in Christo regeneratum nec usque adeo vita in corpore male gesta est, ut tali misericordia judicentur digni non esse, nec usque adeo bene, ut talem misericordiam reperiantur necessariam non habere. Poterat ne Augustinus clarioribus verbis mentem aperire suam, palamque facere de quibus ipse loquatur, dum in Enchiridio tradit fidelium, & Ecclesie suffragia aliis quibus prodesse post mortem, vel ut sit plena remissio, vel saltem ut tolerabilior fiat ipsa damnatio? Si expresse negat Ecclesie, & fidelium preces non exaudiri pro infidelibus, impiisque defunctis, immo nec pro ipsis orari testatur, quomodo de his asserere poterat beneficium aliquod ex fidelium suffragiis consequi, ut nempe mitius puniantur?

XIII. Atque ex his colligi potest solutio alterius testimonii, quod Petavius opponit, deprompti ex cap. 112. ejusdem Enchiridii, si præsertim attendatur etiam ad scopum, quem sibi in eo loco præfixit Augustinus. Torus est ibi S. Pater in addituendo dogmate de pœnarum inferni æternitate, quod plures tunc temporis, ut ipse refert, sicut & nunc, pro suo motu mollire studebant, & in leniorem flectere sententiam ea, quæ Scripturæ minabantur, putantes in eis terribilius esse dicta, quam verius. Ostendit itaque adversum ipsos non posse aliter, quam sonant, intelligi Scripturarum verba: & objecta sibi autoritate Psalmi 76., cui maxime illi causam suam fidebant: *non enim obliviscetur misereri Deus, aut continebit in ira sua misericordias suas*, ita respondet: „ hoc quidem in „ Psalmo legitur sancto: sed de his sine „ ullo scrupulo intelligitur, qui vasa „ misericordie nuncupantur: quia & „ ipsi non pro meritis suis, sed Deo „ miserante, de miseria liberantur: aut „ si hoc ad omnes existimant pertinere, „ non ideo necesse est, ut damnationem „ opinentur posse finiri eorum, de quibus dictum est: *ibunt isti in supplicium æternum*: ne isto modo putetur habita „ tura finem quandoque felicitas etiam „ illo.

„ illorum de quibus e contrario dictum est: *iusti autem in vitam aternam*. „ *nam*. „ Ac postea subiicit objecta verba, *sed pœnas damnatorum certis temporum intervallis existiment, si hoc eis placet, aliquatenus mitigari* &c. Quibus apparet non hoc Augustinum absolute probabile iudicasse, sed solummodo non ita esse aperte hæreticum, & Ecclesiæ fidei contrarium, sicut illud quod Adversarii asserbant, finem scilicet habituras Damnatorum pœnas.

XIV. Quod spectat S. Joannem Chrysostomum, non ita esse loco laudato intelligendum, quemadmodum exponit Petavius, ex eo liquet, quod, Petavio ipso teste, nunquam confuevit Ecclesiæ pro æternum damnatis orare, nedum sacrosanctum offerre Sacrificium: quam Ecclesiæ consuetudinem ignorare certe minime potuit Chrysostomus. Quare cum pro vita sanctis orationes fieri ait in Ecclesiâ, & eleemosynas erogari, immo ab Apostolis sanctum esse, ut in celebratione venerandorum mysteriorum memoria fiat eorum, qui hinc discesserunt, ut releventur, hæc profecto fieri intellexit non pro omnibus, quos antea memoraverat, nempe pro impiis & infidelibus defunctis, & ad Tartarum damnatis, sed pro aliis, quibus eluenda superest in alia vita pœna levioribus noxis debita, vel gravioribus haud sufficienter expiatis, & pro iis præcipue, quos postremo loco nominaverat, *qui in divitiis mortui sunt*, & nihil consolationis suis ipsarum animabus ex divitiis suis procuraverunt. Id etiam eruitur ex verbis, quæ ibidem habet S. Pater: *noverunt illis multum hinc* (nempe ex orationibus, eleemosynis, & Sacrificiis) *emolumenti fieri, multum utilitatis: stante siquidem universo populo, manus in celum extendente cœlestem sacerdotali, verendoque posito sacrificio, quomodo Deum non placavimus pro illis orantes? Verum istud quidem de illis dicimus, qui in fide discesserunt*. Quis non videt loqui S. Episcopum de iis, qui cum in fide discesserint e vita, sperandum est in loco esse salutis, licet pro peccatis solvendum ipsis aliquid super.

fit iustitiæ vindici in pœnis Purgatoriis?

XV. Atque eadem responsio adhibenda est auctoritati, quam solum Petavius insinuat, S. Joannis Damasceni. Nec quemquam movere debet, quod Damascenus loquatur de animabus, quæ sunt in Inferno, sive in *hade*. Nam ut recte observat Cl. Vir Ludov. Antonius Muratorius in præclaro suo opere *de moderatione ingeniorum* &c. lib. 3. cap. 9., tum veteres, tum recentes Græci sæpenumero, sicut & nonnunquam Latini, usurpant *αἱ ψαῖ*, & inferorum vocabula non tantum pro loco impiorum, sed etiam pro loco, in quo piorum animæ purgandæ detineri ex Orthodoxæ Ecclesiæ doctrina creduntur. Ex qua etiam observatione clarescit sensus dogmaticæ confessionis Græcorum, in qua legitur: *certe multi peccatores a vinculis & ætæ inferni liberantur*, videlicet ut subditur, *propter virginitatem pia opera, & eleemosynas, & Ecclesiæ pro iis susas orationes, & potissimum propter incrementum sacrificium*. Non est enim ibi *ψαῖ* proprie Gehenna, sive æternus damnatorum locus, sed claustrum illud, quod nos Latini Purgatorium appellamus, Græci vero Schismatici nomine quidem negant, at cum Patribus re affirmant. Quod si etiam pro Gehenna accipere velis, pergit laudatus Author, nihil moramur: adhuc enim apud Græcos stare vides catholicum dogma de animabus quibusdam levium peccatorum reis, & post mortem in aliquo tormentorum loco purgandis. Quare haud recte Schismatici Græcos culpæ visus est Thomas Smithus in Epist. de Ecclesiæ Græcæ bodierno statu, ubi illos in errorem Origenicum de animabus impiorum ex inferno tandem liberantis prolapsos propter ea verba suspicatur.

XVI. Ad Prudentii denique Auctoritatem respondeo, ea ipsum verba protulisse non dogmaticæ, sed poetice, sive fictione quadam poetica, ut Dominicæ resurrectionis diem, & gloriam concelebraret. Neque ignorare debuit Petavium fictiones huiusmodi tum ipsi Prudentio, tum ceteris Poetis admodum esse familiares.

CAPUT XIII.

Scripturarum loca explicantur, quæ adversus dogma Catholicum opponunt Origeniste: ac præsertim textus Apostoli Pauli 1. ad Corinth. cap. 15., in quo positissimum causæ suæ præsidium collocant. Legitimus ejus sensus alius longe est ab eo, quem ipsi affingunt: quemadmodum & verborum D. Petri Actuum cap. 3., quibus eundem confirmare nituntur.

I. **A**DVERSUS Catholicum dogma tot validissimis Scripturarum momentis communitum, plura ipsi quoque Origenistæ ex iisdem Scripturis opponunt testimonia, ne causâ, quam propugnant, tanto præsidio destituta omnino videatur. Atque in primis ea loca obtrudere solent, in quibustum de voluntate Dei salvandi omnes, tum de universalitate gratiæ, & amoris divini, itemque de universalitate & pretio Redemptionis Christi, sermo sit, quorum veritatem neutiquam consistere garriunt, si tam pauci ex hominibus ad salutem æternam perveniant, qui cum cæteris comparati, qui, juxta receptam sententiam, in omnem æternitatem ejiciendi, ac damnandi sunt, minimam faciunt humani generis partem.

II. Verum hosce omnes textus jam pluries diluerunt Ecclesiæ Patres, ac Theologi: jam ostenderunt posse Deum voluntatem habere salvandi omnes homines, quin tamen reapse salventur. Eatenus quippe Deus omnium hominum vult salutem, quatenus media omnibus subministrat ad eam consequendam necessaria. Sed quia alias eorum non aufert libertatem, contingit hæc media respectu plurium inutilia esse, effectûque casâ, quin tamen affirmari queat Deum haud sincere velle ipsorum salutem. Ostendunt itidem, quæ de universalitate gratiæ, amoris divini, meriti Christi Redemptoris, ejusque pretio infinito, dicuntur satis sibi constare, modo cuncta juxta ordinem a divina Sapientia, & Providentia constitutum intelligantur. Manet utique gratia Dei universalis, seu in universos homines diffusa: ma-

net universale & infinitum Christi meritum, etsi plurimi inde in melius propria ipsorum culpa non proficiant, nec in gratiæ statum restituuntur. Ex eo enim, quod homines beneficia divina respuant, colligi nequit, quod illa omnibus non offerat piissimus Deus. Sed Adversarii illud probare deberent meritum Christi etiam post mortem hominibus prodesse, aut aliquando profuturum; quod certe nunquam probabunt: cum potius ex Scripturarum testimoniis jam supra productis, oppositum evidenter eruatur. Sed a generalibus hisce argumentis, quorum plenior solutio aliunde peti potest, ad peculiaria quædam loca, quæ Origenistis in speciem favere videntur, proferenda, ac solvenda descendamus.

III. Primus habetur apud Isaiam cap. 24. com. 22. his verbis: *congregabuntur* (impii videlicet, de quibus antea locutus fuerat) *congregatione unius fascis in lacum, & claudentur ibi in carcere, & post multos dies visitabuntur*, quem textum ut refert Huetius (a) magnopere urgebat Origenes, illum explicans de *visitatione gratiæ & clementiæ*, qua Deus omnes damnatos *post multos dies*, sive post diuturnum tempus et poeniseripiet. II. in Psalmo 74. legitur: *nunquid obliviscetur misereri Deus, aut continebit in ira sua misericordias suas?* Si igitur hoc haud futurum Prophetæ censet, tandem Deus Damnatorem miserebitur. III. Apostolus in Epist. ad Rom. c. xi. ait: *conclusit Deus omnia in incredulitate, ut omnium misereatur*. IV. Apud Marcum c. 12. de quibusdam dicitur: quod *accipient prolixius judicium*. Ubi autem aliud alio prolixius, ibi utrumque vel alterum si-

I i ni-

(a) in Origenianis lib. 2. &c.

nitum esse oportet. Hęc ferme opponebant veteres Origenistę, quę nec a recentioribus omnino prætermittuntur, quamquam præcipuum proprię causę statumen in alio textu collocant, quem subinde accuratius expendimus.

IV. Nullius hæc momenti esse facile constat. Isaia textum accuratissime inter alios examinat Campejus Vitringa (a): & quidem refert Interpretes aliquos putare in eo agi de visitatione gratię & clementię, non irę & iustitię. Sed hanc explicationem refellit ipse cum pluribus aliis, quorum sententias aut nomina allegat, inquires: Glassius gram. lib. 4. tract. 1. *sensus est sceleratos illos, quos divina iustitia in lacum coniecerit, post multos etiam dias fore torquendos, hoc est nunquam futurum esse pœnarum terminum, loquitur de visitatione irę, non gratię.* Interpres Græcus omnino sic accipit locum. Hieronymus quoque, Ribera, Æstius, Sanctius, & alii, quin & Aben Ezra inter Judęos ait: *sensus est malum hoc incarcerationis super eos esse proscindendum.* Sanus profecto sensus est, & huic loco convenientissimus. Idque probat, I., quod vox *visitare*, quę in versu superiore 21. sumitur significatione visitationis judicialis, hic notationem suam non mutat. II. quod eadem vox plerumque apud Prophetam per totum librum sumatur pro visitatione judiciali. III. quod coniectio *in carcerem*, vel *foveam* ubique fere in Odis sacris, & apud Prophetam quoque Isaia in Prophetia de Assyrio, horum Regum, & Principum typo Cap. 14. Com. 5., sumatur de loco interitus, in quo damnati luunt pœnam judicalem, qui Poetę sacro dicitur *Puteus interitus*, ubi de similis generis hostibus loquitur Psal. 55. Com. 24., & *tu Deus facies illos descendere in puteum interitus.* Sensus itaque est prophanos illos Sacerdotes, & Præfectos populi Dei, qui patriam Religionem prostituerant &c.,

omnes gravissimis Dei judiciis præfatos morte inhonestā, probrosā & violenta occubituros esse tam ipsos quam ipsorum posteros, & quidem gregatim magno numero, usquequo stirps impiorum excinderetur: & hoc modo coercitos statu, locoque interitus ipsis a Deo destinato, luituros esse supplicium sententia cælesti sceleribus ipsorum decretum. Præter citatos textum eundem de visitatione irę & iudicii exponunt Hæmo, Lyranus, a Lapide, & ipse S. Thomas, qui ea verba commode posse referri putat ad visitationem, quā impij visitabuntur in die iudicii, non ut liberentur, sed ut amplius condemnentur, secundum illud Sophonie 1. *visitabo super viros defixos in facibus suis*: ubi addit Suarez, quia in die iudicii Christus quasi de novo damnatos condemnabit. Cæterum qui verba illa de visitatione gratię, & clementię interpretantur, nullatenus Origenistarum sententię favere dicendi sunt. Hi siquidem de impiis, qui in hac vita puniendi essent, eum textum intelligunt, non de damnatis ad Gehennā supplicium.

V. Validior non est textus alter de promptus ex Psal. 74., cuius sensum exhibet S. Augustinus juxta ea, quę superiore capite ex ipso indicavimus. Sic enim scribit lib. 21. de Civit. cap. 24.: hoc quod ait Psalmus, ad vasa misericordię pertinet, & ad filios promissionis, quorum unus erat etiam ipse Propheta, qui cum dixisset, *nunquid obliviscetur &c.*, continuo subiecit: & dixi nunc cœpi: *hec est immutatio dextere Excelsi.* Exposuit profecto quid dixerit: *nunquid continebit in ira sua miserationes suas?* Ira enim Dei est etiam vita ista mortalis, ubi homo vanitatis similis factus est, & dies ejus, velut umbra, prætereunt. In qua tamen ira non obliviscitur misereri Deus, faciendo Solem suum oriri super bonos, & malos, & pluviam super iustos, & iniustos: ac sic non continet in ira sua miserationes suas,

„ ma-

„maximeque in eo, quod expressit hic
 „Psalmus, dicendo, *nunc cepti: hæc est*
 „*immutatio dextere Excellsi*. Quoniam
 „in hac ipsa ærumnosissima vita, quæ
 „ira Dei est, vasa misericordiæ mutat
 „in melius, quamvis adhuc in hujus
 „corruptionis miseria maneat iræ ejus,
 „quia nec in ipsa ira sua continet mi-
 „serationes suas. Cum ergo isto modo
 „compleatur divini illius canticæ veritas,
 „non est eam necesse etiam illic
 „intelligi, ubi non pertinentes ad Ci-
 „vitatem Dei sempiterno supplicio puni-
 „entur.

VI. Objectum tertio loco Apostoli
 textum similiter diffat Sanctus Augu-
 stinus eodem capite, inquit: „Illud
 „Apostolicum: *concluserit enim Deus om-*
 „*nes in infidelitate, ut omnium misere-*
 „*atur*, non ideo dictum est, quod ne-
 „minem Deus sit damnaturus, sed su-
 „perius apparet, unde sit dictum. Nam
 „cum de Judæis postea credituris A-
 „postolus loqueretur ad gentes, ad quas
 „utique jam credentes conscribat Ep-
 „istolæ: *sicut enim vos*, inquit, *ali-*
 „*quando non credidistis Deo: nunc au-*
 „*tem misericordiam consecuti estis in il-*
 „*lorum incredulitate; sic & hi nunc non*
 „*crediderunt in vestra misericordia, ut &*
 „*ipsi misericordiam consequantur*. De-
 „inde subjecit, unde isti sibi errando
 „blandiuntur, atque ait: *concluserit enim*
 „*Deus omnes in infidelitate, ut omnium*
 „*misereatur*. Quos omnes? nisi de quibus
 „loquebatur, tanquam dicens, & vos,
 „& illas? Deus ergo & Gentiles, &
 „Judæos, quos præcivit, & prædesti-
 „navit conformes imagini filii sui,
 „omnes in infidelitate concluserit, ut de
 „amaritudine infidelitatis sue peniten-
 „do confusi, & ad dulcedinem miseri-
 „cordiæ Dei credendo conversi clama-
 „rent illud in Psalmo: *quam magna*
 „*multitudo dulcedinis tuæ Domine, quam*
 „*abscondisti timen tibus te: perfecisti au-*
 „*tem sperantibus*, non in se, sed in te.
 „Omniuni itaque miseretur vasorum
 „misericordiæ. Quid est omnium? &
 „eorum scilicet, quos ex Gentibus, &
 „eorum quos ex Judæis prædestinavit,
 „vocavit, iusti cavit, glorificavit:

„non omnium hominum, sed isto-
 „rum omnium neminem damnatu-
 „rus.

VII. Cæteris adhuc ad rem proban-
 dam infirmior est textus D. Marci po-
 stremo loco positus, quod nempe de qui-
 buldam dictum fuerit; quod *accipient pro-*
 „*lixius judicium*. Nihil enim aliud deno-
 „tant hæc verba, nisi severiorem Dei in
 „die iudicii sententiam, & graviorem da-
 „mnationem, quæ manet hypocritas il-
 „los, de quibus loquebatur divinus Ma-
 „gister, *qui devorant domos viduarum sub*
 „*obentu prolixæ orationis*: idque patet ex
 „cap. 20. com. 47. Sancti Lucæ, ubi ea-
 „dem sententia ponitur his verbis: *qui*
 „*devorant domos viduarum simulantem lon-*
 „*gam orationem, hi accipient damnationem*
 „*maiores*. Certe vox Græcæ, quæ eadem
 „est apud utrumque Evangelistam, tantum-
 „modo significat excellentius, majus, gra-
 „vius, nec ad tempus refertur.

VIII. Verum nec ipsi Adversarii ad-
 modum fidunt istiusmodi auctoritatibus,
 easque præmittunt tamquam velitaria
 quædam agmina, ad inchoandam potius
 quam ad conferendam pugnam. Præci-
 puum, ac totum ferme causæ suæ ro-
 bur, ac firmamentum collocant in textu
 D. Pauli, qui legitur cap. 15. Epist.
 1. ad Corinth., videlicet: *sicut in Adam*
 „*omnes moriuntur, ita & in Christo omnes*
 „*vivificabuntur*.... Oportet autem illum
 „regnavit, donec ponat omnes inimicos suos
 „sub pedibus ejus. Novissima autem ini-
 „mica destruetur mors. Omnia enim subje-
 „cit sub pedibus ejus. Cum autem dicat
 „omnia subiecta sunt ei, sine dubio præter
 „eum, qui subiecit ei omnia. Cum autem
 „subiecta fuerint illi omnia, tunc & ipse
 „filius subiectus erit ei, qui subiecit sibi
 „omnia, ut sit Deus omnia in omnibus.
 „Quo pacto explicandum putent Adver-
 „sarii huiusmodi textum, exponere præ-
 „stat, ne difficultatem, si qua est in
 „ipso, effugere videamur. Origenes, qui
 „eo sæpe utitur ad sententiæ suæ defen-
 „sionem, *Homil. 7. in Leviticum*, ubi pro-
 „lixè disputat, quomodo Patri subiectus
 „filius dici valeat, ostendere fatagit fi-
 „lium eatenus dici Patri non esse subje-
 „ctum, quatenus nos, qui sumus Christi

membra, Patri minime subiecti sumus.
 „ Cum vero, subdit, consummaverit o-
 „ pus suum, & universam creaturam
 „ suam ad summum perfectionis addu-
 „ xerit, tunc ipse dicitur subiectus in
 „ his, quos subdidit Patri, & in qui-
 „ bus opus, quod ei Pater dederat, con-
 „ summavit, ut sit Deus omnia in omni-
 „ bus. „ Subjectionem illam simili modo
 exponendam censet lib. 3. Periarchon cap.
 5. cum scribit: *Christum in semetipso com-
 plectentem omnes, quos subiecit Patri, cum
 ipsis & in ipsis Patri subiectum dici.* Ad-
 ditque: *Sic ergo bona & salutaris accipitur
 ista subiectio . . . valde consequens, & co-
 herens est, ut inimicorum, quæ dicitur filio
 Dei esse subiectio, salutaris quedam intel-
 ligatur, & utilis: ut sicut cum dicitur fi-
 lius Patri subiectus, perfecta universæ crea-
 turæ restitutio declaratur; ita cum filio Dei
 inimici dicuntur esse subiecti, subiectorum
 salus in eo intelligatur, & reparatio per-
 ditorum.* Atque in hunc quoque sensum
 declarat verba illa: *novissima autem ini-
 mica destruetur mors, iniquens lib. 1. Peri-
 archon cap. 6. propterea etiam novissimus
 inimicus, idest Diabolus, qui mors appel-
 latur, destrui dicitur . . . Destrui sane ita
 intelligendus est, non ut substantia ejus,
 quæ a Deo facta est, pereat, sed ut pro-
 positum, & voluntas inimica, quæ non a
 Deo, sed ab ipso processit, intereat.*

IX. Nuperi Origenistæ hoc Pauli te-
 stimonium magno verborum apparatu
 exaggerant, pluraque differunt, ut ejus
 vim promoveant, quæ huc ferme reci-
 dunt. Primo considerant verba illa: *sicut
 in Adam omnes moriuntur, ita & in
 Christo omnes vivificabuntur*, in vitam
 nempe, ut explicant, spiritalem, qua
 disponantur ad æternam in cælesti bea-
 titudine. Secundo, vim maximam faciunt
 in verbis illis, quæ sequuntur, *novissima
 autem destruetur mors, mors scilicet, a-
 junt, sempiterna, sive mors illa secundum
 de qua loquitur S. Joannes in Apoca-
 lypsi, qua nulla est posterior, & quæ
 sicut Joannes ipse definit, in supplicio
 ignis & sulphuris posita est.* De hac au-
 tem Apostolum loqui probant: quia cum
 antea mortuorum resurrectionis mentio-
 nem fecerit, per mortem, quæ subinde

destruenda dicitur, nihil aliud intelli-
 gere potest præter poenas inferni, quæ
 hoc in Scriptura nomine appellantur.
 Tercio perpendi diligenter volunt, quod
 addit Apostolus, *qui autem subiecta fue-
 rint illi omnia, tunc & ipse filius sub-
 jectus erit ei, qui subiecit sibi omnia, ut
 sit Deus omnia in omnibus.* Ex his enim
 confici putant, juxta S. Paulum, omnia
 tandem subjiçienda esse Deo per obse-
 quium ipsi ab omnibus creaturis præsti-
 tum, & Deum in omnibus futurum
 per gratiam sanctificantem, & glo-
 riam beatificam, quæ omnes locupletabit.

X. Hunc Apostoli textum duobus
 aliis amplius explicari, & confirmari san-
 ciunt, altero ejusdem ad Coloss. c. 1.
 com. 20., ubi ait: *in ipso (Christo)*
*complacuit omnem plenitudinem inhabitare,
 & per eum reconciliare omnia in ipsum
 pacificans per sanguinem crucis ejus sive
 quæ in terris, sive quæ in cælis sunt: ubi per
 ea, quæ sunt in terris, homines, per ea
 vero, quæ sunt in cælis, spiritus malos, sive
 cacodæmones intelligunt, & ad omnes
 inferunt expiationem, redemptionemque
 Christi pertinere, ut beneficium, & fru-
 ctum ipsius in sempiterno regno perci-
 piant.* Quod apertius adhuc exprimi pu-
 tant a S. Petro Actuum 3. dicente, *quem
 (scilicet Christum Jesum) oportet quidem
 celum suscipere usque in tempora restitutio-
 nis omnium ἀπεκαταστήσει τὸν παῖρα.*
 Id enim Apostolum velle arbitrantur,
 regnum a Patre traditum filio, ceu homi-
 num, Angelorumque omnium capiti,
 non prius finiendum, quam cuncta, quæ
 per Angelorum pariter & hominum pec-
 cata in deteriorem statum prolapsa sunt,
 ita in integrum restituantur, ut nullum
 peccati, adeoque nec poenæ soli peccato
 debitæ supersit vestigium.

XI. Hoc itaque præcipuum est argu-
 mentum, quo ad denegandam poenarum
 inferni æternitatem Origenistæ permo-
 ventur, aut, ut melius dicam & verius,
 permoveri fe fingunt. Neque enim opi-
 nor quemquam esse cordatum hominem,
 qui vim aliquam in ipso perferant, dum
 tot ex adverso intueretur lucidissima
 Scripturæ testimonia, quæ poenas æternas
 non

non per ambages, aut circuitus, sed verbis ita planis atque perspicuis exprimunt, ac sæpius inculcant, ut nihil disertius & expressius a quoquam dici valeat, qui rem eandem apertissime designare velit. Hinc ut observat Anonymus quidam inter Protestantes Theologus (a), sinceriores Originistæ parum deferunt huiusmodi testimoniis, nec ea proponunt veluti probationes, quæ rem conficiant, sed potius ad ornatum quemdam, & ut dici assolet, *ex abundantia*. Ajunt enim *rebus nisi systema suum*, quod propugnant, non locutionibus, de quarum sensu utrinque disputari valeat (b).

XII. Enimvero nihil esse in locis laudatis, unde causam fulcire suam Adversarii queant, facile apparet ex attenta totius Apostolici textus lectione, & consideratione omnium, quæ ibidem habentur. Statim quippe elucet longe aliam esse mentem & Pauli & Petri, ac illi venditant. Et quoad priorem quidem locum spectat *Epistola ad Corin.* en legimus ejus sensus. Agit ibi Sanctus Apostolus de futura hominum præcipue iustorum in fine mundi resurrectione, & asserit per Christum omnes esse vivificandos, sive omnes resurrecturos: sed non eodem modo & ordine, ac ipse Christus. Unde ait: *unusquisque in suo ordine*: nimirum omnes in Christo vivificandi hoc ordine resurgent, ut Christus sit primus nedum dignitate, sed etiam tempore: deinde iusti resurgant: tertio sequatur mundi consummatio. Qui sensus litteralis omnino est, & ad men-

tem Apostoli: ita enim se mox explicat inquiens: *primitiæ Christus; deinde ii, qui sunt Christi, qui in adventu ejus crediderunt*, sive ut ex Græco, *qui sunt Christi in ejus adventu: deinde finis*, supple, *erit*, finis nempe totius dispensationis & œconomie Christi de salute generis humani: *cum tradiderit regnum*, id est Ecclesiam fidelium, & congregationem electorum, *Deo & Patri*, non quasi nunc in ea, non regnet Deus, sed quod nonnihil in ipsa dominantur peccata, Diabolus, mors, & mortalium ærumnæ: quasi dicat: *tunc erit finis cum obsuleris Christus Ecclesiam electorum non habentem maculam neque rugam*, & quasi rediderit illam Patri, *que in hujus sæculi lucta regenda illi, & custodienda commissæ fuerat*, ut in ea gloriose regnet in æternum (c). Subdit autem: *cum evacuaverit omnem principatum, & potestatem, & virtutem*; Dæmonum videlicet & impiorum hominum, ne amplius Ecclesiam, quæ regnum Dei est, impugnare valeant: ut exponunt Chrysostomus, Theodoretus, Ambrosius, Theophylactus, Eusebius, alique passim.

XIII. Sequitur Sanctus Apostolus: *oportet autem illum regnare*, hoc est oportet Christum regere Ecclesiam, donec ponat Deus Pater omnes inimicos Dæmones, & reprobos, *sub pedibus ejus*: quod in fine mundi maxime eveniet. *Novissima autem inimica destruetur mors*: mors etenim, quæ modo etiam in Sanctorum corporibus regnat, in eorum resurrectione demum abolebitur. *Locus ille*

(a) In Biblioth. German. Tom. 46. apud Franciscum de Roches Epist. 40.

(b) De leur propre aveu ils ne les allèguent pas comme des preuves capitales, mais simplement comme des surabondances de témoignages. C'est sur des *châsses*, disent-ils, que leur système est fondé, & non sur des *expressions* dont le sens peut être contredit. Ibidem.

(c) S. August. sic apostolus scribit lib. 1. de Trinit. cap. 10.: *1. tradet regnum Deo & Patri Dominus noster Jesus Christus, non se inde separato, nec Spiritu Sancto, quando perducet credentes ad contemplationem Dei, ubi est finis omnium bonarum actionum, & requies sempiterna, & gaudium, quod nunquam auferetur a nobis.... Contemplabimur enim Deum Patrem & Filium & Spiritum Sanctum, eum mediator Dei & hominum homo Christus Jesus tradiderit regnum Deo, & Patri, ut iam non interpellat pro nobis mediator & Sacerdos noster, Filius Dei, & Filius hominis; sed & ipse in quantum Sacerdos est, assumptus propter nos servi forma, subiectus sit ei, qui illi subiecit omnia, & cui subiecit omnia, ut in quantum Deus est, nos subiectos habeat, in quantum Sacerdos, nobiscum illi subiectus sit.*

iste cum Sancto Hieronymo, Vatablo & aliis ita ex Græco verti potest: *ultimus inimicus destruetur mors*; nimirum *inter hostes electorum mors ultimo destruetur*: hoc enim significat Græca lectio *ὁ ἔσχατος ἐχθρὸς καταργητῆς ὁ θάνατος*. Primus enim inimicus Christi & electorum est Diabolus, qui a Christo in cruce victus est. Secundus, peccatum, quod ab electis per gratiam Christi in hac vita vincitur. Tertius est mors, quæ in suprema resurrectione vincetur (a). Cujus victoriæ rationem reddit dicens: *omnia enim (Pater) subiecit sub pedibus ejus*.

XIV. Postremo concludit Apostolus: *cum autem subiecta fuerint illi omnia, tunc & ipse filius subiectus erit ei, qui subiecit sibi omnia, ut sit Deus omnia in omnibus*; id est, victis omnibus inimicis, & potestati Christi plenissime subiectis, ipse Christus, ut exponit S. Anselmus, subiciet se Deo Patri secundum humanitatem, & offeret cum Sanctis & electis omnibus ad æternam Dei laudem, ad participationem divinæ beatitudinis, domini, & gloriæ. Idem enim est hoc *subjici* Christi cum eo, quod superius dixerat, *tunc tradet Regnum Deo & Patri*, ut in se, suisque omnibus Deo Pater plenissime, ac gloriosissime regnet. Quare adnectit, *ut sit Deus omnia in omnibus*, nempe ut Deus in Sanctis & electis sit omnia, sive vice rerum omnium, sit ipsum vitam, salutem, virtutem, copiam, gloriam, honorem, pacem, omnia bona, finis, & satietas desideriorum omnium. Aliquis audire non pigeat Ecclesiæ Patres de postremis hisce verbis, quibus maxime abutuntur Origenistæ, differentes. S. Gregorius Nyssenus hunc Apostoli locum sic enucleat: „Christus in resurrectione subijcietur Patri: „quia in ea omnes fideles & electi Christi „semoti erunt ab omni malo, tuncque „fuspicient boni principatum, & ætissime conjungentur cum Deitate, ejusque immortalitate, regno, & felicitate: „atque tunc Deus erit omnia in omni-

bus &c.„ S. Hieronymus in Epist. ad Arnandum: „Cum rerum omnium finis advenierit, tunc (Deus) omnia in omnibus erit, ut singuli Sanctorum omnes virtutes habeant, ut sit Christus totus in cunctis.„ S. Augustinus lib. 22. de Civit. cap. 30: „Quid est aliud, quod per Prophetam dixit: *ero illorum Deus, & ipsi erunt mihi plebs*, nisi ego „ero, unde satientur: ego ero quæcumque ab hominibus honeste desiderantur, & vita, & salus, & virtus, & copia, & gloria, & honor, & pax, &c. omnia bona? Sic enim & illud recte intelligitur, quod ait Apostolus: *ut sit Deus omnia in omnibus*.„

XV. Paucis ergo, quæ sulsus dicta sunt, contrahendo, scopus, quem sibi in hoc loco præfigit S. Paulus, ut ex antecedentibus liquet, est solari iustos omnes in hac misera & ærumnosa vita degentes, & adversus Dæmonum, hominumque impias potestates consilientes, spe futuræ resurrectionis; adeoque his maxime promittit, quod in Christo, qui prior omnium resurrexit ad hanc spem confirmandam, tandem omnes vivificabuntur, ad vitam scilicet beatam, & immortalem. Hoc autem erit in fine mundi, cum consummata fuerit dispensatio ab æterno Patre Filio suo commissæ circa electorum salutem; tunc enim plurius subjugatis omnibus inimicis, qui modo Christi regnum, quod est in iustis & electis, oppugnant, ipsa quoque mors postremo destruetur, nec amplius in illis dominabitur: & ipse Deus tunc erit omnia in omnibus electis per communicationem propriæ suæ beatitudinis, status nempe omnium bonorum aggregatione perfecti. Unde sequitur textum Apostoli nullatenus favere Origenistarum commento, quin immo adversari: cum ex eo potius colligi debeat, Electorum sorte semel in fine mundi decisa, novam non superesse circa reprobos æconomiam, nec novam salutem a Christo sperandam.

XVI. Alterum vero ejusdem Apostoli

(a) Tunc utique novissima destruetur mors, cum corruptibile hoc induerit incorruptionem, & mortale hoc induerit immortalitatem. Quid proculdubio de resurrectione corporis, quæ tunc erit, contra mortem corporis, quæ nunc est, dictum esse perspicimus. S. August. lib. 6. oper. imperf. in Julianum.

stoli testimonium *ad Coloss.* minorem adhuc, immo nullam penitus difficultatem ingerere potest: natus namque, & genuinus sensus ipsius, longe alius est ab eo, quem ipsi assunt Origenistæ. Theodoretus in hunc locum sic illum apte exponit: „ Ipse (Christus scilicet) nostram procuravit reconciliationem, cum passionem sustinuit, & sanguinem effudit, & pro nobis sacrificium obtulit, & terrenis cælestia coniunxit. Nos enim averfabantur etiam populi Angelorum propter summam improbitatem. Ea de causa etiam cum natus esset, chorum ducentes Deo hymnum obtulerunt, dicentes, „ *gloria in excelsis Deo, & in terra pax, & in hominibus bona voluntas.* „ Haud dissimilis est expositio S. Augustini in Enchirid. Cap. 62. inquit: „ in Christo instaurantur, quæ in Cælis sunt, cum id, quod in Angelis lapsus est, ex hominibus redditur. Instaurantur autem, quæ in terris sunt, cum ipsi homines, qui prædestinati sunt ad æternam vitam, a corruptionis vetustate renovantur. „ Christus itaque, reconciliando homines peccatores æterno Patri, instaurat ea nedum, quæ in terris, sed etiam quæ sunt in cælis, quatenus sedes beatas Dæmonum lapsu vacuas, & Angelorum numerum eodem lapsu imminutum, per homines reparat, & implet, atque ita homines & Angelos ad unam Domum revocat, ad unam videlicet Ecclesiam, aut Societatem, & ad unum Caput, quod ipsemet est.

XVII. Denique nec quidquam juvat Origenistarum causam textus Principis Apostolorum *Act. 3.* Evidens quippe est ex toto contextu D. Petrum per illa verba *usque in tempora restitutionis omnium* ἀποκαταστάσεως τῶν πάντων, loqui de restitutione, quæ fiet in extremo die iudicii, cum homines in priorem vitæ statum per resurrectionem revocabuntur, aut etiam, si latius vocem illam πάντων accipere mavis, cum omnia, homo scilicet, cælum, terra, elementa, totumque universum primævæ integritati, in corruptioni & splendori restituentur: non autem de commentitia, quam Ori-

genistæ volunt, Dæmonum, & reprobatorum omnium in vitam beatam restitutione. Apostolus enim ibi hortatur Judæos, quos alloquitur, ad poenitentiam dicens: *convertimini igitur, & convertimini, ut deleantur peccata vestra;* eosque ad eam accendit proposita spe beatæ resurrectionis, *ut cum venerint, inquit, tempora refrigerii a conspectu Domini, & miserit eum, qui predicatus est vobis, Jesum Christum, salutem consequamini.* De ea profecto missione loquitur, quæ Christus venturus est judicare vivos, & mortuos: quod magis declarat sequentibus verbis: *quem (scilicet Christum) oportet cælum suscipere, seu in cælo esse, aut manere, usque in tempora restitutionis omnium, seu usque ad consummationem sæculi, & omnium resurrectionem: tunc enim adveniet in majestate, & gloria, ut judicet mundum universum, & iustos quidem ad premium, impios vero ad supplicium adducat æternum.* In qua certe explicatione nihil est quod Origenistis suffragetur, ut nemo non videt.

XVIII. At adversarii cavillantur in illa voce τῶν πάντων, quam, cum generis neutrius sit, referendam esse pertendunt ad rerum omnium restitutionem, atque adeo etiam damnatorum. Sed quocumque modo eam intelligant, nihil extundere inde possunt, quod sibi faveat. Nam certum est in hoc Apostoli loco sermonem esse de restitutione, quæ fiet in supremo die iudicii, sic enim antecedentia verba locutionem definiunt, non de restitutione faciendi peracto jam universali iudicio, lataque in iustos, & improbos finali sententia, post fictitia illa diuturni temporis spatia, quibus damnatos omnes in meliorem vitam ac sortem restituendos esse fabulantur. Adeoque si vox illa πάντων generalius sumatur, ea S. Petrus denotat tum omnium hominum resurrectionem, tum cæterarum creaturarum renovationem, quæ in sæculi consummatione continget. Quid vero multis hic opus est? Resenim ipsa docet vocem τῶν πάντων ab ipso S. Petro statim restringi ad ea, quæ locutus est Deus per os suorum Prophetarum.

tarum. Quanam porro ea sunt, quæ Deus locutus est per os suorum Prophetarum, nisi omnium hominum resurrectio in fine mundi futura, & electorum glorificatio, cæli ac terræ renovatio, impiorumque æterna punitio? Quod

autem etiam aliquando facienda sit restitutio Dæmonum, ac damnatorum hominum in statum felicitatis & gloriæ, nec in Prophetis, nec in aliis sacris libris Deus unquam locutus est.

CAPUT IV.

Somnia discentiuntur Anonymi Authoris Batavi, qui præcipuum Origenianæ cause præsidium deprehendere sibi visus est in libro Apocalypseos. In iisdem locis, quæ opponit ille, locupletissima extant æternæ pænæ testimonia. Duplex resurrectio, de qua loquitur S. Joannes, ad justos duntaxat, electosque referenda est, non ad scelestos, & damnatos, ad quos solum spectat duplex mors, prima, & secunda. De cætu quoque Beatorum & Ecclesia triumphante dicta sunt, quæ Anonymus ad omnes prorsus & Angelos, & homines detorquere nititur.

I. **N**uperus quidam inter Batavos Author, de quo Cap. I. tertii hujus libri mentionem fecimus, in libello Haïæ Comitum lingua vernacula edito, adversus Catholicum dogma de pœnarum inferni æternitate nova instructa argumentorum acie depugnare adlaborat. Quamquam enim Scripturarum testimonia, quæ hæcenus excussimus, proferre non omittit; his tamen omnibus longe efficaciora deprehendisse se putat in libro Apocalypseos momenta, ceteris adhuc Origenistis incognita, tantumque sibi vana ac stulta opinione blanditur, ut opus suum inscribere non dubitaverit: *Evidens demonstratio restitutionis rerum omnium in Deum, quæ damnati liberabuntur &c.* Evidens hæc demonstratio habetur juxta hunc Authorem in postremis tribus divini illius libri capitibus, atque ita ab illo conficitur. Legimus, inquit, cap. 20. com. 5.: *ceteri mortuorum non vixerunt, donec consumantur mille anni. Hæc est resurrectio prima.* Atque hinc statim concludit, quod post priorem hanc resurrectionem aliam succedere oporteat, quæ plane diversa sit ab ea, quæ in finali judicio continget: id quod probat verbis, quæ leguntur com. 14., *hæc est mors secunda.* Hæc secunda mors, ait, procul dubio subsequetur finale judicium, ut patet ex eodem com. 14. Porro mors non sequitur resurre-

ctionem secundam: sed hæc potius sequitur mortem. Qui enim prima vice mortuus est, non potest etiam nisi prima vice resurgere: adeoque secunda resurrectio non alios spectat nisi illos, qui denuo mortui erunt post primam resurrectionem, illos nimirum, qui ad inferna per sententiam supremi Judicis damnantur, & per secundam resurrectionem ex inferis eruentur. En prima evidenter demonstrationis pars.

II. Id confirmat ex iis, quæ habentur cap. 21., ubi com. 5. refertur dixisse qui sedebat in throno, ecce nova facio omnia. Renovare aliquid, inquit, nihil aliud est, quam illud in primæve conditionis statum restituere, exuere ipsum omni vitio, ac defectu, eoque induere, quod sanctum, quod divinum, lucidumque est: sic enim *vetus & novum* sæpe usurpat in sacris litteris. Itaque si post extremum judicium omnia renovanda dicuntur, necessum est, quod omnia sanctificentur, atque adeo e statu peccati, & damnationis educantur: & hæc est secunda resurrectio, quam prima exigit, regressusque rerum omnium in Deum Alpha, & Omega.

III. Post aliquot alias minoris momenti in hoc eodem capite animadvertiones, magna ponderatione dignum exiliti-

existimat com. 3. c. 22., unde conclusam evidentem demonstrationem pervideas. Sic enim prodit: & omne maledictum, sive, juxta textum Græcum, anathema, aut cacanathema, non erit amplius, sed sedes Dei, & agni in illa erunt: quæ verba, subdit, quid aliud insinuant, nisi omnem maledictionem, sive damnationem finem esse habituram, omnesque & homines, & Angelos demum cum Christo in cælis regnatos? hæc ille.

IV. Mirari satis non possum, necumque, ut arbitror, sapientes quique facile mirabuntur Batavi hujus Authoris præfidentiam, qui ex laudatis Apocalypses locis evidentem confici putat demonstrationem adversum æternas impiorum penas. Profecto, si adeo perspicuus & evidens appareret in hisce locutionibus, penarum finis, ut somniat ille, fieri ne potuisset ut nemo unus inter Scripturarum Interpretes a tot sæculis veritatem adeo lucentem non perspiceret, oculoque effugeret vel Origenis, vel ejus Sæctatorum veterum, recentiumve, qui loca Scripturarum omnia attentissime rimati sunt, ut quidpiam in iisdem deprehenderent, quod antecæptæ opinionioni suæ subserviret? Ex illis quidem textibus Millenarii figmentum de regno Christi post judicium in terris futuro derivarunt. At nullus vel suspicatus est posse inde deduci liberationem damnatorum a sempiterna pœna, quam Author noster evidenti consecutione colligi infrunite jactat. Certe eam inferri minime posse nedum evidenter; sed neque exigua aliqua probabilitatis specie, vel ex eo factis constat, quod in hisce iisdem capitibus luculentissima prostant de æterna impiorum damnatione testimonia. Lustremus cursim postrema hæc capita Apocalypsis, ut nuperi Authoris somniat, aut delirium manifestius innoteſcat. Cap. 20. post verba illa Com. 5. quibus ille præsertim insistit, hæc leguntur com. 9., & 10.: Diabolus, qui seducebat eos, missus est in stagnum ignis, & sulphuris, ubi, & bestia, & Pseudopropheta cruciabuntur die, ac no-

te in sæcula sæculorum. Deinde com. 14., & 15.: infernus & mors missi sunt in stagnum ignis: hæc est mors secunda. Et qui non inventus est in libro vitæ scriptus, missus est in stagnum ignis: ubi nempe cum Diabolo, Bestia, & Pseudopropheta cruciabitur in sæcula sæculorum. Hæc sola verba clarissime manifestant futilitatem omnium animadversionum Anonymi Authoris. Si enim Joannes diserte asserit Diabolum, ejusque sequaces cruciandos esse in stagno ignis in omnem æternitatem, quomodo ad ipsius mentem interpretari licet verba antecedentia de fine penarum aliquando futuro, & liberatione Dæmonis, aliorumque damnatorum ex inferni cruciatibus? Item, si Sanctus idem Evangelista alios distinguit, qui scripti sunt in libro vitæ, alios, qui in eodem libro scripti non sunt, atque hos mittendos prænunciat in idem stagnum ignis, in quem jam dixerat Diabolum, & Pseudopropheta fuisse conjectos, quis dicere ausit existimasse Joannem ex eodem stagno ignis omnes tandem ereptum iri, in eamque gloriam & felicitatem admittendos esse, quam solis in libro vitæ conscriptis attribuit?

V. In sequenti quoque capite 21. postquam dixisset qui sedebat in throno verba, quæ Anonymus objicit, ecce nova facio omnia, ac Joannes omnia innovata vidisset, subdit com. 7. qui vice-rit, possidebit hæc, nempe gloriam & bona civitatis Sanctæ Hierusalem, quam descriperat, Dei regnum, ejusque summam felicitatem: & ero illi Deus, & ille erit mihi filius. Solum itaque victores mundi, carnis, & Diaboli, solum strenui ac generosi milites Christi tam sublimia bona possidebunt: non autem cæteri, qui timidi, ac desidiiosi animæ suæ hostibus victi succubuerunt, seque criminum sordibus inquinaverunt: hos enim adversa manet, ac miserissima fors in Gehenna: idque conceptissime testatur com. 8. dicens: timidus autem & incredulus, & execratus, & homicidus, & fornicatoribus, & veneficis, & idololatriis, & omnibus mendacibus, pars illorum erit in stagno ardenti igne, & sul-

pbure, quod est mors. secunda: seu semper exclusi erunt ab æterna Dei, Sanctorumque hæreditate, & eorum infelicitissima pars, hæreditas. & conditio erit in stagno ignis & sulphuris, ubi cum Diabolo sine fine cruciabuntur. Idque confirmat com. ultimo ejusdera cap. inquiens: *non intrabit in eam aliquid coinquinatum, aut abominationem faciens, & mendacium, nisi qui scripti sunt in libro vite Agni*: hoc est, exceptis iis, qui prædestinati fuerunt, nemo ex reliquis in beatissimam illam Civitatem introibit.

VI. Hoc ipsum declarat etiam perspicuis admodum verbis cap. 22., hoc est ultimo, ubi quæ fusi: antea scripserat, veluti compendio colligit. Sic enim Jesus Joanni loquitur a com. 12.: *Ecce venio cito, & merces mea mecum est, reddere unicuique secundum opera sua. Ego sum Alpha, & Omega, Primus, & Novissimus, Principium, & Finis. Beati, qui lavant stolas suas in sanguine agni: ut sit potestas eorum in ligno vite, & per portas intrent in Civitatem. Foris canes, & venefici, & impudici, & homicidæ, & Idolis servientes, & omnis qui amat, & facit mendacium. Quibus verbis tanquam anathemate quodam excluduntur peccatores a sancta illa Civitate, sive a regno Dei, & Sanctorum. Quis sano capite hæc omnia conciliare se posse arbitretur cum Origenistarum sententia, & cum explicatione, quam locis supra recensitis Nuperus Author appingit?*

VII. Quapropter alio plane in sensu exponere opus est objecta testimonia, prout alter semper ab Ecclesiæ Patribus, & Scripturarum Interpretibus expolita sunt. Et quidem primum locum cap. 20. valde obscurum esse fatentur omnes, adeoque non eodem modo ab omnibus intelligitur. S. August. lib. 20. de Civit. cap. 6. & seq. fuse agit de duabus resurrectionibus, quas hic insinuat S. Evangelista: primamque explicat de resurrectione animæ a peccato:

alteram vero de resurrectione sequutura in die judicii. „Sicut, inquit, duæ sunt regenerationes, una secundum fidem, quæ nunc fit per baptismum: „alia secundum carnem, quæ fiet in „ejus incorruptione, atque immortalitate per judicium magnum, atque novissimum; ita & sunt resurrectiones duæ: una prima, quæ & nunc est, & animatum est, quæ venire non permittit in mortem secundam: alia secunda, quæ nunc non est, sed in sæculi fine futura est, nec animorum, sed corporum est, quæ per ultimum judicium alios mittet in secundam mortem, alios in eam vitam, quæ non habet mortem. De his duabus resurrectionibus Joannes Evangelista in libro, qui dicitur *Apopoclypsis*, eo modo locutus est, ut earum prima a quibusdam nostris (nempe a Millenariis) non intelligatur, insuper etiam in quasdam ridiculas fabulas verteretur. Ac dein explicatione sua pluribus roborata concludit cap. 9. „Hæc resurrectio, animæ, scilicet a peccato, prima est. Beatus & Sanctus qui habet in hac prima resurrectione partem, idest particeps ejus est. Ipse est autem particeps ejus, qui non solum a morte, quæ in peccatis est, reviviscit, verum etiam in eo, quod revixerit, permanebit. In istis, inquit, *secunda mors non habet potestatem*. Habet ergo in reliquos, de quibus superius ait: *reliqui eorum non vixerunt, donec finiantur mille anni: quoniam isto totum temporis intervallo, quod mille annos vocat, quantumcumque quiescent eorum vixit in corpore, non revixit a morte, in qua eum tenebat impietas, ut sic reviviscendo primæ resurrectionis particeps fieret, atque in eo potestatem mors secunda non haberet.* Hæc Augustini interpretatio plausible est, & non paucam consecutur.

VIII. Nihilominus alii plures (a) ita acci-

(a) Dionysius Carthusianus, Cor. a Lapide, Ribera, Viegas, Peretius &c.

accipienda existimant Evangelistæ verba, ut nomine primæ resurrectionis intelligatur beatitudo, quam consequuntur animæ Sanctorum, statim ac a corpore separantur. Sancti siquidem dum ex hac vita calamitosa, & mortali, in novam vitam transmigrant immortalem, & felicissimam, quodammodo resurgere videntur. Secundam vero resurrectionem docent esse plenam & perfectam beatitudinem, quam iusti recipient, dum in die iudicii cum corpore resurgent. „Vita gloriæ (inquit Dionysius Carthusianus) animarum sanctorum cum Christo in Patria est resurrectio prima: quia præcedit illam, qua corpora sua resument. Et item vita hæc dicitur resurrectio prima, quia per eam ab hac misera vita, quæ comparatione illius vitæ umbra mortis, & mors nuncupatur, eriguntur: & homo sanctus hic moriens, ibi in Patria vivere incipit melius, atque felicius: sicque a morte naturæ, qua cecidit corpore, resurgit pertingendo ad vitam gloriæ, qua vivit in mente... Itaque beatus est in re, & Sanctus, qui omni labe peccati carens, & confirmatus in bono habet partem, idest consortium in resurrectione prima, idest in animarum beatificatione. In his mors secunda, idest damnatio ultima non habet potestatem: quia de sua æternam felicitate securi sunt. „

IX. Summus Vir Benignus Bossuetus in egregia sua expositione Apocalypsis, utramque sententiam ita componit, ut prima resurrectio initium habeat in iustificatione juxta illud Joan. 5. com. 24.: *qui verbum meum audit &c. transiit a morte in vitam*, & illud ad Ephes. 5. c. 14. *surge qui dormis, & exurge a mortuis, & illuminabis te Christus*. „ Tunc itaque, scribit, anima resurgit: & hæc resurrectio consummatur, cum ab hac vita, quæ mors

„ potius est, excesserit, vivitque vera vita cum Christo. Hæc est prima resurrectio, quæ animabus beatis convenit: siquidem de resurrectione corporis sermo fiet com. 12., & 13., & hucusque nulla de ipsa mentio facta. „ est. Hæc prima resurrectio manifesta sit in Sanctorum miraculis, quibus vivere eos constar ob virtutem ex eorum tumulis procedentem, quemadmodum sancti Patres observarunt, & Grotius ipse confessus est. „ Secunda vero resurrectio, ut postea notat, est illa, qua Sancti tum anima tum corpore glorificabuntur.

X. Utraque ergo resurrectio, non alio spectat, quam homines iustos & Sanctos, qui regnant cum Christo, regnabuntque in omnem æternitatem, nec extendi potest etiam ad impios, & reprobos, ad quos solum a contrario duplicem mortem primam, & secundam pertinere asserit S. Joannes: primam scilicet, per quam animæ sepeliuntur in inferno cum iniquo Divite: secundam vero, qua per universalem omnium resurrectionem impii & corpore & anima in stagnum ignis, & sulphuris precipitabuntur. Quare toto cælo, nedum toto ostio aberrat Anonymus Auctor, dum resurrectionem, de qua loquitur S. Evangelista, reprobis citra ullum fundamentum affingens, inde colligit eandem ab inferorum stagno liberandos esse, & in cælestem vitam restituendos.

XI. Ridiculum vero est argumentum, quod conficitur ex verbis Cap. 21.: *& dixit, qui sedebat in throno: ecce nova facio omnia*. Hæc etenim verba referri ad innovationem mundi, quæ erit in supremo die, maximeque ad gloriam, & felicitatem electorum adeo ex contextu manifestum est, ut nihil ferme manifestius sit in toto Apocalypseo libro, quemadmodum observat S. Augustinus (a). Sic enim Joannes caput hoc 21.

K k 2 ordi-

(a) In hoc quidem libro multa dicuntur. „ Veniunt in his verbis, ubi ait: *adherget Deus omnem lacrymam ab oculis eorum: & mors jam non erit, neque luctus, neque clamor, sed nec ullus dolor*, tanta luce dicta sunt de seculo futuro, & immortalitate atque æternitate Sanctorum (tunc enim solum, a quo ibi solum illa non erant) ut nulla debeat in literis sacris querere, vel legere manifesta, si hæc postea verum sit. Lib. 20. de Civit. cap. 17.

CAPUT XV.

Sententia Origenis semper ab Ecclesia tanquam Catholica fidei contraria rejecta est. Concilia quibus damnata fuit, Alexandrinum maxime, & Oecumenicum Constantinopolitanum II. Quibus consonant decreta Patrum, qui eam veluti Christiane Religionis inimicam fugillant. Nedom Ecclesia Romana, sed etiam ceteræ aliæ ab ipsa Schismate sejunctæ, pœnarum aternitatem ut fide certam continenti traditione retinuerunt, retinentque.

I. **V**eritate Catholici dogmatis de sempiterna pœnarum Inferni duratione sacrarum litterarum testimoniis evidenter asserta, & vindicata, perutile fuerit ut eam etiam perpetua Ecclesiæ, Patrumque traditione & autoritate comprobemus: tum quia nonnulli sunt, qui putant haud constantem inter Christianos fuisse hujusmodi sententiam: tum maxime quia perpetua Ecclesiæ, Patrumque traditio validissimo argumento est, non alium esse Scripturarum sensum, nec aliter intelligi debere. Nam juxta sanioris Criticæ regulas, cum de sensu textus alicujus agitur, legitimus ille censetur, quem ipsi omnes communiter tribuerunt, ac tribuunt. Unde nec qui perennem traditionem Ecclesiæ ut fidei regulam non habent, hoc argumentum repudiare possunt.

II. Quod itaque Ecclesia semper crediderit æternas esse Dæmonum & impiorum hominum pœnas, ex eo in primis manifestum est, quod Origenis, & Origenistarum sententiam tanquam absonam, Dei verbo contrariam, & Catholicæ fidei dogmatibus repugnantem continenter rejecerit, & anathemate etiam perculerit. Hujusce rei plura sunt, & illustria in Ecclesiastica Historia, & Sanctis Patribus monumenta. Damnatum fuisse Origenem & Origenistas ob hunc inter alios errorem in Synodo Alexandrina a Theophilo Patriarcha ex totius Ægypti, Libyæ, & Pentapoleos Provinciis anno 400. congregata, extradubium est. Habemus Theophili Epistolam Synodicam ad Palestinos, & Cyprios Episcopos missam, quam ex antiquissimo codice Ambrosianæ Biblio-

thecæ nuper eruit V. Cl. Dominicus Vallarsius, publicique juris fecit in novissima omnium absolutissima editione operum S. Hieronymi (a): in qua ipse enarrat, quod congregatis Episcopis, qui prope impleverant numerum Synodi, perrexerit Nitriam, & coram multis Patribus, qui de tota pene Ægypto convolverant, lectos esse libros Origenis, in quibus impio labore sudaverat, & consensu omnium condemnatos: porro inter propositiones erroneas, quæ in ea Synodo damnatæ sunt, hæc erat: *Christi regnum finietur aliquando, & Diabolus cunctis peccatorum sordibus liberatus equo bonore decorabitur, & cum Christo subicietur.* Quem errorem ita proponit Theophilus idem Epist. Paschali 1.: *facessant igitur stultissimi mortaliū &c. Talis Pastor gregis morborum Christum ubique fugillat injuriis, & Diabolum bonore sustollit, dum illum adferis purgatum vititiis, atque peccatis pristinam aliquando gloriam recepturum.*

III. In eadem editione operum S. Hieronymi refertur quoque (b) responsio Synodi Hierosolymitanæ ad Epistolam Theophili, in qua suspicionem omnem amoliuntur Patres, quod suis in regionibus obtineant vesana Origenis dogmata: *Neque enim (ajunt inter alia) audivimus unquam docentes... quod Zabolus cunctis peccatorum vititiis liberatus dignitatem obtineat; quam habuit, antequam caderet, ita ut & ipse & Christus sub unum Dei Patris redigantur imperium. Qui enim ita credunt, ituri sunt in tenebras, quæ præparate sunt Diabolo, & angelis ejus.*

IV. Fuisse Synodum Alexandrinam ab universa Ecclesia approbatam ex eo li.

liquet, quod plures ex diversis Orbis Christiani locis Episcopi Theophilum summis laudibus extulerint, ob ejus labores in hæresi Origeniana damnanda, & funditus eradicanda exantlatos. Extat ibidem Col. 551. Epistola Dionysii Lidenfis Episcopi ad ipsum directæ, in qua hæc leguntur: *Te Deus, Domine Frater beatissime, emulatorem recte fidei suscitavi, ut & superstitionem hereticam de Gentilium fonte manantem Apostolico rigore contereret &c.* Extat & Epistola Anastasii Papæ ad Simplicianum dicentis: *patri animo Vir Sanctus & honorabilis Theophilus Frater, & Coepiscopus noster circa salutis commoda non desinit vigilare, ne Dei populus per diversas Ecclesias Origenem legendo in magnas incurrat blasphemias. Ipse Theophilus in serm. ad quosdam Monachos, ut a se, ita etiam ab Anastasio summo Pontifice, & ab universa Occidentali Ecclesia damnatum Origenem testatur, inquit (a): Anathematizantes Origenem, caterosque hæreticos exemplo nostro, & Anastasii Sanctæ Romanæ Ecclesiæ Episcopi, qui ex veteribus certaminibus clarus, nobilissimi populi dux creatus est, quem & universa Occidentis Episcoporum sequitur Synodus, quæ accepit, ac probavit Alexandrinorum Ecclesiæ sententiam in impium latam.* Hinc Anastasius idem in Epist. ad Joannem Hierosol. translationem librorum Periarchoa a Rustino Aquilejensi adornatam, in quibus cum alii, tum error de quo agimus, diserte traditur, reprobavit, eaque impia dogmata vocans, & affirmans Interpretem nihil aliud sui opera laboris extruxisse, nisi ut propriæ veluti mentis arbitrio hæc, quæ sola, & quæ prima apud Catholicos Christianos vera fides jam ab Apostolis exinde usque ad tempus præsens teneatur, inopinatè titulo actionis everteret.

V. Verum cum Origenistarum factio ex his decretis nondum extincta esset, iterum Origenis errores proscripti fuerunt ab Ecclesia in Synodo quinta Œcumenica congregata anno 553. Damna-

tionem hanc præcessit Epistola Justiniani Imperatoris ad Menam adversus Origenem, quæ pro Ecclesiæ judicio habenda est, quia Pelagio Romanæ Ecclesiæ Diacono & Apocrifario instante dictata fuit, & postmodum a Vigilio summo Pontifice approbata. In hac Epistola subnexa habentur novem Anathemata in totidem errores Origenis, quorum postremum ita sonat: *si quis dicit, aut sentit temporariam esse Demonum, vel impiorum hominum punitionem, finemque aliquo tempore hanc habituram, nimirum restitutionem futuram Daemonum, vel impiorum hominum, anathema sit.* Et hac ipsa quoque Epistola, sicut & in altera ad Synodum quintam eundem errorem notat, & ad calcem nonnulla loca eo pertinentia adducit. Nec solum Pontifex Romanus, sed & reliqui Patriarchæ, Justiniani edictum comprobando, ipsique subscribendo suum fecerunt. Rem gestam narrat Liberatus Archidiaconus Carthaginensis in brevi, cap. 23. & Cassiodorus lib. 1. Divin. Instit. cap. 1.

VI. Subsecuta deinde est laudata Quinta Synodus Œcumenica, in qua damnatum esse Origenem, ejusque doctrinam, dubitare non licet: idque tradunt Author Chronici Alexandrini, Georgius Syncellus, Theophanes, Photius in libello de Synodis, Nilus Rhodius, Anonymi duo, qui de Synodis quoque scripserunt, quoque in Canonici juris antiqui Bibliothecam contulit Henricus Justellus; præterea Zonaras, Glycas, Cedrenus, qui & Justiniani Epistolam ad Synodum repræsentat, in qua flagitat a Patribus ut Origenem, Origenisque Gregales damnent, Nicephorus etiam, qui & anathematismos in Origenem a Synodo vibratos recenset lib. 17. Hist. cap. 28., Cyrillus Monachus Justiniano coævus, in vita Euthimii cap. 105., & in vita Sabæ cap. ult., quin & Synodus VI. Act. 18., & VII. Act. 1.

VII. Porro in hac Synodo specialiter confixum fuisse errorem de reprobationum restitutione, constat ex actis produ-

(a) Apud Justinian. in Epist. ad Menam.

duâs a Nicephoro lib. cit.; hunc enim memorat a Synodo proscriptum: *omnium impiorum hominum, ipsorumque etiam demonum tormenta sine habitu- ra, atque impios, ac Demones in priorem suum statum restitutum iri*. Constat etiam ex septima Synodo, in qua Act. 1. hæc leguntur: *Sancitæ Venerabilis Quintæ Synodi, quæ Constantinopolim congregata est, communi & univ ersali submissi sunt Anathemati Origenes, & Theodorus Mopsuestia, & ea, quæ ab Evagr io, & Dydim o dicta sunt, de eo videlicet.... quod de restitutione in statum pristinum fatabantur, consentientibus, & præsentibus quatuor Patriarchis*.

VIII. Confona vox est antiquiorum Ecclesiæ Patrum, qui de Origenis doctrina, aut forte scripserunt. S. Epiphanius Epist. ad Joan. Hierosol. anare exprobrat Origeni futuram illam Diaboli conversionem & salutem, inquam: „ illud quoque, quod asserere nititur „ (Origenes), doleamne, an ideoam „ nescio. Doct or egregius audet doce- re Diabolum id rursum futurum esse, „ quod fuerat, & ad eandem reditu- rum dignitatem, & consensurum reg- na cælorum. Proh nefas! Quis tam vecors & stolidus, ut hoc recipiat „ quod Sanctus Joannes Baptista, & Petrus, & Joannes Apostolus, & E- „ vangeliſta, Iſaias quoque & Hieremias, & reliqui Prophetæ, coheredes „ fiant Diaboli in regno cælorum? „ & post plura: „ te autem, Frater, li- beret Deus, & Sanctum populum Christi &c. ab hæresi Origenis &c.; „ si enim propter unum verbum, aut „ duo, quæ contraria fidei sunt, mul- tæ hæreses abjectæ sunt ab Ecclesia; „ quanto magis hic inter hæreticos ha- bebatur, qui, tantas perversitates, & „ tam mala dogmata contra fidem ad- invenit, Deique & Ecclesiæ hostis „ extitit? „ Inter errores quoque eam- dem Origenis opinionem recenset in Synopsi cap. 18. lib. 2. Panarii.

IX. S. Hieronymus, quem nonnulli Origeni fuisse falso putant, cujus so-

lum interdum admiratus est ingenium, eruditionem, & peritiam Scripturarum, ut ipse testatur (a), ita scribit adver- sus ipsum in Epistola ad Pammach. & Ocean.: „ confitemini & vos in qui- „ busdam errare Origenem... Dicitur „ eum male sensisse de Filio, pejus de „ Spiritu Sancto, animarum de cælo „ ruinas impie protulisse, resurrectio- nem carnis verbo tantum confiteri „ cæterum assertionem destruere, & post „ multa sæcula, atque unam omnium „ restitutionem idipsum fore Gabrielem, „ quod Diabolum, Paulum, quod Cai- „ pham, Virgines, quod Postribulas „ &c. „. Libro quoque cont. Joan. Hierosol. inter octo Origenis errores hunc enumerat tertium, quod dicat „ Diabolum & Demones acturos pœni- tentiam aliquando, & cum Sanctis ul- timo tempore regnaturus: quod pariter inter impia, & nefaria dogmata ponit lib. Apolog. con. Ruffinum.

X. Latius de hoc scribit in cap. 3. Jonæ, atque hæc differt: „ quia hoc „ (futuram nempe omnium creatura- rum rationalium reparationem) fan- „ cta Scriptura non dicit, & evertit „ penitus timorem Dei, dum facile ho- mines labuntur ad vitia, putantes „ etiam Diabolum, qui author malo- rum est, & omnium peccatorum fons, „ acta pœnitentia posse salvari, de no- stris mentibus abjiciamus, & sciamus „ peccatores in Evangelio mitti in ignem æternum, qui præparatus sit Diabolo „ & Angelis ejus, & de his dici: *ver- mis eorum non morietur, & ignis eo- rum non exstinguetur....* Alioquin si omnes rationabiles creaturæ æquales „ sunt.... & longo post circuitu, at- „ que infinitis sæculis omnium rerum „ restitutio fiet, & una dignitas mili- tantium, quæ distantia erit inter „ Virgines, & Postribulam? Idemne erit Gabriel & Diabolus? Idem Apostoli & Demones? Idem Prophetæ & Pseudoprophetæ? Idem Martyres & persecutores? Finge „ quod libet, annos, & tempora du-

„ pli-

(a) lib. 3. Apolog. adv. Ruffin, & Epist. 65, ad Pam. & Ocean.

„ plica, & infinitas ætates congere
 „ cruciatibus, si finis omnium similis
 „ est, præteritum omne pro nihilo est:
 „ quia non quærimus quid aliquando
 „ fuerimus, sed quid semper futuri si-
 „ mus.... Nec ignoro quod adversum
 „ hæc soleant dicere, & spem sibi ac
 „ salutem cum Diabolo præparare.
 „ Verum non est istius temporis con-
 „ tra dogma peruersum & *σμερνος*
 „ diabolicum docentium in angulis,
 „ & in publicum denegantium, latius
 „ scribere. „ Qua ex autoritate ap-
 „ paret in primis Hieronymum velut *dog-
 „ ma peruersum*, & *σμερνος* diabolicum
 „ habere Origenistarum sententiam, quam
 „ adeo tota exhorrebat Ecclesia, ut ipsius
 „ defensores eam in publicum impune ef-
 „ ferre posse non crederent: unde angu-
 „ los, & latibula quærebant, ut eam dis-
 „ seminarent. Liquer præterea S. Docto-
 „ rem loqui uniuersum de restitutione, &
 „ salute tum Dæmonum, tum hominum
 „ impiorum etiam Christianorum: quo-
 „ niam eos redarguit, qui istiusmodi do-
 „ctrina *spem sibi, ac salutem cum Dia-
 „ bolo præparabant*, qui certe nonnisi e
 „ Christiana gente erant.

XI. Rufinus Aquileiensis, quem Ori-
 geniani erroris suspectum fecerat S. ipse
 Hieronymus, hanc a se suspensionem
 strenue propulsat in *priore inuectiva*.
 Et in Symboli expositione hæretis no-
 tam inurit asserentibus, *Diabolum a de-
 bita absolui damnatione pœnarum*. Quan-
 quam vero ibidem non satis liquido
 edisserat, quid sentiat de damnatis ho-
 minibus, in Apologia tamen, quam ad
 Anastasium Papam conscripsit, mentem
 suam aperte declarat, rejicitque tanquam
 hæreticum, qui eorum salutem defen-
 dit, dicens: *illud sentimus, quod scri-
 ptum est in Evangelio, quia & ipse Dia-
 bolus, & omnes Angeli ejus, cum his,
 qui opera ejus faciunt.... cum ipso pa-
 riter æterni ignis hereditate potitur, ut
 legit Hieronymus, vel ut alii, heredi-
 tatem patietur. Siquis ergo negat Dia-
 bolum æternis ignibus mancipandum,
 patiem cum ipso æterni ignis accipiat,
 ut sentiat, quod negavit.*

XII. Orosius in Commonit. num. 3.

ita de hac sententia scribit ad S. Au-
 gustinum: „ Aviti duo.... quædam
 „ ex libris ipsius Origenis non recta,
 „ ut nuper intelligo, tradiderunt....
 „ Mundum novissime ideo esse factum,
 „ ut in eo animæ purgarentur, quæ
 „ ante peccaverunt. Ignem sane æter-
 „ num, quo peccatores puniantur, ne-
 „ que esse ignem verum, neque æter-
 „ num prædicaverunt, dicentes dictum
 „ esse ignem propriæ conscientie puni-
 „ tionem: æternum autem juxta ety-
 „ mologiam Græcam, non esse perpe-
 „ tuum, etiam latino testimonio adje-
 „ cto, quia dictum sit in æternum, &
 „ in *seculum seculi*, postposuerit æter-
 „ no, ac sic omnes peccatorum animas
 „ post purificationem conscientie in uni-
 „ tatem corporis Christi esse redituras.
 „ Voluerunt etiam de Diabolo asserere,
 „ sed non prævaluerunt, quod cum
 „ substantia in eo bona facta perire
 „ non possit, exulta in totum malitia,
 „ Diaboli aliquando salvandam esse sub-
 „ stantiam.

XIII. Porro Orosio ita respondet S.
 Augustinus lib. ad ipsum directo *contra*
Priscil. & Orig., quantum possum etiam
 „ ego commoneo, ut de Diaboli, An-
 „ gelorumque ejus correctione, & in
 „ pristinum statum reparatione sapere
 „ nihil audeas, non quia Diabolo &
 „ Dæmonibus invidemus.... Sed quia
 „ ultimæ sententiæ summi, & veracissi-
 „ mi Judicis ex nostra præsumptione
 „ addere nihil debemus. Ipse enim &
 „ similibus eorum dicturum esse prædi-
 „ xit; *ite in ignem æternum, qui para-
 „ tus est Diabolo, & Angelis ejus*...
 „ Ex quibus pater S. Doctorem eadem
 „ sentisse de Origenis commento, ac sen-
 „ tiebat Orosius, a Catholice nempe fidei
 „ dogmatibus esse alienum, eumque
 „ in hac persuasione amplius confirmasse.

XIV. Sed clarius id expressit *libro de*
hæres. ad Quodvultdes in Hæresi Origeni-
anorum, ubi sic ait: „ sunt hujus
 „ Origenis alia dogmata, quæ Catho-
 „ lica Ecclesia omnino non recipit, in
 „ quibus nec ipsum falso arguit, nec
 „ potest ab ejus defensoribus falli (vel
 „ ut alii legunt, *excusari*) maxime de

„ pur-

„purgatione, & liberatione, ac rursus
 „post longum tempus ad eadem mala
 „revolutione rationalis creaturæ.
 „Nec solum hoc non recipit Catholica
 „Ecclesia, sed etiam execratur, & hor-
 „rret. Sic enim persequitur: „quis enim
 „Catholicus Christianus vel doctus,
 „vel indoctus non vehementer exhor-
 „reat eam, quam dicit purgationem
 „malorum, idest etiam eos, qui hanc
 „vitam in flagitiis, & facinoribus, &
 „sacrilégiis, atque impietatibus, quam-
 „libet maximis, finiunt; ipsum etiam
 „postremo Diabolum, atque Angelos
 „ejus, quamvis post longissima tempo-
 „ra, purgatos, atque liberatos, regno
 „Dei, lucique restitui.... De qua va-
 „nissima impietate adversum Philoso-
 „phos, a quibus ista didicit Origenes,
 „in libris de Civit. Dei diligentissime
 „disputavimus. In his autem libris
 „de Civit. eodem modo loquitur de Ori-
 „genis sententia. Nam lib. 21. Cap. 17.
 „scribit *Origenem* & propter hoc, & pro-
 „pter alia nonnulla non immerito repro-
 „basse Ecclesiam. In libro quoque de *ge-
 „stis Pelagii* num. 10. ait: „quod autem
 „addidit Pelagius: & si quis aliter cre-
 „dit, *Origenista* est: hoc acceperunt
 „Judices, quod revera in Origene di-
 „gnissime detestatur Ecclesia, idest,
 „quod etiam illi, quos Dominus dicit
 „æterno supplicio puniendos, & ipse
 „Diabolus, atque Angeli ejus, post
 „tempus licet prolixum purgati libera-
 „buntur a pœnis, & Sanctis cum Deo
 „regnantibus societate beatitudinis ad-
 „harebunt. Quare lib. 1. Retract.
 „studiose explicat, quod scripserat *demo-
 „ribus Manich.*, sensumque legitimum
 „aperit verborum quorundam, ne quis
 „ex iis suspicaretur se Origeniana suli-
 „gine fuisse aliquando conspersum.

XV. Sugillat eandem opinionem
 „tquam Origenis delirium Gennadius
 „lib. de Dogmat. Cap. 9. inquit: „
 „post resurrectionem, & judicium non
 „credamus restitutionem futuram, quam
 „Origenes delirat, ut Dæmones, vel
 „impii homines post tormenta quasi
 „supplicii expurgati, vel illi in angeli-
 „cam, qua creati sunt, redeant digni-

„tatem, vel isti iustorum societate do-
 „nentur, eo quod hoc divinæ conven-
 „niat pietati, ne quid ex rationalibus
 „pereat creaturis, sed quolibet modo
 „salvetur. Sed nos credamus ipsi Judici
 „omnium, & retributori iusto, qui di-
 „xit: *ibunt impii in supplicium æternum,*
 „*iusti autem in vitam æternam*, ut per-
 „cipiant fructum operum suorum. Su-
 „gillat & Theophylactus in Cap. 25.
 „Marth. his verbis: sicut Sancti in-
 „cessabile habent gaudium, ita iniusti
 „indefinenter pœnam; tamen si Orige-
 „nes nugetur dicens fore suppliciorum
 „finem, & non semper puniendos pec-
 „catores &c. Sugillat etiam Author
 „lib. de *com. essent.* lib. 3. Cap. 6., Au-
 „thor Dialogorum, qui Cæsario Nazian-
 „zeni fratri assignatur, Sanct. Maximus
 „in scholiis ad Dionysii lib. de Cælesti
 „Hierar., alique.

XVI. Præter hæc, quæ adversam
 „Origenianæ sententiam tanquam fidei
 „dogma habitam semper fuisse ab Ecclesia
 „satis adstruunt, suppetunt alia testimo-
 „nia, quæ idem solidissime evincunt, ex
 „quibus pauca tantummodo refero. Sanctus
 „Fulgentius lib. de *fide ad Petrum*
 „sic ipsum monet Cap. 38, „firmissime
 „tene, & nullatenus dubites non solum
 „omnes Paganos, sed etiam omnes Ju-
 „dæos, Hæreticos, atque Schismaticos,
 „qui extra Ecclesiam Catholicam
 „præsentem finiunt vitam, in ignem
 „æternum ituros, qui paratus est Dia-
 „bolo, & Angelis ejus. Id extendit
 „cap. 40. etiam ad malos Christianos,
 „& qui in ipsa Ecclesia perverse vixe-
 „runt. Et cap. 43. ait: firmissime tene
 „&c. in fine sæculi bonos a malis etiam
 „corpore separandos, quando veniet
 „Christus, & per judicium segregabit
 „iustos ab iniustis, bonos a malis, re-
 „ctos a perversis: bonos constituet a
 „dextris, malos a sinistris, & ex ejus
 „ore iusti æternæ judicii sempiter-
 „na, atque immutabili prolata senten-
 „tia, iniqui omnes ibunt in combus-
 „tionem æternam, iusti autem in vitam
 „æternam: iniqui semper arsurus cum
 „Diabolo, iusti autem regnaturi sine
 „fine cum Christo. Ac demum con-
 „clu-

cludit: „Hæc interim quadraginta ca-
pitula ad regulam veræ fidei firmissi-
me pertinentia, fideliter crede, forti-
ter tene, veraciter, patienterque de-
fende: & si quem contraria his dog-
matizare cognoveris, tanquam pestem
fuge, & tanquam hæreticum abjice.
Ita enim ista, quæ posuimus, fidei
Catholicæ congruunt, ut si quis non
solum omnibus, sed etiam singulis
voluerit contraire, in eo quod sin-
gulis horum contumaciter repugnat,
& his contraria docere non dubitat,
hæreticus, & Christianæ fidei inimi-
cus, atque ex hoc omnibus Catholi-
cis anathematizandus appareat. „

XVII. S. Gregorius Magnus lib. 34. Moral. cap. 16. ita invehitur, suppres-
so nomine, in Origenistas explanans il-
lud Job cap. 41., *æstimabit abyssum quasi*
senescentem, „Leviathan iste æsti-
mabit abyssum quasi senescentem, quia
proborum corda sic infatuat, ut su-
spicionem eis de venturo iudicio, quod
quasi finiatur, infundat. Abyssum
namque senescere æstimat, qui ter-
minari quandoque in suppliciis su-
pernam animadversionem putat. Igitur
antiquus iste persuasor in membris
suis, idest in mentibus iniquorum,
futuras penas, quasi certo fine deter-
minat, ut eorum culpas sine termi-
no correctionis extendat, & eo ma-
gis hic peccata non finiunt, quo istic
æstimant peccatorum supplicia finien-
da. „ Hinc sibi objicit ac solvit ar-
gumenta Origenistarum: quod etiam
præstat in 4. Dial. cap. 44. & alibi pas-
sim.

XVIII. Denique eandem veritatem,
ut ad fidei dogmata pertinentem, semper
agnovisse Romanam Ecclesiam constat
ex fidei professione, quam a pluri-
bus sæculis publice canit in Symbolo,
quod S. Athanasio adscribitur, contenta,
dum ita concludit: *qui bona egerunt,*
ibunt in vitam æternam: qui vero ma-
la in ignem æternum. Hæc est fides Ca-
tholica, quam nisi quisque fideliter, fir-
miterque crediderit, salvus esse non poterit.

Ecclesia quoque Græca, sicut eandem
fidem olim professæ est, ita intemerate
retinuit, etiam postquam a Romana de-
plorando nimium Schismate sejuncta
fuit. Cujus rei testes inter alios habemus
Theophanem Ceramzum, qui Homil.
2. hæc disserit: *hoc certe donec perfolve-*
rit omne debitum, non temporarium quid
significat, juxta fabulosam Origenis re-
situtionem, sed penas sine carentes. Ni-
cetam Acominatum, qui lib. 1. *Thef.*
Orthod. fid. heres. 31. *Origenem male sen-*
fisse prædicat de penarum, & præriorum
perennitate. Stephanum Gobarum, qui in
quæst. in utramque partem discussis do-
cet, peccatores pœnis traditos a nequitia
expurgari, & post expurgationem pœnis
solvi credidisse Origenem: sed neminem
supplicio liberari, quæ vera est Ecclesiæ
sententia, credendum est.

XIX. Sed neque in hoc dogmate a
Catholica fidei desciverunt cæteræ Ec-
clesiæ Schismaticæ Orientales, & Occi-
dentales. De Nestorianis, Jacobitis, &
Æthiopicis hoc testatur Renaudotius
lib. 4. *perp. fid.* Equidem aliquos ab in-
ferni flammis liberari dicunt tempore
inter mortem & ultimam resurrectionem
interjecto, si deprecationibus, sa-
crificiis, & elemosynis fidelium fiat
satis pro ipsius divinæ iustitiæ. Sed de iis
commode intelligi possunt, ac debent,
qui non æterno, sed temporario Purga-
torii supplicio propter leves noxas, aut
pœnam alii debitam nondum expiatam,
deputati sunt: quo in sensu in latina
quoque liturgia dicitur: *Domine Jesu*
Christe libera animas omnium fidelium de-
functorum de pœnis inferni &c. Perpe-
tuum idem est de Ecclesiis Protestantium.
Confessio Augustana, quam Lutherani
recipiunt, dogma de pœnarum æterni-
tate ut fide certum proponit. Dominus
Swinden Theologus Anglus Ecclesiæ
suz sensum exhibet (a), dum hoc dog-
ma defendens proficitur *sequi se doctrinam*
universalis Ecclesiæ, quæ penarum æter-
nitatem tanquam fidei dogma agnoscit,
unumque ex præcipuis Christianæ Religionis
expresse contentum in sacris litteris. Quod
etiam

(a) in libello, cui titulus *recherches &c.* cap. ult.

etiam colligitur ex turbis, & rumoribus, quos in Angelicana Ecclesia excitavit sermo Tilotsoni, qui hanc veritatem per latus aggressus est. Alii in hoc etiam consentientem produunt Ecclesiam prætenfam Reformatam; & ex Sermone D. Saurini, quem Clericus laudat (a), aperte eruitur. De his vero cæterisque omnibus generatim loquens Petrus Bayle (b) conspirare testatur in hac fide cum Romana & Græca Ecclesia Protestantium omnes communio-

nes, quæ litteraliter explicant, & intelligunt Scripturarum verba de æternis impiorum poenis, & adversam sententiam habent execranturque velut hæresim perniciosam, & Originis delirium. Ex quo inferit ille (quod plane mirere, cum ipse alibi contra poenarum æternitatem deprælietur) id a quolibet exigere prudentie leges, ut consensum omnium sæculorum Christianæ Religionis anteferat privatis quorundam opinionioni, quæ non sine scandalo in vulgus efferrî potest.

CAPUT XVI.

Patres omnium sæculorum in dogmate de poenarum inferni æternitate concordēs. Plurimum eorum, qui vel ante, vel circa Originis ævum floruerunt, series contextitur, sicut & fidelium, qui Ecclesiæ doctrinam profuso sanguine consignarunt. Tum subsequentiæ sæcula perlustrantur, eandemque veritatem ubique ab Ecclesiæ Patribus & Scriptoris constantissime traditam fuisse ostenditur.

I. PRÆter tot perennis Ecclesiæ de poenarum æternitate traditionis monimenta, quæ capite superiore adducta sunt, ne quid in quæstione adeo momentosa desiderandum supersit, placeat eandem amplius ostendere prolatis Patrum & fidelium de hoc dogmate sententiis, non omnium quidem, neque enim orationi esset finis, sed præcipuorum, eorumque maxime, qui priora Christianæ Religionis sæcula illustrarunt. Equidem ab hoc labore abstinere decreveram, qui superfluous & inutilis in re adeo manifesta videri facile potest. Verum de sententia discessi, ut adverti Authores quosdam, magni aliquin nominis, plenum de hoc dogmate Ecclesiæ Patrum consensum in dubitationem adducere, ac ipsos primævos Patres veluti inter se dissentientes exhibere. Nam Ugo Grotius in notis ad cap. 25. Matth. Origenem non primum fuisse perhibet, qui inter Christianæ Ecclesiæ Doctores desitura aliquando impiorum supplicia existimaverit, cum similia fere apud Justinum Martyrem, Anophilum Antiochenum, Tatianum, Theodolum, Irenæum legantur. Consen-

tit cum Grotio Huetius in *Originian.* quoad Justinum, Irenæum, & Arnobium, quibus adjicit duos Origene posteriores Patres Nyssenum, & Nazianzenum. Petavius vero præter hos postremos etiam Ambrosium, & Pseudoambrosium propensiores repræsentat in *Originianum* errorem.

II. Ut igitur palam fiat Patres omnes in Ecclesiæ dogmate concordēs fuisse, eorum seriem exordior a Clemente Romano Pontifice viro Apostolis cœvo, qui in testimonio laudato a S. Joanne Damasceno in *Eclogis* impiarum animarum sempiternas poenas ita prædicat: „ immortales omnes animæ sunt & impiorum: quibus melius foret non „ incorruptibiles esse. Nam poenafem- „ piterna ab inextinguibili igne puni- „ tar, neque morientes, magno suo „ malo nullum finem obtinere possunt. „ Et lib. 4. *Recog.* vel quicumque Author sit illius operis: „ Quod autem est de- „ terius in consummatione sæculi, cum „ Dæmon ille igni tradetur æterno, ne- „ cessario & anima, quæ ei paruit, cum „ ipso æternis ignibus cruciabitur una „ cum corpore suo, quod polluit. „

L I 2 III.

(a) in Biblioth. select. &c.

(b) Réponse aux questions d'un Provinc pag. mihi 872.

III. Omitto Justinum Martyrem, de quo fufius cap. fequenti, & affero Iuftini Difcipulum Tatianum, qui in Orat. *contr. Gent.*, Dæmones perpetuo puniendos affert, & acriore quidem fupplicio, quam homines, quoniam cum non ut homines moriantur, pluribus fe delictis obftingunt. „ Quod in præfentia, inquit, peculiare habent, ut non fimiliter, atque homines, moriantur, hoc ipfum & cum puniendi erunt, ipsis aderit, ac vitæ fempiternæ participes non erunt, ita ut pro morte illius in immortalis corpore compotes fiant. Quemadmodum autem nos, quibus nunc facile mors fupervenit, poftea vel immortalitatem cum voluptate, vel triftitiam cum immortalitate aflequemur; fic Dæmones, qui præfenti vitæ ad peccandum abutuntur, & perpetuo etiam vivendo moriuntur, eandem poftea immortalitatem habebunt. „

IV. S. Theophilus ad Autolyicum in fine lib. 1. ita ipfum admonet: „ Deo fidem habeto, lubenti animo ei obtemperans: ne fi nunc incredulus fueris, aliquando credere cogaris magno tuo malo tunc fupplicis cruciatus æternis: „ quorum poenarum fubinde ait etiam mentionem feciffe prophanos Scriptores, & Poetas, ut fua dogmata magis conftabilirent: ac poftea fubdit: „ Verum tuipe, fi placet, confule litteras Sacras. Hæ etenim maiore evidentia te inftituere poffunt, quo pacto poffis evitare fempiternas poenas *αἰώνιον κόλασιν*, & nanciſci perpetua bona *αἰώνιος ὕψος*: „ quæ fuis cultoribus pollicetur Deus. Nam ille, qui dedit os ad loquendum, qui formavit aurem ad audiendum, qui finxit oculos ad videndum, exquiret, & affidua indagine excutiet omnia, & fententiam fuam iuſtiſſimè pronuntiabit, tribuens cuique fecundum opera fua: his quidem, qui operibus bonis intenti fuerunt immortalitatem, donabit vitam perennem, pacem, requiem, & abundantiam bonorum, quæ oculus non vidit, nec auris audivit, neque in cor

hominis aſcenderunt. At incredulis, contemptoribus, non obtemperantibus veritati, parentibus vero iniuſtiz... iis inquam cedit ira, furor, tribulatio, & anguſtia: Et ut ad paucam redeam, ignis infernalis hos perpetuo *αἰώνιος* cruciabit. Qui ita loquitur, næ ab Origene longiſſime difcrepat.

V. Tertullianus in Apologetico *piis ac bonis vitæ æternæ retributionem deſtinatam* affert cap. 13., *prophanis vero ignem æque perpetuum, ac jugem*. Et cap. 45. ſcribit: „ enim vero nos qui ſub Deo omnium ſpeculatore diſpungimur, quique æternam ab eo penam providemus, merito ſoli innocentiz occurrimus & pro ſcientiz plenitudine, & pro latebrarum difficultate, & pro magnitudine cruciatus non diuturni, verum ſempiterni eam timentes. „ Et in lib. de teſtim. anim. cap. 4. docet, *animam pro meritis aut cruciatu deſtinari, aut refrigerio, utroque ſempiterno*. Videndus etiam in lib. de Car. Chriſti. cap. 4., ubi de Dæmonibus loquens affert, *numquam illis fuiſſe reſtitutionem promiſſam*.

VI. Minucius Felix in *Oſtatio* inferorum cruciatus tum in Dæmonibus, tum in hominibus impiis ſempiternos fore elegantiffime declarat hiſ verbis: „ Admonentur homines doctiſſimorum libris & carminibus Poetarum illius ignei fluminis, & de ſtygia palude ſæpius ambientis ardoris, quæ cruciatibus æternis præparata, & Dæmonum indicis, & de Oraculis Prophetarum cognita tradiderunt Nec tormentis aut modus ullus, aut terminus. Illic ſapiens ignis membra urit, ac reſciſcit: carpit & nutrit, &c. „

VII. S. Irenæus lib. 4. cap. 47. „ pena eorum, qui non credunt Verbo Dei, & contemnunt ejus adventum, & convertuntur retrorſum, ampliata eſt, non ſolum temporalis, ſed & æterna facta. Quibuſcumque enim dixerit Dominus: *diſcedite a me maledicti in ignem æternum*, iſti erunt ſemper damnati: & quibuſcumque dixerit: *venite beati*.

nili-

„ *nedisti Patris mei, percipite hereditatem regni, quod preparatum est vobis in sempiternum*, hi semper percipiunt regnum &c. „ Et lib. 5. cap. 27. idiusus enarrat, & ait inter cetera : „ æterna autem & sine fine sunt a Deo bona : & propter hoc & amissio eorum æterna & sine fine est. Quemadmodum in immenso lumine, qui excæcaverunt semetipsos, vel ab aliis excæcati sunt, semper privati sunt jucunditate luminis. „

VIII. Sanctus Cyprianus invictissime propugnat eandem terribilem veritatem, quam sæpe repetit, eloquenter docet, vehementer inculcat pluribus in locis, sed præcipue in Epist. ad Demetrian., ubi primum sic fatur : „ intra unam domum Domini boni & mali interim continemur. Quidquid intra domum venerit, pari sorte perperitur, donec ævi temporalis sine completo ad æternæ vel mortis, vel immortalitatis hospitia dividamur. „ Et postea : „ credite illi, qui hæc omnia futura prædixit. Credite illi, qui credentibus præmium vitæ æternæ dabit. Credite illi, qui incredulis æterna supplicia Gehennæ ardoribus irrogabit... Crēmabit addictos, ardens semper Gehenna, & vivacibus flammis vorax pœna. nec erit unde habere tormenta vel requiem possint aliquando, vel finem. Servantur cum corporibus suis animæ infinitis cruciatibus ad dolorem &c. secundum Scripturæ Sanctæ fidem dicitis : *vermis eorum non morietur, & ignis eorum non extinguetur*.... „ Erunt tunc sine fructu penitentia, & inefficax deprecatio &c. „ Et Epist. 77. ad Nemesianum : „ culpa gravissima perfidorum est non credere ei, qui se opem suam daturum confidentibus pollicetur, nec rursus eundem timere, qui æternam pœnam negantibus comminatur. „ Paria loquitur Epist. 55. ad Cornel., & lib. de unit. Eccl., & aliis in locis : sed omnium insignis locus est, qui habetur in serm. de *Ascensu Domini* : „ Quanta, inquit, illud edictum (a Christo pronunciandum

„ in reprobos in finali judicio) sequentur lamenta ! Illius ultimæ tubæ clangor quam horribilis erit ! Continuus erit, & superflus illarum lacrymarum decursus, stridorem illum dentium flammæ inextinguibiles agitant. Immortales miseri vivent inter incendia, & inconsumptibiles flammæ nudum corpus allambent.... „ Et omni tormento atrocius desperatio condemnatos affliget &c. „

IX. Eadem perhibet Clerus Romanus in Epist. ad Cyprianum referens sensum illius Ecclesiæ, super quam doctrina Apostolorum (ut utat Tertulliani verbis lib. de proscrip. cap. 36.) cum eorum sanguine mirabiliter effusa est, & quam audire, cum eaque concordare debere omnes tradit Irenæus lib. 3. c. 3. Verba ejus sunt : „ Deus, ut est indulgens, ita est præceptorum suorum exactor, & quidem diligens : & sicut ad convivium vocat, sic habitum nuptiarum non habentem, ligatis manibus, & pedibus extra sanctorum cœtum foris jactat. Paravit Cælum, sed paravit & Tartarum. Paravit refrigeria : sed paravit etiam æterna supplicia. Paravit inaccessible lucem, sed paravit etiam perpetuæ noctis vastam æternamque caliginem &c. „ X. Julius Firmicus de error. prophan. Relig. cap. 19. „ singulorum, ait, pari gratia merita pensantur. Illi vita confertur propter hujus sæculi mala : tibi propter hujus sæculi bona perpetua tormentorum pœna decernitur. „ Similia docent Juvenecus lib. 4. *Histor. Evangel.*, & S. Hippolytus de consum. Mundi.

XI. Hisce Patribus, qui vel ante Origenem, vel circa ejus tempora floruerunt, attexere lubet testimonia fidelium, qui iisdem, vel proximis temporibus Catholicam fidem suo sanguine confirmavere, & quorum sensa, ut alibi etiam monuimus, nosse plurimum interest : quoniam Tyrannos alloquentes, non privatas opiniones, sed nudam & communem enunciabant Ecclesiæ fidem, quam cum hæc fuxerant, prout ab omnibus tenebatur. Ho-

Horum plurium verba recitata sunt, cum de igne inferni ageremus. Nonnulla alia nunc proferamus eruta ex authenticis eorum actibus apud Ruinarum.

XII. S. Julius Martyr Præfidi Maximo suadenti, ut Diis immolaret, infractio animo respondit: *non facio, quæ desideras, neque incurram peccatum, & pœnam perpetuam.* Et postea: *qui Deum confessus fueris, habebit vitam æternam: qui autem negaverit, habebit pœnam perpetuam.*

XIII. In Passione Sanctæ Felicitatis eorumque Filiorum, hoc refertur inter alia fuisse motivum, quo se invicem Martyres excitabant ad strenue perferenda Tyranni supplicia, memoriam nempe sempiterni cruciatus, qui jugiter ante eorum oculos obverfabatur. Sic enim cum Tyrannus Publius Felicitati dixisset: *miseram, si tibi suave est mori, vel filios tuos fac vivere:* reposuit illa: *vivent filii mei si non sacrificaverint idolis: si vero hoc tantum scelus admiserint, in æternum ibunt interitum.* Et Sylvanus filiorum quartus, nos si transitorium timerimus interitum, æternum incurremus supplicium... adorantes enim Dæmonia cum ipsis in interitu erunt, & incendio sempiterno. Alexander quoque ordine quintus: *Dii tui cum cultoribus suis erunt in interitu sempiterno.* Et septimus eorum nomine Martialis: *omnes, qui non consitentur Christum esse verum Deum, in ignem æternum mittentur.*

XIV. S. Maximus Proconsuli urgenti ut sacra Diis faceret, quo tormenta, quæ minabatur, effugeret, respondit: *hæc non sunt tormenta, quæ pro nomine Domini nostri Jesu Christi inferuntur: sed sunt unctiones.* Si enim recessero a Domini mei præceptis, quibus sum de Evangelio ejus eruditus, vera & perpetua inibi manebunt tormenta.

XV. In actis S. S. Martirum Claudii, & Asterii, prior dixisse fertur Lyfiæ Præfidi: *Dii vestri demones immundi sumus; ideo hujusmodi sacrificiis delebantur, perdentes animas in æternum.* Cumque Præfes eum ad Virgas aptari

præciperet: *etsi graviora tormenta adhibeas, in nullo me lædis: anima vero tuæ provides æterna tormenta: ac deinde cum ungulis laniaretur: tormentis me non poteris nocere; anima autem tuæ ignem extinguibilem providisti.* Extat etiam in eisdem actibus quid responderint Domina, & Theonilla Tyranno ignis supplicium minitanti: prima nempe: *ne in ignem æternum incidam, & tormenta perpetua, Deum colo, & Christum ejus.* Altera autem: *ego ignem æternum timeo: qui potest corpus, & animam perdere.*

XVI. Illustre est testimonium S. Victoris, qui sub annum Christi 300. martyrium subiit. Ad tribunal enim Præfectorum adductus grandi voce profitebatur *non tormenta, sed refrigeria recte dici, quæ cruciatus æternos extinguunt.* Ac subinde: *illo sane nihil insanius, nihil, omnium conscientia teste, vecordius, qui hoc tanto bono sine causa posthabito, manifestum vita sua hostem studiose ut Deum colat; unde & post vitam nihil aliud quam mortis æternæ mercedem, & inexplicabiles sine termino cruciatus acquirat.* Ac postea socios ad tolerantiam suppliciorum adhortans: *momentanea, dicebat, ferte supplicia, ut triumphaliter superare possitis æterna.*

XVII. Haud absimile est testimonium S. Patritii Episcopi, & Martyris sic Proconsulem alloquentis: *Deus geminas sedes apparavit, earumque alteram sempiterna illustrem luce faciens omnibus, usque exquisitissimis bonis cumulavit; alteram vero perpetuis tenebris, & nunquam finiente castigationis igne velut sempiterno supplicio implevit, ut qui vivendi licentia ejus iras commoverissent, in tenebras ad omne supplicium, & sempiternos cruciatus debarbarentur.* Gemina leguntur in Pass. Sancti Petri Balsami, in actis SS. Agapæ, Chionia, Irenis &c.; SS. Tarachi, & Probi: SS. Simeonis & Sociorum: SS. Luciani & Marciani. S. Philippi Episcopi Heracleensis: S. Afræ: S. Basilii Ancirani, aliorumque, quorum testimonio legi possunt apud laudatum Ruinarum, & Bollandistas.

XVIII. Sed Patrum aliquorum, qui sequiora Ecclesiæ sæcula condecorarunt, testimonia recensere pergo. Lactantius Firmianus lib. 2. cap. 12. ita secundam mortem, seu damnationem describit: „ mors est æterni doloris perpassio; „ vel: mors est animarum pro meritis „ ad æterna supplicia damnatio. „ Et lib. 7., Diabolum, ejusque ministros & impios omnes *perpetuo igne cremandos in æternum* asserit. Et cap. 5. ejusdem libri inquit: „ qui noluerit bene vivere „ ad tempus, male vivet in æternum. „ Damnabitur enim sententia Dei ad „ æternam poenam, quia cælestibus bonis terrena præposuit. „ Eadem scribit lib. 1. cap. 6., & lib. 6. cap. 4., & lib. de ira Dei cap. 21.

XIX. S. Hilarius cap. 5. in Matth. hæc habet: „ igitur requies nulla gentibus, neque mortis, ut volunt, commpendio quies dabitur, sed corporalis „ & ipsius æternitas destinabitur; ut ignis æterni sit in ipsis æterna materies, & in universis sempiternis exercitatus ultio sempiterna. „ Et cap. 27. nedum infidelium, sed & fidelium eorum, qui in peccatis decedunt, desperatam esse salutem peripicue declarat, cum de servo illo loquens, qui, absente Domino suo, insolenter in domo se gerit, ait: „ quod si contuens longam Dei patientiam, quæ in profectionem humanæ salutis extenditur, „ adversum conservos insolescet, & seculi malis, vitiisque se tradet, presentium tantum curam in cultu ventris exercens, desperata die Dominus adveniet, eumque a bonis, quæ spondederat, dividet, portionemque ejus cum hypocritis in poenæ perennitate constituet. „ Et mox iisdem peccatoribus, quos quinque fatuæ Virgines adumbrant, nullum post mortem superesse poenitentiae spatium affirmat. Idem monet in Psal. 50., & in Psal. 57. Hinc cum in Psal. 68. de Sodomitis & Gomorrhæis loquens dicit: *invenio his ad misericordiæ reconciliatio-*

nem id, quod percussisse sunt, profecisse, cum tolerabilius his in die judicii sit futurum, quam iis Civitatibus in quibus de Apostolorum pedibus pulvis excussus est &c. Cum, inquam, hæc asserit, ejus verba ita explicanda sunt, quod Hilarius existimaverit in ipsa percussione, sive incendio Sodomorum, multos repente dolorem de peccatis suis concepsisse, sicut & in generali diluvio probabile est, atque ita salutem adeptos; vel quod gravius præ Sodoma, & Gomorrhæa puniendæ sint Civitates illæ, de quibus loquitur Christus in Evangelio.

XX. Eusebius Cæsariensis lib. 11. de præpar. Evang. cap. 20. ait: *Pyriphlegontia vero ignem æternum esse quis dubitabit?* Lucifer quoque Calaritanus in lib. *morendum esse pro Dei Filio &c.*: „ te cum temporali, caduco, corruptibili regno tuo transitorium, & ad æternam poenam, nisi tibi dum est locus, provideris, perventurum &c. „ Et postea: „ vult nos Deus mortem morte dissolvere, tormentis temporariis æterna cruciamenta discutere, „ supplicia futura perpetua tuis suppliciis evacuare... tibi vero injustissimo persecutori venturum sine fine supplicium scire debes. „

XXI. Nemesius Philosophus Christianus lib. de nat. hom. cap. 1.: homini quidem, quandiu in hac vita degit concessum esse poenitentiae, & veniæ spatium animadvertit, post mortem autem nullum esse veniæ & indulgentiæ locum. *Soli, inquit, homini datum hoc est, & opini, & semper per id tempus, quo in mundo versatur, ut poenitentia peccata eluat: post mortem vero non datur.*

XXII. S. Ephrem Syrus in sermonibus exegeticis (a): „ debent omnes facti, & credere sæculi illius ignem „ hoc nostro longe esse atrociorum. „ Nam.... iste obvium nutrimentum „ usque eo depascitur, dum absumpsit; „ rit; siquid autem contrarium incidit,

rit, extinguitur, cessat, & evanescit.
 „ Contra ille ignis nunquam extinguen-
 „ dus non absumit, quos torquet, mi-
 „ seros; nec enim absumere iussus est,
 „ sed urere, ac torquere... ut expers
 „ lucis, sic etiam finis. Scriptum est
 „ enim ignem fore sempiternum...
 Hoc ipsum repetit de variis tormento-
 rum locis differens.

XXIII. S. Cyrillus Hierosol. Catech.
 18. n. 19.: „ resurgemus igitur, aeterna
 „ quidem omnes, non omnes vero si-
 „ militia habentes corpora. Verum si quis
 „ iustus est, caeleste corpus accipiet, ut
 „ possit cum Angelis digne una versari.
 „ Siquis autem peccator est, corpus acci-
 „ piet aeternum perpetiendae peccatorum
 „ poenae capax, ut in igne aeternum com-
 „ bustus nunquam absumatur... Quod
 & alibi vinculat.

XXIV. S. Basilii Magnus ferm. de
 fut. Jud. (a): „ plurimi homines ex
 „ illis verbis (ille quidem multis va-
 „ pulabit, ille vero paucis (finein sup-
 „ plicii eorum, qui puniendi sunt, fore
 „ distant; cum illa non temporis pro-
 „ ductionem, sive adimplerionem, sed
 „ tormentorum declarer differentiam.
 „ Nam & Dominus interdum affirmat,
 „ hos quidem ad supplicia abituros aet-
 „erna, iustos autem in vitam aeternam.
 „ Aliquando autem quosdam le-
 „gitur in ignem ablegare aeternum, qui
 „ Diabolo praeparatus est, & Angelis
 „ ejus.... Hæc & huiusmodi, cum sic
 „ posita frequenter in divinis reperian-
 „ tur litteris, unum omnino illud est ex
 „ insidiis, & artificijs Diaboli, quod
 „ cum multis homines, tales ac tantæ
 „ Domini sententiæ prætereant, ut ad
 „ peccandum audaciores fiant, finemque
 „ sibi ipsis suppliciorum statuunt.... Il-
 „ lud itaque (ille vapulabit multis, &
 „ ille paucis) non finem, sed differen-
 „tiam poenarum declarat... Et Epist.
 44.: „ quali corpore infinita illa, & in-
 „tolerabilia perferet tormenta, ubi i-
 „ gnis inextinctus, & vermis indefinen-
 „ter puniens, & imum inferi tenebri-

„ cosum, & horrendum, & ululatus a-
 „ mari, & ejulatus ingens, & ploratus
 „ & stridor dentium; & ubi mala finem
 „ non habent, ab his post mortem liberari
 „ non datur, neque est industria ulla,
 „ neque pars effugiendi amara suppli-
 „cia...
 „ XXV. S. Pacianus in *Parenet. ad*
Pænit.: „ post animarum tempestiva
 „ supplicia, rediivis quoque perpetua
 „ corporibus poena servatur... & mox:
 „ mementote, fratres, quia apud infe-
 „ ros exomologes non est: nec pœ-
 „ nitentia tunc tribui poterit, consumpto
 „ tempore pœnitendi...
 „ XXVI. Missos facio SS. Joannem
 Chrysostomum, Hieronymum, Augu-
 stinum, Fulgentium, Gregorium Ma-
 gnum, aliosque, quorum plura jam su-
 pra adduximus testimonia, & alia innu-
 mera adduci possent: & ad alios, paucos
 quidem, ne sim immensus, sacros scri-
 ptos progredior. S. Prosper sive Ju-
 lianus lib. 1. de *vita Contemp.* cap. 3.
 hæc profert: „ nec remunerati præmium
 „ finient, nec damnati supplicium.
 „ Quandoquidem propterea incorruptio,
 „ & immortalitas dabitur etiam corpori-
 „ bus miserorum, ut nec ipsi aeternam pœ-
 „ nam finiant, nec ipsos consumat im-
 „ mortalis poena, sed puniat... Et lib.
 3. cap. 12. de damnatis ait: „ quorum
 „ continuus gemitus, cruciatus aeternus,
 „ dolor summus, torquent animam, non
 „ extorquent; puniunt corpora damna-
 „ ta, non finiunt. Quos ideo ignis in-
 „ extingibilis sibi deputatos non ex-
 „ tinguit, ut permanendo sentiendi vi-
 „ ta, poena permaneat, & ad dolendum
 „ magis, quam ad vivendum aeternis
 „ corporibus compeditos, quos in flam-
 „ mis vivacibus immortalitas secundæ
 „ mortis occidet, &c...
 „ XXVII. S. Leo Magnus ferm. 4.
 de Collec. cap. 3.: „ Quis istam for-
 „ tem aeternorum cruciatuum non pa-
 „ vescat? Quis mala nunquam finienda
 „ non timeat? „
 „ XXVIII. S. Cyrillus Alexand. *orat.*
de

de Exit. Anim. late describens locum inferni corporeum, & tenebrosum subjungit: „qualis est Gehenna ignis extincti; uretis, neque lucentis!... Mihi amarulentum timeo Gehennam, quippe interminatam: exhorreo Tartarum, &c.“

XXIX. Theodoretus in Psal. 6.: „clausa est poenitendi janua iis, qui hinc demigrarunt, nec fieri potest ut illi, qui in presenti vita poenitentiae remedii uti noluerunt, illic afferant Deo confessionem pro peccato. Testis est autem his verbis etiam Virgini parabola. Etenim per illam dicimus fatuas Virgines restinctis lampadibus, mansisse extra januas, sed rejectae sunt, & thalamo exclusae sunt; ait enim ipsis: *discedite, non novi vos*. Quocirca B. David has affert Deo preces, rogans ut sanetur, perinde ac si medicamenta poenitentiae non haberent amplius locum in illa vita. *Non est in morte qui memor sit tui*: idcirco precor ut in presenti curatione fruatur; quoniam novi eos, qui ab hac vita discesserunt cum ulceribus, nullam deinceps medicinam consecuturos, cum nullus amplius sit poenitentiae locus“.

XXX. S. Petrus Chrysologus serm. 66.: „Ipse (Dives) clamans dixit &c. sic clamat ibi, qui hic clamantes contempsit audire: ibi cassa vox est, istic inanis est clamor. Audi Prophetam dicentem: in Inferno autem quis confitebitur tibi? In Inferno quis misericordiae locus? In tormentis quae spes veniae? Et in hora sententiae tempus indulgentiae quis requirit?“

XXXI. Venerab. Beda in cap. 9. Joannis: „Nox est, in qua ligate illi manus & pedes, & projicite eum in tenebras exteriores. Operetur ergo homo ne in illa nocte preveniatur, ubi nemo possit operari. Modo est, ut operetur fides per dilectionem. Et, si modo operemur, hic est dies, hic est Christus. Ibi erit nox, ubi nemo possit operari, sed recipere, quod operetur est. Aliud est tempus operationis, aliud receptionis.“

XXXII. Rabanus Maurus lib. 9. in

Ecclesiast. cap. 1.: „Vere ibi timor est mortis, ubi continuum incendium est Gehennae ignis... Isaia Propheta de reprobis & supplicio mancipatis longe ante praedixit *vermes eorum non moriuntur, & ignes eorum non extinguuntur*. Quid enim horribilius dici, quid excogitari potest, quam damnationis vulnera suscipere, & dolores vulnerum nunquam finire?“

XXXIII. Haymo in cap. 24. Isaiae ad illa verba, & *post multos dies visitabuntur*, scribit: „Origenes dicit, quia postquam (reprobi) acceperint a Domino illam sententiam terribilem, *ite maledicti &c.* post multos dies, idest post mille annos, finito judicio a Domino visitandi sunt. Quam sententiam nemo Sanctorum Patrum corroborat, sed OMNES DENEGANT, habentes illam sententiam Domini ante oculos: *ibunt impii in aeternum supplicium, iusti autem in vitam aeternam*. Quidquid aeternum est, sine termino est. Sicut ergo Dominus iustis posuit gaudium aeternum, ita impiis supplicium aeternum.“

XXXIV. S. Anselmus enarrat in Evang.: „Post mortem nulla potest inveniri medicina, quia in inferno nulla est redemptio. Quisquis enim semel aeternae damnationi traditus est, nunquam ulterius redemptionem consequi potest. Quisquis semel traditus irrevocabiliter fuerit crudelibus Angelis, quorum officium est reprobos torquere, nunquam ulterius valet debitum reddere. Quia non potest per poenitentiam, & bona opera, quod male gessit, emendare, & propterea semper cogitur poenas sustinere.“

XXXV. Plures alios proferre possem, sed omnium agmen claudat S. Bernardus, qui lib. 1. de anim. ad Ugonem sic loquitur: „Procul a beata Paradisi patria exulati cruciabuntur in Gehenna perpetua, nunquam lucem visuri, nunquam refrigerium adepturi: sed per millia millium annorum in inferno cruciandi, nec inde unquam liberandi, ubi neque qui torquetur, quando fatigatur, nec qui torquetur,

„ aliquando moritur &c. „ In quibus omnibus Auctoritatibus illud maxime animadverti debet, Sanctos Patres de pœnarum inferni æternitate loqui, non quali

de re, de qua ulla foret inter fideles disputatio, sed tamquam de re certa, omnibus explorata, & extra controversiæ aleam penitus constituta.

CAPUT XVII.

Nonnulli Ecclesiæ Patres vindicantur, quos cum Origene consentientes faciunt Grotius, Huetius & Petavius. Justino & Ireneo aliisque Secundi sæculi Patribus perperam affingitur opinio de temporario impiorum cruciatu, quem potius æternum credidisse productis ipsorum textibus manifestum fit. Gregorii Nysseni opera, ab Origenistis alicubi violata fuisse S. Germanus, & Photius testantur, quibus fides adhibenda est. Nec Gregorium Nazianzenum, nec Ambrosium, & Ambrosiastrium Origeniana hæc afflatos fuisse jure ullo affirmari potest.

I. CUM Ecclesia Catholica execrata semper sit errorum Origenis de reprobatorum Apocatastasi, & contans adeo fuerit in tradenda pœnarum inferni æternitate, incredibile plane est aliquos extitisse ex Sanctis Patribus, qui a communi Ecclesiæ sensu recedentes, Origenianam sententiam vel prædocuerint, vel jam in lucem editam lubenter susceperint. Hoc tamen asserere non sunt veriti, quos supra nominavimus, viri alias clarissimi Grotius, Huetius, & Petavius: quodque illis jure succenseas, futilibus ducti momentis, quæ neminem vere doctum ac sapientem movere queant, ut palam hoc capite me facturum confido.

II. Primus itaque inter Patres, quem Grotius, & Huetius paria Origeni docuisse putant, est celeberrimus Ecclesiæ Martyr, ac defensor S. Justinus, ex quo hoc testimonium opponunt ex Dialogo cum Triphone Judæo: „ Verum enim vero neque mori dico „ animas omnes. Revera enim malis „ oprandum id, & opportunum esset. „ Quid ergo? Piorum quidem in meliore loco manere: iniquas autem & „ malas in pejori, judicii tempus expectantes. „ Atque ita, quæ dignæ „ Deo apparuerint, non moriuntur „ amplius: illæ vero puniuntur, quantum diu eas & esse, & puniri Deus voluerit. „

III. Eandem, subdit Huetius, arripit doctrinam Ireneus lib. 2. cap. 64., ubi animas, non secus ac alia Dei opera, tandiu superesse & perseverare asserit, quoadusque ea Deus & esse & perseverare voluerit. Nec multo post: qui servaverint datum vite, & gratias egerit ei, qui præstitit, accipiet & in sæculum sæculi longitudinem dierum: qui autem abjecerit eam, & ingratus extiterit Factori..... ipse se privat in sæculum sæculi perseverantia.

IV. At mirum profecto est Grotium, & Huetium ob recensita testimonia, quæ, ut summum, sensum ambiguum referunt, duos præcipuos Ecclesiæ Patres, & clarissima secundi sæculi Christianæ Religionis lumina in suspicionem trahere erroris Origeniani, cum præsertim plurimis aliis in locis mentem suam adeo perspicue patefaciant, ut nullum dubitationi aditum relinquant. Justini textus nonnullos primum assero, in quibus æterna fore impiorum supplicia, & hanc esse Christianorum fidem, diserte profertur: In Apolog. ad Senatuum sub initium refert de quadam muliere, quæ virum suum ad bonam frugem traxit, doctrinam referens Christianam, & futurum illum æternum ignem, qui impudicis, atque voluptuariis paratus est, promissionemque itidem æternorum bonorum. Et num. 7. ait: quoniam Deus ab initio liberum Angelorum & hominum genus

genus creavit, merito eorum, quæ peccaverint, in æterno igne persolvent. Ac postea, hæc non dici ad terrorem tantum pronunciat, inquiens: *sed nequis dicat, id quod q̄b̄ iis, qui Philosophi sunt & habentur, ea quæ a nobis profertur, futilia, & terricula esse, malos nempe ignis æterni affectum iri supplicio &c.*, seu, ut alii legunt, *strepitus esse inanes ac terricula, quæ de improborum in igne æterno cruciatibus dicimus &c.* In eadem quoque Apolog. de Demonibus ita loquitur: *dignas pœnas & supplicia reportabunt sempiternis inclusi ignibus. Nam cum jam ab hominibus superentur per nomen Jesu Christi, documentum hoc est futurorum, qui tam ipsos, quam, eorum cultores manent in æterno igne, cruciatuum.*

V. Idem æque luculenter sæpe perhibet in altera *Apologia ad Marc. Aurelium Imperat.*. Nam in primis hoc assignat discrimen inter Platonis, Christianorumque sententiam; quod ille impiorum pœnæ (ut ipse putat) finem præscribat: isti vero nullum finem habituram doceant. *Plato*, inquit, *Rhadamantbum, & Minoem ibidem injustos ad se venientes plexurum esse docuit. Nos autem* (en quid Christiani doceant, Iustino teste) *idipsum etiam factum iri dicimus, sed a Christo corporibus eisdem cum animabus suis uniendis, atque æternis prorsus, & non eis tantum qui mille annorum decursu ambitu durent, ut ille ait, cruciatibus torquendis. Quid clarius? At nec minus clara sunt hæc alia verba: quo vero, qualique in sensu, ac supplicio futuri sint improbi, ex his, quæ similiter ad hoc ipsum dicta sunt, cognoscite: vermis vorum finem non habebis, nec desinet, naque eorum ignis extinguetur: tumque penitentia eos subibit, cum nihil proficiet. Demum ne omnia persequar, ita fidem Christianam de impiorum pœnis proponit. Docemus nullum apud Deum rectum esse posse &c.*, atque unumquemque ad sempiternam vel pœnam, vel salutem pro factorum suorum meritis contendere. Nam si mortales omnes hæc cognita haberent, baudquaquam profecto quisquam pravitatem ad breve tempus

amplecteretur, ad perennem se ignis condemnationem ire sciens.

VI. Quis, amabo, in prospectu habens tot splendida documenta, dubitare potest de S. Iustini mente? Quis non miretur posse quempiam adduci misera illa auctoritate, quam solum opponunt Huetius, & alii, ut Christianæ fidei strenuum Defensorem a communi Ecclesiæ sententia dissensisse suspicetur? Quonam ergo in sensu objecta verba accipi debent? Agit ibi nimirum Sanctissimus Martyr de animorum immortalitate: ac primum animas quidem immortales esse fatetur, sed negat immortales esse, sicut Deus, quasi increatae sint, independentes, immutabiles, ac indefectibiles. Cum enim ex nihilo conditæ sint, ut cæteræ quæque creaturæ, Deo manum conservatricem subtrahente, in nihilum statim relaberentur. Tum deinde subjicit, cruciari animas impiorum, quoad eas cruciari; & esse, vult Deus. Porro illas Deus vult semper subsistere, qui ipsas natura immortales condidit; vult semper cruciari, qui æterna impiorum supplicia constituit. Hoc tamen ibi noluit liquidius exprimere, quia de hoc non erat cum Triphone disputatio, sed dilucide id expressit locis supra expositis luce meridiana clarioribus.

VII. Atque hæc eadem responsio aptari debet verbis S. Irenæi. Nam loco laudato agit de immortalitate animæ, definitque animam indiescibilem non esse, cum ex nihilo condita sit, sed in nihilum redigi posse, si Deus ipsam conservare desinat. Cum enim principium hoc lib. 5. constituat S. Irenæus: *Deus libere, & ex sua potestate disposuit, & perfecit omnia, & est substantia omnium voluntas ejus, sequitur res omnes a Deo conditas tandiu subsistere, quandiu Deus & esse, & perseverare voluerit. At cum animas creando illas subsistere semper, ac permanere decreverit, consequens est ut perire non possint, cum Omnipotentem Dei voluntatem nihil frustrari valeat. Id ex verbis antecedentibus aperte constat. Sic enim ait.* „ Siqui autem hoc in loco dicant non

„posse animas eas, quæ paulo antea esse cœperint, in multum temporis perseverare, sed oportere eas aut immutabiles esse, ut sint immortales: vel si generationis initium acceperint, cum ipso corpore mori; discant, quoniam sine initio, & sine fine vere, & semper idem, & eodem modo se habens solus est Deus, qui est omnium Dominus. Quæ autem sunt ab illo omnia, quæcumque facta sunt, & fiunt, initium quidem suum accipiunt generationis, & per hoc inferiora sunt ab eo, qui ea fecit, quoniam non sunt ingenta: perseverant autem, & extenduntur in longitudinem sæculorum, secundum voluntatem factoris Dei, ita ut sic initio fierent: & postea, ut sint, eis donat: ut nempe sint in longitudine sæculorum, hoc habent a Deo conservante: alioquin in nihilum abirent.

VIII. Quod autem paulo post dicit Irenæus de homine ingrato Factori suo, quod ipse se privat in sæculum sæculi perseverantiam, non ita intelligendum est, ac si velit animam ob noxas recidere tandem in nihilum: sed quod se privat perseverantiam in eo statu felicitatis propter quam a Deo creata fuit: ut ex integro textu palam est. Ita siquidem antea scribit, „De salvando homine sic ait (Psalmita): *vitam petisti a te, & tribuisti ei longitudinem dierum in sæculum sæculi*: tanquam Patre omnium donante, & in sæculum sæculi perseverantiam (sive permanentiam, aut perennitatem) in his qui selvi fiunt. Non enim ex nobis, neque ex nostra natura vita est (scilicet beata): sed secundum gratiam Dei datur. Et ideo qui servaverit datum vitæ, & gratias egerit ei, qui præstitit, accipiet & in sæculum sæculi longitudinem dierum. Qui autem abiecerit eam, & ingratus extiterit Factori, ob hoc quod factus est, & non cognoverit eum, qui præstat; ipse se privat in sæculum sæculi perseverantiam. Et ideo Dominus dicebat ingratis existentibus in eura: *si in modico fideles non fuistis, quod magnum est quis dabit vobis?* si-

gnificans nobis, quoniam qui in morte dica temporalis vita, ingrati extiterunt ei, qui eam præstitit, iuste non percipient ab eo in sæculum sæculi longitudinem dierum: seu vitam illam æternam, de qua Dominus dixit: *ibunt iusti in vitam æternam*.

IX. Hoc, similive modo explicari omnino oportere S. Irenæum, liquet evidenter ex autoritatibus ejusdem, quas capite superiore posuimus; ibi enim expresse negat temporariam reproborum pœnam, sed *adampliatam, & æternam factam*: additque, quod quibus dicitur, *discedite a me maledicti in ignem æternum, isti erunt semper damnati*: sicut semper regnum percipient, quibus dictum erit, *venite benedicti &c.* In quorum confirmationem alia subnecto, quæ in iisdem libris habentur, Sancti Doctoris testimonia. Nam lib. 3. cap. 35. scribit: „hoc idem & Dominus in Evangelio his, qui a sinistris inveniuntur, ait: *abite maledicti in ignem æternum, quem preparavit Pater meus Diabolo, & Angelis ejus*: significans, quoniam non homini principaliter preparatus est æternus ignis, sed ei, qui seduxit, & offendere fecit hominem.... quem quidem iuste percipient etiam hi, qui similiter ut illi, sine penitentia, & sine regressu in malitiæ perseverant operibus. Id quod lib. 4. cap. 66. confirmat præter sententias evangelicas etiam autoritate Apostoli Pauli dicentis ad Thessalon.: *qui pœnas dabunt interitus æternas a facie Domini, & gloria virtutis ejus*, & lib. 4. cap. 77. ait: *super eos, qui penitentiam non agunt, sed fugiunt ejus lumen, ignem æternum, exteriores tenebras preparans (Deus), quæ quidem mala sunt his, qui incidunt in ea: sed bona ex iustitia Dei*: quod semel & iterum repetit cap. sequente 78. Demum lib. 5. cap. 27. asserit Christum in fine sæculi venturum, colligere zizania, & fasciculos alligare, & comburere igni inextinguibili: & agnos quidem vocare in preparatum regnum, beros autem in æternum ignem mittere, qui preparatus est, &c.

X. Nihil ajo de Theophilo, & Tatiano, quos quidem erroris Orige-

rigeniani suspectos dicit Grotius, sed verba eorum non assert; nosque jam supra plures eorumdem sententias pro Catholico dogmate adeo perspicuas recensuimus, ut dubium omne penitus amoliantur. Arnobium quod spectat, revera lib. 2. cont. Gentes sensisse videtur impiorum animas poenarum diuturnitate & favitia demum consumptum iri, atque hanc esse mortem æternam sæpe in sacris libris improbis intentatam censuit, quæ est non Origenistarum, sed Socinianorum sententia. Verum nullius hac in re ponderis esse potest autoritas Arnobii, qui opinionem hanc ex cœnosis Stoicorum lacunis hausit, non ex limpidiſſimo Catholicæ Ecclesiæ fonte, quem nondum attigerat. Compertum quippe est eruditum omnibus Arnobium adhuc Ethnicum, nec Christianæ Religionis mysteriis initiatum, suos exarasse contra Gentes libros, ut scilicet gratiam sibi demereret Episcoporum Africanæ, & Baptismi Sacramentum impetraret, quod illi denegabant, veriti ne si factus accederet, & Christianæ Religioni, quam eatenus oppugnaverat, illudere vellet (a). Quare mirum esse non debet, hominem adyta fidei nondum ingressum, in aliquos errores quandoque prolapsum fuisse. Sed ad gravioreſ alios Patres vindicandos progrediamur.

XI. Inter Patres, qui Origeni favisse creduntur, est S. Gregorius Nyſſenus, cujus duo præcipue loca obijciunt, alterum ex lib. *de Anim. & Resur.*, ubi ex verbis illis Apostoli ad Corinth. *erit Deus omnia in omnibus*, eruit, nequitiam & vitium aliquando in rerum natura prorsus defutura, ac *Dæmones post longos seculorum anfractus Dominationem Christi unanimiter agnituſ*: quæ plane de Origeniano fonte derivata sunt. Promittitur alterum ex Orat. Catech. cap. 26., ubi itidem docet, *post longos temporis circuitus auferendum & natura malum, hominem a malitia liberandum, ipsumque malitiæ inventorem*, scilicet Diabolum, *sanandum, ut omnibus in*

pristinum statum restitutus, una voce creatura omnis gratias agat. Prolixas Nyſſeni sententias siquis legere amat, adeat vel citata loca, vel Petavium lib. 3. de Angel. cap. 7.

XII. Ingenue fateor in memoratis Nyſſeni locis Origenis errorem reipsa contineri; neque enim hujusmodi sunt, quæ commodam interpretationem sultineant. Hunc tamen errorem docuisse Nyſſenum, fidenter abnuo, affirmoque ejus opera violata fuisse ab Origenistis, qui ea suis erroribus insperperunt, quo tanti viri autoritate se tegerent. Id longe antea jam animadvertit S. Germanus Patriarcha Constantinopolitanus in libro, qui inscribitur, *Retribuens, & legitimus*, idest, *de vera, & legitima retributione, quæ reſponditur hominibus prout vixerint*. Eo in opere, ut reſert Photius in *Bibliot. Cod.* 233. S. Germanus contendit, *Gregorium Nyſſæ Episcopum, ejusque scripta ab Origenis errore esse immunia*. Etenim subdit Photius, quibus delirium illud placet, Dæmonibus, & hominibus, in æternam poenam conſectis liberationem inde expectandam; illi (quod virum doctrina singularem, & eloquentia insignem eum agnoscerent, claræque sanctitatis exiſtimationem per omnium ora decantatam viderent) aggressi sunt claris, & salutaribus ejus scriptis obscura, ac pernicioſa Origeniani somnii venena admiscere, virtutisque homini, & doctrinæ hæreticam occulte amentiam subſpicere. Quare partim additamentis falsis, partim rectis argumentis violenter detortis, multa ex irreprehensibilibus ejus monumentis calumniari conati sunt. Contra quos Germanus pietatis Patronus acutum veritatis gladium stringens, & vulnere prostratos hostes relinquens, victorem, superioremque eum constituit, in quem hæretica colluviis infidias struxerat, & posuerat.

XIII. Et infra Photius idem de eodem S. Germani opere scribit: „has „ porro

„ porro sacras sententias adducens de
 „ Origenistis in propriis sententiis con-
 „ victis, quibus illi male utebantur,
 „ triumphum egit; reprehendens tum
 „ quod legitima quidem audacibus, &
 „ impudentibus additamentis illegitima
 „ redderent: tum vero quod additamen-
 „ ta continuantes magna arrogantia, &
 „ stupiditate ad hæreticam suam opi-
 „ nionem ea audacter detorquerent. Et
 „ ut breviter dicam, omnia Sancti hu-
 „ jus Patris scripta ab omni hæretica pra-
 „ vitate, & calumnia, quæ in impieta-
 „ tem vergit, immunia esse declarat.
 „ Hæc porro immunitas & improbita-
 „ tis refutatio, & ex antecedentibus loci
 „ depravati, & ex consequentibus confi-
 „ citur, & demonstratur, & ex aliis
 „ sexcentis Beati Gregorii Nysseni libris,
 „ qui orthodoxe, & legitime sentiunt,
 „ recte excutiens, ut nemo melius, in
 „ salutare preces, ac laudes Dei laborem
 „ finiit. Libri autem, quos insidiis exci-
 „ piper hæretici moliti sunt, & quos
 „ Germanus veritatis propugnator pri-
 „ marius ab latronum insultu sine noxa
 „ servavit, sunt *Dialogus ad Macrinam*
 „ *sororem de anima*, & *liber catecheticus*,
 „ & ille, qui de *perfecta vita* rationem
 „ continet. „ Hæc Photius. Interpolatum
 „ etiam ab hæreticis, & Origenicis
 „ dogmatibus inferperum librum de *Anima*,
 „ quem Sanctus Gregorius Macrinæ so-
 „ rori dicavit, testatur Nicephorus lib. 11.
 „ *Histor. Eccles. cap. 19.*

XIV. Hæc tamen responsio non ar-
 ridet Petavio, qui eam maxime elevare
 nititur argumento ducto ex stylo, & di-
 cendi charactere, qui idem prorsus ap-
 pareret in toto illo opere. Verum nos cre-
 dimus apud viros æquos, & cordatos magis
 prævalere debere iudicium S. Ger-
 mani, Photii, & Nicephori, hominum
 Gregoriorum, & qui proximis Gregorii
 Nysseni temporibus vixerunt, quam Pe-
 tavii, & aliquorum recentium, qui so-
 lam styli æqualitatem in probationem

asserunt, ut errorem in locis citatis con-
 tentum Sancto Doctore affingant: quasi
 vero hæretici non potuerint adamussim
 imitari styllum, & dicendi characterem
 Catholicæ Scriptoris, aut de stylo, &
 dicendi charactere sanius Latini, quam
 Græci, iique peritissimi dijudicare potue-
 rint (a).

XV. At quod scrupulum omnem e-
 ximere facile potest de mente S. Gre-
 gorii Nysseni, illud est, quod aliis in
 locis non corruptis ab hæreticis, clara su-
 perint Catholicæ veritatis vestigia. Nam
 in *Oratione in eos, qui differunt baptis-*
ma, hoc pacto loquitur. „ In electione
 „ malorum magis est eligendum ut sa-
 „ lutare lavacrum affectus rursus sit in
 „ peccato, quam ut gratiæ expers vi-
 „ tam finiat. Nam peccatum quidem
 „ veniam fortasse consequitur, aut cle-
 „ mentiam, cuius magna est spes apud
 „ bonos. Alteri autem (sive qui mo-
 „ ritur sine Baptismo) est omnino ve-
 „ dita salus ex certa, ac definita senten-
 „ tia. Nam cum audiero vocem, quæ
 „ non mentitur, dicentem, *amen amen*
 „ *dico vobis: nisi quis natus fuerit desu-*
 „ *per, non potest videre regnum Dei*; nihil
 „ boni possum expectare iis, qui My-
 „ steriis non sunt initiati. „ Quorum ver-
 „ borum sensus ille plane non est, quem ipsis
 „ tribuit Petavii, quod Nyssenus iis, qui
 „ in peccato decedunt post Baptisma, non
 „ abneget salutem, quam sine Baptismo
 „ morientibus prorsus eripit. Sed quod ii,
 „ qui jam Baptismum receperunt, si in al-
 „ liquod peccatum incurrunt, veniam &
 „ Dei clementiam, atque adeo salutem spe-
 „ rare possint mediante pœnitentia in hac
 „ vita peracta: non autem qui sine Ba-
 „ ptismo moriuntur, cum nemo sine lava-
 „ cro Baptismi ex Christi Domini senten-
 „ tia possit introire in regnum Dei.

XVI. Id magis declarat Nyssenus ver-
 bis infra positus loquens de anima illius,
 qui absque Baptismate decedit: „ cum
 „ non sit obliquata, quam est verisimile
 „ per

(a.) Qui plura hac de re desiderat, legat Tom. 8. *Histor. Gener. Authorum Sacrorum & Ecclesiasticorum* D. Remigii Cellieri, ubi pluribus nonnuntis probat ea, quæ dogma Origenianum resolvent, adjecta fuisse scriptis S. huius Patris a quibusdam Nebulonibus, ut auctori-
 tatem falsæ doctrinæ ejus nomine conciliarent.

„ per aerem ferri errantem, & minime
 „ quæsitam, ut quæ Domino careat....
 „ frustra deflentem, & inutiliter pœ-
 „ nitentem, non secus atque Divitem,
 „ qui induebatur .purpura & bysso,
 „ quemque lautus, & delicatus omnis
 „ generis cibus alebat, materiam ignis,
 „ qui non potest extingui „. Quibus
 „ verbis salutis aditum penitus claudit
 „ morientibus sine Baptismate, & pœni-
 „ tentiam omnem inutilem futuram testa-
 „ tur, ac demum ignem illum, qui nuf-
 „ quam extinguitur, nec extingui potest,
 „ diserte proficitur.

XVII. Clarius fortasse tribus aliis in
 locis mentem suam manifestat: I. in
Psal. 6. de octava, ubi ait: „ quister-
 „ ribilis iudicii Christi recordatus, non
 „ statim in conscientia quasi convelli-
 „ tur.... Idcirco quasi in oculis habens
 „ terribilia supplicia, Gehennam illam,
 „ & tenebrosam ignem, & conscientie
 „ vermem nunquam exorientem, vel
 „ potius nunquam morientem, qui ani-
 „ mas semper pudore fugillat, ac recor-
 „ datione male actæ vitæ cruciatus peno-
 „ vat, ac redintegrat &c.. „ II. In *Orat.*
ad eos, qui durius, & acerbius alios ju-
dicant, dicit: „ absurdum est... eos,
 „ qui animæ curam gerunt, incertum
 „ mortis diem non antevertere, & ar-
 „ dorem excruciantis illius ignis, qui
 „ ÆTERNUM comburit, & nullum
 „ unquam refrigerium admittit &c.. „
 „ III. Tandem in ipsa *Orat. magna ca-*
techetica cap. 40. ita scribit: „ Cum
 „ ignem audis, didicisti aliquem ab illo di-
 „ versum intelligere, ex eo quod illi i-
 „ gni (inferni nempe) aliquid sit addi-
 „ tum, quod non est in hoc. Nam ille
 „ quidem non extinguitur. Hunc autem
 „ multa inventa sunt, quæ extinguant.
 „ Magna est autem differentia inter
 „ eum, qui extinguitur, & eum, qui
 „ nullam admittit extinctionem „.

XVIII. Ut Sanctum Gregorium Na-
 zianzenum Origeniana labe aspersum o-
 stendat, tria loca ejusdem profert Peta-
 vius, 1. ex *Orat. 30. in Sancta lumina*,
 ubi Novatianus incessans comminatur
 eis, nisi resipiscant, ac nisi Christi viam
 incedant, supplicia post mortem pur-

gatoria, non perpetua. „ Atque hi
 „ quidem, ait, nostra, si velint, atque
 „ adeo Christi via: sin minus sua infi-
 „ stant. Forte illi baptizabuntur ulti-
 „ mo Baptismo, qui laboriosior est, &
 „ longior, quique materiam, ceu fœ-
 „ num depaicitur, & omnis malitiæ le-
 „ vitatem consumit... Et *Orat. 40.* duo
 „ ignium genera perceret, alterum Pur-
 „ gatorium, quod *materie ac male affe-*
ctionis absuniende vim habet: alterum
 „ minime Purgatorium, sed pœnale, quo
 „ utrum homines perpetuo torquendi sint,
 „ sub dubio relinquit. „ Novi, inquit,
 „ & ignem non Purgatorium, sed pœ-
 „ nalem: five Sodomiticum, quem ia
 „ omnes peccatores pluit, sulphure, &
 „ procella mixtum: five eum, qui pa-
 „ ratus est Diabolo, & Angelis ejus:
 „ five eum, qui ante faciem Domini
 „ procedit, & inflammabit in circuitu
 „ inimicos ejus. Atque his formidabi-
 „ lior est adhuc ille, qui cum infomni
 „ illo verme conjunctus est, nec unquam
 „ extinguitur: verum in sceleratorum
 „ hominum pœnas sempiternas est. Hi
 „ enim omnes eam vim habent, ut per-
 „ dant: nisi malit quispian hoc huma-
 „ nius, & ut puniente dignum est, in-
 „ telligere „. Manifestum est, subdit
 „ Petavius, hoc in loco Nazianzenum de
 „ damnatorum hominum pœnis dubitasse,
 „ utrum sempiternæ futuræ sint, an Dei
 „ bonitate potius estimandæ, ut scilicet
 „ aliquando terminentur.

XIX. Hisce textibus quosdam versi-
 culos addit desumptos ex primo *Car-*
mine heroico de vita sua, ubi inquit,
 „ dubitat, an aliquando Dei omnes parti-
 „ cipes sint futuri:

Qui & (homines) nihil existen-
tes composuit, & postea
Dissolutos componet, & ad vitam
aliam trahet,
Aut ignis, aut Dei illuminantis
participes futuros.
Utrum autem Dei & omnes posthac
(participes
Erunt) aliis sit Sermo.

XX. Petavium nimium proclivem
 fuisse in appingendo Origenis errore
 Sancto Gregorio Nazianzeno, ex sola
 loco-

locorum horum propositione, quisquis, ut arbitror, statim intelligit. Neque enim ea clara sunt, ut ille pronunciat, sed valde obscura, & implexa, ut ex eis planum sensum difficulter elicias: adeoque non ex his, sed ex aliis potius locis, quenam infederit Nazianzeno mens, colligere debemus. Porro si consulimus alia S. Patris opera, compertissimum fit ipsum poenarum Gebiennæ eternitatem docuisse. Inter alia præclarum est, & quod dubitationem omnem submovere possit, testimonium, quod legitur *Orat.* 15. his verbis: „mitto dicere futuræ vitæ tribunalia, quibus hujusce vitæ indulgentia, & impunitas eos (improbos) tradit: ita ut fatius sit nunc castigari, ac purgari, quam ad cruciatum illum transmitti, cum jam poenæ tempus erit, non purgationis. Quemadmodum enim, qui Dei meritor hic est, morte superior est, idque a Davide optime dictum est: ita his, qui e vita exceßerint, non est in Inferno confessio, nec morum correctio. *Hic enim Deus vitam & ætionem: illic verum gestarum censuram* (sive punitionem) *conclafit.* „ Ad ditque iterum post iudicium neque penitentiae locum esse, neque oleum impetrare fatuas Virgines: ac demum de damnatis ita concludit: „Hos autem simul cum aliis, vel potius ante alia, istud excruciat, quod a Deo projecti sint, atque inultam in conscientia sempiternæ ignominiae notam gerant. „

XXI. Emicat in his verbis mens Sancti Patris Nazianzeni non dubitanter, sed conceptissime exposita. Purgationem delictorum & scelerum in hac vita duntaxat agnoscit, non ita in futura, ubi peccata non purgantur, sed puniuntur, cum tempus illud poenæ sit, non purgationis: nec illic potest unquam locus esse veniæ, quia in Inferno nullus locus est penitentiae, neque morum correctionis. Ex lege namque a Deo constituta præsens hæc vita actioni assignata fuit, futura vero retributioni. Hinc quod præsertim in poenarum loco damnatos excruciat, inquit S. Pater, erit amara illa recordatio, quod a Deo omnino

projecti sunt, & iniusta illa sempiternæ ignominiae nota, quam semper in conscientia gerent, sine ulla eam eradendi spe. Hoc etiam insinuat Nazianzenus in Jambico Carmine 19., ubi loquens de Damnatorum verme, *sempiterno* cum morfu rodere affirmat: *Συνάδῃ ἰαδῇ ἰοδῇ δῖδῃ.*

XXII. Hinc ad textus obiectos respondet Natalis Alexander secul. III. Dissert. 27. „Sanctum Gregorium in „priori loco improprie, & obscure locutum esse, & per Baptismum ignis „postremum: & diuturniorem intellexisse ignis sempiterni supplicia, qui „terrenam & crassam materiam tanquam foenum comedit, hoc est crassius, & obscenius corporis voluptatibus fervientes exurit, atque homines peccato leves & aridos ita excruciat, ut tamen non absumat, ut explicat Nicetas in suis ad illam Orationem commentariis. „Hæc ille. Et certe ex eo quod Gregorius citato loco utatur termino *μακροῖς*, diuturniore potius quam *αἰῶνι* æterno, non video cur inferri debeat S. Doctorem æternum esse ignem illum nequaquam agnovisse, cum hoc sepe termino *longius*, aut *diuturnius* & nos utamur, dum loquimur de inferni supplicio, quod procul dubio æternum credimus. Alia etiam huic textui fortasse commodior responsio adhiberi potest, in ea scilicet S. Gregorium fuisse sententia errorum Novatianorum ejusmodi non esse, ut propter illum omnino certo salute æterna privandi forent. Nam ita quod de Novatianis sensisse videtur S. Basiliius Epist. 1. ad Amphiloichium, dum eos dissidentes ab Ecclesia facit propter medicabiles questiones.

XXIII. Ad alterum sic respondet Natalis idem: „In oratione 4. poenarum „tartarearum æternitatem discrete astruit „his verbis: *omnibus his formidabilior ignis, quicquid in omni illo verme conjunctus est, nec unquam exstinguitur, verum in sceleratorum hominum poenam perennis, ac sempiternus est.* Quod autem addit: *nisi quispiam ignem mitius, atque ut Deo vindice dignum est, intelligendum putet:* non refertur ad æter-

nitatem supplicii, quasi arbitrium sit asserere poenas damnatorum finendas esse, nec adeo acerbas esse, ut in perpetuum durent: sed ad poenae magnitudinem, & intensionem referendum est, quam si quis nostrorum atrocitati scelus non adaequari contemnat, sed mitiorem intelligi velit, quam criminum immanis magnitudo mereatur, quia Deus vindictam poenam misericordia, & lenitate temperare solet; Sanctum Gregorium Nazianzenum repugnantem non habebit.

XXIV. Alio modo hujusmodi Nazianzeni textus explicari posse mihi videtur. Duplex ignis genus ibi distinguit S. Pater, nempe purgatorium, & poenalem; seu & quem Deus ad hominum noxas purgandas immittit, & quem non ad purganda, sed ad punienda scelera destinat: novi, inquit, & ignem non purgatorium, sed poenalem. Hujusce ignis quatuor veluti species affert: Primum nempe illum, quem Deus pluit in peccatores Sodomae & Gomorrhæ, qui ad punitionem eorum ordinatus est: Alterum qui paratus est Diabolo, & Angelis ejus: Tertium, qui juxta prophetica verba præcedet ultimum ejus adventum, & inflammabit inimicos ejus: Quartum denique his formidabiliorem, qui nunquam extinguitur, sed in sceleratorum hominum tormentum perennat. Ac postea de his omnibus dicit: *bi omnes vim seu virtutem habent, ut perdant, nisi malit quispiam hoc humanius, & ut puniente dignum est, intelligere.* Nihil porro vetat quin illud hoc non quidem ad omnes illas species referri dicamus, sed divisam, ad aliquas nempe earum, ut sit sensus: *bi omnes ignes non sunt a Deo inflicti propter purgationem, sed propter punitionem: nisi malit quispiam dicere non omnes ad puniendum duntaxat fuisse ordinatos, sed aliquos etiam ad purgandum: cum non improbabile sit aliquos ex Sodomitis ad conspectum & sensum horridi ignis cælitus immisi penitentiam egisse: & quosdam etiam ex illo igne qui præcedet adventum Domini, convertendos esse.*

XXV. Denum ex eo, quod dicat ultimo versiculo citati Carminis, *Utrum Dei omnes participes futuri sint, alius sit sermo*, colligi jure nequit ipsum dubitasse de damnatorum æterna poena, sed solummodo ut summum noluisse tunc hanc quaestionem attingere, aut discutere, quæ alias a nonnullis tunc temporis agitabatur ob Originistas non paucos, qui Ecclesiæ fidem conabantur evertere.

XXVI. Postremo ex insigni Ecclesiæ Doctore S. Ambrosio opponunt laudati Scriptores textum, qui habetur *Ottog. 20. Com. 2. Psal. 118.*, ubi Diaboli quidem æterna fore supplicia affirmat, non autem hominum. „ Diabolus enim, inquit, & ministri ejus cum hominibus non flagellabuntur. Separata est poena, ubi distat & culpa.... Difertur Diaboli judicium, ut sit semper in penis reus; semper improbitatis suæ innexus catenæ conscientiae suæ, ut in perpetuum subeat ipse judicium. Ideo Dives ille in Evangelio, licet peccator, penalibus urgetur ærumnis, ut citius possit evadere. Diabolus autem nequaquam puniri ad judicium demonstratur, nequaquam adhuc penis esse subiectus, nisi quas ipse tantorum conscius criminum, solvit timore perpetuo, ne aliquando securus sit „

XXVII. Quanquam hæc S. Ambrosii autoritas aliquam prima fronte præferre videatur difficultatem, quoad hominum saltem salutem attinet; ea tamen confessim evanescit, cum integer attente legitur Sancti Doctoris textus. Exponit ibi eum Psalmi versiculum, *judica judicium meum, & libera me*, ac primo asserit loqui isthic iustum, & innocentem hominem, qui habet causam non timendi, quia apud misericordens Judicem sibi causa est, apud Redemptorem suum vult cito, & sperat ad solvi. Ad solutio enim matura Sanctorum est. Unde & Dominus ait per Ezechielem ad Angelos &c. a Sanctis meis incipite. Non vult Dominus commune Sanctis cum Diaboli sociis consortium esse judicii. Statimque subdit objecta verba. *Diabolus enim & ministri ejus cum hominibus non fla-*

gellabuntur. *Separata est pœna, ubi distat & culpa. Ideoque alio in loco scriptura ait: tempus est incipere iudicium a Domo Dei. Quos miseretur enim cito castigat, ut non diutius afficiantur futuri expectatione iudicii.* Luce ipsa clarius est comparationem hic institui ab Ambrosio inter Diabolum & homines iustos, qui in hac misera vita levioribus noxis inquinati sunt, quosque hic divina pietas castigat, ne diuturnioribus suppliciis afficiat. Unde mirum non est, quod asserimet, diversam esse horum a Diabolo sortem, & punitionem.

XXVIII. Equidem Ambrosius postea adnectit: *ideo Divitem illum in Evangelio, licet peccatorem, pœnalis urgeri ærumnis, ut citius possit evadere.* Sed perperam creditur loqui S. Doctorem de Divite Epulone, quem S. Lucas cruciatum refert in Inferno cap. 16.: cum potius dicendum sit loqui vel de Divite bonorum temporalium cupido, de quo sermo est apud eundem Lucam cap. 12., ut ibidem adnotatur in margine, vel de aliquo alio, quem non putaret ad Gehennam damnatum; neque enim illum circumfcribit, ut aliquo veri colore discernere possimus. Id constat in primis, quia S. Pater Divitem Epulonem ad æternum supplicium damnatum fuisse diserte in expositione ejusdem Psalmi 118. (a) & alibi (b) profitetur. Ac præterea id asserere omnino compellunt verba subsequencia. Postquam enim locutus fuit de futuro iudicio Diaboli, & sociorum ejus, subjicit: *Immo ut verius dicam, Sanctus ad iudicium venit; impius non venit; quoniam non resurgunt impii in iudicium...* Qui autem non credit, non judicatur, sed impietatis suæ iudicio ipse punitur. *Apud Imperatores &c., ita & Christus suos ca-*

stigmat, quos diligit, alienos tamquam generali damnatione impietatis adstrictos pœna damnat ÆTERNA. Cæcus sit, oportet, qui non videat Ambrosium tum superioribus verbis non loqui de hominibus jam ad Inferna damnatis, tum in his evidenter adstruere impiorum omnium punitionem æternam, sive nunquam desitutam.

XXIX. Hæc tamen si satis superque sint ad Ambrosii mentem dignoscendam, ad cumulum tamen adjicio alia S. Patris loca, in quibus catholicam testatur veritatem. 1. in fine ejusdem Octonar. 2. hæc habet: *scientes igitur in ÆTERNUM mansura judicia omnia justitiæ Dei, caveamus ne opera nostra displiceant, & in ÆTERNUM incipiamus subire iudicium.* Ulterius lib. de bono mortis cap. 2. admonet: *qui hic non acceperit remissionem peccatorum, illic non erit. Non eris autem qui ad vitam æternam non potueris pervenire; quia vita æterna, remissio peccatorum est.* Lib. quoque 2. de fide cap. 4. alloquens Manichæum sic ait: *tu te a Diabolo creatum, Manichæe, arbitraris. Ad illius ergo festina sedem, ubi non resinguitur ejus incendium, nec unquam pœna moritur.* Deum, ne loca omnia recenseam, traſi. in Symb. Apost. cap. 23., resurgent, inquit, corpora nostra aut ad gloriam, aut ad pœnam in æternum mansura. Et cap. 25.: *in illo die cum ætas fuerit una cunctorum, sanctus & peccator erunt simili resurrectione perfecti, nec inter se variabunt tempore, nec ætate, sed alius ad præmia æterna, & in centuplum bona recipienda; alius ad perpetua supplicia pertrahetur.*

XXX. Ne omnino prætermittamus Ambrosialtrum, sive Auctorem Comment. in Epist. S. Pauli, quam pariter

Pe-

(a) Octogen. 10. de Epulone agens scribit: *quia habuit consolationem in Seculo, ÆTERNAM amittit.*

(b) Enarrat. in Psalm. 37. de eodem ait, quod *apud inferos remedium salutis inveniri non potuit.* Et in cap. 16. Luce: *non otiose hic Divitem Dominus persuetum delictis secularibus in PERPETUUM famis apud inferos constitutum significavit æternam.* Et postea: *inter hunc igitur Divitem, & Pauperem cibus magnum est; quia post mortem nequeunt æritia mutari.*

Petavius opponit: quia in Epist. ad Ephes. cap. 3. affirmat, *Dæmones, qui Diaboli Tyrannidi assensu fuerant, Apostolorum prædicatione ab errore fuisse liberatos &c.*: Dico ex verbis hujus Authoris nihil aliud extendi posse, nisi ipsum in ea sententia fuisse, quod mali Angeli errorem, quo Luciferi consenserant, prædicatione Apostolorum depo-

fuerint, siquidem putavi illos ex errore, aut ignorantia peccasse. Quod autem etiam deposuerint, aut deposituri aliquando sint pravam affectum, nec ibi asserit, nec ex ejus verbis colligi potest. Quin immo æternas esse impiorum penas, nullumque esse post hanc vitam salutari penitentia locum disertissime statuit in cap. 2. Epist. ad Rom,

G A P U T XVIII.

Præter Christianas nationes alie dogma de æterno impiorum cruciatu crediderunt, & credunt: *Judei in primis ac Mabummedani. Ejus notitia, & fide non caruerunt tum Græci & Romani, tum veteres Chaldaei, aliique septentrionales populi. Eadem constanter perseverat inter plures gentes Asia & America. Unde hujusmodi traditio primum profecta sit, inquiritur.*

I. **S**ententia, quam propugnamus, de æterna impiorum miseria non inter Christianæ Religionis fines concluditur, sed extra ipsam ubique ferme terrarum pervagata est, & exoticas nationes plures adeo luce sua illustravit, ut asserere liceat cum S. Joanne Chrysostomo Homil. de pers. Charit. quod *nedum Hebræi, verum etiam Gentiles, Poetæ, Philosophi, & Scriptores improbos in æternum cruciari prædicaverint.* De hac, fin omnium, plurimarum saltem gentium in tanti momenti veritate confessione, delibare aliqua haud prorsus inutile censui, ad obstruenda (si fieri quidem potest) quorundam Atheorum ora, qui hoc etiam inter alios titulo Religionem Christianam criminantur, atque impie traducunt, quod æterna futura doceat improborum supplicia (a): quorum doctrinam omnium aures horrere, omnium sensum repudiare dicuntur.

II. Ut igitur a Judæis incipiamus, Judæos veteres tenuisse futurarum poenarum æternitatem ambigi nulla ratione potest: idque constat ex testimoniis Judith, Danielis, aliorumque, quæ alibi dedimus. De Judæis, qui circa Christi & Apostolorum tempora vixerunt,

æque certa res est, traditurque disertissime a Josepho lib. 2. de bello Jud., & lib. 8. Antiq. cap. 2., in quibus locis refert præcipuas duas Hebræorum sectas Phariseorum, & Essenorum assig-nasse malis loca procellosa & tristia gemitibus, & æternis cruciatibus damnata, vel perpetuam in varias partes iactationem, aut vincula, & supplicia æterna. Drusius quoque ex libro antiquissimo Zoar R. Simeonis filii Joachi. duas memorat (b) juxta hunc Authorem apud inferos regiones, quarum alteram Scoll appellat, alteram Abaddon, atque in illam, qui descendunt, puniri, donec persoluta poena noxis suis debita, inde in meliorem habitationem subducantur; in hac vero qui veniunt, nullo unquam tempore aut ævo liberari, aut educi. Nec dubitare licet idem sensisse Thalmudistas, qui Phariseis successerunt. In tractatu Rosana cap. 1. hæc leguntur: *attamen hæresi obtenti &c. in Gebennam delabuntur, & damnantur in ea in sæcula sæculorum.* Eadem habentur in tract. Sanedrin cap. 11., quibus subscribens R. Moyses de Egypto in tract. Falmud Tora cap. 3. sect. 6. ait: *Hi sunt, quibus non est pars in mundo futuro, quin immo exciduntur, con-teruntur, & cruciantur propter coram ma-*

N 2 2 gnitu-

(a) Hos inter primas fortasse tenet Petrus Bellius, ut apparet ex lib. response aux questions &c. Refert etiam D. Nicola in resp. ad M. Jurieu Authorem libri cui titulus, Protestans Pacificus scripsisse neminem credidisse aut credere poenarum æternitatem.

(b) ad caput 9. Apocalyp. in Critici Sacris.

gnitudinem scelorum, & facinorum in æternum. Aliorum plurimum testimonia laudat Eruditissimus Bartoloccius Tom. 2. *Bibliorb. Rabin. in Dissert. de Inferno*, ac tandem ita concludit: „ licet ex Thal- „ mudicis doctrinis nullum stabile, ac „ fixum dogma Judaicum circa ea loca, „ pœnas & reos in ipsis puniendos, ha- „ beri possit, cum nimis inconstantes, „ varii, ac lubrici sint in propositioni- „ bus, & diâis suis; attamen in sub- „ stantia hoc colligitur, per eos Infer- „ num dari damnatorum: ibi ignem „ inextinguibilem, gelu, & alia tormen- „ ta reperiri: in eo animas tantum, „ & post iudicium universale simul cum „ corporibus impiorum usque in per- „ petuas æternitates absque ulla spe sa- „ lutis cruciandos fore: per eosdem dari „ etiam purgatorium &c. „

III. Quamquam vero non æque illi- „ mis fluxerit sequioribus sæculis traditio „ de pœnarum æternitate, eam tamen in- „ ter eos semper obtinuisse exploratum est. „ Habemus R. Eliezer ex sententia gen- „ tis suæ ita loquentem in *Pirchè: qui de- „ scendit in arca* (quo nomine Gehennæ „ profundum designat) *amplius non ascen- „ dit, & cruciatur in æternum*. Idem doc- „ ent R. Joseph Albo in libro inscripto „ *Icharim tract. 4. cap. 36.*, & R. Ma- „ nasse Ben Israel *tract. 1. cap. 4.* Leo de „ Mutina lib. alibi cit. sic explicat Judæo- „ rum opinionem, omnes nempe Israelitas „ partem habere ad sæculum futurum, i- „ deſt ad beatitudinem: siue statim a morte, „ siue post expiata in Purgatorio delicta, soli „ e gente sua vari quidem numero, atque sce- „ lissimi ita reſciuntur a calo, ut nulla ma- „ neant miseros spes reliqua. Alii vero fre- „ quentius ad huiusmodi pœnam æternam „ damnantur.

IV. Atque hæc ferme est sententia „ recentium Judæorum, qui licet in fa- „ ctiones plures distracti sint, & commu- „ niter fabulentur Judæorum neminem, „ qui a Mosaica fide non defecerit, æ- „ ternum subire supplicium; conveniunt „ tamen in admittenda Gehennæ æternitate „ pro iis saltem, qui extra Mosaicam le-

gem nefarie vixerint, nec nequitia suæ „ aliquid probitatis adjunxerint: quem „ locum iis paratum *puteum perditionis* „ appellant. Conſonat huic Hebræorum „ sententia etiam Mahummedanorum o- „ pinio, qui saltem infidelibus perpetuum „ ignem in punitionem assignant: de qui- „ bus legi possunt Classenius loco sæpe „ citato, & Daniel Huetius in *concor. fid. „ & rat.*

V. Æterni supplicii veritate perſusos „ fuisse Gentiles, satis ex libris ipsorum ma- „ nifestum fit. De his Gutherius (a) ita „ scribit: „ tres potissimum locos consti- „ tuerunt, in quibus defunctorum ani- „ mæ post mortem continerentur. Ely- „ sium, Infernum, Tartarum. Elyſii „ campi piorum sedes, Inferni noxio- „ rum, Tartara impiorum. Elyſios pu- „ ris omnino animis deputarunt &c. At „ qui medium quoddam tenuerant &c. „ Acherusæ paludem per annos aliquot „ habitare cogebantur eas perſepi pœnas „ quæ illos peccatis pristinis exuerent „ ut purgati tandem absolverentur, & „ Beatorum præmia aliquando reporta- „ rent. Qui vero ob scelorum magni- „ tudinem purgari nullo modo possent, „ nec ullis remediis sanari potuerunt „ perpetuis Tartari tenebris, & crucia- „ tibus clausi vexantur. Hinc duo loca „ ab Homero separantur &c. Infernum „ inter lunam terrasque quidam posue- „ runt, ubi animæ purgarentur: in ba- „ rathro vero seu Tartari profundo im- „ medicabilis ira divina est, quam sce- „ lerati perpetuo experiuntur „

VI. Eadem de Græcis peculiariter lo- „ quens tradit Daniel Huetius (b). Nef- „ rios, inquit, detrudent in horribile „ barathrum, in quo fluvius ingens Py- „ riphlegeton ex rapido & igneo fluvio „ Danielis, ut videtur, confictus: alii „ item tristes & inamœni omnes in loco „ immensæ altitudinis. Cruciatuſ illic „ varii, cruciatuumque ministræ furie, „ sævissimi præcipue ignes, & vastus „ horror tenebrarum expressus ad illas „ tenebras exteriores non semel a Chri- „ ſto memoratus. Spes illic omnis sce-

„ le-

„leſtis præciſa melioris fortis . Hinc
 „Belidum inexplabile dolum . . . Hinc
 „æterna illa Theſei ſeſſio . Hinc irre-
 „meabiles inferorum viæ . Hinc fer-
 „reæ portæ , & centum veſtes ærei
 „&c. „

VII. Nec ſolum Poetæ , qui certe
 nonniſi juxta vulgares hominum ideas,
 ac perſuaſiones ſcripſere , ſed etiam no-
 biliffimi Philoſophorum veritatem eam-
 dem profeſſi ſunt: atque inter eos ma-
 xime divinus ille , ut vocabatur Plato .
 Quanquam enim alicubi piaculares tan-
 tum , aut purgatorias pœnas videatur
 adſtruere , reapiſe tamen , ſaltem reſpe-
 ctu aliquorum , futuras agnovit ſine ſi-
 ne , ſæpe remedii . Primum namque in
Gorgia (c) notat „ quosdam , qui mi-
 „nus gravia , & ſanabilia delicta com-
 „miſerint , aliquanto temporis ſpatio
 „dolores , cruciatuſque perpeti , quibus
 „expiantur . Qui autem remediis ma-
 „jora omnibus , ac deſperata patrave-
 „rint , nullum pœnarum terminum ha-
 „bituros „ . Latius de eadem re diſſe-
 rit in *Phædonis* Dialogo , qui totam
 pœne completitur Gentilium Theolo-
 giam circa ſtatum animæ futurum . Poſt-
 quam enim quamdam veluti Inferni to-
 pographiam delineavit , narrat „ ani-
 „mas , quæ virtutem inter & vitium
 „mediam viam tenuerunt , poſt ſenten-
 „tiam ab Inferni Judicibus latam , ad
 „Acherontem proſectas , conſcendiſſe ve-
 „hiculis ad Acheruſiadem paludem de-
 „portari , expiatiſque illic per ſuppli-
 „cia ſcleribus ſolvi , & præmia tan-
 „dem rerum bene geſtarum recipere ,
 „ac ad animalium etiam generationem
 „nonnumquam remitti . Quæ vero in-
 „ſanabilibus ſe ſe facinoribus alliga-
 „runt , in Tartarum abſque ulla futu-
 „ri exitus ſpe præcipitari „ .

VIII. Hanc Platonis de utroque reo-
 rum , & criminum genere doctrinam
 eleganter exponit Synæſius ex ejuſdem
 Platonis ſchola præſtantiffimus Philo-
 ſophus in *Epifto* 44 . Ibi enim ſic eſſe do-
 cet peccatorum animas , uti pannos ac

veſtes : Dæmones vero tortores anima-
 rum , uti fullones . Atque ut pannorum
 ii , quibus ſordes , ac maculæ non tam
 penitus adhærent , ut abluï , abſtergiquæ
 nequeant , lotionæ purgantur : quibus
 vero pertinacius infixæ ſunt , neque car-
 minando , neque lavando ad priſtinum
 nitorem revocari poſſunt . Sic anima ,
 quæ ſe hærente proſuſ , & illutibili noxa
 contaminavit , ut immortalis ipſa eſt ,
 ita immortalis pœna afficitur . Quæ vero
 non tam inſitas gerit criminum ſordes ,
 iis abſterſis , ad ſalutem pervenit , &
 incolumitatem .

IX. Magiſtri Doctrinam fere retine-
 runt veruſtiores Platonici , ac nobilio-
 res Philoſophi . Eam ſatis diſerte pro-
 dit Apollonius Juncus apud Stobæum ſerm.
 120 . , dum de animarum futura forte
 ſcribit : *malas & improbas infelix* (poſt
 mortem) *mutatio ſuſcipit , nec amplius*
luce fruuntur . Eufebius item Sophiſta
 ſic eam comprobat apud eundem : *non*
deceſ falſe , & ſutilis voluptatis gratia ,
magna & perpetua mala comparare , nec
vita breviffima vitam ſequentem longio-
rem corrumpere . At Platonici recentiores ,
 ut Plotinus , Jamblicus , Alcinoſus , alique
 interpolaverunt . Atque de his poſtremis
 locutum fuiſſe credere par eſt S. Au-
 guſtinum , dum lib. 21. de Civit. cap.
 13. reſert , *Platonicos , quanvis impunita*
nulla velint eſſe peccata , tamen omnes
pœnas emendationi adhiberi putant , vel
humanis inſtitutis legibus , vel divinis ,
ſive in hac vita , ſive poſt mortem , ſive aut
parcatur hic cuique , aut ita plectatur , ut
hic non corrigatur . Certe nullibi , quod
 ſciam , ſcripſit S. Doſtor etiam Plato-
 nem in eadem fuiſſe ſententia .

X. Non abſimiliter ſenſiſſe Romanos
 ſaltem plures perhibet Montſauconius
 Tom. 5. *Antiq. illuſt. cap. 137.* ubi ait :
Erant qui dicerent iis , qui ſemel eſſent
in Tartarum præcipitati , nullam ſupereſ-
ſe ſpem revertendi , nullum expiationis
modum , ſed æternum ibi impies crucian-
dos eſſe . Id innuiſſe videtur Virgilius ,
 dum cecinit :

Fa-

*Facilis descensus Averni;
Sed revocare gradus, superasque eva-
dere ad auras
Hoc opus, hic labor est; pauci &c.
Sed clarius dum poenam Thefei descri-
bens eam facit æternam,
Sedet, æternumque sedebit
Infelix Thefeus, Phlegiasque mi-
serrimus omnes
Admonet, & magna testatur voce
per umbras,
Discite justitiam moniti, & non
temnere Divos.*

Quare dum eodem libro asserit animas in inferno suppliciiis purgari, ad mentem Platonis locutus est, qui licet aliquorum animas ad sempiterna supplicia damnaverit, alias tamen, quarum noxas medicabiles censuit, temporariis poenis expiari docuit.

XI. Virgilio succinunt Seneca in *Herc. Fur.* v. 674., in Hippolyto v. 218., in *Herc. Aëteo* v. 1523.: Propertius lib. 4. Elegiar.: Horatius lib. 4. ode 7., ubi respicit ad Theseum, Pirothoumque, qui ad inferos descendentes victi, ac vincti perpetuis catenis ibidem remanere coacti sunt; & Lucianus ipse sin minus ex suo, ex aliorum saltem sensu id affirmat in *Menip.* & *Chiron.*, & in *Dialogo mortuorum*. Scribit: *neque enim fas est redire quemquam, qui semel paludem transierit, atque intra specus biatum descenderit.*

XII. A Græcis & Romanis ad gentes alias gressum faciens, invenio in eadem persuasione extitisse Zoroastrum, atque adeo veteres Chaldaeos & Magos, quorum doctrinam expressit, & illustravit, & Babylonios & Assyrios, quos ille edocuit. Ita namque de impiis, & facinorosis Dæmonibus, ac hominibus sensit: *Tenebrarum Angelus eum suis affectis in obscurum locum ablegantur in æternum cruciandi; Angelus vero lucis, ejusque fideles Discipuli in lucidissimum locum abibunt, ut digna retributione perpetuo perficiantur.* Quod dogma longe etiam post Zoroastri tempora in India, & Perſide intemerate retentum est. De Indis certe, eorumque Magistris Brachmanibus Strabo lib. 14. *Geograph.* me-

moræ prodidit, eos de immortalitate animæ, & de judiciis apud inferos eadem sensit, quæ Plato. Quare cum Plato, ut probavimus, saltem aliquorum poenas æternas fecerit, idem quoque tenuisse Brachmanes & Indos colligere necesse est. Atque eodem argumento probatur etiam Ægyptios malorum æterna supplicia credidisse. Refertur quippe Tacitus lib. 5. cap. 5., & Diodorus lib. 1. de inferis, eorumque poenis eandem fuisse sententiam apud Ægyptios, & Hebræos, qui indubitanter eas credebant sine fine duraturas.

XIII. Sed nec populos ipsos Hyperboreos, sive Septemtrionales latuisse sempiterna impiorum tormenta dicendum est. Nam a Gobria Mago accepisse se testatur Socrates apud Platonem in *Æxioco*, avum illum missum fuisse in Delum, ibique cognovisse ex æneis tabulis, quas Opis, & Hæcærgus attulissent ex Hyperboreis, animas (malorum) exemptas corporibus torveri ignibus æternis, & poenis inexplicabilibus cruciari.

XIV. Hac eadem notitia sive persuasio perseverat immobilis inter plures hujusce temporis barbaras, & infideles nationes. Brachmanes recentiores, quamquam communiter animarum Metempsychosim sustineant, nonnullos tamen, quorum opera nefaria admodum extiterint, ad sempiterna supplicia damnari, & in loco quodam remoto perpetuo asservari ajunt, quem *puteum Abyssis* vocare solent, ut nuperi Hebræi, *puteum perditionis*. Hac doctrina imbutos esse testantur Scriptores fide digni populos Malabares, sive qui Indostanum, Bengalam, & Ceylanum inhabitant. Nam noxios quidem plures piacularibus duntaxat plecti suppliciiis existimant, graviorum tamen criminum fontes æternum torqueri credunt. Assentiuntur ferme Siameses, qui putant animas post varias in alia, & alia corpora transmigrationes, ex hoc mundo exire tandem, atque pro meritis sempiterno vel præmio affici, vel supplicio, ut ex Salmone habetur: quod & de Indis, qui circa Insulam Goam diffunduntur pro-

dit

dit Ugo Linthostanus, ac de populis Infule Formosæ D. Maigrot.

XV. Americanos quoque hujus veritatis luce expertes penitus non fuisse, compertum est ab iis, qui eorum mores, & doctrinas curiosius, & accuratius rimati sunt. Hoc de populis, qui novam Aureliam incolunt, refert D. Petit S.I. Missionarius in litteris ex ea regione scriptis. De Virginienlibus idem tradit Thomas Avioth Anglus, & ex ipso, ut arbitror, Huetius, qui dicit eos credere homines post mortem pro meritis vel frui felicitate cum Diis, vel in immane baratrum ad perpetuos ignes detrudi. De reliquis obscura quidem res est: cæterum qui pœnarum æternitatem expresse negent, vix invenias.

XVI. Ex tot exoticarum maxime nationum testimoniis validissimum emergit argumentum adversum nuperos Origenistas. Persuasio siquidem æterni post mortem cruciatus, non est aliqua opinio, quæ humanis affectibus subserviat, adeoque ex genio confingi, & in populos diffundi, eorumque animis inleri facile queat: sed quam potius valde refugiant omnes, & perhorrescunt. Igitur si tot illam gentes, atque nationes alte imbiberunt, firmiterque crediderunt; alterum ex his asseramus, oportet, aut homines nativo mentis lumine veritatem hanc pervidisse, aut saltem perenni traditione ad eos permanasse. Primum illud profecto abnuent Origenistæ, qui perpetuo clamant pœnarum æternitatem insitis a natura notionibus adversam esse, & justitiæ legibus omnino repugnante. Alterum itaque, opus est, fateantur, traditione nimirum hujuscemodi doctrinam tot exterarum gentes accepisse. Sed vel hoc ipsos jugulat, atque prostermit. Nam talis traditionis origo non aliunde repetenda est, quam ab ipso Deo, qui terribilem hanc veritatem vel in sacris libris luculenter enuntiaverit, vel primos hominum parentes docuerit, quam ipsi subinde ad posteros transmissere. Porro quamcumque eligat partem, peræque semper fluit hujus doctrinæ Magistrum, ac veracissimum testem Deum esse: atque adeo

submisso, & obsequenti animo ab omnibus suscipiendam.

XVII. Quid vero probabilius definire censendum sit de modo, quo pœnarum æternarum traditio in tot extraneas nationes propagata fuerit, non eadem est Scriptorum sententia. Sancti plures Ecclesiæ Patres Justinus, Theophilus, Minucius Felix, Eusebius, Augustinus, Theodoretus, & alii priorem partem amplectuntur, contenduntque Ethnicorum Theologiam de pœnis inferni, & earum æternitate ex libris sacris originem ducere, & ex conviclu gentium cum Hebræa natione. Id inter alios ex laudatis Patribus exerte affirmat Theodoretus lib. 2. Therapeut., ubi relata sententia Platonis in *Phædone* de æternitate pœnarum, subdit, dogma istud memoria & observatione dignum esse. Satis quippe ostendit ex eo Plato se in Ægypto audivisse, quod scripsit Isaias: *vermis eorum non morietur, & ignis eorum non exstinguetur*, & illud, juxta Vulgatam, *quis poterit habitare cum igne devorante? Quis habitabit ex vobis cum ardoribus sempiternis?* Et certe, quidquid dicant aliqui nimium audaces Moderni, negari nonnisi temere potest, multa Scriptores Ethnicos, & Philosophos e Mosaicis litteris, atque Hebræorum scriptis & conversatione deprompsisse, prout a viris eruditissimis demonstratum est, Vossio, Bocharto, ac Daniele Huetio, qui hoc præ cæteris argumentum uberius pertraxit: & vel ipsa fides faciunt Ethnicorum scripta ea de Deo, de creatione mundi, de pluribus aliis tradentia, quæ non aliunde quam ex Hebræorum fonte derivari vix, ac ne vix quidem potuissent.

XVIII. Nihilominus quoad pœnarum æternitatem attinet, ut ut admittam Platonem, & Græcos ab Ægyptiis, & Hebræis ipsam hausisse, altius existimo illius originem arcescendam esse, videlicet a primis humani generis Parentibus, qui Deo ipso magistro instructorum fuere circa ea, quæ æternam hominis salutem spectant: quorum notitia per eorum posteros ad Noë, ejusque filios propagata, perpetua deinde tradi-

tio-

tione plures gentes imbuunt, & informavit. Ad hoc afferendum duplici præsertim adducor momento. Primo quia difficile admodum intelligi potest, quomodo ex Moysi, Prophetarumque libris, aut Judæorum conviclu, non Ægyptii tantum & Græci, aliique finitimi populi, verum etiam tot aliæ barbaræ & longissime ab his semotæ nationes, tum Asiaticæ, tum etiam Americane instructæ fuerint hac fidei veritate. Secundo quia rationi maxime consentaneum apparet ea præcipue, quæ ad futuram hominum sortem pertinent, Deum primis Parentibus nostris revelasse, & hos, filios suos ac nepotes doçuissse: cum &

futuri præmii, & futuræ æternæ pœnæ cognitio medium sit validissimum ad peccata præcavenda, ad mores componendos, Deoque contumaces homines subjiciendos (a). Unde dubitari nequit supremum Providorem haud reliquissse homines hac salutari cognitione destitutos, nec Adamum, & Noemum filiis ac nepotibus utilem adeo occultasse veritatem: quæ quidem postea in pluribus nationibus constanter permanfit; at illam in pluribus aliis & Idololatria, quæ successit, & fabulæ, & effe-rati mores hominum corruperunt, penitusque obliterarunt.

CAPUT XIX.

Generales quedam animadversiones in argumenta, quæ adversus pœnarum æternitatem ab humana ratione depromunt Sociniani, & Origenistæ: Consensus plurimum nationum in eo dogmate satis evincit spectrum esse ab illis confictum apertam, quam jactant, ejus repugnantiam cum Dei natura, ac perfectionibus. Adversariorum methodus omnia pessumdat Christianæ Religionis fundamenta. Plurima sunt in rebus naturalibus certissima, quæ tamen repugnantiam involvere videntur. Humana mens fide destituta decipi potest in iis præsertim, quæ divinam naturam, & operationes spectant. Deo æternam impiorum miseriam perspicue revelanti fides adhibenda, tametsi ideis nostris specietenus adverteretur.

I. **C**Um pœnarum æternitatis hostes undique se pressos videant gravissimis verbis Dei tum scripti, tum traditi momentis, causam alio avocare satagunt, ad tribunal scilicet humanæ rationis, in quo se victoriam certissime consecuturos confidunt. Ajunt nimirum: ut ut perspicua in speciem sint Scripturarum testimonia, quæ im-probis supplicia nunquam desitura denunciant, nihil tamen ipsis continere queunt, quod claris ab ipso Naturæ Authore impressis notionibus adverteretur. Porro rationales creaturas pro temporario peccato in æternum puniri, recta pugnat cum claris ideis, aut notionibus, quæ nobis infuse sunt, de Deo, ejusque peculiaribus dotibus, sive, ut vocant, attributis, bonitate, sapientia,

providentia, misericordia, clementia, ac demum æquitate, atque justitia. Pugnat cum bonitate, sapientia, & providentia divina, ad quas pertinet creaturas mentis compotes ad eum finem tendem perducere, propter quem conditæ fuerunt, æternam videlicet beatitudinem. Pugnat cum divina misericordia, & clementia, quæ dum pro peccatis pœnam infligit, emendationem nocentis respicere ac querere debet, non ipsam punitionem. Ac postremo pugnat etiam cum Dei æquitate, & justitia, quæ equalitatem inter supplicium & culpam servare tenetur, nec pœnas peccantis merito graviore irrogare potest: quod plane fieret, si noxis temporariis punitionem sempiternam inferret.

II. Hæc modo compendio exposita, quæ

(a) Quolibet tempore instructi sunt homines divinitus de agendis, secundum quod erat expedire ad salutem eternam. S. Thomas 2. 2. quæst. 178 art. 6.

quæ fufius deinde proponuntur, funt ea argumenta, quibus cauffam fuam maxime fidunt Adverfarii, quæque confidentia fuma veluti penitus decretoria jaftant contra pœnarum æternitatem: hifque adeo fe tela eludere poffe putant quæcumque ex facris libris, ac traditione in eorum fyftema intorquent Catholici dogmatis defenfores. Nos hujusmodi argumenta accurato examine perpendemus, quantique momenti funt, palam faciemus. At liceat mihi juxta methodum, quam ferme fecutus eft S. Auguftinus (a) in hujufce generis argumentis refellendis, quafdam in antecelfum generales animadverfiones præmittere, quæ ad jaftantias ipforum variffimas retundendas, & argumenta omnia, quæ ex humanæ rationis penu produciunt, exufflenda, facis effe poffunt, atque deberent.

III. Et primo quidem, fi tam clara effet, prout illi obgannunt, æternæ malorum Angelorum, & hominum miferiæ cum Dei dotibus aut perfectionibus repugnantia, fieri minime poffet, quin aut omnibus, aut fere omnibus conspicuam fe proderet: quemadmodum compertum eft in iis viritatibus, quarum claras habemus, & diftinctas ideas, aut notiones, quæ luce fua ita mentem percellunt, ut omnium, qui eas ferio contemplantur, affenfum veluti extorqueant. Hoc autem experientia ipfa falſum effe deprehenditur in ea, qua de agimus, controverfia. Etenim nullam repugnantiam aut perſpexerunt, aut perſpicunt in hoc, quod nefarios Deus in æternum puniat, tot nationes, quot jam recenſuimus, Chriftiani, Judei, Mahummedani, Ethnici, aliæque infideles ac barbaræ gentes, quæ dogma iſtud jam pridem retinent, ac firmiter credunt.

IV. Ulterius fi dogma de pœnarum æternitate rejicere licet, quia cum ideis noſtris conciliari nequit, jam eodem

jure tanquam falſa rejicere licebit quæcumque ideis eiſdem non conſonant, & in quibus humana mens pugnantia ſibi deprehendere videtur, ut recte arguit ipſe Petrus Bellius (b). Porro hoc ſemel admiſſo, corruunt plane fundamenta omnia Chriſtianæ Religionis, & in Atheiſmum, aut ſaltem Theiſmum directe tendimus. Nam ſi myſteria fidei juxta ideas noſtras dimetiri volumus, eaque recipere, quæ illis conſentiunt, quæ vero diſſentiunt, repudiare; jam nec Trinitatis, nec Incarnationis, nec ſupremæ Reſurrectionis, nec cæteris aliis Myſteriis Fidem adjungemus. Quid enim magis in ſpeciem repugnans quam unius Dei ſimpliciſſima, ſingulariſque natura cum trium diſtinctione perſonarum? Quid indignius apparet imbecilli menti noſtræ, quam filium Dei unigenitum omnes ſuſcipere humanæ naturæ infirmitates, ſequæ tot afflictionibus ſubjicere, ac morti tandem omnium probroſiſſimæ, quæ Judæis ſcandalum, gentibus autem ſtultitia viſa eſt? Quid humanis experimentis incredibilius, quam omnium corporum reſurrectio, quæ jam a tot ſæculis in cineres redacta ſunt, & in alia ſæpe corpora pluribus vicibus tranſmutata? Si hæc igitur fidei myſteria tenere ſe proſtitentur, quos nunc reſellimus, abnuere conſequenter minime poſſunt dogma de æternitate pœnarum eo titulo, quod ipſorum ideis, aut notionibus non congruat, ſed diſſentaneum potius appareat: acſicut in aliis, ſic in hoc myſterio captivare debent intellectum in obſequium fidei.

V. Tertio incicias ire nequeunt Adverſarii plura in rebus ipſis naturalibus, de quibus rationem nullam reddere fas eſt, immo quæ cum ratione ipſa interdum pugnare videntur, ut jam moſtiores quique Philoſophi conveniunt: & tamen veriſſima eſſe ac certiffima nullus dubitat. Multo magis igitur in

○ ○ re-

(a) lib. 21., & 22. de Civit. Dei.

(b) in quaſt. ad Iſtvinc.

rebus-fidei, quæ creatæ rationis lumen longe excedunt, quædam esse poterunt, quæ apparentem quandam repugnantiam involvere videantur. Hoc eodem argumento usus est Augustinus ad revincendos infideles, qui iisdem armis adversus hoc fidei dogma dimicabant. Adductis siquidem plurimis exemplis mirabilium operum naturæ, quæ ideis nostris & experimentis contraria videntur, subdit: *hi tamen fidei reprehensores, exactoresque rationis quid ad ista respondent; de quibus ratio reddi ab homine non potest: & tamen sunt, & ipsi rationi naturæ videntur esse contraria. Quæ si futura esse diceremus, similiter a nobis, sicut eorum, quæ futura esse dicimus, ab infidelibus ratio posceretur. Ac per hoc cum in talibus operibus Dei deficiat ratio cordis, & sermonis humani, sicut ista non ideo non sunt, sic non ideo etiam illa non erunt, quoniam ratio de utrisque ab homine non potest reddi.*

VI. Præterea, cum Adversarii dicunt poenarum æternitatem pugnare cum Dei naturæ, & perfectionibus, de re judicant, de qua rectum nullum iudicium nativo lumine efformare queunt ob angustiam & imbecillitatem humanæ mentis, & excellentiam objecti, de quo judicare præsumunt. Ut enim certi esse possent de huiusmodi repugnantia, plane oporteret, ut Dei naturam, ejusque operationes, consilia, scopum, finem, quem sibi præfigit, aliæque innumera non conjectura aliqua, sed perfecta cognitione comprehenderent. quod tamen, quidquid de seipsis magnifice sentiant, effutire nequaquam audebunt. *Forſitan*, inquit apposite S. Job cap. xi., *vestigia Dei comprehendes, & omnipotentem usque ad perfectum reperies? Ecce Deus magnus vincens scientiam nostram.* Hinc etiam Apostolus exclamat in Epist. ad Rom.: *O altitudo divitiarum sapientiæ & scientiæ Dei, quam incomprehensibilia sunt judicia ejus, & investiga-*

biles viæ ejus! Quis enim cognovit sensum Domini, aut quis consiliarius ejus fuit? Quis infirma ingenii sui acie inaccessible illam Dei lucem confexit? Quis thesauros immensos divinarum perfectionum ingressus est, ut noscere, ac definire valeat quid Deus juxta bonitatem, sapientiam, Providentiam, ac justitiam suam de impiis hominibus disponere debuit? Nonne temerarii, ac prorsus insani dicendi sunt, qui hoc sibi arrogant, suoque judicio subjiciunt, quæ supra creatum rationis lumen posita esse fateri necessum est?

VII. Proderit de hac re nuperum quemdam audire Theologum solida hac animadversione Socinianos, & Origenistas omnes egregie revincentem (a). Hæc sunt ejus verba ex Gallico in Latinum sermonem conversa: „ Nos Ju-
„ dices competentes nequaquam sumus
„ divinarum perfectionum, ut eas di-
„ gne æstimemus, ut earum constitua-
„ mus officia, ut respectus dirigamus,
„ ut operationes apte invicem conjun-
„ gamus. Deus infinite bonus creaturas
„ per infinitam durationem miseris effi-
„ cere nequit. Hoc est principium il-
„ lud potissimum, cui nititur mentis
„ vestræ ratiocinium: quod etiam pri-
„ ma facie æque mihi ac vobis arri-
„ det. Sed qui scimus nos rite ratio-
„ cinari? Quo pacto formamus ideam
„ bonitatis infinitæ, sicut & divina-
„ rum aliarum perfectionum termino,
„ ac mensura carentium? Profecto non-
„ nisi per Analogiam, aut comparatio-
„ nem cum dotibus, & virtutibus no-
„ stris admodum imperfectis, & limi-
„ tatis. Hæc porro via nonne aberrationi obnoxia est, facileque a recto
„ tramite abducit? Fortassis in alia vi-
„ ta nimio stupore corripimur, viden-
„ tes evanescere permultas, ex ideis
„ nostris in speciem evidentioribus,
„ unaque a fundamentis corrumpi iis
„ subnixæ systemata, quæ adeo specio-
„ sa ac certa nobis videbantur. Intel-
„ „ ligi

(a) apud Franc. de Roches Epist. 37.

„ligi plane nequit, quod humani ingenii vis angustis conclusa limitibus „firmum quidpiam construere valeat „super principia, quæ nullam obtinent „inter se proportionem, & quod finitum est infinitum dimetiri possit, „atque ad systema aliquod redigere. „At hocce discursu, forte reponetis, nos in Pyrrhonismum deducis, primæque subruis notiones, & ideas virtutum ac perfectionum. Minime gentium. Lubens convenio in certissimis hisce principiis: *Deus est bonus: Deus est iustus: Deus est sapiens.* Absit a me omnino tantæ insaniz periculum, ut magnis his veritatibus quidpiam firmitatis detrahā: quin potius eas constantes, & immobiles esse volo. Verum modum hunc cogitandi, loquendique damno, atque redarguo: *Deus quia bonus, quia sapiens, quia iustus, hoc, illudve baudquaquam velle, vel permittere potest, aut debet.* Quamquam nobis ita videatur longum plane iter conficiendum superest, antequam eo perveniamus, ut pedem tuto figamus, possumusque concludere nos minime decipi, ac re ipsa verum esse, quod verum nobis apparet. Hic vel maxime illud meminisse par est, quod dictum est a Propheta, immo ab ipso met Deo: „non enim cogitationes meæ cogitationes vestre: neque via vestra via mea, „dicit Dominus. Quia sicut exaltantur celi a terra, sic exaltata sunt via mea a viis vestris, & cogitationes meæ a cogitationibus vestris. Haecenus ille.

VIII. Legitimum huiusce Theologi discursum confirmare lubet doctrina, qua celebris quidam Origenista (a) de alio argumento differens utitur adversum illos Theologos, qui penetralia divinitatis curiosius perscrutantur, omniumque rationem noscere volunt. Hos Author iste fugillat, ac deridet tamquam frustraneo labore defudantes in arduis pluribus quæstionibus resol-

vendis, ad quas imbecillo humano lumine perungere non licet. „Penetra- „re, inquit, conati sunt, quod penetra- „trari nequit, & cuius notitia in tem- „pus aliud hominibus reservata est: „in illud videlicet tempus, in quo nihil erit amplius, quod eos ad continenter laborandum, & operandum „solicitet, ac urgeat: in illud tempus, quod tempus cognitionis, & lucis merito vocari potest, atque Epocha magni diei, quæ nos in pleno lumine collocabit. „Porro inter has arduas, perdifficilesque quæstiones, quibus inutili conatu vexantur humana ingenia, eam quoque recenset Author, quæ permissionem peccati spectat. Consentit ipse peccati permissionem nullum divinæ sanctitatis præjudicium inferre. Quamquam enim, scribit, concipi nequeat ab homine quo pacto, qui malum alterius permittit, quod impedire vique valet, tacito saltem consensu illud non approbet; absit nobilominus ut de Deo malum permittente conqueramur: acquiescere immo debemus in clara, quæ nobis affulget, idea, quod Deus sanctus sit, adeoque iniquitatem approbare non possit: ac interim ea fideliter impleamus, quæ nobis præcipiuntur, præstantes Episcopi magnæ diei, ut de hac veritate plenius instruamur, quam modo frustra investigare nitimur.

IX. Tota hæc doctrina in ejus Authorem, cæterosque Origenistas retorqueri jure potest relate ad repugnantiam, quam se deprehendisse putant inter penas æternas, & Dei bonitatem, sapientiam, atque iustitiam. Si enim, cum de permissione peccati agitur, credendum esse decernit nullum ex ea inferri divinæ sanctitatis præjudicium, tametsi intelligi nequeat, quod in peccatum tacite non consentiat, qui illud permittit, dum alias impedire potest, cur non eademque sentit de præsentī quæstione penarum æternitatem spectante? „An forte (sic „merito ipsum redarguit D. de Roches (b) non eodem in pretio esse de-

O O 2 „ bent

(a) Author Re'ig. Essent. (b) Epi'st. 17.

„ bent quæcumque divinæ perfectiones?
 „ Cur ardentiore studio *sanctitatem*,
 „ quam *bonitatem* supremi Numinis
 „ vindicare satagit? Num quæstio de
 „ poenarum æternitate minus *ad agen-*
 „ *dum* nos urget, quam quæstio alia
 „ de permissione peccati, aut levius pe-
 „ riculum nobis impendit, dum bonas
 „ horas inutiliter infumimus in inve-
 „ stiganda priore, quam posteriore?
 „ Quare utraque non æque a nobis
 „ exigit, ut expectemus *tempus cogni-*
 „ *tionum*, & *lucis*, & *Epocham magni*
 „ *dici*, ut iis difficultatibus expediamur,
 „ quæ se nobis ingerunt in hac vita
 „ mortali tenebris undequaque circum-
 „ septa? Nonne summo jure metuere
 „ debet, ne illud sibi quoque obveniat,
 „ quod aliis obvenisse refert nimium
 „ curiosis Theologis, qui exiguum lu-
 „ men mortalibus a Deo concessum negli-
 „ gentes, dum lumen majus huc atque
 „ illuc anxie perquirunt, fallacibus quibus-
 „ dam fulgoribus, & inanibus spectris de-
 „ cepti sunt, totaque vita aberrantes fateri
 „ tandem compulsi sunt: expectavimus
 „ lucem, & ecce tenebre: claritatem, & ec-
 „ cæ obscuritas perquam caliginosa.

X. Hisce animadversionibus aliam
 postremo loco adjicio, quæ sola ad om-
 nes Adversariorum officias ex huma-
 na ratione petitas diffandas sufficere
 potest. Quamquam in rebus iis, in qui-
 bus vel silet prorsus divina revelatio,
 vel obscura est & ambigua, magna sit
 humanis ingeniis relicta libertas, ut ea,
 quæ veritati propiora sibi videantur,
 suscipiant, ac teneant; in iis tamen,
 in quibus suprema veritas clare locuta
 est, non eadem patet ingeniis libertas:
 sed ea submisso animo recipere tene-
 mur, licet peculiaribus ideis nostris non
 respondeant, & juxta Apostoli dictum
 in captivitatem redigere intellectum ali-
 ter opinantem in obsequium Dei. Id-
 que sane recta ipsa ratio deposcit om-
 nino. Humana quippe mens errori
 obnoxia est, fallique potest, ac sæpe fal-
 litur in iis etiam, quæ sibi clariora
 videntur. At falli nequit divina sapien-
 tia, nec quemquam fallere divina ve-
 racitas: atque adeo dum aliqua nobis

credenda proponit, ambitiosi nimium,
 temerarii, atque insipientis ingenii fue-
 rit ea respuere quæ demissis oculis sus-
 cipienda sunt, Deoque loquenti præ-
 ferre imbecillimum mentis nostræ lu-
 men contra ac divina revelatio testatur,
 aliquid repræsentans. Neque profecto
 mirum nobis esse debet plura esse in
 mysteriis a Deo revelatis, quæ perspi-
 ci a nobis nullatenus possint. Ut enim
 scitissime docet S. Thomas lib. 1. Cont.
 Gent. cap. 2. *quanto intellectus est su-*
perior, & magis elevatus, tanto plura
potest intelligere, quæ inferior intellectus
capere non potest. Sed intellectus divi-
nus maxime excedit humanum: ergo ali-
qua in seipso Deus cognoscere potest, quæ
humanus intellectus omnino capere non
potest. Ex quo inferit: Sicut igitur ma-
ximè amentie esset idiota, qui ea, quæ
a Philosopho proponuntur, falsa esse as-
sereret propter hoc, quod ea capere non
potest; ita & multo amplius nimie stul-
titie esset homo, si ea, quæ divinitus
revelantur, falsa esse suspicaretur ex
hoc, quod ratione investigari non pos-
sunt.

XI. At reponunt Adversarii neuti-
 quam se ambigere de Dei revelantis
 veracitate, sed duntaxat de existen-
 tia divinæ revelationis quoad poenarum
 æternitatem, quæ nativis hominum
 ideis ac notionibus adeo adversatur:
 non inficiari se humanam rationem di-
 vinæ authoritati facces debere submit-
 tere, eaque certo credere, quæ attesta-
 tur in sacris libris tamen si luminis suo
 impervia: solum adduci non posse
 ut credant divinam extare autho-
 ritate, quæ dogma tam absurdum,
 quodque cum Dei natura ac doti-
 bus directæ acie pugnat, testifi-
 cetur.

XII. Si hæc ipsi bona fide, &
 animo ingenuo proferunt, igitur
 prius ostendant, oportet, dogma
 de æternis impiorum poenis non
 esse in sacris litteris revelatum, aut
 obscuram admodum & ambiguum
 esse divinam revelationem: quo pe-
 racto, licebit ipsis in suæ hypothe-
 sis subsidium vocare argumenta a prom-
 ptua-

ptuariis humanæ rationis educta. Quid contra, Scriptura aut penitus prætermiffa, aut leviter & in speciem tantum explorata, ad tribunal humanæ mentis cauffam appellat, uniceque, aut faltem inprimis in iis argumentis promovendis infiltunt, quæ mens eadem humana fuppeditat? Præpoftera hæc eft difputandi ratio, atque indigna prorfus Chriftiano Theologo, qui in fidei veritatum examine a facris litteris iter inftituere debet, & ab Ecclefiæ traditione, quæ legitima fensus earumdem regula ac interpres eft: illudque humillime prompteq. fufcipere, quod ex iis revelatum effe confiterit, quamquam vulgaribus ideis adverfum appareat. Verum non

hanc ipfi viam arripiunt, fed ab humana potius incipiunt ratione, ac fyftema illud conftituunt, quod placitis & ingenio ejufdem arideat: tum vero ipfum facris fubinde textibus aptare ftudent, divinasque fententias detorquent, eludunt, invertunt, fubvertunt, ut iis quadantenus accommodent, fruflra reclamante verborum proprietate, & perfpicuitate, ac tot sæculorum confenfu, & tot Chriftianorum firma perfuafione. Qui ita fe gerunt, non humanam rationem divinæ authoritatis, fed divinam authoritatem humanæ rationi fubjiciunt, atque poftponunt.

C A P U T XX.

Primum expenditur Origeniftarum argumentum ex Dei Bonitate, & Providentia arceffitum. Illud fibi jam propofuerat, dilueratque Angelicus Doct. S. Thomas. Illuftratur folutio ab ipfo tradita. Inane foret naturale homini defiderium erga beatitudinem, fi eam confequi non poffet, non autem fi actu non confequatur. Neque optimi Proviforis munus id a Deo exigit, ut neminem ab eadem excludat, & in æternum perire finat. Futile argumentum Anonymi Scriptoris depellitur. Alia ejufdem hallucinatio notatur. Quod primo & principaliter in rebus creatis extra fe refpicit Deus, eft bonum totius univerfi: in quod etiam plurimum perpetua damnatio confpirat.

I. Q Uas capite fuperiore præmiffimus, animadverfiones fufficere plane debent homini Chriftiano omnibus, quæ Sociniani & Origeniftæ adverfus pœnarum æternitatem contorquent, humanæ rationis argumentis depellendis, contemnendisque. Nihilominus, ne vim eorundem pertimere videamur, præftat ea in aciem efferre, quantique roboris fint, peculiariter expendere. Primum itaque argumentum, quod veluti Gorgonis caput, objiciunt, fumitur ex idea; quæ nobis affulget, Dei Supremi, optimi, fapientiffimique Proviforis creaturarum omnium, maximeque rationalium, cum qua pugnare aperte dicunt æternam reproborum miferiam. Illud ita proponit celebris inter nuperos Origeniftas Anonymus Author:

„impoſſibile eſt quod ſupremus rerum
„omnium artifex, ac moderator Deus
„eum finem non confequatur, quem
„ſibi in earum conditione præſtituit.
„Finis autem, quem ſibi præſtituit,
„& ad quem rationales creaturas ordinavit,
„eſt ipſarum beatitudo, ſive
„perfecta & ſempiterna felicitas, ut
„evidenter apparet ex naturali propenſione,
„aut innato appetitu, quod in ipſam omnes volentes, nolentesque feruntur. Igitur, ſi ad hanc
„nullo unquam tempore pervenirent,
„finem Deus ſibi præſtitutum non
„aſſequeretur, ac vehemens illud,
„quod in nobis eſt, beatitudinis appetitus fruſtraneus & inanis eſſet, immo ad hoc tantum inditus fuiſſet, ut homines amplius
„torqueret, ac miferiores efficeret :
„quod

„ quod de divina bonitate cogitare nefas „ (a).

II. Hoc argumentum , quo inaniter triumphat , & ovat Anonymus , jam sibi proposuerat , ac solverat Angelicus Doctor S. Thomas in 4. *dist. 46. quest. 2. art. 3.* his verbis : „ sicut dicit Anselmus in lib. 2. cur Deus Homo , non est justum ut Deus creaturam , quam fecit ad beatitudinem , omnino perire sinat. Ergo videtur , cumque libet creatura rationalis creata fuerit , ad beatitudinem , non esse justum , ut omnino perire permittatur „ . Quid porro huic argumento respondet sanctus Præceptor ? „ Ad tertium , inquit , dicendum , quod Anselmus intelligit non esse justum quantum ad decetiam divinæ Bonitatis : & loquitur de creatura secundum genus suum . Non enim est conveniens divinæ bonitati , ut totum unum genus creaturæ deficiat a fine , propter quem est factum . Unde nec omnes homines , nec omnes Angelos damnari convenit . Sed nihil prohibet , quin aliqui ex hominibus , vel ex Angelis in æternum pereant , quia divinæ voluntatis intentio impletur in aliis , qui salvantur . „ Hoc est divinam bonitatem non decet , quod & facto ipso comprobatur , ut vel omnes Angelos , vel omnes homines excidere sinat ab æterna beatitudine , ad quam creati sunt : unde nec in cæteris rebus invenimus omnes ab eo fine defecere , propter quem sunt instituti . Verum licet divinæ Bonitati , & Providentiæ non adversatur , quod aliqua sint in quolibet genere , vel specie , quæ finem generis , vel speciei proprium non consequantur ; ita nec adversabitur , quod aliqui & ex Angelis , & ex hominibus ab ea felicitate deficiant , ad quam genus humanum & Angelicum conditum est : neque ex hoc finem , quem sibi proposuit ,

non obtinet Deus . Nam si fermo sit de fine ultimo , qui est Deus ipse , ejus gloria , suarumque perfectionum manifestatio , hunc semper consequitur , quemadmodum & finem huic proximiorum , qui in bono totius universi consistit . Quoad finem vero peculiarem attinet æternæ felicitatis hominum , & Angelorum , hunc consequitur in iis omnibus , quos absoluta & efficaci voluntate ad salutem pervenire decrevit . At necesse non est , ut eundem etiam consequatur in cæteris aliis , quos in ipsum efficaciter non ordinavit , quamvis omnibus naturalem appetitum indiderit erga beatitudinem .

III. Verum clarior apparebit argumenti solutio , quod ex hac innata omnium erga beatitudinem propensione derivat nuperus Origenista , proposita alia ejusdem Sancti Thomæ doctrina , quam tradit lib. 3. *Cont. Gent. cap. 51.* Docet ille in iis , quæ ad aliquem finem ordinata sunt , distinguendam esse potentiam consequendi finem , & actualem finis consecutionem . Hæc rebus omnibus in finem ordinatis necessum non est ut conveniat : prior autem omnino convenire debet , alioquin inutile foret ac frustraneum naturale erga finem desiderium . Unde infert , quod cum impossibile sit naturale desiderium esse inane , quod quidem esset , si non esset possibile pervenire ad divinam substantiam intelligendam , in quo creaturæ intellectualis beatitudo posita est , necesse est dicere , quod possibile est substantiam Dei videri per intellectum & a substantiis intellectualibus separatis , & animabus nostris . Ad quæ S. Thomæ verba hoc commentarium appingit eruditus Franciscus Ferrarientis : „ diligenter attendendum , quod non „ infert Sanctus Thomas , quod naturale desiderium esset inane , si intellectus non videret substantiam divinam , nam , sed si non esset possibile ipsum „ pervenire ad divinam substantiam intelligi-

(a) Le bonheur étant la fin de leur destinée , & les Hommes n'y parvenant point sur la terre , le Grand Ouvrier auroit manqué son but , s'il étoit possible qu'ils n'y parvinssent : mais , & que ce désir invincible du bonheur n'auroit servi qu'à les tourmenter , & à les rendre plus misérables . Author Relig. essent. pag. 25.

„telligendam : quia non dicitur desiderium naturæ esse inane, si in aliquo individuo non adimpleatur, sed si non sit in individuis natura non orbatis potentia, & capacitas ad impletionem talis desiderii. Si enim in individuis non esset talis potentia, nunquam naturæ desiderium adimpleretur : sed si in illis sit capacitas rei desideratæ, naturæ desiderium quandoque in aliquo impletur : & hoc sufficit ad hoc, ut non sit inane & frustra, „

IV. Argumentum igitur ab Anonymo Scriptore tantopere jactatum id unum probat, quod inane esset desiderium rationalis naturæ, & contra ordinem Providentiæ divinæ, si potentia careret consequendi beatitudinem, neque vel homines, vel Angeli ad eandem recipiā pervenirent postquam etiam id omne præstitissent, quod præstare utique poterant, ac debuerant. At vero inde non sequitur, quod rationales omnes creaturæ ad beatitudinem pertingere debeant, multoque minus quod supremus Rector, ac Provisor Deus a proposito sibi fine defecisset, si eam omnes haud consequerentur. Neque enim Deus constituit, ut absolute, & quacumque facta suppositione felicitatem obtineant ; sed solum, si propriis actionibus in illam se dirigant, eaque via insistant, quam ipsis præmonstravit. „ Quædam etenim (inquit idem S. Thomas lib. 3. Cont. Gent. cap. 1.) sic a Deo producta sunt, ut intellectum habentia ejus similitudinem gerant, & imaginem repræsentent. Unde & ipsa non solum sunt directa, sed & seipsa dirigentia secundum proprias actiones in debitum finem : quæ si in sua directione regimini divino subdantur, ad ultimum finem consequendum ex divino regimine admittuntur : repelluntur autem si secus

„ in sua directione processerint „ . Quam doctrinam uberius exponit *Opusc. 3. cap. 171. his verbis* : „ considerandum est, quod si est determinata via perveniendi ad aliquem finem, illum finem consequi non possunt, qui per contrariam viam incedunt, aut a via recta deficiunt. Non enim sanatur æger, si contrariis utatur, quæ medicus prohibet, nisi forte per accidens. Est autem determinata via perveniendi ad felicitatem per virtutem. Nec enim consequitur aliquid finem suum, nisi quod proprium est, bene operando : neque enim planta fructum faceret, si naturalis operationis modus non servaretur in ipsa : neque cursor perveniret ad bravium, aut miles ad palmam, nisi uterque secundum proprium officium operaretur. Recte autem operari hominem propriam operationem, est operari ipsum secundum virtutem. Cum igitur ultimus finis hominis sit vita æterna, non omnes ad eam perveniunt, sed soli qui secundum virtutem operantur „ .

V. Verum insurgit Nuperus Author, atque ait : „ Nec ego inficias eo finem beatitudinis aliter consequi posse rationales creaturas, quam per subjectionem ad regulas morum, cultumque virtutum : quin libenterissime largior justæ a possessione finis excludi, ac plecti suppliciis, dum a via recta defleunt, neque rectum ordinem custodiunt, quem Deus ipsis servandum præstinavit. At sapientis, optimique Provisoris est, ut easdem per istiusmodi poenas ad tempus inflictas in viam rectam reducat, atque in ordinem restituat, quo dignæ reddantur æterna felicitate „ (a) .

VI. Quod Author ita respondens tantquam

(a) Il pourroit être, que les moyens, que la sagesse divine pourroit mettre en œuvre pour radier le renversement, qui s'est introduit dans les Hommes, occasionneraient en eux des douleurs plus violentes. Mais toutes ces peines ne peuvent aboutir, qu'à remettre l'homme dans le bonheur en le réhabilitant dans l'ordre ; parce que si cela n'étoit pas, il faudroit dire, que Dieu peut se désister de la volonté constante qu'il a de faire revenir l'homme à sa première destination &c. pag. 48. &c.

quam exploratum supponat id, quod est in questione, clarum est quamquod maxime. Unde enim probat sapientis, & optimi Provivoris munus a Deo hoc exigere, ut dum pro meritis creaturas aliquas a consortio suæ felicitatis ejicit, eas in perpetua damnatione non deferrat, sed a miserrimo illo statu in meliorem restituat? Profecto nec ipse Deus in sacris Oraculis, nec etiam naturalis ipsa hominis ratio, hanc divinæ Providentiæ ideam nobis ingerunt. Quin immo Deus hac de re ita locutus est, ut aliam prorsus constanter insinuet. Cum enim (ut alia præteream) supremam omnium fortem edisserit, *ibunt, inquit, impii in ignem æternum: iusti autem in vitam æternam*. En ultimus finis totius Œconomix salutis hominum, & cacodæmonum, post quem revelatio divina ulterius non progreditur, sed iustos, injustosque eo in statu relinquit, qui ipsis juxta meritum conditionem fuerit assignatus. Hic interpellare juvat Adversarium nostrum: si idea restitutionis hominum in gradum pristinum, unica foret, ut ipse contendit, via divinam Providentiam vindicandi ab improborum delictis, & calumniis: si ea sublata, nec sapientia, nec bonitas, nec justitia supremi Artificis fartatecta maneret, adeoque *rueret a fundamentis anima, basis, centrum totius Religionis*, aliquam plane de ipsa mentionem facere Deus debuisset in sacris codicibus, in quibus, quæ firmandæ Religioni interviunt, nitide manifestat. Si ergo nedum talem restitutionem minime proponit, aut indicat, sed potius ita constantissime loquitur, ut aliud nihil ex ejus verbis colligere liceat, nisi nunquam eam esse futuram, nonne fabulas & somnia sua venditat Anonymus, dum sine illa restitutione nec Dei Bonitatem & Providentiam, nec adeo Religionem ipsam consistere posse deblate- rat?

VII. Quod si etiam prætermissa Scriptura, solas ideas nostras naturales consulamus, nihil in iis elucere conspiciamus, quod ordini rerum a Deo con-

stituto juxta dogma Catholicum relucet. Non enim repugnare cernimus condidisse Deum rationales creaturas libero voluntatis arbitrio præditas, atque ita ad æternam beatitudinem ordinatas, ut eam quidem obtinerent; si legem sibi præfixam servando, ad ipsam obtinendam se se disponerent, ab ea vero excluderentur, si divina præcepta violando, eadem se indignas efficerent. Equidem ordinem hunc Providentiæ calumniari ausus est Petrus Bellius, omnesque ingenii sui nervos intendit, ut probaret quod creaturis rationalibus melius consultum fuisset, si non relictæ in manu consilii sui, sed ad justum ac rectum determinatæ forent. Sed Athei hujus fallacias, atque sophismata ita jam diluerunt viri vel inter Protestantæ præclari Leibnizius, Clericus, D. Bernarde; Jacqueslotus, & alii, ut quemvis pudere deberet ea rursus recoquere. Ipse S. Thomas totam Bellianam molem longe ante confregerat *lib. 3. cont. Gent. cap. 71.* pluribus momentis, ex quibus en unum duntaxat: „Optimum, inquit, „in gubernatione qualibet est, ut rebus gubernatis secundum modum „suum provideatur. In hoc enim regiminis justitia consistit. Sicut igitur esset contra rationem humani regiminis, si impedirentur a gubernatore Civitatis homines agere „secundum sua officia, nisi forte quandoque ad horam propter aliquam necessitatem; ita esset contra rationem divini regiminis, si non sineret res „creatas agere secundum modum propriæ naturæ. Ex hoc autem quod creature sic agunt, sequitur corruptio „& malum in rebus, cum propter contrarietatem, & repugnantiam, quæ est in rebus, una res sit alterius corruptiva. Non est igitur ad divinam „Providentiam pertinens malum omnino a rebus gubernatis excludere. Porro hoc rerum ordine citra ullum divinæ Providentiæ præjudicium constituto, consequens est, ut si creature aliquæ ad beatitudinem non perveniant, id culpæ ipsarum unice tribuendum sit, solum-

solumque de semetipsis conqueri jure possint, quod illa via insistere noluerint, quam Deus ipsis ostenderat, quæque ad eam felicitatem tuto perduxisset, cujus naturali appetitu urgebantur.

VIII. Peculiarem tamen rationem deprehendisse se putat Anonymus, cur Deus permittere nequeat, ut creaturæ rationales beatitudine perpetuo careant, ad quam creatæ sunt : quia, inquit, cum jam in verum conditione approbaverit opera sua, ut valde bona, abnegaret plane se ipsum, si ea tandem ad pristinum illum statum non revocaret, unde per culpam ceciderunt (a).

IX. Quis hunc Origenistæ magnopere non succenscat, qui tam futili argumento certissimam fidei veritatem labefactare conatur? In primis Genesis verba, quibus abutitur, & erant valde bona, de homine specialiter prolata non sunt. Immo cum de singulis operibus priorum quinque dierum referatur : vidit Deus, quod esset bonum : quod etiam de animalibus sexta die creatis perhibetur, in hominis creatione id expressum haudquaquam legitur, solumque generali illa approbatione comprehenditur, quæ extat in fine capituli primi : vidit Deus cuncta, quæ fecerat, & erant valde bona : quæ proinde verba, si quidquam probarent juxta Adversarii discursum, probarent universum, resque omnes, quæ in eo sunt, restituendas esse in eum prorsus statum, in quo fuerant, cum Deus illas approbavit. Ulterius ex hoc quod aliquid tanquam bonum approbetur eo tempore, quo re ipsa bonum est, non sequitur, quod si forte a statu bonitatis exciderit, teneamur illud in pristinam conditionem reducere, ne mendacii jure arguamur. Cum enim approbatio alicujus operis ad eum statum referatur, in quo opus invenitur, cessat approbatio dum opus inficitur, atque corrumpitur, neque opere jam infecto, vel corrupto fallax dicitur prior appro-

batio ab Artifice facta, dum perfectionem ipsi communicavit. Immo cum sapientis sit unicuique rei justum pretium, & æstimationem tribuere, necesse est ut sapiens Artifex opus illud pro conditione & qualitate ipsius approbet, vel improbet : approbet, si perfectum fuerit : improbet vero, si jam a perfectione desciverit. Ut ex approbatione, quam Deus operibus a se productis tribuit, aliquid in favorem causæ suæ colligere possit Adversarius, necesse foret ut supremus omnium effector ea approbando, debitam sibi fecisset eorumdem reparationem, si forte a statu, in quo condita sunt, excidissent. Sed unde id suadere poterit? Moses quidem refert Deum vidisse omnia, quæ fecerat, esse valde bona; sed non adjecit, si bona esse desinerent, Deum aliquando bonitatem, quam amiserant, redditurum.

X. Quod non expressit, instat Anonymus, a summa Dei bonitate expectare necesse est. Cum enim peculiarem curam gerat de rationalibus creaturis, earumque felicitatem tanquam finem sibi præstituerit, eo modo de ipsis disponere debet, qui magis congruat ipsarum bono. Nemo autem ambigere potest, quin ipsarum bono magis congruat, quod defectus, si quos incurrerint, vel per gratiam, vel per vindictam reparentur, atque adeo in eum statum restituantur, quo suprema felicitate perfrui valeant.

XI. En integrum hujus Authoris argumentum, quod sæpe in opere suo reficit, quodque maxime urgent ceteri etiam Origenistæ : sed, quidquid ipsi de ejusdem vi sentiant, nullius plane momenti æstimandum : quoniam falsa nititur suppositione. Supponit nimirum finem unicum, aut principalem, cur Deus rationales creaturas produxerit, esse peculiare ipsarum bonum, uniceque, aut in primis in iis creandis ad earum felicitatem respexisse,

P p ita

(a) Il faudroit dire, que Dieu peut se desister de la volonté constante, qu'il il a ... de remettre tous ses Ouvrages dans l'état où'ils furent jadis, lors qu'il les approuva comme bons : c'est à dire, que Dieu peut se démentir lui même, & désavouer l'approbation qu'il leur a donnée. Idem pag. 49.

ita ut ad hanc, tanquam ad ultimum finem cætera ordinare decreverit. At plurimum hallucinantur, qui rem ita concipiunt. Nam, ut supra etiam inuimus, quod primo respicit Deus in omnibus operibus tanquam ultimum finem, est ipsemet, gloria sua, suarumque perfectionum manifestatio: cui fini id quod proximius est, & immediatum, est *bonum totius universi*, ad quod cætera quæque refert peculiaria bona, vel mala, sicut & perditionem ipsam plurimum hominum, & Angelorum: quod plane exigit munus Rectoris, & Provisoris universalis. Qua de re pulcherrime, differit Angelicus Doctor, cujus unam, aut alteram sententiam placet excubere, ut Adversariorum deceptio radicitus amputetur. Sic igitur docet ille *lib. 3. Cont. Gent. cap. 64.*: „numquodque intendens aliquem finem, magis curat de eo, quod est propinquius fini ultimo: quia hoc est etiam finis aliorum. Ultimus autem finis, divinæ voluntatis est bonitas ipsius, cui propinquissimum in rebus creatis est bonum ordinis totius universi, cum ordinatur ad ipsum sicut ad finem omne particulare bonum hujus, vel illius rei: sicut minus perfectum ordinatur ad id, quod est perfectius. Unde & quælibet pars invenitur esse propter suum totum. Id igitur quod maxime curat Deus in rebus creatis est ordo Universi. Et *lib. 1. cap. 86.* „Bonum, inquit, particulare ordinatur ad bonum totius, sicut ad finem, ut imperfectum ad perfectum. Sic autem cadunt aliqua sub divina voluntate, secundum quod se habent in ordine boni. Relinquitur igitur, quod bonum Universi sit ratio, quare Deus vult unumquodque bonum particulare in Universo. Et ad hoc comprobandum idem adhibet Genesios testimonium, quo abusus est Author Anonymus. Sic enim concludit caput 45. lib. 3. ubi rerum diversitatis causam assignat: „hinc est, quod dicitur „Genes. 1. *vidit Deus cuncta, quæ se-*

cerat, & erant valde bona: cum de singulis dixisset, quod sunt bona: quia singula quidem sunt in suis naturis bona: simul autem omnia valde bona sunt propter ordinem Universi, quæ est ultima & nobilissima perfectio in rebus. „

XII. Hanc doctrinam novissime fusius exposuit, ac illustravit adversus Bellium Leibnitium in Theodicea relate ad permissionem mali sive peccati. Ex qua proclive omnibus est colligere perperam Origenistas representare divinam bonitatem, & Providentiam ita hominum æternæ salutis addictam, ac veluti obligatam, ut hanc unice, aut in primis respiciat, aliaque omnia huic subijciat, adeoque, quamquam aliquandiu nocentes punire possit, non tamen perpetuo a possessione æternæ felicitatis excludere. Hæc idea divinæ bonitatis ac Providentiæ a vero longissime distat. Quare argumentum, quod ex hisce Dei dotibus conficiunt, nullius roboris est, suaque sponte cadit. Si enim finis ultimus, quem in cunctis operibus Deus respicit, est sua gloria, bonumque Universi bonis omnibus particularibus excellentius, cui etiam æterna hominum salus subordinatur, nihil unquam evincunt ex Dei Providentiâ, nisi prius ostenderint conducibilis esse ad Dei gloriam, & Universi bonum, quod creaturæ omnes rationales æterna felicitate donentur, quam quod deserantur in statu sempiternæ miseræ, in quem ipsæ propria voluntate præcipites se dedere. Sed hoc unde, aut quomodo rescire potest miser homuncio? Non sane ab ipso naturali lumine, quod a terra vix altius assurgit, neque particularia rerum bona sæpe cognoscit. Illud unum itaque superest, ut hoc ex divina revelatione nobis innotescat. Verum si hanc audimus, nedum æternam plurimum damnationem Universi totius bono, divinæque gloriæ non adversari, quin potius in eum finem optime conspirare dicendum est.

CAPUT XXI.

Solvitur alterum argumentum, quod ex Divina pietate, & clementia promunt. Falsa imaginatio Petri Bellii de Deo puniente discutitur. Præcipua vis objectionis, quam urgent Adversarii jam a Divo Thoma disiecta. Ejus responsio magis explicatur, ac roboratur aliis Sancti Doctoris documentis. Deus non delectatur in punitione impiorum, nec illam per se querit, sed debitum rerum ordinem, qui inde confurgit, & conservationem justitiæ, quæ illi accepta est propter se ipsam. Dammati immobiliter hærent in pravo erga culpam affectu. De causis describitur hujusce immobilitatis in malo.

I. **A**lterum argumentum contra poenarum æternitatem arcessunt Origenistæ ex Dei pietate, atque clementia, quas dotes eximias neutiquam ipsi constare autumat, si ponatur sempiternas poenas infligere. Pietas enim, inquit, sive misericordia est compassio alienæ miseriæ, & ad eam relevandam impellit. Clementia autem lenitas quadam animi est in poenis irrogandis, movetque ad eas minuendas, aut alleviandas. Quis vero utramque hanc virtutem in illo concipiat, qui creaturas rationales in æterna miseria derelinquit, cum alias a calamitoso statu relevare eas facile possit, nec supplicia mitigat, aut eorum diminuit durationem?

II. Hoc argumentum ita propositum facillime eliditur. Aliud namque est, quod in Deo sint præclaræ hujusmodi dotes misericordia, & clementia: aliud quod illas cum omnibus, ac semper exercere teneatur. Primum illud verum est: alterum omnino falsum. Nam ut egregie animadvertit S. Thomas 2. 2. quæst. 157., tum severitas, quæ reddit animum inflexibilem in inflexione poenarum, tum clementia, quæ ipsi videtur opposita, secundum rectam rationem esse debet, ut utraque virtus sit: adeoque Deus juxta consilium sapientiæ suæ utramque exercet, nec aliter exercere valet. Quapropter absque ullo misericordiæ & clementiæ suæ detrimento, poterit juxta rectissimam rationem

suam impios in ea miseria perpetuo deferere, in quam ipsimet se conjecere, eorumque haud delinire cruciatus. Cæterum jam Deus abunde & misericordiam, & clementiam suam cum omnibus in hoc mundo patefecit, semperque patefaciet cum electis suis in æterna gloria: neque necesse est ut etiam cæteris aliis justo judicio suo damnatis eas æternum ostendat (a). Sic enim Mosem alloquens protestatus est: *misereror, cui voluero, & clemens ero, in quem mihi placuerit.*

III. Ut vim aliquam argumento sponte sua corruenti Adversarii adjiciant, illud hoc pacto instaurant. Ut ut concedamus minime obstringi Deum, ut misericordem & clementem semet omnibus ac semper exhibeat, certum tamen esse debet nemini posse se exhibere favum, atque crudelem, cum hæc vitia sint, ejusque naturæ maxime repugnent. Porro turpissimam hanc notam Deus effugere nequit, si miseros homines in omnem æternitatem puniat: quod duplici modo probare adnituntur. Primum magna ingenii sui ostentatione exaggerat, atque declarat loco sæpe citato Petrus Bellius exemplo humanæ justitiæ his verbis: „Tanquam crudelem, „inquit, ex innata quadam pietate estimamus, exhorremusque Judicem, „aut Principem reum lento igne punientem, ut diutius maneat in horrendo illo cruciatu. Supremum, quod „fontibus per Judicem sententiam in-

P p 2

,, fer-

(a) Plures Theologi contendunt, quod etiam Deus misericordem se præbeat in ipsos Dam-natos, quatenus eos puniat citra condignum. Sed quia non omnes hanc amplectuntur sententiam, ideo huic non insisto.

„ferri solet, supplicium, nempe *mortis*, brevissimo plerumque dolore con-
 „sumatur: nec ulla publica potestas
 „approbat, quod diutino tempore tor-
 „quantur, quos nece condemnat:
 „nullusque est, qui non commoveatur,
 „& exandescat in carnificem, qui non
 „statim primo ictu, sed altero dunta-
 „xat; aut tertio, vel quarto caput delin-
 „quentis abscondat. Quanto magis igitur
 „statim primo præferet & crudelitatem,
 „quod infelices Dammati sic a Deo ple-
 „ctantur, ut non unius, aut alterius
 „diei, sed æterni igne crementur „.

IV. Ficulneum hoc esse argumen-
 tum, & sola imaginationis nostræ ludifi-
 catione nixum, vel hac unica animad-
 versione satis evincitur, quod scilicet ni-
 mium illud probaret, & nedum Catho-
 licorum, sed etiam Origenistarum sen-
 tentiam everteret. Nonne Origenistæ
 uno ore docent, quod reproborum tor-
 menta sin perpetuo, diu admodum
 saltem duratura sint, adeo ut per plura ac
 plura secula terribili inferni igne torreri
 debeant miseri dammati, antequam ex
 illo supplicio, per divinam misericor-
 diam eruantur? Ita plane affirmant om-
 nes, atque ita exponenda putant Scrip-
 turarum verba, quibus inferni ignis,
 ac tormenta vocantur *æterna*, ut scili-
 cet vox *æterni* exprimat tempus valde
 diuturnum, ac secula propemodum in-
 numerabilia, quorum finis designari ne-
 queat. Ecce ergo idem Argumentum,
 quod in Catholicos intorquet, ipsos
 quoque feriens, atque prostruens. Si
 juxta Bellii exemplum crudelitatis merito
 argueretur Princeps, qui reum lento
 igne torrendum præciperet, ut plures
 dies, aut menses inter flammarum cru-
 ciatus vitam protraheret; potiore sane
 titulo crudelitatis arguendus esset Deus,
 qui juxta ipsorum doctrinam non a-
 liquot dies, menses, aut annos, sed
 plura, ac plura secula damnatos in igne
 pleclit, nostro hoc longe horribiliore.
 Quam ergo ipsi responsum afferent
 argumento, ut Deum tandiu punien-
 tem vindicent a crudelitatis nota; nos
 quoque afferemus pro æterna impiorum
 punitione defendenda. At vero aliam,

ut arbitror, asferre non poterunt, nisi
 Deum improbos punire pro meritorum
 ratione, eumque duntaxat jure vocari
 posse crudelem, qui in delinquentibus
 puniendis delicti mensuram excedit:
 quod de supremo Judice dici nequit,
 qui vel potius punit citra condignum,
 vel saltem non punit ultra condignum.
 Atque de hac fallaci imaginatione fa-
 tis. Ad modum alterum accedo, qui
 graviorem specie tenus continet difficul-
 tatem.

V. Alter igitur modus ita ferme pro-
 ponitur. Sævus & crudelis ille merito
 judicatur, qui in reis puniendis non
 eorum emendationem, aut correctio-
 nem, sed punitionem ipsam propter se
 querit. Posito autem, quod poena, quæ
 reis infligitur, non temporaria, sed æ-
 terna sit, jam non eorum emendatio,
 aut correctio queritur, sed sola punitio
 propter se. Igitur nedum sententia po-
 enam æternam adstruens omnem a Deo
 misericordiam, & clementiam tollit,
 sed & sevitiæ affigit, atque crudeli-
 tatem: quod cogitare nefas.

VI. Hoc eodem argumento permoti
 fuisse videntur ad inficiendam futuri
 supplicii eternitatem Platonici, quos re-
 fert S. Augustinus lib. 21. de Civit.
 Dei cap. 13. Platonici, inquit S. Pater,
quamvis impunita nulla velint esse pecca-
ta, tamen omnes penas emendationis ad-
biberi putant, vel humanis infliclas legi-
bus, vel divinis, sive in hac vita, sive post
mortem, si aut parcatur hic cuique, aut
ita pleclatur, ut hic non corrigatur. . . . Qui
hoc opinantur nullas penas nisi purgato-
rias volunt esse post mortem, ut quoniam
terris superiora sunt elementa, aqua, aer,
ignis, ex aliquo istorum mundetur per
expiatorias penas, quod terrena conta-
gione contractum est. Hæc ille.

VII. Idem argumentum sibi objecit
 S. Thomas 1. 2. q. 87. art. 3. his ver-
 bis: „poenæ, medicinæ quædam sunt,
 „ut dicitur in 2. *Ethic.* Sed nulla me-
 „dicina debet esse infinita: quia ordi-
 „natur ad finem: quod autem ordinatur
 „ad finem, non est infinitum, ut Phi-
 „losoph. dicit in 1. *Polit.*: Ergo nulla
 „poena debet esse infinita. „ Et in sup-
 plem.

plem. 9. 99. art. 1. eandem objectionem ita proponit: „ a iusto Iudice „ non inferitur poena nisi ad correctionem.... Sed quod impium in aeternum „ puniatur, hoc non est ad correctionem eorum, nec aliquorum aliorum, cum tunc non sint aliqui futuri, qui „ per has corrigi possint; ergo secundum divinam iustitiam non inferitur „ pro peccatis aeterna poena „.

VIII. Porro responsio, quam huic Argumento adhibet Sanctus Doctor, haec est. Primo loco ait: „ Ad secundum dicendum, quod poena, quae etiam secundum leges humanas infligitur, non semper est medicinalis ei, qui punitur, sed solum aliis: sicut cum latro suspenditur, non ut ipse emendetur, sed propter alios, ut saltem metu poenae peccare desistant „, secundum illud Proverb. 19. *pestilente flagellato filius sapiens erit*. Sic igitur & aeternae poenae reproborum a Deo infliguntur sicut medicinalis his, qui consideratione poenarum abstinere a peccatis, secundum illud Psal. 59. *dedisti mentibus te significationem, ut fugiant a facie arcus*. „ Altero autem loco eodem exemplo humanae iustitiae duplex poenarum genus distinguit, inquit: „ poenae, quae infliguntur his, qui a Civitatis societate non penitus ejiciuntur, sunt ad emendationem eorum ordinatae. Sed illae poenae, per quas aliqui totaliter a Civitatis societate exterminantur, non sunt ad correctionem eorum. Possunt tamen esse ad correctionem „, & tranquillitatem aliorum, qui in Civitate remanent. Et ita damnatio aeterna impiorum est ad correctionem eorum, qui nunc sunt in Ecclesia. Non enim poenae sunt ad correctionem solum quando infliguntur, sed etiam quando determinantur „. Paucis igitur haec est propositi Argumenti solutio, non esse scilicet de conceptu poenae, ut ad delinquentis correctionem iusseratur, ut patet in poenis ab humano Iudice infligendis mortis, exilii perpetui, aliarumque, quibus non correctio illius quaeritur, sed poenitio, quia tamen pu-

nientis labes ulla crudelitatis inuratur.

IX. Verum ut nihil contra mutire valeant Adversarii, quaedam addenda sunt ad pleniorum hujusce argumenti solutionem ex doctrina ejusdem S. Praeceptoris. Si qua inest propositae objectioni difficultas, in hoc sita est, quod nempe, si poenae, quae a Deo peccatoribus infliguntur, aeternae sunt, videatur Deus in illis propter se delectari, atque in ipsa sistere delinquentium punitione. Non enim aeternae poenae ad utilitatem aliquam referri possunt, vel eorum, qui puniuntur, ut liquet, vel aliorum quorumcumque; nulli siquidem erunt in statu aeternitatis, qui ex reproborum poenis proficere queant. Porro delectari in poenis propter se, & in ipsa delinquentium punitione sistere, proprium est animi savi atque crudelis, qui Deo convenire nequit. Nam ex Philosophorum consensu aequus Iudex in inferendis poenis communem utilitatem sibi tanquam finem praestituere debet. Atque hinc celebre illud proloquium, quod laudat Seneca de Clementia lib. 1. *Nemo prudens punit, quia peccatum est; sed ne peccetur*: seu, ut homines, dum puniri delicta cernunt, ab iis perpetrandis absterreantur.

X. Ugo Grotius, qui hoc axioma a Seneca laudatum ex Platone refert de Jur. Bel. & Pac. cap. 20., censet illud in hominibus punientibus verum esse, non autem in Deo. „ Nam homo, inquit, ita homini alteri ipsa consanguinitate alligatur, ut nocere ei non debeat, nisi alterius boni consequendi causa. In Deo alia res est, ad quam Plato dictam sententiam male extendit. Dei enim actiones nitae possunt ipso summi dominii jure, praesertim ubi meritum hominis speciale accedit, etiamsi finem nullum sibi proponat extra ipsas, ita ut cum impium punit, non alio fine hoc faciat, quam ut puniat, seu puniendae iustitiam demonstret, etiamsi ad neminem exemplum pertineat „.

XI. Huic observationi, quam veram existimo, lux clavior, ac robur accedet

ex aurea S. Thomæ doctrina, quam tradit p. 2. q. 87. art. 1., ubi tres ordines distinguit, quibus subditur humana voluntas, & contra quos peccando insurgit: Primo nempe ordinem propriæ rationis: secundo ordinem exterioris hominis gubernantis vel spiritaliter, vel temporaliter, politice, seu æconomice: Tertio ordinem universalem divini regiminis. Hi omnes ordines per peccatum pervertuntur; & consequenter necesse est ut peccator in illos insurgens, eoque pervertens, ab eo ordine, & Principe ordinis deprimatur, sive puniatur. At vero in hoc a supremo & divino differt Rector humanus, seu humanæ Reipublicæ, quod cum ipsius regimen limitetur ad solos homines, nec aliud bonum respiciat, nisi civium ad societatem suam pertinentium, sive eorum pacem & concordiam; hoc bonum maxime querere debet in suo regimine, & ad illud suas actiones omnes referre, atque adeo ipsam quoque nocentum punitionem. Unde bonus ac sapiens Iudex reus pœnas hoc fine præsertim infligit, ut dum cives non impune committi delicta cernunt, ab eis deterreantur, seque in officio contineant, ac leges custodiant: quo bonum exterius Reipublicæ regitur, & conservatur. Sed Deus, qui est Rector totius Universi, bonum omnium in primis respicit, & curat, adeoque nedum hominum, sed & cæterarum quarumcumque rerum, quatenus conspirat in bonum totius. Cum ergo inter cætera bona, quæ in bonum universale conspirant, extet etiam punizio reorum, & conservatio iustitiæ, quæ est Deo accepta propter se ipsam, sequitur ut Deus etiam in statu æternitatis, in quo nemo ex impiorum punitione proficere poterit, aut abstergeri a peccando, pœnas impiis infligere queat, absque eo quod Damnatorum pœnas propter se ipsas velit, sed propter ordinem, bonumque iustitiæ, ac proinde absque ulla penitus crudelitatis, aut sævitiæ labe. En verba D.

Thomæ præclare admodum de hac re differentis lib. 3. Cont. Gent. Cap. 54. : „ Est autem, inquit, concedendum, „ quod pœnæ inferuntur a Deo non propter se (idest propter ipsas pœnas), „ quasi Deus in ipsis deleatur, sed „ propter aliud, scilicet propter ordinem imponendum creaturis, in quo „ bonum universi consistit. Exigit autem hoc ordo rerum, ut proportionabiliter omnia divinitus dispensentur: propter quod dicitur in lib. sapientie, quod Deus fecit omnia in numero, pondere & mensura. Sicut autem præmia proportionaliter respondent actibus virtuosius, ita pœna peccatis; & quibusdam peccatis proportionaliter pœnæ sempiternæ, ut ostensum est. Infligit igitur Deus pro quibusdam peccatis pœnas æternas, ut debitus ordo fervetur in rebus, qui „ ejus sapientiam demonstrant. „

XII. Quamvis autem hujusmodi bonum, quod maxime inspicit Universi Rector in pœnis infligendis, satis sit vindicandæ divinæ severitati ab impiorum calumniis; aliud præterea assignat idem Sanctus Thomas (a), ad quod utiles sunt æternæ pœnæ quibus reprobi puniuntur dicens, „ impiorum pœnæ „ in perpetuum duraturæ non erunt omnino inutiles. Sunt enim utiles ad „ duo. Primo ad hoc quod in eis divina iustitia conservetur, quæ est Deo „ accepta propter se ipsam. Unde Gregor. 4. Dialog. : omnipotens Deus, „ quia pius est, miserorum cruciati non „ pascitur: quia autem iustus est, ab iniquorum ultione in perpetuum non sedatur. „ Secundo ad hoc sunt utiles, ut de his „ electi gaudeant, dum in his Dei iustitiam contemplantur, & dum se evasisse eas cognoscunt. Unde in Psal. 57. „ letabitur iustus, cum viderit vindictam „ &c. Et Isaiæ 66. erunt, scilicet impii, „ usque ad satietatem visionis, scilicet „ sanctis, ut Glossa dicit. Et hoc est, „ quod Gregor. dicit 4. Dialog. : iniqui „ omnes æterno supplicio deputati sua qui- „ dem

(a) in supplem. quæst. 99. art. 1. ad 4.

„dem iniquitate puniuntur, & tamen ad
 „aliquid ardebunt, scilicet ut iusti omnes
 „& in Deo videant gaudia, quæ perce-
 „perunt, & in illis perspiciant suppli-
 „cia, quæ evaserunt: quatenus tanto
 „magis in æternum divinæ gratiæ debi-
 „tores se esse cognoscant, quanto in æter-
 „num mala puniri conspiciunt, quæ ejus
 „adjuutorio vicerunt.

XIII. Adhuc tamen se victos fateri
 renuunt Adversarii, aliæque ex parte
 prælium instituunt, ut evincant pugna-
 re cum divina pietate & clementia æter-
 nas improborum pœnas. Inquiunt ergo,
 hoc vi suapte pœnam habere, præsertim
 si aliquandiu duret, ut nocentem ad cor-
 rectionem tandem adducat, & ad pœ-
 nitentiam scelerum, quibus eam prome-
 ritus est, veluti compellat. Quis enim
 est adeo sui oblitus & hostis, tam per-
 vicax & obstinatus in scelere, qui atroci
 supplicio continenter attritus tandem
 non respiscat, ac Judicis pietatem la-
 crimis & gemitibus non exoret? Hoc
 itaque spectato rerum cursu, & hominis
 conditione, ac natura, eveniat, oportet,
 in omnibus damnatis. Cum enim
 tot undequaque acerrimis tormentis op-
 primantur, tamque vehementi ardoris
 sensu crucientur ob divinæ legis trans-
 gressiones, incredibile plane est, ut erro-
 res suos tandem non agnoscant illosque
 execrentur, atque adeo sincerum de com-
 missis delictis animi dolorem concipien-
 tes, assiduis stetibus & clamoribus divi-
 nam non interpellent clementiam, ut
 sibi ignoscat, sinemque iræ suæ demum
 imponat. Porro hac in damnatis posita
 dispositione, quis sibi persuadeat, Deum
 adeo misericordem & clementem nullo
 pietatis sensu erga miseros permotum iri,
 nec eorum auditurum gemitus & clamo-
 res, ut veniam scelerum concedat, eos-
 que abhorrendo inferni carcere in me-
 liorem statum reducat? Hæc ferme illi.

XIV. Verum inani spe se, aliosque
 lætant, misereque decipiunt, qui rem
 ita futuram opinantur. Ea quippe con-

fundunt omnino, quæ distinguere debe-
 rent juxta dispositionem a Divina Pro-
 videntia sapientissime constitutam, nem-
 pe *statum viæ*, & *statum termini*. Equi-
 dem pœna præsertim diuturna vim de se
 habet avocandi animum a delicto, & delin-
 quentem ad penitentiam perducendi,
 si hujusce mutationis capax sit. At vero
 si eo in statu ponatur, ubi nulli vo-
 luntatis mutationi sit locus, sed affectu
 suo immobiliter adhæreat rei, quam
 nefarie complexus est; ob subjecti in-
 capacitatem istiusmodi effectum pœna ne-
 quaquam parit. Porro ex sexcentis Scri-
 pturarum locis constat, hoc a divina
 Providentia statutum fuisse, ut & præ-
 sens vita esset *status viæ*, qua per bona
 opera ad terminum deveniremus felicitatis
 æternæ, & futura *status termini*, in
 quo præcluso omni aditu ad merendum
 amplius, vel demerendum, aut præ-
 mium reciperemus, aut supplicium eor-
 um, quæ hic bene, vel male gessimus.
 Quæ divinæ Providentiæ dispositio in
 Scripturis luculentissime declarata, a pri-
 mis Ecclesiæ nascentis exordiis ad nos
 usque perpetua successione, nulloque,
 si Origenem excipias, discrepante per-
 venit (a), ipsoque spectato rerum or-
 dine, creaturis rationalibus admodum
 consentanea est. Condecens quippe erat,
 ut supremus rerum omnium Provisor
 creaturis libero arbitrio pollentibus tem-
 pus aliquod constitueret, in quo & be-
 ne utentes arbitrii libertate præmium,
 & male utentes supplicium promereren-
 tur: aliud vero, in quo alterutrum pro
 meritorum conditione reciperent. Unde
 sicut nulla est vicissitudo, fatentibus
 Adversariis, a bonitate ad malitiam, a
 virtute ad vitium iis, qui sibi in hoc
 statu *viæ* per operibus bonam æternam bea-
 tudinem compararunt: ita nulla vi-
 cissitudo esse debuit in iis, qui sibi in
 hoc eodem statu per scelera æternam
 miseriam promeriti sunt: adeoque nun-
 quam damnati veram, & salutarem pœ-
 nitentiam agent, nunquam sincerum con-

(a) Omnes communiter consentiunt, quod post diem iudicii non erit aliquod meritum, vel demeritum &c. Post diem autem iudicii erit ultima consummatio bonorum, & malorum, ita quod nihil erit ulterius addendum de bono vel de malo. S. Thom. in supplem. quæst. 98. art. 6.

conciunt de suis flagitiis dolorem, aut tristitiam: sed semper in peccato, peccato affectu obfirmati citra ullam mutationem persistenter.

XV. Quod si quis proximiorum huiusce oblationis in malo causam sciscitetur, duplici ex capite eam derivat S. Thomas in disput. *quest. 24. de verit. art. 10.*, quemadmodum & ex duplici capite provenit liberatio a peccato. Duo namque ad justificationem concurrunt, oportet, divina scilicet gratia principaliter operans, & humana voluntatis arbitrium gratie cooperans. Causa igitur confirmationis in malo, partim quidem accipienda est ex Deo, partim ex libero arbitrio. Ex Deo quidem, non sicut faciente vel conservante malitiam, sed sicut non largiente gratiam: quod quidem ejus iustitia deposcit. Iustum est enim, ut qui bene velle, dum possent, noluerunt, ad hanc miseriam deducantur, ut bene velle omnino non possint, five gratie subsidio perpetuo careant, unde posse velle aliquid ad piam, & utilem poenitentiam necessario pendet. Hoc immobile divine voluntatis decretum subtrahendi damnatis auxilia gratiae, quibus a peccato resurgant, innumera probant Sacrorum librorum oracula, quae jam protulimus. Hinc reprobus apud Apostolum ad Rom. solum ira & indignatio Omnipotentis denunciatur. Hinc ipsorum status comparatur nocti tenebrosae, in qua nullus divinae clementiae subluet radius. Hinc affines aliae plures locutiones, quae supernae pietatis salutare influxus ab illo calamitoso loco penitus excludunt. Quare ut sapienter observat idem S. Doctor par. 2. *quest. 85. art. 2. ad 3.*, *quamvis in damnatis maneat naturalis quaedam inclinatio ad virtutem, non tamen contingit, quod unquam reducatur in actum: quia nempe deest gratia secundum divinam iustitiam.* Est autem congruum exemplum de caeco, in quo remanet aptitudo ad videndum in ipsa radice naturae in quantum est animal naturaliter habens visum. Sed non reducitur in actum, quia deest causa, quae possit reducere eum in actum formando organum.

XIV. Haec itaque prima ac principalis origo est, cur damnati de sceleribus

suis salutarem poenitentiam nunquam concipiant. Altera est humana ipsa voluntas obfirmata in pravo objectum peccati sui affectu, quod (verba sunt ejusdem Sancti Praeceptoris *quest. 1. de malo*) *damnati voluntas omnia, quae vult, in ordine ad perversum finem, cui adhæret: quia semper est aut in actuali, aut in virtuali desiderio illius finis, utpote facto sibi connaturali.* Quod amplius declarat loco citato de verit. ad 14. inquit: *peccatum libero arbitrio adveniens non admittit aliquid essentialium: quia species liberi arbitrii non remaneret. Sed per peccatum aliquid additur, scilicet unio quaedam liberi arbitrii cum fine perverso, quae ei quodammodo naturalis efficitur.* Et ex hoc necessitatem habet, sicut & alia, quae sunt libero arbitrio connaturalia. Id exemplo fati, ut mihi videtur, idoneo explicari potest, eorum videlicet, qui impotenti aliqua cupiditate vel odii, vel vindictae, vel libidinis aguntur, maximeque si ob vehementem ejusdem impetum in insaniam, aut amantiam incendant. Eos saepe videas adeo defixos in objecto inordinatae affectionis, ut continenter de eo cogitent, ac loquantur, nec ab ejusdem desiderio, & complacentia dimoveri queant, tamen aut flagellis atterantur, aut ex ejus prosecutione plurima sibi mala obvenire cognoscant. Non absimili modo (si, quae hic contingunt, exemplo esse possunt illorum, quae in alio vitae statu futura sunt) oblationem Damnatorum in malo intelligere licet. Adeo infelices pertinaciter adhærescent rebus iis, quas perversè dilexerunt, ut inordinatae cupiditatis vi obruta ratione, & amisso consilio, quamquam terribiles divina ultionis ictus jugiter experiantur, nunquam tamen pravum deponant affectum, malintque potius durissime cruciari, quam de peccatis, quorum causa cruciantur, sinceram poenitentiam agere. Corrupta igitur erit Damnatorum mens, & incapax sanum aliquid capiendi consilium: ipsique adeo semper in erronea judicia prodeuntes melius sibi esse judicabant vitam in tormentis traducere, quam ex animo odio illud habere, quod maximam ipsis miseriam

seriam inferi: quo manente iudicio fieri minime potest, ut voluntas a pravo obiecto avertatur, veramque de peccato suo poenitentiam agat. Sed adhuc audire proderit S. Thomam de hac re ita loquentem *Opusc. 3. cap. 175.* „ Ex hoc, quod „ voluntas malorum obstinate firmetur „ in malo, semper appetent ut optimum, quod prius appetierunt. Non „ ergo dolebunt se peccasse. Nullus enim dolet se profectum esse, quod „ aestimat esse optimum Dolent „ ergo mali, quia peccata commiserunt, „ non propter hoc, quia peccata eis displiceant: quia etiam tunc valent peccata illa committere, si facultas daretur, quam Deum habere: sed propter hoc, quod illud, quod elegerunt, ha-

„ bere non possunt, & illud quod respue- „ runt, possent habere. Sic igitur & vo- „ luntas eorum perpetuo manebit ob- „ stinata in malo, & tamen dolebunt de „ culpa commissa, & de gloria amissa „. Hinc etiam in suppl. quæst. 98. art. 2. admittit in eisdem damnatis aliquam de peccato poenitentiam, non qua peccatum ipsum propter se abominentur, sed ratione poenæ quam pro peccato subire coguntur, affectu ad peccatum semper retento. *Sine aliqua aversione*, inquit, *voluntatis continget, quod damnati de peccatis poeniteant: quia hoc non resurgunt in peccatis, quod prius appetiverunt, sed aliquid aliud, scilicet poenam.* Atque ex his in auras abit Adversariorum argumentum, quin opus sit quidpiam aliud adjungere.

C A P U T XXII.

Tertium, omniumque præcipuum contra eterna supplicia argumentum proponitur, quod videlicet cum Iustitia divina pugnare videantur. Quorundam sententia rejicitur, qui putant haud oportere ut poenæ aequalitas inveniat, adeoque Deum punire posse supra peccantis meritum. Aliam propterea ideam nobis ingenerant de supremo Iudice Deo sacra litteræ & recta ratio. Afferuntur responsa, quæ Originistarum argumento adhibent S. Augustinus, alique Patres, ac Theologi.

I. **T**ertium, ac postremum argumentum, quo tum Sociniani, tum Originistæ æternas impiorum poenas maxime oppugnant, sumitur ex ipsa divina Iustitia, cui tale supplicium aperte adversari confidentissime affirmant. Ajunt scilicet: secundum immutabilem iustitiæ legem sua debet esse inter culpam, & poenam proportio, aut æqualitas, ut nempe nemo amplius puniatur, quam meritum ejus exposcit. Nulla porro est, neque intelligi potest proportio, aut æqualitas inter culpam momentaneam, aut temporariam, & poenam sempiternam. Igitur Deus summus iustus, qui reos supra merita neque punit, neque punire valet, pro culpis temporariis non inferi poenas æternas, planeque Iustitiæ Dei injurii sunt, qui hu-

jusmodi poenas ab illo inferendas existimant, omnemque destruunt divinæ æqualitatis ideam, ut scribit Author *Relig. Essent. &c.* Hoc idem argumentum erat, quo potissimum permovebantur & Infideles, & veteres Originistæ ad poenarum eternitatem negandam. *Quidam eorum* (inquit S. Augustinus lib. 21. de Civit. Dei cap. xi.) *contra quos defendimus Civitatem Dei, injustum putant, ut pro peccatis quamlibet magnis, parvo scilicet tempore perpetratis, poena quisque damnetur æterna.* Et apud S. Joannem Chrysostomum Homil. 25. ad Roman. cur, aiebant Originistæ, *in æternum punimur, cum hic brevi tempore peccaverimus*! Quod & apud S. Gregorium Magnum tum in *Moralibus*, tum in *lib. Dialog.* legere est.

II. Nonnulli Authores (a) difficultatis

Q q por-

(a) Vide Tironum Ser. sæpe cit., & Authorem libri, cui titulus, *de duplici statu vite humane &c.* Apud Estium in Appendice.

pondere pressi negant priorem expositi a nobis argumenti propositionem, quod nempe necesse sit, ut culpam inter & penam proportio, aut æqualitas inveniat, sive quod nemo citra piaculum puniri queat supra commissi delicti meritum, & exigentiam. Hinc puniri peccata docent æterna pœna ob legem duntaxat a Deo latam, qua illa ita punire decrevit ad præceptorum suorum observantiam validius inducendam, & homines ab ipsorum transgressione deterrendos.

III. Sententiam hanc a vero profus alienam censeo, & sacræ Scripturæ, ac divinæ Justitiæ notioni adversam. Nam in primis sacræ litteræ sæpe testantur Deum in finali Judicio unicuique redditurum pro meritorum suorum conditione. Sic Matth. 16. com. 27. dicitur: *Filius hominis venturus est in gloria Patris sui: & tunc reddet unicuique secundum opera sua.* Paria leguntur in Epist. ad Rom. cap. 2., & Apocalyp. cap. 20., & cap. 22., & cap. 18. de Muliere Meretrice decernitur: *quantum glorificavit se, & in deliciis suis, tantum date illi tormentum & luctum.* His autem, aliisque similibus textibus sua veritas minime constat, non admissa proportionem inter culpam, & pœnam æternam. Tunc enim non redderet Deus unicuique juxta opera sua, sed supra ipsorum meritum, & qualitatem, nec pro peccati mensura esset & plagarum modus, ut verbis Scripturæ loquar, sed longe illam suppliciorum excederet.

IV. Ulterius sacra oracula perpetuo prædicant, *justum Deum esse in omnibus visis suis, judicaturum orbem terrarum in æquitate, veraque & iusta esse judicia ejus*, idque in executione ipsa supremæ sententiæ, qua reprobos ad sempiternas pœnas damnabit, ut patet ex Apocalypsi cap. 19. com. 2.. Hæc autem, aliæque similia salvari neutiquam possunt, si reproborum merita pœnam æternam ex se non exigenter, cui a summo Judice addicentur. Nam, ut ex communi hominum sensu docet S. Thomas 2. 2. quæst. 56., *justitia unicuique tribuit, quod ipsi debetur, ejusque medium, quod respicit,*

rei est, non rationis, seu consistit in quadam proportionis æqualitate rei exterioris ad personam exteriorem. Unde recte observat in 4. dist. 46. quæst. 1. art. 1., *non ex hoc tantum dici aliquid esse justum, quia est a Deo volitum, sed quia est debitum alicui rei creata secundum ordinem creature ad creaturam.* Hac de causâ sæpe in sacris libris justitia Dei veritas nominatur: *quia* (inquit ibidem S. Doctor) *cum veritatis ratio consistat in adæquatione rerum ad intellectum, inde est, quod nomen veritatis transfertur ad significandam adæquationem operum justitiæ ad rationes justitiæ: & hæc est veritas, quam dicimus Justitiæ veritatem.* Et secundum hoc ipsa Justitia est idem, quod veritas. Sed tamen Justitia dicitur secundum æqualitatem exterioris constitutam: sed veritas dicitur secundum commensurationem exterioris æqualitatis ad rationes, quæ sunt in mente.

V. Roboratur hæc doctrina ex discrimine, quod versatur inter bonitatem, & liberalitatem Dei, ejusque Justitiam, & æquitatem: quod eleganter citato loco declarat idem S. Thomas dicens: *Deus donator omnium bonorum est, & in eum omnis peccator peccat.* Unde ipse potest plus conferre de bonis, quam sit alicui debitum, & minus inferre de malis, vel etiam pœnam totaliter relaxare: nec in hoc contra Justitiam, sed præter Justitiam faceret. Sed si alicui minus conferret de bonis, quam ei debetur, vel plus puniret, quam peccasset, hoc contra ordinem justitiæ esset, nec Deus hoc posset loquendo de potentia ordinaria. Hinc vulgatum illud: *Deus de suo, bonus est, de nostro justus.*

VI. Denum, ut plura alia argumenta non attingam, id aperte colligitur ex illis Scripturæ testimoniis, quibus asseritur nullam impiis futuram conquerendam causam de divino Judicio, & sententia a summo Judice in eos lata. Sic amicis interrogantibus de Dei judicio respondit S. Job cap. 9.: *verescio, quod ita sit, & quod non justificetur homo compositis Deo.* Si voluerit contendere cum eo, non poterit ei respondere unum pro mille: hoc est, ut explicat S. Thomas

non poterit respondere. Nam rogatus homo in iudicio divino *hesitabit, obmutescet, respondere, aut contradicere, aut setueri minime poterit.* In *Psal.* pariter 50. & apud Apostolum in *Epist. ad Rom.* legimus de Deo, ut *justificeris in sermonibus tuis, & vincas cum iudicaris.* In sermonibus tuis, quibus poenam comminaris, & vincas cum iudicaris, idest cum aliis in iudicio compararis: *vinces tu nimirum, ac superabis illorum accusationes, qui te fortasse calumniantur quasi injustum, aut nimium crudelem scelerum ultorem (a).* Hinc etiam Sapientiae 5. dicitur: *accipiet armaturam zelus illius: induet pro thorace iustitiam, & accipiet pro galea iudicium certum, sumet scutum inexpugnabile aequitatem.* Quibus phrasibus describitur Deus tanquam paratus ad retundenda impiorum calumniarum jacula, suamque iustitiam ab injustis accusationibus vindicandam. Profecto, si vera esse sententia, quam impugnamus, contendere utique jure posset peccator cum Deo ad sempiternum cruciatum ipsum damnante, etque respondere, quod amplius exigat in punitione, quam ipse peccando promeritus sit, nec eam in infligenda poena proportionem, & æqualitatem servet, quam iustitiæ lex omnino deposcit, atque adeo nec Deus vinceret, cum iudicaret, aut iustitiam suam ab ipsorum posset accusatione defendere.

VII. Cum igitur ratum, certumque esse debeat Deum non punire damnatos supra meritorum rationem, nec poenam infligere, quam sibi debitam ipsi non fecerint, neque in hoc idem nostræ fallantur; sequitur ut ad examen vocemus alteram adducti Syllogismi propositionem, nullam scilicet proportionem esse inter peccatum temporarium, & poenam æternam. S. Augustinus, qui non semel hoc sibi argumentum objecit, duplici illud responsione refellit. Respondet in primis, cognoscere nos minime posse quamnam poena sit proportionata peccato, sed hoc ad Dei iudicium pertinere, adeoque perperam homines, hoc: uti ar-

gumento ad impugnandam poenarum æternitatem. Quia cuique culpa (scribit lib. de Nat. boni cont. Manich. cap. 31.) *qualis, & quanta poena debeat, divini iudicii est, non humani, sic scriptum est: o altitudo divitiarum sapientiæ, & scientiæ Dei, quam inscrutabilia sunt iudicia ejus, & investigabiles viæ ejus.* Subditque: *quia vero cum peccatoribus poena debita redditur, non est iniquitas apud Deum, sic dicit (Apostolus): quid dicemus? Nunquid iniquus Deus, qui infert iram? Uno autem loco. & bonitatem. & severitatem ab illo esse breviter admonuit dicens: vides ergo bonitatem & severitatem in, in eos quidem, qui ceciderunt, severitatem, in te autem bonitatem, si permaneris in bonitate.*

VIII. Altera ejusdem responsio est, non debere poenam, ut iusta sit, equari quantitati durationis culpe, ut in quolibet constat humano iudicio, quod iustum ab omnibus reputatur. Quam responsionem fuisse declarat lib. 21. de Civ. Dei cap. xi. his verbis: „ Injustum putant „ (Infideles.) ut pro peccatis quamlibet „ magnis, parvo scilicet tempore perpe- „ tratis, poena quisque damnetur æterna: „ quasi ullius id unquam iustitia legis at- „ tendat, ut tanta mora temporis quis- „ que puniatur, quanta mora temporis, „ unde puniretur, admisit. Octo genera „ poenarum in legibus esse scribit Tul- „ lius, *damnum, vincula, verbera, ra- „ tionem, ignominiam, exilium, mortem, „ servitutem.* Quid horum est, quod in „ breve tempus pro cuiusque peccati ce- „ leritate coarctetur, ut tanta vindicetur „ morula, quanta deprehenditur perpe- „ tratum, nisi forte Talio? Id enim agit „ ut hoc patiatur quisque, quod fecit. „ Unde illud est legis: *oculum pro oculo, „ dentem pro dente.* Fieri enim potest, „ ut tam brevi tempore quisque ami- „ tat oculum severitate vindictæ, quam „ tulit ipse alteri improbitate peccati. „ Porro autem si alienæ semine osculum „ infixum rationis sit verberare vindicare, „ nonne qui illud puncto temporis fece-

Q q 2 rit,

rit, incomparabili horarum spatio verberatur, & suavitatis voluptatis exiguae diuturno dolore punitur? Quid in vinculis, nunquid tandiu quisque iudicandus est esse debere, quandiu fecit unde meruit alligari, cum iustissime annosas pœnas servus in compedibus pendat, qui verbo, aut ictu celerissime transeunte vel laceravit Dominum, vel plagavit? Jam vero damnum, ignominia, exilium, servitus, cum plerumque sic infliguntur, ut nulla venia relaxentur, nonne pro huius vitæ modo similia pœnis videntur æternis? Ideo quippe æterna esse non possunt, quia nec ipsa vita, quæ hic plechitur, porrigitur in æternum: & tamen peccata, quæ vindicantur longissimi temporis pœnis, brevissimo tempore perpetrantur, nec quisquam existit, qui censeret tam cito nocentium finienda esse tormenta, quam cito factum est vel homicidium, vel adulterium, vel sacrilegium, vel quodlibet aliud scelus non temporis longitudine, sed iniquitatis, & impietatis magnitudine metiendum. Qui vero pro aliquo grandi crimine morte statuitur, nunquid mora, qua occiditur, quæ perbrevis est, ejus supplicium leges æstimant, & non quod eum in sempiternum auferant de societate viventium? Quod est autem de ista Civitate mortali supplicio primæ mortis, hoc est de Civitate illa immortalis homines supplicio secundæ mortis auferre. Sicut enim non efficiunt leges hujus Civitatis, ut in eam quisque revocetur occisus; sic nec illius, ut in vitam revocetur æternam secunda morte damnatus. Hæc ille.

IX. Par est responsio, quam ante S. Augustinum egregie persecutus est Theodorus Episcopus Abucaræ Disput. 14. cont. Origen. (a) inquit: „Omnem justitiam vel ex Dei lege, vel ex legibus, quas homines fanxerint, vel ex rebus naturalibus cognoscimus. Ha-

rum autem justitiæ specierum nulla pœnam temporalem irrogat, prout fornicatur quispiam, vel furatur, vel occidit unius horæ spatio. At lex Dei, hominumque leges homicidæ capitis damnantes, extremoque supplicio facinorosum aliquem afficientes, non unius in eum horæ spatio animadvertunt. Sed si morte quidem plestant, æterno eum supplicio afficiunt: vel si verberent, diuturnum ei dolorem ex rebus inferunt. Quin tu quoque si adulterum quempiam cum uxore, filiaque deprehenderes, non unius illum horæ spatio puniendum, sed trucidandum censeret: quod quidem æternum est hominibus supplicium. Sed ipse quoque rerum natura perinde se habent. Cum enim nobis, ne frigidam v. g. bibamus aquam, neve quoque noxio cibi genere utamur, interdictum sit, in vetitum tamen nitamur, diuturnas nimirum pœnas damus. Itaque sepe numero fit ex aquæ frigidæ potu, ignisve contactu, vel aceti usu, continuum morbum incurramus. Atqui natura iustissima est &c.

X. Atque eadem quoque propositio argumento responsio adhibetur a S. Joann. Chrysostomo *Homil. 25. ad Rom.*, & communiter a Theologis cum eorum Principe S. Thoma, qui 1. 2. q. 87. art. 3. hanc difficultatem versans, dicens, ait, quod pœna peccato proportionatur secundum acerbiteriam tam in iudicio divino, quam in humano. Sed in nullo iudicio requiritur, ut pœna aequetur culpæ secundum durationem. Non enim quia adulterium vel homicidium in momento committitur, propter hoc momentanea pœna punitur: sed quandoque quidem perpetuo carcere, vel exilio, quandoque etiam morte: in qua non consideratur occisionis mora, sed potius quod in perpetuum auferatur a societate viventium: & sic repræsentat suo modo æternitatem pœnæ inflicte divinitus: „

XI.

XI. Falluntur itaque Adversarii, dum a brevi temporis mora, qua peccatum committitur, arguunt contra iustitiam æternæ pœnæ, qua a Deo punitur: idque exemplo humani iudicii compertissimum est in allatis exemplis: neque enim quispiam fuit, qui illud iniustitiæ culpandum putaret, quod supplicii durationem non æquet cum duratione delicti. Sed & ipsi Adversarii fateri coguntur proportionem aut æqualita-

tem inter pœnam & culpam sumendam non esse ex mora temporis, quo culpa commissæ est, sed potius ex aliis principis, nisi sibi met ipsis refragari velint. Si enim juxta eorum placitum damnatorum pœna protrahenda est ad innumera ferme sæcula, nemo non intelligit proportionem æqualitatis non esse inter breve spatium, quo peccatorum vita præsens concluditur, & futura illa immensa spatia, quibus in inferno puniuntur.

C A P U T XXIII.

Æquitas æternæ pœnæ clarius manifestatur. Duplex peccati genus, alterum quod veniale appellant: alterum quod mortale. Huic solum pœnam nunquam deserviam per se respondere docet Catholica fides. Iuste peccatum hocce puniri perpetua pœna damni, sive privativa luculenter evincitur. Iuste etiam puniri pœna æternæ sentis, sive positiva, duplici S. Thomæ ratione defenditur.

I. Quamquam solutio argumenti præcipui Adversariorum ab Augustino, aliisque Patribus, ac Theologis adhibita optima sit, nihilominus intimiorem non assignat radicem, & causam condignitatis peccati ad pœnam sempiternam: nec, nisi aliud quidpiam addatur, omnino quiescit animus terribile illud supplicium sedula cogitatione perpendens. Quare neque Doctor Angelicus S. Thomas satis habuit eam attulisse solutionem, sed nonnullas præterea admodum congruentes rationes adjecit, ex quibus æquitas æternæ pœnæ manifestior apparet. Verum ut liquidius constet, qua ratione peccatum pœnam hanc sibi debitam faciat, illud in antecessum præmittere consultum est, quod & Catholica fides, & lumen ipsum naturale docet, duplex nempe peccati genus esse distinguendum, alterum quod Theologi *veniale* nominare consueverunt, alterum, quod *lethale*: Istud positum est in perversione ordinis, sive recessu, & aversione a Deo ultimo fine; & conversione ad creaturam tanquam ultimum finem: illud vero consistit in quadam inordinatione circa ea, quæ sunt ad finem, ordine ad Deum ultimum finem conservato. Duplici huic peccato duplex quoque longe dispar

pœna respondet juxta Ecclesiæ doctrinam, mortali quidem æterna, veniali vero temporaria, vel in hac, vel in futura vita luenda. Quam Ecclesiæ fidem rationi admodum consentaneam pluribus in locis ostendit S. Thomas, sed præcipue lib. 3. cont. Gentes cap. 143. inquit: „dupliciter contingit „peccare, uno modo sic quod totaliter intentio mentis avertatur ab „ordine ad Deum, qui est ultimus „finis bonorum: & hoc est peccatum mortale. Alio modo sic, quod „manente ordine humanæ mentis ad „ultimum finem, impedimentum aliquod afferatur, quo retardatur, ne „libere tendat in finem: & hoc dicitur peccatum veniale. Si ergo secundum differentiam peccatorum „oportet esse differentiam pœnarum, consequens est, quod ille, qui mortaliter peccat, sit puniendus sic, quod „excidat ab hominis fine: qui autem „peccat venialiter, non ita, quod excidat, sed ita quod retardetur, aut „difficultatem patiatur in adipiscendo finem: sic enim iustitiæ servatur „æqualitas, ut quomodo homo peccando voluntarie a fine se divertit, „ita pœnaliter contra suam voluntatem in finis ademptione impediatur. Hæc ille præclarissime.

II. Quapropter cum dicimus dignum iustumque esse ut peccatum æterna pena puniatur, id non de quocumque peccato intelligi oportet; sed de mortali duntaxat, eo videlicet, quo homo se avertit a Deo, & convertit ad creaturam velut ultimum finem. Alia vero peccata, quæ huiusmodi Ordinis perversionem non afferunt, libentissime fatemur penam ex se solummodo temporariam promereri, quæ cum in hac vita mortali non semper exsolvatur, exsolvenda remanet in vita futura ante extremi iudicii diem. Atque hæc doctrina officiis Origenistarum depellendis adeo accommodata visa est, ac necessaria Scriptori cuidam Lutherano (a), ut contra Ecclesiæ suæ præjudicia, in eam tandem concesserit, mediumque statum post mortem admiserit, in quo aliquorum animæ piacularibus, ac temporariis suppliciis plecterentur. Solum ergo peccatum illud, quod Deum ultimum finem abjicit, quod charitati opponitur, quod amicitiam cum Deo violat, quod creaturam Creatori præfert, dignum esse defendimus æterna pena, ita ut hæc ipsi secundum iustitiæ leges debeatur, nullamque adeo injuriam Deus inferat, dum propter istiusmodi peccatum creaturas in æternum punit. Porro cum pena, qua peccator in inferno plectitur, ut in superiore libro declaravimus, duplex sit, altera *damni*, in privatione visionis Dei ac beatitudinis posita, altera *sensus* in positivi supplicii experientia consistens, a priori incipio, eamque iuste infligi a Deo lucidissima S. Thomæ doctrina manifestare.

III. Fuse agit de hoc argumento S. Doctor lib. 3. cont. Gent. cap. 144., pluribusque rationibus evincit æquitatem sempiternæ huius pænæ ob lethale peccatum infligi, ex quibus unam tantum assero planiorem atque faciliorem. „Naturalis, inquit, æquitas hoc habere videtur, quod unusquisque privetur bono, contra quod agit: ex hoc enim reddit se tali bono indignum. Et inde est, quod secundum civilem ju-

stitiam qui contra Rempublicam peccat, societate Reipublicæ privatur omnino vel per mortem, vel per exilium perpetuum: nec attenditur quantitas fuerit mora temporis in peccando, sed quid sit contra quod peccavit. Eadem autem est comparatio totius vitæ præsentis ad Rempublicam terrenam, & totius æternitatis ad societatem beatorum, qui ultimo fine æternaliter potiuntur. Qui ergo contra ultimum finem peccat, & contra charitatem, per quam est societas beatorum, & tendentium in beatitudinem: in æternum debet puniri, quamvis aliqua temporis mora peccaverit. Hanc rationem ita confirmat quest. 5. de malo art. 1.: „cum aliquis peccando abjicit a se illud, per quod disponebatur ad aliquod bonum acquirendum, meretur, ut ei subtrahatur illud bonum, ad quod obtinendum disponebatur: & ipsa subtrahitio ejus boni est conveniens pena ejus. Et ideo conveniens pena peccati est subtrahitio gratiæ, & per consequens visionis divinæ, ad quam per gratiam ordinatur. „

IV. Hæc, ut mihi videtur, in aperta luce constituunt æquitatem pænæ, qua peccator perpetuo excluditur a possessione æternæ felicitatis. Profecto quis injustum esse dixerit, quod re ipsa privetur consecutione salutis, qui eam continenter neglexit, ac voluntarie amiserit? Quis divinæ bonitati hoc onus imponat, ut in æterni boni acquirendi viam revocet, qui illud constanter ad mortem usque contempsit, abiecitque? Quis a Dei iustitia exigat ut lumen, aut vitam illi restituat, qui sibi volens ac lubens aut oculos eruit, aut mortem intulit? Nonne etiam in humanis rebus hoc accidere sæpe cernimus, ut qui occasionem sibi oblatam non arripuit, unde totam vitam suam transgredere feliciter potuisset, perpetua miseria contabescere cogatur, quin de nullo præter seipsum conqueri jure valeat? *Deus ab initio* (inclamat Syracides) *constituit hominem ad æternam beatitudinem ordinatum*: &

reli-

reliqui illum in manu consilii sui, quo scilicet de semetipso, prout libuerit, arbitrii sui libertate disponderet: *adiecit mandata, & precepta sua*, ut ea fideliter observando perpetuam felicitatem consequeretur. *Si mandata servare voluerit*, quemadmodum potest, ac tenetur, ac bene uti libero suæ voluntatis arbitrio in hoc mortalis vitæ spatio ad recte agendum sibi concesso, ab æterna morte servabitur, bonisque omnibus, & beata immortalitate jugiter perfruetur. Si autem & libero arbitrio, & Dei gratia abutatur, vitæque contempta mortem potius eligat; injuria plane de Deo conqueretur, quod peracto vitæ hujus itinere, novum ipsi ad salutem aditum non aperiat, sed in eo miserrimo statu perpetuo deferat, in quo nullum ipsi futurum salutare poenitentiae locum jam sæpe prædixerat. Judicent æqui rerum aestimatores an quidpiam in hac pœna sit, quod justitiæ adversetur, an potius quod huic mirifice non consentiat?

V. Jam vero semel admissa æquitate hujuscæ pœnæ privativæ, quam nemo sapiens negaverit, in auras abit præcipuum fundamentum, immo totum ipsum systema recentium Origenistarum de Apocatastasi universali. malorum hominum, & Angelorum in meliorem vitæ statum. Si enim pœna perpetuæ exclusionis ab æterna felicitate, qua puniri impios asserimus, vel ipso naturali lumine justissimam se prodit, juste etiam Deus illam infligere poterit, sicut se inflicturn toties in sacris libris comminatus est: eaque inflicta nullus amplius patet restitutioni locus, sed impij omnes in sempiterna illa beatitudinis privatione manebunt, quam sibi peccando debitam fecere.

VI. Sed & alterum etiam æternæ pœnæ genus complectamur, *sensus* videlicet, sive positivæ, quam præsertim veluti injustam, ac supra omne peccantis meritum traducere student Adversarii. Antequam hujus etiam pœnæ æquitatem

ostendo, paucis sub oculo revoco, quod latius a nobis superiore libro demonstratum est, peccatum nempe præter pœnam damni, sive privativam, aliquam etiam positivam promereri, eamque justè a supremo Judice irrogari. Plura ad hoc probandum momenta protulimus: sed omnibus prætermisiss, hoc satis constat exemplo humanæ justitiæ crimosos jure damnantis vel ad metalla, vel ad triremes, vel ad carceris squallorem &c.: quæ pœnæ præter exclusionem a civium societate, & confortio, positivum nocumentum asserunt. Hoc ipsi Origenistæ lubenter admittunt, dum tempore valde diuturno reprobos igne, aliisque tormentis cruciandos docent. Quare de sola æternitate hujus pœnæ lis est, an justè pro temporario peccato inferatur: quod illi mordicus negant. Verum ab iis, qui hoc inficiari audent, contenduntque nullam esse proportionem inter culpam temporariam, & cruciatum æternum, primum quærimus ut edisserant nobis, quænam sit, aut unde repetant ipsi proportionem inter culpam brevissimo sæpe tempore perpetratam, & supplicia per innumera sæcula duratura, ut istiusmodi pœnæ æquitatem tueantur? Quidquid responderint, oppido vel æquitatem etiam probat æternæ pœnæ, vel nihil omnino probat unde pœnæ ab ipsis constitutæ æquitatem defendant. Neque enim alia suppetunt ad hoc probandum principia ex nativo rationis lumine ducta, quam quæ jam posuit Doctor Angelicus S. Thomas, ut peccata jure ac merito puniri sempiternis suppliciis ostenderet.

VII. Quatuor porro sunt rationes, quas in rem hanc adhibet S. Doctor, quarum duas hoc capite proponemus, duas alias, quæ potiores sunt, in sequentibus omni studio declaraturi. Prima itaque ratio hæc est (a), apud „divinum judicium voluntas pro factis computatur: quia sicut homines vident ea, quæ exterius aguntur, ita Deus inspicit hominum cor- „da:

„da: qui autem propter temporale bonum averſus eſt ab ultimo fine, qui in æternum poſſidetur, præpoſuit fruitionem temporalem illius boni æternæ fruitioni ultimi finis. Unde patet, quod multo magis voluiſſet in æternum illo bono temporali frui. Ergo ſecundum divinum iudicium ita puniri debet, ac ſi æternaliter peccaſſet. Nulli autem dubium eſt, quin pro æterno peccato æterna pœna debeatur. Debetur igitur ei, qui ab ultimo fine avertitur, pœna æterna. Eandem rationem jam antea attigerat S. Gregorius Magnus in caput 41. Jobi, & in 4. Dialog. cap. 44. dicens: *ad diſtriſti Judicis juſtitiam pertinet, ut nunquam careat ſupplicio, quorum mens in hac vita nunquam voluit carere peccato: & nullus detur iniquorum terminus ultionis, qui quandiu voluit, habere noluit terminum criminis.*

VIII. Elumbe putat hoc argumentum Tiltoſonus, quia, inquit, ſine fundamento aſſeritur omnes impios vel in peccato perpetuo manere, cum hoc incertum ſit, ac ſæpe plures, dum peccant, proponant a peccato aliquando recedere, ac de ipſo pœnitentiam agere.

IX. At ſcrupulum hunc jam præoccupavit, exemiſſique S. Thomas in 4. diſt. 46. queſt. 1. art. 3. inquiens: ſi obſciatur, quod quidam, peccantes mortaliter proponunt vitam ſuam in melius commutare, & ita ſecundum hoc non eſſent digni æterno ſupplicio, ut videntur; dicendum eſt ſecundum quosdam, quod Gregorius, (cujus ſententiam attulerat) loquitur de voluntate, quæ manifeſtatur per opus. Qui enim in peccatum mortale habitur, propria voluntate, ſe ponit in ſtatu, a quo erui non poſſet, niſi divinitus adjutus. Unde ex hoc ipſo, quod vult peccare, conſequenter vult in peccato perpetuo manere. Sicut ſi aliquis ſe in foveam projiceret, unde exire non poſſet, niſi adjutus, poſſet dici, quod in æternum ibi manere, voluerit, quantumcumque aliud co-

gitaret. Vel poſſet dici, & melius; quod ex hoc ipſo, quod mortaliter peccat, ſinem ſuum in creatura conſtituit. Et quia ad ſinem vitæ tota vita ordinatur, ideo ex hoc ipſo totam vitam ſuam ordinat ad illud peccatum, & vellet perpetuo in peccato manere, ſi hoc ſibi eſſet impune. Et hoc eſt quod Gregorius in 34. lib. Moralium ſuper illud Job, *aſtimabis abyſſum quaſi ſeneſcentem*, dicit: *iniqui ideo cum fine delinquerunt, quia cum fine vixerunt. Voluiſſent quippe ſine fine vivere, ut ſine fine poſſuſſent in ſuis iniquitatibus permanere. Nam magis appetunt peccare, quam vivere.*

X. Rationem alteram eodem loco contr. Gent. aſſignat S. Præceptor inquiens: *eadem juſtitie ratione pœna peccatis redditur, & bonis actibus præmium. Præmium autem virtutis eſt beatitudo, quæ quidem eſt æterna: ergo & pœna, quæ quis a beatitudine excluditur, & ſupplicio aſſignatur debet eſſe æterna.* Hanc optime, ut mihi videtur, declarat, & ſeruat Caſpenſis diſp. 16. ſect. 5. his verbis: „peccatum, quatenus eſt operatio deliberata creaturæ immortalis, hoc ipſo dignum eſt, ſi uſque ad mortem dureret, pœna, & ſupplicio æterno: quoniam creatura rationalis, quæ immortalis eſt, dum eſt in via, per delibatas operationes connaturaliter tendit in aliquem ſtatum perpetuum, in quo ſit conſtituenda pro ratione bonorum, aut malorum hujus vitæ. Et ideo, ſicut opera bona connaturaliter hominem perducunt ad ſelicitatem perpetuam; ita e contrario opera mala ſunt digna perpetua infelicitate. Hoc enim proprium eſt operum rationalis creaturæ, ut illis reſpondeat præmium aut ſupplicium infinitum ex parte durationis: neque enim inter meritum & præmium querenda eſt æqualitas in eſſe naturæ, in gradibus aut in partibus durationis, ſed potius in ratione præmii & meriti, ut ſcilicet illud bonum conferatur, quo opus dignum eſt, etiamſi minorem habet perfectionem in entitate. Solum enim æqualitas meriti, & præmii attenden-

,, da

„da est secundum æqualitatem mora-
 „lem: eademque ratio habenda est in
 „demerito. Quare opera bona dicun-
 „tur esse semina vitæ æternæ, nimi-
 „rum ad significandum virtute tantum
 „moraliter contineri in operibus bo-
 „nis, ea ratione, qua fructus, & cor-
 „pora viventia in seminibus continen-

„tur non formaliter, sed virtute. Sic
 „enim opus creaturæ rationalis, quate-
 „nus est operatio creaturæ immortalis
 „tendentis in quendam statum perpetuum,
 „est semen præmii, aut suppli-
 „cii perpetui: quia continet dignitatem
 „illius æternitatis sive in præmio, sive
 „in supplicio. Hæc ille.

CAPUT XXIV.

Proponitur tertia ratio S. Thomæ ad adstruendam æquitatem æternæ pœnæ sumpta ex inordinatione irreparabili per culpam inducta. Principia illustrantur, quibus firmata consistit: atque illud in primis: peccatum ex hoc inducit reatum pœnæ, quod pervertit ordinem: aliud deinde: inordinatio a culpa causata ex se irreparabilis est. Scrupulus eximitur D. Joannis Fectii Rostokiensis, & ad concordiam cum aliis Theologis revocatur. Dissipantur ea, quæ ad rationis robur infringendum afferunt Bellius, alique scriptores.

I. Tertia ratio ad proportionem adstruendam inter peccatum lethale, & pœnam sempiternam a Theologis frequentius adhibita, sumitur ex perpetua culpæ duratione: atque ita proponitur ab Angelico Præceptore 1. 2. q. 87. art. 3. præmissa sententia Christi Domini apud S. Marcum cap. 3., qui blasphemaveris in Spiritum Sanctum, non habebis remissionem in æternum, sed reus eris æterni delicti: „dicendum, quod sicut supradictum est, „peccatum ex hoc inducit reatum pœnæ, quod pervertit aliquem ordinem, manente autem causa, manet effectus. Unde quandiu perversitas ordinis remanet, necesse est, quod remaneat reatus pœnæ. Pervertit autem aliquis ordinem, quandoque quidem reparabiliter, quandoque autem irreparabiliter. Semper enim defectus, quo subtrahitur principium, irreparabilis est. Si autem salvetur principium, ejus virtute alii defectus reparari possunt: sicut si corrumpatur principium visivum, non potest fieri visionis reparatio, nisi sola virtute divina. Si vero salvo principio visivo, aliqua impedimenta adveniant visioni, reparari possunt per naturam, vel per artem. Cujuslibet autem ordinis est aliquod principium, per quod aliquis fit particeps illius ordinis. Et ideo

„si per peccatum corrumpatur principium ordinis, quo voluntas hominis subditur Deo, erit inordinatio, quantum est de se, irreparabilis, etsi reparari possit virtute divina. Principium autem hujus ordinis est ultimus finis, cui homo inhæret per charitatem: Et ideo quæcumque peccata avertunt a Deo charitatem auferentia, quantum est de se, inducunt reatum æternæ pœnæ.

II. Hanc rationem tanquam omnino efficacem ad æquitatem probandam æternæ pœnæ pro peccato infligendæ agnoscunt Theologi nedum Catholici, sed etiam Protestantes. Leibnitius in Theodicea par. 3. num. 266., cum indicasset fundamentum, cui nitebatur Ernestus Sonerus Socinianus ad negandam proportionem inter culpam finitam, & pœnam duratione infinitam, subjicit, Sonerum nequaquam attendisse ad præcipuam hujus veritatis rationem deductam ex permanentia culpæ, quæ sola sat esse potest ad æquitatem æternæ pœnæ defendendam, cum justitiæ admodum consonum videatur, damnatos perseverare in miseria, quousque perseverant in culpa: additque, se animadvertisse doctiores quosque Theologos eandem reddidisse rationem perpetuæ durationis pœnarum: refertque inter alios Joannem Gerardum celebrem Confessionis Augu-

Itaque Theologum, qui in locis Theologicis, loco de inferno §. 60. præter alia, hoc etiam argumentum affert, quod nempe in damnatis semper perdurat prava voluntas, nec adeſt gratia divina, quæ ipsam immutat: & Zachariam iſtimum Theologum Heidelbergensem, qui in suo tractatu de fide post vulgarem rationem ex infinitate offensæ desumptam, hanc quoque allegat, quod scilicet non cessante peccato, cessare peccati pœna non possit.

III. Porro ut huiusce rationis firmitas consistat, omnesque cavillationes, quæ fieri possunt, ac solent, præcendantur, Principia, quæ ponit S. Thomas, diligenter observanda, & declaranda sunt. Primo itaque loco constituit generale illud principium: *peccatum ex hoc inducit reatum pœnæ, quod pervertit aliquem ordinem*: sequè refert ad ea, quæ jam prædocuerat art. 1. ejusdem quæstionis, ubi reatum pœnæ consequi ad peccatum tanquam fructum, & effectum naturalem ipsius, elegantissima hac doctrina demonstrat: „ ex rebus, inquit, „ naturalibus ad res humanas derivatur, ut id, quod contra aliquid insurgit, ab eo detrimentum patiatur. „ Videmus enim in rebus naturalibus, „ quod unum contrarium vehementius agit, altero contrario superveniente. „ Unde in hominibus hoc ex naturali inclinatione invenitur, ut unusquisque deprimat eum, qui contra ipsum insurgit. Manifestum est autem, quod, quæcumque continentur sub aliquo ordine, sunt quodammodo unum in ordine ad principium ordinis. Unde quidquid contra ordinem aliquem insurgit, consequens est, ut ab eo ordine, & a Principe ordinis deprimatur. Cum autem peccatum sit actus inordinatus, manifestum est, quod quicumque peccat, contra ordinem aliquem agit: & ideo ab ipso ordine, consequens est, quod deprimatur: quæ quidem depressio pœna est, eaque reparatur ordo, & æqualitas constituitur, ut alibi sæpe docet.

IV. Hoc firmissimo principio præmissò, illud sponte sua fuit, necessum

esse, ut juxta legem justitiæ incolumis ordo servetur, tandiu peccatorem deprimi a Deo per pœnam, quandiu adversus ordinem ab ipso constitutum insurgit per culpam, sive, quod perinde est, quandiu permanet in culpa, penam quam ordo pervertitur. Nam si manente ordinis perversione inducta per culpam pœnæ reatus finiretur, jam aliquid in rebus inordinatum subsisteret, ipse nimirum ordo perturbatus absque ulla reparatione, minusque pulchritudinis atque decoris restitueret divina Justitia, quam culpa destrueret. Cum enim huiusmodi restitutio haud aliter fieri valeat ex Justitiæ vindice, quam per pœnam, qua peccator deprimatur, hoc sane modo fieri nequit, si in ipsamet culpa non maneat condignitas ad pœnam: atque adeo malitia superior esset ipsa Justitia, eamque quodammodo vinceret, aut superemineret: ea siquidem adhuc superlitate remanente, deesset in Deo jus eam puniendi, ac deprimendi, & in ejus perversione firmiter perseverat. Hoc itaque pro comperto esse debet, quandiu culpæ inordinatio duraverit, manere in supremo totius ordinis Principe jus & facultatem eam puniendi, adeoque etiam debitum & reatum in peccatore pœnam sustinendi. *Manente enim causa* (ut optime S. Thomas) *manet effectus*. Unde cum causa reatus pœnæ sit ordinis perversio, si hæc manet, & illa necessario manere debet, ut manente sole manet radius, manente igne calor: qui ab illo procedit.

V. Alterum principium, quod statuit S. Thomas, hoc est, quod nempe ordinis perversio per culpam inducta sit ex se, ac suapte natura irreparabilis. Quod ut evincat, observat 1. 2. quæst. 72. art. 5. duplicem esse inordinationem, aliam *per subtractionem principii ordinis*, aliam, *qua salvato principio ordinis fit inordinatio circa ea, quæ sunt post principium*. Et quidem posteriorem hanc inordinationem reparari posse concedit virtute principii, quod integrum permanet: priorem verò irreparabilem esse

esse ex meritis suis contendit, quamquam Dei virtute supra connaturalem modum operante reparari posse non inficietur. Hoc declarat exemplo visivæ facultatis, cujus principium si persisteret inæcolame, reparari posset per naturam aut alteri alii quicumque defectus, qui visionem impediunt: si autem penitus corruptatur, nonnisi virtute Dei supra naturam operante reparari valet: idque & aliis exemplis cuilibet obviis explicari potest. Quo præfacto principio, talem esse demonstrat aliquando perversionem, quæ per peccatum inducitur, ut corruptat, aut subrahatur principium ordinis, quo voluntas humana subditur Deo. Cum enim principium hujus ordinis sit ultimus finis, cui homo adhæret per gratiam & charitatem, quæcumque peccata avertant a Deo, & charitatem auferunt, consequenter principium hujus ordinis de medio tollunt. Quocirca nihil amplius in hominis potestate permanet, unde inordinationem hanc reparare valeat, adeoque ex se, meritisque propriis irreparabilis est.

VI. Solum ergo superest. ut inordinatio inuenta per culpam auferri possit a Deo supra connaturalem cursum agente, & præter meritum peccatoris gratiam & charitatem conferente. Verum hoc non exigitur ab aliqua lege justitiæ, & æquitatis, ut eam auferat, semperque verum est perversionem ordinis a peccato inductam esse de se irreparabilem, adeoque de se pariter inferre reatum æternæ pœnæ. Equidem suavis Dei Providentia disposuit, ut in hoc mortalis vitæ statu misericordiæ locus esset, & per gratiam & charitatem supra merita peccatoris infusus hujusmodi inordinatio removeri posset, ac reapse in pluribus removeretur, quemadmodum ex sacris libris, & perpetua Ecclesiæ traditione, ac doctrina certo constat.

At non minus certo constat in iisdem sacris libris, & Ecclesiæ doctrina, de contraria dispositio ne ejusdem divine Providentiæ quoad statum vitæ futuræ: nec quispiam sano capite eo titulo talem dispositionem negaverit, quod ju-

stitiæ, & æquitati repugnet. Quis enim dixerit Deum jure non posse hominem in ea inordinatione relinquere, quam ipse sponte elegit, sed obstringi lege justitiæ, ut dona gratiæ suæ conferat, quibus illa auferatur? Qui hoc assereret, profecto & illud affirmare deberet teneri Deum vi, & lege justitiæ vitam ei restituere, qui sibi voluntarie mortem conscivit: quod quam absolum sit, nemo non intelligit.

VII. En igitur paucis ante oculos exposita ratio Sancti Doctoris, cur iuste a Deo pœna æterna infigatur. Peccatum lethale hoc ex se assert, ut ab anima tollat ordinem ad Deum ultimum finem, cui unitur per gratiam, & charitatem. Subtrahit autem ab anima hoc ordine, nihil in ea remanet unde inordinatio consecuta reparari queat: adeoque efficitur malum, quantum est de se irreparabile, & dignum, ut nunquam remittatur, ac proinde dignum etiam ut semper, & in æternum puniatur: manente enim causa, quæ est inordinatio culpe, manere etiam debet effectus, qui est reatus, sive condignitas pœnæ.

VIII. Hæc ratio a quibusdam ita proponitur: qui peccat in statu viæ, meretur ut in statu termini puniatur pœna culpe proportionata. Proportio autem inter pœnam, & culpam in hoc maxime posita est, ut quantum, & quoad diu culpa displiceat Deo, tantum & tandiu pœna displiceat peccatori. Cum ergo in statu termini culpa æterna sit, Deoque æternum displiceat, etiam oportet ut pœna sit æterna, æternumque displiceat peccatori. Id confirmant exemplo Debitoris. Qui enim debitum cum alio contraxit, tandiu remanet sub reatu, seu obligatione solvendi debitum, quandiu vel ipse non solvit, vel creditor ex liberalitate non remittit. Porro qui lethalis peccati reus ex hac vita discedit, neque solvit unquam debitum pœnæ, quod ad culpæ inordinationem consequitur, neque hoc ex Dei misericordia, & liberalitate aliquando dimittitur, igitur pœnæ reatu perpetuo manet obstrictus. Priorem secundæ propositionis partem sic evincunt: quoniam ut peccator tale

debitum solveret, offerre deberet poenam, sive satisfactionem Deo acceptam, sive, quæ acceptari par esset. At vero Deus acceptare neutquam tenetur pro satisfactione opus aut poenam, quam exhibet is, qui ab ipso averfus est per culpam. Altera autem ejusdem propositionis pars ex iis, quæ dicta sunt, liquido constat: nam culpæ remissio fieri nequit, nisi per infusionem gratiæ, & meritum Christi applicationem. Hæc autem ex justitia minime debetur peccatori: aliunde vero juxta divinæ Providentiæ ordinem sapientissime constitutum, nec ex Dei misericordia, & liberalitate gratia confertur, & merita Christi applicantur iis, qui jam per finalem sententiam ad inferos damnati sunt: neque de hoc in præsentī litigare possunt Adversarii: non enim modo disputamus quid misericordiæ & clementiæ, sed quid justitiæ solius titulo peccatori debeat.

IX. D. Joannes Feclius insignis Theologus Rostochiensis a Leibnitio laudatus in Theodicea p. 3. num. 266., quamquam expositam rationem approbet veluti ad calumnias recentium Origenistarum retundendas peridoneam: putat nihilominus ejus efficaciam non consistere, nisi hoc admittamus damnatos in inferno perpetuo promereri poenas; quas patiuntur, litemque hac de causa intentat Theologis Scholasticis, qui extra hujus vitæ statum neque meritum concedunt, neque demeritum: & in ejusdem opinionem propendet Leibnitius ipse.

X. Sed si res acutè discutjatur, nisi me opinio fallit, dissidium inter hunc cæterosque Theologos in verbis potius, ac modo loquendi, quam in re ipsa versatur. Quid enim intelligit Feclius nomine *meriti*, vel *demeriti*, quod animabus extra mortalem hanc vitam attribuit? aut quid requirit, cum damnatos contendit semper promereri debere poenas, quas patiuntur, ut vindex justitiæ Dei fartatecta conservetur? Si hoc

velit, ut in statu futuræ vitæ rationales creaturæ sibi aliquid jugiter mereantur, perinde ac mereri dicuntur in præsentī, vel præmium per bona opera, vel poenam per mala; jam nullus unquam futurus esset merendi vel demerendi finis, adeoque nec status futuræ vitæ esset terminus, sed via quadam interminabilis semper tendens vel ad majorem miseriam: quod ordini sapientissimo divinæ Providentiæ repugnat, cujus intentio, ut & cujuslibet sapientis Motoris, in aliquod determinatum ferri debet, prout observat S. Thomas 1. 2. quæst. 62. art. 9. Unde hoc non arbitror velle Feclium, alioquin concedere quoque deberet Damnatos iis blasphemis, ac maledicis verbis, quibus Dei majestatem continenter laceffunt, nedum continuationem poenæ, quam sibi dum hic viverent debitam fecere, sed etiam novam aliam, intensioremque in infinitum promereri: quod absurdissimum est. Superest ergo ut nomine *meriti* nihil aliud intelligat, quam dignitatem, sive potius condignitatem, aut obligationem ad poenam subeundam. Hujusmodi autem dignitatem ad poenam semper in Damnatis perseverare docent Theologi, quos injuria carpit: quatenus scilicet perseverat in ipsis perpetua illa inordinatio peccati, quæ eos dignos facit poenæ sempiterna. Hinc odia, blasphemiz, atque impiæ voces, quas in Deum evomunt, nihil propriè ac presse merentur: sed, ut inquit S. Thomas (a) potius *pertinent ad ipsam damnationis poenam*: sicut in Beatis perpetuæ laudes, & gratiarum actiones, quibus Deum colunt, novæ gloriæ accessus meritoriz non sunt, sed *pertinent ad eorum beatitudinis præmium*.

XI. Nunc videamus quid adversum propositam rationem opponant Adversarii. Duplici responsione Petrus Bellius (b) conatur eludere fundamentum illud, cui superstruitur, *nunquam posse in damnatis cessare miseriam, quia nunquam possunt cessare a malitia*, inquit primo:

im-

(a) 1. 2. quæst. 13. art. 4.

(b) Réponse aux quæst. d'un Protéas.

inimo ratio naturalis id habet, posse creaturas semper cessare a malitia, quoniam vel destrui possunt a Deo, vel converti quolibet temporis momento. Subdit deinde: eadem ratio docet, quod si a malitia cessare non possunt, jam cessant a malitia: sicut amentes hoc ipso peccare desinunt, quod non possunt vitare peccatum.

XII. At meræ argutiz sunt hæc, nihilque solidi tinniunt. Et prima quidem responsio falsi ratiocinii fructus est. Aliud quippe est, quod absoluta Dei potestate possint ad inferna damnati quolibet momento vel destrui, vel converti, atque hoc pacto a culpa, & miseria cessare: aliud, quod ad hoc teneatur Deus ex lege justitiæ, aut saltem suæ Providentiæ. Primum ultro concedimus: alterum rotunde negamus, nec hoc ex illo consequi quispiam dixerit, qui prima boni discursus elementa noverit. Prius ergo Bellius probare debuerat Justitiæ, aut Providentiæ divinæ leges exigere, ut reprobis vel destruantur, vel convertantur, ut posset inde colligere desituras aliquando ipsorum & malitiam, & miseriam. Sed hoc nunquam probare poterit, etiamsi vim omnem intendat ingenii sui: Cum potius juxta Justitiæ, & Providentiæ divinæ leges Damnati neque destrui debeant, neque converti. Atque istud quidem superius satis evincimus, ostendimusque æquum esse, ut a Deo penitus deferantur, qui peccando Deum deseruere, ejusque gratiam, & amicitiam pro nihilo habentes, se ab ipso averterunt, ut ad creaturam se converterent, in eaque finem ultimum constituerent. Sed neque juxta leges easdem destrui, aut in nihilum redigi debent. Congruum quippe in primis est (ut omittam Scripturæ auctoritates, quæ cum hac destructione aperte pugnant) ut divina Providentiæ de unaquaque re disponat, prout exigit ejus natura. Creaturæ autem rationales, cum ex se, & natura sua sint immortales, & incorruptibiles, hoc exigunt ut a Deo jugiter conserventur. Unde non posset illas destruere, nisi supra rerum exigentiam, & leges naturæ operando: quod miraculorum

genus neque fit, neque fieri par est: ut enim scite animadvertit S. Thomas 1. 1. quæst. 104. art. 4., quæ præter ordinem nature sunt, ordinantur ad gratiæ manifestationem. Redigere autem aliquid in nihilum non pertinet ad gratiæ manifestationem: cum magis per hoc divina potentia & bonitas ordinetur, seu ostendatur, quod res in esse conservat. Ipsa quoque Dei justitia impiorum conservationem in pœna sibi congruam facit, ut probat idem S. Doctor quæst. 5. de potentia art. 4. ad 6. dicens: „licet Deus de justitia creaturæ contra se peccanti posset esse subtrahere, & eam in nihilum redigere; tamen convenientior justitia est, ut eam in esse reservet ad pœnam: Quia ista justitia congruentius respondet culpe in duobus. In uno quidem quia in culpa voluntas contra Deum agit, non autem natura, quæ ordinem sibi a Deo inditum servat. Et ideo talis debet esse pœna, quæ voluntatem affligat naturæ nocendo, qua voluntas abutitur. Si autem creatura in nihilum redigeretur, esset tantum nocumentum naturæ & non afflictio voluntatis. In altero vero quia cum in peccato duo sint, scilicet averfio ab incommutabili bono, & conversio ad bonum commutabile, conversio post se averfionem trahit. Nullus enim peccans intendit a Deo averti, sed querit frui temporali bono, cum quo Deo simul frui non potest. Unde cum pœna damni averfioni culpe respondeat, conversioni vero ejus pœna sensus, pro actuali culpa conveniens est, ut pœna damni non sit sine pœna sensus. Si autem in nihilum creatura redigeretur, esset quidem pœna damni æterna, sed non remaneret pœna sensus. Hæc Divus Thomas, a quibus nedum futile Bellii argumentum, sed etiam Socinianorum sententia refellitur.

XIII. Ad aliam Bellii cavillationem respondeo, quod si id solum ille contendat Damnatos effectibus odii, & desperationis, blasphemii, aliisque peccatis, quæ in inferno committunt, novam pœnam, aut miseriam non mereri, immo

neque pœnæ, quam patiuntur, continuationem, verum habet, neque nos, ut Theologi refragantur: non enim docent idcirco damnatos pœnæ pœnæ sempiterna, quia nova semper peccata accumulant, aut etiam, presse & rigorose loquendo, quia nunquam reparant, aut reparare possint inordinationem per peccatum inductam: sed quia peccando, atque ita inordinationem irreparabilem in semetipsos inducendo, meruerunt, ut tandiu iuste puniri possent, quandiu illa inordinatio maneret, hoc est in æternum. Id exemplo superius adducto non inepte explicatur, hominis voluntarie se projicientis in foveam, unde exire, aut emergere vi sua, ac potestate nequit. Non enim ibi subsistere, vitamque miseram traducere cogitur, quia talem sibi perpetuam ærumnam eo in loco mereatur: sed quia in foveam se voluntarie projiciendo in statu perpetuæ calamitatis semet constituit. Illud quoque exemplum de amentibus, quo triumphare se putat Bellius, si attentius perpendatur, nihil ipsi faver, quin potius obest. Nam sicut hominis, qui eas sponte elegerit, unde in amentiam incidit, iusta pœna censetur & amentia ipsa, & miseria omnes, quæ eam consequuntur; ita qui peccando, & ad mortem usque in peccato perseverando, irreparabilem inordinationem contraxit, & hanc, & pœnam, quæ ad ipsam sequitur, tanquam effectus ad causam, sibi debitam facit in omnem æternitatem.

XIV. Nonnulli alii Scriptores ad propositum argumentum respondent ex eo, quod inordinatio per culpam inventa semper persistat in damnatis, haud recte colligi & pœnam ipsam debere semper persistere. Debitum quippe pœnæ, inquit, extinguí potest per *satisfactionem*, ut vocant, ad quam non requiritur voluntaria & amicabile acceptatio pœnæ, sed mera ipsius tolerantia: quod declarant exemplum pœnarum, quæ delinquentibus ab humanis iudiciis inferuntur. Quamquam enim reus vel furti, vel homicidii a prava voluntate non recedat, immo in ea constanter ma-

neat, & pœnam sibi per leges inflictam iniquo animo toleret; non idcirco amplius punitur, ac puniri meretur, & solet, si deprehensus in scelere ejusdem statim peniteat, & illatam pœnam libenter sustineat. Idem ergo dicendum erit de damnatorum supplicio, quod scilicet peccatis, quæ in hac vita commiserunt, pœnam quidem aliquam sibi debitam fecerint, quam exolvere possunt longo post tempore, licet inordinatio per culpam causata æternum duret: hæc etenim novam pœnam ab illa distinctam promereri non potest.

XV. At vim expositæ rationis percipisse minime videntur, qui ita respondent. Hoc enim firmum esse debet, perspectumque omnibus, pœnam ob peccata in futura vita a Deo inflictam, referri ad reparandam ex iustitia perversionem ordinis, quam culpa innoxia, & inducendam æqualitatem in rebus ab ipsa sublatam. Porro hujusmodi æqualitas aliter ex iustitia induci nequit, nisi tandiu rebellis creatura deprimitur per pœnam, quandiu adversus Creatorem, & ordinem ab eo constitutum insurgit per culpam, & tandiu puniatur contra eius voluntatem, quandiu per pravam affectum reluctatur Dei voluntati; alioquin si inordinatione memento, pœna quandoque finem haberet, jam remaneret in rebus aliquid inordinatum, quod auferri ex iustitia non posset. Nam perpetuo Damnati se se erigerent contra Deum, quin Deus iuste illos deprimere posset, atque ita æqualitatem constituere. Neque suffragatur Adversariis exemplum humanæ iustitiæ, siue delictorum, quæ ab humana iustitia puniuntur. Quoniam iustitia humana neque potest, neque debet totum id remove, quod inordinatum est. Politicum quippe regimen solum ordinem respicit, qui pace, ac tranquillitate externa Reipublicæ continetur: cuius Ordinis reparationi satis consultum est, si malefactoris pœnæ a legibus præscriptæ subiciantur, tametsi nec eam æquo animo tollerent, nec a nefaria voluntate desistant. At vero divina iustitia reparationem universalis ordinis spectat juxta

rerum

rerum quarumlibet naturam, & exigentiam, adeoque nihil inaequale, aut inordinatum relinquere debet in rebus. Cum itaque ex iustitia culpa ordinetur per poenam, opus est, ut si culpa perpetuo perseverat, perpetuo perseveret

& poena, ne inordinatio aliqua in rebus aeterna subsistat. Qua de re legi potest egregia S. Thomae doctrina, quam tradit lib. 3. cont. Gent. cap. 140., & 1. 2. q. 21. art. 4.

CAPUT XXV.

Quarta & postrema ratio, qua aequitas aeternae poenae comprobatur ex infinita gravitate offensa Deo per peccatum illata. Eadem injuria erga Deum preesse dicte peccatum continet. Hujusce injuria rationes plures deteguntur, & quae contra objicit recentior Author, dissolvuntur. Ex infinita excellentia personae infinitam offensam gravitatem haurit, atque adeo sempiterna poena digna redditur. Eliduntur difficultates a Tillesono Anglo propositae: & opus concluditur.

I. **R**ationes, quas hucusque adhibuimus ad adstruendam aequitatem aeternae poenae, quam Deus impiis comminatur, sat esse debent ad obstruendam ora Socinianorum, & Origenistarum, qui eam cum iustitiae legibus pugnare praesidenter effutunt. Nihilominus piacularare plane fuerit eam praeterire, quae inter nobiliores firmioresque merito censetur, petiturque ex offensa divinae Majestati per peccatum illata. Hanc quoque saepe proposuit S. Thomas scilicet lib. 2. sent. dist. 46. q. 1. art. 5., & lib. 4. dist. 46. q. 1. art. 3., in Opusc. 3. cap. 183., & lect. 2. in cap. 2. Epist. ad Rom.: in quorum postremo loco iustitiam poenae aeternae pro temporariis peccatis pluribus rationibus defendens, eam in primis asserti his verbis: „hoc esse justum apparet ex infinita dignitate Dei in quem peccatur. Tanto enim quis gravius peccat, quanto major est dignitas personae, in quam peccatur: sicut plus peccat, qui percutit Principem, quam qui percutit privatam personam. Et sic cum culpa peccati mortalis sit quodammodo infinita, oportet quod et infinita poena respondeat. Et sic cum non possit esse infinita secundum intentionem, relinquatur, quod sit infinita

„secundum durationem“. Paulo aliter eandem rationem proponit in Opusculo citato dicens: habet quodlibet peccatum contra Deum commissum „quamdam infinitatem ex parte Dei, contra quem committitur. Manifestum est enim quod quanto major persona est, contra quam peccatur, tanto peccatum est gravius: sicut qui dat aliam militi, gravius reputatur, quam si daret rustico, & adhuc multo gravius, si Principi, vel Regi. Et sic cum Deus sit infinitus magnus, offensa contra ipsum commissam est quodammodo infinita: unde & aliquantulum poena infinita ei debetur. Non autem potest esse poena infinita intensiva: quia nihil creatum sit infinitum esse potest. Unde relinquatur, quod peccato mortali debeatur poena infinita duratione“.

II. Duobus principiis, ut statim apparet, maxime nititur hujusmodi ratio: nimirum in primis; peccatum esse offensam Dei; deinde; offensam Dei per peccatum illatam, talem gravitatem infinitam asserre, qua dignam eam efficiat aeterna poena. Ac utrumque principium diruere moliantur Origenistae, & Sociniani, de argumenti vi opprimantur. Et primum quidem exerte negat Author libelli, cui titulus *relatio sententiae Origenis* pag. 62.

62. (a), perterdens *perperam ac falso supponi per peccatum Deum offendi*; & etiam Author Religionis essentialis &c. pag. 51. (b), ubi deridet Theologorum ideas, qui sibi, inquit, *divinitatem confingunt veluti Principem quemdam, qui offenditur a subditis, dum adversus ipsum rebellionis vexillum erigunt, ferroque & vi de throno deturbare conantur*. Alterum vero principium labefactare adnissus est inter alios Ernestus Sonerus primum Lutheranus, postea Socinianus, ut colligere licet ex Leibnitio loco supralaudato, & Tilotsonus Anglus in sermone, de quo saepe mentionem fecimus. Quare principium utrumque ab eorum conatibus vindicare opus est, & quam firme consistat evidenter ostendere.

III. Et quoad primum quidem attinet, si Adversarii id velint duntaxat non ita Deum peccatum hominum offendi, ut quidpiam in seipso nocuementi patiatur, sicut pati potest, ac solet alius Princeps a subditis, qui subjectionis jugum excutientes in ipsum insurgunt, ac de throno deiciunt, nihil est, unde Theologus succenseant: nemo enim, quem sciam, hanc sibi de peccato informavit ideam, Deo nimium indignam. Si peccaveris, inquit S. Job cap. 35, quid ei nocebis, & si multiplicata fuerint iniquitates tuae, quid facies contra eum? Si autem contendant (quod unum velle possunt) nec ex se peccatum esse Dei offensam, siue nullatenus divinam maiestatem per peccatum offendi, quantum est ex parte peccantis, basilice falluntur, nec iustam habent peccati ideam, aut notionem, quam ingerunt & Sacrae litterae, & recta ratio. Scriptura namque sexcentis in locis transgressionem mandatorum Dei, peccatam gravitatem iis phrasibus, & vocabulis designat, quae, offensa Dei a peccato sublata, intelligi & explicari non possunt. Sic Ezechiel. 5. Deus ipse de peccatore

pronunciat: contempsit iudicia mea: Prov. 1. despectistis omne consilium meum: Isaia cap. 1. filios enutrivit, & exaltavit: ipsi autem spreverunt me. Sic Ecclesiastici 49. de impiis dicitur: contempserunt timorem Domini: ad Rom. 2. per praevaricationem legis Deum inbonoras: ad Hebr. 10. quanto putatis deteriora mereri supplicia, qui Filium Dei conculcaverint, & sanguinem testamenti pollutum duxerint? Hinc etiam peccata saepe vocantur *praevaricationes, iniustitiae, injuriae, offensa Dei* tum in veteri, tum in novo Testamento: quae sane locutiones offensam divinae maiestatis luculenter insinuant.

IV. Naturalis quoque ratio hoc ipsum aperte manifestat, ex duplici inter alias prerogativa Deo conveniente, cui peccatum opponitur: *supremi scilicet Legislatoris, & supremi ultimi finis*. Quicumque enim peccat, legem a Deo constitutam violat, adeoque Dei voluntati refragatur, eisque debitam negat obedientiam, & subjectionem: in quo citra dubium aliqua propriae offensa Dei ratio relucet, ut offenditur Princeps a subditis, dum ab eius obedientia se subtrahunt. At evidentiussimè apparet hujusmodi offensa ratio ex altero capite. Nam finis principalis & ultimus Dei in lege praescribenda, ut observat S. Thomas, est ordinare hominem ad seipsum, vel sibi nempe per amorem, & obsequium adhaereat, in quo a divina differt humana lex, quae ultimo, & principaliter refertur ad commune civium bonum, non ad Principem, siue Legislatorem. Quaecumque autem divina lex, siue Dei honorem, & cultum spectet, siue proximi bonum, aut rerum aliarum peculiarem ordinem, semper refertur, ac referri necessario debet in ipsummet Deum, ut pluribus argumentis probat Sanctus Thomas lib. 3. cont. Gent. cap. 115. (c). Jus ergo Deus

(a) apud Svindium in lib. *rethorices* &c. cap. ult.

(b) apud Franc. de Roches Epist. 14.

(c) Hoc ipsum evidenter constat ex Levitici cap. 6. ubi cum damnetur, qui iniuste depositum proximo non restituit, qui furatur, qui calumniatur, alioquin finis damnum proximo inferri, non tanquam proximi, sed tanquam Dei contempnitur arguitur anima, inquit, & peccaveris, & contempnis Dominum, negaveris proximo suo depositum, &c. reddit &c.

Deus habet, ut sicut omnes leges, sic etiam actiones omnes morales quæ legibus diriguntur, ordinentur in ipsum tanquam ultimum finem, nullusque ei finis alius præponatur: atque adeo peccator actiones suas in Deum non referens, & finem ultimum in creatura constituens, lædit hoc jus divinum, & injuriam Deo infert, ac offensam.

V. Equidem non desuit inter Theologos Vasquez, qui peccato rationem injuriæ in Deum, & offensæ presse dictæ denegaret, eo potissimum momento ductus, quod inter Deum & creaturas nequeat esse justitia proprie dicta, quia nulla creatura Deo reddere potest æquale. Sed hæc singularis opinio est jamdiu à cæteris Theologis merito rejecta. Constat enim Deum habere verum jus, propriumque dominium honoris, ac dignitatis suæ conservandæ, non minus ac homines verum jus ac dominium habent proprii honoris ac famæ. Cum ergo ad honorem, & dignitatem Dei pertineat, ut sit supremus & ultimus finis actionum moralium, peccator, qui hunc honorem & dignitatem lædit, dum finem suum in creatura constituit, lædit jus aliquod Dei proprie dictum, adeoque & proprie dictam injuriam infert. Leve porro est Vasquii fundamentum: non enim ex quo æquale Deo reddere nequeat rationalis creatura, consequens est, quod neque possit veram contra Deum injustitiam committere, lædendo supremum ipsius jus, ac dominium: sicut non sequitur Plebejum hominem non posse injuria proprie dicta afficere Principem, quia ad æqualitatem satisfacere minime valet. Non diminuitur, (inquit appositè insignis Theologus. (a)) aliqua ratio injuriæ ex eo, quod committatur a persona non habente æqualitatem ex parte subjecti ad recompensandum debitum, sed potius augetur. Ergo ex defectu hujus æqualitatis negare propriissimam rationem injuriæ, & injustitiæ ex par-

te juris læsi, intolerabilis sententia est. Quis enim aënis auribus audit offensam & injuriam unius hominis erga alium veram injuriæ rationem sortiri, ad cujus recompensationem stricte tenetur ex justitia; offensam autem hominis erga Deum non esse injustitiam, neque injuriam stricte dictam, cum majus jus lædatur, & consequenter, quantum est ex parte juris læsi, stricte obligetur homo ad recompensandum, quamvis ex conditione subjecti, cui impossibile est quale reddere ex justitia stricta, id non possit.

VI. Hæc est itaque prima radix injuriæ, & offensæ, quæ Deo per peccatum irrogatur, in qua plures aliz continentur, sicut plures quoque sunt in supremo Legislatore, & ultimo fine Deo perfectionis & bonitatis rationes. Hinc peccator offendit Deum ut summe sanctum, cui necesse est ut malum omne culpæ, quod ipsi adversatur, summe displiceat. Offendit ut summe bonum, cui magna infertur injuria, dum minus bonum illi præfertur, ac pluris æstimatur. *Quicumque enim* (notat S. Thomas quæst. 28. de verit. art. 2.) *rem aliquam digniorem indigniori postponit, injuriam ei facit, & tanto amplius, quanto res est dignior. Quicumque autem in re temporali finem sibi constituit, quod facit omnis peccans mortaliter, ex hoc ipso, quantum ad affectum suum præponit creaturam Creatori diligens plus creaturam, quam Creatorem. Finis enim est, qui maxime diligitur.* Offendit præterea Deum ut justum Judicem, dum nihili pendit prænam, & supplicia, quæ comminatur. Offendit ut testem, dum non reveretur præsentiam ejus, in cujus oculis peccat. Ac demum offendit ut benefactorem, cui nefas grande est, post tot ab ipso accepta beneficia, ingratum animum exhibere, floccique facere ejus voluntatem.

VII. Citatus Author *relationis sententie Origenis* duobus præcipue momentis
S s offen-

(a) Joannes a S. Thom. disp. 1. de Incarn.

offensam Deo per peccatum illatam elevare nititur. Primo scilicet : quia peccata non committantur, Deo invito, sed potius consentiente. Si enim nollet homines peccare, nunquam reapse peccarent. Unde nulla ipsi injuria inferri videtur : quoniam juxta doctrinam a Philosophis approbatam, nullus patitur injustum volens. Secundo, quia facultas, qua peccatum ab homine perpetratur, ab ipso non est, sed a Deo, qui illam & concessit, & conservat.

VIII. Verum hujusmodi objectiones, quæ ex Bellii, aliorumque Atheorum officina prodierunt, jam sæpius convulsæ sunt tum a Catholicis scriptoribus, tum ab Heterodoxis. Et prima quidem falsa suppositione laborat. Quamquam enim peccata fiant, Deo non resistente, sive non impediante, falsum tamen est ea fieri, Deo volente, aut approbante, sive consentiente, ut inde inferri queat nullam ipsi volenti injuriam inferri per peccatum. Equidem, Deo non permittente, aut impediante, peccata non fierent. Sed hinc minime sequitur, quod sint ipsi voluntaria. Ut enim effectus omissionem consequens sit alicui voluntarius, necesse est ut in omittente debitum sit, aut obligatio non omittendi. Porro Deus non tenetur defectus omnes, & peccata impedire in universo, in quo posita sunt creaturæ rationales & liberæ, quæ bonæ sunt, prout a Deo, se ipsis tamen defectibiles. Quin immo neque possunt defectus omnes a Deo impediiri sine violatione ejus, quod juxta ordinem præfinitum necessarium, aut conveniens est ad bonum totius Universi, cujus conservationem sibi debitam fecit. Unde neque lucem tollere debuit, quæ conspicimus objecta, neque aerem destruere, per quem feruntur ad aures sonitus, neque mutum facere hominem : quia visu, auditu, aut lingua peccamus, aut inde sumimus peccandi occasionem.

IX. Atque hinc pariter corrumpit quod subjicit Author de potentia peccandi. Deus namque liberam homini facultatem concessit eligendi quicquid ipsi libuerit, ita exigente rerum ordine con-

stituto. Verum hæc facultas a Deo concessa nedum peccati gravitatem non tollit, aut imminuit, quin potius adauget : dum rebellis homo hoc excellentissimo dono, quo cæteris creaturis eminet, ac dominatur, in ipsius supremi Largitoris injuriam abutitur. Quemadmodum si quis ex infima conditione ad sublimem honoris gradum proveheretur a Principe, ampleque ipsi in alios subditos potestas conferretur, longe enonior esset ingrati animi culpa, si ea ipsa potestate adversus Principem uteretur. Hac oppido consideratione deteritus est a delicto sanctus ille Patriarcha Joseph, dum ab impudica Muliere sollicitaretur. Ecce, respondit, Dominus meus omnibus mihi traditis, ignorat, quid habeat in domo sua : nec quidquam est, quod non in mea sit potestate, vel non tradiderit mihi præter te &c. Quomodo ergo possum hoc malum facere & peccare in Deum meum?

X. Exploratum itaque est per peccatum offendi Deum, eique injuriam præse dictam irrogari. Sequitur ut etiam principium alterum constituamus, hanc scilicet offensam, aut injuriam gravitatis esse infinitæ, adeoque dignam ut poena quoque saltem duratione infinita puniatur. Hoc autem usitato argumento facillime evincitur. Nam gravitas injuriæ, ut cuilibet perspectum est, desumitur ex dignitate, aut excellentia personæ offensa moraliter totam dignitatem suam veluti refundentis in injuriam, quæ læditur. Unde est vulgare illud, verissimumque proloquium : honor est in honorante, injuria in offenso. Cum igitur Deus sit dignitatis, & excellentiæ infinitæ, injuria ipsi, per peccatum illata, erit moraliter, live in prudenti estimatione infinita. Hoc exemplo manifestius sit injuriarum, quæ inter homines sæpe contingunt. Quoniam si personæ infimæ conditionis in feratur injuria, quæ sit e. c. gradus unius, quo altius ascendit dignitas personæ læsæ, eo amplius crescit offensa gravitas. Hinc injuria irrogata militi, vel equiti major illa ab omnibus aestimatur, quæ irrogatur Plebejo : & quæ inferitur Principi ea

ma-

major, quæ inferitur militi, vel equiti: quia Princeps equitem, eques plebeum dignitate præcellit. Cum igitur dignitas Dei omnem creaturæ dignitatem excedat, & quidem in infinitum, non potest non esse itidem infinita offensæ, quæ ipsi inferitur per peccatum. Hac olim ratione usus est Salvianus lib. 6. de Provid. cap. 7. inquires. *Si illustrem ac prepotentem virum nequam exbonorari a quoquam lices: & si quisquam exbonoravit, decretis legalibus reus fuitur, & injuriarum Auctor jure damnatur: quanto utique majoris piaculi crimen est injuriosum quempiam Deo esse? Semper enim per dignitatem injuriam perferentis crescit culpa scientis, quia necesse est, quanto major est persona ejus, qui contumeliâ patitur, tanto major sit noxa ejus, qui facit.*

XI. Ex his ergo efficacia propositæ rationis enitescit. Injuria siquidem cuiusque personæ irrogata poenam aliquam meretur, eoque graviolem, quo major est dignitas, & excellentia personæ offensæ. Unde humana iustitia graviolem supplicio plectit, qui Principem percutit, aut injuria afficit, quam qui equitem, aut militem, aut ignobiliorum personam. Cum itaque injuriam Deo per peccatum illata infinita sit ob infinitam Dei dignitatem, & excellentiam, infinita quoque poena digna est, adeoque æterna. Hæc enim sola poenæ infinitas penes durationem creaturæ convenire potest.

XII. Tilostonus Anglus hanc rationem minus efficacem putat, duplicique argumento ostendere nititur offensam Deo illatam per peccatum non esse infinitam, tum quia nempe, ait, necesse foret, quod peccata omnia essent æqualia: neque enim in infinito magis, & minus cogitare, aut constituere fas est. Porro si omnia peccata æqualia sunt, æquali quoque poena puniuntur in alia vita: quod & rationi repugnet, & apertis sacre Scripturæ testimoniis. Tum quia si omne peccatum infinitam habet gravitatem, quia lædit majestatem Dei infinitam, eadem ratione quolibet vel minima poena censeretur infi-

nita, quia inferitur a iustitia Dei infinita.

XIII. Hoc postremum argumentum adeo frivolum, & ineptum est, ut mirum sit ab illo scriptore aliquo non indocto potuisse proferri. Quis enim non perspicit quam latum discrimen sit inter injuriam Deo illatam per peccatum, & poenam a Deo propter peccatum inflictam? Nimium quippe evidens est augeri offensæ gravitatem juxta offensæ personæ dignitatem: quia hæc veluti refluat, ac redundat in ipsam offensam: non vero augeri poenam in seipsa, sive etiam moraliter, quod a digniore persona insignitur. Profecto si poenæ valor augetur ad punientis dignitatem, jam alapa, aut quævis alia levissima poena a Principe inflicta satis esset ad reparandam injuriam gravissimam ipsi irrogatam a Plebejo: quod nulli ne in mentem quidem venit.

XIV. Primum vero communem difficultatem promovet, quæ jam a Theologis sæpius discussa, atque eliquata est. Ex quibus alii numero & auctoritate potiores respondent, peccatum quidem omne in ratione offensæ passivæ Dei esse æqualē, seu simpliciter infinitum, quia deprimit Personam infinitam: non tamen infinitum esse omnibus modis. Actio namque moralis est pluribus aliis capitibus pendet, ex quibus levior, graviorque sumitur peccatorum malitia. Unde licet præcisè injuriæ Dei ratio in peccatis quibuscumque lethali-bus æqualis sit, gravitas tamen, quæ ex objecto, circumstantiis, aliisque capitibus hauritur, potest esse inæqualis juxta objectorum, & circumstantiarum inæqualitatem. Sicut opera Christi Domini inæqualis erant meriti, ac valoris, attenta objectorum qualitate: sed omnia ex infinita Personæ dignitate, & excellentia infinitum hauriebant, ac veluti superabant valorem. Addunt etiam in ipsa injuriæ ratione quamquam infinita inæqualitatem concipi posse ex parte inferentis injuriam, qui majori mino-rive conatu eamdem inferre, ac intentare valet. Quemadmodum qui Regem de throno deturbare machinatur, & ad

vilis mancipii conditionem deprimere, omnium humanarum injuriarum maximam illi inferret. At nihilominus depreffionem eandem majore quis conatu, odio, & averfione attemperare potest, gravioſoremque adeo ex parte fui injuriarum irrogare. Sic igitur etiam quilibet lethaliter peccans infinitam irrogat Deo injuriam, dum ab eo quoad aſſectum auferit ultimi finis prerogativam: in qua gradus aliqui concipi nequeunt; poterunt tamen injuriæ eſſe in prudentium æſtimatione inæquales ex parte peccantis propter diverſitatem conatus, & averſionis, qua inferuntur.

XV. Alii vero Theologi negant quidem injuriam Deo illatam eſſe ſimpliciter infinitam, docentque ſolum eſſe infinitam *æreæ vi*, ſeu ſecundum quid. Sed ex horum etiam ſententia nullum commodum reportat Tiltoſonus. Siquidem & ipſi contendunt, ac probant peccatum lethale dignum eſſe pœna ſempiterna. Quia, inquit, peccatum mortale, cum ſit gravis offenſa Perſonæ infinite ſimpliciter excellentiæ, licet imperfecte, & inadæquate cognita, malitia inſicitur ſuperioris ordinis ad malitiam quarumcumque offenſarum contra creaturas majorum, majorumque infinitum, adeoque ex ſe meretur pœnam ſuperioris ordinis ad pœnam debitam quibuſcumque offenſis contra creaturas majoribus & majoribus in infinitum. Porro hujusmodi pœna peccato debita non poteſt eſſe niſi ſempiterna. Eam igitur peccatum mortale promeretur, ac proinde juſte illam ſupremus Juxta poteſt inſligere pro peccato.

XVI. Hinc conſentiunt omnes ad unum Theologi ad condignam pro lethali peccato ſatisfactionem oportuiſſe Divinum Verbum humanam naturam aſſumere, nec purum hominem ad æqualitatem potuiſſe ſatisfacere. Ad condignam enim ſatisfactionem neceſſe eſt ut tantus ſit valor ipſius, quanta eſt

gravitas injuriæ. Valor autem ſatisfactionis puræ creaturæ quantumvis etiam donis ſupernaturalibus ornate, nunquam adæquare valet gravitatem injuriæ divinæ. Quia valor ſatisfactionis creaturæ, cum ſit ejuſdem ordinis ac ipſa creatura, longe ſemper inferior eſt ad gravitatem offenſæ in Deum commiſſæ, quæ ad altioreſ ordinem, videlicet divinum pertinet. Quam rationem non proprio ipſi ingenio excogitarunt, ſed ab Eccleſiæ Patribus acceperunt (a), eandemque tradidit Patrum diſcipulus & interpres S. Thomas tum 3. par. q. 1. art. 2. ad 2., tum in 3. diſt. 20. quæſt. 1. art. 2., ubi hæc habet: *ad hoc, quod ſatisfactio eſſet condigna, oportebat, quod haberet virtutem infinitam: quia peccatum, pro quo ſubit ſatisfactio, infinitatem quamdam habet ex tribus: primo ex infinitate divinæ Majeſtatis, in quantum offenſa fuerat per contemptum inobedientiæ: quanto enim major eſt, in quem peccatur, tanto gravior eſt culpa &c.*

XVII. Ex hac ergo communi Patrum Theologorumque doctrina colligere pronum eſt, tantam eſſe in peccato offenſæ Dei gravitatem, ut æterna pœna puniri mereatur. Si enim tanta eſt injuria, ut nulla ſatisfactione creaturæ quantumlibet excellentis, ex æquo compenſari potuerit, ſed ad condignam ſatisfactionem oportuit, ut Unigenitus Dei Filius humanam naturam ſuſciperet, neceſſario inferendum eſt eternam mereri pœnam. Siquidem, quod ita pravum eſt, ut nullis bonis actionibus diuturno quantumvis tempore continuatis, compenſari, & exæquari valeat, procul dubio pœnam meretur quovis tempore finito prolixiorē, atque adeo ſempiternam.

XVIII. Jam vero finem attingimus hujusce libri, ac totius operis de *Futuro Impiorum Statu*. Satis mihi demonſtrare videor in primo libro exiſtentiam alicujus pœnæ impiis omnibus

in

(a) S. Auguſt. in *Enchirid.* cap. 118., S. Ambroſius lib. 6. in *Luc.* cap. ult., Sanctus Baſilius in *Psal.* 48., S. Leo Magnus ſerm. 1. de *Nativ.*, S. Cyrillus lib. de *reſt. fide*, S. Fulgentius lib. de *Incar.* cap. 4., & lib. 2. ad *Traſim.* cap. 1., Proculus Episc. in *Conc. Ephes.*, & alii.

in futura vita infligendę. Pęne hujus qualitatem accurate, quantum arbitror, descripsi in secundo libro ex clarissimis Dei oraculis in sacra Scriptura propositis, Patrumque Ecclesię doctrina. In tertio demum ejusdem pęnę durationem sempiternam ex iisdem fontibus luculentissime ostendi, palamque feci nullum suppetere sive Socinianis, sive nuperis Origenistis aut latibulum, quo sacrarum litterarum, & perpetuę traditionis Ecclesię vim effugiant, aut pęsidium, quo errorem suam tueri, vel defendere queant. Toti igitur operi coronidem impono gravissima Sancti Petri Chrysologi sententia, qua homines a lethali somno, unde opprimuntur, excitare nititur, & ad studium accendere, curamque sedulam negotii omnium maximi, in qua de summa rerum agitur, de sempiterna scilicet felicitate aut miseria. Sic ergo intimo do-

loris, & commiserationis affectu gemens inclamat S. Pater serm. 124. *Si est sub terra Tartari carcer: si est combustio ardens: si est inferus sine fine crucians: si est apparitor tristis, qui nos ad ista rapiat post sæculi labores: Quid stupemus? Ubi sumus? Quis est iste, qui nos eludit, somnus? Quæ est ista, quæ nos tenet, obliuio lethalis? Quare non omnibus contemptis evadendi a malis talibus nobis sola sit cura, ne viventes mundo, ne aliis currentes, ad tantas, tales, tam crudeles subito rapiamur pęnas? Et si est ascendendi possibilitas ad superna: si est facultas vivendi in cælestibus: si est Abrahę sinus bonis omnibus ad requiem preparatus..... Quare non celo mutamus terram? Quare non caducis emimus æterna? Quare non perituris manentia comparamus? ut & supplicia devitemus inferni; & hæc, quæ audire desideramus anguste, late videre, habere, & tenere possimus.*

Finis Tertii ac postremi Libri.

I N D E X

Rerum Notabilium, quae in hoc Opere continentur.

- A** Damus. Sententia in ipsum lata post peccatum quomodo intelligenda. pag. 213. & 214.
- E**gyptii. Horum doctrina de statu futuro vitae. 65. & 66. An Metempsychosis commentum tenebant. 66.
- E**tarnitas poenarum Inferni omnium terribilior conditio. 199. Quam eam negant, & negant, ibid. usque ad 197. Quo pacto eam oppugnet nuperi Origenistae, 196. & Sociniani, 197. Triplex vox in Hebraica lingua ad aeternitatem significandam adhibita. 198. & 199. Quoniam Graecae dictiones aeternitatem praefixi acceptam designant, 199. & seq. Judicium S. Augustini circa Graecam vocem *aevius*, quae aeternum Latine sonat, defenditur, 200. & V. Testamenti auctoritates, quae poenam damnatorum aeternam enunciant, quae poenam damnatorum aeternam enunciant, 201. & c. & 206. & seq. Auctoritates N. Testamenti, quae eandem ex-
204. & c. & 208.
- E**tarni vocabulum, dum in sacris libris de reprobatorum poena dicitur non pro diuturna, sed pro nonquam destituta duratione sumendum est. 216. Aut aeterna admitti debet damnatorum poena, aut aeterna etiam negari Beatorum gloria. 218. & c. Non admittenda reprobatorum aeterna miseria, o falsitate vindictae nequit scripturarum Auctoritas, 219. Eam praeter Christianos credere, & credunt Judaei, aliaeque plures infideles nationes, 224. & seq. Repudiare nequit eo titulo, quod cum ideis nostris minime consentiat, 229. & seq. Non pugnat cum Dei Bonitate, & Providentia, 239. & seq. Neque cum Dei Pietate & Clementia, 239. & seq. Neque cum divina Justitia, 235. & seq., quin potius eidem admodum congruit, 230. & seq.
- E**tiopeos a Gymnosophis de futura animarum forte eruditi, 67.
- E**t sic gentes quoad animarum immortalitatem, & futuram impiorum vindictam eam ceteris consentiunt, 69.
- S.** Ambrosius Archiep. Mediol. a reliquis Patribus non dissentit quoad naturam ignis Inferni, 179. difficultas ejus locus explanatur, 179. & 180. Etiam Origenes de Damnatorum salute non docuit, 231. Periplexus ipse sententia de poenarum Inferni aeternitate, ibid. & c.
- A**mericani populi animorum immortalitatem profitentur, bonorumque, ac malorum futuram retributionem, 92. 93. 94. Quin & impiorum sempiterna supplicia, 186. Americani hominis oratio ad Hispanum Praefectum habita. 92.
- A**naclastus Papa Origenis sententiam damnat de Damnatorum restitutione in viam aeternam. 262.
- A**nima rationalis. Ex absurdis veterum plurimum de ipsius natura opinionibus colligi nequit ab illis creditam fuisse mortalem. 53. conaturaliter tendit in aliquem statum perpetuum vel felicitatis, vel miseriae per amissionem meritorum. 312.
- A**nonymus Hierolinensis Theologi nimia confidentia in asserendo ferme communi Theologorum con sensu de igne Inferni metaphorico, 147. & c. Quam temere id ab ipso affirmetur, 148. Solida ejus animalverbio contra nuperos Origenistas, 190.
- A**nonymus Author *Demonstrationis restitutionis rerum omnium in Deum* Origenianae causae patrocinium suscipit, 256. in libro *Aposelypsis* praecipuum sententiae suae praesidium querit, ibid. Ejus somnia discutuntur, 257. & seq.
- A**nonymus Author *Religionis humanae essentialis* Origenistarum sententiam praepugnat de damnatorum salute, 208. Ejus responsa ad verba, a Christo prolata de Juda proditore, quam nugatoria, 226. Divino Redemptori perperam attribuit, quod soli Judo convenire potest, ibid. Eiusdem antilogiam, 227. & 291. Potissimum ipsius argumentum contra sempiternam reprobatorum miseriam diluitur, 233. & seq. Tanquam exploratum supponit quod est in agnitione, 296. Futilis ejusdem animadversio circa approbationem a Deo factam suorum operum, 297. & c.
- A**pollonius Juncus quid scribat de futuro honorum praemio, & malorum supplicio, 97. & 285.
- A**pocalypsis liber clarissima habet de igne Inferni corporis documenta, 155. & 166. & de poenarum Inferni aeternitate, 205. & 257. & c. Licet obfcurit, multa contineat, multa etiam adeo aperte tradit, ut nullum relinquant controversiae locum, 259.
- A**rcades. Descriptio loci, ac poenarum Inferni ex ipso forum relatione, 65.
- A**ristoteles Deum teneri docuit iustus & iniustus pro meritorum ratione tribuere, 48. Perperam ipsi assignatur error de animorum interitu, 76. & c.
- A**thenagoras Philosophus Christianus ex divina Providentia arguit existentiam futuri supplicii, 43. & 44.
- S.** Augustinus terribilis iudicii Dei memoria in abstractum fatetur a voluptatibus carnalibus, 1. & 2. Constantem tenuit ignem inferni verum esse, non metaphoricum, 173. & 174. Ejus expositio Graecae vocis *aevius* defenditur, 200. & 201. & c. Praeclare ipse sententia de comminationibus a Deo factis, 112. de sempiterno damnatorum supplicio, 208. & 219. De Damnatorum vita, 212. & c. De morte, quam Deus Adamo minatus est, 214. De duabus resurrectionibus a Scriptura memoratis, 258. De iustitia poenae aeternae pro temporariis peccatis inflictae, 267. & c. Injuria traditur a Petavio ac si poenae Inferni mitigandas docuerit, 266. & c. Poenam purgatoriam admittit debitori nequit, ibid. & c. Resellit, qui nonnullus ex Inferni cruciatibus tandem erudens docuerat, 240. & seq. Ejus iudicium de Origenistarum sententia quoad reprobatorum conversionem, & salutem, 264. & 265.
- A**uffer & Aquilo quo sensu in Scriptura aliquando accipiuntur.

S. Basilii Magnus Inferni ignem materiale posuit, 172. Ejus argumentum contra Origenistas, 119. Quid scribat de poenarum aeternitate, 171. &c.

271: 22.
Bellius Petrus errori recentium Origenistarum patro-
cinatur, 295. Fatetur commune esse Ecclesiarum
omnium consensum de sempiterna impiorum poe-
na, 267. Calumniiatur ordinem divinæ Providentiæ
circa rationales creaturas, 296. Ejus officium disci-
plinantur, *ibid.* &c. Deum creaturas ad æterna sup-
plicia damnantem veluti crudelem exhibet, 299.
Falsa ejusdem imaginatio, 300. Inapte argumen-
ta-
tur adversus justitiam æternæ poenæ damnatis infi-
ctæ, 316. &c.

Bonum totius Universi est finis præ cæteris intentus
a divina Providentia, 197. &c. Exigit ut nocentes
pro meritis puniantur, 202.

Bonzii apud Japonienses horrende admodum cruciatus Inferni representant, 88.

Bossuet - Benignus . Ejus expositio in Apocalypsum
laudata , 259.

Bragmanes antiqui eadem, quæ Plato fenserunt de
animæ immortalitate, & judiciis apud inferos,
64. Recentiores eamdem doctrinam retinuerunt,
89. &c. Pœnarum æternitatem profitentur, 286.
Brasilienſium de futura vitæ opinatio, 94.

C

C Afri futuram operum retributionem non ignorant. 91.

Calvinus, & alii ex ejus discipulis ignem Inferni
metaphorice exponunt, 147.

Canadenses, ac finitimi populi bonorum in alia vita felicitatem, & malorum miseriam credunt, 93, 94. &c.

Caraibæ Americani immortalitatis animorum nolitia
destituti non sunt. 93.

Catharini Ambrosii sententia de igne Inferni metaphorico a Catholicis omnibus reprobata, 146.

Chaldaei animas immortales posuerunt, easque pro
meritis vel praenio affici vel poena, 63, & 64.

Christi verba de Juda proditore expenduntur, 224.
Æternitatem pœnæ ejusdem supponunt, ibid. &c.

Quomodo dicatur Christus subiectus futurus Patri,
354. & instaurasse omnia, quæ in terris & quæ

Christiani. Nonnulli omnes Christianos ab inferis

tandem eruendos putarunt , 238. &c. Refelluntur , 239. &c. Huic opinationi nullatenus suffragantur Scripturæ , 240. Nec Divus Hieronymus , 241. &c.

S. Petrus Chrysologus. Ejus sententiam de divite in

ejus mentem de futuro animorum statu accurate
inquiritur, 82. &c. loca, quæ ex ipso obijci
sunt ibid., & 83. Animus æternus & immortalis
posuit, ibid., bonis sapientibusque futurum in
cælo constituit, ibid. Sortem malorum præturam in-
felicem censuit, 84. Impios apud inferos puniri
asseruit. ibid.

Clementia, ut virtus sit, secundum rationem esse debet, 199. Aeterna damnatorum poena non pugnat cum Dei clementia, ibid. & seq.

Clericus Joannes falso obtrudit sententiam de igne Inferni materialibus habitum fuisse, & velut adiaphoram ab Ecclesiæ Patribus, 167, & 178. Favet Nuperis Origenistis, & Socinianis, 195. Quo pacto eludat Scripturas, quæ ponunt Inferni æternitatem aperte denunciant, 228. Et immutabilitatem divini decreti de impiis puniendis, 235. Refellitur ibidem. &c.

Collinius Antonius Anglus contendit admiffa etiam
Chriftianæ Religionis veritate non effe certam po-
tinarum futurarum exiftentiam, 110. Quam futilem,
& vana fit ejus opinatio, ibid. & feq.

Conficiuntur remorlus, nomine *vermis* saepe in sacris libris exprimitur, 130. &c. triplici capite in Dam-natis oritur, 133. &c. Pulchra hujus poemae expo-sitio facta a Victore Antiocheno, 132.

Consensus omnium hominum firmissimum est pro veritatibus maxime moralibus argumentum, 32. Nonne ab alio fonte proficisci, quam ab interiore quodam naturæ testimonio, 96. & seq. Communi consensui non obest aliquorum dissensus, 102. & seq. Omnis in re consensus omnium gentium læ naturæ putandus est, 103., & seq. ex eo invicte probatur futuræ animadversionis impiis paratæ veritas, ibidem, & seq.

Creatura rationalis connaturaliter tendit in statum
perpetuum sive praeemii, sive poenae. 313. &c.

Crudelitas. Quisnam merito sævus, & crudelis cen-
seatur, 300. &c.

S. Cypriani sententiae de vero, ac reali inferiorum igne, 169. De sempiterna reproborum poena, 269. &c.

S. Cyrillus Hierosol. ex Dei iustitia omnino admit-
tendam probat futuram Impiorum vindictam, 44.
&c. Ejus testimonia de Inferni igne, 171. De poe-
narum eternitate, 271.

Cyrus Persarum Rex. Ejus verba ad filios de animorum immortalitate. 64.

D

Dæmones, licet in hac tellure, vel in aere versentur, suam semper secum deferunt damnationem, & poenam, 140. Ipsorum artificio factum est, juxta S. Basilium, ut plures poenarum aternitatem negaverint, 193., 212. &c. Eadem momenta, quæ intercludunt ipsis aditum ad salutem, intercludunt etiam reprobis hominibus. 228.

S. Jo. Damascenus cum aliis Ecclesiae Patribus conciliatus quoad naturam ignis inferni, 184. Et quoad mitigationem poenae damnatorum, ob viventium preces, quam ab ipso creditam censet Petavius. 248.

Damnati lumine cruciantur ex privatione visionis Dei,
123. Ex Beatorum glorie conspectu, 124. Ex me-
moriam voluptatum, quas in hac vita percceperunt,
125. Non æque omnes puniuntur, sed pro ratione
meritorum, 127. &c. Damnatorum societas non
minuit penam ipsorum, sed potius adauget. 122.
Pene eorumdem æternæ sunt, 202. & fæq. semper
moriuntur, quin unquam vitam finiant, 206. In-
felix ipsorum status cur *vita* non vocetur, 212.
Aditus omnis merendi, & agendi penitentiam ipso-

præclusus est, 210. & seq. Ira Dei manet super illos, 222. &c. Perpetua ipsorum exclusio a gloria beata nequit iudicari, quin & eorundem æterna pœnitentia admittatur, 234. Num saltem aliqui a sempiternis suppliciis liberandi sint, 237. & seq. Variæ de hoc veterum, recentiorumque opinioniones referuntur, 235. &c.

Damnatorum pœnæ nullam habitudinem sunt mitigationem, siue hæc per decemum, siue per intermissionem cruciatu explicetur, 244. & seq. Quam epoptisum sint opinati, ibid. His non suffragatur neque S. Augustinus, neque S. Jo. Chrysostomus, aliique Patres, 246. & seq. Pro Damnatis Ecclesia non orat, 248. Quo sensu post multos dies apud Isaiam *visitandi* dicantur, 249. &c. Sunt obfirmati in malo, 228. De peccatis pœnitent abluere averte voluntatis, 223. Causæ eorundem oblationis in malo, 228. Per peccata, quæ in Inferno committunt, proprie non merentur pœnam, quam patiuntur, 316. &c. Odiæ & blasphemias quas in Deum evomunt pertinent ad ipsam damnationis pœnam, 317. Iustitia & Providentiæ leges non exigunt ut vel convertantur, vel destruantur, ibid. &c. Quin immo congruentius in esse conservantur, ibid. Non ideo æternum puniuntur, quia æternum peccant, sed quia peccando merentur, ut tandu punirentur, quandu inordinatio maneret. hoc est in æternum, ibid. Vide V. *Æternitas*, & V. *Pœnæ*.

Damnatiois vocabulum etiam ad temporariam punitionem significandam aliquando refertur, 247. Danielis Prophætæ luculentum testimonium de æternitate pœnarum Inferni, 254. &c.

David Propheta temporali ipsorum prosperitate se valde commotum fatetur, 39. Inferni ignem discrete memorat, 150. &c. & pœnam ejusdem æternam durationem, 202. Quo fensu ipsi pronitium fuerit regnum sempiternum, 216.

Dentium fridor in Damnatis unde proveniat, 145.

Deus essentia sua virtutem amat, & approbat, virtutem autem avertitur, & odit, 5. Dei amor erga virtutem, & odium erga vitium sine voluntate efficiat & illam præmiandi, & hoc pœnitentia concipi nequeunt, 29. & seq. Aut negantur est Deum existere, aut admittendum esse Providentem rerum omnium ac præsertim humanarum, ibid. & 114. Deus in hac vita non punit impios per ratione meritum, 30. & seq. Eius existentia ex omnium gentium confessione firmissime asseritur, 52. In pœnis exigendis per delictis solius creditoris rationem non habet, 112. Dubitare minime licet, quin impiis ea sit inflictorum supplicia, quæ comminatus est, ibid. & seq. Dei privata maxima Damnatorum pœna, 123. &c. Quanquam absoluta potestate Damnatos eripere queat ab æterna pœna, id potestate ordinaria, siue ordinata præstare nequit, 229. Dei decretum de impiis perpetuo puniendis absolutum est, non mere comminatorium, ibid. & seq.

Deus pœnam æternam comminatus non fuisse, si eam julle inferre non posset, 232. Eius immutabilitas, veracitas, sapientia, ac iustitia excludunt æternæ pœnæ remissionem consilium ab Origene, 253. & seq. Quo sensu dicatur futurus *torrens ignis*, 254. Doctrinam de æterna ipsorum miseria primis parentibus revelasse credendum est, 257. &c. Non delectatur in punitione reprobatorum nec illam prout se querit, sed propter suam iustitiam, 300. &c. Punire n qui supra peccatis merentur, 306. &c. De suo bonus est, de nostro iustus, 307. Iusto infligit peccatoribus pœnam æternam, 315. &c. Non tenetur delectus omnes impedire in universo, 322. Immo neque impedire potest sine violatione boni totius Universi, ibid. &c. Magis elucet ejus bonitas, dum Damnatos in ef-

se conservat, quam si in nihilum redigat, 317. Dii Gentium homines plerumque fuerunt, 55. &c. Dionysii Cartusiani sententia de duplici resurrectione, quam facit littere memorant, 258.

Diphili Comici pulcherrima sententia de divina humanarum actionum cognitione, & impiorum punitione, 51.

Divitis Epulonis parabola ignem Inferni corporum probat, 164. ac ejus æternitatem, 230.

E

Ecclesia nunquam pro damnatis orare consuevit, 248. Origenis sententiam de Damnatorum Apocatastasi semper improbat, 261. & seq., & 266. Etiam Ecclesie Schismaticæ sententiam eandem semper damnant, ac damnant, ut Christianæ fidei contrariam, 266. &c.

Epicurus, & Epicurei negant futuram vitam siue beatam, siue miseram, 2. animam interitum obnoxiam fecere, 78. Payso apud Veteres in pretio habiti sunt, ibid. Unde ipsorum error proceffit, ibid., & 69. Impia eorum doctrina vulgo rejecta, 79. Pœnæ in ipsos a Paganorum Magistratibus decreta, ibid. &c.

S. Epiphanius Origini acriter reprobat futuram Diaboli conversionem ac salutem, 262. &c.

Evangelium frequenter memorat futuram impiorum supplicia, 105. &c. Divinæ ejus auctoritatem Deiste & Increduli non nisi imprudentissime rejiciunt, 91. & seq.

Eunomiani putant futuras pœnas ob metum duntaxat incutendum in sacris litteris denunciari, 4.

Euripidis testimonium de divina iustitia, 51. & 72.

Eusebii Sophiste de futuris suppliciis sententia, 78.

Eusebii Cæsariensis ignem Inferni corporum docet, 320. &c. & æternam ejus durationem, 281. &c.

F

Fabulæ a Poetis consilium veri significandi gratia, 69. &c.

Februa a Romanis instituta ex persuasione immortalitatis animorum, 81.

Fides sine operibus neminem salvat ab æterna damnatione, 189. Quin potius majori pœnæ dignos improbos efficit, ibid.

Frigus an inter damnatorum pœnas admittendum sit, 143. & seq. Vide V. *Pœnæ*.

S. Fulgentius verum inferorum ignem agnoscit ut Fidei dogma, 176. & sempiternum reprobatorum exitium, 265.

G

Gauri æternum Perfurum doctrinam de futura impiorum pœnis rebusciscunt, 91.

Geheron nomen per inferorum loco passim in novo Testamento usurpat, 137. Unde originem traxerit, ibid. & 138. Etiam ante Christum apud Hebræos in vulgari lingua fumebatur per Inferno, ibid. Denotat locum ubi magnus nutritur, aut continetur ignis, 134. & 165.

Gennadius tanquam delirium reputat sententiam Origene de Damnatorum conversione, & salute, 265. &c.

Gentilium placita de futura impiorum punitione, 82. usque ad 86. Plures eam sempiternam esse crediderunt, 184. & seq. Unde inter illos humilissimi doctrinæ

Christi traditio propagata fuerit, 287. Argumentum, quod inde conchitur adversum Origenistas, & Socinianos, ibid., & 289.

Græci, græcorumque sapientes persuasam habuere futuram impiorum miseriam, 69.8 usque ad 80. Et etiam sempiternam aliquorum punitionem, 284.

Græci usurpant vocem *hadis*, sive Inferni nedium pro reproborum ergastulo, sed etiam pro loco in quo piorum animæ purgandæ detinentur, 248.

S. Gregorius Magnus corpore igne reprobos cruciandos esse constanter docuit, 174. Locum ejusdem de hac re corruptus emendavit, 183. &c. mens ipsius luculenter exponitur, ibid. &c. Origenis errorem de Damnatorum Apocatastasi non est amplectus, 277. &c. Quædam ejus opera interpolata fuerunt ab Origenistis, 278.

Gregorius Hugo. Egregia ipsius doctrina de jure Retorum quoad penas reus infligendas, 211. &c. Inepta ejusdem expositio cuiusdam 18mæ textus, 232. Jure a Vitringa castigatus, ibid. Patres nonnullos Origenis sententiam de impiorum miseria aliquando deserta prædixisse falso tradit, 267. & 274. &c. Refellitur, 274. &c. Ejus judicium de penis, quæ reis irrogantur, 265.

Guineenses populi vita sanctis in alium mundum migrare credunt, 92.

H

Hædus Tartarum impiorum locum in terræ profundo collocat, 70.

S. Hieronymus injuria creditur probasse sententiam de igne Inferni metaphisico, 173. Purgatur a suspitione quod omnes Christianos a sempiterno exitio denum liberandos docuerit, 241. &c. Plura scriptis in Commentariis ex aliorum sententia non approbando, sed tantum referendo, 242. Duplex peccatorum classis ad ejus mentem, ibid. & 243. Origenem in pluribus errasse præstat, 263 ac præsertim quoad futuram damnatorum salutem, ibid. & 264.

S. Hilarii sententiæ de igne Inferni, 171. De pœnarum æternitate, 171.

Homerus sæpe meminit futuri impiorum cruciatus, 70.

Hæc Daniel perperam S. Ambrosium his accenset qui ignem Inferni metaphisice exponunt, 179. Gregorii Nysseni mentem quoad idem argumentum affectus non est, 182. A. Augustini judicio quoad significatum Græcæ vocis *æonius* immerito recedit, 200. &c. S. S. Justiniani, & Irenæi erroris Origenis de Inferni pœnarum termino fuisse falso tradit, 274. &c.

I

I Amblicii Platonici egregia de futura vita sententia, 72.

Japonienses inferorum tormenta horrendè admodum describunt, 88. Varia ipsorum de futura vita opinioniones, ibid.

Ignis præcipuum diviniæ Justitiæ instrumentum ad impios in futura vita puniendos, 145. Quinam illum tropice explicandum esse censuerunt, 246. Nedium Romana Ecclesia, sed alii etiam ab ipsa Schismate sejunctæ verum, ac realem esse crediderunt, & credunt, 147. & 148. Scripturæ Sacra loca, quæ de igne Inferni mentionem faciunt collectim proposita, 146. &c. que ad 155. Juxta saniores criticæ, & hermeneuticæ regulas hujusmodi loca in sensu literali, & proprio intelligenda sunt, 156. usque ad 165. Idem evidenter constat ex examine præcipuorum textuum, qui de igne Inferni loquuntur, 166. & seq. Nonnulli verum ignem insinuant, loca plura, quæ exstant in V. Testamento, 160. &c. Senium metaphoriarum penitus excludunt, quæ Christus enunciat de igne, ad quem reprobos damnaturus est in finali judicio, 162. &c. Sicut & Gehennæ vocabulum, quod frequenter adhibet, 164. &c. & parabola de Divite inter flammam cruciato, 165. Verum ignem adstruunt plura libri Apocalypsis testimonia, 165. ac perperam Patrum, & Ecclesiæ traditio, 167. usque ad 178. Elegans Inferni ignis pictura ex Cypriano, & Lactantio Firmiano, 169.

Ignis nomen in sacris libris tropice nonnunquam adhibuit haud probat ita quoque adhiberi, ubi de igne Inferni sermo est, 186. &c. Neque idem colligi valet ex metaphorarum ad conscientias cruciatum designandum usurpata, 187. &c. Inferni ignis ejusdem est cum igne nostre nature, sed differt proprietatibus, 189. Quenam probabiliter sit ipsius materia, ibid. Nedium corpora, sed & incorporeas substantias torquere potest, ac torquet, ibid. &c. Quo pacto intelligi valet ut in spiritus agat, ibid. & 189. aut corpora vehementissime torquet citra eorum dissolutionem, 190. & 191. Et damnatos inæqualiter cruciet, 191. & 192. Vide V. *Gehenna*, *Infernus*, *Pœna*.

Ignis Sodome & Gomorrhæ cur a S. Juda dicatur æternus, 105. & 217.

Impii in hac vita plerumque bonis temporalibus affluunt, 26. Quinam *impii*, quinam simpliciter *peccatores* dicantur ad mentem S. Hieronymi, 242.

Increduli quare abnuunt veritatem futuræ pœnæ impiis paratæ, 3. &c. Formidinem justitiæ divinæ vindictis nunquam omnino exuunt, 102. Evangelii auctoritatem insipienter repudiant, 109. & seq. De arcanis Christiæ Religionis mysteriis viliigare solent, omnis credibilitatis eorumdem fundamentis, 108. &c. Non elegantes & culti spiritus, sed teroces, insipientes, ac fatui jure omni dicendi sunt, 110. Etiam si solum dubia foret futura impiorum pœna, eam solidissime contemnerent, 117. &c.

Indi veteres quoad futurum animorum statum cum Platonis doctrina concordēs, 64. Quid de eodem sentiant recentiores, 89. Xachæ doctrinās passim amplectuntur, ibid. & 90.

Infernus certus quidam, ac definitus locus est, 135. seq. Nomina, quibus in sacris libris appellari consuevit, 136. Locus est tenebrosus, 141. & seq. Angustus ob Damnatorem præsertim multitudinem, 142. An in eo frigus sit præter alia tormenta haud concursus Patrum Theologorumque opinio, 143. Utriusque sententiæ affirmantis, & negantis fundamenta, ibid. & 144. Nihil esse videtur in sacris litteris unde frigus in eo existeret solide probetur, 144. & seq. Vide V. *Damnati*, V. *ignis* V. *æternitas*. V. *pæna*.

Jobi sententiæ de igne Inferni, 150. &c., & 160. De æterna impiorum punitione, 161., & 166. & seq.

S. Irenæus. Ejus sententiæ de igne Inferni, 168. Impiorum miseriam nunquam desitutam proficitur, 168. & 176. A quorundam calumniis vindicatur, 175. &c.

Jacobi testimonio de igne Inferni, 151. &c. & 160.

Julus proditor. Cur ei dictum sit a Christo, *bonum erat ei, si natus non fuisset*, 234. Falsa foret Christi locutio, si aliquando in vitam æternam restituendus esset, ut garriunt Origenistæ, ibid. &c. Æterna Judæ punitione admitta, æterna quoque admitti debet aliorum damnatorum pœna, 227.

Judei, qui Christi adventum subsecuti sunt, dogma de futuro impiorum supplicio, nemine discrepante, firmiter tenuerunt, 26. &c. Quid sentiant aliqui de Judæis vetustioribus, 37. Hi quoque in eadem persequutione semper existerunt, ibid. & seq. Solvitur adversariorum argumentum ex Mosaica lege de promptum, 59., & 60. Sicut illud, quod ex Ecclesiæ textu, & Sadduceis accessit, 61., & 62.

Novitii Judæi quoad futuram vitam cum Christianis dogmate in pluribus consentiunt, 86. Verum realiterque admittunt ignem in Inferno, 148 & seq. sempiternam impiorum punitionem, 183. &c.

Judicii extremi sententia in reprobus ferenda ignem Inferni verum ac realem luculenter asseruit, 161., & 163. &c. & ponarum æternitatem, 161., & 163. Frustra eam eludere nisi sunt veteres Origenistæ, 205. In sensu naturali & obvio intelligenda est, 163. &c., & 213. Absoluta est, non nunc comminatoria, 230. Post diem judicii non erit amplius merendi, vel demerendi tempus, 303. &c.

Justinianus Imperator. Ejus epistola ad Menam adversus Origenem ab Ecclesiâ probata, 262.

S. Justinus Martyr quid scribat de ignem Inferni, 167. Æternas damnatorum pœnas constanter docuit, 267. Injuria trahitur in suspitionem erroris Origeniani de reproborum salute, ibid. & 275.

Jus puniendi in Rectore Communitatis non est jus absoluti Domini, sed solum crediti, 111. &c.

Justitia unicuique tribuit, quod ipsi debetur, 306. Justitiam, quod inter Dei Bonitatem & Justitiam versatur, ibid. Cur veritas in Scripturis sæpe nominetur, ibid. Exigit ut pœna commetur culpæ, 305. &c. Ut ejus ordo servetur necesse est, ut tantum peccator deprimatur per pœnam, quantum ad veris ordinem insurgit per culpam, 314. Justitiæ & Providentiæ divinæ leges non possunt, ut reprobi vel destruantur, vel convertantur, 317. Diversa ratio humane, ac divinæ justitiæ in puniendis delictis, 318. Vide V. *æternitas*, V. *pæna*.

Juvenalis Poeta vindicatus a calumniis ipsi impositis, quoad futura supplicia negaverit, 85. &c.

I.

Legumilatores humani non extorgerunt opinionem de futura Impiorum miseria, ut subditis in officio continentur, 98. &c. etiam si eam extorgerent, hominibus tamen sperare minime potuissent, si insitis a natura notionibus non consentiret, 99. & seq.

Lex Mosaica sub figuris, ac typis rerum temporalium præsignabat bonæ vel malæ vite futuræ, 59. Quo sensu ejus cæremoniæ in sacris libris æternæ dicantur, 216. &c.

Lequienius Michael falso credit a S. Jo. Damasceno negatum fuisse ignem Inferni proprium, ac materialem esse, 184. &c.

Libertas arbitrii a Deo homini concessa non diminuit rationem culpæ, sed potius augeat, 222.

Libarii gentes Manes Deos esse putabant, eosque consuebant, 67.

Lokius Joannes in Socinianorum placita concedit de futura Impiorum sorte, 196. Præcipuum ejus argumentum quam futile vanumque sit, 213. Perperam explicat verba sententiæ in Adamum a Deo late, ibid. & seq.

Lutherani quinam recentium Origenistarum errorem amplexi sunt, 195. quinam illum impugnaverint, 196.

M

Magi summa potiebantur in Perfidie, & Mediæ auctoritate, 64. Zoroastri doctrinam quoad futuram animi conditionem secuti sunt, ibid.

Mahumedis & Mahumedanorum de vita futura placita, 86., & 87. Verum ignem admittunt in Inferno, 149., & sempiternam Impiorum punitionem, 184.

Malabarum fides de futura vita, 90.

Martyres consideratione ignis Inferni se se excusabant ad strenue perferenda Tyrannorum supplicia, 167., 170., & 171., maximeque ejusdem æternitatis, 270. &c.

Mens humana insitam habet ideam sive prænotionem honestatis, & malitiæ, virtutis, & vitii, 3.

Mercurius Trismegistus docuit animam a corpore digressam redditorum esse rationem omnium, quæ in corpore gesserit, 65.

Methempsychosim nonnulli ab Ægyptiis creditam fuisse perhibent, 66. & a Celtis, & Gallis, 68. abque fundamento a Pythagora invecita creditur, 72. Unde verosimilius originem traxerit, 74. Qui hanc probant, probantque, res ipsa non dissentiant a doctrina de futura impiorum miseria, ibid. Idem vitam simul ad Manes constituerunt, 75.

Mexicanorum, & Peruanorum de animæ immortalitate, & futuro statu doctrina, 92.

Misericordiæ opera impios ab æterno exitio non liberant, qui vita in melius non commutata decedunt, 240. &c.

Mortis, interitus, ac perditionis nomina quo sensu a sacris litteris adhibita ad futuram impiorum miseriam designandam, 211. &c. Cur miseri Damnatorum vita mors potius appetatur, 215. &c. Quid veniat nomine mortis in sententia a Deo late in Adamum, 213., & 214. Mos quadruplex juxta S. Angustinum, 214. Mors novissima quando destruetur,

tur, 333. Mors prima, & secunda, de qua sermo in Apocalypsi quoniam, 338., & 360.

N

Naturæ judicia temporum diuturnitate non de-
lenter, 95, & 100. Nonnisi a testimonio na-
turæ perfecta est omnium hominum firma consen-
sus de animæ immortalitate, cuiusque futuro statu
beato, vel misero, 96, &c. Naturæ testimonium
nunquam fallax, 103, & 104.
Naturale desiderium erga finem necessario exigit po-
tentiam consequendi finem, non autem actualement
finis consecutionem, 334.

Ninivum. Prophetia à Jona facta de illorum subver-
sione conditionata fuit, 331., &c. Quamquam con-
ditio expressa non fuerit, facile tamen ex circum-
stantiis subintelligitur, 333, & 336. Quia Ninivæ
penitentiam egerunt, minus in verbis sibi curave-
runt, 332. Nullum ex factis eorumdem præsidium
arcescere sibi possunt superi Origenis, ibid. &c.

O

Opinionum commenta diu non subsistunt, nec ab
omnibus probantur, 100.

Origenes Adamantius primus creditur, qui Inferni
ignem in sensu tropico explicaverit, 146. Ab hoc
errore, plures cum vincant, ibid. &c. Principes
omnium, qui deserta aliquando consueverunt repro-
bationum supplicia, 193. Hunc errorem reipsa docuif-
se negari jure nequit, ibid. Quibus Scripturæ tex-
tus præsertim illos est in sui erroris præsidium,
333, & 331. Ob hunc errorem ab universa Eccle-
sia damnatus, 261. &c. Nonnulli ex antiquis ejus
opinionem secuti sunt, 193, & seq.

Origenis nuperi quidam dicantur, 194. &c. Orige-
nis Apocastasiis inflaturæ adinuntur, 195. &c. Quo
pacto suam sententiam exponant, 196. Nomen
æterni de poena reproborum dictum perpetuum pro
diuturna solum duratione accipiunt, 315, & seq.
Deum Bestorum gloriam sempiternam concedunt,
necesse est ut sempiterna quoque admittant Damna-
torum supplicia, 318. &c. Peculiare quorumdam
effugium proponitur, & præcluditur à 336. usque
ad 337. Scripturæ textus, quos opponunt adversus
æternitatem poenarum, 331. &c. Quibus tamen &
ipsi parum deservant, 333. Ad rationis humane tri-
bunal causam de poenarum æternitate temere o-
vacant, 338. &c. Eam divinæ revelationi recipere præ-
ponere convinctur, 339., & 341. Argumenta,
quæ ex humana ratione pronunt adversus poenarum
æternitatem eum eorundem solutione à 337.
usque ad 335. Vide V. æternitas.

Orosii commemoratorum ad S. Augustinum de Orige-
nistarum quorundam erroribus, 264.

Orphæus, & Musæus impios & sceleratos in carump
quoddam infodiant in inferis, 72.

Parabola de Divite inter flammam æsfluente sa-
vet sententiam de igne Inferni corporeo, tametsi
in ea plura sint, quæ non nisi metapharice accipi
possunt, 165. &c.

Patres Ecclesie unanimi consensu testimonium perhi-
bent de vero, ac proprie dicto inferorum igne à
169. usque ad 178. ac de nunquam deditur impio-
rum supplicia à 167. usque ad 274.

Paulus Apostolus quo sensu scripserit Deum conclusi-
se omnes in infidelitate, ut misereatur omnium,
231. Textus, quo præsertim adnotatur Origenis
in sui erroris patrociniis, 251. Legitima ejusdem
expositio, 332. &c.

Peccatum poenam meretur, 312. Oportet ut inter
peccatum & poenam sit æqualitas, 302. & seq. Ut
poena peccati justa sit, æquari non debet durationi
ejusdem, 307. Duplex peccati genus, alterum quod
veniale, alterum quod appellatur mortale, 309. Du-
plici huic peccato duplex longe dispar poena re-
spondet, veniale nempe temporaria, mortali æterna,
309., & 310. In quo consistat diversitas utriusque peccati
ratio, 310. Peccatum mortale quam iuste perpetua
poena damni, sive privativa puniatur, ibid. & 311.
Quam iuste etiam puniatur perpetua poena sensus,
sive positiva, 312. & seq. Ex eo inducit reatum
poenæ, quod pervertit ordinem, 313. &c. Quomo-
do ordinem pervertat, 314. Perverio ordinis, quam
includit, de se irreparabilis est, ibid. &c. Hæc per
gratiam Dei in hac vita reparari valeat, 315.

Peccatum offensæ Dei proprie dictæ habet continet,
319. & seq. Deo opponitur, & ut supremo Legisla-
tori, & ut supremo ultimo fini, 330., ac etiam
ut summo sancto, ut summo bono, ut Judici, ut
Telli, ut Benefactori, 321. Quamvis committatur
Deo non impediens, non tamen committitur
Deo volente, 322. Offensæ Deo per peccatum
illata est gravitatis immitis, ibid. &c. Quo pacto
peccata sint inæqualia, quamquam in ratione of-
fensæ Dei sint infinita, 323. &c. Necesse fuit divi-
num verbum humanam naturam assumere ad con-
dignam pro peccato satisfactionem, 324. & seq.
Vide V. justitia V. æternitas.

Plato futuram iustorum, iniustorumque retributionem
ex divina Providentia, & bonitate arguit, 48. &
49. Eundem luculentius adducit in Phædon, 75.
Vindicat ipsius doctrinæ, 76. Temporariam alio-
rum, aliorum autem æternam punitionem docet,
325. &c.

Pythagoras animam posuit immortalem ac divinæ
mentis propaginem, 72. futura premis ac supplicia
statuit, ibid. Sum doctrinæ sectatores plures habuit,
72. Verosimilius est Metempsychosis commentum
assuetum ipsi fuisse, 73.

Plutarchus idem asserit esse de divina Providentia,
ac de animarum immortalitate iudicium, nec alter
modum posse dogma relinquere, altero sublati, 49.
& 50. Ejus narratio de Thesepio quodam redivi-
vo, 50.

Poenæ futuræ dogma ex Dei sanctitate, iustitia, &
Providentia invictè probatur, 20. & seq. Hoc ar-
gumento sapientiores inter gentiles Philosophos de
futura impiorum poena convicti sunt, 47. In ea po-
nenda nationes omnes tum veteres, tum recentes con-
veniunt, 54. usque ad 94. Firmissimum est ad eam
adstruendam, quod ex hac confessione promittitur,
argumentum, 95. & seq. Quam laeso humanæ pe-
T t a

lii.

licite a quibusdam tribuatur, **98.** & seq. Futura poena persuasio Republicæ, civilisque societatis conservationi admodum utilis, **99.** si mendacis niteretur, nec ab omnibus probari, nec diu consistere potuisset, **100.** &c. Frequenter in Evangelio, aliisque sacris libris inculcatur, **104.** &c. Etiam nulla lex poenam expressit, sed, naturaliter actus humanus prava poenam meretur, **113.**

Pœna impiorum vite futuræ ex Dei verbo maxime definienda, **119.** &c. Absona earundem a quibusdam confecta descriptio, **120.** Visiones ac revelationes de poenis Inferni quo sensu plerumque accipiendæ sunt, **121.** &c. Poena *damni*, quo impii in altera vita puniuntur, in quo consistat, **122.** &c. Quomodo eam designant Judæi, ac Mahumedani, *ibid.* Eam sæpe memorant sacre litteræ, **123.** Equitas, ac magnitudo hujusce poenæ, *ibid.* &c. Eam poenis aliis quibusvisque præferunt Ecclesiæ Patres, *ibid.* &c. Eandem in Damnis aggravat Beatorum gloriæ conspectus, **124.** Præter poenam *damni* admittenda sunt etiam poenæ *sensus*, quibus impii plectantur, **125.** Hæc longe acerbiores sunt quibuslibet hujus vite tormentis, **126.** &c. In quo consistat poena *vermis*, *ibid.* &c. In quo consistat poena *vermis*, *ibid.* &c. De poena ignis, **146.** usque ad **192.** Poenarum Inferni æternitatis circumstantia omnium terribilior, **193.** &c. Poenam, quæ iusta indigni non potest, nec minitari licet, a **221.** Poenæ æternæ remissio pugnat cum præcipuis Dei perfectionibus; **222.** & seq. Reprobatorum poenæ æternæ finem, sed neque mitigationem aliquam habituræ sunt, **268.** & seq. Poenæ non semper sunt medicinales, **300.** & seq. In ter culpam & poenam æqualitas inveniri debet, **305.** & seq. Ut poena iusta sit, æquari non debet durationis culpa, **307.** &c. Poenæ debitum in Damnis per *passivissimam* extingui nequit, **318.** &c. Vide *V. æternitatis*, *V. ignis*, *V. iustitiae*, *V. peccatorum*.

Pœnitentiæ locus non est post vitam præsentem, **310.** &c. Quinam facere dicuntur fructus dignos pœnitentiæ, **320.** &c.

Pœnarum testimonio de futuris impiorum suppliciis contineri non debent, quin potius magni pendii, **46.** In quibus Poetæ fere omnes tum Græci, tum Latini consentiant quoad alterius vite statum, **70.** Quamnam communem notionem adseverint ex poetis licentia, **73.** Eorumdem plurimum de futura vite testimonio, **70.**, & **80.** ponatur in iustorum poenâ, **71.** &c.

Pœnam. Si futurum iustorum præmium ponitur, consequens est ut & iustorum poenâ, **71.** &c.

Providentiæ in Deo nequit intelligi non admisso bonorum præmio, & malorum supplicio, **33.** & seq. a Deo non exigit ut omnes rationales creaturæ nem beatitudinis consequantur, ad quem ceteroqui consistit *functio*, **294.** & **295.** Bonum totius Universi præ ceteris incendit, **297.** Non est æternæ hominum salutis adeo addicta, ut hanc omnes, aut in primis respiciat, **298.** Saviter disposuit, ut in hæc mortali vita inordinato a peccato insoluto per gratiam removeretur, non autem in futura, **315.**

Prædictus ratio exigit ut in rebus præsertim magni momenti tiores viam eligamus, **417.** Adversus illam evidenter peccant Increduli, **429.**, & **436.** &c.

Prudenti Poetæ Christiani verba de mitigatione poenarum Inferni quomodo intelligenda, **245.** & **248.**

Purgatorium Græci Schismatici nomine negant, at cum Patribus re affirmant, **248.** Pro levibus culpis

ponendis admittendum omnino est, **304.** & **310.** Pylaricus Portarum Lyricorum Princeps quo pacto representet futuram bonorum felicitatem, & impiorum miseriam, **71.** &c.

R

Ratio humana quamplurima non attingit in rebus naturalibus alioquin cortissima, **290.** multo magis inepta est ad iudicium ferendum de rebus supernaturalibus, *ibid.*, & **291.** Subijci debet divina revelationi, **292.**

Reparati Visio poenarum vite futuræ quo pacto a S. Gregorio Mag. exposita, **121.**

Republica subistere nequit, si in ea nec præmia extent ulla pro recte factis, nec supplicia pro flagitiis, **34.** & **70.** Persuasio hominum de futura impiorum miseria Republicæ utilis, immo necessaria, **99.** &c.

Restitutio in integrum Damnatorum omnium ab Originis confecta, **194.** Tempora restitutionis omnium apud S. Petrum quæramus, **295.** &c.

Resurrectio duplex, de qua mentio fit in Apocalypsi, quomodo explicanda, **258.** &c.

Roches Franciscus Theologus Genevensis quorundam exilimant duntaxat insignitur impios poenis *sanctis* five afflictivis puniendis in Inferno, **128.** Eius opinio refutata, **129.** &c. Propendit in eorum placitum, qui reprobatorum poenas mitigandas putant, **168.** Optime ejus animadversiones in quemdam Origenistam, **291.**

Romani quam constiter futuram impiorum ultionem crediderint, **80.** & seq. aliquorum punitionem æternam posuerunt, **281.** &c.

Ruffinus Aqueleus amoliri a se studet suspensionem Originiani erroris quoad Damnatorum salutem, **264.**

Ruifich Hermannus igni realitatis ob inferos negat, **2.**

S

S Adducit a quo, & quo tempore originem sumserint, a. Eorum errores de futura vita, *ibid.* fauci admodum fieri cum cæteris Judæis comparati, *ea.* Unde ad vitam futuram negantiam adducti sint, *ibid.* &c. Nihil eis eorum sententia inter iustos agebatur, *ibid.*

Salustius Historicus animæ immortalitatem, & bonorum præmia deprædicat, **81.**

Salustius Philophilus quid scribat de futuris impiorum tormentis, **76.**

Sarcolum quid in primitiva sua significatione designet, **109.** Quam significationem habet in sacris litteris, **200.**

Scipio Africanus Pithagoræ quoad futuram animæ sortem constanter adhaerit, **81.**

Scribæ, aliique Aethiopes gentes tum præmia; tum supplicia post mortem crediderunt, **67.**

Seneca Moralis. Eius testimonium de hominum consensu quoad animæ immortalitatem, **24.** Perperam ab aliquibus traductus veluti hæc consensio repugnat, **24.** Plures ejus sententiæ, quæ evidenter sit & antiquorum immortalitatem, & futuram vitam beatam, vel miseriam credidisse, *ibid.*, & **81.**

Sextus Empiricus de inferis, sicut a Diis omnes homines notionem habere testatur, **24.**

Scripturæ Sacre locutiones in sensu tropico ad arbitrium non sunt accipiendæ, **356.** Quamnam regulam servandam ut sensus proprius ac nativus a metaphorico intermascatur, **417.** & seq. Qui Scripturæ de igne inferni locutiones tropice interpretantur,

antur, eam ab erroris, aut mendacii nota con-
grue vindicare non possunt, 166. Varie ejus di-
ctiones ad aternitatem significant laus laibite, 197.
& seq. V. Testamenti fœderis, que Inferni
ignem alunt, 190. usque ad 193. Et poena-
rum ejusdem aternam durationem, 202. & seq.
Sententia M. Testamenti, quæ veritates eadem
luculentius enunciant, 193. & seq. & 204. &
208. &c. Et quæ spatium ponitendi Damna-
tis, 221. &c.

Silentes caelestem beatitudinem, & tartareos ignes
in dogmatis habent, 90.

Sineses de animarum immortalitate non dubitant,
87. Impios in obitu carceribus cruciandos cre-
dunt, ibid. & 88. Athei quidam inter ipsos, ibid.
Socrates Deum agnovit rerum omnium conditorem
causam, maximeque humanarum Providentem, 47.
& animæ immortalitatem, 73.

Sophocles. Eius carmina de futura bonorum, malo-
rumque sorte, 71.

Sociniani dogma de aeterno, impiorum cruciati
inficiantur, 195. Quo pacto impios aeternum
puniri affirmant, 197. Quil reponere soleant
ad Scripturarum textus, qui poenarum Inter-
ni aternitatem enunciant, 209. Eorum respon-
si perabsurdi, ac tum naturali lumini, tum
sacris oraculis manifeste repugnantes, ibid. &c. To-
tum evertitur eorumdem systema de poena im-
piorum, 210. &c. Frustra illud erigere conantur
Sociniani recentiores novo adjecto temperamento,
210. & 211. Præcipuum eorumdem argumentum
ex Scriptura contra poenarum aternitatem eviden-
ter solutum, 219. &c.

Status *vivæ* & flatus *vermis* quoad rationales crea-
turas omnino concedendus est, 303.

Stoici horrendis tenebris, ac terribi voraginibus im-
pios damnabant, 77. &c. & 82. animas solius
duraturas igne ad Universi conflagrationem cen-
suerunt, 78.

T

T Artarorum de alterius vite statu sententia, 90.
Tempus vite præsentis est tempus gratiæ, mi-
sericordiæ, ac salutis: futura vero tempus retribu-
tionis bonorum malorumque operum, 210. & seq.
Damna-
tis nullum amplius penitendi, ac salutem
operandi tempus concessum est, 221. &c. & 221.

Tenebræ in Inferno sunt, 141. Harum descriptio
facta a S. Job, ibid. & 142. maligno quodam lu-
mine fuit intermixta, ibid.

Terullianus sententiam de reali inferorum igne, 148.
De sempiterna Damna-
torum poena, 148.

Thales Milesius animam immortalē docuit, 75.
Deumque omnia cernere etiam occultissima, ibid.

S. Theophilus Antiochenus verum ignem in Inferno
statuit, 167. &c. & aeternam reprobatorum calamita-
tem, 268.

Theophilus Patriarcha Alexand. Synodum cogit ad-
versus errores Origenis, 261. Damna-
tis ejus senten-
tiam de reprobatorum Apocatastasi, 262. Judi-
cium Synodi ab ipso coactis ab universa Eccle-
sia probatum, ibid.

S. Thomas Aquinas. Præclara ejus documenta de
aquate & magnitudine poenæ Damna-
tis reprobis ponitur, 193. &c. De aquitate poenæ
sensu, 126. De Damna-
torum verme, 133. De loco Inferni, 141. De igne Gehennæ,
177. De ordinatione creaturarum rationalium in

aeternam beatitudinem, 191. & 195. De libero
arbitrio iisdem a divina Providentia concessio, 206.
&c. De fine, quem Deus in suis affectionibus
præfinit intendit, 198. De poena aeterna,
qua Damna-
tis indigitur, 202. &c. De obstina-
tione reprobatorum in malo, 204. De poena
tum veniali, tum mortali peccato debita,
209. &c. De inordinatione irreparabili per le-
thalem culpam inducta, 213. &c. De confeg-
ratione creaturarum in esse, 216. De gravi-
tate infinita offensæ Deo per peccatum illatæ,
219. Præcipua recessus Origenistarum argu-
menta adversus poenarum aternitatem jam ab
ipso propo-
sita, ac soluta, 224. &c. & 228. & 230. Quæ-
stiones egregie ejusdem præ-
tationes, quibus æquitas aeternæ poenæ pro pec-
catis inflicta ostenditur, 222. usque ad 232.

Thrace qui dederat de futura vita, 65.

Tiberii Imperatoris Epistola ad Romanum Sena-
tum, 212.

Tillotsonus Anglus in recentium Originistarum
opinationem propendit, 196. Quo pacto claudit
Scripturarum textus de poenarum Inferni aterni-
tate, 228. & 231. Exemplum prophetiæ de Ni-
nivitis sui sententiam non fœvit, 231. Perpetram
admitti posse arbitratur perpetuam reprobatorum
exclusionem a gloria, qui admittitur poenæ
eorundem poena, 234. Frustra nititur eleva-
re fundamenta, quibus æquitas aeternæ poenæ
emprobatur, 232. & 233. &c. Eius argu-
tationes adversus infinitam peccati gravitatem
quam ineptæ, 233.

Timor futuræ poenæ quam efficacem ad continen-
dos homines in officio, 1. &c. quam falsos hu-
manæ politiciæ inventioni a Deo tribuatur,
98. & seq.

Titus Imperator viri fortibus locum inter fœderæ,
ignavis subterraneas tenebras denunciat, 82.

Tophet locus erat prope Hierosolimam in valle
filiorum Sion, 137. In hac Judæi idololatras fi-
lios suos suffrabant per ignem, 138. Sub hu-
jus loci emblemate fœias describit damnatorum
carcerem, ibid. & 132.

V

V Eracitas quid exigit, 225. Vemietas Dei salvari
nequit non admittit Inferni igne proprie di-
cto, 187. & aeternæ reprobatorum animadversione,
225. & 226.

Vernis nomine, quo cruciandi dicuntur Damna-
tis que poena intelligatur, 190. & seq. Patres
nonnulli in obvio sensu de animalium quodam
mordente sustinendum putarunt, 221. Longe
communior, & probabilior est aliorum sen-
tentia, qui illum in sensu tropico exponunt
pro conscientie cruciati, 221. & 222. Plura affe-
runt in hujus intelligentiæ confirmationem,
223. Causæ, unde in Damna-
tis oritur vehe-
mens angor conscientie, 224. ex metaphora
vermis alii hunc cruciatiorem significandum adhi-
bita colligi nequit etiam *vermis* vocabulum sumi
posse in sensu metaphorico, 187. &c.

Vetus Romana de futura retributione verba ad fi-
lium Coriolanum, 81.

Ubiquitarum stunda de Inferni loco sententia, 136.
Refellitur, ibid.

Virginis populi bonorum, malorumque retributi-
onem persuasam habent, 96. exempla que profe-
runt in hujus confirmationem, 97.

Visiones, & revelationes de penis Inferni quo sensu
plerumque intelligendæ, 121.

Visitatio Dei non pro visitatione gratiæ & clementiæ
sed iræ ac Judicii apud Isaiam sæpius accipitur,
249, &c.

Vitrinæ Campeii commentarius in librum Isaiæ,
151, 152, 208, 250, &c.

Voluntas in divina Judicio pro facto computatur,
311.

Voluptatum terrenarum amor præcipua causa cur ab
sacerdotalibus futura supplicia denegentur, 5, &c.

Z

Zaleuci Locrensis de exitu vitæ pulchra sententia,
65.

Zeno Cittienfis Stoicorum Princeps, animas immor-
tales posuit, & inferorum penas, 77.

Zoroaster quo tempore floruerit, 62. Ejus doctrinæ
quoad futuram vitam summa capita, 63. æternam
impiorum penam docuit, 286.





E R R A T A

pag. 5 lin. 9 rigore
 p. 8 l. 41 perfectio
 p. 12 l. 12 officiis
 p. 13 l. 55 de veritate
 p. 20 l. 11 ponunt
 p. 24 l. 54 liberos
 p. 62 l. 48 ne
 p. 75 l. 25 ne
 p. 78 l. 4 mansuræ
 p. 87 l. 1 scelestissima
 p. 146 l. 3 paratis
 l. 33 ne multi
 p. 154 l. 8. agentes
 p. 161 l. 13 flatus
 p. 217 l. 13 quæ
 p. 258 l. 40 alter
 p. 267 l. 45 Arnophilum
 l. 46 Theobium
 p. 287 l. 54 eligat
 p. 289 l. 46 plura in rebus

C O R R I G E

mœrore
 profecto
 officiis
 de virtute
 ponant
 libero
 ne
 ne
 mansuras
 scelestissimi
 parati
 nec multi
 agentibus
 flatu
 quas
 aliter
 Theophilum
 Arnobium
 eligas
 plura esse in rebus







250



